

M  $\frac{136}{1}$

T. 15

1863



34 M 136  
9 T  
ор 80-83  
9672-2

**ПОЛНОЕ СОБРАНИЕ**

# **РУССКИХЪ ЛѢТОПИСЕЙ,**

ИЗДАННОЕ

ПО ВЫСОЧАЙШЕМУ ПОВЕЛѢНІЮ

**АРХЕОГРАФИЧЕСКОЮ КОММИССІЕЮ.**

==

ТОМЪ ПЯТНАДЦАТЫЙ.

ЛѢТОПИСНЫЙ СБОРНИКЪ, ИМЕНУЕМЫЙ ТВЕРСКОЮ ЛѢТОПИСЬЮ.

Санктпетербургъ.

—  
ВЪ ТИПОГРАФІИ ЛЕОНИДА ДЕМИСА.

—  
1863.



ИЗДАНИЕ АРХЕОГРАФИЧЕСКОЙ КОММИССИИ.



2007041860



## ОГЛАВЛЕНІЕ.

---

### XV. Лѣтописный Сборникъ, именуемый Тверскою Лѣтописью.

Предисловіе къ Лѣтописному Сборнику, именуемому Тверскою Лѣтописью Стр.  
V

*Таблица снимковъ.*

I	Хронографъ, глаголемый Лѣтописецъ Русскій. . . . .	<span style="float: right;">Столб. I</span>
II.	Книга, глаголемая Хронографъ, иже зовется по русски Лѣтописецъ, въ ней же повѣсти древнихъ лѣтъ о началѣ Русскія земли . . .	<span style="float: right;">16</span>
III.	Временникъ Софійскій, иже глаголется Лѣтописецъ Русскихъ князей.	<span style="float: right;">26</span>
IV.	Лѣтописецъ Тверскаго княженія. . . . .	<span style="float: right;">463</span>

---



ЛѢТОПИСНЫЙ СБОРНИКЪ,

ИМЕНУЕМЫЙ

**ТВЕРСКОЮ ЛѢТОПИСЬЮ.**



Лѣтописный Сборникъ, именуемый Тверскою Лѣтописью, составленъ въ 1534-мъ году, Ростовскимъ селяниномъ, не получившимъ школьнаго образованія, какъ все это видно изъ слѣдующихъ мѣстъ Сборника: нынѣ же азъ начахъ переписывати сіе въ лѣто 7042 (\*) (столб. 108); . . . . не бо бѣхъ Кіанинъ родомъ, ни Новаграда, ни Владимира, но отъ веси Ростовскихъ областей (столб. 142); . . . . не имамъ бо многыя памяти, ни научихся дохторскому наказанію, еже съчиняти повѣсти и украшати премудрыми словесы, якоже обычай имуть риторы (столб. 142).

Материалами при составленіи Сборника, въ которомъ описаніе событій оканчивается 7007 (1499) годомъ, служили:

- 1) Хронографъ, изъ котораго заимствованныя извѣстія помѣщены въ началѣ Сборника;
- 2) Софійскій Временникъ, съ вошедшею въ составъ его такъ называемую Несторовую Лѣтописью, въ которой, впрочемъ, нѣтъ ни сказанія Василія объ ослѣпленіи Василька, ни приписки Сильвестра;
- 3) Новгородская Лѣтопись. Нѣкоторыя изъ событій, прямо касающіяся Новгорода, изложены въ Сборникѣ почти слово въ слово какъ въ первой Новгородской Лѣтописи;
- 4) Суздальская Лѣтопись. На два послѣдніе источника нѣсколько разъ указываетъ самъ составитель Сборника словами: Нов., Влад., поставленными имъ предъ описаніемъ событій.
- 5) Лѣтописецъ княженія Тверскаго. Объ этой Лѣтописи мы узнаемъ изъ Сборника, что она составлена неизвѣстнымъ лицомъ, по повелѣнію Тверскаго великаго князя Бориса Александровича (+ 1461), приказавшаго ему описать время княженія Михаила Александровича, сына Александра Михайловича. При изложеніи событій, предшествовавшихъ вступленію на престолъ Михаила Александровича, составитель Лѣтописи, какъ онъ самъ говоритъ, руководствовался Владимірскимъ полихрономъ (столб. 465). Извѣстія, внесенныя въ Сборникъ изъ Тверской Лѣтописи, представляютъ весьма много новыхъ и любопытныхъ данныхъ и становятся особенно важными, начиная съ княженія Ивана Михайловича, тѣмъ болѣе еще, что послѣ первой четверти XV вѣка прекращаются въ Никоновскомъ Сборникѣ подробныя извѣстія о Тверскихъ событіяхъ.

Издаваемый Лѣтописный Сборникъ сверхъ сего иногда сообщаетъ, среди заимствованій изъ извѣстныхъ Лѣтописей, нѣкоторые новые факты, или представляетъ старыя въ иномъ свѣтѣ, какъ напр.: о разводѣ великаго князя Владиміра Святославича съ Рогнедою по принятіи имъ крещенія и о постриженіи послѣдней въ монашество подъ именемъ Анастасіи (столб. 112); объ основаніи тѣмъ же великимъ княземъ Владиміромъ города Владиміра на Клязьмѣ (столб. 113); о смерти въ Новъгородѣ перваго архіепископа Іоакима Корсунянина (столб. 146); о

(\*) Ср. также извѣстіе о числѣ лѣтъ, истекшихъ отъ убіенія Татарами, въ Переяславѣ, епископа Симеона до года написанія Сборника, столб. 373—374.





томъ, что сочинителемъ похвалы великому князю Дмитрію Іоанновичу Донскому и брату его князю Владимиру Андреевичу былъ Софонія Рязанецъ, Брянскій бояринъ (столб. 440), и др.

Нельзя не обратить вниманія еще и на то обстоятельство, что составитель Летописнаго Сборника, именуемаго Тверскою Летописью, былъ не простымъ переписчикомъ матеріаловъ, имѣвшихся у него подъ рукою, но разумно понималъ свое дѣло, чему служатъ доказательства слѣдующія мѣста изъ Сборника: Понеже въ иныхъ лѣтописцѣхъ пишеть: и до сего дне, занеже писалъ Георгій лѣтописецъ, а тогда Корьсунъ градъ стоялъ; азъ же нынѣ, переписываа его писанія, тако пишу: до взятія Корсунскаго, понеже много лѣтъ мину уже, како Корсунъ разорень бысть отъ Руси . . . . . якоже рѣхъ маломъ выше о Корсунѣ, яко нѣсть его, но и о (и)нихъ о Рускихъ градѣхъ о мнозѣхъ тогда бысть писано: и до сего дне, понеже бысть тако тогда; нынѣ же азъ начахъ переписывати сіе въ лѣто 7042, и тако незгодно написати: и до сего дне; но, не рушаа писанія Георгіева, тако пишемъ: яко и до сего дне, а нѣсть тако, но нѣчто отчасти есть и до сего дне (столб. 108); пишеть же въ Новгородскомъ лѣтописци лѣто весною починаеть, а осень и зиму глаголетъ: тоя же осени и зими; азъ же пишу по (и)ндикту начало, и сего ради не согажается лѣты съ инѣми лѣтописци, точію времена мѣсяцемъ въ лѣтѣ изсмастряй, и послѣ коего начала лѣту пишеть, того и лѣта (столб. 285).

Единственная, до сихъ поръ извѣстная рукопись, которая содержитъ въ себѣ такъ называемую Тверскую Летопись и которая послужила оригиналомъ для настоящаго изданія, принадлежитъ Императорской Публичной Библіотекѣ, въ которой хранится подъ № 970, въ отдѣлѣ рукописей, поступившихъ въ нея изъ Дрезвехранилища М. П. Погодина. Она писана въ л., на 197 листахъ, четкою Бѣлорусскою скорописью начала XVII-го вѣка, близко подходящею къ полууставному почерку (см. табл. снимковъ), и содержитъ въ себѣ, кромѣ издаваемаго Летописнаго Сборника и двухъ статей, которыми онъ заключается: краткаго родословія Тверскихъ князей, начиная отъ Рюрика, и исчисленія владѣтельныхъ особъ въ Европѣ, Сказаніе о Донскомъ бою, похвала великому князю Дмитрію Ивановичу и брату его князю Володимеру Андрѣевичу (л. 180 — 197).

Внизу 1-го листа находится слѣдующая подпись: Ex libris G. Zachariae Bozeniec . . . . . dapiferii Kiow . . . . is; а на оборотѣ послѣдняго листа, сверхъ нѣсколькихъ незначительныхъ замѣтокъ разныхъ почерковъ и пробѣ пера, стихи, изъ которыхъ мы приводимъ первыя четыре строки:

Отколѣ радости сея есть новина?  
Ввесь свѣтъ тріумфуетъ вѣчная година,  
Древа, горы, холми каменные спали  
Zdobial округъ свѣта плакать занежали.

На полѣ рукописи нерѣдко встрѣчаются замѣтки на Польскомъ языкѣ, писанныя почеркомъ XVII вѣка и заключающія въ себѣ краткое содержаніе тѣхъ событій, передъ которыми онѣ помѣщены. Во многихъ мѣстахъ рукописи не только нѣтъ послѣдовательности въ происшествіяхъ, но даже и смысла, вслѣдствіе того, что лице, переписывавшее сборникъ, не обративъ вниманія



на то, что въ оригиналь листы перемѣшаны, переписало ихъ сплошь. П. М. Строевъ, которому принадлежала рукопись до поступленія ея въ Древлехранилище Погодина, трудился надъ приведеніемъ въ порядокъ ея содержанія и замѣтки его, написанныя на ея поляхъ, во многомъ облегчили трудъ изданія. Вообще слѣдуетъ замѣтить, что переписчикъ былъ довольно безграмотенъ; пропуски слоговъ, словъ и цѣлыхъ фразъ встрѣчаются часто. Всѣ дополненія, внесенныя въ текстъ, заключены въ скобки, а мѣста испорченныя, но исправленныя, означены въ подстрочныхъ выноскахъ. Въ изданіи сохранены всѣ особенности языка рукописи, какъ синтаксическія, такъ и орфографическія.

XV томъ Полнаго Собранія Русскихъ Лѣтописей приготовленъ къ изданію Главнымъ Редакторомъ Лѣтописей и Членомъ Археографической Коммиссіи Бычковымъ, при содѣйствіи ея Корреспондента А. К. Рѣшеткина, принявшаго на свой счетъ всѣ издержки по напечатанію этого тома.









## XV.

# ЛѢТОПИСНЫЙ СБОРНИКЪ,

ИМЕНУЕМЫЙ

## ТВЕРСКОЮ ЛѢТОПИСЬЮ.

Хронографъ, глаголемый лѣтописецъ  
Рускій.

Отъ Адама до потопа лѣтъ 2242.

А исшествіе Ноево изъ ковчега мѣсяца априля 24.

А отъ потопа до размѣшенія языкъ 530 лѣтъ.

А отъ размѣшенія языкъ до начала Авраамля лѣтъ 552.

А отъ Авраама до пріятія Жидовского, прошедше сквозѣ Чръное море, лѣтъ 505.

А отъ исхода сыновъ Израилевъ до умертвья Давыда царя лѣтъ 630.

А отъ начала царства Соломона до взятія Іерусалимского лѣтъ 100, 443.

А отъ плѣненія Іерусалимского до умертвья Александра царя Макидонского лѣтъ 261.

А отъ умертвья Александрова до царства Августа Римского царя и до убіенія Клеопатрина лѣтъ 290.

А отъ начала царства Августа царя до рождества Великого Царя небеси и земли, Господа

Бога и Спаса нашего Ісуса Христа, иже царствію Его нѣсть конца, лѣтъ 42.

Въкупѣ же отъ Адама до потопа родовъ 10.

А отъ потопа до Авраама родовъ 10.

А отъ Авраама до Давыда родовъ 14.

А отъ Давыда до преселенія Вавилоньскаго родовъ 14.

А отъ преселенія Вавилоньскаго до Христа родовъ 14.

Всѣхъ же родовъ отъ Адама до Христа 62, а лѣтъ полшесты тысячи.

О пророцѣхъ. Іовъ предвари рождество Христово за 1900 лѣтъ и 25; Моисей за 1070 лѣтъ; Самойль за 1035; Соломонъ за 1002 лѣтъ; Ілія за 816 лѣтъ; Іеремія за 620 лѣтъ; Іезекія за 477 лѣтъ; Аггей же и Захарія за 70 лѣтъ; Даниль же за 360 лѣтъ.

Въ лѣто 5504, мѣсяца марта 25, благовѣсти арханггель Гавріиль радость святѣй Богородици и спасенія всему миру въ недѣлю, въ 2 часа дни. Пришедши ей на кладязь почръпсти воды, и яко почръпе водоносъ свой, и възглагола ей<sup>1</sup>

(1) Въ подлинникъ: піе.



аггелъ: радуйся, обрадованнаа, Господь съ тобою! Она же, озрѣвшия сѣмо и овамо, и никого же видѣ, токмо слыша, и въземъ водоносъ свой, идяше и дивящися въ умѣ своемъ, глаголющи: что се будетъ гласъ сій, еже слышахъ, а никого же видѣхъ? И пришедъ въ Назаретъ, прииде въ домъ, и сѣдши нача скати шелкъ червенатой, а по жидовскы кокинъ, и ту явися ей аггелъ, но яко чловѣкъ, и тогда благовѣсти ей рождество Христово, яко хоцетъ изъ неа Богъ Слово родитися. Отъ Назарета же до кладязя того яко мощно каменемъ врѣгнути.

Роди же ся Господь нашъ Исусъ Христосъ въ лѣто 5505, мѣсяца декаврія 25, въ пятокъ, въ 7 часъ дни, въ 42 лѣто Августа кесара, и крестися въ лѣто 5532, мѣсяца генуаріа 6, въ 7 часъ ночи, въ 15 лѣто владычества Тиверіа кесара, кругъ солнцу 16, а луны 3.

Отъ рождества же Христова до Спасныа страсти лѣтъ 33 и полъ; крестися тридесѣтолѣть по рождествѣ отъ Іоанна въ Іорданнѣ. Іорданъ рѣка пала во море Содомское, еже зовется море Мертвое: нѣсть бо въ немъ ничтоже живое, ни рыбы, ни жука, ни чрвь; а которую рыбу Іорданская вода вонесетъ, въ той часъ море изврѣже тую мертву. То же море отъ Христа збѣжало съ мѣста своего четьри версты, и на томъ мѣстѣ трава не растетъ и донынѣ.

По крещеніи же Христосъ ходилъ три лѣта и полтора мѣсяца, проповѣдаа царствіе Божіе и чюдеса веліа творя. И възкреси Лазора изъ мертвыхъ въ субботу, 24 марта, а въ недѣлю вѣніиде въ Іерусалимъ пріати страсть волную. Ятъ же бысть Господь нашъ въ четвертокъ, въ 22 марта, въ 5 часъ ночи, ядше фаску; поругашася ему, приведше отъ Пилата. Тогда бо бѣше Евреомъ фаска въ 30 марта, въ пятокъ; глаголетъ бо писаніе: поставиша знаменіе по сердцю праздника своего, и не разумѣша знаменіе, еже есть крестъ.

И въ кій часъ Ісусу бывшу у Пилата во вѣпрошеніяхъ, а они тогда яко пси мрътвечину рваху, тако они, фаску жруще, на убійство Христово спѣшаху. Егда испросивше его у Пилата на смерть, тогда немилостивно мучиша его воины, суще піани.

Ираспяша его въ лѣто 5535, мѣсяца марта 30, во 6 часъ дни. А възкресе Господь нашъ Исусъ Христосъ, Сынъ Божій, мѣсяца априліа въ 1 день, въ 7 часъ ночи; свитаючи дни недѣльному, явися женамъ. И възнесеса Господь на небеса къ Отцу, идеже бѣ и прежде, мѣсяца маа 20, въ четвертокъ, въ 2 часъ дни. Присла же Духъ Святый на святыа своа ученики и апостоли въ день 50, въ недѣлю, въ 3 часъ дни. А мѣсяца іюня 15 раздѣлишася апостоли въ страны вселенныа учить вѣры Христовы: иже вѣру иметъ, спасень будетъ, а иже не иметъ вѣру, осужденъ будетъ.

И по успеніи же святыа Богородица, апостоли Христови меташа жребіа, которому во которую страну пойти учить вѣрѣ Христови. Петру же паде жребій западніа страны освятити; Андрею, брату его, вѣсточныа; и училъ святый апостолъ Андрей около Понтыскаго моря, градъ Византию, Синопію, градъ великій Херсонъ, Трапезонтъ, и Кафу, и Азовъ, и оттолѣ пошолъ и нашелъ устіе Днѣпрское, и пошелъ по Днѣпру въ връхъ, и нашелъ горы высоки, и ночева тутъ; и наутріа рече ученикомъ своимъ: «видите ли горы сіа? яко на сихъ горахъ будетъ градъ великъ, и Христосъ славимъ хоце быти въ немъ, и цркви многыа въ немъ будутъ и Божіа благодать будетъ на мѣстѣ семъ.» И благослови мѣсто то, и постави крестъ, идеже нынѣ градъ Кіевъ. И оттолѣ пошелъ по Днѣпру въ връхъ до Ловоты, и по Ловоти, и паки вѣніиде въ Ильмеръ езеро великое; и пришедъ благослови мѣсто, идеже нынѣ Новгородъ, а людіе сидяще подлѣ озера, и такоже къ ученикомъ рече: «яко будетъ здѣ градъ великъ и цркви божественныа многы.» И оттолѣ пошолъ въ море



Варѣаское, и въ Пелопоннѣ островѣ распять бысть.

А отъ воскресенія же Христова до 1-го лѣта царства Костантина великого царя лѣтъ 272.

А отъ начала царства Костантинова до прѣваго събора Никійскаго лѣтъ 12.

При семъ же велицѣмъ цари Костантинѣ бысть прѣвый съборъ въ градѣ Никейстѣмъ, святыхъ отецъ 318, а патриархъ былъ Александръ Царяграда, на Аріа злочестиваго, създание и тварь Сына Божіа глаголюще, мѣсяца мая въ 22. Умре же великій царь Костантинъ 65 лѣтъ. Се же о немъ явимъ въкратцѣ, кто<sup>1</sup> бѣ сѣй Костантинъ. Бѣаху владѣюще западною страною, рекше Римскою, тріе мужи, и аще который умретъ, и они иного поставятъ въ того мѣсто, и того владѣли 460 и 18 лѣтъ. Бѣаше же у единого отъ тѣхъ трій мужій и жена непраздна, и въ немощь въпаде въ смертную; жена же умре, а младенецъ трепетааше въ утробѣ ея. Боляре же, взявше ножъ, пропороша чрево ея, и выняша младенца жива и нарекоша имя ему Іулій Кесарь; и той Іулій Кесарь възрастъ, да своихъ двою товарищевъ убилъ; бѣ бо нравомъ гнѣвливъ, ростомъ малъ и чернъ, очи велицѣ. Бѣ у него воевода именемъ Антоній, и обручи за него сестру свою Октавію, и посла его на Птолемеа, Египетскаго царя, и на его дщерь Клеопатру мудрую. Онъ же шедъ и въмѣсто брани смиреніе възлюбилъ; посла бо ко нему Клеопатра, глаголющи: «како хочещи, съ кровію ли или безъ крове, градъ пріати?» Онъ же рече: «безъ крове;» и посагну за него<sup>2</sup> Клеопатра мудраа, дщи Птоломѣа Прокаженаго. И то увѣда Августъ, разгнѣвася на Антоніа и на Клеопатру, и не точію за оступленіе, но и за обруганіе сестры своеа Октавіи, и власть Октавію за Антипатра Иродовича, избившаго младенца. Поиде Августъ съ зятемъ Антипат-

ромъ воевати въсточныя страны, и то слышавъ Антоній, събра воа многы, Персы, и Миды и Ливію, и бысть имъ бой на мори, и отъ множества крове не бѣ знати воды, и тако убіенъ бысть Антоній, Клеопатру же яша живу. Въсхотѣ же Августъ привести ея живу въ Римъ на показаніе сестри своей Октавіе, и повелѣ твердо стрещи ея; она же видѣвши себе плѣнену, и усмотривши, яко нѣсть ничто же славы честнѣйши, изволи тайную смерть сѣтворити себѣ, нежели плѣнницею зватися, и припусти къ себѣ двѣ скорпіи, ихъ же понаше въ сосудѣ въ пазусѣ своей, и утрави себе ими, и уядена бысть, и тако съмерть пріа. Августъ же много истомленіе дасть воиномъ, стрегущимъ ю, о несъхраненіи ея; повелѣ же тѣло ея помазати змирною, дабы могль цѣло показати въ Римѣ тѣло ея. А и оттолѣ нача Іулій воевати въсточныя страны, Антиохію Великую, и Селевкію (и) Іерусалимъ, да пойма грады многы и покори подъ свою власть. И родися у него сынъ Августъ кесарь, и царствовалъ 52 лѣта; при томъ Августъ бысть рождество Христово.

Потомъ Тиверій же царствова въ Римѣ кесарь; при томъ распяся Господь нашъ Ісусъ Христосъ. По Тиверіи же царствова въ Римѣ Неронъ царь. По Неронѣ царствова Евспасіанъ, сынъ его. По Испасіанѣ царствова сынъ его Титъ; той Титъ взялъ градъ Іерусалимъ, три стѣни разбилъ и Жидовъ расточилъ по многымъ градомъ; оттолѣ нѣтъ у Жидовъ никакова града своего.

Потомъ же, по многихъ лѣтѣхъ, царствова въ Римѣ злочестивій Діоклитіанъ и зять его Максиміанъ; и тѣ мучители мучиша многихъ святыхъ мученикъ: Діоклитіанъ святаго Георгія, а Максиміанъ святаго Димитрія въ Солуни, въ лѣто 6802; и во Никоидію пришедъ, двѣ тмѣ мученикъ огнемъ съжели. И въ Севастіи 40 мученикъ при ихъ же власти

(1) Въ подлинникъ: што. (2) Тамъ же: за по



мучены, и иныхъ многихъ мученикъ мучили. А Максиміану царю была сестра Θεодора за Костею за Зеленымъ, за отцемъ Костантина царя благочестиваго; да Костантинъ царь великій родися у Консты не отъ тое Θεодоры, но отъ Елены благочестивыя. Прилучися дѣло таково: царь Діоклитіанъ и Максиміанъ послали того Консту Зеленого на Прѣсидскую землю миръ взяти съ Прѣсидскимъ царемъ; и прилучися ему, идучи, ночевати въ градѣ Серпіи, у гостинника у Θεодора имени, и захотѣлося ему плотскаго<sup>1</sup> смѣшенія. Гостинникъ же дасть ему на ночь дщерь свою Елену, красну сушу, и тое нощи зачался у неа младенецъ. Констя же превысокій, поидя отъ гостинника, и оставилъ Еленѣ ризу царскую и прѣстень златъ, да пошелъ на восточную страну, рекше на Персидскую, и тамо пришедъ посолство исправилъ и миръ вѣчный взялъ, и възвратися въ Римъ инымъ путемъ, и бысть отъ царей въ чти величій. А у Елены доиде время, и родися у неа сынъ, и нарекоша имя ему Костантинъ, и живяше съ матерію; гостинникъ же Елены не далъ замужъ, но кормяше ю съ младенцемъ.

Потомъ же царь Діоклитіанъ и Максиміанъ поидоста царствовать въ Никомидію, а Римъ поручили Констѣ Зеленому; и потомъ (посла) Конста пословъ своихъ на Прѣсидскую землю, и прилучися имъ ночевати у того же гостинника. Дѣтескъ же Костантинъ, играа, всѣде на пословъ конь; они же, видѣвше его тако дръзновенна, досадиша ему; онъ же, расплакався, пожаловася матери своей Еленѣ; она же, пославши къ посломъ ризу царскую и прѣстень златъ, рече: «егоже есть риза и прѣстень, то того есть сынъ сый.» Они же, видѣвши ризу и прѣстень, убояшася зѣло и едва укротиша младенца; и шедше на Прѣсидскую землю и взяша миръ, и придоша въ Римъ, и сказаша Констѣ царю про Елену и про сына ея. Конста же по-

сла по Елену и по сына ея, и приведе ю въ Римъ съ великою честію, и дасть ей полату особную, и любяше ю паче царицы Θεодоры. И потомъ умираа остави царство Римское Константину сыну своему. И царствова великій царь Константинъ въ Римѣ, и нача искати благочестія, и приведе заточенныя христіаны отъ темницъ, иже заточили злочестивіе царіе Діоклитіанъ и Максиміанъ, и нача искати православныя христіанскія вѣры; и въ то время бысть ему болѣзнь люта, яко не мощи врачомъ исцѣлѣти ея; и свѣщаша царю врачеве, да вся прѣвородныя младенца повелѣть заклати и кровь ихъ точити во едину лохань, и тою кровію измытися ему и отъ недуга премѣнитися; онъ же повелѣ тому быти. И въсхавився отъ ложа и видѣ полкъ женъ стоящъ великъ зѣло, плачущъ велми, и въпроси: «что суть си?» Они же сказахъ ему, яко матери суть принесше своя младенца, иже хотятъ порѣзани быти твоего ради здравія. Онъ же рече: «хочу да сіа живи будутъ;» и о ту нощь явистася ему Христовъ апостола Петръ и Павелъ, рекоста: «Господь посла насъ исцѣленіе тебѣ свѣтомъ дати сицевымъ: понеже не проліа кровь невинную, и сего ради Господь помилова тя, якоже и ты толико матерей помилова и съчады, и не послушалъ еси злыхъ врачей твоихъ, хотѣвшихъ погубити душу твою въ рвѣ погыбели, и<sup>2</sup> нынѣ да призовеши епископа Римскаго Селивестра именемъ, крыющагося страха ради мучителей, и речеть ти слово истинны, и породить<sup>3</sup> тя водою и духомъ баинею паки бытіа, и дасть ти печать въсыновленія Божія, и отъ недуга твоего премѣнишися;» и сіа рекши невидима быста отъ него. Въ утрѣи же Костантинъ, призвавъ Селивестра папу Римскаго, и сказа ему (явл)еніе. Селивестръ сказа ему все по ряду православную вѣру христіанскую, и огласивъ его,

(1) Въ подлинникъ: плодскаго. (2) Тамъ же: ии. (3) Тамъ же: породито.



и крести въ имя Отца и Сына и Святаго Духа. Царь же крестився, и оттолѣ болѣ начатъ искати православіа. И потомъ поиде въ Греческую землю ко граду Византіи, и взять его, и създа въ Византіи мѣсто градъ въ имя свое, и нарече его Костантинградъ, и нача царствовати въ немъ и утвержати вѣру христіанскую.

И потомъ нѣкто прозвितерь, именемъ Аріи, нача хулы дѣлати на Сына Божіа и называти тварію. Царь же Костантинъ събра вселенскій съборъ въ градѣ Никеи, святыхъ отецъ 318, въ нихъ же бѣ старѣйша собору Сильвестръ, папа Римскій, Александръ, патріархъ Царяграда, Витъ и Викентіе и Макарій отъ Ерусалима, и Увеналій отъ Египта, и Николае отъ Миръ, и Спиридонъ Тримифійскій, и отвыргли Аріа еретика, и прокляша и единомысленіи его, и утвердиша православную вѣру христіанскую, и оттолѣ нача простиратися вѣра христіанская. И на томъ съборѣ изложиша исповѣданіе православныя вѣры: Вѣрую въ единого Бога. Умре же Костантинъ царь великій, звѣздѣ провозвѣстивши смерть его, отравленъ навѣтомъ братіи своеа, дѣтей Θεодориныхъ, сый лѣтъ 65; остави же 3 сыны своа: Консту, и Констатіа и Константа; въ Римѣ остави Консту, а въ Новѣмъ Римѣ Константіа, въ Антиохіи же Костанта.

По Костантинѣ же царствова сынъ его Костантий; тѣмъ избыненнымъ на ратехъ своимъ<sup>1</sup> неустроеніемъ.

По Костантии же царствова Іуліанъ Законопреступникъ, иже на христіаны великомленіе показа и многыа мученикы сътвори, въ нихъ же великоименный Артемій, дука Александрійскій, и иныи мнози. При томъ бысть Василій Великій и Григорій Богословъ.

По Іуліанѣ же царствова Іулій, таже Гратіанъ. По Гратіанѣ же Іуалентъ, потомъ Великій Θεодосій, православный; по немъ Аркадій,

сынъ его. При семъ бысть великій Златоустъ. По Аркадіи же царствова сынъ его Θεодосій Юнний, глаголемый доброписецъ, иже крести его великій Златоустъ.

Отъ 1-го же събора до втораго лѣтъ 60. Бысть же сый съборъ въ Костантинградѣ, при велицѣмъ цари Θεодосіи, святыхъ отецъ 150, на Македоніа духоворца; а патріархъ Нектарій, и Богословъ Григорій отъ Нанзіанза и Григорій Нисскій.

А отъ втораго събора до третіаго лѣтъ 50. Сый святой третій съборъ бысть во Ефесѣ, при цари Θεодосіи Юннѣмъ, святыхъ отецъ 200, а патріархъ Кирилъ Александрьскій, на Несторіа злочтиваго, патріарха бывша Царяграда, чловѣкослужбника.

Отъ третіаго же събора до четвертаго лѣтъ 10. Сый<sup>2</sup> святой четвертый съборъ бысть при Маркіанѣ цари, въ Халкидонѣ<sup>3</sup>, а патріархъ былъ Анатолій Константинограда, на Діоскора, и Еитихіа и Севгира, а святыхъ отецъ 630.

Отъ четвертаго же събора до пятаго лѣтъ 100. Сый бысть святой пятый съборъ при велицѣмъ цари Іустиніанѣ, въ Цариградѣ второе, святыхъ отецъ 165, а патріархъ Константинограда Евтихіе, на суетмысленаго Оригена.

Отъ пятаго же събора до шестаго лѣтъ 130. Сый бысть святой шестой съборъ при цари Костантинѣ Брадатѣмъ, въ Цариградѣ третіе, святыхъ отецъ 170, а патріархъ былъ Константинограда Георгіе, на Сергіа, и Пѣра и Макаріа.

Отъ шестаго же събора до седмаго лѣтъ 122. Сый святой седмый съборъ бысть при цари Костантинѣ, сынѣ Леоновѣ, и матери его Иринѣ, второе въ Никеи, въ 11 октября, святыхъ отецъ 367, а патріархъ былъ Тарасій Царяграда; събравшеся на отмѣтающихся поклоненіа святыхъ иконъ. Въ то время бысть

(1) Въ подлинникѣ: своихъ имъ. (2) Тамъ же: бѣше же сый. (3) Тамъ же вынесено на поле: 16-го іюля.



притча сиева: азъ есмь Анаскаридъ, жрецъ бога Аполлона, вѣмъ, что не то Богъ истинный, но то Богъ, иже родится отъ пречистыа дѣвицы Маріама, да вѣрую въ онъ; солнце видиши мя паки и узриши мя при цари Костантинѣ и Иринѣ. И събысться пророчество его за полторы тысящи лѣтъ. Въ Костантинѣградѣ начаша здати храмъ Святаа Святыхъ, и во подошвѣ обрѣли гробъ; въ гробѣ на прѣстни золотѣ написано пророчество его. При Костантинѣ цари и матери его Иринѣ благовѣрное чааніе начатъ бывати, и судъ пріати начало съ дръзновеніемъ, и слову Божію разширяться, и монастыремъ съ всею тишиною съзидатися. Въ долнихъ же стѣнахъ, рекше притвори Фракійскаа, челоуѣкъ нѣкій, копаа, обрѣте раку написану: Христосъ хоцетъ родитися изъ Маріа Дѣвы, и вѣрую въ онъ; при Костантинѣ же и Иринѣ, при правовѣрныхъ царѣ, о солнце, паки мя узриши.

А отъ седмаго събора до предложія священнихъ книгъ отъ Грекъ на Словенскій языкъ святымъ Кирилломъ философомъ лѣтъ 77.

Купно же отъ Адама до Христа 5505 лѣтъ.

А отъ Христа до Михаила благочестиваго царя лѣтъ 856.

А отъ Михаила до крещенія Болгарскіа земля лѣтъ 17.

А отъ крещенія Болгарьскаго до предложія книгъ на Словенскій языкъ лѣтъ 22.

А отъ предложія книгъ до крещенія Рускіа земли лѣтъ 78.

Купно же отъ Адама до крещенія Руского лѣтъ 6496.

А до Михаила отъ Адама лѣтъ 6360.

А отъ перваго лѣта Михайлова царства до Олга князя Рускаго, иже прѣвое нача княжити въ Кіевѣ, лѣтъ 22. А отъ Олга до Игоря лѣтъ 31. А отъ Игоря до Святослава, сына его, лѣтъ 33. А отъ Святослава, сына его,

до Ярополка, сына его, лѣтъ 28. А Ярополкъ княжилъ 8 лѣтъ. А Володимеръ княжилъ 37 лѣтъ. А Ярославъ<sup>1</sup> княжилъ сынъ его 40<sup>2</sup> лѣтъ.

Купно же отъ прѣваго князя Олга, иже сѣде прѣвое въ Кіевѣ, до крещенія Руской земли 4 князи; а княженія ихъ 102 лѣтъ.

А Рюрикъ княжи въ Новѣгородѣ 17 лѣтъ до Олгова княженія. А всего княженія до крещенія 127 лѣтъ. А по крещеніи Володимеръ княжи 27 лѣтъ, а до крещенія 8 лѣтъ.

По немъ Святополкъ княжи 3 лѣта.

Ярославъ княжи 40 лѣтъ.

Изяславъ княжи 23 лѣта.

Всеволодъ Ярославичъ княжи 15 лѣтъ.

А Михайло, нареченный Святополкъ, княжи 20 лѣтъ.

Володимеръ Всеволодичъ Манамахъ княжи 12 лѣтъ.

Вячеславъ княжи 4 мѣсяци.

Всеволодъ Ольговичъ княжи 8 лѣтъ.

Изяславъ Мьстиславичъ княжи лѣто едино.

Братъ его Ростиславъ княжи 6 мѣсяць.

Юрій княжи Долгорукій 3 лѣта.

Андрѣй Боголюбый княжи 17 лѣтъ.

Ярополкъ княжи Ростиславичъ лѣто едино.

Михалко княжи лѣто.

Всеволодъ Юріевичъ княжи<sup>3</sup> 37 лѣтъ.

Юрій Всеволодичъ княжи 5 лѣтъ.

Костантинъ Всеволодичъ Ростовскій княжи 2 лѣта. Паки по смерти его Юрій княжи 17 лѣтъ. Всего оба княжили 25 лѣтъ.

Ярославъ, братъ ихъ, Новгородскій, по Батыевѣ рати, 2 лѣта.

Святославъ Всеволодичъ, братъ ихъ, княжи 2 лѣта.

Андрѣй, братъ ихъ, княжи 3 лѣта.

Александръ Ярославичъ Невскій княжи 8 лѣтъ.

Василей Ярославичъ, братъ ихъ меншій, княжи 5 лѣтъ.

(1) Въ подлинникѣ: ярославъ. (2) Тамъ же на полѣ написано: 33. (3) Тамъ же: княжили.



Димитрій Александровичъ Невскаго княжи 5 лѣтъ. Вкупѣ съ братомъ Андрѣемъ перемогалися 8 лѣтъ. Андрѣй по братѣ княжи 11 лѣтъ. Сии Александровичи княжили 28 лѣтъ.

Михайло Ярославичъ Тверскій княжи 12 лѣтъ.

Юрій Даниловичъ княжи 4 лѣта.

Дмитрій княжи 3 лѣта.

Александръ княжи Михайловичъ<sup>1</sup> 2 лѣта.

И паки сие отъ Андрѣевы смерти 11 лѣтъ. А отъ Кавадыевы смерти до Федурьчуковы смерти лѣтъ 10. И по Федорчуковѣ смерти Иванъ Даниловичъ княжи 2 лѣта.

Семень Ивановичъ княжи 14 лѣтъ.

Иванъ Семеновичъ княжи 7 лѣтъ.

Дмитрій Суздальскій княжи Костантиновичъ лѣтъ 3.

Димитрій Ивановичъ Донеской княжи 27 лѣтъ.

И Василей княжи сынъ его 12 лѣтъ.

Василей Василевичъ княжи 37 лѣтъ.

Иванъ Василевичъ княжи 39 лѣтъ.

Василій Ивановичъ княжи 31 лѣто.

Сие славятся Русьстии князи:

Пръвый князь на Руской землѣ Рурикъ, пришедъ изъ Нѣмцевъ.

И Рурикъ же роди Игоря.

Игорь роди Святослава.

Святославъ<sup>2</sup> роди Владимира Великаго, иже крестися самъ и всю землю Рускую крести.

Владимиръ роди Ярослава.

Ярославъ роди Всеволода.

Всеволодъ роди Володимера Манаха.

Володимеръ роди Юрія Долгорукого.

Юрій роди Всеволода Великаго Гнѣзда.

Всеволодъ роди Юрья да Ярослава.

Ярославъ роди Александра Храбраго.

Александръ роди Данила, пръваго Московскаго.

Даниль роди Ивана Калиту, иже испра-

ви<sup>3</sup> Рускую землю отъ татей и отъ разбой-  
никъ.

Иванъ Калита роди Семіона.

Семеонъ роди Ивана.

Иванъ роди Димитрія, иже былся за До-  
номъ съ Мамаемъ.

Димитрій роди Василія.

Василей роди Василія, иже ослѣпленъ былъ.

Василій роди Ивана.

Иванъ роди Ивана.

Тотъ Иванъ роди Димитрія, внука Ива-  
нова, а княжилъ Василей Ивановичъ, и роди  
Василія, Ивана и Юрія.

Ино родословіе тѣхъ же князей.

Сынъ Руриковъ Игорьъ.

Игоревъ сынъ Святославъ.

Сынове Святослави: Ярополкъ, Олегъ, Вла-  
димеръ Великій.

Сынове Володимерови: Вышеславъ, Стани-  
славъ, Ярославъ, Судиславъ, Святославъ,  
Изяславъ, Мѣстиславъ, Всеволодъ, Святополкъ,  
Борисъ, Глѣбъ.

Сынове Ярославли: Володимеръ, Изяславъ,  
Святославъ, Вячеславъ, Всеволодъ.

Сынове Всеволожи: Володимеръ Манамахъ,  
Ростиславъ.

Сынове Володимеровы Манамаховъ: Яро-  
славъ<sup>4</sup>, Ярополкъ, Вячеславъ, Всеволодъ<sup>5</sup>,  
Юрій, Андрей.

Сынове Юріевы Долгорукого: Ярославъ,  
Ростиславъ, Андрѣй Боголюбскій, Михайло,  
Всеволодъ, Борисъ, Глѣбъ, Мстиславъ, Ва-  
силко.

Сынове Всеволожи Великаго Гнѣзда: Ко-  
нстантинъ Ростовскій, Юрій, Ярославъ Юріев-  
скій, Володимеръ, Гаврило, Василей.

Сынове Ярославли: Александръ Невскій,  
Ярославъ Тверьскій, Андрѣй, Константинъ,  
Афанасій, Данило, Михайло, Василей.

Сынове Александрови Невскаго<sup>6</sup>: Димитрій

(1) Въ подлинникѣ, по ошибкѣ: даниловичъ. (2) Тамъ же: святославъ. (3) Тамъ же: исправися. (4) Тамъ же: ярославъ. (5) Тамъ же: всеводъ. (6) Тамъ же: невьскаго.



Переяславскій, Андрей Городецкій, Василей Костромскій, Данило Псковской, иже и прѣвый Московскій.

Сынове Даниловы: Юрій великій, Ивань, Борисъ, Семень, Александръ, Афанасій.

Сынове Ивановы Калитины: Семень, Данило, Андрей, Семень, иже родися въ Кавдыеву рать, и по двою лѣту Данило, и по десяти лѣтъ Иоань, и по 12 Андрей.

Сынове Семеновы: Василей, Константинъ отъ Настаси, а отъ Маріи: Данило, Михайло, Иоань, Семень.

Сынове Ивановы: Дмитрій, Иоанъ. А Володимеръ Андрѣевичъ внукъ Калитинъ.

Сынове Дмитріевы: Василей, Юрій, Ивань, Семень, Андрѣй, Петръ, Константинъ.

Сынове Василиевы: Юрій, Иванъ, Данило, Семень, Василей.

Сынове Василиевы Василиевича: Иванъ, Юрій, Андрей, Борисъ, Андрей.

Сынове Ивановы Василиевича: Иванъ, Василей, Юрій, Дмитрій, Семень, Андрей.

Сынъ Ивановъ Дмитрей.

Сынове Василиевы: Иванъ, Юрій.

О княженіи Кіевскомъ и о князехъ ихъ. Прѣвый Игорь, его же убиша Древляне; по немъ сынъ его Святославъ; по Святославѣ сынъ его Ярополкъ, потомъ Владимиръ, убивъ Ярополка.

По крещеніи же: по Владимирѣ Святополкъ, сынъ Владимировъ; по немъ Ярославъ, согнавъ его. По смерти же Ярославля Владимировича ошашася 3 сыны его: Изяславъ, Святославъ, Всеволодъ, и раздѣлиша землю; взя<sup>1</sup> болшій Изяславъ Кіевъ, и Новгородъ и иные грады Кіевского предѣла, а Святославъ Черниговъ и всю страну восточную и до Муромъ, а Всеволодъ Переяславъ, Ростовъ, и Суждаль, и Бѣлоозеро, и Поволжіе; и убиша Изяслава на бою Половци. Святославъ умре и сѣде Всеволодъ въ Кіевѣ. По смерти его

сѣде Святополкъ Изяславичъ. По смерти того сѣде Володимеръ Манамахъ, сынъ Всеволожъ, и по немъ сынъ его Мѣстиславъ, а по смерти Мѣстислави<sup>2</sup> братъ его Ярополкъ; а по смерти Мѣстислави Володимировича Манамахова сѣде Всеволодъ, сынъ Олговъ, и потомъ Вячеславъ со Изяславомъ. По смерти же Изяслави Юрій Володимеричъ Манамаховъ Долгорукій, и прогнаша его, и сѣде Ростиславъ Мѣстиславичъ.

О князехъ Новгородскихъ, кои княжили по Великомъ Володимерѣ<sup>3</sup>. По крещеніи прѣвый князь въ Новѣгородѣ Вышеславъ Володимировичъ, по немъ Ярославъ Володимировичъ же. Ярославъ же бився съ Святополкомъ, по смерти отца своего, и одолѣ ему, и сѣде въ Кіевѣ; посади въ Новгородѣ Константина Добрынича. И родися у Ярослава сынъ Іліа, и посади его въ Новгородѣ, и умре; и разгнѣвася Ярославъ на Константина и заточи его въ Ростовъ, а сына своего Вълодимера посади въ Новгородѣ, и написа грамоту Новгородцомъ, рекъ: «по сей грамотѣ ходите».

По смерти Владимировѣ Ярославича, братъ его Изяславъ Ярославичъ изъ Кіева посади сына своего Мѣстислава, и побѣдиша его.

Книга, глаголема хронографъ, иже зовется по рускы лѣтописецъ, въ ней же повѣсти древнихъ лѣтъ о началѣ Рускыя земля, откуда начася, и кто въ ней прѣвое нача княжити, и како прозвася Руская земля. Се же начнемъ повѣсть сію.

По потоцѣ тріе сынове Ноеви раздѣлиша себѣ землю: Симъ, Хамъ и Афетъ. И яся вѣстокъ Симови: Персида, Ватръ даже и до Индикія въ длготу, и въ ширину и до Нирукурія, и якоже рещи отъ вѣстока даже и до полудніа, и Сирія, и Мидія, и Ефратъ рѣ-

(1) Въ подлинникъ: вся. (2) Тамъ же: мѣстислава и (3). Тамъ же: волидимеръ.



ку, Вавилонъ, Кородуна, Асиряне, Месопотаміа, Аравіа Старѣйшаа, Елималисъ, Индіа, Аравіа<sup>1</sup> Силнаа, Коліи, Комагини, Финикіа вся. Хамови же яся полуденьнаа часть: Египеть, Ефіопіа прележащія къ Индіомъ, и другаа же Ефіопіа изъ нея же исходитъ рѣка Ефіопьскаа Чермена, текущи на востокъ, Фива, Ливіа прележащія даже<sup>2</sup> и до Киринеа, Мармаріа, Сурити, Люваи другаа, Нумидіа, Мисуріа, Мавританіа противу суши Гадирѣ; суши же къ востокомъ имуть Киликію, Памфилію, Писидію, Мосію, Ликаонію, Фригію, Камалию, Ликію, Карію, Лидію, Амасію другую, Троаду, Сълиду<sup>3</sup>, Вифинію, Старую Фригію; и острова пакы имать: Сарданій, Кипръ, Критъ, и рѣку Гіонъ, зовемую Нилъ. Афету же яшася полунощныя страны и западныя: Мидіа, Алваніа, Арменіа Малая и Великая, Каппадокіа, Певлагони, Галатіа, Колехысъ, Вѣсперіи, и Меоти, Деверен, Сарматы, (Та)вріаны, Скифіа, Фраци, Македоніа, Далматіа, Малоси, Фесалиа<sup>4</sup>, Локріа, Пеленіа, яже и Пелопонисъ наречеся, Аркадіа, Ипироніа, Илирикъ, Словяне, Лухитіа, Андріакіа и Андріанитскаа пучина; имать же острова: Вретаніа, Сицилію, Евіюсъ, Родона, Хіона, Лѣзвона, Кофиропа, Закунфа, Кефалиніа, Афакину, Керкулу, и часть Асійскыя<sup>5</sup> страны, нарицаемую Іовію<sup>6</sup>, рѣку Тигръ, текущу межю Миды и Вавилономъ; до Понтійскаго моря, на полунощныя страны рѣка Дунай, Днѣстръ, и Вѣкакасійскыя горы, рекше Угорскыя, и оттуду до Днѣпра; и прочаа рѣкы: Десна, Припеть, Двина, Вѣховъ, Волга, яже идетъ на востокъ въ жребій Симовъ. Въ Афетовѣ же части сѣдять: Русь, Чюдъ и вси языци, Меря, Мурома, Вѣсь, Мордва, Заволочьскаа Чюдо, Пермь, Печера, Емь, Угра,

Литва, Зимгола, Корсь, Сѣтогола, Либь; Ляхове же, и Прусіи, и Чюдъ присѣдять къ морю Варяжскому; по сему морю сѣдять Варязи сѣмо ко востоку до предѣла Симова, по тому же морю<sup>7</sup> сѣдять ко западу до земли Аглянскыи и до Воложскы<sup>8</sup>. Афетово бо колѣно и то: Варязи, Свѣи, Нурманы, Готи, Русь, Агляне, Галичане, Ляхове, Волоси, Римляне, Нѣмци, Корлязи, Венедици, Фрязи и прочіи; ти же присидять отъ запада ко полунощію и съсѣдять съ племенемъ Хамовымъ<sup>9</sup>.

Симъ же, Хамъ и Афеть, раздѣливше землю и жребіе метавше не преступати никому же въ жребій братень, и живяху каждо въ своей части. И бѣ языкъ единъ, и умножившимся челоукомъ на земли, и помыслиша столпъ сздати до<sup>10</sup> небеси, въ дни Нектана и Фалека; и събрашася на мѣстѣ Сенарь на полѣ сздати столпъ до небеси и градъ около его Вавилонъ, и сздаша столпъ за 40 лѣтъ, и не сдѣржашъ бысть. И призрѣ Господь видѣти градъ и стлѣпъ, и рече Господь: се родъ единъ и языкъ единъ. И размѣси Богъ языки, и раздѣли на 70 и два языка, и разсѣа и въ всей земли. И по размѣшеніи языкъ, Богъ вѣтромъ великимъ раздруши стлѣпъ; и есть останокъ его и донинѣ промежи Асира и Вавилона, и есть въ высоту сажений 5000 и 400 и 33, толико же и въ шириню, въ лѣта многа бысть хранимъ останокъ той. По разрушеніи же стлѣпа и по раздѣленіи языкъ пріаша сынове Симови вѣсточныя страны, а Хамовы же сынове полуденьныя страны, Афетовы же сынове пріаша западныя и полунощныя страны. Отъ сихъ же седмицъ и двою языку бысть языкъ Словѣнескъ отъ племени Афетова, нарицаемый и Норицы, еже суть Словяне.

По мнозѣхъ же временехъ сѣли суть Сло-

(1) Въ подлинникѣ: атравіа. (2) Тамъ же: дажде. (3) Т. е. еолиду. (4) Въ подлинникѣ: фесаніа. (5) Тамъ же: всячьскыя. (6) Тамъ же: отъ нихъ. (7) Тамъ же: морѣ. (8) Тамъ же: до ложскы. (9) Тамъ же мѣсто: въ афетовѣ же части сѣдять: русь. . . . съ племенемъ Хамовымъ, при перепискѣ спутано и изложено такъ: по тому же морѣ сѣдять ко западу . . . . съ племенемъ хамовымъ. въ афетовѣ же части сѣдять: русь . . . . до предѣла симова. (10) Тамъ же: на.



вяне по Дунаевѣ, гдѣ есть нынѣ Угорская земля и Болгарская. И отъ тѣхъ Словѣнь разыйдошася по земли и прозвашася имены своими, гдѣ сѣдше на которомъ мѣстѣ: яко пръвѣи пришедше сѣдоша на рѣцѣ именемъ Морава и нарекошася Мораве, а друзѣи нарекошася Чеси, а все тиже Словяне Хорвати Бѣли, и Сербѣ, и Хорутане, а инѣи Дунаи. Волохомъ бо нашед . . . на Дунайскыя Словяны, и сѣдшимъ имъ во нихъ и на . . . уюшимъ имъ, . . . вѣне же пришедше сѣдоша овѣи же на Выслѣ рѣ . . и прозвашася Ляхове, а отъ тѣхъ Ляховъ прозвашася По . . . , Ляхове же друзѣи Лутици, а инѣи Литва, инѣи Мозавшенѣ, инѣи Поморанѣ. Также и тыи Словяне . . . ше и сѣдоша по Днѣпру, и нарекошася Поланѣ, . . . зи Древяне, зане сѣдоша въ лѣсѣхъ; а инѣи сѣ . . . межи и Двиною и Припетою, и нарекошася . . . чи; а инѣи Полочанѣ, рѣки ради Полоты, яже . . . во Двину. . . не пришедше з Дуная сѣдоша около озера Илмер . . , и прозвашася своимъ именемъ, и здѣлаша градъ, и нарекоша Новгородъ, и посадиша и старѣйшину Гостомысла; а друзѣи сѣдоша по Деснѣ, и по Семѣ и по Сулѣ, и нарекошася Сѣвери. И тако разыйдеся Словянскый языкъ; тѣмъ и грамота прозвася Словянская. Поляномъ же, живущимъ особъ по Днѣпру<sup>1</sup> по горамъ<sup>2</sup>, и бѣ путь изъ Варягъ въ Греки; изъ Грекъ въверхъ по Днѣпру, и въверхъ Днѣпра волокъ до Ловоти, и по Ловоти внѣйти въ озеро великое Ильмеръ, изъ него же течетъ рѣка Вльховъ и втечетъ въ озеро великое въ Нево, и того озера устѣе течетъ во море Варяжское, по тому морю внѣйти до Рима, а отъ Рима по тому же морю<sup>3</sup> ити къ Царуграду, а отъ Царяграда прѣйти въ Понтъ море, во не же течетъ Днѣпръ рѣка. Днѣпръ бо рѣка течетъ изъ Волоковскаго лѣса, и потече на полудень; а Двина ис того же лѣса потечетъ, и идетъ на

полунощѣ, и внѣиде въ море Варяжское; изъ<sup>4</sup> того же лѣса потечетъ Волга на востокъ, и втечетъ седмюдесято жерелы въ море Хвалиское. Тѣмъ же изъ Руси можетъ ити по Волзѣ въ Болгары и въ Хвалисы, и на вѣстокъ дойти въ жребѣи Симовъ; а по Двинѣ въ Варягы, изъ Варягъ до Рима, до племени Хамова. А Днѣпръ же течетъ въ Понтъское море трети жерелы. Се же море словетъ Русское, по нему же училъ святыи апостолъ Андрей, братъ Петровъ.

Проявленіи крещен. . . Якоже рѣша, . . . святому Андрею въ Синопіи, и пришедшу ему . . . сунъ, и увидѣвъ ис Корсуни яко близъ есть устѣе . . . пръское, и восхотѣ ити въ Римъ, и прѣиде въ устѣе . . . пръское, и поиде по Днѣпру горѣ, по приключая же Божію . . . и ста подъ горами при брезѣ. И заутра воставъ и рекъ сущимъ<sup>5</sup> . . . : «видите ли горы сіа? яко на сихъ горахъ восіаетъ благодать Божіа, и будетъ градъ великъ, и церкви многы (имать) Богъ воздвигнути.» И вѣшедъ на горы тыа святыи Андрей, и благослови а, и постави крестъ, и помолися къ Богу, и сънѣиде съ горы, идеже . . . градъ Кіевъ, и поиде по Днѣпру горѣ. И прѣиде во Новгородъ, и видѣ . . . сущаа люди, како есть обычай имутъ, и како ся мыють и . . . шутся, и удивися имъ. И иде въ Варягы, и прѣиде . . . и исповѣда ученіе, елико научи и елико видѣ. . . : «дивно видѣхъ землю Словенскую, идушу ми . . . видѣхъ бани дривяни, и пережгутъ ихъ румяно. . . въ ню, извлѣкутся и будутъ назѣи, и обліяются . . . кислимъ, и възмутъ на ся прутѣе младое и бѣются . . . , и того ся добѣють, едва излѣзутъ еле живи, и о . . . водою студеною, и тако оживутъ; и то творять по вся дни не мучими никимъ же, но сами ся мучать, и то творять омовеніе себѣ, а не мученіе.» И то слышавше Римляне дивляхуся; Андрееви же бывшу въ Римѣ прѣиде въ Синопію.

(1) Слова: по Днѣпру въ подлинникъ написаны на полѣ. (2) Тамъ же: по горахъ. (3) Тамъ же: морю. (4) Тамъ же: и. (5) Тамъ же отъ слова: сущимъ вынесено на полѣ: съ нимъ человекомъ.



Поляномъ же живущимъ осебѣ и владѣющимъ роды свои, даже и до сеа братіи бѣху Поляне, и живяху каждо на своихъ мѣстѣхъ съ родомъ своимъ. О Кіевѣ и о сѣзданіи его. И быша три братіа: единому имя Кій, а другому Щеки, а третіему Хоривъ, а сестра ихъ бѣ Лыбедь. И живяше Кій на горѣ, гдѣ есть нынѣ увозъ Боричевъ, . . . . . съ родомъ своимъ; а братъ его Щеки живяше на друзбѣ . . . . . горы, гдѣ нынѣ зовется Щековица; а Хоривъ на третей . . . . ., отъ него же прозвася Хоривица; и тако сѣтвориша с . . . градъ, въ имя брата своего старѣйшаго, якоже и бысть, и нарекоша имя ему градъ Кіевъ. И бѣше же около града лѣсъ и боръ великъ, и бяху ловяще звѣрь; бяху же мужи мудри и смислени, и нарицахуся Полянѣ, отъ нихъ же суть Полянѣ въ Кіевѣ и до сего дни. Бяху же тогда погани, . . . . . ще озеромъ, и кладяземъ и рощеніемъ, якоже и прочіи по . . . . .  
 'Иніи же не свѣдуше глаголють, яко Кій есть перевозникъ . . . . .; у Кіева бо бѣше тогда перевозъ былъ съ оноа страны Днѣпра, тѣмъ глаголаху: на перевозъ на градъ Кіевъ. Аще бы Кій прѣвозникъ былъ, то не бы ходилъ ко . . . . .; но сей Кій княжаше въ родѣ своемъ, и прихоловишу . . . ко царю, якоже скажутъ, яко велику честь прі . . . отъ царя. Идушу же ему опять, и поиде ко Дунаеву, . . вълюби мѣсто и срубы городокъ малъ, и хотяше . . . . . въ немъ съ родомъ своимъ, и не даша ему ту близъ живущ . . .; се же и донынѣ нарицають Дунайци городище Кіевецъ. Кіеву же пришедшу въ свой градъ Кіевъ, и ту животь свой сконча; и братіа его Щеки и Хоривъ и сестра ихъ Лыбедь скончася. И по сихъ родъ ихъ нача владѣти въ Полянѣхъ княженіемъ; а въ Древлѣнѣхъ свое, а Дреговичи свое, а Словяне свое въ Новѣгородѣ, а другое на Поло-

тѣ, еже Полочанѣ. Отъ нихъ же и Кривичи, еже живутъ на врѣхъ Волги, и на врѣхъ Двины и на врѣхъ Днѣпра, ихъже градъ есть Смоленскъ, и прочіи Полотскіе власти; тудѣ бо живутъ Кривичи, таже Сѣверъ отъ нихъ. А на Бѣлѣозерѣ сѣдять Веси, а на<sup>2</sup> Ростовскомъ озерѣ Меря, а на<sup>3</sup> Клещимѣ озерѣ Меря же; и по Оцѣ по рѣцѣ, близъ устіа, гдѣ потечеть (въ) Волгу, сѣдитъ Муромъ, а иніи языкъ свой имѣаху, Мещера свой, Мордва свой языкъ. Се бо въ Руси Словенскій языкъ: Поляне, Древляне, Новгородци, Полочане, Дреговичи, Сѣверъ, Бужанѣ, зане сѣдоша по рѣцѣ по Бугу, послѣдъ же Велиняне прозвашася; а Волинци оже Словѣня, иже призваша ю. Сими всѣми обладаху Русь, иже отъ Кіева града, и дань емляху на нихъ: на Чюди, на Новгородцехъ, на Мери, на Веси, на Муромѣ, на Черемисѣ, на Перми, на Печерѣ, на Еми, на Литвѣ, на Зимголѣ, на Корси, на Моравѣ, на Неломіи, на Либиси, иже суть на полунощныхъ странахъ живутъ, отъ колѣна Афетова, имуще свой языкъ.

О языкѣхъ на Руси . . . . . иніи языци, иже дань даютъ Руси: Чюдь, Меря, Веси, Мур . . . , Черемиса, Мордва, Пермь, Печера, Еми, Литва, Зимгола, Корси, Морава, Либь; сии суть языкъ свой имуща, отъ колѣна Афетова, иже суть на странахъ полунощныхъ. А Словянску языку, якоже рекохъ, живущю на Дунаи, и пріидоша отъ Скифъ, рекше отъ Козаръ, рекоміи Болгари, и сѣдоша по Дунаеву, и быша населници Словяномъ. Посемъ же пріидоша Угри Бѣліи и наслѣдиша землю Словенскую, согнаша Волохи; сии бо Угри почаша быти при Иракли царіи, иже находи на Хозроа царя Перскаго.

О Обрѣхъ. Въ сии же времена быша и Обри, иже находиша на Иракліа, царя Гре-

(1) Противъ сего въ подлинникъ на полѣ написано: о кіев. (2) Тамъ же: а во на. (3) Тамъ же: а по на.



ческаго, къ Царуграду, и мало его не яша; сїи же Обрѣ<sup>1</sup> воеваху на Словяны и премучиша Дулѣбы, сущаа Словяны. насиліе творяху женамъ Дулѣбскимъ: аще будетъ поихати Обрину, и не дадѣше выпрячи коня, ни вола, но веляше бо въпрячи три, или четьре, или пять женъ въ телѣгу и повести Обрину; и тако мучаху Дулѣбы. Бяху бо Обри тѣломъ велици, а умомъ горди, и Богъ потреби а, и помроша вси, и не остася ни единъ Обринъ; есть притча въ Руси и до сего дни: погыбоша акы Обри, ихъже нѣсть ни племени, ни наслѣдника. По сихъ же приидоша Печенѣзи; и паки идоша Угри Черніи мимо Кіевъ, послѣже при Олѣѣ.

Поляномъ же живущимъ осебѣ, якоже рекохомъ, сущимъ отъ рода Словенска, и нарекошася Поляне, а Древляне отъ рода Словянъ же, и нарекошася Древляне; Радимичи же и Вятичи отъ Ляховъ. О Радимичехъ<sup>2</sup>. И бѣста бо два брата въ Лясѣхъ, Радимъ, а другій Вятко; и пришедше сѣдоста Радимъ на Рѣшу, и прозвашася Радимичи; Вятко сѣде съ родомъ своимъ по Оцѣ и отъ него прозвашася Вятичи. Хорвати; Дулѣби же живяху и до сего дне, еже есть Рѣзанцѣ. И живяху въ мирѣ Поляне. Древляне, Сѣверь, Бужане, Радимичи, Вятичи, Хорвати. Дулѣбы же живяху по Бугу, гдѣ нынѣ Вельняне. О Лутичехъ<sup>3</sup>. А Лутичи и Тиверичи присѣлааху къ Дунаеви; и бѣ множество ихъ сѣдяху по Днѣстру полны до моря, и суть грады ихъ и до сего дне, да то ся зоветъ отъ Грекъ Великаа Скифіа.

Имяху бо обычай свои, и законъ отецъ своихъ и преданіа, каждо ихъ свой нравъ имѣху.

Поляне бо своихъ отецъ обычай имутъ крот . . . . и стидливъ, къ родителемъ и къ племени велико ст . . . . , и брачныи обычай творять.

О Древлянѣхъ. А Древляне живяху звѣриннымъ образомъ, живуще скотскы: убываху другъ друга и ядаху все нечисто, брака у нихъ не бываше, умыкаху бо уводы дѣвици жены себѣ.

О Радимичехъ. А Радимичи, и Вятичи, и Сѣверяне одинъ обычай имутъ: живяху въ лѣсѣхъ, якоже и всякій звѣрь, ядуще все нечисто, срамословіе въ нихъ предъ родителями, и племены не стыдятся; браци не бываху въ нихъ, но игрища межи селы, и схождаахуся на игрища и на вся бѣсовскаа плясаніа, и ту умыкаху себѣ жены, съ неюже кто свѣчався; имяху же и по двѣ и по три жены. И аще кто умряше у нихъ, и творять тризну надъ нимъ, и посемь творяху колоду велику, и възложатъ на колоду мертвеца, и сжгутъ его, и посемь събравше кости и възложатъ въ суднину малу, и поставляху на путехъ на столпѣхъ; еже творять Вятичи и до сего дне. Сїи же имутъ обычай и Кривичи и прочіи поганіи, не вѣдуще закона Божіа, но творяще сами себѣ законъ.

Хронограѣъ. Глаголетъ бо Георгій въ лѣтописаніи: ибо коемуждо языку овѣмъ исписанъ законъ есть, другимъ же обычаа, за не безаконнымъ безаконіе отечѣствіе мнится. О Мисюри. И отъ нихъ же первіи<sup>4</sup> Сиріи, живущіи на конецъ земля, законъ имутъ отецъ своихъ и обычай: не любидѣати, ни красти, ни оклеветати, ни убити, ни злодѣати весма. О Врахманѣхъ. Законъ же и у Ктиріанъ, глаголеміи Врахмане и Островниці, и отъ прадѣдъ наказаніе же имутъ и благочестіе, мясъ не ядуще, ни вина піюще, ни блуда творяще, страха ради многа, ни злобы творяще никоеа же, Самоѣдъ. ибо друзіи близъ тѣхъ суть пнѣмъ закономъ, скверно творяще все, гнѣвливи паче естества, въ нутренѣйше же странѣ иже бяху и человѣки ядуще, и странствующіихъ убивааху, паче же ядаху

(1) Въ подлинникѣ: сїи же одобръ. (2) Тамъ же: о радимѣхъ. (3) Тамъ же противъ сего, новымъ почеркомъ, на полѣ замѣчено: отъ сихъ долженъ назваться Лутцъ. (4) Тамъ же: персидіи и; исправлено по Георгію Амартолу.



яко пси. О Халдеохъ. Инъ же<sup>1</sup> законъ Халдѣемъ и Вавилономъ: матери поймаху, съ братними чады блудъ творити, и убивати, и всякое бестудное дѣланіе творять. О Пиліохъ<sup>2</sup>. Инъ же законъ Пиліомъ: жены у нихъ<sup>3</sup> орють, и храми зиждють, и вся мужескаа дѣла творять, и прелюбы творять ей елико же хотятъ, не въздръжими отъ мужъ своихъ выну; и суть жены тѣи храбры, ловятъ звѣрь гораздо, и мужи своими владѣють жены тѣ. О Вретаніохъ. А во Вретаніи же мнози мужи съ единою женою спятъ, и жены съ единымъ мужемъ похотствуютъ, незаконный законъ отчъ творять независтно, ни въздръжанно. О Мазавецкихъ женахъ. Амазоня же мужа не имуть, но аки скоты бесловесны, но единою лѣтомъ къ вешнему дню оземствены будутъ, и съчѣтаются съ окрестными бо<sup>4</sup> мужи, яко нѣкоторое имъ трѣжество и велико празднество время то тѣмъ мнѣть; отъ нихъ заченшимъ въ чревѣ, и паки разбѣгнуты отъсюду<sup>5</sup> вси; въ время же хотящимъ родити, и аще родитъ мужескъ полъ, то погубитъ е; аще ли женескъ, то въздоитъ ю прилежно. Якоже и при насъ се нынѣ. О Половцѣхъ. А Половци законъ дръжатъ отецъ своихъ: кровь проліати, хвалящися о сихъ, ядуше мертвечину и всю нечистоту, хомякы и сусолы, и поймають мачехы и ятровы, и иныи обычаи творять отецъ своихъ. О христіанехъ. Мы же христіане, елико земль, иже вѣрують въ святую Троицу, въ едино крещеніе, въ едину вѣру, и законъ имаы единъ, елици въ Христа крестихомся, въ Христа облекохомся.

По сихъ же лѣтехъ, по смерти братіа сіа, Поляне быша обидими отъ Древлянъ и иными околними, и наидоша я Козари сѣдяща на горахъ въ лѣсѣхъ, и рѣша имъ Козари: «дайте намъ дань.» Издумавше Поляне и вѣда-

ша имъ отъ дыма мечъ, и несоша Козари къ князю своему и ко старѣйшинамъ своимъ, рѣша имъ: «налѣзохомъ дань нову.» Они же рѣша имъ: «откуда?» Сіи же рѣша: «въ лѣсѣхъ на горахъ, надъ рѣкою Днѣпрскою.» Они же рѣша: «да что суть дали?» Сіи же показаша имъ мечъ. И рѣша старци Козарстїи: «не добра, княже, дань си; мы ся доискахомъ оружіемъ единою страною острыемъ, рекше саблею, а сіе ихъ оружіе обоюду остры есть, рекше мечъ; сіи бо имуть дань имати на насъ и на инихъ странахъ.» Се же събысться все; не отъ своеа бо воля се рекоша, но отъ Божїа промысла събысть(ся) се. И бысть якоже прежде при Фараонѣ, цари Египетскомъ, егда приведоша Моисеа предъ Фараона, и рѣша Фараону старци Египетстїи: «о, царю! сїи хоцетъ смирити область Египетскую». Яко и бысть; и погыбоша Египтяне отъ Моисеа. Такоже и сіи Козаре владѣша Поляны, а послѣди сами почаша владѣны быти отъ нихъ; яко и бысть, владѣють бо Козарми Русь и до днешняго дне, по прореченію старецъ ихъ.

Временникъ Софѣйскый, иже глаголется лѣтописецъ Рускихъ князей, и како избра Богъ страну нашу на послѣднее время, и гради почаша быти по мѣстомъ, прежде Новгородскаа волость, потомъ Кїевскаа, и о статїи Кїева, и како именовася Кїевъ.

Якоже древле Ромъ постави полату и нарече градъ Ромъ, потомъ преименова его Римъ, убїенїа ради брата своего Рима; и паки Антіохъ, и бысть градъ Антіохїа, и паки Селевкъ, воеводы Александровы, и бысть градъ Селевскыа; и паки самъ Александръ, и бысть во имя его Александрїа; и по многа мѣста тако прозвани быша гради ти въ имена

(1) *Въ подлинникѣ:* иже. (2) *Слѣдуетъ читать:* о пиліохъ. (3) *Въ подлинникѣ:* инъ же закономъ пиліомъ жены у нихъ. (4) *Тамъ же:* пбо. (5) *Тамъ же:* отъ себе; *исправлено по Полн. Собр. Лѣт. т. I, стр. 7.*



852 царей тѣхъ и князей тѣхъ; яко въ нашей земли прованъ<sup>1</sup> бысть градъ великій Кіевъ въ имя Кіа, егоже древле нарицають перевозника суца, иныи же яко ловы дѣаше около града своего. Великъ бо есть промысль Божій, еже явился въ послѣдняя времена! куда же древле поганіи жряху бѣсомъ, туда же нынѣ святыя церкви стоятъ златоверхія каменнозданныя, и монастыреве исполнены чръноризецъ, беспрестани славяще Бога въ молитвахъ, и въ бдѣніихъ, въ постѣхъ, въ слезахъ, ихже ради молитвъ міръ стоитъ. Аще бо къ святымъ сы прибѣгнетъ церквамъ, тѣмъ велику ползу прииметъ души и тѣлу. Мы же на предлежащее или на послѣднее възвратимся о началѣ Рускіа землѣ и о князехъ, како и откуда<sup>2</sup> быша. Васъ же молю, стадо Христово, съ любовію, приклоните ушеса ваша разумно: како быша древніи князи и мужи ихъ, и како обороняху Рускіа земля, и иныя страны приимаху подъ ся. Тіи бо князи не събирааху много имѣнія, ни творимыхъ вирь, ни продажъ въскладаху на люди; но оже будяше праваа вира, а ту възымааше и дааше дружинѣ на оружіе. А дружина его кормяшеся, воюючи иныя страны, біющеся: «братіе! постыгнемъ по своему князи и по Русской земли». Не жадааху: «мало ми есть, княже, 200 гривенъ»; не кладаху на свои жены златыхъ обручей, но хождааху жены ихъ въ серебрѣ, и расплодили были землю Русскую. И за наше<sup>3</sup> насытство навелъ Богъ на ны поганя, и скоти наши, и села наша и имѣнія наша за тѣми суть; а мы злыхъ своихъ не останемъ. Писано бо есть: богатество, неправдою събираемо, скоро извѣтсѣ; и паки: събираетъ, а не вѣсть кому събираетъ; и паки: лучше малое праведнику, паче богатства грѣшнихъ многа. Да отселѣ, братіе възлюбленнаа, останемся отъ насытства своего; но довольны будемъ уроки нашими. Яко

и Павелъ пишетъ: ему же данъ, то данъ, а ему же урокъ, то урокъ; никому же насилія творяще, милостинею цвѣтуще, страннолюбіемъ въ страстѣ Божіи и правовѣріи свое спасеніе съдѣвающе, да и здѣ добръ поживше, и тамо вѣчнѣй жизни причастници будемъ съ всѣми свѣтло пострадавшими и вѣнчавшимися, ихже хотимъ подвиги и боренія въспоманути, творящихъ правду въ всяко время. Злыхъ же властолюбецъ и братоненавидецъ права да отбѣгнемъ, ихже огонь ожидаа въ вѣкы не въздремлетъ. Сіа же и таковаа вся оставльше, къ преждепомянутѣй повѣсти възвратимся. Отъ начала Рускіа земля до княженія великаго князя Ивана Василіевича, Московскаго, и Владимерскаго, и Суждалскаго, и Новгородскаго, и Смоленскаго, и Тверскаго, и Рязанскаго, и Устюжскаго, и Югорскаго, и Пермскаго, и Емскаго, и Асытскаго, и иныхъ многихъ земель государя, сѣдшу ему княжити послѣ отца своего, великаго князя Василіа Ивановича, сушу ему трею лѣтъ отъ рода, мати же его Елена, девятыйженадесять отъ Рюрика, прѣваго князя Русскаго.

Сиде начинается гронографъ Рускихъ князей. Въ лѣто 6300 и 60, индикта 15 день, наченшу Михаилу, сыну Теофилу, царствовати въ Цариградѣ по отци своему Теофилѣ, съ матерію Теоodoroю царицею, и начася прозывати Русскыя земля. Якоже нѣкое благое сѣмя, тръніемъ подавляемо, отъ земля начатъ възницати, дондеже мудрый дѣлатель оставитъ тако възрастати траву сѣменну до времени плодовъ, и егда приблизится жатва, тогда послетъ сръпъ свой пожати въкупѣ тръніе и благоплоднаа сѣмена, и овымъ своа хранилища устрои, комуждо по дѣломъ, овому житница, другому же огонь неугасающій: тако и всеа твари хытрый творецъ Богъ не презре свое съзdanіе, но отъ Отцу своему на

(1) Въ подлинникѣ: прозвана. (2) Тамъ же: откуда. (3) Тамъ же: за няше.



рамо вземъ принесе класъ зрѣль и много-  
плодень израстъшій; и не токмо единъ класъ,  
глаголемый Владимиръ, но и многа чада его  
наполниша дворы небесныя. То много оставль-  
ше, ко предпоянотому поидемъ, оттолѣ и  
число положимъ. Яко отъ Адама до потопа  
лѣтъ 2242; а отъ потопа до Авраама лѣтъ  
1082; а отъ Авраама до исхоженія Моисеова  
лѣтъ 502; а отъ исхода до Давыда лѣтъ 651;  
а отъ Давыда и отъ начала царства Соло-  
мона до плѣненія Іерусалима лѣтъ 400 и 48;  
а отъ плѣненія до Александра царя лѣтъ 300  
и 18; а отъ Александра царя до рождества  
Христова лѣтъ 333; а отъ рождества Хри-  
стова до Костантина царя лѣтъ 300 и 18; а  
отъ Костантина царя до сего Михаила царя  
лѣтъ 542. Мы же на преднее възвратимся и  
скажемъ, что ся удѣа въ лѣта сіа.

Индѣ же отздѣ начало.

Въ лѣто 6362. Начало земли Русстѣй.

Въ лѣто 6366. Михайлъ царь Грекомъ изыде  
съ вой своими берегомъ и моремъ на Болга-  
ры; Болгары же увидѣвъше, и не могоша стати  
противу ему, и просиша креститися, и по-  
коришася Грекомъ. Царь же крести князя  
ихъ, и боляры вся, и землю ихъ, и миръ  
сътворы съ Болгары въ 7-е лѣто царства  
своего.

Въ лѣто 6367<sup>1</sup>. Имаху дань Варязи изъ за-  
морія на Чюди, и на Словянехъ, и на Мери  
и на всѣхъ Кривичехъ, отъ мужа по бѣлѣ  
въверицѣ. А въ тоже время Козари имаху  
дань на Полянехъ, и на Сѣверянехъ и на  
Вятичехъ, по бѣлѣ въкшици огъ дыма. Въ  
царство же Михаила царя начася прозвати  
Русская земля; при немъ ходиша Русь на  
Царьградъ.

А се отъ начала князей Рускихъ и  
начало княженія ихъ скажемъ.

Въ лѣто 6370. Въсташа Кривичи, и Сло-

вяни, и Чюдь, и Меря на Варягы, рекше 852  
на Нѣмци, и изгнаша я за море, и не даша 863  
имъ дани, и начаша сами себѣ владѣти и  
города ставити; и не бѣ въ нихъ правды, и  
въста родъ на родъ, и бысть межи ими рать  
велика и усобица, и воевати почаша сами  
на ся. И рѣша сами къ себѣ: «поищемъ себѣ  
князя, иже<sup>2</sup> бы владѣлъ нами, и рядилъ ны  
и судилъ въ правду.» При сего Михаила цар-  
ствѣ послаша къ Варягомъ за море къ Руси;  
сиче бо зваху Варягы Русью, яко и се дру-  
зиі зовутся Армане, Агляне, иніи Гте; тако  
и си. Рѣша Чюдь, Словяне, Кривичи Варя-  
гомъ: «вся земля наша добра есть и велика  
и изобилна всѣмъ, а нарядникъ въ ней нѣтъ;  
поидите къ намъ княжити и владѣти нами». И  
избрашася отъ Нѣмецъ тры брати съ роди  
своими, и пояша съ собою дружину многу;  
и пришедъ старѣйшій Рурикъ сѣде въ Ново-  
городѣ, а Синеусъ, братъ Руриковъ, на Бѣ-  
лѣозерѣ, а Труворъ въ Изборьскѣ; и нача-  
ша воевати всюду. А отъ тѣхъ Варягъ на-  
ходницѣхъ прозвашася Русь, и отъ тѣхъ сло-  
ветъ Русская земля; и суть Новгородстїи  
люди и до днешнего дне отъ рода Варяже-  
ска, преже бо бѣша Словяне. По двою же  
лѣту Синеусъ и братъ его Труворъ умре, и  
пріа всю власть въ Руси Рурикъ и обою  
брату, и нача владѣти единъ, въ лѣто 6371,  
и сѣде Рурикъ въ Новгородѣ въ Великомъ,  
и раздаа грады мужемъ своимъ: овому далъ  
Полтескъ, иному далъ Ростовъ, иному же  
Бѣлоозеро, и прочимъ. По тѣмъ градомъ  
суть сѣли Варяги находници, а дотолѣ бы-  
ша первіи населници: въ Кіевѣ Варязи, въ  
Новгородѣ Словяни, въ Полотесѣ Кривичи,  
въ Ростовѣ Меря, на Бѣлѣозерѣ Весь, въ Му-  
ромѣ Муромъ. То тѣми всѣми обладааше Рю-  
рикъ. О Аскольдѣ и Дирѣ. И бѣста у него  
два мужа, Аскольдъ и Диръ, не племени его,  
ни болярина, и испросистася у него ити къ

(1) Въ подлинникъ вынесено на поле противъ этого мѣста: въ то врѣмя. (2) Тамъ же: юже.



863 Царуграду съ родомъ своимъ. И поидоста  
882 по Днѣпру, и узрѣста на горѣ градокъ  
малъ, и выпросиста: «чій есть градокъ сѣй?»  
И рѣша имъ ту сущіи: «были суть три бра-  
ты, Кій, Щеки, Хоривъ, и тѣи же здѣлаша  
сѣй градъ, и изгыбоша; мы же сѣдимъ пла-  
тѣще дань<sup>1</sup> родомъ ихъ, Козаромъ.» Аскольдъ  
же и Диръ сѣдоста во градъ томъ, и многы  
Варягы съвокушста, и начаста владѣти По-  
ляньскую землю; и бѣша ратни съ Древляны  
и съ Угличи. Рурику же княжашу въ Но-  
вѣгородѣ, и роди сынъ, и нарече имя ему  
Игорь. Възрастшу же Игореву, и бысть хра-  
беръ и мудръ; и бысть у него воевода, име-  
немъ Олегъ, мужъ мудръ и храбръ.

Въ лѣто 6374. Прииде Аскольдъ и Диръ  
на Греки къ Царуграду, при Михаилѣ цари  
и матери его Θεодорѣ, юже проповѣдаша  
поклоненіе<sup>2</sup> честнымъ иконамъ, въ 1-ю не-  
дѣлю святаго поста. О семъ увидѣхомъ,  
яко при семъ цари приходиша Русь на Царь-  
градъ<sup>3</sup>, якоже пишется въ лѣтописаніи Гречь-  
стѣмъ, во 14 лѣто царства Михаила. Царю  
же отшедшу на Агаряны воевати, Орифанта  
въ Константиноградѣ остави, и дошедшу ему  
Черныя рѣкы, вѣсть посла къ нему епархъ,  
яко Русь идетъ на Царьградъ; то же слы-  
шавъ и воротися<sup>4</sup> царь. Сіи же внутрь Суду  
вшедше, много убійство христіаномъ сѣво-  
риша, и оступиша Царьградъ въ двою сту  
кораблей. Царь же дошедъ, едва внїиде въ  
градъ, и съ патриархомъ Фотіемъ прииде ко  
сущій церкви святѣй Богородици Влахерну,  
и всю ночь молитву сѣтворивъ; (имя же се  
пріять мѣсто то<sup>5</sup>), нѣкоему же князю Скифѣ-  
нину, Влахерну нарицаему, идушу, ту<sup>6</sup> ему  
избїену быша. Таже и святую ризу святѣа Бо-

городица (съ) пѣсньми изнесоша, съ плачемъ,  
и омочи въ морѣ<sup>7</sup>. Бѣ бо море укротилося и  
тихо бысть; и абіе воста буря съ вѣтромъ, и  
вльнамъ веліимъ засобъ воставшимъ, и разби ко-  
рабля, и смяте безбожныхъ Русь, и къ берегу  
приврѣже, и изби а; и мало ихъ избы отъ та-  
ковыа бѣды избѣгнути, и въ своаси побѣгну-  
ти, съ побѣженіемъ и срамомъ<sup>8</sup> възвратисѣа.  
Аскольдъ и Диръ вмалѣ придоша къ Кіеву.

Въ лѣто 6375. Тишина бысть.

Въ лѣто 6376. Убіенъ бысть Михаилъ царь,  
во своей ложници, отъ Василиа кесара, гла-  
големаго Македона, иже преже бысть конюхъ  
Михаила царя. И нача царствовати Василій  
Македонинъ, лѣтъ 18 и мѣсяць 11. При семъ  
трусъ бысть въ Цариградѣ 40 днѣй, почень  
на святаго Поліевкта.

Въ лѣто 6377. Крещена бысть земля Бол-  
гарьскаа.

<sup>9</sup>Въ лѣто 6384. Михайлова царства въ 24  
лѣто скончѣся великій кругъ міротворный<sup>10</sup>.  
А въ лѣто 6385 начѣся новый кругъ, рек-  
ше 13 отъ начала міра.

Въ лѣто 6387. Умре Рюрикъ въ Нового-  
родѣ, княживъ лѣтъ 17, и предасть княже-  
ніе все Олгови, понеже ему отъ рода своего  
суца, власть ему и сынъ свой на руцѣ Иго-  
ря малого, бѣ бо дѣтескъ велми. Отъ прѣваго  
лѣта Михайлова до прѣваго лѣта Олгова,  
Рускаго князя, лѣтъ 22.

Княженіе Ольгово<sup>11</sup> въ Кіевѣ. Въ лѣто  
6390. Поиде Олегъ, поимъ со събою Игоря  
Рюриковича, изъ Новгорода въ судѣхъ къ  
Кіеву, и поемъ со събою воа многы: Арягы,  
Чюдь, Словяне, Вѣсь, Кривичи. И прииде ко  
Смоленску, и пріа градъ, и посади въ немъ  
мужъ свои; и оттуду поиде внизъ по Днѣп-

(1) Въ подлинникъ: дано. (2) Тамъ же: поклоненіемъ. (3) Тамъ же: на русь царьградъ. (4) Тамъ же это слово, другимъ почеркомъ, исправлено такъ: возвратися. (5) Слова: имя же се пріять мѣсто то взяты изъ Полн. Собр. Лѣт. т. I, стр. 242, ст. 2. (6) Въ подлинникъ: влахерну нарицаемую идушу, то. (7) Тамъ же отъ сего слова сдѣлана на полѣ слѣдующая выноска: . . . е skutъ омочивше. (8) Тамъ же: срамовъ. (9) Тамъ же передъ симъ зачеркнуто: въ лѣто 6378. (10) XII индиктионъ окончился въ 6384 году, въ царствованіе Василиа Македонина. (11) Въ подлинникъ: ольговъ.



ру, прииде ко горамъ Киевскимъ; и увидѣ Олега, яко Аскольдъ и Диръ княжита въ Киевѣ, Игорь же и Олегъ, творящися мимо идуща, потаистася въ лодіахъ, и другыя остави назади, и з малою дружиною изыидоста на брегъ. И посла Олегъ къ Асколду и Дирови, глаголя сие, «яко гость есмь Подъугорскый, идемъ въ Греки отъ Олга князя и отъ Игоря княжича, да приидѣте къ намъ къ родомъ своимъ». Аскольд же и Диръ приидоста къ нимъ; Олегъ же въземъ Игоря на руцѣ си, и рече Асколдови и Дирови: «вы ни есте князя, ни рода княжа, но азъ есмь князь, и мнѣ достоитъ княжити; а се есть сынъ Рюриковъ Игорь княжичъ.» И высказавше изъ лодей вои<sup>1</sup> Игоревы, и убиста Асколда<sup>2</sup> и Дира; и несше ихъ на гору, и погребоша ихъ, и есть могила ихъ словеть и до сего дне, иже ся зоветъ нынѣ Угорское, идеже есть дворъ Олгинъ, на той могилѣ постави Олга церковь святаго Николу; а Дирова могила за святою Ириною. И сѣде Олегъ княжа въ Киевѣ, и рече Олегъ: «се буди мати всѣмъ градомъ Русскимъ». И обладаше всею Русскою землею; и бѣша у него мужи Варязи, Словяне, и оттолѣ прочіи прозвашася Русью. Сій же Олегъ нача города ставити, и дани устави въ всей Русстѣй земли, Словяномъ, и Кривичемъ и Мерямъ дань даати Варягомъ, и отъ Новгорода 300 гривенъ на лѣто, мира дѣля, еже даваше Варягомъ и до смерти Ярославля. Поча Олегъ<sup>3</sup> воевати Древляны, и примучи вои, имаше на нихъ дань по чернѣ кунѣ<sup>4</sup> отъ дыма. И многы пны страны притяжа къ Русстѣй земли, и дани выложи на ня.

<sup>5</sup>Въ лѣто 6391. Иде Олегъ на Древляны и на Сѣверы, и побѣди ихъ, и възложи дань на нихъ по чернѣ кунѣ.

Въ лѣто 6392. Иде Олегъ на Сѣверяны, и възложи дань на нихъ легку; не дасть имъ Козаромъ дань даати, рекъ: «азъ есмь имъ противенъ<sup>6</sup>, а вамъ есть онѣ къ чему?»

Въ лѣто 6393. Посла Олегъ къ Радимичемъ, река: «кому дань даете?» Они же рѣша: «Козаромъ.» И рече имъ: «дайте мнѣ.» И вдаша Олгови по щелягу<sup>7</sup>, якоже и Козаромъ дааху. И бѣ<sup>8</sup> обладаше Олегъ Поляны, и Древляны, и Сѣверяны, и Радимичи, и Посуличи, и Тиверичи, имяне рать<sup>9</sup>.

Въ лѣто 6394. Леонъ царствова, сынъ Василиевъ, иже прозвася Левъ премудрый, лѣтъ 25 и мѣсяць 8; и по немъ и братъ его Александръ, иже царствова 1 лѣто и днѣй 29.

О Угрѣхъ. Въ лѣто 6406. Идоша Угри мимо Киевъ горою, иже ся нынѣ зоветъ Угорское, и пришедше къ Нѣпру стаха вежами; бѣша бо ходяще якоже и Половци. И пришедше отъ востока, устремишася черезъ горы великыя, иже прозвашася горы Угорьскыя, и почаша воевати на живушаа ту Волохи и Словяны. Сѣдяху бо ту преже Словяне, и Волохове и пріаша землю Волинскую; посемъ же Угри прогнаша Волохы, и наслѣдиша землю ту и сѣдоша съ Словянами, покоривша а подъ ся: и оттолѣ прозвася земля Угорская. И начаша воевати Угри на Греки, и плѣниша землю Фрацкую и Макидонскую даже и до Селуня; и начаша воевати и на Мораву и на Чехы. Бѣ бо единъ языкъ Словянескъ: Словяне, иже<sup>10</sup> сидяху по Дунаю, ихже пріаша Угри, и Моравы, и Чеси, и Ляхове, и Поляне, яже нынѣ зовомаа Русь. Симъ бо пръвое положены книги Моравѣ, яже прозвася грамота Словенская; таже грамота есть въ Руси и въ Болгарѣхъ Дунайскихъ<sup>11</sup>.

О преложении Греческихъ книгъ на

(1) Въ подлинникъ: свои. (2) Тамъ же: аскода. (3) Тамъ же: аегъ. (4) Тамъ же: по чернѣ ку. (5) Тамъ же передъ симъ зачеркнуто: в лѣто 6390. (6) Тамъ же: проти. (7) Тамъ же: по лящюгу. (8) Тамъ же послѣ словъ: и бѣ, помѣщено, по ошибкѣ, заглавіе, перенесенное къ 6406 году: о угрѣхъ. (9) Въ Полн. Собр. Лѣт. т. I, стр. 10 читается: а съ уличи и тѣверци имяне рать. (10) Въ подлинникъ: же. (11) Тамъ же: дунайскихъ.



898 Словенский языкъ. Словяномъ бо живущимъ крещенымъ, и князь ихъ Ростиславъ, Святополкъ и Хочель послаша къ царю Михаилу, глаголюще: «земля наша крещена, и нѣсть у насъ учителя, иже бы научили и сказали, и протолковали святаѣ книги; не разумѣмъ бо ни Греческому языку, ни Латинскому: они бо ны инако учать, а друзи инако, тѣмъ же не разумѣмъ книжнаго разума, ни силы ихъ; да послете ны учителя, иже могутъ намъ сказати книжнаа словеса и разумѣмъ ихъ». Се слышавъ царь Михаилъ, съзва философы вся, и сказа имъ рѣчи вся Словенскихъ князь. И рекоша философы: «есть мужъ въ Селуни, именемъ Левъ, и суть у него сынове разумиви языку Словенскому, и хитра два сына у него философа». И се слышавъ царь, посла по ня въ Селунь ко Лвови, глаголя: «пошли къ намъ воскорѣ сына своа, Мефедіа и Константина.» Се слышавъ Левъ, въскорѣ посла а, и приидоста въскорѣ ко цареви, и рече има царь: «се прислася къ мнѣ Словенскаа земля, просяще учитель себѣ, иже бы могъ имъ истолковати святаѣ книги; се бо желаютъ.» И умолена быста царемъ, и послаша а во Словянскую землю къ Ростиславу, и Святополку и Хочелови. Сима же пришедшима, и начаша съставляти писмена азбуки, писаніа столковаша азбуковнаа Словенскы, и преложиша апостолъ и евангеліе; и ради быша Словяны, яко слышаша величіа Божіа своимъ языкомъ; посемъ же приложиша псалтирь, и охтоихъ, и прочаа книги. И вѣсташа нѣцїи на ня ропшуще, и нѣцїи же начаша хулиты Словенскыа книги, глаголюще: «яко не достойтъ нѣкоторому же языку имѣти азбуковъ своихъ, рекше книгъ своихъ, развѣи Еврей, и Грекъ и Латинъ, по Пилатову слову<sup>1</sup>, еже на крестѣ написа Господни. Се же услы-

шавъ папѣжъ Римскій, похули тѣхъ, иже ропшутъ на книги Словенскыа, рка: «да ся исполнить книжное слово, яко да въсхвалятъ вся языци Бога истиннаго; другое же: вси възглаголютъ языки различными величіа Божіа, якоже дасть имъ Святыи Духъ провѣщевати; да аще кто хулитъ Словенскую грамоту, да будетъ отлученъ отъ церкви, дондеже исправится; тїи бо суть волци, а не овцы, якоже достойтъ отъ плодъ познати а и хранитися ихъ; вы же, чада Божіа, послушайте ученіа и не отрините наказаніа церковнаго, якоже вы наказалъ Мефедій учитель вашъ.» Костянтинъ же возвратився въспять, и иде учить Болгарскаа языка, а Мефедій оста въ Моравѣ. Посемъ же Хочель князь постави Мефедіа епископомъ въ Панїи, на столѣ святаго апостола Андроника, единого отъ 70, ученика<sup>2</sup> святаго апостола Павла. Мефедій же посади борзо два попа скорописца, велми горазда, и преложи вся книги исполнь отъ Греческаго языка во Словенский языкъ 6-ю мѣсяць, начень отъ марта мѣсяца до двадесяти и шесть днїи октября мѣсяца<sup>3</sup>; поскончавъ же, достойную хвалу и славу Богу воздавъ, дающему такову благодать епископу Мефедію, настолнику Андронику. Тѣмъже Словянску языку былъ учитель Андроникъ апостолъ; въ Моравы бо ходилъ апостолъ Павелъ и училъ, ту бо есть Илюрикъ, егоже (до)ходи апостолъ Павелъ, ту бѣше Словяне первіе. Тѣмъже Словянску языку учитель есть Павелъ, отъ него же языка и мы есми Русь: тѣмъже и намъ Руси учитель есть Павелъ апостолъ, понеже училъ языкъ Словянескъ, и постави епископа и намѣстника по себѣ Андроника Словянску языку. А Словянский языкъ и Рускій одинъ есть, отъ Варягъ бо придоша и прозвашася Русїю, а прѣвїе быша Словяне; аще и По-

(1) Противъ сего слова въ подлинникѣ, на полѣ, написано: писанію. (2) Тамъ же: ученикъ. (3) Тамъ же противъ сего, на полѣ, другимъ почеркомъ, написано: начень марта 1, кончалъ октября 26.



лянѣ нарицахуся, но Словенская рѣчь бѣ<sup>1</sup> въ нихъ, Поляне же прозвашася зане сѣдоша во полѣ, а языкъ Словенскій бѣ имъ единъ.

Левъ премудрый. Въ лѣто 6410. Леонъ царь ная<sup>2</sup> Угры и иде на Болгары, Угры же нашедше всю землю Болгарскую плѣневаху; Семеонъ же, увидѣвъ нашествіе ихъ, съ Болгары и на Угры възвратися, и Угры противу стаха и побѣдиша Болгаровъ, едва Семеонъ царь убѣже въ градъ Дерестъ.

Въ лѣто 6411. Игоревъ възрастъшу и възмужавшу, и хождааше по Олзѣ и слушаше его; и приведе ему Олегъ жену отъ Плескова, именемъ Олгу.

Хоженіе Олгово на Греки. Въ лѣто 6415. Иде Олегъ на Греки съ множествомъ вой, а Игоря остави въ Кіевѣ; понемъ же съ собою множество Варягъ, и Словяни, и Чюдь, и Кривичи, и Мерю, Поляны, и Сѣверу, и Древляны, и Радимичи, и Вятичи, и Хорваты, и Дулѣбы, и Тиверици, иже суть толкованы: сѣи вси звахуся отъ Грекъ Великаа Скифіа. Съ сими съ всѣми поиде Олегъ въ кораблехъ и на конехъ, и бѣ числомъ двѣ тысячи кораблей, и поплѣниша землю всю. И придоша къ Царюграду, и Греци замкоша съсудъ, сирѣчь пропаша чѣпъ, протяженую отъ Галаты до Лахернскія церкви, и градъ затвориша. И выиде Олегъ ис корабля, и повелѣ чиниты кола, и постави корабли на кола; и повелѣ възнати парусы, и поиде во кораблехъ посуху, бѣ бо имъ покосень вѣтръ. И повоева Олегъ около града, и много убійство сътвори Грекомъ, и разбы многыа полаты, и многыа церкви пожгоша; а яже имаху плѣнники, овѣхъ постѣкааху, а иныхъ мучааху, иныя же растрѣляху<sup>3</sup>, а другыя въ море метааху, и ина многа творяху Грекомъ Русь, елико же ратни творяху. Якоже видѣвше ихъ Греци, идущихъ чрезъ поля ко граду посуху въ кораблехъ, множество бесчислено вой, и убояшася, и

выслаша къ Олгу изъ града, глаголюще: «не 898  
погубляй града, имемъ ти ся дань даати, яко 907  
же хочещи». И устави Олегъ вой свои, повелѣ имъ не воевати, и вынесоша ему Греци брашно и вино, и не пріа его; бѣ бо устроено съ отравою смертною. И убояшася Греци и рѣша: «нѣсть се Олегъ, но Богомъ послана на ны казнь, грѣхъ ради нашихъ». А инии глаголаху: «нѣсть се Олегъ, но святой Димитрій посланъ на ны отъ Бога». И заповѣда Олегъ дань даати на 2,000 кораблей, по 12 гривень на челоука, а въ корабли бойцовъ по 40 челоука; и яшася Греци по се, и почаша мира просити, дабы не воевалъ Греческіа земли гражанъ и по пристанище. Олегъ же нача помалу отступати отъ града, и сътвори миръ, и нача любовь творити съ царема Греческыма, съ Леономъ и Александромъ съ Василіевичи. 1-й миръ Олговъ съ . . . . . И посла къ нимъ въ градъ пословъ своихъ: Карля, Фарлофа, Велемудра, Рулава и Стемида, глаголя имъ: «имѣте ми ся по дань». И рѣша Греци: «чего хочещи дамы ти». И рече Олегъ: «дадите ми воємъ на 2,000 кораблей, по 12 гривень на ключъ», и потомъ заповѣда дааты выходъ на Русскія грады, на Кіевъ, таже на Черниговъ, и на Переяславль, и на Полтескъ, и на Ростовъ, и на Смоленскъ, и на Любечъ и на прочаа грады: по тѣмъ бо градомъ сидяху князіа подъ Олгомъ суще; «да приходяще Русь дань емлють, елико хотяще, а иже приидеть гость, да емлетъ мѣсячину на 6 мѣсяць, хлѣбъ, и вино, и мясо, и рыбы, и оwoщъ; да творятъ имъ мовниці, елико хотятъ; пондучи же Руси домовъ, да емлють у царя вашего на путь брашно, якори, ужа, и прѣ, и елико надобе». И яшася Греци, и рѣста царя и боярство все: «аще приидутъ Русь бескупли, да не емлють мѣсячины; да запрѣтитъ князь<sup>4</sup> людемъ своимъ, приходящимъ здѣ Руси, да не творятъ пакости во селехъ и во странѣ

(1) Въ подлинникѣ: бо. (2) Тамъ же: на. (3) Тамъ же: растрѣляху. (4) Тамъ же отъ слова: князь сдѣлана выноски на поле: посломъ.



907 нашей; приходящи же Руси здѣ да витають  
912 у святаго Мами, и послеть царство наше, да испишуть<sup>1</sup> имена ихъ, и тогда возмутъ мѣсячное свое, 1 отъ града Кіева, и паки съ Чернигова, и Переяславля, и прочіи гради<sup>2</sup>; да воходятъ въ градъ единѣми враты, съ царевымъ мужемъ, безъ оружіа, мужъ 50, и да творять куплю иже надобѣ имъ, и не платятъ вины<sup>3</sup> ни въ чимъ же». Царь же Леонъ и Александръ сътвориша миръ съ Олгомъ, имшеся по дань, и ротѣ заходиша межѣ собою, цѣловавше сами крестъ, а Ольга и мужи его водиша на роту по Рускому закону, кляшася оружіемъ своимъ, и Перуномъ богомъ своимъ, и Власіемъ скотинмъ богомъ; и утврдиша миръ. И рече Олегъ: «испійте парусы паволочаты Руси, а Словяномъ кропинныа», и бысть тако; и повѣси щитъ свой въ вратѣхъ, показуа побѣду, и поиде отъ Царяграда. И въспяша парусы паволочаты, а Словяны кропинныа, и раздра кропинныа вѣтры; и рѣша Словяны: «имемся своимъ тлѣстинамъ, не даны суть Словяномъ прѣ». И прииде Олегъ къ Кіеву и ко Игору, несый имѣніе много, злато, и паволокы, овощъ, и вино, и всякое узорочіе; и прозваша Ольга вѣщій: бяху бо людіе погани и невѣгласи.

Въ лѣто 6419. Явися звѣзда велика на западѣ, копейнымъ образомъ.

2-й миръ Олговъ съ Греки. Въ лѣто 6420. Посла Олегъ мужи своя (въ) Царьгородѣ, къ царема Лву и Александру, построити мира 1-го и положить рядъ межѣ Греки и Русью<sup>4</sup>; и посла глаголя:

«Равно другаго съвѣщаніа, бывшаго при тѣхъ же царехъ Лва и Александра, мы отъ рода Русскаго, Карль, Инегельдъ, Фарлофъ, Вельмудръ, Рулавъ, Груды, Руальдъ, Карнъ, Флелавъ, Рюраръ, Актеву, Труанъ,

Лидуфость, Стемидъ, иже послани отъ Олга, великаго князя Рускаго, и отъ всѣхъ, иже суть подъ рукою его, свѣтлыхъ боярь, къ вамъ, Лвови, и Александру и Костантину, великимъ о Бозѣ самодръжцемъ, царемъ Греческимъ, на утверженіе и на извѣщеніе отъ многихъ лѣтъ межѣ христіаны и Русью бывшую любовь, похотѣніемъ нашихъ князей и по велѣнію, и отъ всѣхъ иже суть подъ рукою его сущихъ Руси. Наша свѣтлость болѣ иныхъ, хотящихъ о Бозѣ удръжати и извѣстити таковую любовь, бывшу межѣ христіаны и Русью, многожды право судихомъ, но точию простословесень<sup>5</sup>, писаніемъ и клятвою твердою, кляшася оружіемъ своимъ таковую любовь извѣстити и утвердити по вѣрѣ и по закону нашему. Суть, яко по неже мы<sup>6</sup> ся имали о Божіи мирѣ и о любви, главы таковыа: По прьвому убо слову да умиримся съ вами, Греки, да любимъ другъ друга отъ всеа душа и изволеніемъ, и не вѣдадимъ, елико наше изволеніе, быти отъ сущихъ подъ рукою нашихъ князь свѣтлыхъ никакому же съблазну или винѣ; но потщимся, елико по силѣ, на съхраненіе прочіихъ и воину<sup>7</sup> лѣтъ съ вами, Греки, исповѣданную написаніемъ и клятвою извѣщаемую любовь непревратну и неподвижиму. Такожѣ и вы, Грецы, съхраните такужъ любовь къ княземъ же свѣтлымъ нашимъ Рускимъ и къ всѣмъ, иже суть подъ рукою свѣтлаго князя наша и князей нашихъ, не съблазну и непреложну выну и въ вся лѣта. И о главахъ, иже ся урядитъ проказа, урядимся сиче: да елико явѣ будетъ показаніи явленными, да имѣемъ вѣрное о тацѣхъ явленіи; а ему же начнутъ не яти вѣры, да кленется часть та<sup>8</sup>, иже ищетъ неятю вѣру, да егда кленется по своей вѣрѣ, будетъ казнь, якоже явится съгрѣшеніе о семъ. Аще убіетъ кто

(1) Въ подлинникѣ: да испишуть. (2) Тамъ же: града. (3) Тамъ же отъ слова: вины сдѣлана выноска на поле мыта. (4) Тамъ же: русью. (5) Тамъ же отъ слова: простословесень сдѣлана на поле выноска: православно. (6) Тамъ же: мы. (7) Тамъ же: прочіихъ вои и иныхъ. (8) Тамъ же: да не кленется чаемъ.



христіанина Русинъ, или христіанинъ ударить Русина и умереть, да умереть, идеже аще сѣтворить убійство. Аще ли убѣжитъ сѣтворивый убійство, аще есть домовить, да часть его, сирѣчь иже его будетъ, по закону да възметъ ближній убіенаго; а иже на убившаго да имѣеть толицѣмъ же пребудеть по закону; аще ли есть неимовить сѣтворивый убійство и убѣжавъ, да дрѣжится тяжи, дондеже обрящется, яко да умереть. Аще ударить мечемъ, или біеть кацѣмъ любо съсудомъ, за то удареііе да дасть литръ 5 сребра (по) закону Рускому; аще ли будетъ неимовый тако сѣтворивый, да въдасть елико можетъ, да сѣметъ съ себе и ты самыа порты, въ нихъ же ходитъ, а прочѣ да ротѣ ходитъ своею вѣроу, якоже никакоже помощи ему иному, да пребываетъ тяжа оттолѣ не възыскаема о семъ. Аще украдетъ Русинъ что любо у христіанина, или паки христіанинъ у Русина<sup>1</sup>, и ятъ будетъ въ томъ часѣ татъ, егда татбу сѣтворить, отъ погубившаго что любо, аще приготовится татбу творяй (и) убіенъ будетъ: да не възыщется смерть его ни отъ христіанъ, ни отъ Руси; но паче убо възметъ свое, еже будетъ погубиль. Аще дасть въ руцѣ украдый, да ятъ будетъ тѣмъ, у него же будетъ украдено, и связанъ будетъ, да отдастъ иже то сѣтвориль. Аще или Русину христіанинъ, или христіанину Русинъ<sup>2</sup>, мученіа образомъ искусъ творити, насиліе възме явѣ что любо дружне, да възвратитъ, рекше проданъ будетъ, трижды. О лодіѣ съ товаромъ. Аще въврѣжена будетъ лодіа вѣтромъ на землю чюжу, и обрящется тамо иже отъ насъ Руси, да аще стоитъ, снабдѣти лодію съ рухломъ своимъ и отслаты паки на землю христіанску, да провадимъ ю сквозѣ всяко мѣсто страшно; аще ли таковаа лодіа, или отъ буря, или бороненіа зем-

наго боронима, не възможе възборонитися въ своа мѣста, спотружаемся гребцемъ тоа лодіи мы Русь, да проводимъ съ куплею ихъ поздорову, то аще ключится близъ Греческіа земли; (аще ли ключится<sup>3</sup>) такаже проказа лодіи (близъ земли) Русской, да проводимъ ю въ Русскую землю, и да продають рухло тоа лодіи, аще что можемъ отъ тоа лодіи, и лодіа въволочимъ имъ мы, Русь<sup>4</sup>; да егда ходимъ въ Греки, или посломъ къ цареву вашему, или съ куплею, да пустимъ е съ честію проданое рухло людей ихъ; аще ли ключится кому отъ тое лодіи убіену быти, или біену быти отъ насъ Руси, и взяту быти чему любо, да повинни будутъ то сѣтворшеи отъ тое Руси прежереченною опитемію и отъ тѣхъ. Аще плѣнникъ обою страну дрѣжимъ есть, отъ Руси или отъ Грекъ, преданъ во ину страну, ци обрящется Русинъ или Гречинъ, да искупятъ<sup>5</sup> или възвратятъ искупное лицемъ въ свою страну, и възмутъ цѣну его купящии, или мнится куплю на день челядиннаа цѣна; такоже аще отъ рати аще ятъ будетъ, да отъ тѣхъ Грекъ такоже да възвратится въ свою землю, и да отдана будетъ цѣна его, якоже речено есть, якоже есть купля. О помочи. Егда же будетъ на войну ити, егда потребу творите, и си хотя почтити царя вашего, да аще въ кое время елико ихъ приидетъ и хотятъ остати(ся) у царя вашего<sup>6</sup>, своею волею, да будетъ. Отъ Руси плѣнени<sup>7</sup>, многожды отъ коеа любо<sup>8</sup> страны пришедшимъ въ Русь и продаемомъ въ христіаны, аще отъ христіанъ плѣненныхъ многожды отъ коеа любо страны приходящимъ въ Русь: се продаемы бывають по 20 злата, приидутъ въ Греки. О головной татѣ. О томъ аще украденъ будетъ челядинъ Русскій, или уско- чить, или по нужи проданъ будетъ, и жаловатися почнутъ Русь, тако покажется таковое

(1) *Въ подлинникъ:* у русина. (2) *Тамъ же:* христіанинъ русяну. (3) *Слова:* аще ли ключится *взяты изъ Полн. Собр. Лѣт. т. I, стр. 15.* (4) *Въ подлинникъ:* въ русь. (5) *Тамъ же:* не купить. (6) *Тамъ же:* нашего. (7) *Въ Полн. Собр. Лѣт. т. I, стр. 15:* о руси о полоненіи. (8) *Въ подлинникъ:* убо.





912 отъ<sup>1</sup> челядина, да поймутъ и Русь; и гость еще  
913 погубить челядина, и вжалуютъ, да ищутъ,  
обрѣтше поймутъ и; аще ли кто искушеніа  
того не дастъ сѣтворити, местникъ да погу-  
бить правду свою. Отъ работающихъ въ Гре-  
цѣхъ Руси у христіаньскаго царя аще кто  
умреть, не урядивъ своего имѣнія, къ малымъ  
ближникомъ въ Русь да възвратитъ имѣніе,  
аще своихъ не имать; аще ли сѣтворитъ обря-  
женіе, да таковой възметъ уряженое его, кому  
будетъ писалъ наслѣдити имѣніе, да наслѣдитъ  
е отъ возимающихъ куплю Руси, отъ различ-  
ныхъ странъ ходящихъ въ Греки и удов-  
жающихъ. Аще злодѣй възвратится въ Русь,  
да жалуются Русь христіаньскому царю, и  
ять будетъ таковой, и възвращенъ не хотя  
въ Русь. Сы же вся да творять Русь Гре-  
комъ, идеже аще ключится таковое. На  
утврѣженіе и неподвиженіе быти межѣ вами  
христіани и Русію, бывшей миръ сѣтворихомъ  
Ивановымъ писаніемъ на двою харатію,  
царя вашего (и) своею рукою, подлежащимъ  
честнымъ крестомъ и святою и пречестною и  
нераздѣлимую и животворящую единаго  
Троицу, единаго истиннаго Бога нашего,  
извѣсти и даси нашимъ словомъ; мы же кля-  
хомся къ царю вашему иже отъ Бога сущее  
къ Божію зданію паче естества по закону и  
по покону языка нашего, не преступати ни  
намъ, ни оному отъ страны нашеа отъ устав-  
ленныхъ главъ мира и любви. Таковое напи-  
саніе дахомъ, написахомъ царства вашего не-  
удержанное<sup>2</sup> и на устроеніе, или<sup>3</sup> извѣщеніе,  
обоему пребывати таковому сѣвѣщенію на  
утврѣженіе межѣ нами, и Русью и Греки,  
бывшаго мира, мѣсяца сентебря 2, недѣли  
15, въ лѣто отъ сзданія міра 6420.»

Царь же Леонъ послы Рускыа почты дары,  
златомъ, и паволоками и фооудіамъ; и при-  
стави къ нимъ мужи свои показати имъ цер-

ковную красоту, полаты златыя и въ нихъ  
сущее богатство, злато многое, и паволоки и  
каменіе дорогое, еще же и чюдеса Бога сво-  
его и страсти Господни, вѣнецъ, и гвоздіе и  
хламиду багряную, и мощи святыхъ, учаще ихъ<sup>4</sup>  
къ вѣрѣ своей и показучи имъ истинную вѣру;  
и тако отпусти а въ свою землю съ честію  
великою. Посланіи же Олгомъ послѣ прии-  
доша къ Олгови, и повѣдаша вся рѣчи обою  
царю, како сѣтвориша миръ, и урядъ поло-  
жиша межѣ Греческою землею и Русскою, и  
клятвы не преступити ни Грекомъ ни Руси.  
И живяше Олегъ, миръ имѣа къ всѣмъ стра-  
намъ, княжа въ Кіевѣ.

О смерти Олговъ. Въ лѣто 6421. И при-  
спѣ осень, и помяну Олегъ конь свой, иже бѣ  
поставилъ кормити и не всѣдати на нь. Бѣ бо  
преди въпрашалъ влхвъ и кудесникъ: «отъ  
чего ми есть умерети?» И рече ему единъ ку-  
десникъ: «княже! есть у тебе конь, егоже  
ты любиши ѣздити<sup>5</sup> на немъ, то отъ того  
смерть тебѣ пріати». Олегъ же пріемъ въ умѣ  
своемъ, и рече: «николиже да не всяду на нь,  
ни вижу его болѣ того»; и повелѣ кормити  
его и не водити его къ собѣ, и пребысть нѣ-  
колько лѣтъ не видаа его, дондеже и въ  
Греки<sup>6</sup> поиде. И пришедшу ему отъ Грекъ  
къ Кіеву, пребывшу ему 4 лѣта, и на пятое  
лѣто помяну конь свой, отъ негоже ему  
влхви бяху рекли умерети, и призвавъ къ  
себѣ старѣйшину конюховъ своихъ и рече:  
«гдѣ есть конь мой, егоже быхъ поставилъ  
кормити, и блюсти его, и не ѣздити<sup>7</sup> на немъ,  
и не приводити его предъ ся?» Онъ же рече:  
«умрѣлъ есть». Олегъ же посмѣявся и укори  
кудесника, рекъ: «то ти неправо глаголють  
влхви, но все лжуть; се конь мой умрѣлъ  
есть, а азъ живъ». И повелѣ осѣдлати себѣ  
конь, «да вижу, рече, кости его.» И пріиде на  
мѣсто, идеже лежаху кости того коня голы

(1) Въ подлинникъ: о. (2) Тамъ же: неуржанное. (3) Тамъ же: ил. (4) Тамъ же: учащихъ. (5) Тамъ же: ѣздити. (6) Тамъ же отъ словъ: и въ греки сдѣлана на поле выписка: и на царьградъ. (7) Тамъ же: не здати.



и лобъ голь, и съсѣдъ съ коня, и посмѣяся рекъ: «отъ сего ли лоба смерть придетъ мнѣ?» и воступивъ ногою на лобъ; и выникнувъ змѣя изъ лба, и уклюну его въ ногу, и съ того разболѣся и умре. И плакашася по немъ людѣе вси плачемъ великимъ, и несоша его, и погребоша на горѣ, зовемой Шековица; и есть же могила та и до сего дне, словеть могила Олгова. И бысть всѣхъ лѣтъ княженія его 33.

Сказаніе о вѣсѣхъ притчи. Се же не дивно, яко отъ вѣхвованія събываются чародѣйствомъ, якоже бѣ въ царство Доментіаново. Нѣкій убо вѣхвъ, именемъ Аполоніи, Тянинъ, знаеъ бѣаше шествуа всюду и творя въ градѣхъ и въ селѣхъ бѣсовскаа чудеса. Отъ Рима бо пришедъ въ Византію, умоленъ<sup>1</sup> бывъ отъ живущихъ ту сѣтворити сіа: отгнавъ множество змѣй и скорпій изъ града, яко не врѣжатиа челоуѣкомъ отъ нихъ, ярость коньскую обуздавъ, егда схожахуся боляре. Си творяше, такоже и въ Антиохію пришедъ, и умоленъ бывъ отъ нихъ, томими бо скорпіями и комары Антиохіане, сѣтвори скорпій мѣдны, и погребе его въ земли, и малъ стлпъ мраморянъ постави надъ нимъ, и повелѣ трости дрѣжати челоуѣкомъ и ходити по городомъ, и звати, тростемъ трясомымъ: бесъ комара граду; и тако изчезнуша изъ града скорпіи и комаріа, Испросиша же ѿ паки отъ лежащихъ ми паки на градѣ трусу<sup>2</sup>, въздохнувъ, списа на дѣщицу сіа вины: горе тебѣ, окаанный граде<sup>3</sup> како потрясешися много, огнемъ одрѣжимъ будеши, оплѣчати же ты при брезѣ Иоринуття<sup>4</sup>! О немъ же великій Анастасій Божіа града рече: Аполонію же нынѣ на нѣкихъ мѣстѣхъ събываются настающаа, ово на отвращеніе животенъ четве-

роногъ, птица могущи вредити челоуѣка, дру- 913  
гья на въздрѣжаніе<sup>5</sup> струямъ рѣчнымъ, невздѣржанно текущимъ, но ина нѣкаа на тлѣніе и вредъ<sup>6</sup> челоуѣкомъ суще на побѣжденіе стоятъ; не точію за живота его тако и таковая сѣтвориша бѣсове его ради, но и по смерти его пребывающе у гроба его знаменія творятъ въ имя его, на прелщеніе окааннымъ челоуѣкомъ, болшая же ведомымъ на таковаа отъ діавола. Кто убо что речеть о творящихъ вѣшебѣзственнаа дѣла, яко таковыи гораздъ есть вѣшебнымъ прелщеніемъ яко выину зазрящи вѣдый Аполоній, яко неистовятся философскую мудрость имуще: подобаше бо ему, рещи, якоже и азъ словомъ точію творити, ихже хотяше, а не съврѣшеніемъ творити повелѣваемаа творити отъ него. Та же вся ослабленіемъ Божіимъ и твореніемъ бѣсовскимъ бываетъ таковыми вещми искушатиа нашіа православніа вѣры, аще есть тврѣда окрестъ<sup>7</sup>, пребывающе Господеви, но<sup>8</sup> не влекома врагомъ мечетныхъ ради чюдесъ и сотонинъ дѣлъ, творимомъ отъ рабъ и слугъ злобіе. 2 еще же имя Господне пророчествоваху нѣпци, яко Валаамъ, и Саулъ, и Каіафа, и бѣсы паки изгнаша, яко Іуда и сынове Скевовы. Убо и на недостойныхъ благодать (дѣй)ствуетъ многожды, да етеръ свѣдѣтельствуеъ. Ибо и Валаамъ обоихъ бѣ чюждъ<sup>9</sup>, житіа, изыщенныа вѣры, но обаче съвладѣйствовавъ въ немъ благодать инѣхъ ради смотрѣній. И Фараонъ таковыи бѣ: но и тому предбудущаа показа. Навходоносоръ законопреступный: но и сему паки по мнозѣхъ сущихъ послѣжде родъ открь. Тѣмъ же являа, яко мнози, прикосни имуще умъ, образомъ Христовымъ знаменають иною казнію на прелестъ челоуѣкомъ не разумѣвающимъ добраго; якоже бысть

(1) Въ подлинникъ: умоленъ. (2) У Георгія Амартала, въ Полн. Собр. Лѣт. т. I, стр. 243, это мѣсто читается такъ: вопрошиа же ѿ паки о належащемъ на градѣ трусу. (3) Слово: граде находится въ подлинникъ на полъ; въ текстъ же стоитъ: чародѣю. (4) Въ греческомъ подлинникъ Георгія Амартала: παρ' αἰγιαλούς Ὁρόντης. (5) Въ подлинникъ: на въздрѣжаніемъ. (6) Тамъ же: предъ. (7) Вмѣсто: окрестъ, слѣдуетъ читать: и крѣпка (καὶ παύλα). (8) Въ подлинникъ: пу. (9) Тамъ же: чю<sup>1</sup>.



913 Симонъ влхвъ, и Менендръ, (и) ини; тако-  
914 выхъ ради, по истинѣ, рече: не<sup>1</sup> чюдеса прел-  
щати.

Княженіе Игореве Рюриковича. Въ лѣто 6421. Поча княжити Игорь въ Кіевѣ по Олговѣ смерти. Въ то время нача царствовати въ Цариградѣ Константинъ, сынъ Леоновъ, зять Романовъ неудръжимаго. И Древляны затворишися отъ Игоря по Олговѣ смерти.

Въ лѣто 6422. Иде Игорь на Древляны, и побѣди а, и възложи на нихъ дань болши Ольговы. И бѣ у него воевода именемъ Свентелдъ, и не вѣдашеся единъ градъ, именемъ Пересѣчень на Днѣпрѣ, и сѣде около его 3 лѣта, и едва взя его. И бяху сидяще Угличи по Днѣпру внизъ; и посемь придоша межи вои Днѣстръ, и сѣдоша тамо. Дастъ же Игорь дань Деревскую Свентелду, имаше же по чернѣ кунѣ отъ дыма. И рѣша дружина Игоревы: «се далъ еси единому мужеву много». Сіе посемь<sup>2</sup> скажемъ въ приключшихся лѣтѣхъ. Въ то же время приде Симеонъ царь Болгарскій на Царьградъ, и сѣтвори миръ, иде въ своаси.

Въ лѣто 6423. Придоша Печенѣзи прѣвое на Русь; сѣтворивше миръ съ Игоремъ, придоша къ Дунаю. Въ си же времена приде Семіонъ Болгарскій, плѣневаше Фрасію, Греци же послаша по Печенѣгы; Печенѣгомъ же пришедшимъ, хотящимъ на Симеона, и разсваришася Греческія воеводы; видѣвши же Печенѣзи, яко сами на ся рать имуть, и отъидоша въ своаси, а Болгари съ Греки съступашася, и посѣчени быша Греци. Симеонъ же пріа градъ Андреанъ, иже древле Орестовъ градъ нарицаашеся, сына Агамемня, иже древле въ трехъ рѣкахъ купася, недуга избы ту, сего ради<sup>3</sup> въ свое имя нарече; послѣдиже Андрѣанъ царь обнови его, въ свое имя нарече Андрѣанъ, мы же зовемъ Андреанемъ градомъ.

Въ лѣто 6428. Поставленъ бысть Романъ

старый неудръжимъ царемъ въ Грецѣхъ, Константиномъ царемъ и Николою патриархомъ. Игорь же вѣваше Печенѣгы.

Въ лѣто 6429. Игорь и Ольга пристроиша корабля многы и вѣи бесчислени.

Въ лѣто 6437. Приде Симеонъ Болгарскій на Царьградъ, и поплѣни Фракію и Макидонію, и приде къ Царюграду въ силѣ велицѣ, грдяся, и сѣтвори миръ съ Романомъ царемъ, и възвратися въ своаси.

Въ лѣто 6442. Прѣвое придоша Угри на Царьградъ, и плѣняху всю Фракію; Романъ же сѣтвори миръ съ Угры.

Въ лѣто 6449. Иде Игорь на Греки; и послаша Болгаре вѣсть къ царю, яко идуть Русь на Царьгородъ, лодей 10,000, глаголемыи отъ рода Варяжска сущимъ. Иже придоша и приступиша во страну Греческую іюня 10, и почаша воевати Финическія<sup>4</sup> страны, и плѣневааху по Понту до Иракліа и до Певлагонскыя земля, и всю страну Никомидійскую поплѣнише, много же и веліе (зло) сѣтвори Русь, преже даже Греческимъ воеводамъ не присѣвшимъ; тогда и Суды вся пожгоша огнемъ. А ихже имше плѣнники, то всихъ ростинааху, иныхъ же къ земли пресѣкааху, другыя же яко стражи поставляху стрѣлами растрѣляаху, елико ратни творяаху, и изламааху опако руцѣ связавше, и гвозды желѣзныя посередъ главы вѣбивааху имъ; много же святыхъ церквей огневи предаша, манастиреве и села пожгоша, и имѣніе немало обою страну възвзяша Русь. Потомъ же пришедшимъ на нихъ воемъ отъ востока, Панфиръ деместигъ съ 40,000 вой, Фока же патрикѣй съ Макидони, и Θεодоръ стратилать съ Фраки, съ ними же и сановници боярстѣи, и обыдоша Русь около. И сѣвѣщавше Русь, изыдоша изооружившеся на Греки, и брани межи ими бывши злѣ, одва одолѣша Греци; Русь же възвратишася къ дружинѣ своей къ

(1) Въ подлинникѣ: но. (2) Тамъ же: поемъ. (3) Тамъ же: града. (4) Т. е. вѣнническія.



вечеру, на ночь же влѣзоша въ ладіа и отбѣгоша. Романъ же царь посла на дромоны, елико бяху въ Константинѣградѣ, съ Феофаномъ патрикеемъ на Русь. Феофанъ же лодійныя воа прежде уготовавъ, потомъ же и слезами себе утвѣдивъ, Руси ожидаа въ лодіахъ, на ня хотя ити изъ окрестна<sup>1</sup> глаголемаго фора, стражница, во ней же огонь влагаемъ на просвѣщеніе ноци; се на устьи Понта стражу дѣа, зане ту частое разбойничьство, на страны нагнанія, ихже изби Ираклій. Ту дожда полковъ Рускихъ лодіа, раздружи и, устроеномъ огнемъ пожже; устрѣте бо я въ оледехъ съ огнемъ, и пущати нача трубами огонь на лодіи Рускыа, и бысть видѣти страшно чюдо. Русь же видяще пламень, вмѣтахуся въ воду морскую, хотяще убрести, и многы погыбоша, и тако прочіи възвратихся на побѣгъ въ своаси. Тѣмъ же пришедшимъ въ землю свою, повѣдаху каждо своимъ о бывшемъ и (о) оляднѣмъ огни: «якоже мльніа, рече, иже на небесѣхъ, Греци имутъ у себе и пушающе жгутъ насъ, и сего ради не одолѣхомъ имъ». Игорь же пришедъ нача воа съвокупляти многы, и посла по Варягы за море, ваба я на Греки, и паки хотя поити на Греки.

Въ лѣто 6450. Семіонъ иде на Хорваты, и побѣжденъ бысть отъ Хорватъ, и посемъ умре, оставивъ князя Болгаромъ сына своего Петра.

Въ лѣто 6450, мѣсяца априля въ 12 день, на память священномученика Василиа Парійскаго, принесенъ бысть поясъ пречистыа Богородица отъ епископа Зилы въ царствующій градъ, и положенъ въ Халкопратіи, мѣсяца августа 31. Въ тоже лѣто родися у великаго князя сынъ Святославъ.

Въ лѣто 6451. Паки придоша Угри на Царьградъ, и миръ сътвориша съ Романомъ царемъ, и възвратихся въ своаси.

Въ лѣто 6452. Игорь съвѣкупи вои множество, Варягы, Русь, Поляне, Словяны, и

Кривичи, и Вятичи и Тиверици, и Печенѣгы 941  
наа и тали у нихъ поима, и поиде на Греки 945  
въ лодіахъ и на конехъ, хотя<sup>2</sup> мстити себе. Се слышавши Курсунци, послаша къ Роману, глаголюще: «се идутъ Русь безъ числа корабли съ бранію, и покрили суть море корабли». Также и Болгаре послаша вѣсть, глаголюще: «идутъ Русь, и наали суть себѣ Печенѣгы». Се слышавъ царь, посла ко Игорю лучшіи бояре, моляся и глаголя: «не ходи сѣмо, но възми дань, еже ималъ Олегъ, и придамъ еще къ той дани». Такжеде и къ Печенѣгомъ посла паволоки и злато много. Игорь же дошедъ Дунаа, съзва бояре свои, нача думать, и повѣда имъ рѣчь цареву. Рѣша же бояре Игореву: «да аще сице глаголетъ царь, то что хошемъ болѣ того, не бившися имати злато и серебро и паволоки? егда кто вѣсть, кто одолѣетъ, мы ли, или они? или съ моремъ кто съвѣтень? се бо не по земли ходимъ, но по морьстѣй глубинѣ, обща же смерть всѣмъ.» И послуша ихъ Игорь, и повелѣ Печенѣгомъ воевати Болгарскую землю; а самъ въземъ у Грекъ паволоки и злато, и на вся своа воа, и възвратися въспять, и прииде къ Кіеву.

Въ лѣто 6453. Присла Романъ царь, и Константинъ и Стефанъ послы ко Игореву построи мира прьваго; Игорь же глагола съ нима о мирѣ. И посла Игорь бояре свои къ Роману, Романъ же съзва бояре свои и сановники, и повелѣша внити Рускымъ посломъ; они же въшедше, и повелѣ имъ глаголати и писати обоихъ рѣчи на хартію:

«Равно другаго съвѣщанія, бывшаго при цари Романѣ, и Константинѣ и Стефанѣ, христоробивыхъ владыкъ<sup>3</sup>, мы отъ рода Русскаго послы, великаго князя Игоря Русскаго именовъ Ивіоръ, и гостіе и общіи послы: Буефасть Святославъ, сына Игорева; Искусеви Олги княгини<sup>4</sup>; Слудій, племенникъ Игоревъ; Улѣбъ Володиславъ; Каницаръ Переславинъ;

(1) Въ подлинникъ: пскрестна. (2) Тамъ же: хотять. (3) Тамъ же: владыко. (4) Тамъ же: книги.



945 Шихбернъ Сфандръ, жены Улѣбля; Прастѣнь Турдовн; Либиаръ Фрастовъ<sup>1</sup>; Гримъ Сфирковъ<sup>2</sup>; Прастѣнь Агунъ, нетій Игоревъ; Каръ Студковъ; Каршевъ Турдовъ; Егриѣ Влановъ; (Воистъ) Войковъ; Аетръ Аминдовъ; Прастѣнь Берновъ; Ятвагъ Гунаревъ; Шибридъ Олданъ; Коль Клоковъ; Стегги Етоновъ; Сфирка; Алладъ Судовъ; Фудри Тулдовъ; Мутуръ Утинъ; купецъ Атунъ, Адульбъ, Иггивладъ, Олѣбъ, Фрутанъ, Гомоль, Куци, Емигъ, Турдибъ, Фурстѣнь, Бруды, Лоардъ, Гунастръ, Фрастѣнь, Игелдъ, Турбернъ, Моны, Руалдъ, Свѣнь, Стиръ, Олданъ, Телина, Пупсаръ, Вузлѣбъ, Исинко, Боричъ, посланіи отъ Игоря, великого князя Русскаго, и отъ всѣхъ князей и отъ всѣхъ людей земля Русскыя. Отъ тѣхъ заповѣдано обновити ветхій миръ, и ненавидящаго добра и враждолюбца діавола разорити отъ многихъ лѣтъ, и утвердити миръ межн Греки и Русью. И великій князь Игорь, и его боляре и людіе вси Русстии послашаны къ Роману, и Костантину и Стефану, къ великимъ царемъ Греческимъ, сътворити любовь съ самими цари и съ всѣми людьми Греческими на вся лѣта, дондеже сіаетъ солнце и весь міръ стоитъ. Иже помыслить отъ страны Русскыя раздрушити таковую любовь, и елико ихъ крещеніе пріали суть, да пріимуть мечь отъ Бога Вседръжителя и осужденіе на погыбель въ сій вѣкъ и въ будущій; а елико ихъ некрещено суть, да не имуть отъ бога помощи, ни отъ Перуна, да не ущитятся щиты своими, и да посѣчени будутъ мечи своими, и отъ стрѣлъ и отъ нага оружія своего, и да будутъ раби и въ сій вѣкъ и въ будущій. А великій князь Русскій и боляре его да посылають въ Греки къ великимъ царемъ Греческимъ послы и съ гостями, якоже имъ уставлено есть. Носяху послы

печати злати, а гостіе сребрены; нынѣ же увидѣлъ есть князь вашъ<sup>3</sup> посылаты грамоту къ царству нашему<sup>4</sup>. Иже посылаемы бываютъ отъ нихъ послы и гостіе, да приносятъ грамоту, пишучи е сиче: яко послахъ корабль селико; и отъ тѣхъ да увѣмы и мы, оже съ миромъ приходятъ. Аще ли безъ грамоты пріидутъ, и преданы будутъ намъ, да дрѣжимъ и хранимъ, дондеже възвѣстимъ князю вашему; аще ли руку не дадутъ и противятся, да убіени будутъ, да не взыщется смерть ихъ отъ князя вашего; аще ли убѣжавше пріидутъ въ Русь, и мы напишемъ къ князю вашему<sup>5</sup>, яко имъ любо, тако сътворять. Аще ли пріидутъ Русь<sup>6</sup> бес купли, да не възлюбятъ мясячины. И да запретитъ князь словомъ своимъ и приходящи Руси здѣ, да не творять въ селехъ, ни въ странѣ нашей ничтоже зла. И приходящимъ имъ, да витають у святаго Мамы; да пошлетъ царство наше, да испишутъ имена ихъ, и тогда възмутъ мясячное свое, съли<sup>7</sup> слобное, а гостіе мѣсячное, пръвое отъ града Кіева, и съ Чернигова, и Переяславля. Да въходятъ въ градъ единѣми враты съ царевымъ мужемъ безъ оружія 50 мужъ, и да творять куплю еже имъ надобѣ, и пакы да исходятъ; и мужъ царства нашего да хранитъ я; да аще кто отъ Руси или отъ Грекъ учинитъ криво, да оправятъ то. Въходяще же Русь въ градъ да не имѣють волости купити паволокъ лише по 50 златникъ; и отъ тѣхъ паволокъ аще кто купитъ, да показуетъ цареву мужу, и тѣмъ е запечатаетъ и дасть имъ. И отходящей Руси отсюду възлюбятъ отъ насъ еже надобѣ брашно на путь, и еже надобѣ лодіамъ, яко уставлено есть прѣвѣ, и възвращаются (съ) съспасеніемъ въ страну свою, и да не имѣють власти зимовати у святаго Мамы. Аще ускочитъ челядинъ отъ

(1) Миклошичъ въ Chronica Nestoris: Либп Арѣфастовъ. (2) Въ подлинникъ отъ этого слова сдѣлана выписка на поле: Стерковъ. (3) Тамъ же: нашъ. (4) Тамъ же: вашему. (5) Тамъ же: нашему. (6) Тамъ же: въ русь. (7) Тамъ же: плн.



Руси, по нѣ<sup>1</sup> же придоша въ страну царства нашего<sup>2</sup>, и отъ святаго Мамы еще будетъ, да поймутъ ѿ; и еще ли не обрящется, да на роту идутъ наши христіаны Руси по вѣрѣ ихъ, а нехристіане по закону своему: ти тогда да възимають отъ насъ цѣну свою, якоже уставлено есть прежде, двѣ паволоцѣ за челядина. Аще ли кто отъ людей царства нашего, или отъ града нашего, или отъ инѣхъ градъ ускочитъ челядинъ нашъ къ вамъ, и принесетъ что, да воспятятъ ѿ опять; а еже что принесль будетъ, а все цѣло, и да възметъ у него златника два. Аще ли кто покусится отъ Руси възяти что отъ людій царства нашего<sup>3</sup>, иже то сѣтворитъ, покажнень будетъ велми; аще ли възяль будетъ, да заплатитъ сугубо. Аще ли сѣтворитъ тоже Гречинъ Русину, да приметъ ту же казнь, якоже и онъ пріаль есть. Аще ли ключится украсти Русину отъ Грекъ что, или Гречину отъ Руси, достойно есть възвратити ѿ, не точію едино, но и цѣну его сугубъ; аще украденое обрящется продаемо, да вѣдасть цѣну его сугубо, и тѣмъ да покажнень будетъ по закону Греческому и по уставу Русскому. И елико христіанъ отъ власти нашеа плѣнныхъ<sup>4</sup> приведетъ Русь, ту еще будетъ юноша или дѣвица добра, да вѣдають златникъ 10 и поймутъ ю; аще ли есть средовѣчъ, да вѣдасть златникъ 8 и пойметъ ю; аще ли будетъ старъ или дѣтищъ, да вѣдасть златникъ 5. Аще ли обрящется Русь работающи у Грекъ, аще ли суть плѣнници, да искупають по 10 златникъ Русь; аще ли купиль<sup>5</sup> будетъ Гречинъ, подъ хрестомъ достоитъ ему, да възметъ цѣну свою, еликоже далъ будетъ на немъ. А о Корсуньстѣй странѣ, еликоже есть городовъ на той части, да не имутъ власти князи Русстїи воевати на тѣхъ странахъ, а та страна не покарается вамъ. Когда ли, аще проситъ

вой отъ насъ князь Русскый, да дамы ему, 945 елико ему будетъ тебе. И о томъ, аще обрящеть Русь кубару Греческую вывержену на коемъ любо мѣстѣ, да не пріобидятъ ея; аще ли възметъ кто что, или челоуѣка поработитъ, или убіетъ, да будетъ повинень закону Русскому и Греческому. Аще обрящеть въ устьи Днѣпра Русь Корьсуняне рыбы ловячи, да не творять имъ зла никакогого; да не имѣють власти Русь зимовати въ устьи Днѣпра, въ Бѣлобережи, ни у святаго Елферія; но егда придетъ осень, да идутъ въ дома своа въ Русь. А о сихъ, иже то приходятъ Чръніи Болгаре, и воюють въ странѣ Корсуньстѣй, и велми князю Русскому, да ихъ не пускаетъ, да не пакостятъ въ странѣ той<sup>6</sup>. И аще ключится проказа нѣкаа отъ Грекъ, сущіихъ подъ властію царства нашего, да не имать власти казнити а, но повелѣніемъ царства нашего да приметъ, якоже будетъ сѣтворилъ. Аще убіетъ христіанинъ Русина, или Русиянъ христіанина, да дрѣжимъ будетъ сѣтворивый убійство отъ ближникъ убіенаго, да убіють ѿ. О утепѣ. Аще ли ускочитъ сѣтворивый убой, и аще будетъ имовитъ, да възмутъ имѣніе его ближніи убіенаго; аще ли есть неимовитъ<sup>7</sup> и ускочитъ, да ищутъ его, дондеже обрящется, аще ли обрящется, да убіенъ будетъ. Ци аще ударитъ копіемъ, или мечемъ, или любо кацѣмъ оружіемъ Русинъ Гречина, да того ради грѣха заплатитъ сребра литръ 5, такожде и Гречинъ Русину, по закону Русскому; аще ли есть неимовитъ<sup>8</sup>, да въ колико можетъ, въ толико же и проданъ будетъ, да и порты, въ нихъ же ходитъ, и то съ него сняти; а опроче да на роту ходитъ по своей вѣрѣ, яко не имѣа ничтоже, и тако пущень будетъ. О помогѣ. Аще ли хотѣти начнетъ наше царство отъ васъ<sup>9</sup> вой на противящаеся намъ, да пишу къ великому князю вашему, и послетъ намъ, елико хоцетъ:

(1) *Въ подлинникѣ*: не. (2) *Тамъ же*: вашего. (3) *Тамъ же*: вашего. (4) *Тамъ же*: ту племенна. (5) *Тамъ же*: шиль. (6) *Тамъ же*: въ странѣ его. (7) *Тамъ же*: неимовитъ. (8) *Тамъ же*: неимовитъ. (9) *Тамъ же*: отъ насъ.



945 и утолѣ увѣдять иныя страны, како любовь имѣють Греци съ Русію. Мы же съвѣщаніе все написахомъ на двою харитію, и едина харитіа есть у царства нашего, на ней же есть крестъ (и) имена наша написана, а на друзѣй послѣ ваши и гостіе. Отходяще съ посломъ царства нашего да допровадять ю къ великому князю Рускому Игореву, и ко всѣмъ людемъ земля Русскыя и ко всему боярству Игореву<sup>1</sup>, и ти приѣмше харитію на роту идуть хранити истинну, якоже мы съвѣщахомъ и написахомъ (на) харатію сію, на ней же суть имена наша написана. Мы же, елико нась крестилися есми, кляхомся церковію святаго Ілїи<sup>2</sup> въ збориѣхъ церкви, и подлежащимъ честнымъ крестомъ, и харитіею сіею хранити все, еже есть написано на ней, и не преступити отъ него ничтоже. И ли приступитъ кто отъ страны нашеа се, или князь или инъ кто, или крещенъ или некрещенъ, да не имать помощи отъ Бога, да будетъ рабъ въ сїй вѣкъ и въ будущій, и да заколенъ будетъ своимъ оружіемъ. А на ротѣхъ некрещеннаа Русь<sup>3</sup> да полагають щитовѣ, и мечи свои нагы, и обручи свои, и прочее оружіе, и кленутся о всемъ, яже суть написана на хартіи си, хранити сіа вся отъ Игоря, и отъ бояръ его и отъ всѣхъ людѣй<sup>4</sup> отъ страны Русскыя и въ прочаа лѣта и выну, и бысть тако. Аще ли кто отъ князь или отъ людѣй Русскыхъ, или христїанинъ или нехристїанинъ, да преступитъ клятву сію, написаную на сей харитіи, то таковѣй будетъ достоинъ своимъ оружіемъ бїенъ будетъ воскорѣ<sup>5</sup>, и да будетъ проклятъ отъ Бога въ день судный, и отъ Перуна и отъ Волоса, скотіа бога, яко преступи каждо свою клятву. Да аще будетъ

добрѣ устроилъ миръ Игорь, великѣй князь Рускѣй, межи Греки и Руси, да хранитъ любовь правую, и да не разрушитъ еа никтоже, дондеже сіаеетъ солнце и весь мїръ стоитъ, въ нынѣшныя вѣкы и въ будущія дни».

Посланиі же послѣ Игореву придоша къ Игорю съ послѣ Греческими, и повѣдаша вся рѣчи царя Романа. Игорь же призвавъ послѣ Греческыя, и рече имъ: «глаголите ми вы, что есть царево слово»? И рѣша послѣ цареви: «се посла ны царь, радуется миру, хошетъ миръ имѣти съ тобою, съ великимъ княземъ Русскимъ, и любовь; и твои послове водили нашихъ царей къ кресту, и нась послаша ротѣ водити тебе и мужъ твоихъ». И обѣщася Игорь сїце створити. И наутріа призва Игорь послѣ, и приѣхалъ на холмъ, идеже<sup>6</sup> стоитъ Перунъ, и покладаша оружіа своа и щиты и злато, и ходи Игорь ротѣ, и мужіе его, и елико поганихъ Руси; а христїанскую<sup>7</sup> Русь водила къ кресту въ церкви святаго пророка Ілїи, иже есть надъ ручаемъ, конецъ Пасынча бесѣды и Козары: се бо бѣ съборнаа церкви, много бо бѣ Варягъ христїанскихъ. Игорь же утвердивъ миръ съ Греки, отпусти послѣ къ цареви<sup>8</sup> одаривъ, съ скорою и челядію и воскомъ, и отпусти а; и послѣ же придоша къ цареви<sup>9</sup>, (и) исповѣдаша царю и Грекомъ вся рѣчи Игоревы, миръ и любовь. Игорь же нача княжати въ Кіевѣ, миръ имѣа къ всѣмъ странамъ; и приспѣ осень, нача мислити на Древляны, хотя примыслити болшую дань.

Въ лѣто 6453. Рекоша бояре Игореву: «отроци Свентельджи изодѣлися суть оружіемъ и порты, а мы нази; поиди, княже, въ дань, а мы съ тобою, да и ты (до)будеши,

(1) Въ подлинникѣ: игореву и всѣхъ людей земля русскыя и всего боярства игорева о любви, яже ко грекомъ, бывшимъ миръ правѣй безсѣбланный къ людемъ его. (2) Тамъ же: илїи. (3) Тамъ же слово: Русь написано дважды. (4) Тамъ же: людѣй и. (5) Въ Полн. Собр. Лѣт. т. I, стр. 22—23: будетъ достоинъ своимъ оружіемъ умрети. (6) Въ подлинникѣ: игдеже. (7) Тамъ же: христїанскаа. (8) Тамъ же: къ церкви. (9) Тамъ же: придоша къ церкви гречестѣй.



господине, и мы.» И послуша ихъ Игорь, и иде въ Древа въ дань, и примыслиаше ко пръвой дани, и насиліе творяше имъ и боляре его; и въземъ дань, и поиде въ градъ свой. Идушу же ему въспять, размисливъ, рече боляромъ своимъ: «идѣте з данію домовъ въ градъ, и азъ възвращуся въспять и похожу еще». И възвратися съ малою дружиною, а боляре своихъ отпусти. И поиде Игорь вмаѣ на Древяны, желаа взяти болшаго имѣнія. И слышавше Древяне, яко възвратися, опять идетъ Игорь, и здумавше съ княземъ своимъ Маломъ, рекуще: «аще въвадится вѣкъ въ овци, то выносятъ все стадо, аще не убіють его; тако и сей: аще не убіемъ его, всѣхъ насъ погубитъ безъ утеча». И послаша къ нему, глаголюще: «почто идеши опять? а поймаѣ еси дань свою». И не послуша ихъ Игорь. И вышедши изъ града ис Коростѣня Древяне, и убиша Игоря и кто съ нимъ: бѣ бо ихъ мало. И погребенъ бысть Игорь, и есть могила его у Коростѣня града въ Деревехъ и до сего дне. Княживъ по Олзѣ лѣтъ 33; и оста по немъ сынъ его Святославъ малъ, 15 лѣтъ; дядка же бѣ у него Асмудъ, и воевода у него бѣ Свентелдъ, той же отецъ Мстишинъ.

Начало княженія Олгина, жены Игоревы. Олга же бѣше въ Кіевѣ съ сыномъ своимъ Святославомъ. Рѣша же Древяне: «се князя убихомъ Русскаго, поимемъ княгыню его Олгу за свой князь за Малъ, и сына ея Святослава, и сѣтворимъ ему якоже хотимъ». И послаша Древяне лучшіи мужи, числомъ 20, въ лодіи къ Олзѣ, и присташа подъ Боричевымъ въ лодіи, бѣ бо тогда вода текущи възлѣ горы Кіевскіа, и на Подолѣ не сидяху людіе, но на горѣ; градъ же бѣ Кіевъ, идеже есть нынѣ дворъ Гордитинъ и Никифоровъ, а дворъ княжъ

бѣше въ городѣ, идеже нынѣ есть дворъ 945  
Воротиславъ и Чюдинъ, а перевѣсище бѣ вѣнѣ града, и бѣ вѣнѣ града другой дворъ, идеже есть дворъ Деместиковъ за святою Богородицею, надъ горою дворъ теремный, бѣ бо ту теремъ камень.) О гордыхъ просатаехъ. И повѣдаша Олзѣ, яко Древяне придоша, и възва а Олга къ себѣ, и рече: «добрѣ гостіе придоша»; Древяне же рѣкоша: «мы къ тебѣ придохомъ, къ тебѣ княгини.» И рече имъ Олга: «да глаголете, что ради придосте сѣмо?» Древяне же рѣша: «посла ны Деревскаа земля, ркучи сиче: мужа твоего убихомъ, бѣше бо мужъ твой акы волкъ въсхыщаа и грабя, а наши князи добри суть, иже роздѣлали землю Деревскую, да поиди за князь нашъ за Малъ»; бѣ бо ему имя Малъ, князю Деревскому. Рече же имъ Олга: «люба ми есть рѣчь ваша, уже мнѣ мужа своего не воскресити; но хочу вы заутра почтити передъ людми своими, а нынѣ идѣте вы въ лодію свою, и лязете въ лодіи своей величающеся, и азъ утрѣ по<sup>2</sup> вы пошлю, и вы же рцѣте сиче: не идемъ ни на конехъ ни пѣши, но понесѣте насъ нынѣ въ лодіи; и сіи взявше лодію, и вынесутъ вы въ лодіи ко мнѣ, и творя вы честь предъ своими.» И си рекши, и отпусти я<sup>3</sup> въ лодіа. Олга же повелѣ ископати яму велику и глубоку на дворѣ теремскомъ, вѣнѣ града. И заутра Олга сѣдяше въ теремѣ, и посла по гости; и придоша посланіи, глаголюще имъ: «зоветь вы Олга на честь великую.» Они же рѣша: «пѣши не идемъ, ни на конехъ не издимъ, но понесѣте ны<sup>4</sup> въ лодіи.» Рекше Кіане: «намъ есть неволя; князь нашъ убіенъ, а княгини наша хочетъ за князь вашъ»; и понесоша ихъ въ лодіи. Они же сѣдяще гордящеся въ перегбѣхъ въ великихъ състугахъ; и принесоша ихъ на дворъ теремный къ Олзѣ, и несше винуша ихъ въ яму и съ лодіею.

(1) Въ подлинникъ: оползѣ. (2) Тамъ же: азъ поутрѣ. (3) Тамъ же: ю. (4) Тамъ же: пл.



945 Приникши Ольга рече: «добра ли вы<sup>1</sup> честь?»  
 946 Они же рѣша: «пуще ны Игоревы смерти». И повелѣ засыпати ихъ живыхъ, и посыпаша я. О просатаехъ же о другихъ. И посла Ольга къ Древляномъ, рече имъ: «да аще мя вы просите право, то пришлѣте сѣмо мужи нарочиты, да въ велицѣй чести и силою и славою многою поиду за князь вашъ, ци да не пустятъ мя мужіе Кіевстїи». Се слышавше Древляне, ради быша, изобраша нарочитыхъ мужъ 50, иже дръжааху Деревскую землю, и послаша по Олгу. Древляномъ же пришедшимъ повелѣ Ольга мовъ сѣтворити, сирѣчь баню, ркучи сице: «измывшесе приидѣте къ мнѣ». Они же рѣша: «буди тако, якоже велиши.» И повелѣ Ольга людемъ своимъ да пережгутъ баню. Они же сѣтвориша мовъ, и влѣзоша Древляне, и начаша мытися, и запроша съ ними мовъ, и повелѣ зажещи ихъ отъ дверей, и ту згорѣша вси. И посла къ Древляномъ, сице рекущи: «се уже иду къ вамъ, да пристроите меды многы у града, идеже убисте мужа моего, да плачуся надъ гробомъ его, и сѣвору трызну князю своему». Они же слышавше то, свезоша меды многы зѣло, и възвариша. Ольга же поемши мало бояръ, легко идущи прииде къ гробу своего князя, и плакася по немъ великымъ плачемъ; и повелѣ Ольга людемъ своимъ надъ своимъ княземъ могылу сѣсыпати велику, и яко сѣсыпаша, повелѣ трызну творити. Посемъ сѣдоша пити Древляне, мужей лучшихъ множество, и повелѣ Ольга отрокомъ своимъ служити предъ ними; и рѣша Древляне къ Олзѣ: «гдѣ суть дружины наша, иже послахомъ по тебе?» Она же рече: «идутъ по мнѣ съ бояры мужа моего.» И якоже упишася Древляне, повелѣ Ольга отрокомъ своимъ пити<sup>2</sup> съ ними, а сама отъиде кромѣ, и повелѣ слугамъ сѣчи

Древляны, и посѣкоша ихъ 5000. А Ольга вѣзратися къ Кіеву, и пристрой вои многы на останокъ ихъ.

Начало княженія Святослава Игоревича. Въ лѣто 6454. Ольга (съ) сыномъ своимъ<sup>3</sup>, съ великымъ княземъ Святославомъ Игоревичемъ, събра воа многы и храбры, иде на Деревскую землю. И изыдоша Древляне противу, и снемшимася обѣма полкома, князь великъ Святославъ наступль, и суну копіемъ на Древляны и копіе пролетѣ сквозѣ уши коневи, и удари<sup>4</sup> въ ноги другаго<sup>5</sup> коневи; и не даша ему битися<sup>6</sup> бояре, бѣ бо дѣтескъ. И рече Свентелдъ и Асмудъ: «князь уже почаль; потягнемъ дружиною по князи.» И побѣдиша Древляны, и побѣгоша Древляне, и затворишася въ градѣхъ своихъ. Ольга же съ сыномъ своимъ Святославомъ устремися на Коростѣнь градъ, яко тѣ бѣаху убили князя еа; и сѣде около града съ сыномъ своимъ, а Коростѣнцы затворишася въ градѣ, и біахуса крѣпко изъ града, видяху бо, яко сами убили князя еа, и на что ся предати. И стоа Ольга лѣто все, и не може взяти града, и умысли сице: посла къ граду, глаголюше: «что хотите досидѣти? а вси гради ваши предашася мнѣ, и ялися<sup>7</sup> по дань, и дѣлають нивы земля своа; а вы хотите измрети голодомъ, не имущесе по дань.» Древляны же рекоша: «ради быхомъ ся яли<sup>8</sup> по дань, но хоцещи мщати князя своего.» Рече же имъ Ольга: «яко азъ уже мстила князя своего, когда придоша къ Кіеву, 2-е и третіе, и когда тво-рихъ трызну князю своему; а уже не хощу мщати, но хощу<sup>9</sup> дань имати помалу, и смирившися съ вами, прочъ поиду.» Рекоша же Древляне: «что хоцещи? ради даемъ медомъ и скорою.» Она же рече: «нынѣ у васъ нѣсть меду, ни скоры, но мало у васъ про-шу: дайте ми отъ двора по три голуби и по

(1) Въ подлинникъ: въ. (2) Тамъ же: перепивати пити. (3) Тамъ же: своихъ. (4) Тамъ же: одарп. (5) Тамъ же: друга. (6) Тамъ же: битися. (7) Тамъ же: ялися. (8) Тамъ же: ясли. (9) Тамъ же: хощу имѣ.



три воробіи; азъ бо не хочу тяжки дани на вы възложити, якоже и князь мой; но сего у васъ прошу малая, вы бо есте изнемоглися во<sup>1</sup> осадѣ.» И Древляне же ради бывше, и събраша по всему граду отъ двора по три голуби и по три воробіи, и послаша къ Олзѣ скоро съ челобитіемъ и съ молбою. Олга же рече: «се уже есте (ся) покорили мнѣ и моему сыну, и алися есте по дань, идѣте же въ градъ, а я заутра отступлю отъ града, и поиду къ своему граду къ Кіеву.» И Древляне же ради быша, придоша въ градъ, и повѣдаша людемъ, и обрадовашася вси людѣ въ градѣ. Олга же раздаа по голуби комуждо воемъ своимъ, а инымъ по воробію, и повелѣ къ коемуждо голубови и къ воробію заверчиваючи въ платкы малы сѣру съ огнемъ и привязывати нитію; и яко уже смерчеся, повелѣ Олга пустити голуби и въробіи воемъ своимъ. Голуби же и въробіи полѣташа въ гнѣзда своя, ови въ гулубници, въробіеве же подо стрѣхы, и тако възгарахуся голубници, ово клѣти, и вежи, и одрины, и не бѣ двора, ни храмины, идеже не горяше, и не бѣ лзѣ угасити, все бо загорѣся. И побѣгоша людѣ изъ града, и повелѣ Олга имати я; и пожже градъ, и старѣйшаа града изыма, и прочаа люди овыхъ изымаша, а овѣхъ изби, а иныя воемъ своимъ работѣ преда, а останокъ я на дань остави. И възложи на нихъ дань тяжку, и двѣ части дани идета къ Кіеву, а третія къ Вышегороду къ Олзѣ, бѣ бо Вышегородъ градъ Олгинъ. И иде Олга по Деревской земли съ сыномъ своимъ и войскомъ своимъ, уставляючи уставы и уроки, и суть становища ея и ловища. И прииде въ градъ свой Кіевъ съ своимъ сыномъ, великимъ княземъ Святославомъ, и пребывши лѣто едино,

Въ лѣто 6455, иде Олга къ Новугороду, и остави сына своего Святослава въ Кіевѣ, и

нача уставлявати<sup>2</sup> по Мстѣ погосты и дани, и по Лузѣ дани и оброки; и ловища ея суть и до сего дни по всей земли, знаменія же и мѣста и погосты, и сани ея стоятъ въ Пѣсковѣ, и по Днѣпру перевѣсища и села ея и по Деснѣ; близь Кіева есть села Олгини и до сего дни. Изрядивши, възвратися къ сыну своему въ Кіевъ, и пребываше съ нимъ въ любви за много.

Крещеніе Олгино въ Цариградѣ. Въ лѣто 6463. Иде Олга въ Греки, и прииде къ Цариграду. И бѣ тогда царь именемъ Іоанъ Цимисхиль, и прииде къ нему Олга, и видѣвъ ю добру сущу лицемъ и велми смыслену, и удивлься царь разуму ея, бесѣдова къ ней, рекъ ей: «подобна еси царствовати въ градѣ семъ з нами.» Она же разумѣвши, рече къ царю: «азъ погана есмь, да аще мя хоцещи крестити, то крести мя самъ; аще ли не крестиши мя ты, то не крещуся.» И крести ю царь съ патріархомъ. Просвѣщена же бывши, радовашеся душею и тѣломъ, и поучи ю патріархъ о вѣрѣ, рече ей: «благословена ты въ женахъ Русскихъ, яко възлюби свѣтъ, а тму остави; благословити тя имутъ сынове Русстїи въ послѣдній родъ внуку твоихъ.» И заповѣда ей о церковномъ чину, и о молитвѣ, и о постѣ, и о въздржаніи тѣла чиста; она же стоаше поклонивши главу, яко губа напааема водою внимаючи ученія; и поклонившися патріарху, глаголющи: «молитвами твоими, владыко, да съхранена буду отъ сѣти непріязнены.» Бѣ же наречено имя ей въ крещеніи Елена, якоже и древняя царици, мати великого царя Костантина. И благослови<sup>3</sup> ю патріархъ, и отпусти ю. И по крещеніи възва ю царь, и рече ей: «хощу тя пояти женѣ себѣ.» Она же рече: «како хоцещи пояти, крести(въ) мя самъ и нарекъ мя дщерію? а въ христїанехъ того нѣсть закона, а ты самъ вѣси.» И рече ей царь: «оболь-

(1) Въ подлинникѣ: вы. (2) Тамъ же: уставати. (3) Тамъ же: блв<sup>с</sup>.



955 стила мя еси, Олга.» И вда ей дары многы, злато, и сребро, и паволокы и съсуды многы<sup>1</sup> различныя, и отпусти ю, нарекъ дщерію себѣ. Она же отходя въ своаши, и прииде къ патріарху, благословеніа просящи отъ него на домъ, и рече ему: «людіе мои погани и сынъ мой, да бы мя Богъ съблюлъ отъ всякого зла.» И рече ей патріархъ: «чадо мое вѣрное! въ Христа крестилаася еси, въ Христа облечеса, Христось ты съхранити имать, якоже съхрани Еноха въ прѣвѣхъ роди, и потомъ Ноа въ ковчезѣ, Авраама отъ Авимелеха, Лота отъ Съдомлянъ, Моисеа отъ Фараона, Давыда отъ Саула, три отрокоу отъ пещи, Данила отъ звѣрій, и тако и тебе избавитъ отъ неприяны, и отъ звѣрій и отъ сѣти діаволя.» И благослови ю патріархъ, и иде съ миромъ въ свою землю, и прииде къ Кіеву. Се же бысть, яко при Соломонѣ прииде царица Ефіопская къ Соломону, слышати хотящи премудрость Соломону, и многу мудрость видѣ и знаменіа: такоже<sup>2</sup> и си блаженна Олга искааше<sup>3</sup> добръ мудрости Божіа; но она<sup>4</sup> челоуѣцкыа премудрости искааше, а Елена Божіа. Пишетъ бо премудрость: ищущи премудрости обрящутъ благодать, премудрость на исходящихъ поется, на путехъ же дръзновеніе водить, на краехъ же стѣны забранныхъ проповѣдуется, въ вратѣхъ же градныхъ дръзаящи глаголетъ; елико бо лѣтъ незлобивыи дръжатся по правду. Отъ вѣрста бо си<sup>5</sup> блаженнаа Олга искааше премудрости и вѣсего въ свѣтѣ семъ, и налѣзе бисеръ многоцѣнный, еже есть Христось. Рече бо Соломонъ: желаніе благоуверныхъ наслаждаются душу; и: приложиши сердце твое въ разумъ; азъ любящаа мя люблю, и ищущи мя обрящутъ мя. И Господь рече: приходящаа къ мнѣ не изждену вонъ. Си же Олга прииде къ Кіеву, и присла царь къ ней Іоанъ

Чимискій, глаголя: «яко много дарихъ ты; ты бо глаголиши къ мнѣ, яко аще азъ вѣзвращуся въ Русь, многы дары пришлю ти<sup>6</sup>, челяде, и воскъ и скору, и воа на помощь.» Отвѣщавши Олга, рече къ царевымъ посломъ: «аще ли ты такоже, царю, постоиши у мене въ Почайнѣ, якоже и азъ въ Суду<sup>7</sup>, тогда ти дамъ»; и отпусти послы, се рекше. Живяше же Олга съ сыномъ своимъ Святославомъ, и учашеть и мати креститися, и не брегаше того, ни въ уши вѣнчааше; но аще кто хотяше волею креститися, не браняху ему, но ругахуся тому. Невѣрнымъ бо вѣра христіанская уродство есть; не смыслиша бо, ни разумѣша въ тѣхъ ходять, не видятъ<sup>8</sup> бо славы Господня, одебелѣша бо сердца ихъ, ушима тяжко слышати и очима видѣти. Рече бо Соломонъ: дѣлатель нечестивыхъ далече отъ разума; понеже звахъ вы, и не послушасте мене, и распрострохъ словеса, и не вѣнчаште, но отмѣтасте моя свѣты, моихъ же обличеній не вѣнчаште, вѣнчана видѣша бо премудрость, отъ страха Господня не изволися, не хотяху моихъ вѣнчати свѣтъ, подражаху же<sup>9</sup> моя обличенія. Якоже бо Олга часто глаголаше: «азъ, сыну мой, Бога познахъ, и радуюся; аще ты познаеши, радовати же ся имаши.» Онъ же не вѣнчаше то, глаголя: «како азъ хочу инъ законъ пріяти единъ? а дружина моя смѣятися начнутъ.» Она же рече ему: «аще ты крестишися, вси имутъ тоиже сътворити.» Онъ же не послуша матери, и творяше нравы поганскыа, не вѣдый истиннаго закона, иже рече: аще кто не послушаетъ матери, въ бѣды въпадаетъ, якоже рече Соломонъ: аще кто не послушаетъ отца или матери, смерть пріиметъ въскорѣ. Сей къ тому гнѣваашеся на матеръ. Соломонъ бо рече: кажай злыа пріемлетъ себѣ досажденіе, обличаяй же нечестиваго поречетъ себѣ; об-

(1) Въ подлинникѣ: много. (2) Тамъ же: якоже. (3) Тамъ же: и искааше. (4) Тамъ же: сима. (5) Тамъ же: еси. (6) Тамъ же: ты. (7) Тамъ же: всюду. (8) Тамъ же: не видятъ. (9) Тамъ же: подражахуся.



личеніе бо нечестивымъ мозоль есть; не обличай злыхъ, да не възненавидятъ тебе. Но обаче любяше Ольга сына Святослава, ркущи: «воля Божіа (да) будетъ; аще убо будетъ Богъ помиловати въсхошетъ роду моего, и мене, и всеюи земли Русской, да възложитъ имъ на сердце обратитися къ Нему и внити въ крещеніе, якоже нынѣ и мнѣ Богъ дарова.» И се рекши, моляшеся за сына и за вся люди Русскіа по вся дни и въ нощи, кормяще сына своего до мужества его и до възраста его.

Въ лѣто 6472. Князю Святославу възрастъшу и възмужавшу нача воя съвъкупляти многы и храбри. Бѣ бо и самъ храборъ, и легкокъ ходя яко пардусъ, войны многы творяше, ходя<sup>1</sup> възъ по себѣ не вождаше, ни котла, ни мяса варя, но потонку изрѣзавъ конину, или звѣрину, или говядину, на углехъ испекъ ядыше, ни шатра имѣяше, но подкладъ подсѣделный постилаше и сѣдло въ головахъ; такоже и прочіи воя его бѣху вси. И посылаше къ странамъ, глаголя: «хощу на вы ити.» Иде на Оку рѣку и на Волгу, и налѣзе Вятичи, и рече Вятичемъ: «кому данъ даете?» Они же рѣша: «Козаромъ по щягу отъ рала даемъ.»

Въ лѣто 6473. Иде Святославъ на Козари. Слышавше же Козари, изыидоша противу ему съ княземъ своимъ Каганомъ, и съступишася обои, и бывши брани, и одолѣ Святославъ Козаромъ, и градъ ихъ Бѣлую Вежу взя. И Яси побѣди и Касоги.

Въ лѣто 6474. Побѣди Святославъ Вятичи, и данъ на нихъ положи.

Въ лѣто 6475. Иде Святославъ на Дунай на Болгары. И бившимся<sup>2</sup> обоимъ одолѣ Святославъ<sup>3</sup> Болгаромъ, и възъ городовъ 80 по Дунаеву, и сѣде ту княжа въ Переяславци, емля данъ на Грепѣхъ.

Въ лѣто 6476. Придоша Печенѣзи<sup>4</sup> на Рус-

скую землю, а Святославъ бяше въ Переяславци; и затворися Ольга въ градъ съ внуки своими, Ярополкомъ, и Ольгомъ и Володимеромъ, въ градъ Кіевѣ. И оступиша Печенѣзи градъ въ силѣ велици, бесчисленное множество около града, и не бѣ лѣзъ изъ града вылѣсти и вѣсти послаты; изнамагааху бо людие голодомъ и водою. И събравшеся людие оной страны Днѣпра въ лодіахъ, обѣ ону<sup>5</sup> страну стояху, и не бѣ лѣзъ внити въ Кіевъ ни единому ихъ, ни изъ града ко онѣмъ. И въстуживше людие въ градъ, рѣша: «нѣсть ли кого, иже бы могъ на ону страну преити и рещи имъ: аще не приступите утро подъ градъ, предатися имамъ Печенѣгомъ?» И рече имъ единъ отрокъ: «азъ преиду»; и рѣша: «иди.» Онъ же изыде изъ града съ уздою, и ристаше<sup>6</sup> сквозъ Печенѣгы, глаголя: «не видѣлъ ли коня никтоже?» бѣ бо умѣя Печенѣжескы, и мнѣхуть его своего. И яко приближися къ рѣцѣ, и свергъ порты, и сунуся въ рѣку Днѣпръ, побриде; видѣвши же Печенѣзи, устремишася на нь, стрѣляюще его, и (не) сътвориша ему ничтоже. Они же видѣвши съ оной страны, прихавъ въ лодіи противу ему, и взяша его въ лодію, и привезоша его къ дружинѣ; и рече имъ: «аще не приступите утро подъ градъ, предатися хотятъ людие Печенѣгомъ.» Рече же воевода ихъ, именемъ Притечъ: «подступимъ заутра въ лодіахъ; подшедѣше княгину и княжичи умчимъ на сю страну; аще ли сего<sup>7</sup> не сътворимъ, погубити ны<sup>8</sup> имать Святославъ.» И бысть заутра, сѣдоша въ лодіахъ противу свѣту, и въструбиша велми трубами, и людие въ градъ клинуша; Печенѣзи же мнѣвше князя Святослава пришедша, побѣгоша разно отъ града; изыде Ольга съ внуки своими и съ людми къ лодіамъ. Видѣвши же князь Печенѣжескый, и возвратися единъ къ воеводѣ Притичу, рече:

955  
968

(1) Въ подлинникѣ: ходяше творя. (2) Тамъ же: бывшимся. (3) Тамъ же: тославъ. (4) Тамъ же: паченѣзи. (5) Тамъ же: обою. (6) Тамъ же: приставше. (7) Тамъ же: не сего. (8) Тамъ же: погубити ни.



968 «кто се прииде?» И рече ему: «людіе оная  
969 страны.» И рече князь Печенѣжескій: «а ты  
князь ли еси?» И рече ему: «азъ есмь мужъ  
его, и пришелъ есмь во сторожехъ, а по мнѣ  
идутъ вои многы съ княземъ, бес числа мно-  
жество»; се же рекъ, грозя имъ. Рече же  
князь Печенѣжескій къ Притечу: «буди ми  
другъ.» Онъ же рече: «такъ сѣворю.» И пода-  
ста руку между сѣбою, и дасть князь Печенѣ-  
жескій Притечу конь, саблю, стрѣлы; онъ же  
дасть ему брони, щитъ, мечъ. И отступиша Пе-  
ченѣзи отъ града, и не бѣ<sup>1</sup> лзѣ коня напоити  
на Либеди Печенѣгы. И послаша Кіане къ  
Святославу, глаголюще: «ты, княже, чюжыя  
земли ищещи и блюдеши, а свою покинувъ,  
мало бо насъ не взяша<sup>2</sup> Печенѣзи, и матеръ  
твою и дѣтей твоихъ; аще не поидеши и не  
оборониши<sup>3</sup>, да пакы ны<sup>4</sup> възмутъ, аще ти<sup>5</sup> не  
жалъ вотчины своеа, ни матери, сущи стары,  
ни дѣтей своихъ.» И то слышавъ Святославъ,  
въборзѣ сѣде на коны съ бояры своими, и  
прииде къ Кіеву, и цѣлова матеръ свою и  
дѣти своа, и съжалиси о бывшемъ отъ Пече-  
нѣгъ; и събра воа, и прогна Печенѣгы въ  
поле, и бысть миръ.

Въ лѣто 6477. Пришедъ Святославъ про-  
гнавъ Печенѣгъ, рече матери своей и боя-  
ромъ своимъ: «не любо ми есть быти въ Кіевѣ,  
хошу жити въ Переяславцы (на) Дунаи, яко то  
есть среди земля моя, яко ту вся благая ми  
сходятся: отъ Грекъ паволоки, и злато, и  
вина и оwoць, ис Чаховъ же и Ляховъ,  
изъ Угрь сребро и кони, изъ Руси скоро, и  
воскъ, и медъ и челядь.» И рече ему Олга:  
«азъ есмь при смерти уже, видиши мя болну  
сущу; где хоцещи отъ мене ити?» бѣ бо  
разболѣлася уже; рече же ему: «погребъ мя  
иди, аможе хоцещи.» И по трехъ днехъ пре-  
ставися Олга, и плакася по ней сынъ еа

Святославъ Игоревичъ, и внуци еа, Ярополкъ,  
и Олегъ и Владиміръ Святославичи, и людіе  
вси плакахуся по ней велми; и несше погре-  
боша ю на мѣстѣ, идеже бѣ заповѣда Олга,  
и не сыпаша могилы надъ нею, не велѣ бо  
творити тризны надъ собою; отпѣ же надъ  
гробомъ ерей надъ нею, бѣ бо имѣ прозви-  
теры втайнѣ, сей похрани блаженную Олгу,  
пѣвъ надъ нею надгробныа пѣсни. (Сіа бо  
бысть предтекущія христіанстіа вѣры въ Рус-  
стей земли, яко деньница предъ солнцемъ теку-  
щія, яко заря предъ свѣтомъ, сіая сіа же яко  
луна въ нощи, тако и сіа въ невѣрныхъ че-  
ловѣцѣхъ свѣтлалася аки бисеръ въ калѣ,  
кални бо бѣша грѣхми, неомвени<sup>6</sup> святымъ  
крещеніемъ; сіа бо омыся святою купелію, и  
свѣлелася грѣховныа одежда ветхаго человеѣ-  
ка Адама, и въ новыи Адамъ облечеся, еже  
есть Христосъ. Мы же мало пѣчто къ ней  
изорчѣмъ: радуйся, Русское познаніе, къ Богу  
начатокъ примиренію тобою быхомъ; сіи  
прѣваа отъ Руси вѣниде въ царство небесное,  
сію бо хвалятъ Русстии сынове, яко начал-  
ницу и молебницу: ибо и по смерти за Русь  
Богу моляшеся, просящи внучатомъ своимъ  
на противныа одолѣніа. Праведныхъ бо душа  
не умирають, якоже рече Соломонъ: похва-  
ляемъ<sup>7</sup> бо, рече, праведному възвеселятся  
людіе, бесмертіе бо есть память его, яко отъ  
Господа познавается и отъ человеѣкъ. Сію бо  
вси человеѣци прославляютъ, видяще лежащу  
въ тѣлѣ за многа лѣта; рече бо пророкъ:  
прославляющаго мя прославлю. О сивцевыхъ<sup>8</sup>  
Давидъ глаголетъ: въ память вѣчную будетъ  
праведникъ, и отъ слуха зла не убоится; го-  
тово сердце его уповати на Господа, утврѣ-  
дися сердце его и не подвижится. Соломонъ  
бо рече: праведници въ вѣки живутъ, и отъ  
Господа мзда имъ<sup>9</sup> и строеніе отъ Вышняго,

(1) Въ подлинникъ: не бо. (2) Тамъ же: не возыша. (3) Тамъ же: не оборониши. (4) Тамъ же: не. (5) Тамъ же: ты. (6) Тамъ же: по омвени. (7) Тамъ же: похваляемъ. (8) Тамъ же: о сивцевыхъ. (9) Тамъ же: ихъ.



сего ради прїимуть царствїе красотѣ и вѣнецъ доброты отъ руки Господня, яко десницею покрыеть я, и мышцею защититъ я, защитилъ бо есть Господь сію блаженную Олгу отъ противника и съпостата діавола, такоже и по смерти тѣло ея нетлѣнно съблюде. Престави же ся блаженнаа княгини Олга, нареченна во святомъ крещенїи Елена, въ лѣто 6477, мѣсяца іула 11 день, на память святаго великомученица Евфимїа, бывши въ крещенїи лѣтъ 14.

Въ лѣто 6478. Князь великій Святославъ Игоревичъ, по смерти матери своей, посажа дѣти своа по княженїемъ: Ярополка посади въ Кїевѣ, а Олга въ Древлянехъ. Въ се же время прїидоша людіе Новгородстїи, просяще себѣ князя у Святослава, и дѣти его отпиряхуся ихъ; и глаголаша Новгородци: «аще вы не поидете къ намъ, то мы найдемъ себѣ князя.» И рече имъ Святославъ: «абы кто шелъ къ вамъ.» И отпреся Ярополкъ и Олегъ; и рече Добрыня Новгородцемъ: «просите Володимера»; бѣ бо роди сего Володимера отъ Малуши, ключницы Олгины, сестра же бѣ Добрынина, отецъ же бѣ има Малко Любчанинъ, и бѣ Добрыня дядя Володимеру. И рѣша Новгородци князю Святославу<sup>1</sup>: вѣдай намъ Володимера.» Онъ же дастъ имъ Володимера. И поїа Новгородци Володимера къ собѣ, и иде Володимеръ съ Добрынею, уемъ своимъ<sup>2</sup>, къ Новогороду, а Святославъ къ Переяславцу. А въ Цариградѣ царствова Василиій и Константинъ Багрянороженїи.

Въ лѣто 6479. Прїиде Святославъ<sup>3</sup> къ Переяславцу, и затворишася Болгари въ градѣ. И излѣзоша на сѣчу противу Святослава, и бысть сѣча велїа, и одолѣваху Болгаре<sup>4</sup>; и рече Святославъ воемъ своимъ: «уже намъ, братїе, пасти здѣ; потягнемъ мужескы!» И къ вечеру одолѣ Святославъ, и взяли градъ копіемъ, и посла къ Грекомъ, глаголя: «хощу

на вы ити и взяти градъ вашъ яко и сїи.» 969  
И рѣша Греци, царь Василиій и Константинъ: 971

«мы не хотимъ противу вамъ стати, но возмиданъ на насъ и на свои вой, и повѣжте ны, колко васъ, да вдамы по числу на главы.» Се же рѣша Греци, лстяще подъ Русїю; суть бо Греци лстиви и до сего дне. И рече имъ Святославъ: «есть насъ 20000», и прирече 10000, бѣ бо Руси 10000 толко. И пристроїша Греци 100000 на Святослава, и не даша ему дани. Святославъ же поиде на Греки, и изыдоша противу Руси; видѣвше же Русь и убояшася за множество вой, и рече Святославъ воемъ своимъ: «уже намъ нѣкамося дѣти, волею и неволею стати противу: да не посрамимъ землѣ Русскыя, но ляжемъ костьми тутю, мертви бо срама не имать, аще ли побѣгнемъ, то срамъ имамъ; и не имамъ убѣжати, но станемъ крѣпко, азъ же предъ вами поиду: аще ли моа глава ляжетъ, то промыслите о себѣ сами.» И рѣша вой: «идеже твоя глава будетъ, тутю и наши будутъ.» Исполчїася Русь и Греци противу, и сразишася обои, и оступиша Русь, и бысть сѣча велика, и одолѣ Святославъ, а Греци бѣжаша; и поиде Святославъ по нихъ къ граду, избиваа ихъ, и воюя и грады<sup>5</sup> ихъ разбиваа, яже стоятъ пусты и до сего дне. Царь же Василиій Греческы съзва боляре свои въ палату, и рече имъ: «что сътворимъ, якоже не можаху вой наши противу ему стати?» И рѣша къ нему боляре: «пошли къ нему дары, искусимъ, любезенъ ли есть злату или паволокамъ?» И послаша къ нему дары многы, злато и паволоки, и мужа мудра, и рѣша ему: «глядай возора его, и лица его и смысла его»; онъ же въземъ дары, прїиде къ Святославу. И повѣдаша Святославу, яко прїидоша Греки (съ) поклономъ; и рече: «въведе(те) а сѣмо.» И прїидоша, и поклонїшася ему, и положиша предъ нимъ дары Греческыхъ ца-

(1) Въ подлинникъ: славу. (2) Тамъ же: своемъ. (3) Тамъ же: славу. (4) Тамъ же: боляре. (5) Тамъ же: градъ.



рей, злато и паволоки. И рече Святославъ,  
971 кромѣ зря: «възмѣте, съхраните, отроки мои!»  
980 Посланиі же царемъ придоша къ царю, и  
царь съзва боляре; рѣша же посланиі: «яко  
придохомъ къ нему, и въздохомъ дары, и не  
възрѣ на нихъ, но повелѣ съхранити.» И  
рече единъ: «искуси ѿ еще, послѣ<sup>1</sup> оружїе.»  
Они же послушаша его, и послаша къ нему  
доспѣхъ, и мечъ и ино оружїе, и принесоша  
къ нему; онъ же приѣмъ, нача<sup>2</sup> любити и хвали-  
ти, и цѣловати царя. Придоша же посланиі  
опять къ своему царю, и повѣдаша ему вся  
бывшаа, и рѣша боляре: «лють сей мужъ  
хочетъ быти, яко о имѣніи не брежетъ, а  
оружїе любитъ и емлетъ; имися царю по  
дань.» И посла царь, глаголя сїце: «не ходи  
къ граду, възми дань на насъ, егже хоче-  
ши»; за малымъ бо бѣ не дошелъ Царяграда.  
И вдаша ему дань; имашетъ же у нихъ и  
за убїенія<sup>3</sup>, глаголя: «яко родъ его възметъ.»  
Взя же дары многы, възвратися въ Перея-  
славецъ съ похвалою великою. Видѣвше же  
мало дружины своеа, убоаяся къ Переслав-  
ци ити, рекъ къ себѣ: «еда како прелестив-  
ше ны избыютъ ны», бѣша бо мнози избїены  
на бою; и рече: «пойдемъ въ Русь, и при-  
веду болѣ дружины.» И посла къ цареви  
въ Дерестъ градъ, бѣ бо царь въ Дерестрѣ<sup>4</sup>,  
рца сїце: «хочу и съ тобою имѣти миръ  
тврѣдъ и любовь.» Се слышавъ царь радъ  
бысть, и посла къ нему дары болѣ прѣвыхъ.  
О смерти Святослави. Святославъ же  
прїать дары, и поча думати съ боляры сво-  
ими, рка сїце: «аще не сътворимъ съ ца-  
ремъ миру, и увѣсть царь, яко мало насъ  
есть, и пришедше оступятъ ны въ градѣ,  
а Русскаа земля далече, а Печенѣзи съ нами  
ратни, а кто ны поможетъ? но сътворимъ  
миръ съ царемъ, се бо ны ся по дань яль,

и ту буди намъ довольно; аще ли почнетъ  
не управляти дави, изнова изъ Руси, съ-  
вокупившеса съ вой многими, пойду на  
Царьгородъ.» И любя бысть рѣчь воємъ, и  
послаша лучшіи мужи къ цареви; и придо-  
ща въ Дерестъ, и повѣдаша цареви. Царь же  
наутріа призвавъ ихъ, и рече царь: «да гла-  
голють послѣ Русстїи.» Они же рѣша: «такъ  
глаголетъ князь нашъ Святославъ Игоревичъ:  
хочу любовь имѣти съ царемъ Греческимъ  
съврѣшену прочее въ вся лѣта.» Царь же радъ  
бысть, и повелѣ писцу писати вся Святослав-  
ли рѣчи на хартїю; и нача посоль глаголати  
вся рѣчи, а писецъ нача писати, глаголя  
сїце:

Миръ Святослава съ Греки. «Равно  
другаго съвѣщанїа, бывшаго при Святосла-  
вѣ, великомъ князи Русстѣмъ, и при Свен-  
тельдѣ, писано при Теофилѣ синкелѣ<sup>5</sup> и къ  
Іоанну, нарицаемому Чесескому<sup>6</sup>, царю Гре-  
ческому, въ Дерестрѣ, мѣсяца іюля, индик-  
та<sup>7</sup> 14. Азь Святославъ, князь Русскїй, якоже  
кляхся, и утвержаю на съвѣщанїи семъ<sup>8</sup> роту  
свою. Хочу имѣти миръ и съврѣшенную лю-  
бовь съ всякимъ царемъ Греческимъ, и съ  
Василїемъ и Константиномъ, съ богодухно-  
венными цари, и съ всѣми людьми вашими, и  
їже суть подо мною Русь<sup>9</sup> . . . . .

. . . . .  
зберутъ, за мѣсяць. И ждаша за мѣсяць, и  
не дасть имъ; и рѣша Варязи: «сольстилъ еси  
нами, покажи ны путь въ Греки». Онъ же  
рече имъ: «идѣте.» Избра отъ нихъ мужи  
добры, и мыслени и храбры, и раздаа имъ  
грады; прочїи же идоша къ Царюграду въ  
Греки. И посла передъ ними Володимерь по-  
слы<sup>10</sup>, глаголя сїце царю: «се идуть къ тебѣ  
Варязи мнози, не мози ихъ дрѣжжати въ градѣ,  
или то сътворятъ ти зло, якоже здѣ, но рас-

(1) Въ подлинникѣ: послы. (2) Тамъ же: начало. (3) Тамъ же: за убїенїа. (4) Тамъ же: въ дерестрѣ.  
(5) Тамъ же: синкелѣ. (6) Тамъ же: ческому. (7) Тамъ же: индикта. (8) Тамъ же: на съвѣщанїемъ. (9) За  
симъ тамъ же вырѣзаны два листа. (10) Тамъ же: послы.



точи я разнѣ, а сѣмо не пускай ни единого.»  
Еже и бысть надъ ними.

О идолѣхъ по всѣмъ градомъ. Въ лѣто 6488. И нача княжити Володимѣръ въ Кіевѣ, и постави кумири на холму внѣ двора теремнаго: сѣтвори Перуна древяна<sup>1</sup>, а главу его сребрену, а усь у него золотъ, и Харса, и Дажба, и Стриба, и Сѣмаргла, и Мокошь. И жряху имъ вси людіе, нарицающе а богы, привождаяху сыны своя и дщера, и жряху бѣсомъ, и оскверняху землю свою потребами многими, и осквернися кровми земля Русская и холмъ той. Но благый Богъ не хотя смерти грѣшникомъ; на томъ холмѣ нынѣ церковь стоитъ великаго Василия, якоже послѣди скажемъ. Нынѣ же на подлежащее възвратимся. Володимѣръ же посади Добрыню Малковича, дядю своего, въ Новгородъ; и пришедъ Добрыня къ Новугороду, пѣстави кумиръ Перуна надъ рѣкою Влхвомъ, и жряху ему людіе Новгородьстїи яко Богу. И бѣ Володимѣръ побѣжденъ похотію женьскою, быша у него водимыя, рекше болшіа: Рогнѣдъ, юже посади на Либеды въ селцѣ, идеже есть нынѣ словесъ селце Предславино. Та же Рогнѣдъ убити его хотѣ, ножемъ зарѣзати. Отъ нея же роди 4 сыны: Изяслава, Ярослава, Мстислава, Всеволода, и двѣ дщери; а отъ Грекины Святополка; а отъ Чехени Вышеслава; а отъ другїа<sup>2</sup> Чехини Святослава и Станислава; Судиславъ, Болеславъ; а отъ царевны отъ Анны Борисъ и Глѣбъ; а наложницъ бѣ у него 300 въ Вышегородѣ, и 300 въ Бѣлѣгородѣ, а 200 на Берестовѣмъ въ селцѣ, еже зовутъ нынѣ Берестовое. И бѣ насытъ<sup>3</sup> блудомъ, приводя къ себѣ мужескыя жены и дѣвицы растливаа; бѣ бо женолюбецъ якоже и Соломонъ: бѣ бо у Соломона женъ 700, а наложницъ 300, мудръ бѣ, а наконецъ по-

гибе; сей же бѣ невѣйгласъ, а наконецъ обрѣте себѣ спасеніе. Велий бо Господь нашъ, и велиа крѣпость его, и разуму его нѣсть числа! <sup>4</sup>О злыхъ женахъ. Зло бо есть женьская прелесть, отъ неяже будемъ въздрѣжащеся, якоже рече Соломонъ, покаяся, о женахъ: не внимай злѣ женѣ; медъ бо каплетъ отъ устъ ея, жены любодѣица, въ время наслаждаетъ твой гортанъ, послѣди же горчае золчи обрѣщещи; прилѣпляющися женѣ любодѣици идутъ смертію въ адъ; на пути бо животныя не находятъ, блудна же теченіа ея и неблаго разумна. Се же рече Соломонъ о прелюбодѣицехъ. О добрыхъ женахъ. А о добрыхъ женахъ рече: дрѣжайши есть каменіа многоцѣннаго; радуется о ней мужъ ея, творить бо мужевѣ своему все благо житіе; и обрѣтши волну и лень, сѣтворитъ благопотребная рукама своимъ; и бысть яко корабль куплю дѣлющи издалеча, събираетъ себѣ богатство; и востаетъ отъ нощи, и даетъ брашно дому и дѣло рабынямъ; видѣвше тяженіе<sup>5</sup>; препоясавше крѣпко чресла своя, и утвѣди мышца своя на дѣло, и въкуси яко добро есть дѣлати, и не угасаетъ свѣтилникъ ея всю ношь; руцѣ свои простираетъ на полезнаа, локти же свои устрѣбляетъ на вретено; руцѣ свои простираетъ убогому, плодъ же простре нищему; не печется мужъ ея о дому своемъ, егда гдѣ будетъ, вси свои ея одѣни будутъ; сугуба одѣаніа сѣтворитъ мужевѣ своему, отъ червлена и багряна себѣ<sup>6</sup> одѣаніа сѣтворитъ; възорень бываетъ въ вратѣхъ мужъ ея, внегда аще сядетъ на стѣнмищи съ старци и съ жителѣи земліа; и опоны сѣтворитъ и отдастъ въ куплю; уста же своя отворѣе смыслено и законно, и въ чинъ молвитъ языкомъ своимъ; въ крѣпость и въ лѣпоту облечеся; милостыня же ея въздвигоша чада ея и обогатѣша,

980

(1) Въ подлинникъ: древяны. (2) Тамъ же: отъ друхїа. (3) Тамъ же: не сы. (4) Тамъ же, вверху, на полѣ, замѣчено: премудрый соломонъ мѣлъ женъ слѣбныхъ 700, а подлужницъ триста. (5) Здѣсь пропущены слѣдующія слова: куповаше, отъ дѣлъ руку своею насади тяжаше. (6) Въ подлинникъ: сугуба.



980 и мужъ еа похвали ю; жена бо разумлива  
983 благословена есть, страхъ бо Господень та похвалить; дадите ей отъ плода устну еа, да похвалимъ будетъ въ вратѣхъ мужъ еа.

Въ лѣто 6489. Иде Володимеръ къ Ляхомъ, и зая<sup>1</sup> грады ихъ, Перемышль, и Червень и ины грады, иже суть и до сего дни подъ Русію. Того же лѣта и Вятичи побѣди, и възложи на нихъ дань отъ плуга, якоже и отецъ его имаше.

Въ лѣто 6490. Заратишася Вятичи, и иде на ня Володимеръ, и побѣди а второе.

Въ лѣто 6491. Иде Володимеръ на Ятваги, и побѣди а, и взя землю ихъ. И прииде къ Кіеву, и творяше о<sup>2</sup> побѣдѣ требы кумиромъ съ боляры и съ людми своими; и рѣша старци и боляре: «мечемъ жребіа на сыны и на дщера наша, отрока или дѣвицу; на негоже падетъ жребій, того зарѣжемъ на потребу богомъ нашимъ.»

О Іоаннѣ христіанинѣ и о отци его, убитыхъ Христа ради за вѣру. И бѣше нѣкто человекъ Божій единъ Варягъ, христіанинъ, живій въ Кіевѣ, и бѣ дворъ его, идеже есть нынѣ церкви святаа Богородица, юже дѣла Володимеръ; бѣ Варягъ той пришолъ изъ Грекъ, изъ Царягорода, съ сыномъ своимъ Іоаномъ, сѣдючи въ Кіевѣ, и держааше вѣтайнѣ вѣру христіанскую. И бѣ у него сынъ Іоаннъ, красенъ душею и тѣломъ, и на сего паде жребій по зависти діаволой. Не трѣпашеть бо діаволь, власть имѣа надо всѣми, и се бяшетъ ему яко трѣнь въ сердци, и тщашеся потребити окаанный, не могый ему что сѣтворити, и наустити на нь люди. И рѣша пришедше поганіи къ нему: «яко паде жребій на сынъ твой, изволиша бо и възлюбиша его бози наши себѣ: да сѣтворимъ потребу богомъ.» И рече Варягъ: «не суть то бози, но древо здѣлано и бездушньо, днесъ есть, а помалѣ изгніетъ; не ядятъ бо сіа, ни пи-

ють, ни молвятъ, но суть дѣлано руками въ древѣ секирою и ножемъ; а Богъ есть единъ на небесѣхъ, емуже служатъ Греци и кланяются, въ имя Господа Ісуса Христа Сына Божіа крещенна есѣ, иже той сѣтворилъ небо, и землю, и солнце, и луну, и звѣзды, и человекъ, и далъ есть ему жити на земли; а вашѣ бози что сѣтворили? но сами вами здѣлани суть, и не дамъ сына своего бѣсомъ.»

И ти шедше повѣдаша людемъ; и они же въземше оружіе, придоша на нь, и разъяша дворъ около его; онъ же стояше на сѣнехъ съ сыномъ своимъ. И рѣша ему: «вдай сына своего, да вдамы<sup>3</sup> ѧ на трѣбу богомъ.» Онъ же рече: «аще суть бози, то единого себе пришлютъ бога, да приидетъ и пойметъ сынъ мой; а вы чему перетребуетеся имъ?» И кликнуша Кіане, и подсѣгоша подъ ними сѣни, и тако побиша<sup>4</sup> я, исповѣдающася христіана, и пріяста вѣчную жизнь за святую вѣру мучена, и приѣмше вѣнецъ небесный съ святыми мученики и праведники, и не стѣвѣтъ никтоже, гдѣ положиша ихъ. Бѣаху бо тогда человекъ невѣгласи, погани; и діаволь радовашеся сему, не вѣдый, яко близъ погыбель ему хотяше быти. Тако бо прежде тщашеся погубити родъ христіанскый, и прогонимъ бѣ крестомъ честнымъ въ иныхъ<sup>5</sup> странахъ, здѣ же мняшеся окаанный: яко здѣ ми есть жилище, здѣ бо не суть апостоли учили, ни пророци прорицали, не вѣдый пророка глаголюще: и нареку не люди моа люди моа. И о апостолѣ бо рече: въ всю землю изыдоша вѣщаніе ихъ, и въ конца вселенныа глаголи ихъ. Аще ли и здѣ апостоли тѣломъ не бѣху, но ученіе ихъ яко трубы гласятся по вселеннѣй въ церквахъ, ихже ученіемъ и повелѣніемъ побѣждаемъ противнаго врага, и попирающе подъ нозѣ, якоже попраста<sup>6</sup> и сіа отъчника, приѣмша<sup>7</sup> вѣнецъ небесный съ святыми мученики и праведники.

(1) Въ подлинникъ: за. (2) Тамъ же: ко. (3) Тамъ же: вдан. (4) Тамъ же: побыша. (5) Тамъ же: и выныхъ. (6) Тамъ же: яко пріаста. (7) Тамъ же: отъника приѣмца.



Въ лѣто 6492. Иде Володимеръ на Радимичи. И бѣ у него воевода Волчей Хвостъ, и посла предъ собою Володимеръ Волчьа Хвоста; и срѣте а на рѣцѣ Пищанѣ, и побѣди Радимичи Волчей Хвостъ; тѣмъ и Русь корятся Радимичемъ, глаголюще: «Пищанци волчьа хвоста бѣгають.» Быша же Радимичи отъ рода Ляховъ; пришедши же въселишася ту, и платятъ дань Руси и повозъ везутъ и до сего дни.

Въ лѣто 6493. Иде Володимеръ на Болгары со Добрынею, уемъ своимъ, въ лодіахъ, а Торки берегомъ переведъ на конехъ, и прииде и Болгары побѣди. И рече Добрыня Володимеру: «сѣглядахъ колодникъ, и суть вси въ сапозехъ; поидемъ отсуду, на сихъ намъ дани не имати, но поидевъ искати лапотникъ». И сѣтвори Володимеръ з Болгары миръ, и ротѣ заходиша межи собою, и рѣша Болгары: «толи не будетъ межи нами мира, коли камень начнетъ по водѣ плавати, а хмель грязнути; тогда вамъ дань взяти.» И прииде Володимеръ къ Кіеву.

УЧЕНІЕ О ВѢРАХЪ. О СРАЦИНСКОЙ ВѢРѢ. Въ лѣто 6494. Придоша къ Володимеру Болгаре Бохмичи вѣри, глаголюще: «яко ты князь еси мудръ и смыслень, но (не) вѣси закона; да вѣруй въ законъ нашъ и поклонися Бохмиту.» И рече Володимеръ: «како есть вѣра ваша?» Они же рѣша: «вѣруемъ Богу, а Бохмита ны учитъ, глаголя: обрѣзати уды тайныя, а свинины не ясти, ни заечени, а вина не пити, а по смерти же, рече, съ женами творити похоть блудную; дасть бо Бохмита комуждо по 70 женъ красныхъ, и изберетъ едину красну, и всѣхъ красоту възложить на едину, и то будетъ ему жена; здѣ же, рече, достоинъ блудъ творити всякъ, на семь свѣтѣ; аще кто будетъ богатъ здѣ, то и тамо, аще ли здѣ кто убогъ, той и тамо»; и ина многа лествъ, еяже нелѣзѣ

писати срама ради. Володимеръ же про жены 984  
улюбыхъ слушаше ихъ, бѣ бо самъ любя 986  
жены и блуженіе много, и послушаше сладко; но се бѣ ему не любо обрѣзаніе удовъ и неяденіе мясъ свинныхъ, и о питіи вина велми не любо отнюдъ, река: «Руси есть веселіе питіе, не можемъ безъ того быти.» И не възлюбилъ Володимеръ вѣры Болгарьскыя, и посла прочее. Посемъ же придоша отъ Римлянъ Нѣмци<sup>2</sup>, глаголюще: «се придохомъ отъ папежа послани»; и рѣша ему: «рекль ти тако папѣжъ: земля твоя яко и земля наша, а вѣра твоя не яко вѣра наша; вѣра бо наша яко свѣтъ есть, кланяемся Богу, иже сѣтвори небо и землю, звѣзды и мѣсяць, и всяко дыханіе, а бози ваши древо суть.» Володимеръ же рече: «какова заповѣдь ваша?» Они же рѣша: «пощеніе по силѣ; аще ли кто ястъ или піетъ, то все въ славу Божию творитъ, тако бо рече учитель нашъ Петръ и Павель.» Рече же Володимеръ Нѣмцемъ: «идѣте назадъ опять, яко отци наши сего не пріали суть.» О Жидовской вѣрѣ. Се слышавше Жидове Козарьстѣи, придоша къ Володимеру, ркуще: «слишахомъ, яко приходиша Болгаре и христіане, учаще тя<sup>3</sup> вѣрѣ своей; христіане бо вѣрують Ісуса, егоже мы<sup>4</sup> распяхомъ, а мы вѣруемъ единому Богу Авраамову, и Исакову, (и) Іаковлю.» И рече Володимеръ: «что есть законъ вашъ?» Они же рѣша: «обрѣзатися, свинины не ясти, ни заячины, субботу хранити.» Онъ же рече: «то гдѣ есть земля ваша?» Они же рѣша: «въ Іерусалимѣ.» Онъ же рече: «то тамо чему не живете въ ней?» Они же рѣша: «разгнѣвався Богъ на отци наша, и расточи ны по странамъ грѣхъ ради нашихъ, и предана бысть земля наша христіаномъ.» Онъ рече: «то тако вы и инѣхъ учите, а сами отвержени отъ Бога и расточени? аще бы Богъ любилъ васъ и законъ вашъ, то

(1) Въ подлинникѣ, другимъ почеркомъ, вынесено противъ сего на поле: о римстей вѣрѣ (2) Тамъ же зачеркнуто: нѣмци и написано: ници. (3) Тамъ же: тяжко. (4) Тамъ же: вы.



986 не бысте<sup>1</sup> расточени по чужимъ землямъ; егда мыслите и намъ тойже зло пріати?» О христіанъстей вѣрѣ. Посемъ же при-  
слова Греци къ Володимеру Кирила фило-  
софа, глаголюще сие: «слышахомъ, яко приходили суть Болгаре, учаще тя пріати вѣру свою, ихже вѣра оскверняетъ землю и небо, иже суть проклѣти паче всѣхъ чело-  
вѣкъ, уподобльшися Содомлянѣмъ и Гомору, на нихъ же спусти Богъ каменіе горящее, и потопп а, и погрязоша, яко и сихъ ожи-  
даеть день погыбели ихъ, егда пріидеть Богъ судити на землю, и погубитъ вся творящаа безаконіе и скверны дѣлающихъ; сїи бо об-  
мываютъ обходы своа, и въ ротъ вливають, и по брадѣ мажутся, нарицающе Бохми-  
та, такожде же и жены ихъ творять ту же вѣру скверну, и ино пуще, отъ съвокупленія мужеска и женска вкушаютъ.» Сїи слышавъ<sup>2</sup> Володимеръ, плюну на землю, рекъ: «нечисто есть дѣло се.» Рече же философъ: «слыша-  
хомъ же и се, яко приходиша отъ Рима учити васъ въ вѣрѣ своей, ихже вѣра мало съ нами развращена, служатъ бо опрѣсноки, рекши оплатки, ихже<sup>3</sup> Богъ не преда, но повелѣ хлѣ-  
бомъ служити, и преда апостоломъ своимъ, пріимъ хлѣбъ и рекъ: се есть тѣло мое, до-  
мимое<sup>4</sup> за вы; такоже и чашу пріемъ рече: се есть кровь моя новаго завѣта; сїи же того не творять, и суть не исправили вѣры своея.» Рече же Володимеръ: «пріидоша къ мнѣ Жидове, глаголюще: яко Римляне<sup>5</sup> и Греци вѣрують въ распятаго, егоже мы распя-  
хомъ.» Философъ рече: «въистинну въ того мы вѣруемъ, тѣхъ бо пророци прорицааху, яко Богу родитися, а друзіи распяту быти, и погребену, и въ 3 день въскреснути и на небеса възыти; они же ты пророкы избива-  
аху, другыя же пилами претирааху; егда же

стбысться прореченіе тѣхъ, сніде на землю, и распятіе пріати, и въскресе и на небеса възыиде; но отъ сихъ же Жидовъ ожидаше покааніа 40 лѣтъ и 6 лѣтъ, и не покаашася, и посла на ня Римляны, и градъ ихъ раз-  
биша, и самыхъ расточиша по странамъ, и ра-  
ботаютъ въ странахъ.» Рече же Володимеръ: «что ради сніде на землю Богъ и страсть таковую пріати?» Отвѣща же философъ, гла-  
голя: «аще хоцещи послушати, скажу ти изначала, что ради сніде Богъ на землю. Онъ же рече: «послушаю радъ<sup>6</sup>; то есть небо невидимо нами.» И нача философъ глаголати:

«Въ началѣ створи Богъ небо и землю; земля же бѣ невидима и неукрашена, и тма врѣху бездны, и Духъ Божій ношашеся вер-  
ху воды; и рече Богъ: да будетъ свѣтъ, и бысть свѣтъ; и видѣ Богъ яко добро, и раз-  
лучи Богъ межу свѣтомъ и межу тмою; 2 аг-  
гели; 3 небеса вышняя, изъ нихже исходитъ снѣгъ, голоть, градъ, роса, мразъ, снѣгъ, громи, зноеве, лѣто, зима; 4 земля; 5 воды; 6 въздухъ; 7 огонь; 8 вѣтры; все отъ небытіа створи. И аггели гласъ Божій слышавше и свѣтъ видѣвше, падше поклонишася ему, и нарече Богъ пръвій день недѣлю. А во вто-  
рый день, въ понедѣльникъ, створи Богъ твердь, доле отъ насъ, насъ же покры въ сѣни, яже есть посредь воды, и се полъ воды възведе на твердь, а полъ воды остави на земли; и рече Богъ: буди твердь; и абіе згу-  
стися вода въ ледовидно, аки хрусталь, и того ради твердь нарече<sup>7</sup> небо, а сушу землю, понеже отъ жидкихъ водъ и гладкихъ<sup>8</sup> межу небомъ и землею сїа утверди. А во третій день, въ вторникъ, рече Богъ: да сънидется<sup>9</sup> вода, яже подъ небесемъ на земли, въ сонмы своа, и да ся явитъ суша. И снятся вода, и бысть море, и рѣкы, источники, и озера, и

(1) Въ подлинникѣ: не бы есте. (2) Тамъ же: слышавъ. (3) Тамъ же: пмже. (4) Тамъ же: ловымое. (5) Тамъ же, вмѣсто слова: римляне, вынесеннаго на поле, написано: нѣмци, но зачеркнуто. (6) Тамъ же: ради. (7) Тамъ же: нерече. (8) Тамъ же: отъ жидкихъ водъ и сладкихъ. (9) Тамъ же: да псыметса.



болота; и прозябе земля траву сѣменную, и древа плодovitаа и неплодovitая. Въ той же день рай насади Богъ на востоцѣ въ Едемѣ, обѣ оную страну окіана моря, и древо животное посреде раа и древо разумное. А въ четвертій день, во среду, сътвори Богъ свѣтило великое солнце, и далъ есть око дни, свѣтильникъ, озаренъ отъ свѣта прѣвороднаго, сіати подѣ твердію; и луну и звѣзды сътвори на просвѣщеніе нощи, подвижно и обращаемо на поясъ небесныхъ, ихже естества тонка акы димна, на коеждо поясѣ одинаа планить седмь; и тако украси Богъ небо. Отпаденіе сатанино. Въ той же день отпаде діаволь архангелскаго чину. Видѣвъ же прѣвій отъ ангель, старѣйшина чину ангелску, землю украшену, помысливъ себѣ, рече: «сниду на землю, и прииму землю, и възыду выше звѣздъ, и поставлю престолъ свой на облацѣхъ сѣверскихъ, и буду подобенъ Вышнему.» Си помысливъ, и въ бѣси прѣмѣнися, и ту абіе сверже его Богъ съ небесе, и по немъ спадоща, иже бѣ подѣ нимъ, 10 чиновъ. И бѣ имя противнику Сатаниль, въ негоже мѣсто постави Богъ старѣйшину Михаила; Сатаниль же, грѣшивъ помысла своего, отпадъ славы Божіа, прѣвое наречеся противникъ Богу. Посемъ же, въ пятый день, четверкъ<sup>1</sup>, сътвори Богъ киты великіа, рыбы, гады, птица пернатая, звѣри земныя, и скоты полскыа. А въ шестый день, пятюкъ, рече Богъ: «сътворимъ человѣка по образу нашему и по подобію, да обладаетъ всѣми създанными по земли.» И възять Богъ отъ земля ни граду, ни калѣ, но прѣсть малу, и своима рукама размѣсивъ во плоть, и създа человѣка по образу своему и по подобію, и душу живу словесну своимъ духовеніемъ въдохнувъ; и бысть человѣкъ въ душу живу, и нарече имя ему Адамъ, и бысть царь всѣмъ сътворенымъ на земли. И сконча Богъ дѣла своа, елико на

небеси и елико на земли и въ водахъ дѣла<sup>2</sup> 986  
сътворилъ. А въ седмый день, въ субботу, почи Богъ отъ всѣхъ дѣлъ своихъ; въ той день ни творити ничтоже благослови, и освяти, и празновати повелѣ человѣкомъ и скотомъ, но славити Творца своего и молиться ему. И насади Богъ рай въ Едемѣ на востоцѣ, и въведе ту человѣка, егоже създа. Заповѣдь Божіа. И повелѣ ему отъ всѣхъ древъ ясти, а отъ древа, еже есть посреде раа, заповѣда ему отъ того единого древа не ясти, еже есть разумѣти добру и злу, да не смертію, рече, умрета. И бѣ Адамъ въ рай съ ангелы вкупѣ сидяше и славляше Бога. И вложи Богъ въ Адама сонъ, и успе, и възять Богъ едино ребро у Адама, и сътвори ему жену помощницу, и приведе ю къ Адаму, и вѣставъ отъ сна, и рече Адамъ: «се кость отъ костей моихъ, и плоть отъ плоти моеа, и се наречется жена, яко отъ мужа своего възята есть сіи.» И нарече Адамъ имена всѣмъ скотомъ, и всѣмъ птицамъ небеснымъ, и звѣремъ, и гадомъ, и рѣкамъ и рыбамъ, и обладаше ими, и послушааху его, а самъ имъ ангель повѣда имена. И покори Богъ Адаму вся звѣри и вси скоты, и служаху ему. О зависти діавольской. Видѣвъ же діаволь, яко почти Богъ человѣка, егоже сътвори, и възавидѣвъ ему, и преобразися въ змію, и прииде къ Евзѣ, и рече ей: «отъ всякого ли древа ясте?» И рече жена къ зміи: «отъ всякого древа ямы, а отъ единого не ямы, сущаго посреде раа.» И рече зміа: «почто не яста отъ древа, сущаго посреде раа?» И рече жена къ зміи: «заповѣда намъ Богъ отъ того единого древа не ясти, да не смертію, рече, умрета.» О прелести діавольской. И рече зміа ко женѣ: «смертію не умрета, видѣаше бо Богъ, яко въ онъ же день, аще снѣста отъ него, и отврѣзутся очи ваю, и будѣта яко Богъ разумѣюще добро и зло.»

(1) Въ подлинникѣ: чекъ. (2) Тамъ же: 22 и дѣла.  
Т. XV.



986 Паденіе Адамле. И видѣ жена, яко добро древо въ снѣдъ, и въземъ отъ него и снѣсть, и въдасть мужу своему, и ядоста оба, и от-врѣзостася има очи, и познастася, яко нага еста, и спшиваеста себѣ листвіе смоковное, и сътвориша себѣ препоясаніе, и закрывахуся прутіемъ, листвіемъ. И услышаста гласъ Господа Бога, ходяща въ раи (по) полудне, и убоившеся, съкрыста отъ лица Божіа; и рече ему Богъ: «Адаме, Адаме, где бѣ?» И отвѣща Адамъ и рече ему: «Господи, гласъ твой слышяхъ, и убоихся, яко нагъ есмь, и съкрыхся.» И рече ему Богъ: «кто ти повѣда, яко нагъ еси? аще бы не ялъ еси отъ древа, сушаго посредѣ раа, отъ негоже заповѣдахъ ти отъ того единого древа не ясти, не бы вѣдалъ яко нагъ еси, отъ негоже ялъ еси.»<sup>1</sup> И рече Адамъ: «Господи, жена<sup>2</sup>, юже ми еси далъ, та ми даде, и ядохъ.» И рече Богъ къ женѣ: «что се сътворила<sup>3</sup> еси?» И рече жена: «змѣя прелести мя, и ядохъ, и дахъ и мужу своему.» О проклятіи змѣи. И рече Богъ къ змѣи: «яко се сътвори, проклята ты отъ всѣхъ звѣрей<sup>4</sup> земныхъ, на прѣсѣхъ своего чрева да ходиши, пресмыкаяся по земли, и яси землю вся дни живота твоего; вражду положу между тобою и женою, и между сѣменемъ твоимъ (и сѣменемъ тоя); человекъ да зрѣтъ главы твоя, а ты зриши его пяты.» Проклятіе женѣ. А женѣ же рече: «множаа умножу печали твоя, и въздыханія твоя, и въ печалехъ родиши чада, и къ мужу твоему възвращеніе твое, и тѣй тобою обладаетъ.» Адаму же рече: «зане послушалъ еси гласа жены твоея, и снѣлъ еси отъ древа, егоже ти<sup>5</sup> заповѣдахъ единого не ясти, отъ негоже ялъ еси, проклята земля во дѣлехъ твоихъ; въ печали яси хлѣбъ въ вся дни живота твоего; трѣніе и влѣчень възрастетъ тебѣ; яко земля еси, и въ землю паки поидеши.» И рече Богъ: «Адамъ есть

яко единъ отъ насъ, разумѣть добро и зло; еда како прострета руку второе, и възмета отъ древа животнаго, и жива будета въ вѣкы.» Изгнаніе Адамле. И изгна Господь Богъ Адама изъ раа и Евву, и пристави Господь херувимъ пламенное оружіе стрещи вратъ Едемскихъ. И сѣде Адамъ прямо раа, зря на рай плачася и дѣлаа землю, отъ неаже възять бысть. И прокля Господь Богъ землю, и порадовася сатана о проклятіи земля: се бысть на ны прѣвое отпаденіе аггельскаго житія и горкій нашъ отвѣтъ. И пристави Господь Богъ архаггела Михаила хранити Адама, да не паки отъ сотоны прелщень будеть; того ради по крещеніи всякой души челоувѣчстѣй посылаетъ Господь аггела хранителя, а сотона посылаетъ бѣса на прелщеніе челоувѣкомъ. Двою Богъ, Адамъ и Евва, и изгнана быста изъ раа; по изгнаніи же ея изъ раа, заченши Евва и роди Каина. И роди Адамъ Каина и сестру его Каламону, и паки другую заченши, и роди Авеля; и бѣ Каинъ ратай землѣ, Авель же пастырь овцамъ, О<sup>6</sup> жертвъ Авелевъ. отъ нихъ же жрътву Богу принесе, и пріять Богъ дары его, зане бо той прѣвенца Господеву освятѣвъ. О неприятнѣй жрътвѣ Каиновѣ. Каинъ же, ратай сій, той на прѣвѣ числа сътвори и уставы, и межѣ землямъ замысли, и бысть по днехъ вторыхъ, и того ради Каинъ ревнуа брату своему. Съвѣтъ на убійство. Влѣзъ же и сатана въ Каина, и подстрѣкааше его убити Авеля; и рече Каинъ Авелю: «пойдевъ убо на поле.» И послуша его Авель; и якоже изыидоста оба на поле, воставъ Каинъ на Авеля, и хотѣше его убити, и не умѣаше. Убіеніе Авелево. И рече ему сатана: «възми камень, и удари его.» И въземъ камень и уби Каинъ Авеля, брата своего, по наученію сотонину. Тогда четвертаа часть миру умре. И рече

(1) Въ подлинникѣ противъ сего на полѣ написано киноварью: о преданіе адамле, а н . . паче покаан. (2) Тамъ же: жену. (3) Тамъ же: сътворилъ. (4) Тамъ же: звѣрехъ. (5) Тамъ же: ты. (6) Тамъ же: а.



Богъ Каину: «где есть Авель, братъ твой?» Онъ же рече: «не вѣдѣ, еда стражъ брату моему есмь азъ?» Проклятiе Каиново. И рече ему Богъ: «что се сѣтворилъ еси? се кровь брата твоего вѣпшетъ къ мнѣ отъ земли; проклятъ ты на земли, понеже разврѣзе уста своа, проліати кровь брата твоего отъ руки твоеа; дѣлая землю, и не приложитъ ти силы твоеа дати тебѣ; стоя и трясыйся будеши на земли до дни живота своего.» И рече Каинъ къ Господу: «Господи, лучши ми бы вина и смерть сказанію, нежели отпущеніа животу и злomu пребыванію; аще мя гониши днесъ отъ лица земли, отъ лица твоего съкрыюся, и буду стоя и трясыйся на земли, и будетъ, всякъ обрѣтый мя, убіетъ мя.» Седмъ мщеній. И рече ему Богъ: «не такъ; всякъ убивый Каина седмъ мщеній раздрушитъ.» «Кіи мщеній?» Рече: «пръвое Бога разгнѣви, второе отца опечали, третiе матеръ обезчадыствова, четвертое брата уби, пятое кровь проліа, шестое Богу солга, седмое не пріата бѣяше жрътва его.» И положи Господь Богъ знаменіе на Каинѣ, еже не убити его всякому обрѣтающему его. Егда же убіенъ бысть Авель отъ Каина, Адамъ же и Евва плачущися бѣста зѣло, а врагъ діаволь радовашеся, и рече въ себѣ: «се, егоже Богъ почте, азъ сѣтворихъ ему отпасті отъ Бога, се нынѣ и плачь ему налѣзохъ.» И тако плачущися по Авелѣ тридесать лѣтъ, лежаше бо на земли и не изгни тѣло его, ниже умѣяста его погребсти. Погребеніе Авелево. Повелѣніемъ же Божіимъ двѣ птицѣ прилетѣста, и едина ея умре, другаа же ископа въ земли яму, и вложи (въ н)ю умръшую, и погребе ю. Видѣвъ же (се) Адамъ и Евва, и ископаста яму, и положиста въ ней Авеля, и погребоста его съ плачемъ великимъ, отдавающе земли четвертую часть мира. Живъ же Адамъ лѣтъ 200 и 30, и родиста сына Сифа и двѣ дщери, Азару и

Асуаму, и поя Каинъ пръвую сестру свою 986 Азару, Сифъ же вторую Асуаму, и отъ того же человѣци расплодишася. И вселися убо Каинъ въ землю Нади, прямо Едему; и позна Каинъ жену свою, и заченши роди Еноса, и създа градъ въ имя его; роди же сѣ<sup>1</sup>, роди Малелеила, Малелеиль же роди Мафусала, Мафусала же роди Ламеха. И поятъ Ламехъ себѣ двѣ женѣ, Еддану и Селлу, и роди отъ нихъ Увела и Фовела. Увелъ же замысли пѣсни и гусли, Фовель же молотобіеніе, рекше ковачъ мѣди и желѣзу, и прочаа инаа бранная оружiа и копіа сѣтвори. Каинову же роду сея памяти все число отъиде, даже ни съ первыми четется, ни о прочихъ сповѣдано бысть. Сифъ же роди Еноса, Еносъ роди Каинана<sup>2</sup>, Каинанъ роди Малелеила, Малелеиль роди Арета, Аретъ роди Еноха, Енохъ роди Мафусалу; и не обрѣташеся Енохъ на земли, зане престави его Богъ. Мафусала же роди Ламеха, Ламехъ же роди Ноа. Зане отъ Сифа человѣци расплодишася и умножишася по земли, и не познаша сѣтворшаго ихъ, исполнишася блуда и скаредіа, всякоа нечистоты, убійства и зависти, и живяху скотскіи человѣци. И бѣ Ной единъ праведенъ въ родѣ томъ, и роди три сыны: Сима, Хама и Афета. И рече Богъ: «не имать пребыти духъ мой въ человѣцѣхъ сихъ, яко плоть сущъ»; и рече Богъ: «да потреблю человѣка, егоже сѣтворихъ, отъ человѣка даже до скота.» И рече Богъ Ноеви: «сѣтвори ковчегъ въ дльготу 300 лакоть, а въ ширину 80, а въ высоту 30 лакоть»; Египте(не) бо локтемъ зовуть сажень. Дѣлаему же ковчегу за 100 лѣтъ, и повѣдаше Ной, яко быти потопу на земли; и посмѣхавъ ея ему людіе; и звѣріе събирахъ къ нему, и птица отъ необычныхъ странъ. И егда съдѣла ковчегъ, рече Господь Ноеви: «влѣзи ты, и жена твоа, и сынове твои, и снохы<sup>3</sup> твоа, и вниди въ ковчегъ, и

(1) Въ подлинникѣ пропущены здѣсь слова: еноху гапдадъ, и гапдадъ. (2) Тамъ же: каина. (3) Тамъ же: енохы.



986 въведи себѣ по двоему отъ всѣхъ скотъ и птицъ и отъ всѣхъ гадъ. » И въведе Ной, якоже заповѣда ему Господь Богъ. Наведе Богъ (потопъ) на землю, и потопа всяка плоть, а ковчегъ плаваше по водѣ; и егда посяче вода, изыиде Ной, и сынове его, и жена его и жены сыновъ его; и отъ сихъ расплодилася земля. И быша человеци мнози единоголосни, рѣша къ другъ другу: «сѣзидемъ столпъ до небеси.» И начаша здати, и бѣ старѣйшина у нихъ Невротъ; и рече Богъ: «се умножися человеци, и помысли ихъ суетни»; сѣниде Богъ, и размѣси языки на 70 и на два языка. Адамовъ же языкъ бысть не отъять у Евера; той бо единъ не приложися къ безумію ихъ, рекъ сице: «аще бы человекомъ Богъ рекъ на небо столпъ дѣлати, то повелѣлъ бы самъ Богъ словомъ, якоже сътвори Богъ небо, и землю, и море, и вся видимаа и невидимаа.» Сего ради того языкъ не примѣнися; отъ сего суть Евреи. И на 70 и на единъ языкъ раздѣлишася, и разыдошася по странамъ, и кождо своа нравы пріяша; и по діаволу ученію ови рощеніемъ, и кладяземъ и рѣкамъ жряху, не познаша Бога. Отъ Адама до потопа лѣтъ 2000 и 242, а отъ потопа до раздѣленія языкъ лѣтъ 529. Посемъ же діаволь въ болшее прелщеніе въврже человеки, и начаша кумиры творити, овы древяны, овы мѣдяны, овы мраморяны, златы и сребрены, и кланяхуся имъ, и привождашу сыны своа и дщери, и закалаху предъ ними, и бѣ вся земля осквернена. Началникъ же бѣше кумиротворенію Серухъ, творяше кумиры въ имени мертвыхъ человекъ, овѣмъ бывшимъ царемъ, другимъ храбромъ, и влѣхвомъ, и же намъ прелюбодѣицамъ. Сей же Серухъ<sup>1</sup> роди Фару, Фара же роди 3 сыны: Авраама, и Нахора, и Арана. Фара же творяше кумиры, навѣкъ отъ отца своего. Авраамъ же пришедъ въ умъ, възрѣвъ на небо, и видѣ звѣз-

ды и небо, и рече: «въ истинну то есть Богъ, иже сътвори небо и землю; а иже творитъ отецъ мой, прелщаетъ человеки.» И рече Авраамъ: «искушу бога отца своего»; и рече: «отче! почто прелщаеши человеки, творя кумиры древяны? то есть Богъ, иже сътвори небо и землю.» Приемъ Авраамъ огонь, зажже идолы въ храминѣ. Видѣ(въ) же Аранъ, братъ Авраамовъ, ревнуа по идолѣхъ, хотя вымчаты идолы, и самъ згорѣ ту Аронъ, и умре предъ отцемъ; предъ симъ бо не умираше сынъ предъ отцемъ, но отецъ предъ сыномъ, и отъ сего начаша умирати сынове предъ отцемъ. О Авраамъ. И възлюби Богъ Авраама, и рече Богъ къ Аврааму: «изыди отъ земля твоя и изъ дому отца твоего, и иди въ землю, въ нюже ти покажу, и сътворю тя въ языкъ великъ, и царіе ис тебе изыидутъ, и благословятъ тя вся колѣна земнаа.» И сътвори Авраамъ, якоже заповѣда ему Богъ. И поя Авраамъ сыновца своего Лота, бѣ бо ему Лотъ и шуринъ и сыновецъ, бѣ бо Авраамъ понялъ братню<sup>2</sup> дщеръ Аароню Сарру, и прииде въ землю Хананейску къ дубу высокоу, и рече Богъ Аврааму: «сѣмени твоему дамъ землю сію.» И поклонися Авраамъ Богу; Авраамъ же бѣ лѣтъ 75, егда изыде отъ Харана. Бѣ же Сарра неплоды, боляше неплодствомъ; рече Сарра къ Аврааму: «влѣзи къ рабѣ моей.» И поимше Сарра Агаръ, вдасть мужу своему, и влѣзь Авраамъ на Агаръ, зачатъ и роди сына Агаръ, и прозва его Авраамъ Измаиломъ; и Аврааму бѣ лѣтъ 86, егда родися Измаиль. Посемъ же заченши Сарра, и роди сына, и нарече имя ему Исаакъ; и повелѣ Богъ Аврааму обрѣзати отроча, и обрѣза ѿ въ 8 день. И възлюби Богъ Авраама и племя его, и нарече я въ люди себѣ. Сему же Исааку възмогшу, Аврааму же жившу лѣтъ 175, и умре и погребенъ бысть. Исааку же бывшу лѣтъ 60, и роди два сына, Исава

(1) Въ подлинникѣ: ерухъ. (2) Тамъ же: братію.



(и) Іакова; Исавъ же бѣ лукавъ, а Іаковъ праведень. Сей же Іаковъ работаа у уя' своего изъ дщери его меншіа лѣтъ 7, и не дасть ему еа Лаванъ, уй его, рекъ: «старѣйшую поими»; и вдасть ему Ливу, старѣйшую, «а изъ другой, рекъ, работай ми другую 7 лѣтъ изъ Рахили»; и поя себѣ двѣ сестреници, отъ нея же роди 8 сыновъ: Рувима, Семіона, Леввію, Іуду, Исахара и Заулону, Іосифа и Веніамина; а отъ рабу двою: Дана, Нефталима, Гада и Асира; и отъ сихъ расплодишася челоѣци Жидове. Начало исхода. Іаковъ же съніиде въ Египеть, сый лѣтъ 130, со родомъ своимъ, числомъ 65 душъ; поживе же въ Египтѣ лѣтъ 17, и успе, и поработаша племя его за 400 лѣтъ. По сихъ же лѣтѣхъ възмогша людіе Жидовстїи, и умножишася, и насиляху имъ Египтѣне работою. Въ си же времена родися Моисей въ Жидѣхъ, и рѣша влѣсви Египетстїи царю: «родился естъ дѣтищъ, иже<sup>2</sup> хощетъ погубити Египеть.» Ту абіе повелѣ царь раждающася дѣти Жидовскїа вѣмѣтвати въ рѣку Египетскую. Мати же Моисеова, убоявшися сего погубленїа, въземши младенецъ, вложи въ крабицу, и неси постави въ лузѣ. Въ се же время съніиде дщи Фараонова Фермуфи купатися на рѣку, и видѣ отроча плачуще, и взя, и пошадѣ е, и нарече<sup>3</sup> имя ему Моисей, и вскорми его. И бысть отроча красно; и бысть лѣтъ 4, и приведе ѿ дщїи Фараонова къ отцу своему. Видѣвъ же Моисея Фараонъ<sup>4</sup>, нача любити отроча; Моисей же хапаяся за шїю, срони вѣнецъ съ главы царевы и попра его. Видѣвъ же влѣховъ, рече царевнѣ: «о царю! погуби отроча се, аще ли не погубиши, имать погубити весь Египеть»; и не послуша его царь, но паче не повелѣ губити дѣти Жидовскїа. И Моисеви же възмогшу, и бысть великъ въ дому Фа-

раоновѣ; и бывшу царю новому, възавидѣша 986 ему бояре. Моисей же уби Египтянина, обидяща Евреанина, и бѣжа изъ Египта, и прииде въ землю Мадїамскую; ходя по пустыни, научися отъ аггела Гавріила о бытїи всего мира, и о прѣвѣхъ челоѣци, и яже суть была по немъ, и о потопѣ, и о раздѣленїи языкъ. и аще кто колико лѣтъ аще бысть, и звѣздное хожденїе<sup>5</sup>, и число, и земную мѣру, и всяку мудрость извѣстно. Посемъ же явился ему Богъ въ купинѣ огнянѣ, и рече ему: «видѣхъ бѣду людїи моихъ въ Египтѣ, и низлѣзохъ<sup>6</sup> изъяти а отъ руку Египетску, и извѣсти языкъ земля тоа; ты же идеши къ Фараону, царю Египетскому, и речеши: испусти Израїля, да три дни положить требу Господу Богу; аще ли не послушаетъ тебе царь Египетскїй, побїю его всѣми чюдесы моими. И пришедшу Моисеови, и не послуша его Фараонъ, и пусти Богъ 10 казни на Фараона: 1 рѣкы въ кровь, 2 жабы, 3 мѣшица<sup>8</sup>, 4 песїа мухы, 5 смерть на скоты, 6 прищевѣ горцїи, 7 градъ, 8 пружи, 9 тма 3 дни, 10 моръ въ челоѣцѣхъ. Сего же ради 10 казнїи бысть на нихъ, занеже 10 мѣсяць топиша<sup>9</sup> дѣти Жидовскїа. Егда же бысть моръ въ Египтѣ, рече Фараонъ Моисеови и брату его Арону: «отыдѣта въскорѣ.» Моисей же събравъ люди Жидовскїа, и ведяше я Господь путемъ по пустыни къ Чрѣмному морю, и предъидяше предъ ними нощїю стлѣхъ огнянъ, а во день облачень. Слышавъ же Фараонъ, яко бѣжатъ людїе, и погна по нихъ, и притисну ихъ къ морю. Видѣвше же людїе Жидовстїи, и възопиша на Моисеа, рекуще: «почто изведе ны на смерть?» И възопи Моисей къ Богу, и рече Господь: «что въпиеша къ мнѣ? удари жезломъ въ море.» И сътвори Моисей тако, и раступися вода на двое, и выїидоша сынове

(1) Въ подлинникѣ: оу цтя. (2) Тамъ же: пхже. (3) Тамъ же: и нарече п. (4) Тамъ же: моисей фараона. (5) Тамъ же: звѣздно схожденїе. (6) Тамъ же: ну извопхъ. (7) Тамъ же: за. (8) Тамъ же отъ слова: мѣшица сдѣлана, другимъ почеркомъ, выноски на поле: хрущъ, шершни, кобылки полскїе. (9) Тамъ же: топиша.



986 Израилеви въ море. Видѣвъ же Фараонъ, погна по нихъ; сынове же Израилеви проидоша посуху посредѣ моря, и яко излѣзоша на брегъ, съступися<sup>1</sup> море, и покры Фараона и вся воя его. И възлюби Богъ Израиля, и идоша отъ моря 3 дни по пустыни<sup>2</sup>, и приидоша въ Мерру; и бѣ ту горка вода, и възропташа людие на Бога, и показа имъ Господь древо, и вложи Моиси въ воду, и насладишася воды. Посемъ же паки възропташа на Моисеа и Аарона, ркуше: «лучше ны бѣше въ Египтѣ, и (деже) ядохомъ мяса, лукъ и<sup>3</sup> чесновитець, и хлѣбъ до сытости.» И рече Господь къ Моисею: «слышахъ хуленіе сыновъ Израилевъ»; и дасть имъ манну ясти. Посемъ же дасть имъ законъ на горѣ Синайстей. Моисеви же вшедшу на гору къ Богу, они же солѣаша телчю главу, поклонишася яко Богу, ихже Моиси иссѣче 30000. И посемъ паки възропташа на Моисеа и Аарона, еже<sup>4</sup> не бысть воды, и рече Господь къ Моисеви: «удари жезломъ въ камень!» и удари Моиси въ камень, рекъ: «егда и(зъ) сего камня испустимъ вамъ воду?» и абіе потече вода ис камня, и взяху камень яко бочку на телѣ, и емляху воду елико хотяху. И разгнѣвася Господь на Моисеа, яко не возвеличи Господа, и не вниде въ землю обѣтованную сего ради, и роптаніа онѣхъ ради; но възведе его на гору Вамьску<sup>5</sup>, и показа ему землю обѣтованную, и успе Моисій ту на горѣ. И пріа власть Ісусъ, сынъ Навинъ, сестричичъ Моисею; и сѣй пріиде въ землю обѣтованную, и избѣ Хананейское племя, и въсели въ нихъ мѣсто сыны Израилеви. Умрьшу же Ісусу, и бысть у него мѣсто судіа Іуда; и иныхъ судій 14 бысть, при нихъ же забывше Бога, изведшаго ихъ изъ Египта, начаша служити бѣсомъ. И разгнѣвася Богъ, и предасть ихъ

иноплеменникомъ на расхищеніе; и егда начнутъ каятися<sup>6</sup>, и Богъ помиловаашеть ихъ, и егда избавляше ихъ<sup>7</sup>, паки укланяхуся на бѣсовское служеніе. По сихъ же судіаше имъ Илій жрецъ, и посемъ Самоилъ пророкъ, и рѣша людіа Самуилу: «постави намъ царя Саула, сына Кисова.» Таче Сауль не изволи ходити въ законѣ Господни, и избра Господь Давыда, и постави царя надъ Израилемъ, и угоди Давыдъ Господу. Сему Давыду кляся Богъ, яко отъ племени его родитися Богу; и пръвое нача пророчествовати о воплощеніи Божіи, рекъ: изъ чрева прежде деньница родихъ тя. Сей же пророчествова лѣтъ 40 и умре. И по немъ пророчествова и царствова сынъ его Соломонъ<sup>8</sup>, иже и созда церковь Божію, и нарече ю Святаа Святыхъ; и бысть мудръ, и наконецъ поплъзнуся; царствова лѣтъ 40 и умре. По Соломонѣ царствова сынъ его Ровоамъ; при семъ раздѣлися царство Жидовское на двое, Іудейское въ Іерусалимѣ едино, а другое Израильтѣское въ Самаріи. Отбѣжа бо отъ Ровоама холопъ Соломонъ Іеровоамъ, и начатъ царствовать въ Самаріи, иже сътвори двѣ кравѣ златѣ, и постави едину въ Вефили на холмѣ, а другую въ Енданѣ, и рекъ: «се бога твоа, Израилю.» И повелѣ мучити люди, принуждающе кланятися имъ; и кланяхуся людие, Бога забывше. Таче въ Іерусалимѣ забывати начаша Бога и поклонятися начаша Валу, рекши ратну богу, е . . . , забыша Бога отецъ своихъ. И нача Богъ посылати . . . пророки; пророци же начаша обличати о безакони ихъ и служеніи кумирь; они же начаша пророки избывати, обличаеми отъ нихъ. О отвръженіи Жидовствѣ. И разгнѣвася Богъ на Израиля, и рече: «отрину а отъ себе и призову ины люди, иже мене послушаютъ; аще съгрѣ-

(1) Въ подлинникѣ: смутися. (2) Тамъ же: по пустыни. (3) Тамъ же: пс. (4) Тамъ же: иже. (5) Тамъ же: бамьску. (6) Тамъ же: кланятися. (7) Тамъ же: и егда избавляше ихъ, и егда начнутъ кланятися, и богъ помиловаашеть ихъ. (8) Тамъ же, противъ сего мѣста, на полѣ, написано: 2 сынъ давидовъ авессоломъ.



шатъ, не помяну безаконіа ихъ.» И нача посылати пророкы, глаголя имъ: «прорицайте о отвѣреніи Жидовстѣмъ и о призваніи странъ, рекше языкъ.» Іосіа. Пръвое же нача пророчествовати Іосіа, глаголя: преставлю царство дому Израилева, съкрушу лукъ Израилевъ, и не приложу помиловати пакы дому Израилеву, но отмѣтаа отвѣргуся ихъ, глаголетъ Господь, и будутъ блудяще въ языцѣхъ). Іереміа. Іеремея же рече: аще станеть<sup>1</sup> о(тъ) нихъ Самуилъ и Моисей, не помилую ихъ. И пакы той же Іереміа рече: тако глаголетъ Господь: се кляхся именемъ моимъ великимъ, аще будетъ имя мое именуемо отъ селѣ где въ устѣхъ Іудейскихъ. Іезекеиль. Іезекеиль рече: тако глаголетъ Господь Адамай: разсѣю вся останкы ваша въ вся вѣтры, зане святаа моя<sup>2</sup> осквѣрните всѣми негодованными вашими; азъ же тя отрину, и не имамъ тя помиловати пакы. Малахія. Малахія же рече: глаголетъ Господь: уже нѣсть ми хотѣнія у васъ, понеже отъ востока и запада прославися имя мое въ языцѣхъ, и на всякомъ мѣстѣ приносится кандила имени моему и жертва чиста, зане веліе имя мое въ языцѣхъ; сего ради дамъ васъ на поносъ и на пришельствіе въ вся языки. Исаіа. Исаіа же великій рече: тако глаголетъ Господь: простру руку свою на тя, и пакы не приведу тя. И пакы той же рече: възненавидѣхъ праздники ваша и начаткы мѣсяцъ вашихъ, и суботъ вашихъ не приѣмлю. Амось. Амось же рече: слышите слово Господне: азъ приѣмаю на вы плачь; домъ Израилевъ падесе, и не приложу въстати. Малахія. Малахія же рече: тако глаголетъ Господь: послю на вы клятву, и проклену благословеніе ваше, и разорю, и не будетъ васъ. И много пророчествоваша о отвѣреніи ихъ. О призваніи странъ.

Симъ же пророкомъ повелѣ Богъ пророчествовати о призваніи и(ны)хъ языкъ въ нихъ мѣсто. Исаіа. Нача звати Исаіа, тако глаголя: яко законъ отъ мене изыиде, и судъ мой свѣтъ языкомъ; приближается скоро правда моя, изыидеть (яко свѣтъ спасеніе мое), и на мышцу мою страны уповаютъ. Іеремея. Іереміа же рече: тако глаголетъ Господь: и положу дому Іудову завѣтъ новъ, даа законы въ разумѣ(ні)а ихъ, и на сердца ихъ напишу, и буду имъ Богъ, и ти будутъ ми въ люди. Исаіа. Исаіа же рече: ветхаа мимо идоша, а нова, я(же) възвѣщаю, прежде възвѣщенія явлено бысть вамъ, пойте Богу пѣснь нову, работающимъ ми прозовется имя ново, еже благословится по всей земли, домъ мой домъ молитвѣ прозовется всѣмъ языкомъ. Той же Исаіа глаголетъ: открыеть Господь мышцу свою святую предъ всѣми языки. Давыдъ. Давыдъ глаголетъ: видѣша вси концы земли спасеніе Бога нашего<sup>3</sup>. Пакы той же Давыдъ: хвалите Господа вси языци, похвалите его вси людие. О воплощеніи Господни. Тако Богу възлюбившю новыя люди, рекъ: имамъ снити къ нимъ самъ, и явитися человекомъ плотію, пострадати за Адамово преступленіе; и начаша прорицати о воплощеніи Божіи. Давыдъ. Пръвый Давыдъ, глаголя: рече Господь Господеву моему: сѣди одесную мене, дондеже положу врагы твоя подножію<sup>4</sup> ногама твоима. И пакы: рече (Господь) къ мнѣ: сынъ мой еси ты, а(зъ) днесъ родихъ тя. Исаіа. Исаіа же рече: ни посоль, ни вѣстникъ, но самъ Господь пришедъ спасетъ ны; и пакы: яко дѣтищъ роди(т)ся намъ, емуже бысть начало на рамѣ его, и прозовется велика свѣта аггелъ, и велика власть его, и миру его нѣсть конца; и пакы: се дѣвица въ чревѣ зачнетъ, и родить сына, и прозовутъ имя ему Еммануилъ. Михѣа.

(1) Въ подлинникъ: останеть. (2) Тамъ же: мене. (3) Приписанное въ подлинникъ Давиду, находится у Исаи I II, 10, и составляетъ продолженіе того мѣста, которое приведено изъ него выше: открыеть господь мышцу свою святую предъ всѣми языки, и узрятъ вси концы земля спасеніе отъ бога нашего. (4) Въ подлинникъ: подножіе.



986 Михѣа же рече: и ты Вифлео(ме), доме Ефрантовъ, еда не могъ еси быти въ тысушахъ Іудовахъ? ис те(бе) бо изыидетъ старѣйшина, быти въ князехъ въ Израили. Іереміа. Іереміа же рече: се Богъ нашъ, не вмѣнится инъ къ нему; избобрѣте всякъ путь художества, и дасть Іакову отроку своему; по сихъ же на земли явися, и съ человѣкъ поживе; и паки: человѣкъ есть, кто увѣсть, яко Богъ есть? яко человѣкъ умираетъ. Захаріа. Захаріа же рече: не послушаша сына моего, и не услышу ихъ, глаголетъ Господь. Іосіа рече: тако глаголетъ Господь: плоть моя отъ нихъ. О страсти Спасовъ. Прорекоша же и страсти его, рекуще, якоже рече Исаіа: о, люте души ихъ, понеже сътвориша свѣтъ золь, ркуще: свяжемъ праведника. И паки той же рече: тако глаголетъ Господь: азъ не супротивляюся, ни глаголю противу; хребетъ мой вдахъ на раны, и ланинѣ мои на удареніе, и лица моего не отвратихъ отъ стыдѣнія заплеванія. Іереміа. Іеремеа рече: прїидѣте, вложимъ древо въ хлѣбъ его, и истребимъ отъ земля животь его. Моиси. Моисей же рече о распятіи его: узрите жизнь вашу висящу предъ очима вашима. Давыдъ. Давыдъ рече: въскую шаташася языци, и людіе поучишася тщетнымъ. Исаіа. Исаіа рече: яко овча на заколеніе ведеса. Ездра<sup>1</sup> же рече: благословенъ Богъ, руцѣ распротрь свои и спасъ Іерусалима. О въскресеніи. И о въскресеніи его рекоша. Давыдъ. Давыдъ рече: «въскресни, Боже, суди земли, яко наслѣдиши въ всѣхъ языцѣхъ. И паки: вѣста яко спя Господь. И паки: да въскреснетъ Богъ, и да разыидутся врази его. И паки: въскресни, Господи Боже мой, да възнесетъ рука твоа, и не забуди нищихъ своихъ до конца. Исаіа. Исаіа же рече: сходяще въ страну и сѣни смертныа, свѣтъ въсіяетъ на вы.

Захаріа. Захаріа же рече: ты въ крови за вѣта своего испустилъ еси ужники своа отъ рова, не имуща води. И много пророчествоваша о немъ, еже събысться все.» Въпросъ. Рече же Володимеръ: «то въ кое<sup>2</sup> время събысться се, и было ли есть се? егда ли тепере быти хоцетъ?» Отвѣтъ. Онъ же рече ему: «Яко уже прежде събысться все, егда Богъ въплотися. Якоже бо прежде рекохъ, Жидомъ пророкы избивающимъ, и царемъ ихъ законъ престопающимъ, предасть ихъ Богъ въ расхыщеніе и плѣнь, и ведени быша въ Асурію, грѣхъ ихъ ради, и работаша тамо 70 лѣтъ; и посемъ възвратиса въ землю свою, и не бѣ у нихъ царя, но архіереи, и обладааху ими до Ирода иноплеменника, еже облада ими. О благовѣщеніи. Въ сего же власть, въ лѣто 5500, посланъ бысть архаггелъ Гавріилъ отъ Бога въ Назаретъ къ дѣвици Маріи, отъ колѣна Іудова, рекше ей: радуйся, обрадованнаа, Господь съ тобою. И отъ слова сего зачатъ Слово Божіе въ утробѣ, и породилъ сынъ, и нарече имя ему Ісусъ. Влѣсви. И (се) влѣсви прїидоша отъ востока, глаголюще: где есть рождейся царь Жидовскій? видѣхомъ бо звѣзду его на востоцѣ, и прїидохомъ поклонитися ему. Услышавъ же царь Иродъ, смятеса, и весь Іерусалимъ съ нимъ; и призва книжники и старцы людскыа, и въпрашааше отъ нихъ: где раждается? Они же рѣша: въ Вифлеомѣ Іудейстемъ. Иродъ же (се) слышавъ, посла, рекъ: избита младенца въ Вифлеомѣ суцаа двою лѣтъ; они же шедше, избиша младенца суцаа двою лѣтъ. Маріа же убоявшися съкры отрока; Іосифъ же съ Марією, поимъ отрока, бѣжа въ Египетъ, и бысть (ту) и до умертвіа Иродова. Въ Египтѣ же явися аггелъ Іосифу, глаголя: вѣставъ, поими отрока и мать его, и иди въ землю Израилеву. Пришедшу же ему, въселися въ Назаретъ. Възрастшу же ему и бывшу лѣтъ 30,

(1) Въ подлинникѣ: егда. (2) Тамъ же: только е.



нача чюдеса творити, и проповѣдати царство небесное, и избра 12, яже ученики себѣ нарече; и нача чюдеса велика творити, мертвыя въскрешати, прокаженныя очищати, хромымъ повелѣвааше ходити, слѣпымъ прозрѣніе творити, и ина чюдеса велиа творя, якоже быше пророцы прорекли о немъ, глаголюще: тѣмъ недугы наша исцѣли и болѣзни подъя. И крестися въ Иердани отъ Іоанна, показа новымъ людемъ оставленіе прѣваго сѣгрѣшенія. Крестившу же ся ему, и се отврѣзошася небеса, и Духъ съходящъ зракомъ голубинымъ на нь, и гласъ глаголя: се естъ Сынъ мой възлюбленный, о немъ же благоизволихъ. И посылааше ученики своа проповѣдати царство небесное и покааніе въ оставленіе грѣховъ; хотя исполнити пророчество, нача проповѣдати, яко подобаетъ сыну чловѣческому пострадати, и распяту быти, и въ 3 день въскреснути. Учащу же ему въ церкви, и се архіерее и книжници исполнишася зависти, и искааху убити его, и емше ѿ, ведоша его (къ) игемону Пилату. Пилатъ же испытавъ, яко безъ вины приведоша<sup>1</sup> его, хотя его пустити; они же рѣша: аще сего пустиши, не имаша другъ быти кесареви<sup>2</sup>. Пилатъ же повелѣ<sup>3</sup>, да распнутъ его; они же поемше Ісуса, ведоша его на мѣсто Краніево, и распяша его ту; и бысть тма по всей земли отъ 6-го часа и до 9-го, и при девятѣмъ<sup>4</sup> часѣ испусти духъ Ісусъ, и церковная запова раздрася на двое, и мертвыи вѣсташа мнози, имже повелѣ въ рай ити. И снемше ѿ съ креста, положиша въ гробъ, и<sup>5</sup> печатми запечатлѣша гробъ, людіе же Жидовстїи и стража поставиша, ркуще: егда како украдутъ ученици его. Онъ же въ третїй день въскресе; явился ученикомъ воста отъ мертвыхъ, и рекъ имъ: идѣте въ вся языки, и научите вся страны крещенію въ имя Отца и Сына и Святаго Духа. И пре-

бысть съ ними 40 днѣй, являясь имъ по во- 986  
скресеніи. И егда исплѣнишася днѣй 40, повелѣ имъ (и)ти въ гору Елеонскую, и ту явился имъ, и благословивъ а, рече имъ: сядѣте въ градъ Іерусалимъ, дондеже послю (на) вы обѣтованіе Отца моего. И се рекъ, възнесеса на небеса; они же поклонишася ему, и възвратишася въ Іерусалимъ, и бѣаху въину въ церкви. Егда скончашася днѣи пятидесятници, сѣниде Духъ Святыи на апостолы, и приѣмше обѣтованіе Святаго Духа, и разыдошася по вселеннѣй, учаще и крестяще водою. » Въпросъ князь. Рече же Володимерь: «что ради отъ жены родися, и во водѣ крестися, а и на дрѣвѣ распялся?» Отвѣтъ философъ. Онъ же рече ему: «сего ради, понеже родъ чловѣческїи испрѣва женою сѣгрѣши, діаволъ прелести Евву, и Адамъ отпаде раа, такоже и Богъ отместіе даа діаволу, женою прѣвою испадѣ изъ раа Адамъ, отъ жены же въплоти(в)ся Богъ повелѣ въ рай вънїити вѣрнымъ. А еже на дрѣвѣ распяту быти, того ради, отъ дрѣва вкушъ Адамъ испадѣ породы, Богъ<sup>6</sup> же на дрѣвѣ страсть прїя, да діаволъ побѣжденъ бысть дрѣвомъ, и отъ дрѣва животнаго прїимуть праведнїи. А еже водою обновленіе, понеже при Нои умножившимся въ чловѣцѣхъ грѣхомъ, наведе Богъ потопъ на землю, и потопа чловѣкы водою, сего ради рече Богъ: понеже погубыхъ чловѣкы водою грѣхъ ради, нынѣ же пакы водою очищаю грѣхы чловѣкомъ, обновленіемъ водою; ибо Жидовскїи родъ въ мори очистишася отъ Египетскаго злаго нрава, понеже бо вода измыла естъ прѣваа; рече Богъ<sup>7</sup>: Духъ Божїи ношашеся врѣху воды; еже бо нынѣ крестятся водою и Духомъ. Преображеніе бысть прѣвое водою, якоже и Гедеонъ преобрази посемъ. Руно. Егда прїиде къ нему аггелъ, веля (и)ти ему на Мадїами, онъ же искушаа рече Богу, по-

(1) Въ подлинникъ: предаша. (2) Тамъ же: кесареви. (3) Тамъ же: повелѣ его. (4) Тамъ же: при десятиѣмъ. (5) Тамъ же: и съ. (6) Тамъ же: бѣ. (7) Въ Полн. Собр. Лѣт. т. I, стр. 43: понеже вода изъ начала бысть первое, рече бо. Т. XV.



986 ложивъ руно на гумнѣ, рече: аще будетъ по  
 987 всей земли роса, и на рунѣ суша. И положи  
 руно; и завтра видѣвъ по всей земли росу,  
 а на рунѣ суша, и рече: еще искушу; аще  
 будетъ по всей земли суша, а на рунѣ роса,  
 и бысть тако. Се же прообрази<sup>1</sup>, яко ино-  
 странни быша суша прежде, а Жидове роса<sup>2</sup>,  
 послѣжде же на странахъ роса, еже есть свя-  
 тое крещеніе, а на Жидѣхъ суша. Пророци  
 же проповѣдаша, яко водою обновленіе бу-  
 деть. Апостоломъ же учащимъ по вселеннѣй  
 вѣровати Богу, ихже ученіе мы, Греци, приа-  
 хомъ, и вся вселеннаа вѣруеть ученію  
 ихъ. Судный день. Поставилъ же есть Богъ  
 единъ день, въ онъ же хоцетъ судити, при-  
 шедъ съ небесе, живымъ и мертвымъ, и  
 въздати комуждо<sup>3</sup> по дѣломъ его: правед-  
 нымъ царство небесное, и красоту неизречен-  
 ную, и веселіе бес конца, и не умирати въ  
 вѣкы; и грѣшникомъ мука огнена, и чрвь  
 неусыпай, и тма кромѣшняя, и муцѣ не  
 будетъ конца. Таже будутъ мученія, иже не  
 вѣрують къ Господу нашему Ісусу Христу:  
 мучими будутъ, иже ся не крестятъ.» Сіа  
 рекъ, показа Володимеру запону, на ней  
 же бѣ написанъ страшный судъ Господень,  
 и показоваше ему одесную праведныя въ ве-  
 селіи предъидуша въ рай, а ошуюю грѣш-  
 ники идуща въ муку вѣчную. Володимеръ же  
 въздхнувъ рече: «добро симъ одесную, горе  
 же симъ ошуюю.» Философъ же рече: «то  
 аще хоцещи одесную стати съ праведными,  
 то крестися.» Володимеръ же внять мыслію  
 о вѣрѣ христіанстѣй, и не дааше ему бояре  
 его, ркуще: «еще испытай допона, но сіа  
 лучши есть всѣхъ.» Володимеръ же поло-  
 жи на сердци своемъ, рекъ: «пожду еще  
 мало, хошу испытати о всѣхъ вѣрахъ.» И  
 вдасть Володимеръ Кирилу философу дары  
 многы, и отпусти его съ великою честію.

Испытаніе о вѣрахъ. Въ лѣто 6495.  
 Съзва Володимеръ бояре своа и старци град-  
 ския, и рече имъ: «се приходиша къ мнѣ  
 Болгаре, ркуще: приими законъ нашъ; посемъ  
 же придоша и Римляне<sup>4</sup>, и тѣи хваляху за-  
 конъ свой; и посемъ приходиша Жидове, и  
 тѣи свой хваляше законъ; послѣжде же при-  
 идоша Греци, хуляще всѣхъ законы, свой же  
 хваляще законъ, и много глаголаша сказую-  
 щее отъ начала миру, о бытіи<sup>5</sup> всего мира; суть  
 же хитро сказующе, чюдно слышати ихъ,  
 другой свѣтъ повѣдають быти: да аще кто  
 вѣруеть въ нашу вѣру, то пакы умеръ, вста-  
 нетъ, и не умирати ему въ вѣкы; аще ли въ  
 инъ законъ ступитъ, то на ономъ свѣтѣ на  
 огни горѣти. Да что ума придасте, и что  
 отвѣщаете?» И рѣша бояре и старци: «яко  
 своего никтоже хулитъ, но хвалитъ; аще хо-  
 цещи испытати гораздо, то имаеши у себе  
 мужи: пославъ испытай<sup>6</sup> кождо ихъ служ-  
 бу, и кто како служитъ Богу.» И бысть люба  
 рѣчь князю и всѣмъ бояромъ; и избра мужи  
 мудры и смыслени, числомъ 10, и рѣша имъ:  
 «идѣте пръвое въ Болгары, испытайте пръвѣ  
 вѣру ихъ.» Они же идоша, и пришедше ви-  
 дѣша сквернаа дѣла ихъ и кланяніе въ ро-  
 патѣхъ; и придоша въ землю свою. И рече  
 имъ Володимеръ: «идѣта пакы въ Римъ<sup>7</sup>, и  
 зглядайте такожде, и оттолѣ идѣта въ Греки.»  
 Они же идоша въ Римъ<sup>8</sup>, и съглядавшѣ цер-  
 ковную службу ихъ, и оттолѣ идоша въ Гре-  
 кы. О испытаніи вѣры христіанскыя.  
 Придоша къ Царюграду, и внидоша къ царю;  
 царь же испыта, что ради придоша; они же  
 повѣдаша ему вся бывшаа. И се слышавъ  
 царь, радъ бысть, и честь велику сътвори  
 имъ въ той день. Наутріа же посла къ пат-  
 ріарху, глаголя сиче: «придоша Русь испы-  
 тати вѣры нашеа, да пристрой церковь и кли-  
 росъ, и самъ учинися въ сватытелскыя ризы,

(1) Въ подлинникъ: прообрази. (2) Тамъ же: руно. (3) Тамъ же: комуждо. (4) Тамъ же слово: римляне  
 написано поверхъ зачеркнутого: нѣмци. (5) Тамъ же: о бытіи. (6) Тамъ же: испытай. (7) Тамъ же слова: въ римъ  
 написаны поверхъ зачеркнутыхъ: въ нѣмци. (8) Тамъ же слова: въ римъ написаны поверхъ зачеркнутыхъ: въ нѣмци.



да видятъ славу Бога нашего.» И се слышавъ патриархъ, повелѣ съзвати клиросъ, и по обычаю сѣтворше праздниѣ<sup>1</sup>, и кандила вожгоша, и пѣнія и лики сѣставиша. И иде царь съ ними въ церковь, и поставиша ихъ на пространѣ мѣстѣ, показующе красоту церковную, и пѣнія и службы архіерейскы, и предстоанія діаконъ, и сказующе имъ служеніе Бога своего; они же въ изумлѣніи бывше, и удивльшеся, похвалиша службу ихъ. И призвавша ихъ царя Василиѣ и Константинъ, и рѣста имъ: «идѣта въ свою землю», и отпусти(ша) а съ великою честію и з дары. Они же придоша въ землю свою; и съзва князь великій Володимеръ бояре свои и старци, и рекъ: «се придоша посланніи нами мужи, да слышимъ отъ нихъ бывшее». И рече Володимеръ мужемъ: «скажите ми предъ бояры моими и людми моими нарочитими.» Они же рѣша: «ходихомъ въ Болгары, и видѣхомъ како ся кланяють въ храмѣхъ, рекше въ ропатехъ, стоаще бес пояса: и поклонився сядеть, и глядитъ сѣмо и овамо, яко бѣсень, и нѣсть у нихъ веселія, но печаль и смрадъ великъ, и нѣсть добръ законъ ихъ. И придохомъ къ Нѣмцемъ, и видѣхомъ въ храминѣ ихъ службы творяще, и красоты не видѣхомъ никакое. Греѣцкаа вѣра и набоженство. И придохомъ въ Греѣкы, и ведоша ны, идеже служатъ Богу своему, и не свѣмы, на небесѣхъ ли были, или на земли, нѣсть бо на земли таковаго вида или красоты таковыа, недоумѣемъ бо сказати: токмо то вѣмы, яко отнудъ ту Богъ пребываетъ съ ними, и есть служба ихъ паче всѣхъ странъ. Мы убо не можемъ забыти тоа красоты, всякъ бо человекъ аще вкуситъ сладкаа, послѣди же горести не приімаеть: тако и мы не имамъ зде быти.» Отвѣщавше бояре, и рѣша Володимеру: «аще бы лихъ былъ законъ Греческій,

то не бы баба твоа приала Олга, яже бѣ мудрѣйши всѣхъ человекъ.» Отвѣщавъ же<sup>2</sup> Володимеръ, и рече: «где крещеніе приімемъ?» Они же рѣша: «где ти, господине, любо. О взятіи Курьсуньстѣмъ и о крещеніи великого князя Владимира Святославича, внука Игорева. И минувшу лѣту<sup>3</sup>, поиде же Володимеръ съ вои своими на Курсунъ, градъ Греческій, и затворишася Корсуняне въ градъ; и ста Володимеръ обонполь града въ лимени, далъ града стрѣлища единого, и боряхуся крѣпко гражане; Володимеръ же обстоа подъ нимъ, и много стоа подъ нимъ. И изнамагааху людіе въ градъ, и рече Володимеръ къ гражаномъ: «аще ся не водаста, стояти имамъ зде за 3 лѣта;» и они же не послушаста того. Володимеръ же изрядивъ свои вои<sup>4</sup>, повелѣ приступати къ граду и прѣсты сыпати. Симъ же сыплющемъ, Корсуняне подыкопавше стѣну градскую, и краяху сыплемую прѣсть, и ношааху къ себѣ въ градъ, и сыплюще посредѣ града; и вои присыпааху боле, Володимеръ же стояше. Нѣкто же мужъ Корсунянинъ, именемъ Анастасъ, стрѣливъ изъ града, написавъ на стрѣлѣ сиче, глаголя: «кладязи, иже суть отъ востока за тобою, и отъ тѣхъ по трубамъ идетъ вода; и окопавше переими.» Володимеръ же се слышавъ, и възрѣвъ на небо, и рече: «аще ся сѣбудеть, и самъ ся крещу.» И ту абіе повелѣ копати переѣкы трубамъ, и преяша воду; и людіе изнамагааху въ градъ нужею водною жажею, и предашася. И вниде Володимеръ въ градъ и вси вои его, и посла Володимеръ къ царема Греческыма, Василию и Константину, глаголя: «се градъ вашъ сильный възяхъ; слышахъ же и се, яко сестру имѣста дѣвою, (да) аще еа не вдаста за мене, сѣтворю граду вашему, якоже и сему сѣтворихъ, и землю вашу плѣнити имамъ.» Се слышавше царя, быста печална;

987  
988

(1) *Въ подлинникѣ:* праздниѣ. (2) *Тамъ же:* отвѣщавше. (3) *Тамъ же слова:* и минувшу лѣту помѣщены передъ заголовкомъ; *поверхъ слова:* поиде написано, новымъ почеркомъ: въ лѣто 6496. (4) *Тамъ же:* свои свои.



988 они же послаша къ нему вѣсть, сие глаголюще: «недостойно есть христіаномъ за поганья даати; аще ся крестиши, то и се получиши, и царство небесное улужиши пріати, и съ нами единовѣрникъ будеши; аще ли сего не въсхощеши сътворити, не можемъ выдати сестры своеа за тя.» Се слышавъ Володимеръ, рече посланнымъ отъ царя: «глаголита царема тако: яко азъ крещуся, занеже испытахъ прежде сихъ днехъ законъ вашъ, есть ми любя вѣра ваша и<sup>1</sup> служеніе, се же бо ми повѣдаша посланіи нами мужи.» И се слышавше царя, рада быста, и посласта къ сестрѣ своей, глаголюще: «яко Володимеръ просить тя за ся.» Она же отвѣща: «не хочу азъ за по(га)ного ити.» Они же рѣша къ ней: «егда како тебе ради обратитъ его Господь, и просвѣтитиши его и землю ихъ, насъ же и градъ нашъ отъ плѣненія избавиши, и себѣ вѣнецъ отъ Бога пріимеши»; и едва умолиста сестру свою именемъ Анну. Анна. И посласта къ Володимеру, глаголюще: «крестися, тогда последѣ къ тебѣ сестру свою.» И рече Володимеръ: «да пришедши съ сестрою вашею и крестите мя.» И послушаста царя, и посласта сестру свою, и сановники нѣкыя и прозвитеры; она же не хотяше ити: «яко въ поганья», рече, «иду, лучше бо ми zde умерети.» И рѣста ей брата: «егда како обратитъ Господь Богъ тобою Русскую землю въ покааніе, а Греческую землю избавиши отъ лютыа рати: видиши ли колика зла сътвориша Русь Грекомъ? и нынѣ, аще не идеши, тоже имутъ сътворити намъ»; и едва принудиша ю ити. Она же сѣдши въ корабль, цѣловавше ужикы своя съ плачемъ, поиде черезъ море; и яко пріиде (къ) Корсуню, изыдоша Корсуняне съ поклономъ, и ведоша ю въ гралъ, и посадиша ю въ полатѣ. Володимеръ хорый. По строенію же Божию, въ то время разболѣся Владимиръ очною болѣзнію<sup>2</sup>, и не

видяше ничтоже, и тужашеть велми, и не домышляашеся что сътворити; и посла къ нему Анна парица, ркущи: «аще хоцещи избыти болѣзни сеа, то въскорѣ крестися; аще ли ни, то не имаше избыты болѣзни сеа.» Се слышавъ Володимеръ, рече: «да аще се истинна будетъ, то по истиннѣ великѣ Богъ христіанскый», и повелѣ крестити ся. Епископъ же Корсуньскый съ попы парициными, огласивъ Владимира, и нарече имя ему Василій, и крести его; яко възложи руку на нь, абіе прозрѣ. Видѣвъ же се Владимиръ напрасное исцѣленіе, и прослави Бога, рекъ: «топере увѣдахъ Бога истиннаго.» Се же увидивши, бояре его мнози крестилися. Крести же ся въ церкви святаго Іакова, и есть церкви та стояща въ Корсунѣ посредѣ града, идеже торгъ дѣють Корсуняне; полата же Владимира край церкви стоала до второго взятія Корсуньского, а парицина полата за олтаремъ. По крещеніи же приведе парицу на браченіе. Се же не свѣдуше глаголють неправо, яко крестился есть въ Кіевѣ; нѣи же рѣша: въ Василевѣ; друзи же инако скажутъ. Напоминаніе Володимера, абы ся не завилъ прелщати иновѣрцемъ. Крещену же Володимеру, предаша ему вѣру христіанскую, ркуще сие: «да не прельстятъ тебе нѣци отъ еретикъ, но вѣруй, сие глаголя: вѣрую въ единого Бога Отца, вседръжителя, творца небу и земли, и до конца вѣру сію. И пакы: вѣрую въ единого Бога (Отца) нерожденна, и въ единого Сына рожденна, и въ единъ Святый Духъ исходящъ: три собѣства свѣршена, мыслена, раздѣляама числомъ стѣбственымъ собѣствомъ, а не божествомъ; раздѣляетъ бо ся нераздѣлно, и свѣзкупляется неразмѣсно. Отецъ начало и вина. Отецъ бо<sup>3</sup>, присносый, пребываетъ въ отечествѣ, нероженъ, безначаленъ, начало и вина всѣмъ, единѣмъ нерожденіемъ<sup>4</sup> старѣй сый Сыну и Духови, отъ

(1) Въ подлинникъ: любовь и вѣра ваша. (2) Тамъ же: болезною. (3) Тамъ же: отецъ бо богъ отецъ. (4) Тамъ же: нерожденнымъ.



негоже раждается Сынъ прежде всѣхъ вѣкъ, исходитъ же Духъ Святый безъ време и безъ лѣта, вѣкупѣ Отецъ, вкупѣ Сынъ, вкупѣ Духъ Святый есть. Сынъ подобносущенъ и безначаленъ Отцу, рождениемъ точію разнѣства Отцу и Духови. Духъ есть пресвятый, Отцу и Сыну подобносущенъ и присносущно. Отцу бо отчѣство, Сыну же сыновство, Святому же Духу исхожденіе. Григорій Богословъ. Ни Отецъ бо въ Сынъ или въ Духъ прѣступаетъ, или Сынъ въ Отца и Духа, и Духъ ли въ Сына или въ Отецъ; неподвижима бо свойства. Не тріе Бози, но единъ Богъ, понеже<sup>1</sup> едино божество въ трехъ лицихъ. Хотѣніемъ Отца же и Духа свою спасти тварь, отъ отчѣскихъ ядръ, (ихже) не отступи, съшедъ въ дѣвическое ложе пречистое, яко Божіе сѣмя вшедъ, и плоть съдушевну, словесну же и умну, не прежде бывшу, пріемъ, изыде Богъ въплощенъ, и родися неизреченно, и дѣвство мати съхрани нетлѣнно. Не смятеніе, ни размѣшеніе, ни измѣненія пострадавъ, но пребывъ, еже (бѣ), бысть, еже и не бѣ, и пріемъ рабій зракъ истинною, а<sup>2</sup> (не) мечтаніемъ, всячески, развѣ грѣха, намъ подобенъ бывъ, волею бо родися, волею възалкася, волею въжада, волею трудися, волею устрашися, волею умре, истинною, а не мечтаніемъ; вся естественаа, неоклеветаны страсти чловѣческыя. Распятъ же ся, и смерти вѣкуси безгрѣшный, воскресъ во своей плоти, не видѣвши истлѣнія, на небеса възыиде, и сѣде одесную Отца, пріидетъ же паки съ славою судити живымъ и мертвымъ, якоже възыиде съ славою и плотію, тако и снідетъ. Крещеніе. Къ симъ едино крещеніе исповѣдаю водою и Духомъ, прѣступая<sup>3</sup> къ пречистымъ тайнамъ, вѣрую въ истинну тѣло и кровь, и пріемлю<sup>4</sup> церковнаа преданія, и кланяюся<sup>5</sup> честнымъ иконамъ, кланяюся<sup>6</sup> древу честному, и всякому кресту, и святымъ мо-

щемъ и святымъ съсудомъ. 7 соборове. И 988 вѣрую же седмымъ съборомъ святыхъ отецъ, и(х)же прѣвый есть въ Никей, 318, иже проклаша Арія и проповѣдаша вѣру непорочну и праву; второй съборъ въ Константиноградѣ, святыхъ отецъ 150, иже проклаша Макидонія духоборца и проповѣдаша Троицу единосущну; третій же съборъ въ Ефесѣ, святыхъ отецъ 200, на Несторіа, егоже прокленше, проповѣдаша святую Богородицу; четвертій съборъ въ Халкидонѣ, святыхъ отецъ 630, на Евтиха и Діоскора, еюже проклаша святыхъ отци, изгласивше съвършеннаго Бога и съвършенна чловѣка Господа нашего Ісуса Христа; пятый съборъ въ Цариградѣ, святыхъ отецъ 165, на Оригенова преданія и на Евагрія, ихже проклаша святыхъ отци; шестый съборъ въ Цариградѣ, святыхъ отецъ 170, на Сергіа и Пира, ихже проклаша святыхъ отци; седмій съборъ въ Никей, святыхъ отецъ 366, проклаша тѣхъ, иже ся не кланяють иконамъ. Напомнѣнія, абы Володимѣръ Латинской превратной не май вѣры. Не пріима(ѣ) же ученія отъ Латинъ, ихже ученія развращено: вѣлѣше бо въ церкви, не покланяются иконамъ, но стоа поклонится, и поклонився напишетъ крестъ на земли и цѣлуетъ, и вѣставъ простъ станеть на немъ ногами, да легъ цѣлуетъ и вѣставъ попираетъ; а сего апостоли не предаша, предали бо суть апостоли крестъ поставленъ цѣловати, и иконы предаша. Лука бо евангелистъ прѣвое написавъ посла въ Римъ, якоже глаголетъ Василій; икона на прѣвый образъ приходитъ. Паки же и землю глаголють матерію: да аще имъ есть земля мати, то отецъ имъ есть небо, искони сътвори Богъ небо, таже и землю; тако глаголетъ Господь: Отче нашъ, иже еси на небесѣхъ. Аще ли по сихъ разуму земля есть мати, то почто плюете на матеръ свою?

(1) Въ подлинникъ: по нему же. (2) Тамъ же: и. (3) Тамъ же: прѣступаю. (4) Тамъ же: пріемлю. (5) Тамъ же: кланяюся. (6) Тамъ же: кланяюся.



988 да сѣмь еа лобзаете, и паки оскверняете? Сего прежде<sup>1</sup> Римляне не творяху, но исправляху на всѣхъ съборѣхъ, сходящесе отъ Рима и отъ всѣхъ престоль. Старии Римл . . . . . соборне на пр . . . . . ляли всей б . . . . . уставы и . . . . . а тамъ папа не . . . . . новил . . . . . На прѣвомъ съборѣ, еже на Аріа въ Nikei, отъ Рима Силвестръ посла епископы и прозвитеры, отъ Александрія Аео-насій, отъ Царяграда Митрофанъ посла епископы<sup>2</sup> отъ себе; и тако исправляху вѣру. На второмъ же съборѣ отъ Рима Дамась, отъ Александрія Тимофеа, отъ Антиохіа Мелетій, Кирилъ Іерусалимскій, Григорій Богословецъ. На третимъ же съборѣ Келестинъ Римскій, Кирилъ Александрскій, Увеналій Іерусалимскій. На четвертомъ съборѣ Леонтій Римскій, Анаталій Царяграда, Увеналій Іерусалимскій. На пятомъ съборѣ Римскій Квигилій, Евтихій Царяграда, Аполинарій Александрскій, Домнинъ Антиохійскій. На шестомъ съборѣ отъ Рима Агафонъ, Георгій Царяграда, Теофанъ Антиохійскій, отъ Александрія Петръ мнихъ. На седмомъ же соборѣ Андрианъ отъ Рима, Тарасій Царяграда, Политіанъ Александрскій, Феодоритъ Антиохійскій, Иліа Іерусалимскій. И сіи вси съ своими епископы сходящесе исправляху (вѣру). Петръ Гугнивый одвелъ Ляховъ отъ патриарховъ. По седмѣмъ же съборѣ Петръ Гугнивый съ инѣми шедъ въ Римъ, престоль въсхвativъ, развративъ вѣру, и отврѣгъся престола Іерусалимскаго, и Александрійскаго, и Цареградскаго и Антиохійскаго. И възмутиша Италию всю, сѣюще ученіе свое разно, и тѣмже дрѣжатъ не въ едино съглашеніе вѣру, но разно: ови бо попове единою женою оженившись служатъ, а друзіи и до седми женъ поймающе служатъ, ихже блюстися ученія; пращаютъ же и грѣхъ на дару, еже

есть злѣе всего. Богъ да съхранитъ<sup>3</sup> тя отъ сего.»

Володимеръ же посемь поимъ<sup>4</sup> парицю, и Анастаса Корсунянина поять съ собою, и попы Корсунскыа и сановники, и иде къ Кіеву съ мощими святаго Климента<sup>4</sup> и Фива, ученика его, поймавъ съсуды церковныа и иконы на благословеніе себѣ. А въ Корсуніи церковь постави на горѣ, юже съсышаша гражданае, крадуше землю, егда онъ стоа подѣ градомъ сыпля въ ровъ; та же церковь стояла до Корсунского взятія. Понеже въ иныхъ лѣтописцѣхъ пишеть: и до сего дне, занеже писалъ Георгій лѣтописецъ, а тогды Корсунъ градъ стоялъ; азъ же нынѣ, преписываа его писанія, тако пишу: до взятія Корсунского, понеже много лѣтъ мину уже, како Корсунъ разорень бысть отъ Руси, еже нѣтъ скажемъ въ его время; нынѣ же на предомноу лежимое възвращуся. Взъ же Володимеръ четьри кони<sup>5</sup> мѣдяны, иже тогда стояли за святою Богородицею въ Кіевѣ, нынѣ же того и тамо, якоже рекохъ, нѣсть отъ многыхъ плѣненій Татарскихъ. Про тѣ же кони мнози мнѣша яко мраморяни суще. Якоже рѣхъ маломъ выше о Корсуніи, яко нѣсть его, но и о (и)нихъ о Рускихъ градѣхъ о мнозѣхъ тогда бысть писано: и до сего дне, понеже бысть тако тогда; нынѣ же азъ начахъ преписывати<sup>6</sup> сіе въ лѣто 7042, и тако незгодно написати: и до сего дне; но, не рушаа писанія Георгіева, тако пишемъ: яко и до сего дне, а нѣсть тако, но нѣчто отчасти есть и до сего дне. О раздрушеніи кумирь. Володимеръ же дасть Корсунъ за вѣно Грекомъ опять парици дѣля, а самъ прииде къ Кіеву. И повелѣ кумиры избыти, овы изсѣчи, а другыа въ воду вѣмѣтати, а иныа огневи предати. О Перунѣ. Перуна же, яко болшаго, повелѣ привязати коневы къ хвосту, и влещи

(1) Въ подлинникѣ: прииде. (2) Тамъ же: епископски. (3) Тамъ же: съхранитъ. (4) Тамъ же, противъ сего мѣста, на полѣ, въ видѣ заглавія, написано кинварью: мощи климента. (5) Тамъ же: кони. (6) Тамъ же: преписывати.



съ горы по Боричеву на Ручай, и 12 мужей пристави бити<sup>1</sup> его. Се же не яко древу чюющу, но на поруганіе бѣсу, иже симъ образомъ прелщаше челоуѣкы, да възмездіе прииметъ отъ челоуѣкы. Велий еси, Господи, и чудна дѣла твоа суть! яко вчера чтимъ отъ челоуѣкы, а днесъ отъ тѣхъ же поругаемъ. Влекому же ему по Ручаю ко<sup>2</sup> Днѣпру, плакаахуся его невѣрнии людіе, еще бо не бяху приали святаго крещенія; и привлекше, вѣринуша его въ Днѣпръ. И престаи Володимѣрь мужи, рекъ: «аще его где прииметъ, отрѣвайте его отъ берега, дондеже пороги пройдутъ; ти тогда оставити его»; они же повелѣнное сѣтвориша. И яко пустиша, и проиде сквозѣ пороги<sup>3</sup>, изверже его на рѣнь, яже и до сего дне словеть Перуня рѣнь. О крещеніи всѣхъ людій. Посемъ же посла Володимѣрь по всему граду, глаголя: «аще кто не обрящется утрѣ на рѣцѣ, богатъ, или убогъ, или нищъ, или работникъ, противенъ мнѣ да будетъ.» Се слышавше людіе, съ радостію идяху, радуящеся и глаголюще: «аще бы се не добро было, не бы сего князь нашъ и бояре приали.» Наутріа же изыде Володимѣрь съ поны царицыны (и) съ Корсунскими на Днѣпръ, и снидеса бес числа людей: влѣзша во воду, и стояху овѣи до ши, а друзи до прѣсей, младенци же отъ берега, а друзи же младенци дрѣжаше на рукахъ, свѣршеніи же бродяху; поны же по берегу стоаще молитвы творяху. И баше видѣти радость на небеси и на земли, толико душъ спасаемыхъ; а діаволь стениаше<sup>4</sup>, глаголя: увы мнѣ, яко отсуду прогонимъ есмь! zde бо мняхъ жилище себѣ имѣти, яко zde не суть ученія апостолска, ни суть вѣдуше Бога, но веселяхся о службѣ ихъ, еже служааху мнѣ; и се уже побѣжденъ бысть отъ невѣгласа, а не отъ апостоль, ни отъ ученикъ, не имамъ уже цар-

ствовати въ стра(на)хъ сихъ. Крестившимъ же 988  
ся людемъ, и идоша кождо въ дома своа. Владимѣрь же радъ бывъ, яко позна Бога самъ и людіе его, възрѣвъ на небо и рече: «Боже, сѣтворивый небо и землю! призри на новыа люди сіа, и дай же имъ, Господи, увидѣти тебе, истиннаго Бога, якоже увидѣша страны христіанскыа; и утверди вѣру въ нихъ праву и несвратну, и мнѣ помози, Господи, на сѣпротивнаго врага, да, надѣяся на тя и на твою дрѣжаву, побѣжду козни его.» Начало православію. И се рекъ, повелѣ церкви рубити и поставляти по мѣстомъ, идеже стоаху кумири; и постави на хлѣмѣ церковь святаго Василія, идеже стоаще кумиръ Перунъ и прочіи, идеже<sup>5</sup> творяху требы князіе и людіе; и нача ставити (по) градомъ церкви и поны, и люди на крещеніе приводити по всѣмъ градомъ и селомъ. И нача поимати нарочитой чади дѣти, и даати нача на ученіе книжное; матери же чадъ сихъ плакаахуся по нихъ, яко по мрътвецохъ: еще бо не бяхуться утвѣрдили вѣроу, но яко къ гробу отсылающе плакаахуся. Симъ же раздаяномъ на ученіе книгамъ, събысться пророчество на Руской земли, глаголющее: въ дни они услышатъ глусіи словеса книжная, и ясенъ будетъ языкъ гугнивыхъ. Си бо не бѣша преди слышали<sup>6</sup> словесе книжнаго, но по Божію устроенію и по величїи его милости помилова насъ Богъ, якоже рече Богъ пророкомъ: помилую, егоже аще помилую. Помилова бо (ны) банею пакыбытіа и обновленіемъ Духа, по своему изволенію, а не по нашимъ дѣломъ. Благословенъ Господь Богъ Ісусъ Христосъ, иже възлюби новыа люди, Рускую землю, и просвѣты ю крещеніемъ святымъ. Тѣмже и мы припадаемъ къ нему, глаголюще: Господи Ісусе Христе! что ти въздамъ о всѣхъ, яже ты въздасть намъ, грѣшникомъ сущимъ?

(1) Въ подлинникъ: бити. (2) Тамъ же: по. (3) Тамъ же: пологы. (4) Тамъ же: стоаще. (5) Тамъ же: а иже. (6) Тамъ же: слышати.



988 недоумѣмъ противу даромъ твоимъ въздааніа въздати; велій бо еси, Господи, и чудна дѣла твоа, и величію твою нѣсть конца, въ родъ и родъ въсхвалимъ дѣла твоа. Ркуще съ Давыдомъ: прїидѣте, възрадуемся Господеви, въскликнемъ Богу Спасу нашему, предваримъ лице его въ исповѣданіи; исповѣдающеся ему, яко благъ, яко въ вѣкы милость его, и яко избавилъ ны есть отъ врагъ нашихъ, рекше отъ идолъ суетныхъ. И пакы рѣмъ съ Давыдомъ: въспойте Господеви пѣснь нову, въспойте Господеви вся земля, въспойте Господеви, благословите имя его, благовѣстите день отъ дне спасеніе Бога нашего, възвѣстите въ языцехъ славу его, въ всѣхъ людехъ чудеса; велій Господь и хваленъ зѣло, и величію его нѣсть конца. Колика ти радость! не единъ, не два спасаются. Рече бо Господь: яко радость бываетъ на небесехъ о единомъ грѣшницѣ кающемся; се же не единъ, ни два, но бесчисленное множество къ Богу приступиша, святымъ крещеніемъ просвѣщени. Якоже рече пророкъ: въкроплю на вы воду чисту, и очиститесь отъ идолъ вашихъ и отъ грѣхъ вашихъ. И пакы другой пророкъ рече: кто яко Богъ? отъемля грѣхы и преступаа неправды, яко хотяи милостивъ есть; то(й) обратитъ и ущедритъ ны, и погрузитъ грѣхы наша въ глубинѣ. И пакы Павелъ глаголетъ: братіе! елико насъ крестимася въ Христа Ісуса, въ смерть его крестихомся, и погребомся убо съ нимъ крещеніемъ въ смерть, да якоже воста Христосъ отъ мертвыхъ съ славою отчею, такоже<sup>1</sup> и мы въ обновленіи житія поидемъ. И пакы: ветхаа мимо идоша, и се быша новаа; нынѣ приближися и намъ спасеніе; ношъ успе, а день приближися, имже приведеніе обрѣтохомъ вѣрою въ благодать сію, имже хвалимся и стоимъ, нынѣ же просвѣтившеся и свободивше(ся) отъ грѣха, поработившеся Господеви, имате плодъ вашъ

въ освященіе. Тѣмже лѣжни есмы работати<sup>2</sup> Господеви, радуящеся ему; рече бо Давыдъ: работайте Господеви съ страхомъ, и радуйтеся ему съ трепетомъ. Мы же възопіемъ къ Господу нашему, глаголюще: благословенъ Богъ, иже не дастъ насъ въ ловитву зубомъ ихъ, душа наша яко птица избавися отъ сѣти ловящихъ, сѣть съкрушися, и мы избавлены быхомъ отъ премести діавола, и погыбе память ихъ съ шумомъ, Господь въ вѣкы пребываетъ, хвалимъ отъ Рускихъ сыновъ, пѣваемъ въ Троици; а дѣмони проклинали отъ благовѣрныхъ мужъ и женъ, иже прїали суть крещеніе и покааніе въ отпущеніе грѣховъ, новыи люди христіаньскыи, избранни Богомъ. О Рогнѣди. Владимиръ же просвѣщенъ сый самъ и сынове его святымъ крещеніемъ, посла къ женѣ своей Рогнѣди, глаголя сице: «азъ убо отнынѣ крещенъ есмь, и прїахъ вѣру и законъ христіанскій; подобаше ми едину жену имѣти, еюже пояхъ въ христіанствѣ; избири убо себѣ отъ велможъ моихъ, егоже хощещи, да съчитаю тя ему.» Она же отвѣщавши, рече ему: «или ты единъ хощещи царствіе земное и небесное въспріати, а мнѣ маловременнымъ симъ и будущаго дати не хощещи; ты бо отступи отъ идолскыа прелести въ сыновленіе Божіе, азъ же, бывъ царицею, не хошу раба быти земному царю ни князю, но уневѣститися хошу Христови, и въспрімю аггелскый образъ.» Сынъ же ея Ярославъ сѣдѣше у неа, бѣ бо естествомъ таковъ отъ роженія, и слыша глаголы и отвѣты матери своеа къ Володимеру, и въздохнувъ, съ плачемъ глагола матери своей: «о мати моа, въ истинну царица еси царицамъ и госпожа госпожамъ, яко въсхотѣ измѣнити славу нынѣшняго вѣка будущю славою, и не въсхотѣ со высоты на нижняа съступити, тѣмже блаженна еси въ женахъ.» И отъ сего словеса Ярославъ вѣста на ногу своею, и хож-

(1) Въ подлинникѣ: якоже. (2) Тамъ же: работы.



дааше, а прежде бо бѣ не ходилъ. Рогнѣдъ же сіа изрекши, пострижеса въ мнишескый образъ, наречено бысть имя ей Анастасія. О удѣльныхъ князехъ. Потомъ же Володимеръ раздѣли землю сыномъ своимъ, и посажа ихъ по градомъ, по княженіемъ: Вышеслава, иже отъ Чехини, сего, яко старѣйшаго, посади въ Новгородѣ, а Изяслава, иже отъ Рогнѣди, посади въ Полотску, Святополка въ Туровѣ; умрѣшу же старѣйшему Вышеславу въ Но(во)городѣ, посади Ярослава въ Новгородѣ, а Бориса въ Ростовѣ, а Глѣба въ Муромѣ, бѣста бо единою матерня, и живяста въкупѣ, о нихъ же рече пророкъ: се коль добро и коль красно, еже жити братіи въкупѣ. А Святослава, иже отъ другыа Чехини, посади въ Деревехъ; Всеволода, Ярославля брата, въ Володимери Велинскомъ, Мѣстислава, брата ихъ, Тмутороканю<sup>1</sup>, Болеслава въ Лясѣхъ Великихъ, Станислава, Святославля брата, въ Смоленскѣ, Судислава въ Псковѣ; и разосла съ ними епископы и попы, и повелѣ крестити всю Рускую землю. И рече Володимеръ: «се не добро, еже мало городовъ около Кіева.» И нача ставити города по Деснѣ, и по Вѣстри, по Требежу, и по Сулѣ, и по Востугнѣ; нача нарубати мужи лучшими отъ Словянъ и отъ Кривичъ, отъ Чюди и отъ Вятичъ, и отъ сихъ<sup>2</sup> насели грады; бѣ бо рать отъ Печенѣгъ, и бѣ воюяся съ ними и одолѣваа имъ.

Въ лѣто 6497. Постави князь великій Володимеръ првую церковь камену святаго Георгіа, и повелѣ праздновати ему ноебря 26.

О градѣ Володимерѣ Залѣсскомъ, иже въ Суждалской землѣ, на рѣцѣ Клязмѣ. Въ лѣто 6498. Поиде Володимеръ въ Словянскую землю и страну Залѣскую, и въ Сужда(л)стѣй области и Ростовѣстѣй постави

градъ въ свое имя Володимеръ на рѣцѣ на Клязмѣ, на усть Лебеды, и спомъ осыпа; и постави церковь съборную пресвятыа Богородица Успеніе, древяну, и спомъ осыпавъ. И постави церкви, и вси люди крести Рускыа, и намѣсници по всей земли, и иде въ Кіевъ. О разрушеніи идола Велеса въ Ростовѣ. Ици сего въ житіи Авраміа Богоявленскаго, Ростовскаго чудотворца.

О разрушеніи идола, иже въ Новѣгородѣ. Въ лѣто 6499. Посла Володимеръ въ Царьгородъ къ Фотію патріарху, и взя у него первого митрополи(та) Кіеву Леона, а Новогороду архіепископа Іакыма Корсунянина, а Ростову архіепископа Феодора, и по инымъ градомъ епископы, и попы и діаконы, иже крестиша всю землю Рускую; и бысть радость всюду. И прииде архіепископъ Іакымъ къ Новогороду, и требища разори, и Перуна посѣче, и повелѣ влещи его въ Влѣховъ. И привязавше ужи, влечаху его по калу, біюще жезліемъ и пихающе; и въ то время вшелъ быше въ Перуна бѣсъ, въпя въ немъ: «о горе мнѣ! достахся немилостивнымъ симъ рукамъ»; и вринуша его въ Влѣховъ. Онъ же пловяше сквозъ великій мостъ, верже нѣкто на нь палицу древяну; онъ же врѣже палицу на мостъ, глаголя: «симъ тѣшащеса людіе Новогородстїи, поминайте мене»; на немъ же и нынѣ безумніи убивающеса, утѣху творять бѣсомъ. И заповѣдаша никомуже нигдеже не приати его. И приближися Перунъ къ берегу, и вышедъ Выдблянинъ на рѣку рано, хотя грѣнци вести въ градъ, и видѣ, оли Перунъ припли къ берви, и отрину его шѣстомъ: «ты, рече, Перунище<sup>3</sup>, до сыти<sup>4</sup> еси яль и пиль въ Новѣгородѣ, а нынѣча поплочи прочь»; и плы ис свѣта некошное<sup>5</sup>. О създаніи церкви святаа Богородица десятиннаа въ Кіевѣ. Посемъ же Володимеръ живяше въ за-

(1) Въ подлинникъ слово: тмутороканю помѣщено послѣ словъ: въ лясѣхъ великихъ. (2) Тамъ же: отъ селихъ. (3) Тамъ же: перушнице. (4) Тамъ же: до сыти ли. (5) Тамъ же: окошное.



991 конѣ христіанстѣмъ<sup>1</sup>, помысли създати церковь  
993 святаѣ Богородица, и пославъ приведе ма-  
стеры отъ Грекъ. И наченшу же здати, и  
яко сконча зижда, и украси ю честными ико-  
нами, и поручи ю Анастасу Корсунянину, и  
попы Корсунскыа пристави служити въ ней,  
вдавъ ту все, еже бѣ възлѣ въ Корсуни, ико-  
ны, и кресты и съсуды. О създаніи Рос-  
товскыа церкви. Того же лѣта постави Фео-  
доръ, пръвѣй епископъ въ Ростовѣ, церковь  
дубову Успеніе Пречистыа, и толику чюдну,  
якова не бывала и потомъ не будетъ, и людѣ  
крести.

О Бѣльгородѣ, иже близъ Кіева. Въ  
лѣто 6500. Заложѣ<sup>2</sup> Володимѣрь Бѣльгородъ,  
и наведе въ оны отъ иныхъ градовъ, и много  
людей сведе въ оны, бѣ бо любя градъ той.

О Переяславли Русскомъ, иже близъ  
Кіева. Въ лѣто 6501. Иде Володимѣрь на  
Хорваты, и побѣди а. Пришедшу же ему съ  
войны Хорватскыа, и се<sup>3</sup> Печенѣзи придоша  
по (о)ной странѣ отъ Сулы; Владимиръ же по-  
иде противу имъ, и стрѣте ихъ на Трубежи  
на броду, где нынѣ Переяславль. И ста Вла-  
димѣрь на сей странѣ, а Печенѣ(зи) на оной  
странѣ, и не смѣаху сіи на ону страну, ни  
они на сію страну. И приѣха князь Печенѣ-  
жескый къ рѣцѣ, и възва Владимира, рече  
ему: «выпусти ты<sup>4</sup> свой мужъ, а язъ свой, да  
ся борета.» И ведоша мужа велика и силна,  
глаголюще: «аще противень сему добудете  
противна боритися; да аще твой ударить мо-  
имъ, да не воюемъ за три лѣта; аще ли нашъ  
мужъ ударить твоимъ, то воевати имамы за  
три лѣта»; и разыдошася разно. Владимиръ  
же приѣде въ товары, посла биричи<sup>5</sup> по то-  
варомъ, глаголя: «ес(ть) ли таковъ мужъ, иже  
бы ся ялъ брати съ Печенѣжиномъ?» и не  
обрѣтеся нѣгдеже. И заутра приѣхаша Пе-  
ченѣзи, и свой мужъ приведоша, а въ нашихъ

не бысть. Поча тужити Володимѣрь, посылаа  
по всемъ воемъ своимъ, и приѣде единъ старъ  
мужъ къ князю, и рече ему: «княже госпо-  
дине! есть у мене единъ сынъ меншій дома,  
а съ четирмы есми вышель, а той дома;  
отъ дѣтства бо его нѣсть кто имъ ударивалъ:  
единою бо ми сваряшу на нь, а оному мнушу  
кожу, разгнѣвася на мя, претрѣже кожу ру-  
кама.» Князь же се слышавъ радъ бысть,  
посла по него, и приведоша его къ князю,  
и князь повѣда ему все; онъ же рече: «могу  
ли, и самъ не вѣдаю, искусите мя: аще есть  
зде волъ великъ и силенъ, приведите его?»  
И налѣзоша волъ въ томъ часѣ, и повелѣ  
раздражити его; и възложиша на нь<sup>6</sup> желѣ-  
за горяча, и пустиша вола, и побѣже волъ  
мимо его, и похвати вола рукою за бокъ, и выр-  
ва кожу съ мясомъ, елико ему рука зайтъ; и  
рече ему Владимиръ: «можеша съ нимъ боро-  
тиса.» И наутріа придоша Печенѣзи, и начаша  
звати: «нѣсть ли мужъ у васъ? се нашъ го-  
товъ стоитъ.» Владимиръ же повелѣ воемъ  
тои ноши облещися въ оружіе; и приступи-  
ша къ рѣцѣ обон. И выпустиша Печенѣзи  
свой мужъ, бѣ бо великъ и страшень; и вы-  
пусты же и Володимѣрь свой мужъ, и узрѣ  
его Печенѣжанинъ и въсмѣяся, бѣ бо сред-  
ній тѣломъ. И размѣривши межи обѣма пол-  
кома, пустыша а къ себѣ, и ястася, и по-  
часта ся крѣпко брати, и удави Володимѣрь  
мужъ Печенѣжина въ руку<sup>7</sup> до смерти, и уда-  
ри имъ о землю; и кли(к)нуша вои Русстѣи,  
Печенѣзи же побѣгоша, а Русь погнаша по  
нихъ, сѣкуще ихъ. Володимѣрь же радъ  
бысть, и заложѣ градъ на бродѣ томъ, и на-  
рече его Переяславль, зане переа славу от-  
рокъ той. Володимѣрь же великимъ мужемъ  
сътвори его и отпа его. Володимѣрь же про-  
тиву ихъ вмалѣ изыиде, и не могуще стати  
противу ихъ.

(1) Въ подлинникѣ: христіанстѣй. (2) На этомъ словѣ, находящемся въ рукописи на 45-мъ листѣ, преры-  
вается статья и ея продолженіе, по ошибкѣ писца, помѣщено на 47-мъ листѣ. (3) Тамъ же: ис. (4) Тамъ же:  
выпусти ти. (5) Тамъ же: берендичи. (6) Тамъ же: его на нь. (7) Тамъ же: в року.



О десятинной церкви<sup>1</sup>. Въ лѣто 6504. Свършена бысть церковь Успеніе пресвятыя Богородица десятиннаа. Володимеръ же видѣвъ церковь свършенну, и украси ю иконами, и кресты и сосуды, и поручи ю Анастасу Корсунянину, и попы Корсунскыя пристави служити ей. И въшедъ<sup>2</sup> въ церковь, помолися Богу, глаголя: «Господи Боже! призри съ небесе, и виждь, и посѣти винограда своего, и свърши егоже насади десница твоя, и благослови новыя люди твоя, имже обратилъ еси сердца въ разумъ познати тебе, истиннаго Бога, и призри на церковь твою сію, юже създахъ недостойный рабъ твой, въ славу твою и въ славу имени рождшіяся Богоматере и Приснодѣвыя Богородица; да аще кто помолится въ церковь сей, то услыши, Господи, молитву ихъ и отпусти грѣхы ихъ, молитвъ ради пречистыя Богородица.» И помолившуся ему, рекъ сиче: «даю пресвятѣй Богородици отъ имѣнія моего и отъ градовъ моихъ десятую часть.» И положи<sup>3</sup> написавъ клятву въ церкви сей, рекъ: «аще кто сего порушитъ, да будетъ проклятъ.» И власть десятину Анастасу Корсунину; сътвори же праздникъ великъ въ той день боляромъ и старцомъ людскимъ, и убогимъ раздаа имѣніе много. О церкви Вас. . . иже на Сту. . . Того же лѣта придоша Печенѣзи къ Василеву; и Володимеръ съ малыми людьми изыде противу имъ, и не могъ Володимеръ стати противу ихъ, подбѣгъ ста подъ мостомъ, едва укрыся отъ противныхъ; тогда и обѣщася Володимеръ поставити церковь въ Василевѣ святое Преображеніе, бѣ бо въ той день Преображеніе Господне, егда сїи бысть сѣча. Избывъ же Володимеръ сего, постави церковь, и сътвори праздникъ великъ, сваривъ 300 берковскыхъ меду, съзва боляре своа, и посадники и старѣйшины отъ всѣхъ

градовъ, людей много, и раздаа убогимъ 300 996 гривенъ. И празновавъ князь днѣй 8, и възвратися къ Кіеву на Успеніе святыя Богородица, и ту сътвори праздникъ великъ, съзываа бесчисленное множество народа. Видѣвше люди крестіаны суще, радовашеся душею и тѣломъ, и тако по вся лѣта творяаше. Бѣ бо любя словеса книжнаа Владимиръ, слыша бо евангеліе чтомо: блажени милостивіи, яко тѣи помиловани будутъ; и паки: продайте имѣнія ваша, и дадите нищимъ; и паки: не съкрывайте себѣ съкровища на земли, идеже тля тлѣтъ и татіе подкопываютъ, но съкрывайте себѣ съкровища на небесехъ, идеже не тля тлѣтъ, ни татіе крадутъ. И Давыда глаголяща: блаженъ мужъ милуа и даа. Соломана же слыша глаголюща: въздаваай нищому, Богу въ заемъ даетъ. Си слыша Володимеръ, повелѣ всякому нищому и убогому приходити на княжъ дворъ и взимати всяку потребу, питіе и яденіе, и отъ скотникъ кунами. Устрои<sup>4</sup> же се, рекъ: «яко немощніи и болніи не могутъ дойти двора моего», повелѣ пристроити кола, и въскладше хлѣбы, и мяса, и рыбы и овощъ различны, медъ въ бочкахъ, а въ другихъ квась, повелѣ възыити по граду, въпрашаючи: «где болни и нищіи, не могущіи ходити?» и тѣмъ раздааху на потребу. И се же паки творяше людемъ своимъ, по вся недѣля устави на дворѣ въ гридницѣ пиръ творити боляромъ, и гридемъ, и сътскимъ, и десятскимъ и нарочитымъ людемъ, при князи и безъ князя; бывааше же на обѣдѣ томъ множество отъ мяса, и отъ звѣрины и отъ скота, и бѣ по изобилію всего. Егда же подпивахутся, начняху роптати на князя, глаголюще: «зло есть нашимъ головамъ истѣ лежицами деревяными, а не серебряными.» Се слышавъ Владимиръ, повелѣ сковати<sup>5</sup> лжицы серебряны, и повелѣ класти людемъ, егда ядаху,

(1) Въ подлинникъ: цри. (2) Тамъ же: вышелъ. (3) Тамъ же: положивъ. (4) Тамъ же: утрои. (5) Тамъ же: сковати.



996 рекъ сиче: «яко сребромъ и златомъ не имамъ  
997 налѣсти людѣй, а съ людьми добуду злато и  
сребро, якоже отецъ мой и дѣдъ мой доиска-  
хуся людьми злата и сребра.» Бѣ бо Влади-  
миръ любя люди, и думаа съ ними о ратехъ  
и о устроеніи<sup>1</sup> земномъ; и бѣ живя съ князи  
околними его миромъ, з Болеславомъ Лят-  
скимъ, и Стефаномъ Угорскимъ и съ Андри-  
хомъ Чеськимъ, и бѣ миръ межи ими и любовь.  
О разбойницѣхъ. И живяше Владимиръ въ  
страхъ Божіи, и умножишася разбоевъ, и рѣша  
епископи Владимиру: «се умножишася разбой-  
ники; почто ни казниши ихъ?» Онъ же рече  
имъ: «боюся грѣха.» Они же рѣша ему: «ты  
поставлень еси отъ Бога злымъ на казнь, а доб-  
рымъ на милованіе; достоинъ ти казнити раз-  
бойники, но съ испытаніемъ.» Владимиръ же  
отвергъ отъ вѣры, нача казнити разбойники;  
и рѣша епископи и старци: «ратъ многа, оже  
вира, то на оружіи и на конехъ буди.» И  
живяше Владимиръ по устроенію отечню  
и дѣдню.

О еже како прихитрыша Бѣлогородци  
Печенѣжскую рать. Въ лѣто 6505. Вла-  
димиру шедшу къ Новгороду по верховнѣи  
вои на Печенѣгы, бѣ бо рать велика зѣло,  
въ се же время увѣдавшѣ Печенѣзи, яко князя  
нѣ ту, пріидоша и сташа около Бѣлагограда. И  
не даляху вылѣсти изъ града, и бѣ гладъ<sup>2</sup> ве-  
ликъ въ градѣ, и не бѣ лзѣ Владимиру помо-  
щи, и не бѣ бо вой у него, Печенѣгъ же мно-  
жество. И одолжися осада въ градѣ, и бѣ  
гладъ<sup>3</sup> великъ, и сътвориша вѣче<sup>4</sup> въ градѣ,  
рекоша: «се уже хошемъ помрети отъ глада,  
а отъ князя помощи нѣту, да лучше ли ны<sup>5</sup> по-  
мрети? или владимся Печенѣгомъ, кто живъ  
будеть, или мертвъ; уже бо помираемъ отъ  
глада»; и тако съвѣтъ сътвориша, яко пре-  
даться Печенѣгомъ. Бѣ же единъ старецъ не

былъ на вѣчи томъ, и въпроси: «что ради  
вѣче было<sup>6</sup>?» и людѣ повѣдаша ему, яко утро  
хотятъ людѣ предаться Печенѣгомъ. Се же  
слышавъ, посла по старѣйшины градскыя,  
рече имъ: «слышахъ, яко хотите предаться  
Печенѣгомъ»; они же рѣша: «не трпятъ людѣ  
глада.» И рече имъ: «послушайте мене и не  
предайтесь за три дни, и азъ что велю вы,  
сътворите;» они же ради обѣщастася сътво-  
рити. И рече имъ: «сѣберѣте кто отъ васъ  
по горсти овса, или пшеницы, или отрубъ»;  
они же шедше ради снискаша<sup>7</sup>. Повелѣ же  
имъ сътворити цѣжъ, въ немъ же варятъ  
кисель, и повелѣ ископати кладязь, и вѣста-  
вити въ онъ кадъ и наліати цѣжа кадъ, и по-  
велѣ ископати другой кладязь, и вѣставити  
тамо другую кадъ. И повелѣ искати (меду);  
они же шедше вѣзяша меду лукно, бѣ бо погре-  
бено въ земли въ княжей медуши; и повелѣ  
розсытити велми и воліати въ кладязь. Утро  
же послаша по Печенѣзи; и гражане рѣша:  
«поймѣте себѣ таль<sup>8</sup> нашу, а вы поидите до 10  
мужъ въ градъ нашъ, (да) видѣти, что ся  
дѣетъ въ градѣ нашемъ.» Печенѣзи же ради  
бывше, мняще, яко предаться хотятъ, поаша у  
нихъ тали, а сами избраша лучшіи мужи въ  
родѣхъ, и послаша въ градъ, да розглядаеть  
что ся дѣетъ въ градѣ. И пріидоша въ градъ,  
рекоша имъ людѣ: «почто губите себе? коли  
можете престоати насъ? аще стоите за 10  
лѣтъ, что можете сътворити намъ? имѣемъ  
бо кормля отъ земля; аще ли вѣры не имете,  
да се узрите своимъ очима.» И привелоша  
ихъ къ кладязю, идеже цѣжъ, и почрьпоша  
вѣдромъ, и ліаху въ ладкы; и яко сварыша  
кисель, и поимше ихъ привелоша ихъ къ дру-  
гому кладязю, и почрьпоша сыти, и начаша  
ясти прѣвое сами, потомъ же и Печенѣзи.  
И удивившася, и рекоша: «не имутъ вѣры

(1) Въ подлинникъ: о устроеномъ. (2) Тамъ же: градъ. (3) Тамъ же: градъ. (4) Тамъ же на полъ, противъ  
сею слова написано, другимъ почеркомъ: раду. (5) Тамъ же: ны ни. (6) Тамъ же: било. (7) Тамъ же противъ  
сею мѣста на полъ, другимъ почеркомъ, написано: князь вар... и кади въ судни... ли и ситу ро... и такъ  
печень... одъ облежени. (8) Тамъ же это слово объяснено на полъ, другимъ почеркомъ: заставу.



сему наши князи, аще не ядятъ сами.» Людіе же наліаша корчагу цѣжа и сыти отъ колодязя, и вдаша Печенѣгомъ; они же пришедше исповѣдаша бывшаа. И варивше ядоша княжи Печенѣжстїи, и подивившася, и поимше талїа своа, и онѣхъ пустивше<sup>1</sup>, идоша отъ града въсвоа.

Въ лѣто 6508. Преставися Мальфридъ. Того же лѣта преставися Рогнѣдъ, мати Ярославля.

Въ лѣто 6509. Преставися князь Изяславъ Володимировичъ Полоцкій, братъ Ярославль.

Въ лѣто 6511. Преставися Всеславъ Изяславичъ<sup>2</sup>, внукъ Володимеръ.

Въ лѣто 6515. Принесени Изяславъ и Всеславъ въ святую Богородицу.

Въ лѣто 6519. Преставися Анна царица, сестра Греческымъ царема Василию и Константину; была за великимъ княземъ Володимеромъ 13 лѣтъ.

Въ лѣто 6522. Ярославу сущу въ Новѣгородѣ и урокомъ дающу къ Кіеву 2000 гривень отъ года до года, (а) 1000 Новогороду гридемъ раздавааху; тако дааху вси посадники; Ярославъ же сего не въсхотѣ даати отцу своему х Кіеву, и не дааше. И рече Володимеръ: «требите путь и мосты мостите», хотяше бо ити на Ярослава, сына своего, но разболѣся.

О преставленіи великого князя Владимира Кіевскаго. Въ лѣто 6523<sup>3</sup>. Хотящу ити Владимиру на Ярослава, Ярославъ же слышавъ, посла за море и приведе Варягы, бояся отца своего; но Богъ не дастъ бѣсу радости. Владимиръ же разболѣся, въ то же время приіхалъ бѣ къ нему Борисъ, сынъ его, изъ Ростова, и Печенѣгомъ идущимъ ратию на Русь, Володимеръ же посла противу ихъ Бориса; посылалъ бо бѣ того ради по него; Борису же отшедшу, (самъ бо быше Володимеръ болѣнь велми, въ нейже болѣзни и скончася на Берестовомъ, мѣсяца іуліа 15

день. Бѣ же (въ) то время Святополкъ въ Кіевѣ, 997 и потаи смерть отца своего, въ нощи межи 1015 клѣтми проимаша помость, въ коверъ оберѣтѣвше, и ужи свѣсиша на землю, и възложиша его на сани, везше и поставиша его въ церкви святыа Богородица десятиныа. Се же увѣдавшѣ людіе, снидошася безъ числа; и вложиша его въ гробъ мраморянь, и съхраниша тѣло его съ плачемъ блаженнаго великаго князя Владимира, новаго Константина великаго Рима, иже крестися самъ и люди своа крести: тако и сїи сѣтвори подобно ему. Аще бо бѣ и прежде въ поганьствѣ на скверную похоть желаа, но послѣже прилежааше покаанію, якоже и апостолъ вѣщааетъ: идеже умножися грѣхъ, ту изобилость благодать. Аще бо въ невѣжествѣ етера сыгрѣшенїа быша, послѣдъ же разсыпашася покааніемъ и милостиняи, якоже глаголетъ: въ немъ же ты застану, въ томъ ти сужду. Якоже пророкъ глаголетъ: живу азъ, глаголетъ Аданай Господь, яко не хочу смерти грѣшникомъ, но обратитися имъ отъ пути ихъ (и живымъ быти; обращеніемъ обратитися отъ пути ихъ) злаго; мнози бо праведниі творяще(ся и) по правдѣ живущѣ, погыбають. Дивно же се есть, колика добра сѣтворилъ земли Русской, крестивъ ю и отъ идолъ очистивъ. Мы же, христїане суще, не възда(е)мъ почестья противу оному възданію. Аще онъ не крестилъ бы насъ, то и нынѣ были быхомъ въ прелести діаволи, якоже и прародителіе наши погыбнуша. Да аще быхомъ имѣли потщаніе и молбу приносили къ Богу за нь въ день преставленїа его, видя бы Богъ тщаніе наше къ нему, прославилъ бы (и): намъ бо достоить за нь молити Бога, понеже тѣмъ Бога познахомъ. Но даждь ти, Господи, по сердцу твоему, и вся прошенїа твоя исполни, иже желааше царства небеснаго; даждь, Господи, вѣнецъ съ праведными, въ пищи райстѣй и ве-

(1) Въ подлинникъ: пустивше е. (2) Тамъ же, по ошибкѣ: мѣстиславичъ. (3) Тамъ же: 6023.



1015 селіе и ликоствованіе<sup>1</sup> съ Авраамомъ и съ прочими патріархи, якоже Соломонъ рече: умрѣшу мужу праведнику не погыбаеъ упованіе. Сего бо въ память дръжатъ Рустіи людіе, поминающе святое крещеніе, и прославляютъ Бога въ молитвахъ и псалмѣхъ и пѣснехъ духовныхъ, поюще Господеви, новыи людіе, просвѣщеніи святымъ крещеніемъ и Святымъ Духомъ, чающе надежда, великаго Бога и Спаса нашего Ісуса Христа въздати комуждо противу дѣломъ его неизреченную радость праведно жившимъ, юже буди получитьи всемъ христіаномъ.

Убіеніе князя Бориса Владимировича Ростовскаго. Святополкъ (сѣде) въ Кіевѣ по отци, и призва Кіаны, и мно(ги) дары имъ раздаа, и отпусты а. Посла же къ Борису, глаголя: «брате! хочу съ тобою любовь имѣти, и къ отню ти придамъ»; глагола же лестно, а не истинно. И пришедъ (къ) Вышегороду ношю, отай призва Путшу и Вышегородскыа бояре, и рече имъ: «повѣжьте ми по истиннѣ, пріазньство<sup>2</sup> имѣете ли ко мнѣ?» Путша рече: «си ми можемъ головы своа положить за тя.» Видѣвъ же діаволь, искони ненавидяй добра челоуѣку, яко всю надежду свою на Бога положи, естъ святой Борисъ, начатъ подвижнѣе бивати и обрѣтъ, якоже и Каина на братоубійство горяща, такоже и окааннаго Святополка, по истиннѣ втораго Каина, улови мысль его, яко да избыетъ вся наслѣдники отца своего, и самъ пріиметь всю власть Рускую единъ. Тогда призва къ себѣ окаанный, проклятый Святополкъ съвѣтники всему злу и начальники всеа неправды, и отверзе пресквернаа своа уста, и испусти злый свой гласъ, и рече Путшинѣ чади: «аще убо обѣщастеса главы своа положить за мя, то шедше, братіа моа, да где обрящете брата<sup>3</sup> моего Бориса, исмотривше времени убійте его»; и обѣщашася ему тако сътворити. О таковыхъ

рече пророкъ: скоры суть проліати кровь бес правды; сіи бо обѣщаваются крови, и събирають себѣ злаа; сихъ путіе суть събирающе безаконіе, и нечестіемъ бо свою душу обіемлютъ. Блаженный же Борисъ, якоже бѣ посланъ отъ отца своего, и не обрѣте противныхъ своихъ и възвратися; и слышавъ о отни<sup>4</sup> смерти, и како потаилъ Святополкъ смерть отца своего, и не хотя ити къ Кіеву, но якоже бѣ воротился, и пришедъ ста на Алтѣ шатры; и рѣша ему дружина: «пойди, сяди въ Кіевѣ на столѣ отца своего, се бо вси вои въ руку ти суть.» Онъ же къ нимъ отвѣщавааше: «не буди мнѣ того възяты руки на брата моего, еще же и старѣйшаго, егоже быхъ имѣлъ яко отца; мнози бо языци въ дому отца моего и превратятъ сердце мое, еже прогнати ми его; якоже и отецъ мой сътвори прежде святаго крещеніа.» Се же слышавше вои, разыидошася отъ него, а самъ оста(ся) токмо съ отроки своими. И бѣше день суботный, а самъ бѣаше въ велицѣхъ тузѣхъ и печали, и влѣзъ въ шатеръ свой съкрушеннымъ сердцемъ, и плакаашеся съкрушеннымъ сердцемъ, а душею радостною жалостно гласъ свой испущааше: «слезъ моихъ не презри, Владыко!(д)а якоже уповаю на тя, тако да съ твоими рабы пріиму часть и жребій съ всеми святыми твоими, яко ты еси Богъ милостивъ и тебѣ славу възсылаемъ Отцу и Сыну и Святому Духу, нынѣ и присно и въ вѣкы вѣкомъ.» Помышляашеть же мученіе и страсть святаго мученика Никиты и святаго Вячеслава, брата Болеслава, князя Чьскаго, подобно сему убіену бывшу отъ Болеслава, Ляцкого князя, брата суца, и како святѣй Варварѣ отецъ свой убійца бысть; и помышляаше слово премудраго Соломона: праведници въ вѣкы живутъ, отъ Господа мзда ихъ и строеніе ихъ отъ Вышняго; и о семъ словеси токмо утѣшаашеся. Таче бысть

(1) Въ подлинникѣ: ликостваніе. (2) Тамъ же: пріазньство. (3) Тамъ же: братіа. (4) Тамъ же: отъ очіи.



вечерь, повелѣ пѣти вечерню, а самъ влѣзъ въ шатерь, нача творити вечернюю, съ слезами горкими и частымъ въздыханіемъ и стenanіемъ многымъ. По сихъ же леже спати, и бяше сонъ его въ мнозѣ размышленіи и въ печали крѣпцѣ и страшнѣ, како предатися на страсть, и како пострадати, и теченіе скончати, и вѣру съблюсти, яко да (не)ищадымъ вѣнецъ пріиметъ отъ руки Вседръжителя. И възбнувъ рано, и видѣ, яко годъ есть утренній, бѣ же въ святую недѣлю, и рече къ прозвиту своему: «въставъ, начини утреннюю»; самъ же, обувъ нозѣ свои и лице свое умывъ, начатъ молитися Господу Богу. Посланіи же отъ Святополка пріидоша на Алто въ ночь ту, и подступиша близъ шатра, и слышаша гласъ блаженнаго страстотръпца, поюще псалмы заутренняа. Бяше же ему вѣсть о убіе(ніи) его, и начатъ пѣти: Господи! что ся умножиша стужающеи ми? мнози всташа на мя; и прочаа псалма того. И начатъ пѣти псалтырь, глаголя: яко обыдоша мя пси мнози и юнци тучніи обдрѣжаща мя; и паки: Господи Боже мой! на тя уповахъ, и спаси мя; таче по семь канонъ. И скончаша ему утреннюю, начатъ молитися, зря ко иконѣ Господни, глаголя сице: «Господи Ісусе Христе! иже симъ образомъ явился на земли, изволивый своею волею пригвоздитися на крестѣ, и пріимъ смерть грѣхъ ради нашихъ, и сподоби мя тако пріати страсть.» И яко слышаша топотъ золь (около) шатра, и трепетенъ бывъ, нача слезы испущати отъ очію своею, и глаголаше: «слава ти, Господи, о всемъ томъ яко сподобилъ ми еси, зависти ради, пріати горкую смерть, и все пострадати любви ради словесе твоего; не въсхотѣхъ бо себе самъ възыскати, ничтоже себе изволихъ по апостолу: любы трѣпить, всему вѣру емлетъ, не ищетъ своихъ си; и паки: боязни въ любви нѣсть, но съвършенна любовь вонъ изгоняетъ страхъ;

тѣмже, Владыко, душа моя<sup>1</sup> въ руку твою<sup>1015</sup> есть выну, яко закона твоего не забыхъ; яко Господу годѣ, тако и бысть.» И яко узрѣ прозвиту его и отрокъ, иже служааше<sup>2</sup> предъ нимъ, господина своего дряхла и печалію обилна суща зѣло, расплакастася и глаголаста: «милый нао<sup>3</sup> господине драгый! коликой благи сподобися, яко не въсхотѣ противитися брату своему, любви ради Божіа, колико воа дрѣжа въ руку свою!» И си рекша, умилистася и умлѣкоста, и абіе узрѣста текущихъ къ шатру, блистанія оружіа, и мечное оцѣщеніе. Безъ милости прободено бысть честное и многомилостивое тѣло святаго и блаженнаго страстотръпца Бориса; и въскочивше въ шатръ насунуша (е)го копіемъ окаанный Путша, и Талець, и Еловичъ, и Ляшко. Видѣвъ же се отрокъ его, врьжеся на тѣло его, рекъ: «да не остану тебе, господине мой драгый; да идеже красота тѣла твоего увядаетъ, ту и азъ сподобленъ буду животь свой скончати.» Бяше же сей отрокъ родомъ Угринъ, именемъ Георгій, братъ Моисею, егоже потомъ плѣни Болеславъ, плѣну а Кіевъ съ Святополкомъ, біяся съ Ярославомъ; много пострада въ Лясѣхъ въ плѣну отъ жены нѣкыя, еяже мужа убиша на бою вои Ярославли; она же хотѣ сего Моисея въ домъ свой взяти въ мужа себѣ, красоты ради его, бѣша бо красенъ<sup>4</sup> велми; о немъ же повѣсть въ Патерицѣ въ Печерскомъ. Мы же сіе глаголемъ: на Георгіа же бяше възложилъ святыи Борисъ гривну злату, бѣ бо любимъ Борисомъ паче мѣры; ту же и того прободоша. Святыи же Борисъ яко бысть ураненъ, искочи ис шатра въ оторопѣ, и начаша глаголати стоящей округъ его: «что стоите зряще? приступльше скончаемъ повелѣнное намъ.» Сіа слышавъ блаженный Борисъ, нача молитися имъ и милъ ся дѣлати, глаголя имъ: «братіа моа милаа! мало ми время дождѣте,

(1) Въ подлинникъ: мояа. (2) Тамъ же: слушааше. (3) Тамъ же: на ню. (4) Тамъ же: красни.



1015 да помолюся Богу моему.» И възрѣвъ на небо съ слезами и горцѣ въздохнувъ, нача молитися сицеми глаголы: «Господи Ісусе Христе, Боже милостивый, и многомилостивый, и премногомилостивый Владыко! слава ти, яко сподобилъ мя еси, Владыко, отъ прелести житія сего лестнаго отъйти; слава ти, щедрый Живодавче, яко сподобилъ мя еси труда святыхъ ти мученикъ; слава ти, Владыко человеколюбче, сподобивый мя скончати хотѣніе сердца моего; слава, Христе, многому милосердію твоему, иже направивый на правый путь мирныя ноги моя тещи къ тебѣ безъ съблзньства; призры съ высоты святыхъ твоихъ и виждь болѣзнь сердца моего, юже пріяхъ отъ сродника моего, яко тебе ради умръщвляемы есми весь день, вѣмѣниша<sup>1</sup> меня яко овца (въ) снѣдь<sup>2</sup>. Вѣси бо, Господи мой, вѣси, яко не противлюся, ни въпреки глаголю; имый въ руку мою вся воа отца моего и вся любима отца моего, и ничтоже умыслихъ противу брату моему, онъ же елико възможе, въздвиже на мя; да аще бы ми врагъ поносилъ, претръпѣлъ быхъ убо отъ него, и аще бы ненавидѣя мя на мя велерѣчевалъ, укрылся быхъ отъ него. Но ты, Господи, виждь и суди межи мною и братомъ моимъ, и не постави имъ грѣха сего, но пріими въ миръ духъ мой, аминь.» Таче възрѣвъ къ нимъ умиленными очима, испадшимъ лицомъ, весь слезами обліявся, рече<sup>3</sup>: «братіе! приступайте кончайте службу вашу, и буди<sup>4</sup> миръ, братіе, брату моему и вамъ.» Да елико слышаху словеса его, отъ слезъ не можааху ни словесе рещи, отъ страха же и печали горкіа и отъ многъ слезъ, но съ въздыханіемъ горкымъ жалостно глаголааху, плачуще въ души своей: «увы намъ, княже нашъ милый, драгий, блаженный, водителю слѣпымъ, одежда нагимъ, старости жезлъ, ненаказаннымъ ка-

зателю! кто уже исправитъ вся? како не възхотѣ славы мира сего? како не възхотѣ веселитися<sup>5</sup> съ честными велможамъ? како не възхотѣ величій въ семъ житіи? кто бо не почудится великому его смиренію? кто ли не смирится, оно смиреніе видя и слыша?» И абіе успе, предавъ душу въ руцѣ Бога живаго, мѣсяца іюліа 24 день. Избыша же и отроки многы; съ Георгіа же не могуще гривны сняти, отсѣкше главу его отврѣгоша кромѣ, да тѣмъ послѣди не могоша познати тѣла его. Блаженнаго же Бориса обертѣша въ шатеръ, възложиша на кола, и повезоша его, и яко быша на бору, нача възскланяти святую главу свою; и се увѣдавъ Святополкъ, посла два Варяга, и прободоста ѿ мечи въ сердце. И тако скончася блаженный Борисъ, възспріемъ неувѣдаемый вѣнецъ отъ Христа Бога съ праведными, причтеся съ пророки и апостолы, и съ лики мученическими възворяся, Авраама на лонѣ почиваа, и видя неизреченную радость, възспѣваа съ аггелы и веселяся въ лицѣ<sup>6</sup> святыхъ. И привезше на Днѣпръ, положиша его въ лодію, и приплувше съ нимъ подъ Кіевъ; Кіане же не пріаши его, но отпнухуша прочь. И привезше тѣло его тай, положиша у церкви святаго Василія, въ Вышегородѣ, въ землю погребоша. Сей благовѣрный князь Борисъ, благаго корене сый, послушливъ бѣ, отцу покаяся о всемъ; тѣломъ бѣаше красень и высокъ, лицомъ круглъ, плечи висоцѣ, въ чреслѣхъ тонокъ, очима добръ и весель, брада мала и усъ, младъ бо бѣ еще; свѣтлся царскы, крѣпокъ<sup>7</sup> тѣломъ, на рати храберъ, въ свѣтѣхъ мудръ и разумень, при всемъ всячьскы украшень акы цвѣтъ въ юности своей, и благодать Божіа цвѣтѣше на немъ. Окаанніи же сїи убійци пріидоша къ Святополку, акы хвалу имуще, безаконници. Сїи бо слугы бѣсы бываютъ; бѣсы бо

(1) Въ подлинникъ: вѣмѣниша. (2) Тамъ же: снѣди. (3) Тамъ же: рече е. (4) Тамъ же: не буди. (5) Тамъ же: веселитися. (6) Тамъ же: велицѣ. (7) Тамъ же: крѣпость.



на злое посылаеми бываютъ, аггели же на благое следи суть. Ангель бо челоуку зла не сѣтворяетъ<sup>1</sup>, но благое мыслить ему всегда, паче же христіаномъ помагаеъ и заступаеъ отъ сѣпротивнаго діавола; а бѣси всегда на злое словятъ, завидяще ему, понеже видятъ челоука почтена Богомъ, и завидяще ему, на злое следи скорі суть. Рече бо Богъ: кто идетъ прелестити Ахава? и рече бѣсъ: се азъ иду. Злый же челоукъ, тѣшася на злое, не хуждыши естъ бѣса; бѣси бо Бога боятсѣ<sup>2</sup> и челоукъ стыдѣтсѣ, а золь челоукъ ни Бога боитсѣ, ни челоукъ ни срамѣетсѣ; бѣси бо креста Господня боятсѣ, а золь челоукъ ни креста Господня боитсѣ. Тѣмже и глаголаше Давыдъ: аще въ истинну правду глаголете, праваа судите сынове челоучестіи; ибо въ сердци безаконіе дѣлаете на земли; неправду руки ваша сѣплѣтають. очюждени быша грѣшници отъ ложеснѣ, заблудиша отъ чрева, глаголаша лжу. и ярость ихъ по образу змѣину<sup>3</sup>.

Убіеніе Глѣбово, брата Борисова, сына Владимера, Муромского. И не доселѣ годѣ устави убійство окаанный Святополкъ, но и на болшаа неистовѣся начатъ простиратисѣ, и яко видѣ себе желаніе сердца своего получивша, абіе не въспомѣну злаго своего убійства и многоаго сѣблажненія, и ни поне мало на покааніе въсклонисѣ; но ту абіе выниде<sup>4</sup> въ сердце его сатана, и начатъ подѣстрѣкати его вящѣшаа и горшаа сѣдѣати, и множайша убійства. И глаголаше бо въ души своей окаанный: «аще бо доселѣ оставлю дѣло убійства моего, то двоаго имамъ чаѣти: яко услышатъ мя братіа моя, иже варивше мя въздадѣтъ ми горша сихъ; аще ли не сѣце, то<sup>5</sup> ижденуть мя, и княженіе мое прѣиметь инъ, и въ дворѣхъ моихъ не будетъ живущаго; зане

егоже Господь възлюбѣ, азъ погнахъ, и къ 1015 болѣзни язвѣ преложихъ, приложу убо безаконіе къ безаконію, обаче грѣхъ матерѣ моѣа не очиститъ ми сѣ и сѣ праведными не напишусѣ, но да потреблюсѣ отъ книгъ животныхъ.» Якоже и бысть, еже послѣди скажемъ; нынѣ же нѣсть время, но на предлежащее възврати(м)сѣ. И сѣа на умѣ сѣ положивъ злый сѣвѣтникъ діаволовъ, посла по блаженнаго Глѣба въ Муромъ, рекъ: «пойди въборзѣ, отецъ ти зоветъ и не здравитъ бо велми.» Онъ же въборзѣ и вмалѣ боляръ въсѣдъ на конь поиде; и пришедшу ему на Волгу, на устѣ рѣки<sup>6</sup> Тѣми, на поли подчѣся подъ нимъ конь во рѣѣ, и надломи ему ногу мало; и на томъ мѣстѣ нынѣ монастырь Бориса и Глѣба, зовомый Втомичій; онъ же въсѣдъ въ насадъ, поиде Волгою, и яко прѣиде къ Смоленску и поиде отъ Смоленска въ кораблици, яко зрѣимо едино, и ста на Смядыни; и въ се время приславъ къ нему Ярославъ<sup>7</sup>, глаголя: «не ходи, брате, отецъ нашъ умре, а братъ твой убить отъ Святополка<sup>8</sup>.» И яко сѣа услыша блаженній, възопи плачемъ великимъ и горькимъ и печалію сердечною, и сѣце глаголаше: «увѣ мнѣ, Господи мой Отче! о двою плачусѣ, и двоимъ сѣтованіемъ сѣтую и тужу; увѣ мнѣ, Господи мой! плачусѣ по отцѣ, плачу же сѣ паче и зѣло отчаяхсѣ по тебѣ, брате мой и господине Борисе, како прободень еси? како безъ милости прочее смерти предасѣ? како не отъ врага, но отъ своего брата пагубу възпріѣлъ еси? увѣ мнѣ! уне ми бѣае сѣ тобою умрети, нежели уединену и усирену отъ тебе въ семъ житіи пожити. Азъ мнѣхъ въ житіи семъ аггелское твое лице узрѣти, то сѣлика туга постиже мя; нынѣ же что сѣтворю, умилень и отчюжень отъ твоеа доброты и отца моего многоаго разума? О милый мой брате и

(1) Въ подлинникѣ: не сѣтворяютъ. (2) Тамъ же: боятсѣ. (3) Послѣ этого слова въ рукописи, на л. 52, помѣщено нѣсколько строкъ, которыя принадлежатъ къ послѣдующей статьѣ. (4) Въ подлинникѣ: выниду. (5) Тамъ же: да. (6) Тамъ же: на оуста рѣк. (7) Тамъ же: ярославъ. (8) На этомъ словѣ, находящемся въ рукописи на оборотѣ 52-го листа, прерывается статья и еѣ продолженіе помѣщено на 45-мъ листѣ.



1015 господине! аще еси получилъ дръзновение у Господа, моли о<sup>1</sup> моемъ уныніи, да быхъ и азъ подобень былъ ту же страсть пріати и съ тобою жити, неже въ свѣтѣ семъ прелестнѣмъ и суетнымъ.» Сиче (е)му стеньюшу и плачушу, и слезами землю мочашу<sup>2</sup>, и съ въздыханіемъ часто Бога призываюшу, и се вънезапу приспѣша посланніи отъ Святополка<sup>3</sup> злыа его слугы и немилостивіи кровопивци<sup>4</sup>, братоненавидци лютіи зѣло, сверѣпаго звѣря душу имуще; святой же поиде въ кораблици, и срѣтошася устьи Смядины, и яко узрѣ ихъ, радовашеся душею; они же узрѣвши омрачахуся, и гребяху къ нему, сій же мняшеся цѣлованіе пріати отъ нихъ. И яко быша равно пловущи, начаша скакати зліи они въ лодію его, обнажени меча имущи въ рукахъ блестящася акы вода; и абіе всѣмъ весла изъ рукъ испадоша, и вси отъ страха омрътѣвша. И се видѣ(въ) блаженный, разумѣ яко хотятъ его убить, възрѣвъ къ нимъ умиленными очима, и слезами лице свое омываа, съкрушеннымъ сердцемъ и смиреннымъ разумомъ и частымъ въздыханіемъ, весь слезами разливаася, а тѣломъ утрьпаа, жалостной гласъ испущааше, сиче глаголя: «не дѣйте мене, братіа моа милаа и драгаа, не дѣйте мене, господые мои, аще ли каа обидѣ<sup>5</sup>, ничтоже вы зла сѣтворихъ<sup>6</sup>, не брезѣйте мене; кую бо обиду сѣтвори хъ брату моему и вамъ, братіе и господые мои? аще ли каа обидѣ<sup>7</sup>, ведѣте мя къ князю вашему и къ моему господину и брату; помилуйте юность мою, господые мои; (вы ми будете господые), а азъ вамъ рабъ; не пожнѣте мене отъ житіа незрѣла, не пожнѣте класа не уже сѣзрѣвша, но млеко безлюбіа носяща, не порѣжьте лозы не до конца възрастъши, а плодъ имуща. Молю вы ся и миль<sup>8</sup> ся дѣю, убойтеся<sup>9</sup> рекшаго усты апостолескы: не дѣти бывайте

умы, незлобіемъ же младенствуйте, а умы сѣвршены бывайте; азъ, братіе, незлобіемъ и възрастомъ младенствую; се нынѣ нѣсть убійство, но сырорѣзаніе. Что зло сѣтворихъ, свѣдѣтельствуйте ми, и не жалуя си? аще ли крове моеа насытитися хотите, то уже въ руку вы есмь, братіе, и брату моему вашему князю.» Они же ни по единого словесе не постыдѣшася<sup>10</sup>, ни мыслію приклонишася, но якоже сверѣпніи звѣріе нападоша, и тако възсхытиша его. Онъ же видѣвъ, яко не вънемлютъ словесе его, начатъ глаголати сиче: «спасися<sup>11</sup> милый мой господине, отче Василіе! спасися мати, госпоже моа! спасися брате Борисе мучениче, старѣйшино уности моеа! спасися и ты брате поспѣшителю Ярославлю! спасися и ты брате и враже Святополче! спаситесь и вы братіе (и) дружино, и вси спаситесь! уже бо не имамъ васъ видѣти въ житіи семъ, зане разлучаемъ есмь отъ васъ нужею.» И глаголаше плачася: «Василіе господине мой отче! приклони ухо твое и услыши гласъ мой, призри и виждь приключышася чаду<sup>12</sup> твоему, како безъ вины закалаемъ есмь; увѣ мнѣ! слыши небо и внуши земле; и ты Борисе брате, услыши гласъ мой; отца моего Василіа призвахъ, и не послуша мене; виждь скръбь сердца моего и язву душа моеа, виждь теченіе слезъ моихъ акы рѣку, и никтоже не вънемлетъ ми; но ты убо помани и помолися о мнѣ къ общему всѣхъ Владыцѣ, яко имѣа дръзновение и предстоа у прест(ол)а его.» И начатъ молитися сиче: «Боже щедрый, и премилостивый Боже! слезъ моихъ не премльчи, но умилися на мое уныніе и виждь съкрушеніе сердца моего, се бо закалаемъ есмь не вѣмъ что ради, или за которую обиду азъ не свѣмъ; ты вѣси, Господи мой! вѣмъ тя, рекша къ своимъ апостоломъ: яко за имя мое, мене ради възложатъ на вы руки

(1) Въ подлинникѣ: оу. (2) Тамъ же: молчащу. (3) Тамъ же: отъ святагополка. (4) Тамъ же: кривопивци. (5) Тамъ же: обада. (6) Тамъ же: сѣтвориша. (7) Тамъ же: обада. (8) Тамъ же: мыль. (9) Тамъ же: оубыйтеся. (10) Тамъ же: ни поне единого словесе постыдѣшася. (11) Тамъ же: спасися. (12) Тамъ же: чада.



и предани будете родомъ и другомъ<sup>1</sup>, и братъ брата предасть на смерть, и умрѣтвять вы имени моего ради; и пакы: въ трѣпени вашемъ стяжите душа ваша. И виждь Господи (и) суди; се готова душа моя предъ тобою, Господи, и тебѣ славу възсылаемъ, Отцу и Сыну и Святому Духу, нынѣ и присно и въ вѣки вѣкомъ, аминь.» Таче<sup>2</sup> възрѣвъ къ нимъ, умиленнымъ, измолкшимъ гласомъ рече: «то уже приступльше кончайте, на не же есте послани.» Тогда окаанный Горясѣрь повелѣ зарѣзати въскорѣ. Поваръ же Глѣбовъ<sup>3</sup>, именемъ Торчинъ, иземъ ножъ, и имъ блаженного и закла его, акы агня незлобиво, въ лѣто 6524, мѣсяца сентября въ 5 день, индикта 14, круга слѣнечнаго 7, а луннаго 7, алфа 1, граница и законныя руки 27, епакты 1, фимиліость 20, въ день понедѣльникъ. И принесеса Господеви жрътва чиста и благоугодна; и възыиде въ небесныя обители къ Богу, и узрѣ желаемаго си брата, и въспріаста въкупѣ вѣнца небесныя и нетленныя, егоже и вѣжела, и възрадовастася радостію неизреченною, юже улучиста братолюбіемъ своимъ. Якоже рече Давыдъ: се коль добро и коль красно еже жити<sup>4</sup> братіи въкупѣ! Окаанныи же они убійци възвратишася, и придоша къ пославшему ихъ окаанному Святополку; якоже рече Давыдъ: да възвратятся грѣшници въ адъ, и вси языци забывающаи Бога; и пакы: оружіе извлекаша грѣшници, и напрягоша лукъ заклады правыя сердцемъ, и оружіа ихъ вѣнідуть въ сердца ихъ, и луци ихъ съкрушатся, яко грѣшници погынуть, исчезающе яко дымъ исчезающа. И яко сказаша Святополку: «яко сътворихомъ повелѣнное тобою», и си слышавъ окаанный, възвеселися душею и възнесеса сердцемъ. И събыстася реченное пророкомъ Давыдомъ: что ся хвалиши, о злобѣ, сил-

ный<sup>5</sup>? и безаконіе весь день (и) неправду умы-1015 сли языкъ твой; възлюбилъ еси злобу паче благостыню, и неправду неже глаголати правду; възлюбилъ еси вся глаголы потопныя и языкъ лествивъ: сего ради Богъ раздрушитъ тя до конца, вѣстрѣгнетъ тя и преселитъ тя отъ села твоего, и корень твой отъ земля живущихъ. Якоже рече Соломонъ: азъ вашей погыбели посмѣюся, яко радуюся, яко грядетъ на вы пагуба; тѣмже снѣдятъ дому своего плоды, и своа нечистоты насытятся<sup>6</sup>.

Княженіе Святополче. Святополкъ же окаанный нача княжити въ Кіевѣ, Ярославу же еще не вѣдушу о отца своего смерти, се же бѣ еще прежде убіенія Глѣбова. О враждѣ Ярославли (на) Новгородци. Ярославу бо сущу въ Новѣгородѣ, и Варязи бяху мнози у него, и насиліе творяху Варязи Новгородцемъ и женамъ ихъ. И вѣставше Новгородци, избыша Варягы въ дворѣ Парамони, и разгнѣвася Ярославъ, и шедъ на Ракомо сѣде въ дворѣ; и посла къ Новгородцемъ и рече: «уже мнѣ сихъ не крѣсити». И позва къ себѣ нарочитыя мужи, иже бяху сѣклы Варягы, и оболстивъ а, иссѣче 1000 мужъ, а иныа бѣжаша изъ града. Въ ту же ноцъ прииде къ нему вѣсть ис Кіева, отъ Предъславы, сестры его: «отецъ ти умерлъ, а Святополкъ сѣде въ Кіевѣ, убилъ Бориса, а на Глѣба послалъ, а ты блюдися его по велику.» И се слышавъ Ярославъ, печаленъ бысть по отци и по братіи; заутра же съобравъ остатокъ Новгородцевъ Ярославъ, и сътвори вѣче на поли, и рече къ нимъ: «о милая и любимаа дружино, юже вчера избихъ въ безуміи моемъ! а нынѣ надобны, золотомъ быхъ купити.» И утеръ слезъ, рече имъ на вѣчи: «братіе мои! отецъ мой умерлъ есть, а Святополкъ сѣдитъ въ Кіевѣ, избиваа братію

(1) Въ подлинникъ: други. (2) Тамъ же: таже. (3) Тамъ же: глѣбомъ. (4) Тамъ же: жити. (5) Тамъ же: силне. (6) На этомъ словѣ, находящемся въ рукописи на оборотѣ 44-го листа, прерывается статья; продолженіе ея помѣщено сначала на л. 52-мъ и на оборотѣ этого листа, потомъ на оборотѣ 52-го листа и на листѣ 55-мъ и наконецъ на листѣ 45-мъ.



1015 свою; хошу на нь поити, потягните по мнѣ.»

1018 И рѣша ему Новгородци: «аще, княже, и братіа наша избита суть, а мы можемъ съ тобою ити.» Ярославъ же нача съвѣкупляти воа<sup>1</sup>, а Глѣбу идушу къ Кіеву и ставшу, якоже выше рѣхъ, на Смядынѣ, и вѣсть присла къ нему Ярославъ о отчи смерти и братни убіеніи<sup>2</sup>. О побѣдѣ Ярославли на Святополка. Святополку же княжашу въ Кіевѣ<sup>3</sup>, въ лѣто 6524, събра Ярославъ воа, Варягъ тысящу, а прочихъ вой 30 тысящъ, и поиде изъ Новагорода на Святополка, нарекъ Бога, и рече: «не азъ почахъ избывати братію, но онъ; да будетъ отместникъ Богъ братіи моеа крове, зане безъ вины проліа кровь Борисову и Глѣбову праведную: егда мнѣ сие же сѣтворить? но суди, Господи, по правдѣ нашей, да скончается злоба грѣшныхъ.» И поиде на Святополка; слышавъ же Святополкъ идуша Ярослава, пристрои бес числа вой, Руси и Печенѣгъ, и изыиде противу къ Любчю. Прииде же Ярославъ, и стаха противу себѣ обаполы Днѣпра, и не смѣаху найти ни сіи на тѣхъ съ сеа страны, ни тѣ на сѣхъ съ тоа стороны, и стоаху 3 мѣсяцѣ, не смѣющеся съступити. Воевода же Святополкъ, именемъ Воличій Хвостъ, отца ихъ Владимира, иже побѣди Радимичи на Пищанѣ, старъ сый, несмыслено нача (ѣ)здѣти подлѣ берега Днѣпра рѣкы, и укаряа Новгородци, глаголаше: «смерди, почто приидосте съ хромцемъ симъ? а вы плотници суще, заставимъ васъ рубити хоромовъ нашихъ.» Се слышавше Новгородци, рѣша Ярославу: «яко заутра перевеземся на нь; аще ли кто не поидеть съ нами, потнемъ его.» И бѣ бо уже въ заморозъ; а Святополкъ стоаше межи двѣма озерома, и всю ночь пилъ бѣ съ боляры своими; и нача Днѣпръ мръзнути. И бѣ нѣкто у Святополка пріатель

Ярославу, и посла къ нему Ярославъ отрокъ свой пощю, и рече къ нему: «онъ си, что ты тому велиши творити? меду варено мало, а дружины много.» И отрече ему пріатель той: «рци тако Ярославу, да аще дружины много, а меду мало, да къ вечеру дати.» И разумѣ Ярославъ, яко въ ночь велить ити сѣщися<sup>4</sup>. Ярославъ же ся заутра (исполчити) повелѣ въсѣмъ воемъ своимъ, и въ ту ночь противу (свѣту) перевезеся на ону сторону Днѣпра; и вышедше на берегъ отринуша лодіи прочь отъ берега, и въ тои ноци поидоша противу себе на сѣчю. И рече Ярославъ воемъ своимъ: «знаменайтеса, повивайте главы своа убрусци.» И съступишася на мѣстѣ, и бысть сѣча зла, и не бѣ лѣзъ озеромъ Печенѣгомъ помагати, и притиснуша Святополчихъ вой къ озеру, и выступиша на ледъ, и обломыся съ ними ледъ, и нача одолѣвати Ярославъ. Видѣвъ же Святополкъ, побѣже въ Ляхы. И одолѣ Ярославъ, и шедъ сѣдѣ въ Кіевѣ на столѣ отечнѣ и дѣднѣ; бѣ бо тогда Ярославъ 28 лѣтъ.

Въ лѣто 6525. Приидоша Печенѣзи къ Кіеву, и высла противу ихъ Ярославъ, и сѣкошася у Кіева, и едва къ вечеру одолѣ Ярославъ Печенѣгы, и отбѣгоша посрамлени. И заложн Ярославъ тои весны градъ великій Кіевъ, и Златаа врата постави, и церковь святую Софію заложн каменну.

Прихожденіе Болеславле, Латиньско-го князя, на Кіевъ. Въ лѣто 6526. Прииде Болеславъ (съ) Святополкомъ на Ярослава съ Ляхы; Ярославъ же съвукупи Русь, и Варягы и Словяны, поиде противу Болеславу<sup>5</sup> и Святополку, и прииде къ Волиню, и стаха обаполь рѣкы Буга. И бѣ у Ярослава дядка и воевода Блудъ старо(й), иже былъ Владимиру, и нача Блудъ укаряти Болеслава, глаголи:

(1) Въ подлинникъ: своа. (2) На этомъ словѣ, находящемся въ рукописи на 43-мъ листѣ, прерывается статья, и ея продолженіе помѣщено на оборотѣ 44-го листа. (3) Слова: святополку же княжашу въ кіевѣ въ подлинникѣ помѣщены передъ заголовкомъ: о побѣдѣ ярославли. (4) Тамъ же: сящися. (5) Тамъ же: ярославу.



«что ти, прободемъ тростию чрево твое толстое». Бѣ бо Болеславъ великъ и тяжекъ, яко и на кони не могый сидѣти, но бяше смыслень. И рече Болеславъ къ дружинѣ своей: «аще вы сего укора не жаль, то азъ единъ погибну». И всѣдъ на конь, побриде въ рѣку, и по немъ вои его; Ярославъ же не успѣ исполчитися, и побѣди Болеславъ Ярослава, избиша воа его, и воеводу Блуда убиша, и иныхъ множество, а ихже рукама яша, тѣхъ расточи Болеславъ по Ляхомъ. На томъ бою изымаша Моисеа Угрина, брата Георгіева, иже бѣ убитъ съ княземъ Борисомъ; бѣ бо и той слуга Борисовъ, и много пострада въ Лятской землѣ отъ вдовы нѣкыя, млады суща, еяже мужъ, боляринъ сый Болеславъ, убіенъ на семъ бою; Моисей же, по страданіи своимъ, прииде въ Кіевъ, въ Печерскій монастырь, и бысть чюдень старецъ, красень тѣломъ и душею, о немъ же лежать повѣсти въ Отечницѣ Печерскомъ. Болеславъ же вниде въ Кіевъ съ Святополкомъ<sup>1</sup>, и сѣде на столѣ Владимери. И тогда Болеславъ положи себѣ на ложи Предславу, дочь Владимиру, сестру Ярославлю. Ярославъ же убѣже толико съ четырьмя мужи къ Новогороду. И рече Болеславъ: «разведите дружину мою по градомъ на покормъ», и бысть тако. Ярославъ же прибѣже къ Новогороду, и хотяше бѣжати за море, и не дасть ему посадникъ Костянтинъ, сынъ Добрынинъ<sup>2</sup>, и повелѣ въ нощи той вся лодіи Ярославли испросѣчи на Вльхвѣ, дабы нелзѣ въ нихъ Ярославу бѣжати за море, глаголя Ярославу: «хочемъ еще битися по тебѣ з Болеславомъ и Святополкомъ». И начаша и скоти<sup>3</sup> збирати отъ мужа по 4 куны, а отъ старость по 10 гривень, а отъ боярь по 18 гривень, имже бы наняти

Варягъ. И послаша за море, и привелоша 1018  
Варягъ, и вдаша имъ скоть<sup>4</sup>, и съвѣкупи Яро- 1019  
славъ воа многы. Безумный же Святополкъ рече къ своимъ: «еликоже есть Ляховъ по градомъ, избывайте ихъ отай;» и избниша ихъ. Се же увѣдавъ Болеславъ, побѣже по Кіева, поволочивъ Предславу, взя имѣніе Ярославле и сестры его Предславы, и боярь взя съ собою, и пристави къ имѣнію Анастаса Корсунянина, бѣ бо ся ему вѣвѣрилъ лестію<sup>5</sup>, и людей множества веде съ собою, и грады Червеньскыя заа себѣ; и прииде<sup>6</sup> въ свою землю. Святополкъ же нача княжити въ Кіевѣ, и поиде Ярославъ на Святополка, и бѣжа Святополкъ въ Печенѣгы, Ярославъ же сѣде въ Кіевѣ.

Бой третій Ярославу съ Святополкомъ. Въ лѣто 6527. Прииде Святополкъ съ Печенѣгы въ силѣ тяжцѣ на Ярослава; Ярославъ же събра воа многы купно съ наатыми его Варягы, (и) изыиде<sup>7</sup> противу его на Алто, и ста Ярославъ на мѣстѣ, идеже убіенъ бысть Борисъ; и въздѣвъ руцѣ на небо, и помолися, рече: «кровь брата моего въпіетъ (къ) тебѣ, Владыко! мѣсти отъ крови праведнаго, якоже мѣстилъ еси кровь Авелеву, положивъ на Каинѣ стенаніе и трясеніе; тако положи и на семъ окааннѣмъ братоубійци». И помолился, и рече: «братіа моа! аще еста тѣломъ отшла отсюду, но молитвою помозѣта ми на противнаго сего и гордаго убійцу.» И се ему рекшу, поидоша противу себе, и покрывша Летьское поле обои отъ множества вой. И бысть сѣча зла, якоже не бывала такова въ Руси, и за руки емлюще сѣчахуся, и поудоліемъ кровь ручіемъ течаше яко въ время дождевное, и съступишася трижды, и мнози вѣрнии видѣша аггелы, помагающа Ярославу;

(1) Въ подлинникѣ: съ святополковъ. (2) Тамъ же, противъ сего мѣста, на полѣ написано, новымъ почеркомъ: на помочи ярославу сынъ добрыничовъ посадникъ новогор. (3) Тамъ же это слово объяснено на полѣ словомъ: серебро. (4) Тамъ же это слово объяснено на полѣ словомъ: серебро. (5) Тамъ же: съ лестію. (6) Тамъ же: приведе. (7) Тамъ же: взыиде.



1019 и обмъркше біюшеса, бѣ бо туча велика, и громъ<sup>1</sup> изъ неа многъ, и мльнїа часто блистающе, и еликоже мльнїа освѣщаваше, блистахуся оружїа въ рукахъ ихъ; и едва въ глубокъ вечерь одолѣ Ярославъ, а Святополкъ побѣже. И бѣжашу ему, нападе на нь бѣсъ, и вложи въ сердце его страхъ; и разслабѣша кости его, и не можааше на кони сидѣти, носяху его на носилѣхъ; и принесоша его къ Берестїю, бѣгающе съ нимъ, онъ же, гонимъ гнѣвомъ Божиимъ, глаголаше: «побѣдите съ мною, женуть по насъ.» Отроки же его вслахуть противу: егда кто женеть по немъ? и не бѣ никогоже гонящаго, ни женущаго по немъ, и бѣжаху съ нимъ; онъ же лежа въ немоши, и въсхлипывая глаголаше: «охъ, се женуть по насъ, побѣдите<sup>2</sup>.» И побѣже Лятскую землю, гонимъ Божиимъ гнѣвомъ, и побѣже въ пустыню межи Ческую землю и Ляхы, ту испроврѣже злѣ животъ свой: спадѣ съ носилъ. Егоже и по правдѣ, яко неправедна, суду<sup>3</sup> нашедшу на нь, по отишествїи сего свѣта прїаши муки окааннаго Святополка: показаша явѣ посланнаа на нь пагубнаа рана, въ смерть немилостивно вогна<sup>4</sup>, и по смерти немилостивно мучимъ есть, связанъ въ днѣ аду. Есть же могила его и до сего дне въ пустыни, исходитъ изъ неа смрадъ золь. Се же<sup>5</sup> Богъ показа на показанїе княземъ Русскимъ, да аще сице сѣтворять<sup>6</sup>, се слышавше, ту же казнь прїимуть; но и болша сіа<sup>7</sup>, понеже вѣдуще се бывшее сѣтворять такоже злое убійство. 7 бо мстїи прїемъ Каинъ, уби(въ) Авеля, а Ламехъ 70; понеже бо Каинъ не вѣдый мщенїа прїати отъ Бога, а Ламехъ, вѣдый казнь, бывшую на прародителехъ его, сѣтвори убійство. Рече бо Ламехъ (къ) своимъ женамъ: мужа убихъ въ язву мнѣ, и уношу въ вредъ мнѣ; тѣмъ же, рече, 70 мсты есть на мнѣ, понеже, рече, вѣдаа сѣтво-

рихъ. Сей Ламехъ уби два брата Енох(ов)а, поа себѣ женѣ еа; сей же Святополкъ, новой Авимелехъ<sup>8</sup>, иже ся бѣ<sup>9</sup> родилъ отъ прелюбодѣланїа, якоже и Авимелехъ, иже избїи 70 братїи своа, сыны Гедеоновы, послѣди же самого жена з города полужерновомъ уби; тако и сїи бысть окаанный Святополкъ, ему же обою сею горши мука бысть. Ярославъ же сѣде въ Кїевѣ, утрѣ поту съ дружиною своею, показавъ побѣду и трудъ великъ по брату своею, и оттолѣ крамола преста въ Рускую землю, и Ярославъ прїа власть всея Руския земля. О възысканїи тѣла святаго Глѣба, князя Муромскаго. Убіену же бывшу Глѣбови и поврѣжену на пустѣ мѣстѣ межи двѣма колодами, и Господь не оставляетъ своихъ рабъ; якоже рече Давыдъ: съхранитъ Господь вся кости ихъ, ни едина же отъ нихъ не съкрушится. И сему убо святому лежащу долго время, и не остави его Господь въ невѣденїи и въ небреженїи отинудъ пребывать; но показа Богъ мимоходящимъ гостіемъ, овогда убо видѣша стлѣпъ огнень, овогда же свѣща горящаа, и паки пѣнїа аггелска слышаху мимоходяще гостіе, нїи же ловы дѣющеи и скоты пасущеи. Се слышааще и видяще, не бысть памяти ни единому ихъ о възысканїи тѣлесе святаго, дондеже не трѣпя Ярославъ злаго сего убійства, движесе на братоубійцу одного окааннаго Святополка; и браны многы съ нимъ сѣставивъ, и всегда пособїемъ Божиимъ и поспѣшенїемъ святою побѣдивъ: елико брани сѣставивъ съ нимъ, посрамленъ (и) побѣженъ отбѣгааше, дондеже бѣгаа погибе, якоже выше рѣхомъ. Ярославъ же начать въпрашати о тѣлесехъ святою: «како или где положена еста?» И о святѣмъ Борисѣ повѣдаша ему, яко въ Вышегородѣ положень есть, а о святѣмъ Глѣбѣ вси вѣдаху, яко во Смоленсцѣ убїенъ есть, но не вѣдаху, где по-

(1) Въ подлинникѣ: гробъ. (2) Тамъ же: побѣдите. (3) Тамъ же: неправедну сущу. (4) Тамъ же: выгна. (5) Тамъ же: еже. (6) Тамъ же: сѣтворять ему. (7) Тамъ же: прїимуть и болша сіа по. (8) Тамъ же: ново си ламехъ. (9) Тамъ же: бы.



ложенъ есть; и тогда сказаша ему, яже слышаша отъ приходящихъ оттуду, како видѣша свѣтъ и свѣща въ пустѣ мѣстѣ. И то слышавъ Ярославъ, посла на възысканіе ко Смоленску прозвытеры<sup>1</sup>, рече: «яко той есть мой братъ.» И обрѣтоша его, идеже бяху видѣли, и шедше съ кресты честно, и съ свѣщами мнози<sup>2</sup> ми и кадилы, и вложивше въ корабль, и привезоша ѿ, положиша его въ Вышегородѣ, идеже лежитъ тѣло преблагеннаго Бориса; и раскопавше землю, ту положиша его, недоумѣюще бо еще, якоже бѣ<sup>3</sup> лѣпо и честно. Се же пречудно и дивно и памяти достойно, како и koliko лѣтъ лежало тѣло святаго Глѣба, то же неврежденно пребысть ни отъ единого плотоядныхъ звѣрій, или птицъ, или гадъ, не бѣше почернѣло, якоже бо имать обычай тѣлеса мертвыхъ, но свѣтло, и красно, и цѣло, и благовою имуще; тако бо Богу съхраншу своего страдалца тѣло. И не вѣдяху мнози ту лежащу святую страсотръпцу тѣлесе; но якоже рече Господь: не можетъ градъ укрытися врѣху горы стоа, ни свѣщи въжегши спудомъ покрывають, но на свѣтилѣ поставляютъ, да свѣтитъ темныя; тако и си святаа: прослави а Господь свѣтити въ мирѣ, и премногими чюдеса сіати въ великой Русской земли, идеже множество страждущихъ спасени бывають отъ святою и всечестною раку святыхъ страсотръпецъ Бориса и Глѣба. Княженіе Ярославле по смерти Святополчи Владимеричевѣ. Начать же Ярославъ воа дѣлити, старостамъ своимъ по 10 гривенъ, а смердомъ по гривнѣ, а Новгородомъ 10 гривенъ, и отпусти а вся по домомъ; и давъ Новгородомъ правду и уставъ, списавъ грамоту, и рече: «по сему ходите и дрѣжите, якоже списахъ вамъ».

Здѣ пишетъ судебникъ великаго князя Ярослава Владимерича, и потомъ его

дѣтей: Изяслава, Святослава и Всеволо-<sup>1019</sup>  
да, и по нихъ уставъ великаго князя Вла-<sup>1021</sup>  
димира Всеволодича Манамаха, и потомъ царя Костантина великаго; язъ же сіе преминухъ, множества ради.

Еще же молю ваше, братіе, преподобіе и благородіе, чтущихъ и послушающихъ книги сіа, еже аще обрящетъ кто много недостаточное, или неисполненное, да не позазритъ ми: не бо бѣхъ Кіанинъ родомъ, ни Новогорода, ни Владимира, но отъ веси Ростовскихъ областей, и елико обрѣтохъ, толико люботруднѣ написахъ; а елика силѣ моей невозможно, то како могу наполнити, егже не видѣвъ предъ собою лежащаго? не имамъ бо многыа памяти, ни научихся докторскому наказанію, еже съчиняти повѣсти и украшати премудрыми словесы, якоже обычай имутъ ритори; а яже аще Богъ поручитъ въ рудѣ мои, то прввыхъ лѣтъ напоследокъ выпишемъ.

Въ лѣто 6528. Константинъ Добрыничъ бѣше тогда въ Новгородѣ, и разгнѣвася на нь великій князь Ярославъ, и поймавъ поточи его въ Ростовъ; и на третіе лѣто повелѣ убити его въ Муромѣ, на рѣцѣ на Оцѣ. Того же лѣта, 6528, родися великому князю Ярославу сынъ, наречень бысть Владимиръ. Того же лѣта побѣди князь великій Ярославъ Брячислава Изяславича Полотцкаго.

Въ лѣто 6529. Поиде Брячиславъ, сынъ Изяславъ, внукъ Володимеръ, ис Полотска на Новгородъ съ войскомъ, и взя Новгородъ, и люди многы поплѣни; и поймъ Новгородци<sup>3</sup>, имѣніе ихъ, и весь полонъ и скоты, и поиде къ Полотцку опять съ множествомъ плѣна. И пришедшу ему къ Судомирѣ рѣцѣ, великій же князь Ярославъ, дядя его, слышавъ ту вѣсть, и съвѣкупи воа многи, и поиде изгономъ ис Кіева, въ седмый день

(1) Въ подлинникѣ: прозвытеру. (2) Тамъ же бо. (3) На словахъ: новгород, находящихся въ рукописи на 47-мъ листѣ, прерывается статья, и ея продолженіе помѣщено на 55-мъ листѣ.



1021 постыже его ту, и побѣди Брячислава, а Но-  
1024 вогородци отпусти къ Новогороду, и полонь  
у него отъя, елико бѣше Новгородскыа об-  
ласти; а Брячиславъ бѣжа къ Полотску. И  
оттолѣ призва къ себѣ Брячислава<sup>1</sup>, и дасть ему  
два города Вѣсвѣчъ и Видбескъ, и рече ему:  
«буди же съ мною заодно.» И оттолѣ Бря-  
числавъ вѣваше съ великымъ княземъ Яро-  
славомъ вся дни живота своего<sup>2</sup>; бѣ бо Яро-  
славу братаничъ.

О Редедѣ. Въ лѣто 6530. Прииде великій  
князь Ярославъ къ Берестію. Въ си же вре-  
мена брату его князю Мѣстиславу Владиме-  
ровичу сушу Тмутороканю, и поиде на Ка-  
согы. Слышавъ же князь Касожскый, име-  
немъ Редедя, изыиде противу ему, и ставши-  
ма обѣма полкома противъ себе, и рече Ре-  
дедя къ Мѣстиславу: «что ради губити намъ  
люди межи себя? но снидемся сами бороти-  
ся; да аще ты одолѣши мнѣ, то възми имѣ-  
ніе мое, и княгыню мою и дѣти моа; аще  
ли азъ одолѣю, то възму твое все»; и рече  
Мѣстиславъ: «тако буди.» И рече Редедя (къ  
Мѣстиславу: «не оружіемъ бо ся боревѣ, но бор-  
бою»). И сняста ся бороти крѣпко; борущима  
же ся има, нача изнемогати Мѣстиславъ, Ре-  
дедя же начаша одолѣвати ему, бѣ бо великъ  
и силенъ; Мѣстиславъ же начатъ молитися  
пресвятѣй Богородици, и рече: «о пресвятаа  
Богородице! помози ми; аще бо одолѣю се-  
му, съзижду церковь въ имя твое.» И се  
рекъ, удари имъ о землю, и выня ножъ за-  
рѣза Редедю; и шедъ въ землю его, и взя  
имѣніе его, и жену его и дѣти его, и данъ  
положи на нихъ. И пришедшу ему Тмуторо-  
каню, исполни обѣтъ свой, заложилъ церковь  
святыа Богородица, и създа ю, иже стоитъ  
и до сего дне.

Въ лѣто 6531. Поиде Мѣстиславъ съ Коза-  
ры и (съ Ко)согы на великого князя Ярослава.

Въ лѣто 6532. Ярославу сушу въ Новѣгоро-  
дѣ, прииде братъ его Мѣстиславъ изъ Тму-  
тороканя къ Кіеву, и не приаша его Кіане;  
онъ же шедъ сѣде на столѣ въ Черниговѣ.  
О влѣсвѣхъ лживыхъ. По семъ же лѣтѣ<sup>3</sup>  
вѣстарше вѣльсви лживыи въ Суздали, и из-  
бываху старую чадъ бабы, по діаволу учению  
и бѣсованію, глаголюще<sup>4</sup>, яко сѣи дръжать  
губину и жито и голодъ пушаютъ. И бѣ мятежъ  
великъ и гладъ по всей земли той, яко мужу  
своа жена даати, да кормятъ себе, челяди-  
номъ; идоша по Волзѣ вси людѣ въ Болгары,  
и привезоша пшеницу и жито, и тако отъ  
того ожиха. Слышавъ же князь великій  
Ярославъ влѣхвы, прииде изъ Новгорода къ  
Суздали, и изымавъ убійца ты(и) расточи, иже  
бяху бабы избилы, и дома ихъ разграбы, а  
другыа казни; и устави мятежъ въ той землѣ,  
рекъ сиче: «Богъ наводитъ по грѣхомъ нашимъ  
на куюждо землю гладомъ, или моромъ, или  
ведромъ, или иною казнію, а человекъ не вѣсть  
ничтоже, Христосъ Богъ единъ вѣсть<sup>5</sup> на небе-  
сѣхъ.» Слышавъ же Ярославъ Мѣстислава въ  
Черниговѣ, и възвратися ис Суздаля къ Но-  
вгороду, и посла за море по Якуна, по Ва-  
ряжского князя, и по Варягы; и прииде къ  
нему Якунь съ Варягы, бѣ же Якунь съ лѣпѣ<sup>6</sup>,  
а луда у него вся золотомъ окована. И поиде  
Ярославъ съ Якуномъ на Мѣстислава къ Чер-  
нигову; Мѣстиславъ же слышавъ, изыиде про-  
тиву ихъ на сѣчу къ Листвену, и бѣше осень,  
и ту ся срѣтоша. Мѣстиславъ же съ вечера про-  
тивъ нощи исполчивъ дружину свою, и постави  
Сѣверу въ чело противу Варягомъ, а самъ ста съ  
дружиною своею по крылома. И бывши нощи  
рябинной, бысть тма и громъ бываше, и  
молнія и дождь; и рече Мѣстиславъ своимъ:  
«поидемъ на нихъ, то ны есть користь.» И  
поиде Мѣстиславъ и великій князь Ярославъ  
противу себе, и съступишася<sup>7</sup> чело Сѣвера съ

(1) Въ подлинникѣ: ярослава. (2) Тамъ же: твоего. (3) Тамъ же: лѣтъ. (4) Тамъ же: глаголющу. (5) Тамъ же: есть. (6) Тамъ же: слѣпъ. (7) Тамъ же: иступишася въ.



Варягы, и трудишася Варягы съкущи Сѣверу, и посемь наступи Мѣстиславъ съ своими, и нача сѣчи Варягы, и бысть сѣча зла и страшна, яко посвѣтѣаше моленія, тако блѣщашеся оружїе ихъ, и еликоже молнїя освѣтѣаше, толико мечи ведяху, и тако другъ друга сѣкаше, и бѣ гроза велика и сѣча силна. Видѣвъ же ся великій князь Ярославъ, яко побѣжаемъ естъ, побѣже съ Якуномъ, княземъ Варяжескимъ, Якунъ же ту отбѣжа луды своеа златыя; и тако побѣди Мѣстиславъ великого князя Ярослава и Якуна. Ярославъ же приде къ Новогороду, и Якунъ иде за море, и тамо умре. Мѣстиславъ же освѣтавъ заутра и видѣ (въ лежаща) исѣчены отъ своихъ Сѣверу, а отъ великого князя Варягы, тѣхъ бо избїено много, зане бишася въ чело, и рече Мѣстиславъ: «кто сему не радъ? се лежитъ Сѣверянинъ, а се Варягъ, и люды мои цѣлы.» И посла Мѣстиславъ по великого князя Ярослава, глаголя: «сяди на своемъ столѣ въ Кїевѣ, занеже ти еси болшїй братъ; а мнѣ буди си страна.» И не смѣ великій князь Ярославъ ити, дондеже смиришася; бѣша же сѣдяще въ Кїевѣ мужи Ярославли. Того же лѣта родися Ярославу<sup>1</sup> второй сынъ Изяславъ.

Въ лѣто 6534. Великій князь Ярославъ съвѣкупи воа многы, и приде къ Кїеву, и сътвори миръ съ братомъ Мѣстиславомъ у Городца. И раздѣли Русскую землю по Днѣпру: великій князь Ярославъ прїа сю страну, а Мѣстиславъ ону; и начаста жити миромъ и въ братолюбствѣ, и преста усобица и мятежъ, и бысть тишина велика въ Руской земли. Того же лѣта родися третїй сынъ Ярославу, и нарече имя ему Святославъ.

Въ лѣто 6535. Явися знаменїе змїево на небеси, яко видѣти всей землїи.

Въ лѣто 6538. Князь великій Ярославъ Бѣлзы взялъ. Того же лѣта родися Ярославу четвертый сынъ, и нарече имя ему Всеволодъ.

Того же лѣта иде великій князь Ярославъ<sup>2</sup> на 1024 Чудь, и побѣди а, и постави градъ въ свое 1034 имя Юріевъ; и приде къ Новогороду, събра отъ старосты и поповы дѣтей 300 учити книгамъ. Того же лѣта преставися пръвїй архїепископъ Іакымъ Корсунянинъ въ Новѣгородѣ, бѣше же ученикъ его Ефремъ, иже ны учаше. И (въ) се же время умре князь великій Болеславъ въ Лясѣхъ, и бысть мятежъ великъ въ Лятской земли: вѣставше людїе, избыша епископы, и попове, и бояре своя.

Въ лѣто 6539. Великій князь Ярославъ и Мѣстиславъ събраста воа многы, и идоша на Ляхы, и заяста грады Червеньскыя опять, и повоеваша Лядскую землю, и многихъ Ляховъ приведше, раздѣлиша я; великій же князь Ярославъ посади своихъ на Рси, и суть и до сего дни.

Въ лѣто 6540. Великій князь Ярославъ поча города ставити на Рси: Корсунъ, Треполь. И тогда же Улѣпъ изыиде изъ Новогорода на Желѣзнаа врата, и опять мало ихъ приде.

Въ лѣто 6541. Евстафїе Мѣстиславичъ умре.

О СМЕРТИ Мѣстиславли, брата Ярославля. Въ лѣто 6542. Князь великій Мѣстиславъ ВолодимERICЪ Черниговскїй изыиде на ловъ, и тамо разболѣся, и умре; и положиша его въ Черниговѣ въ святѣмъ Спасѣ, егоже самъ заложилъ; бѣ бо въздѣлано при немъ възвыше яко на кони досяч(и) стоа. Бѣ же убо Мѣстиславъ дебелъ тѣломъ, а лицемъ чермень, очи великы имѣа, на рати храборъ, и милостивъ, а бояре любя по велику, и имѣнїа не щадѣаше, ни питїа, ни яденїа не бранѣаше, и милостивъ бѣше къ всѣмъ служащимъ ему. По немъ же прїать всю власть его великій князь Ярославъ<sup>3</sup>, и бысть самовластецъ въ Руси. Того же лѣта иде великій князь Ярославъ въ Новогородъ, и посади сына своего Владимира въ Новѣгородѣ, и епископа постави Жиряту; и людемъ на-

(1) Въ подлинникѣ: яславу. (2) Тамъ же: ярославъ. (3) Тамъ же: ярославъ.  
Т. XV.



1034 писа грамоту, рекъ: «по сей грамотѣ дадите  
1043 дань.» Бяше же Ярославъ<sup>1</sup> хромоногъ, но  
умомъ совръшенъ и храборъ на рати, и христі-  
анъ, чтяше самъ книги.

Въ лѣто 6544. Родися Ярославу пятой  
сынъ Вячеславъ. Того же лѣта придоша Пе-  
ченѣзи на Кіевъ; великому же князю Яро-  
славу сущу въ Новѣгородѣ, приде ему вѣсть,  
яко Печенѣзи обстоять Кіевъ; великій же  
князь Ярославъ, събравъ воа многы, Варягы  
и Словяни, приде къ Кіеву веснѣ, и вниде въ  
градъ свой. И Печенѣгъ бес числа видѣвъ,  
великій же князь Ярославъ выступи изъ  
града, исполчи воа своа, и поставы Варягы  
посредѣ, а на правѣй странѣ Кіани, а на лѣ-  
вой странѣ Новгородци, и стаха предъ гра-  
домъ. И Печенѣзи почаша приступати, и  
съступишася на мѣстѣ, идеже есть нынѣ  
святаа Софіа, митрополіа Русскаа, бѣ то<sup>2</sup>  
тогда полъ града, и бысть сѣча зла, и едва  
къ вечеру одолѣ Ярославъ. И побѣгоша Пе-  
ченѣзи разнѣ, и не вѣдаху камо бѣжати сте-  
няху<sup>3</sup>: овѣи топляху(ся) въ Сѣтомли, а инѣи  
же во иныхъ рѣкахъ, а инѣи мнози избіени,  
а прокъ<sup>4</sup> ихъ пробѣгоша и до сего дне.  
Того же лѣта разгнѣвася Ярославъ на брата  
своего меншего Судислава, и всади его пои-  
мавъ въ порубъ въ Пъсковѣ до живота его,  
оклеветанъ бо бѣ къ нему.

Въ лѣто 6545. Съврѣшенъ бысть великій  
градъ Кіевъ, и церковь святая Софіа съврѣшен-  
на; а у града враты Златы. Того же лѣта вели-  
кій князь Ярославъ митрополію устави и двѣ  
церкви постави, на Златыхъ воротѣхъ Благо-  
вѣщеніе и святаго мученика Георгіа, октября  
26, и ины многы церкви постави, а монастыря  
устрои. При семъ паче нача вѣра христіанская  
разширится и плодится по всей земли Рус-  
ской.

Въ лѣто 6546. Иде великій князь Ярославъ

къ Кіеву веснѣ; а на зиму ходи на Атъягы,  
и не можаху ихъ взяти.

Въ лѣто 6547. Священна бысть перкви свя-  
таа Богородица митрополитомъ Феопемтомъ,  
яже създа князь великій Владимиръ, отецъ  
Ярослав(л)ъ.

Въ лѣто 6548. Иде Ярославъ<sup>5</sup> на Литву.

Въ лѣто 6549. Иде князь великій Ярославъ<sup>6</sup>  
на Мазовшаны въ лодіахъ.

Въ лѣто 6550. Иде Володимеръ, сынъ  
Ярославъ, изъ Новагорода на Ъмъ, и побѣд(и)  
ихъ, и плѣни множество Ими; и помроша  
кони у вой Владимеровыхъ, яко еще дышу-  
щемъ имъ, здираху<sup>7</sup> кожи съ нихъ съ живыхъ:  
толикъ бѣ моръ на кони.

Ходилъ Володимеръ Ярославичъ на  
Царѣградъ. Въ лѣто 6551. Веснѣ послалъ  
князь великій Ярославъ сына своего Владимира  
на Греки, и далъ ему воа многы, Варягы, Русь,  
а воеводст(в)о поручи Вышатѣ, Яневу отцу. И  
поиде Владимиръ на Царѣградъ въ лодіахъ, и  
прошедше пороги, и пришедше во Дунай, ре-  
коша Русь Владимиру: «станемъ здѣ на поли;»  
а Варязи рекоша: «поидемъ подъ городъ.» И  
послуша Владимиръ Варягъ, и отъ Дунаа  
поиде къ Царуграду съ вои по морю. Греци  
же видѣвши, изыидоша на море, носяще (съ)со-  
бою честныа иконы и кресты, и начаша по-  
гружати въ море пелены Христовы съ мощи  
святыхъ, (и) иконы, и Божіимъ гнѣвомъ възму-  
тися море, и громъ бысть великъ и силенъ и  
бысть буря велика, и начатъ корабли разбы-  
вати, и разби корабли; и княжь корабль  
разбивъ Владимеровъ вѣтръ, и едва Іоаннь  
Творимирикъ князя Владимира всади<sup>8</sup> въ свой  
корабль и воеводу Ярославля. Прочіи же  
вои Владимерови вывержени быша на брегъ,  
числомъ 6000, и стаха на брезѣ нази, и хотя-  
ху поити въ Русь, и не иде съ ними никтоже  
отъ княжѣ<sup>9</sup> дружины. Вышата же воевода,

(1) Въ подлинникъ: ярославъ. (2) Тамъ же: бо. (3) Тамъ же: бѣжати а стеноужи а. (4) Тамъ же: пророкъ. (5) Тамъ же: ярославъ. (6) Тамъ же: ярославъ. (7) Тамъ же: здирати. (8) Тамъ же: всади всади. (9) Тамъ же: отъ княженіе и.



видѣвъ дружину свою стоашу, съжаливси, рече: «не иду ко Ярославу;» и выиде къ нимъ ис корабля и рече Вышата: «азъ иду съ ними; рка: аще живъ буду, (то) съ ними<sup>1</sup>; аще ли погыбну, т(о) съ дружиною;» и поидоша, хотяще въ Русь. И бысть вѣсть Грекомъ, яко избыло море Русь, и то слышавъ царь Манаидій, яко Русь избыло море, и посла царь Коньстантинъ Манамахъ по Руси въ слѣдъ оладій 14 съ дружиною; Владимиръ же видѣвъ съ войскомъ своимъ, яко идутъ по нихъ Греци, и възвратися на нихъ Володимеръ, избивъ вся оладіи Греческыя, и възвратися въ Русь. Вышату же яша съ изврженными на берегъ, и приведоша къ Царюграду, и ослѣпиша Руси много; по трехъ же лѣтѣхъ минувшу и миру бывшу пущень бысть Вышата къ Ярославу и съ инѣми въ Русь. Тои же осени вѣдѣсть князь великій Ярославъ сестру свою за Казимира Болеславича Лятского. И въ та лѣта обидяше Мязавецкій князь Моиславъ Казимира, и ходи Ярославъ дваши на Мазовшаны въ лодіахъ, и рече Казимиру: «егда отецъ твой побѣдивъ мене и плѣнилъ люди моа за ся, то дай ми ихъ за вѣно.» И събра Казимиръ люди Ярославлихъ полоненихъ 800 человекъ, кромѣ женъ и дѣтей, и вѣда за вѣно Ярославу, шурина своему. Сей же Казимиръ Болеславичъ вѣдѣсть свою сестру за князя Изяслава Ярославича.

Въ лѣто 6552. Выгребоша два князя, Ярополка и Олга Святославичевъ, Володимера великого братію, и крестиша кости ихъ, и положиша ихъ въ церкви святаа Богородица въ Володимерѣ. Того же лѣта ходилъ Ярославъ на Литву; а на весну заложи Новгородъ<sup>2</sup>, и здѣла его. Того же лѣта умре князь Брячеславъ Полотскій, сынъ Изяславъ, внукъ великого князя Владимира; и по немъ сѣде на столѣ его Полотцку сынъ его Всеславъ, егоже роди мати отъ влѣхванія; мат(ер)и бо

родивши его, бѣ ему на главѣ яма; и рекоша 1043 влѣсви матери его: «се<sup>3</sup> язвено навязи на 1052 нь, да носитъ до живота своего Всеславъ на себѣ;» сего ради немилостивъ есть на кровопролитіе.

Въ лѣто 6553. Заложи Владимиръ церковь святую Софію въ Новѣгородѣ.

Въ лѣто 6554. Иде Ярославъ<sup>4</sup> третіе на Мазовшаны, и побѣди а, и князя ихъ Моислава уби, и покори землю ту Казимиру, зятю своему, Лятцкому.

Въ лѣто 6557, мѣсяца марта въ 4 день, въ день суботный, съгорѣ церкви святаа Софія въ Новѣгородѣ; бѣше же честно устроена<sup>5</sup> и украшена, 13 вѣрховъ имуща, а стоала конецъ Пискупли улицы, надъ Влѣхвомъ, идеже нынѣ постави Сътокмо<sup>6</sup> церковь каменну Бориса и Глѣба.

Въ лѣто 6558. Священна бысть церкви Софія въ Новѣгородѣ, мѣсяца сентебра 14, на Въздвиженіе честнаго креста, повелѣніемъ князя великаго Ярослава Владимировича Кіевского и всеа Русіи, и сына его, князя Владимира Ярославича, и архієпископа Новгородскаго Луки. Того же лѣта преставися великаа княгиня Ярославля, февраля въ 10 день.

Въ лѣто 6559. Князь великій Ярославъ, събравъ епископы Русскіа, постави митрополита святѣй Софіи Кіеву именемъ Иларіона Русина.

Въ лѣто 6560. Преставися князь великій Володимеръ Ярославичъ Новгородскій въ Новѣгородѣ, мѣсяца сентабря въ 4, въ недѣлю; и положень бысть въ святѣй Софіи, юже създа. Былъ на княженіи 19 лѣтъ, а всѣхъ лѣтъ его 33. О началѣ Печерскаго монастыра. Того же лѣта прииде Антоній изъ Свѣтѣа горы, и нача жити въ печерѣ, юже преже ископа Ларіонъ, егоже поставилъ Ярославъ митрополитомъ. О дѣмественомъ пѣтїи

(1) Въ подлинникѣ: съ ними. (2) Тамъ же: новгорододѣ. (3) Тамъ же: все. (4) Тамъ же: ярославль. (5) Тамъ же: устроенія. (6) Въ Полн. Собр. Лѣт. Т. V, стр. 138: сотко.



1052 на Руси. Того же лѣта приидоша изъ Грекъ  
1059 3 пѣвци съ роды своими въ Кіевъ.

Въ лѣто 6561<sup>1</sup>. Родися Всеволоду Ярославичу сынъ отъ царици Грекини Манамахы, и наречень бысть Владимиръ Манамахъ, дѣднимъ произвищемъ; бѣ бо за Всеволодомъ дщи Греческаго царя Константина Манамаха.

О преставленіи великаго князя Ярослава Владимерича. Въ лѣто 6562. Князь великій Ярославъ прежде своеа смерти призвасыны своа, рече имъ: «се азъ отхожу свѣта сего, сынове мои; имѣйте межи собою любовь, понеже вы есте братіа единого отца и матери. Да аще будете въ любви между собою, Богъ будетъ въ васъ, и покорить<sup>2</sup> вамъ противныя, и будете мирно живуще; аще ли будете въ ненависти живуще, въ распряхъ и которающесе, то погыбнете сами и потеряете землю отецъ вашихъ и дѣдъ вашихъ, иже налѣзоша трудомъ<sup>3</sup> своимъ великимъ; но пребывайте мирно живуще, послушающе братъ брата. Се же поручаю въ себе мѣсто столъ свой старѣйшому брату вашему, а своему сыну, Изяславу Кіевъ, сего же послушайте, якоже послушасте мене, да тотъ вы будетъ въ мене мѣсто; а Святославу Черниговъ, а Всеволоду Переяславъ, а Игореву Володимеръ, а Вячеславу Смоленскъ.» И тако раздѣли имъ грады, заповѣдавъ имъ не преступати въ предѣлы братня, ни изгонити брату брата; и рече къ Изяславу: «аще кто въсхошетъ обидѣти брата своего, то<sup>4</sup> ты помагай, егоже обидятъ»; и тако поучивъ сыны своа пребывати въ любви, и распусти ихъ. Самому же больну сущу, и пришедъ Вышегороду, разболѣся велми. Изяславу сущу тогда княжащу въ Туревъ, а Святославу въ Володимери, а Всеволоду у отца; бѣ бо той любимъ отцемъ паче всеа братіи, егоже имяше всегда<sup>5</sup> у себе. Ярославу

же прispѣ конецъ житіа, и предасть душу свою мѣсяца февраля 20, въ субботу 1 недѣли поста, на память иже во святыхъ отца нашего Лва, папы Римскаго. Всеволодъ же спрятавъ тѣло отца своего, и везоша его къ Кіеву, попове поюще обычныя пѣсни, и плакашася по немъ вси людие; и привезше положиша его въ рацѣ мраморнѣ въ церквѣ святыа Софіа. Живъ же всѣхъ лѣтъ 76. И прииде Изяславъ къ Новгороду<sup>6</sup>, и посади Остромира въ Новѣгородѣ; и иде Остромиръ съ Новгородци на Чюдъ, и убиша его Чюдъ<sup>7</sup>, и паде много съ нимъ Новгородцевъ. И пакы Изяславъ иде на Чюдъ, и взя оськъ Кевидивъ, сирѣчь Солнца рука.

Начало княженія Изяславля Ярославича въ Кіевѣ. Въ лѣто 6563, кругъ солнцу 12, а луны 9, индикта 11. Прииде Изяславъ къ Кіеву, и сѣде на столѣ отца своего въ Кіевѣ, а Святославъ въ Черниговѣ, Всеволодъ въ Переяславѣ, Игорь Володимеръ, Вячеславъ въ Смоленскѣ. Того же лѣта приходи Болушъ съ Половци, и сѣтвори Всеволодъ миръ съ нимъ, и възвратиса Половци въспять, откуда бѣша пришли. Того же лѣта клевета бысть на Новгородскаго архіепископа Луку отъ своего холопа Дудикы, и изыиде изъ Новгорода и иде къ Кіеву, и осуди его митрополитъ Ефремъ; и пребысть тамо 3 лѣта.

Въ лѣто 6565. Преставися князь Вячеславъ<sup>8</sup>, сынъ Ярославъ, въ Смоленскѣ; и посадиша Игоря на Смоленскѣ, виведъ изъ Володимера. Тогда бысть игуменъ Феодосій Печерскій.

Въ лѣто 6566. Князь великій Изяславъ Ярославичъ побѣди Голядъ. Того же лѣта архіепископъ Лука пріа престолъ свой въ Новѣгородѣ и свою власть; Дудицъ же холопу устны и носъ срѣзаша и обѣ рудъ усѣкоша.

Въ лѣто 6567. Князь великій Изяславъ

(1) Въ подлинникѣ: 6061. (2) Тамъ же: покорити. (3) Тамъ же: съ трудомъ. (4) Тамъ же: по. (5) Тамъ же слово: всегда объяснено на полъ словомъ: присно. (6) Тамъ же: къ новгороду. (7) Тамъ же: на чюдъ. (8) Тамъ же: вячеславъ.



Ярославичъ и братіа его Святославъ и Всеволодъ высадиша стрія своего Судислава ис поруба, сѣдившаго въ Псковѣ лѣтъ 24, заводиша его ротѣ, цѣлова крестъ, и бысть чернецъ, и ведоша его къ Кіеву.

Въ лѣто 6568. Преставися князь Игорь Ярославичъ въ Смоленскѣ; княжилъ по братѣ Вячеславѣ три лѣта; и раздѣлиша Ярославичи Смоленскъ себѣ на три части. Того же лѣта преставися архіепископъ Новгородскій Лука, идя ис Кіева, на Копысѣ, мѣсяца октября 15, того же мѣсяца преданъ гробу своимъ клиросомъ, бывшу ему епископомъ 23 лѣта. Се же считаетъ выкладъ лѣта, которіе Лука на столѣ былъ, а тѣхъ не считаетъ, что былъ Лука три лѣта въ Кіевѣ оклеветанъ, а вѣхъ лѣтъ его отъ поставленія до смерти 27; то есть Жирята. А отъ Акыма 3 лѣта владыки не было въ Новѣгородѣ. Того же лѣта князь великій Изяславъ Ярославичъ съ братією Святославомъ Черниговскимъ и Всеволодомъ Переяславскимъ, и съ ними Всеславъ Брячиславичъ Полотскій, съвокупиша воа многы, и поидоша на конихъ и въ лодіяхъ, бесчисленное множество, на Торкы. Се слышавше Торци, пробѣгоша и до сего дня, и помроша бѣгающе, Божіимъ гнѣвомъ гоними, овѣи отъ зимы и отъ глада погыбоша судомъ Божіимъ; и тако избави Господь христіанъ отъ поганныхъ. Того же лѣта князь великій Изяславъ<sup>1</sup> Ярославичъ ходы на Солы, и дань даяти заповѣда 2000 гривень; они же поручышеся, и изгнаша данники, на весну же пришедше повоеваша села около Юріева, и градъ и хоромы пожгоша, и много зла сътвориша, и до Пскова доидоша воюючи; и поидоша противу имъ Псковичи на сѣчу и Новгородци, и паде Русь 1000, а Солъ бес числа.

Въ лѣто 6569. Придоша прѣвое Половци на Русскую землю воевати, Всеволодъ же Ярославичъ изыиде противу имъ, мѣсяца февраля 2

день; и бившимся<sup>2</sup> имъ, побѣдиша Всеволода, 1059 и всевавше отъидоша. Се бысть прѣвое зло 1065 отъ поганныхъ и безбожныхъ врагъ; бѣ же у нихъ князь именемъ Соколь. Того же лѣта поставленъ бысть Новугороду архіепископомъ Стефанъ, а въ Новѣгородѣ лѣта того еще князь Ростиславъ Владимировичъ.

Въ лѣто 6571. Преставися Судиславъ Володимировичъ, братъ Ярославъ, и погребоша его въ церкви святаго Георгія; былъ въ чрьнцехъ 4 лѣта по заточеніи.

Въ лѣто 6572. Князь Ростиславъ Володимировичъ побѣжавъ изъ Новагорода, и съ нимъ бѣжа Порѣй, Вышата, сынъ Остромиръ, воеводы Новгородского; и пришедше къ Тмутороканю, и выгна Глѣба Святославича, и самъ сѣде въ немъ въ его мѣсто, бѣша двою брату дѣти; Святославичъ же Глѣбъ жаловася отцу на Ростислава.

Въ лѣто 6573. Прииде Святославъ<sup>3</sup> Ярославичъ съ сыномъ, княземъ Глѣбомъ, къ Тмутороканю на Ростислава; Ростиславъ же выступи изъ града, и отъиде кромѣ, не убоаяся, ни оружія взяти противу ему. Святосла(въ) же пришедше Тмутороканю посади въ немъ сына своего Глѣба, и възвратися на столъ свой; Ростиславъ же опять пришедъ, выгна Глѣба изъ Тмуторокани, и сѣде самъ, Глѣбъ же иде къ отцу своему. Того же лѣта Всеславъ Брячиславичъ Полотскій рать почалъ: прииде къ Пскову ратию и перси билъ пороки. О знаменіихъ. Въ си же времена явися знаменіе на западѣ, звѣзда превелика, луча имуща кровавы, въсходящи съ вечера по заходѣ солнечнѣмъ<sup>4</sup>, и пребысть за 7 дній; се же проявляше не на добро, посемъ же быша усобицы многы и нашествіе поганныхъ на землю Русскую; сіи бо звѣзда бысть акы кровава, проявляючи кровопродитіе. Чюдо. Того же лѣта въвръженъ бысть дѣтищъ въ

(1) Въ подлинникъ: изяславъ. (2) Тамъ же: бившимся. (3) Тамъ же: святославъ. (4) Тамъ же: слычмъ.



1065 рѣку Сѣтомль, егоже дѣтища вывлекоша ры-  
 1066 болове въ неводѣ. въ Кіевѣ, егоже смотрихомъ  
 весь день до вечера, и паки вѣврыгоша его  
 въ воду, бѣше бо на лицѣ ему срамніи уди,  
 а иного нелзѣ и ска(за)ти срама ради. Прелъ  
 сѣмъ же временемъ солнце премѣнися, и не  
 бысть свѣтло, но акы мѣсяць бѣвъ, егоже  
 невѣгласи глаголють снѣдаему сущу. Сія же  
 бѣвають знаменія не на добро; мы бо по сему  
 разумѣмъ<sup>1</sup>, якоже древле въ Іерусалимѣ (слу-  
 чися) въ царство Антиохова Сирійскаго, сына  
 Селевкова, иже Епифаній тлкуется корень  
 грѣха, осмый по Александрѣ Макидонскомъ.  
 Предъ сего Антиоха нахоженіемъ за 40 днѣй  
 начать являтися въ Іерусалимѣ внезапу на  
 въздухѣ на конихъ рышущимъ, въ оружїи,  
 златы имуща одежда, и полкы обоамы являют-  
 ся<sup>2</sup>, оружіемъ движацимъ; се же проявляше  
 нахоженіе Антиохова и нашествіе рати. По-  
 семъ же при Неронѣ, въ томъ же Іерусалимѣ,  
 восіа звѣзда копейнымъ образомъ; се же имя-  
 ше нахожденіе рати отъ Римлянъ. И паки  
 бысть при Устыніанѣ цари, въ Цариградѣ,  
 звѣзда восіа на западѣ, луча испущающа,  
 юже прозывааху блисталицу, и бысть блис-  
 тающую 20 днѣй, посемъ же бысть звѣздамъ  
 теченіе съ вечера до утра, и мнѣти всѣмъ,  
 яко звѣзды падають, и паки солнце безъ лучъ  
 сіаше; посемъ бо крамолы чловѣкомъ и умер-  
 твіа бѣше. Паки же при Маврикіи цари бысть  
 сице: жена дѣтишь роди безъ очію и безъ  
 рукъ, въ чреслѣхъ ему бѣ рыбей хвостъ при-  
 росль; и песь родися о шти ногъ. Въ Афри-  
 кіи<sup>3</sup> же родистася два дѣтища, единъ о че-  
 тырехъ ногахъ, а другой о дву головахъ. По-  
 семъ же бысть при Константинѣ Копронимѣ,  
 иконоборцѣ, сынѣ Лва Исаврійскаго, теченіе  
 звѣздно бысть на небесѣхъ, отторгаху бо ся  
 на землю, яко видящимъ имъ мнѣти кончину  
 сущу; тогда же и въздухъ възліяся повелику;

въ Сиріи же бысть трусь великъ, земли разсѣд-  
 шися треи поприщъ, изыде дивно и(зъ) земли  
 мѣска, чловѣческимъ гласомъ вѣщаючи,  
 проповѣдаючи нашествіе языка, еже и бысть:  
 наидоша бо Срачины на землю Пала(с)тин-  
 скую. Знаменія бо на небеси, или въ звѣздахъ,  
 или въ солнци, или птицами, или инымъ нѣко-  
 имъ не на добро бываетъ; но сіа знаменія  
 бѣвають на зло, или проявленіе рати, или  
 гладъ, или смерть проявляютъ.

Въ лѣто 6374. Ростиславу<sup>4</sup> Владимировичю  
 Новгородскому сущу Тматораканю, и емлю-  
 щу дань у Касогъ и у иныхъ странъ, сего  
 убоявшеся Греци, послаша къ нему съ лестію  
 Котопана, съ отравою, еже смертвити его; оно-  
 му же пришедшу къ Ростиславу, и бившу<sup>5</sup> ему  
 челомъ въ службу, Ростиславъ же пріять  
 его, и чтише его и (в)вѣрившися ему. Единою  
 же піюшу Ростиславу з боляры своими, и  
 на томъ пиру испи Котопанъ, къ князю рече:  
 «здравъ буди, княже! хошу ти пити»; князь  
 же рече: «пій.» Онъ же испивъ половину, а  
 другую половину дастъ князю пити, дотиснув-  
 ся пальцемъ въ чашу, бѣ бо имѣа подъ ног-  
 темъ раствореніе смертное, и подавъ чашу,  
 рекъ до осмага дне смерть. Бѣ же той пиръ на  
 възвращеніе мощемъ Іоанна Златоустаго.  
 Князь же того не разумѣвъ, испи чашу, Ко-  
 топанъ же тое ноши побѣже, и пришедшу  
 ему въ Корсунъ, повѣдаше, яко въ сій день  
 Ростиславъ умре(тъ), якоже и бысть; и убиша  
 Корсунци Котопана каменіемъ. Бѣ бо Рос-  
 тиславъ мужъ добръ, възрастомъ лѣтъ<sup>6</sup> и  
 лицемъ красенъ, на рати легокъ и храбръ, и  
 милостивъ къ убогимъ; успе мѣсяца февраля  
 въ 3 день, тамо и положень бысть въ церкви  
 святѣа Богородица, юже сздавъ Мьстиславъ  
 Володимеричъ. Того же лѣта князь Всеславъ  
 Полотцкій Брячиславичъ взявъ Новьгородъ  
 и пожже; а потомъ на 3-е лѣто побѣдиша

(1) Въ подлинникъ: не разумѣмъ. (2) Слѣдуетъ читать: полкы объявляющемъ. (3) Въ подлинникъ: въ афракін.  
 (4) Тамъ же: ростиславу. (5) Тамъ же: бившу. (6) Тамъ же: былъ.



Новгородци Всеслава. Бысть же сипе: зартиса Всеславъ и взя Новгородъ, и пожже до Неровского конца; и поима все въ святѣй Софїи, и паникадила и колоколы, отъиде. Ярославичи же тріе, князь великій Изяславъ, и Святославъ, и Всеволодъ, съвокупиша вои, идоша на Всеслава Полотцкаго, зимѣ суци велицѣ; и придоша къ<sup>1</sup> Менску, и Меніане затворишася въ градъ; князи же взяша градъ Менескъ<sup>2</sup> (и) иссѣкоша мужи, а жены и дѣти даша на щитъ. И поидоша къ Немизи, и ту выиде противу ихъ Всеславъ, и съвокупишася обои на Немизѣ, марта 3 день, бѣ бо снѣгъ великъ, и поидоша противу себѣ; и бысть имъ бой великъ и сѣча зла, многы падоша, и одолѣша Ярославичѣ, а Всеславъ побѣже. Посемъ же, мѣсяца іуля въ 10 день, тріе Ярославичи, князь великій Изяславъ, и Святославъ<sup>3</sup> и Всеволодъ, цѣловаша крестъ къ Всеславу, и послаша къ нему, глаголюще: «прииди къ намъ, яко не сътворимъ ти зла.» Онъ же надѣяся на крестное цѣлованіе, иде къ нимъ на Ршу, поиха въ лодыи черезъ Днѣпръ. Изяславу же въ шатеръ предъидушу, а Всеславу по немъ идущу, и яша<sup>4</sup> Всеслава на Рши у Смоленска, преступивше<sup>5</sup> крестъ. Изяславъ<sup>6</sup> же приведе Всеслава къ Кіеву, всади его въ порубъ и съ двѣма сынома. Преступленіе крестное.

Въ лѣто 6576. Придоша иноплеменици, мнози Половци, на Русскую землю, князь же великій Изяславъ и братіа его Святославъ и Всеволодъ изыдоша противу имъ на Алто; и бывши ноши, поидоша противъ себе, грѣхъ ради нашихъ пусты<sup>7</sup> Богъ на ны Половецъ поганыхъ, и побѣгоша Русскіи князи. Великому князю Изяславу къ Кіеву прибѣгшу, а Святославъ къ Чернигову, и людіе Кіевскіи прибѣгоша къ Кіеву, и сътвориша вѣче на торжищи, и рѣша, пославшеся къ князю Изяславу: «а се Половци

разсунулися по земли; дай, княже, оружїе и 1066  
кони, еще бїемся съ ними.» И не послуша ихъ 1068  
Изяславъ. И начаша людіе говорити на воеводу на Косняча; (и) идоша на гору съ вѣща, и придоша на дворъ Коснячевъ, и не обрѣтше его, стаха у двора Брячислава, и рѣша: «пойдемъ, высадимъ дружину свою не погреба.» И раздѣлишася на двое: половина ихъ иде къ погребу, а половина ихъ иде по мосту: сїи же придоша<sup>8</sup> на великого князя дворъ. Великому князю Изяславу сѣдѣшу на сѣнехъ съ бояры своими, и начаша Кіане претиса съ великымъ княземъ. Стоаще(мъ) долѣ, князю великому изъ оконца зряшу, а бояре стояще у князя, рече Туки, братъ Чудинъ, великому князю: «видиши ли, княже, людіе възвыли<sup>9</sup>; послѣ, даждь Всеслава блюдутъ.» И с(е) ему глаголюшу, другаа половина людій прииде отъ погреба, отворивше погребъ и Всеслава высадилша. И рѣша бояре великому князю: «се зло есть; послѣ къ Всеславу, да призвавши сего къ оконцу лестію, и пронзуть его мечемъ;» и не послуша сего князь великій. Людїе же кликнуша, и идоша къ погребу Всеславу; князь же великій (се) видѣвъ, съ Всеволодомъ побѣгоста з двора<sup>10</sup>, людїе же высѣкоша Всеслава не погреба, 15 сентебра, и поставиша его посреде двора великого князя, и дворъ великого князя разграбиша, бесчисленное множество злата и сребра, и купами и бѣлю. Князь же великій Изяславъ бѣжа въ Ляхы къ шуринову сыну, къ Болеславу. Посемъ же Половцемъ воюющимъ по землѣ Русскій, Святославу сушу въ Черниговъ, и Половцемъ воюющимъ около Чернигова, Святославъ же събравъ дружины нѣколько<sup>11</sup>, изыиде на ня къ Сновску; и узрѣша ѿ Половци идуща, бой пристроиша противу. И видѣвъ Святославъ множество ихъ, рече дружинѣ

(1) Въ подлинникѣ: ка. (2) Тамъ же: каменескъ. (3) Тамъ же: святославъ. (4) Тамъ же: яше. (5) Тамъ же: преступивше. (6) Тамъ же: изяславъ. (7) Тамъ же: пусты. (8) Тамъ же: приидоста. (9) Тамъ же: възвеселиша да. (10) Тамъ же: здра. (11) Тамъ же: дружинѣ нѣколько.



1068 своей: «потягнемъ, братиѣ; уже намъ нелзѣ  
1071 дѣти камо ся.» И удариша въ кони, и одолѣ  
Святославъ въ трехъ тысящахъ, а Половецъ  
бѣ 12,000, и тако бѣми, а другыя истопоша  
въ Снови, а князя ихъ яша руками, въ 1  
ноября; и възвратися Святославъ Ярославичъ  
съ побѣдою въ градъ свой Черниговъ. Все-  
славъ же Брячиславичъ сѣде въ Кіевѣ. Се же  
яви Господь Богъ нашъ силу крестную, зане  
князь великій Изяславъ цѣловавъ крестъ и я  
Всеслава, тѣмже наведе Богъ поганья, сего  
же явѣ избави крестъ честный: въ день бо  
Въздвиженія Всеславъ въздхнувъ, и рече: «о  
кресте честный! понеже въ тебе вѣровахъ,  
избави мя отъ рова сего.» Богъ же показа  
силу крестную на показаніе земли Русскѣй,  
да не преступаютъ честнаго креста, цѣловав-  
ше его; аще ли преступитъ кто, то издѣ  
пріиметъ казнь, и на предъидущимъ вѣцѣ  
муку вѣчную пріиметъ, зане велика есть сила  
крестнаа. И сидѣ Всеславъ въ Кіевѣ 7 мѣсяць.  
Того же лѣта иде владыка Стефанъ Новгород-  
скій въ Кіевъ, и тамо свои холопи удавиша его.

Въ лѣто 6577. Поиде князь великій Изя-  
славъ съ Болеславомъ Лятскимъ на Всеслава,  
Всеславъ же поиде противу; и пріиде Все-  
славъ къ Бѣлугороду, и бывши нощи, утаив-  
ся Кіанъ, бѣжа изъ Бѣлгорода къ Полотску.  
Заутра же видѣвши людіе бѣжавша князя,  
възвратившися ко Кіеву и сѣтворивше вѣче,  
послаша къ Святославу въ Черниговъ и къ  
Всеволоду въ Переяславль, глаголюще: «мы  
зло сѣтворихомъ князю своему, прогнавши  
его, а се и ведеть на ны Лятскую землю; а  
пойдѣта въ градъ отца своего; аще ли не  
хочете, то намъ неволя: зажегше градъ свой,  
ступимъ въ Греческую землю.» И рече имъ  
Святославъ: «послевѣ къ брату своему, да  
аще поидетъ на вы съ Ляхы погубиты васъ,  
то мы противу ему ратию идемъ, не дамы бо

погубити града отца своего; аще ли хочеть  
пріити съ миромъ<sup>2</sup>, то въ малѣ пріидетъ силѣ.»  
И утѣшиста Кіаны. Святославъ же и Всево-  
лодъ посласта къ брату Изяславу, глаголюще:  
«Всеславъ<sup>3</sup> ти бѣжалъ, а не води Ляховъ къ  
Кіеву: противня ти нѣту; аще ли хочещи  
гнѣвъ имѣти, погубити градъ, то вѣси, яко  
намъ жаль отца своего стола.» То слышавъ  
Изяславъ, оставы Ляхы, поиде съ Болесла-  
вомъ, мало Ляховъ поимъ; посла же предъ  
собою сына своего Мѣстислава къ Кіеву. И  
пришедъ Мѣстиславъ, и исѣче, иже быша  
высѣкли Всеслава, числомъ 70 мужъ, а дру-  
гыя слѣпи, инымъ носы рѣза, а иныхъ по-  
губи не испытывъ. Великому же князю Изя-  
славу идущу къ граду, изыидоша людіе (съ)  
поклономъ противу, и посадиша князь свой  
въ Кіевѣ; и сѣде князь великій Изяславъ на  
столѣ своемъ, мѣсяца маіа 2 день. И распу-  
сти Ляхы на покормъ, и избывааху<sup>4</sup> Ляхы  
отай, и възвратися Болеславъ<sup>5</sup> въ Ляхы, въ  
землю свою. Изяславъ же възгна торгъ на  
гору; и шедъ прогна Всеслава ис Полотска,  
и посади сына Мѣстислава въ Полотску, онъ  
же скоро ту умре; и посади въ него мѣсто  
другаго сына своего Святополка; Всеславъ  
же бѣжа. Побѣди Всеслава князь Глѣбъ<sup>6</sup> съ  
Новгородци на Гзени, мѣсяца октября 23,  
на память святителя Іакова, брата Господня,  
въ пятокъ, въ 6 часъ дни; и велика бѣ сѣча  
тогда Вожаномъ; а заутра обрѣтесе крестъ  
князя Владимира въ святѣй Софій на пола-  
техъ, егоже взялъ бѣ князь Всеславъ ратию въ  
святѣй Софій.

Въ лѣто 6578. Родися Все(олоду) сынъ, и  
нарекша имя ему Ростиславъ. Того же лѣта  
заложена бысть церкви святаго Михаила, въ  
монастыры Всеволожи на Выдобичи.

Въ лѣто 6579. Повоеваша<sup>7</sup> Половци (у) Рас-  
товца по Деснѣ и у Неатина. Въ се же лѣ-

(1) Въ подлинникѣ: приступитъ. (2) Тамъ же: съ миромъ. (3) Тамъ же: всеславъ. (4) Тамъ же: избывааху.  
(5) Тамъ же: болеславъ. (6) Тамъ же: хлѣбъ. (7) Тамъ же: воеваша.



то выгна Всеславъ Святополка Изяславича изъ Полотска. Въ се же лѣто иде на Всеслава князь Ярополкъ Изяславичъ, и побѣди его у Голотичка. И въ си времена прииде влхвъ, прелщень бѣсомъ; пришедъ бо х Кіеву, глаголаше: «яко явило ми ся есть пять богъ, глаголюще сиче: повѣдай людемъ, яко на пятое лѣто потечетъ Днѣпръ рѣка въспять, а землямъ превращатися и преступати (на) иная мѣста, яко стати Греческой земли (на Руской земли), а Руской на Греческой земли, и прочіимъ землямъ измѣнятися.» Егоже невѣгласи послушааху, вѣрніи же насмѣхуся, глаголюще: «бѣсь тобою играетъ на пагубу тебѣ;» еже и бысть ему, въ едину убо ночь безъ вѣсти бысть. Бѣси бо потокше на зло въводятъ, посемъ же насмѣхаются, вринувъше въ пропасть смертную, научивше глаголати<sup>1</sup>, яко(же се) сказанъ бѣсовское наученіе и дѣйство. Бывши единою скудости въ Ростовѣй области, и вѣстаста два влхва отъ Ярославля, глаголюще: «яко мы вѣдаемъ, кто обиліе дръжить;» и поидоста по Волзѣ, где приидоста въ погость, ту же нарицааху лучшаа жены, глаголюще, яко сїи жито дръжать, а сїи медъ, а сїи рыбы, а сїи скору. И привожааху къ нима сестры своа, и жены своа и матери; они же въ мечтѣ прорѣзываша за плечима, вынимаста изъ за кожїа любо жито, любо<sup>2</sup> рыбы, или виверицу, и убивахуть жены тѣ многы, а имѣнія ихъ възымахуть себѣ. И приидоста на Бѣлоозеро; и бѣ у нихъ людїи 300. Въ си же времена ключися приити отъ Святослава Ярославича дань емлющу Яневи, Вышатину сыну; и повѣдаша ему Бѣлозерци, яко два кудесника избили уже множество женъ по Волзѣ и по Шекснѣ, и пришла еста сѣмо. Янъ же испытавъ, чья еста смерда, и увѣда, яко еста<sup>3</sup> его князя, пославъ къ нимъ иже<sup>4</sup> около ею суть, и рече имъ: «выдайте<sup>5</sup>

влхва та сѣмо, яко смерда моего князя и 1071 моа»; они же сего не послушаша. Янъ же поиде самъ безъ оружіа, и рѣша ему отроки его: «не ходи безъ оружіа, изсоромятъ тя;» онъ же повелѣ отрокомъ своимъ взяти оружіе, и бѣ 12 отрокъ его съ нимъ, и поиде къ нимъ къ лѣсу. Они же сташа, исполчшася противу, а Яневи же идущу съ топоркомъ, и выступиша отъ нихъ три мужи, глаголющи Яневи: «видя идеши на смерть; не ходи». Яневи же повелѣвшу бити<sup>6</sup> а, къ прочіимъ же поиде. Они же сунушася на Яна, и единъ грѣшися Яна топоромъ, а Янъ же обративъ топоромъ удари тыліемъ, и повелѣ отрокомъ сѣщи я<sup>7</sup>, они же бѣжаша въ лѣсъ; и убиша ту попина Янева. Янъ же вшедъ въ градъ, рече Бѣлозерцемъ: «аще не имете влхву сїю, не иду отъ васъ за лѣто.» Бѣлозерци же шедше яша ихъ, и приведоша ихъ къ нему, и рече има Янъ: «что ради толико изгубисте челоувѣкъ?» Они же рекоша: «яко тїи дръжатъ обиліе, да истребивъ, избіевъ сихъ, и будетъ гобино; аще ли хоцещи, то передъ тобою вынемъ жито, или рибу, или иное что?» Янъ же рече: «по истиннѣ лжета; сѣтворилъ бо есть Богъ челоувѣка отъ земля, составленъ костми и жилами и отъ крове, и нѣсть въ немъ ничтоже; а вы не вѣсте ничтоже, токмо Богъ единъ сѣвѣсть.» Они же рекоста: «вѣдаемъ, како есть челоувѣкъ сѣтворень.» Онъ же рече: «како?» Они же рѣша: «Богъ мывся и отресе<sup>8</sup> вѣхтемъ, и сврѣже съ небесе на землю; и распрѣлся сотона съ Богомъ, кому въ немъ сѣтворити челоувѣка? (и сѣтвори діаволъ челоувѣка), а Богъ въ немъ душу воложи; тѣмже аще умретъ челоувѣкъ, въ землю идетъ тѣло, а душа къ Богу.» Рече има Янъ: «по истиннѣ прельстилъ вы бѣсь; коему же вы богу вѣруете?» Они же рѣша: «антихристу.» Онъ

(1) Въ подлинникѣ: глаголаше. (2) Тамъ же: либо. (3) Тамъ же: яко ему. (4) Тамъ же: и иже. (5) Тамъ же: има выдайта. (6) Тамъ же: бити. (7) Тамъ же: е. (8) Тамъ же: состресе.



1071 же (и)ма рекъ: «то гдѣ есть?» Она же рекоста: «сѣдѣть въ безднѣ.» (Онъ же рече): «то есть бѣсъ, а Богъ есть сѣдяй на престолѣ на<sup>1</sup> небеси, славимый отъ аггелъ, иже предстоятъ ему съ страхомъ, не могуще на нь зрѣти; той же зверженъ бысть, егоже вы глаголете антихриста, за величаніе его съврженъ бысть съ небеси, и есть въ безднѣ, якоже вы глаголетъ; и егда придетъ Богъ съ небесе, сего вамъ антихриста свяжетъ узами нерѣшимыми, и посадить въ огни вѣчномъ и съ слугами его (и) иже къ нему вѣрують; вамъ же и здѣ мука пріимати отъ мене, и по смерти тамо.» Онѣма же рекшима: «нами бози повѣдаютъ, не можеша нами сѣтворити ничѣсое.» Онъ же рече имъ: «лжуть вами бози.» Она же рекоста: «намъ предъ Святославомъ стати, а ты намъ не можеша сѣтворити ничѣсое.» Янъ же повелѣ бити<sup>2</sup> ихъ и поторгати брадѣ ею. Сима же біенома, и брадѣ поторганѣ проскъпомъ, и рече имъ Янъ: «что вамъ бози молвятъ?» Онѣма же рекшима: «стати намъ предъ Святославомъ.» И повелѣ Янъ вложить имъ въ уста рубль, и привязати ихъ къ упрюгомъ, и пусти предъ собою въ лоды, и самъ по нихъ поиде. И ста на усть Шексны; и рече има Янъ: «что вамъ бози молвятъ?» Она же рекоста: «сице намъ<sup>3</sup> молвятъ, не быти нами живыма отъ тебе.» И рече имъ Янъ: «то то правду повѣдаютъ.» Она же рекоста: «аще наю пустиши, то много ти<sup>4</sup> добра будетъ; аще наю погубиши, то многу печаль и зло пріимеши.» Онъ же рече: «то аще ваю пушу, то зло ми будетъ отъ Бога; аще ли ваю погубить, мзда ми<sup>5</sup> будетъ отъ Бога.» И рече Янъ къ извозникомъ: «еликому отъ васъ племя побіено отъ сею?» Они же рѣша: мнѣ мати, а другому сестра. Онъ же рече: «мстите родинъ своихъ.» Они же поемше и убиша ихъ, и повѣсиша ихъ на дубѣ, отместіе пріемше отъ

Бога по правдѣ; а Яневи идушу домовъ, и въ другою ноць медвѣдь узрѣвъ, угрызъ ею<sup>6</sup>, снѣсть ихъ; и тако погыбнуста бѣсовскимъ наущеніемъ, инѣмъ видяща и гадающа, а своеа пагубы не вѣдуще. Аще быста вѣдала, то не быста пришли на мѣсто се, идѣже ятома има быти; аще ли ята быста, то почто глаголаста: «не умрѣти нама,» оному мыслящу убити а? Но се есть бѣсовское наущеніе; бѣси бо не вѣдаютъ мысли человѣческыя, но влагають помысль въ человѣка, тайны не свѣдуще. Богъ же единъ вѣсть помышленія человѣческаа, бѣси бо не свѣдаютъ ничѣсое: суть бо немощ(н)и и худы вѣзоромъ. Яко и се скажемъ о взорѣ ихъ и о мраченіи ихъ. Въ си бо времена и въ лѣта приключися нѣкоему Новгородцу пріити въ Чюдъ, и пріиде (къ) кудеснику, хотя влѣхвованія отъ него; онъ же, по обычаю своему, нача призывати бѣсы въ храмину свою. Новгородцу же сѣдящу на празѣ храмины тоа, кудесникъ же лежаше оцепенѣвъ, и шебе имъ бѣсъ; кудесникъ же вѣставъ, рече Новгородцу: «бози не смѣють пріити, нѣчто имаши на себѣ, егоже бояться.» Онъ же помянувъ на себѣ крестъ, и отшедъ постави кромѣ храмины тоа; онъ же начатъ изнова призывати бѣсы, бѣси<sup>7</sup> же метавши имъ повѣдаша, что ради пришелъ есть. Посемъ же начатъ въпрашати его: «что ради бояться, его иже бѣ носимъ на себѣ креста?» Онъ же рече: «то есть знаменіе небеснаго Бога, егоже носиши, и наши бо бози бояться его.» Онъ же рече: «каковы суть бози ваши и гдѣ живутъ?» Онъ же рече: «бози наши живутъ въ безднѣ; суть же образомъ черни и крилати, и хвосты имуще, вѣсходятъ же и подъ небо, слушающе<sup>8</sup> вашихъ богъ; ваши бо бози на небеси суть, и аще кто умреть отъ вашихъ людѣй, то възносимъ есть на небо; аще ли отъ нашихъ людѣй умираетъ, то носимъ есть нашимъ богомъ

(1) Въ подлинникѣ: п на. (2) Тамъ же: быти. (3) Тамъ же: ма. (4) Тамъ же: ты. (5) Тамъ же: ли. (6) Тамъ же: угрызѣвъ. (7) Тамъ же: бѣсъ. (8) Тамъ же: слушающихъ.



бываетъ въ бездну.» Якоже и есть: грѣшници бо въ адѣ суть, ждуще муки вѣчныя, а праведники въ небеснѣмъ жилищи въдваряются съ аггелы. Сипева ти есть бѣсовская сила, и лѣпота, и немощь, тѣмже прелщаютъ чело-вѣкы, веляще имъ глаголати виденія, являющесе имъ, несвършеннымъ вѣрою, являющесе въ снѣхъ, инѣмъ въ мечтѣ, и тако влѣхвуютъ наученіемъ бѣсовскимъ. Паче же женами бѣсовская влѣшвенія бывають: искони бо бѣсъ прелсти жену, сїи же мужа, тако (въ) вся<sup>1</sup> роди много влѣхвуютъ жены чародѣйствомъ, и отравою, и инѣми бѣсовскими козньми. Но и мужи прелщены бывають отъ бѣсовъ невѣрніи; яко се въ прѣвѣа роди при апосто-лѣхъ бысть Симонъ влѣхъ<sup>2</sup>, иже творяше влѣшебствомъ псомъ глаголати челоувѣчески, и самъ прменяшется, овогда старъ, овогда младъ, овогда иного премѣняше во иного образъ, въ мечтаніи сїе творяше; Анни и Замбрій противу Моисею влѣшвеніемъ чюдеса творяху; но и Кинопъ творяше мечтаніемъ бѣсовскимъ, яко и по водамъ ходити, (и) ина мечтанія творяше, бѣсомъ лестимъ, на пагубу себѣ и инѣмъ. Сїцевъ же бѣ влѣхъ всталъ при Глѣбѣ Святославичѣ въ Новѣгородѣ; глаголаше бо людемъ, творяся акы Богъ, и мно-гы прелести, мало не весь градъ, глаголаше бо, яко провидѣ вся, и хуляшетъ вѣру хри-стіанскую, глаголаше бо: «яко преиду (по) Влѣхову предъ всѣми.» И бысть мятежъ великъ въ градѣ, и вси яша ему вѣры, и хотяху по-бити епископа Теодора; епископъ же Теодоръ вземъ крестъ, облѣкся въ ризы, ста, рекъ: «иже хочеть вѣру яти волхву сему, то за нимъ и деть; аще ли вѣруеть къ кресту, да и деть по немъ.» И раздѣлишася на двое: князь Глѣбъ и боляре его сташа у епископа, а людіе вси идоша за влѣхву; и бысть мятежъ межи лю-дѣй. Глѣбъ же вземъ топоръ втай подѣ<sup>3</sup> skutъ,

и прииде къ волхву, и рече ему: «то вѣси ли, 1071 что утро хочеть быти, или что вечеръ?» Онъ 1072 же рече: «вѣмъ все.» И рече Глѣбъ: «то вѣси ли, что ти днесъ<sup>4</sup> хочеть быти?» Онъ же рече: «чюдеса велика сѣтворю.» Глѣбъ же выня топоръ, растя его, и паде мертвъ, и людіе разыдошася; онъ же погыбе душею и тѣломъ, предався діаволу.

Въ лѣто 6580. Поставленъ бысть епископомъ Рост(ов)у Исаіа. О пренесеніи мощемъ свя-тою мученику Бориса и Глѣба. Того же лѣта бысть пренесенію время святыма муче-никомъ Романа и Давыда; съвокупившесе тріе братіа Ярославичи, князь великій Изяславъ, и Святославъ и Всеволодъ<sup>5</sup>, и митрополитъ Ге-оргій Кіевскій, и Неофитъ, епископъ Черни-говскій, Петръ, епископъ Переяславскій, Никита, епископъ Бѣлогородскій, Михайло, епископъ Юріевскій, игумень Феодосій Пе-черьскій, Софроній, игумень отъ святаго Михаила, Германъ, игумень отъ святаго Спа-са, и Николае Переяславскій, и прочіи вси игумени, и попове и діакони, и пришедше съ кресты, и съ кандыли и съ свѣщами многы-ми, идеже лежатъ телесе святою пречестней, и сѣтворивше молитву повелѣша окопати прѣсть, сущую на гробѣ святою. Копаньемъ же имъ, исхождааше благоуханная воня отъ гроба свя-тою; и окопавше изнесоша отъ земля; и приступивъ митрополитъ съ епископы и про-звытеры, съ страхомъ и любовію открь гробъ святую, и видѣша чюдо преславно: телеса святыхъ никакаяже язвы не имуща, но все цѣло, и лица ихъ свѣтло бѣста яко аггела, яко дивитися архіепископу зѣло, и всимъ исполнившимся благоуханія многа. И сѣтво-риша празденство свѣтло, и взявше свя-таго Бориса въ рацѣ деревнѣ князь великій Изяславъ и братіа его, Святославъ Черни-говскій и Всеволодъ Переяславскій, понесо-

(1) Въ подлинникѣ: сїи. (2) Тамъ же: влѣховъ. (3) Тамъ же: пот. (4) Тамъ же слово: днесъ повторено. (5) Тамъ же, по ошибкѣ: мстиславъ.



1072 ша сами на рамѣхъ своихъ, предъидущимъ<sup>1</sup>  
 1073 чрьнцемъ, свѣща дръжаще(мъ) въ рукахъ, и по  
 нихъ діакони съ кандилы, таче и прозвыте-  
 ры, и по сихъ митрополитъ и епископи, и  
 по сихъ ношааху раку; и принесше и пос-  
 тавиша въ но(во)й церкви, юже съдѣла князь  
 великій Изяславъ, яже стоитъ нынѣ. И отвръ-  
 зоша раку, и исполнися церкви благоуханія  
 и воя пречюдны; и вси видѣвше, и просла-  
 виша Бога. Митрополита же обыде ужасъ, бѣ  
 бо нетврду имѣа вѣру къ святыма, и падъ  
 ницъ просяше прощенія; и цѣловавши мощи  
 его, и вложиша въ раку каменну. Посемъ же  
 взявше святаго Глѣба въ рацѣ каменнѣ, вѣста-  
 вивше на сани, и емши (за) ужа<sup>2</sup>, повезоша  
 ѿ; и яко быша въ дверехъ, и ста рака, не  
 поступааше съ мѣста. И повелѣша народомъ  
 звати: «Господи помилуй»; и моляхуся Гос-  
 подеви (и) святыма мученикома, и абіе подви-  
 жесе рака, и повезоша его, и положиша его  
 мѣсяца маіа въ 2 день. И цѣловавше святаго  
 Бориса главу, а святаго Глѣба руку вземъ  
 митрополитъ, и благословяше великого князя  
 Изяслава и братію его, Святослава и Всево-  
 лода; и пакы Святославъ емъ за руку мит-  
 рополита, дръжаща святаго Глѣба ру(ку), и  
 прилагааше къ вреду, имже боляше на шіи,  
 и посемъ къ очима и къ тѣмъ, и пакы  
 положи руку въ гробѣ; и начаша пѣти свя-  
 тую литургію. И рече Святославъ къ Берно-  
 ви: «нѣчто мя на главѣ бодеть<sup>3</sup>»; и сня кло-  
 букъ, и видѣ Бернъ нготъ святаго Глѣба, и  
 снятъ его съ главы и вдасть Святославу; онъ  
 же прослави Бога о благодареніи святыхъ му-  
 ченикъ Бориса и Глѣба. И по литургіи вся  
 братія идоша каждо съ боляры своими, и  
 обѣдаша вкупѣ съ любовію великою, бѣ бо  
 тогда дръжа Вышегородъ Чюдинъ, а церковь  
 Лазоръ, и празноваша празденство свѣтло, и  
 много милостини сътвориша убогимъ; и цѣ-

ловавшесе, мирно разыдошася каждо въ своа-  
 си. И оттолѣ утврѣдися таковой праздникъ  
 мѣсяца маіа въ 2 день, въ славу святыхъ му-  
 ченикъ Бориса и Глѣба. Бѣ же отъ убіенія ею  
 святаго Бориса до пренесенія лѣтъ 57, а свя-  
 таго Глѣба отъ погребенія до пренесенія лѣтъ  
 53, а не погребень былъ 4 лѣта, понеже  
 Ярославъ бѣ воюяся съ Святополкомъ, того  
 ради не възде ему помышленіе о телесехъ  
 святою, токмо о воинственныхъ прележааше.  
 Тако бо многажды случается челоукомъ: о  
 каковѣ либо вещи сътворити отъ всея душа  
 потщаніе, то и самую пищу оставляють, дон-  
 деже мысль свою скончаютъ.

О изгнаніи Изяслави. Въ лѣто 6581.  
 Въздвиге врагъ діаволь вражду въ Ярослави-  
 чехъ. Бывши распри межи ими, быста заединъ  
 Святославъ<sup>4</sup> съ Всеволодомъ на великого кня-  
 зя Изяслава; князь же великій Изяславъ  
 изыиде ис Кіева и бѣжа въ Ляхы, Святославъ  
 же и Всеволодъ вніидоста въ Кіевъ, мѣсяца мар-  
 та въ 22 день, и сѣдоста на столѣ на Бере-  
 стовомъ, преступивше заповѣдь отца своего.  
 Святославъ же бѣ начало выгнанію братню,  
 желаа болшаа власти; Всеволода бо прель-  
 сти, глаголя: «яко Изяславъ единяется<sup>5</sup> съ  
 Всеславомъ, мысля на н(а)ю; да аще его не по-  
 предимъ, имать на<sup>6</sup> прогнати»; и тако възо-  
 стріи Всеволода (на) Изяслава. Изяславъ же  
 иде въ Ляхы съ имѣніемъ многымъ и съ кня-  
 гынею, уповаа богатствомъ многымъ, глаго-  
 ля: «яко симъ налѣзу воа»; еже вся взяша у  
 него Ляхове, показаша ему путь отъ себе. А  
 Святославъ сѣде въ Кіевѣ, прогнавъ брата  
 своего, преступивъ заповѣдь отца своего<sup>7</sup>, ве-  
 ликаго князя Ярослава Володимировича, паче  
 же Божію. Великъ бо есть грѣхъ преступати  
 заповѣдь отца своего: ибо испрѣва преступиша  
 сынове Хамови на землю Симову, по 400 лѣ-  
 тѣхъ пріаша отмщеніе отъ Бога, отъ племе(не)

(1) Въ подлинникѣ: впрѣдидущимъ. (2) Тамъ же: уже. (3) Тамъ же: будетъ. (4) Тамъ же: святославъ. (5) Тамъ же на полѣ это слово обяснено словомъ: сватается. (6) Тамъ же: на ню. (7) Тамъ же: твоего.



бо Симова суть Евреи, иже избыша Хананѣйско племя, и въспріаша свой жребій, свою землю. И пакы преступивъ Исавъ заповѣдь отца своего, и пріа убійство; не добро есть преступати въ предѣлы чюждаго. (О) основаніи церкви Печерскыа каменныа Феодосіе(ва) монастыря, при великомъ князѣ Святославѣ Ярославичѣ на другомъ холмѣ, т. . . и монастырь при . . . , идеже и донынѣ ст . . . . Того же лѣта основана бысть церкви Печерскаго монастыря игуменомъ Феодосіемъ и епископомъ, митрополиту Георгію тогда сущу въ Грецѣхъ, Святославу въ Кіевѣ сѣдящу на великомъ княженіи.

О преставленіи игумена Феодосія Печерскаго. Въ лѣто 6582. Феодосій игумень Печерскый преставися. Скажемъ же и о успеніи его мало. Феодосій бо обычай имѣаше, приходящу постному времени, въ недѣлю сыропустную, вечеръ, по обычаю цѣловавъ братію, поучити<sup>1</sup> ихъ, како проводить постное время въ молитвахъ ношныхъ и дневныхъ, и блюстися отъ лукавыхъ помышлений, отъ бѣсовскаго насѣанія. «Бѣси бо» (рече) «въсѣвають помышленія чрнцемъ, похотѣнія лукава, вжагающе имъ<sup>2</sup> помысли, и тѣмъ врежаемы имъ бывають молитвы; да приходящаа таковыа помысли възбраняйте знаменіемъ креста, глаголюще сиче: Господи Ісусе Христе, Сыне Божій, помилуй насъ, аминь; и къ симъ въздржаніе имѣти отъ многоаго брашна; въ яденіи многѣ и питіи безмѣрнѣмъ възрастають помысли лукави, помысломъ же възрастъшимъ сътворяетъ(ся) грѣхъ. Тѣмже, рече, противитися бѣсовскому дѣйству и проницству ихъ, и блюстися отъ лѣности и отъ многоаго сна, и бодрю быти на пѣніе церковное, и на преданія отческаа, и почитанія книжнаа, паче же въ устѣхъ имѣти псалтырь Давыдовъ, подобаетъ

же черноризцемъ симъ прогонити бѣсовское<sup>1073</sup> уныніе, паче же всего имѣти любовь въ себѣ,<sup>1074</sup> меньшимъ къ старѣйшимъ покореніе и послушаніе, старѣйши(мъ) же къ меньшимъ любовь и наказаніе, и образъ бывати собою въздржаніемъ, и бденіемъ, и хожденіемъ, и смиреніемъ; и тако наказати меншаа, и утѣшати ихъ, и тако проводить постъ.» Глаголаше бо сиче: «яко Богъ намъ даль есть четиридесять днѣй сіа на очищеніе души и тѣлу; се бо есть десятина даема отъ лѣта Богу: днѣй бо есть отъ года до года<sup>3</sup> 365, и отъ сихъ дней десятый день въздаати Богу десятину, еже есть постъ сый 40-ный, въ няже дни очистившися душа, празнуеть свѣтло на Воскресеніе Господне, веселящися о Господи. Постное бо время очищаетъ умъ чловѣку. Пощеніе бо исперва въображено<sup>4</sup> бысть: Адаму пръвое не въкушати отъ древа единого; постивъ же ся Моисей днѣй 40, сподобися пріати законъ на горѣ Синаистѣй и видѣвъ славу Божію; постомъ Анна Самоила роди; постившеся Ниневгитяне Божія избыша гнѣва; постився Даниилъ сподобися великого видѣнія; постився Иліа на колесниці огненѣй взятъ бысть въ пищу породную<sup>5</sup>; постившеся тріе отроци угасиша силу огнену; постився Господь день 40, намъ показа постное время; постомъ апостоли искорениша ученіе бѣсовское; постомъ явившася отци наши (а)кы свѣтила въ мирѣ, иже сіають и по смерти, показавше<sup>6</sup> труды великыя и въздржанія, яко се великій Антоній, и Еуфимій, и Сава, и прочіи отци, имже и мы поревнуемъ, братіе.» И сиче поучивъ братію, (цѣлова) всѣхъ по имени, и тако изыиде изъ монастыря, възимаа мало ковригъ; и вшедь въ пещеру, затворяше двери пещеры, изасыпаше перьстію, не глаголаше никомуже; аще ли будетъ нужное дѣло, то оконцемъ мало побесѣдоваше въ субботу или въ недѣлю, а во ины дни пребываше

(1) Въ подлинникѣ: и поучивъ. (2) Тамъ же: влагающе ему. (3) Тамъ же: до гота. (4) Тамъ же: въображена. (5) Тамъ же: подруною. (6) Тамъ же: показавшу.



1074 въ постѣ и въ молитвахъ, въздрѣжася крѣпко; и  
1075 прихождаше въ монастырь въ пятокъ 6 недѣли на<sup>1</sup> канунъ въскресенія Лазарева, въ си бо день кончается постъ 40-ный, начинаемъ отъ прѣваго понедѣльника наставши Феодоровѣй недѣли, кончается въ пятокъ Лазаревъ, а страстная недѣля уставиена есть поститися страсти ради Господни. Феодосіеви же пришедшу, по обычаю цѣловавъ братію, и празнова съ ними недѣлю<sup>2</sup> цвѣтную, и дошедъ великого дне Въскресенія, по обычаю празнова свѣтло, и впаде въ болѣзнь; разболѣвшю<sup>3</sup> же ся ему (и болѣвшу) днѣй 5, посемъ бывши вечеру, повелѣ изнести ся на дворъ; братія же взявше, на санехъ поставиша прямо церкви. Онъ же повелѣ събрати братію всю; братъ же удари въ било<sup>4</sup>, и събрашася вси; онъ же рече: «братія моа, и отци мои и чада моа! се азъ отхожду уже отъ васъ, якоже яви ми Господь въ постное время, въ пещерѣ сущу ми, изыити отъ свѣта сего; вы же кого хотите имѣти собѣ, да и азъ быхъ благословеніе подаю ему?» Они же рекоша ему: «ты еси отецъ намъ<sup>5</sup> всѣмъ, да егоже самъ изволиши, да той намъ будетъ отецъ и учитель игумень, послушаемъ его яко и тебе.» Отецъ же нашъ Феодосій рече: «шедше кромѣ мене рците кого хотите, отъ старѣйшихъ и до меншихъ.» Они же послушаша его, отступиша мало въ церкви, здумаха и послаха два брата, глаголюще сице: «егоже изволи(тъ) Богъ и твоа честнаа молитва, егоже тебѣ любо, того намъ рци.» Феодосій же рече имъ: «да аще хотите отъ мене пріати игумена, то азъ сѣтворю вамъ не по своему<sup>6</sup> изволенію, но по Божію устроенію.» И нарече имъ Іакова прозвытера; братіи же нелюбъ бысть, глаголюще: «не здѣ постриганъ есть,» бѣ бо Іаковъ пришедь издавеча з братомъ съ Павломъ. И начаша братія просити Стефана демественника, да будетъ имъ

игумень, суща тогда ученика Феодосіева, глаголюще: «яко сей възрасль есть подъ рукою твоею, и уже бѣ послужилъ есть; сего ны въдай.» И рече имъ Феодосій: «се азъ по Божію повелѣнію нареклъ быхъ Іакова; се же вы свою волю творити хотите.» И послуша(въ) ихъ предасть имъ Стефана, да будетъ имъ игумень, и благослови Стефана, рече ему: «чадо, се предаю ти монастырь, блюди съ опасеніемъ<sup>7</sup> его, и яже устроишъ въ службахъ, то дрѣжи, преданія монастырскаа (и) устава не измѣняй, но твори вся по закону и по чину монастырскому.» И посемъ взявше его братія и несоша въ келію, положиша его на одрѣ. И шестому дню наставшу, болну сущу ему велми, прииде къ нему князь великій Святославъ съ сыномъ своимъ Глѣбомъ. Сидящимъ имъ у него, рече ему Феодосій: «се отхожду свѣта сего, се предаю ти монастырь на съблюденіе, еда буде что смятеніе въ немъ; и се поручаю игуменьство Стефану, и не дай его въ обиду.» Князь великій Святославъ цѣловавъ его, обѣщася монастыремъ пещися, и отъиде отъ него. Феодосію же приспѣ конецъ житію, и преставися мѣсяца маіа 3 день, на память святыхъ мученикъ Тимофеа и Маври.

Въ лѣто 6583. Придоша послы изъ Нѣмечъ къ великому князю Святославу, Святославъ же величаяся, показа имъ богатство свое; они же видѣвше множество бесчисленное злата, и сребра и паволокы, и рѣ(ша): «се не въ что же есть, се бо лежитъ мертво, (сего суть) кметіе<sup>8</sup> (лучше), мужи бо ся доишутъ болша сихъ.» Тако бо похвалися Іезекіа, царь Іудейскій, къ посломъ царя Асирійскаго, егоже (вся) взята быша въ Вавилонъ; тако и по сего смерти имѣніе разсыпаса разнѣ. Того же лѣта почата бысть дѣлати церкви камена въ Печерскомъ монастыры игуменомъ Стефаномъ демественикомъ, на основаніе Феодосіево.

(1) Въ подлинникѣ: ни. (2) Тамъ же: въ недѣлю. (3) Тамъ же: разболѣвши. (4) Тамъ же: было. (5) Тамъ же: мой. (6) Тамъ же: по ему ему. (7) Тамъ же: съ спасеніемъ. (8) Тамъ же: и сметіе.



Въ лѣто 6584. Преставися князь великій Святославъ Ярославичъ, декабря 27, отъ рѣзанія жолвій, и положень бысть въ Чръниговѣ въ святѣмъ Спасѣ, княживъ 4 лѣта; и сѣде по немъ на великомъ княженіи братъ его Всеволодъ Ярославичъ.

Въ лѣто 6585. Прииде Изяславъ съ Ляхы на брата своего, великого князя Всеволода; онъ же вышедъ противу его, смирился съ нимъ; и сѣде Изяславъ въ Кіевѣ на великомъ княженіи, іуля 15, на память дѣда своего, а Всеволодъ въ Чръниговѣ. Того же лѣта преставися архіепископъ Новогор(од)скій Феодоръ, уядень отъ своего пса, бывъ на архіепископії 9 лѣтъ.

Въ лѣто 6586. Бѣжа Олегъ Святославичъ Тмуторокани, и приведе Половци, и побѣди Всеволода на Съжалицахъ. Того же лѣта поставлень бысть архіепископъ Новгороду Германъ. Въ то же лѣто Олегъ Святославичъ и Борисъ Вячеславичъ приведоша Половци на Рускую землю<sup>1</sup>, и поидоста на Всеволода къ Чрънигову. Всеволодъ же изыде противу има на Съжалицу, и побѣдиша Половци Русь, и мнози убіени быша ту. Олегъ же и Борисъ приидоста къ Чрънигову, мняще одолѣвша, а земли Русѣй много зла сѣтворивше и крове проливше. Всеволодъ же прииде къ брату своему Изяславу въ Кіевъ, и цѣловавшеся сѣдоста въкупѣ. Всеволодъ же исповѣда брату своему вся бывшаа, что ключися ему; и рече ему Изяславъ: «брате! не тужи; видѣль еси коліко ся зла мнѣ сѣключи: пръвое, не выгнаша ли людіе мои мене, и имѣніе мое разграбиша? пакы же изгнанъ бысть отъ васъ, братіи своей, и блудихъ по чужимъ<sup>2</sup> странамъ, и тамо имѣнія лишень быхъ, и не сѣтворихъ зла никомуже; нынѣ же, брате, не туживъ: аще будетъ намъ причастіе въ Руской земли, то

обѣма нама; аще лишена будевъ, то оба; азъ 1076 сложу главу свою за тя; азъ бо не радъ есмь 1078 злу братіи своей, но добру есмь радъ.» И се рекъ утѣши Всеволода, и повелѣ сѣбирати вой отъ мала и до велика, и бысть вой бес числа; и поиде князь великій Изяславъ съ сыномъ Ярополкомъ и Всеволодъ съ своимъ сыномъ Володимеромъ къ Чрънигову; Чръниговци же затворишася въ градъ; Олга же и Бориса не бѣшетъ въ градъ, Чръниговцемъ же не отворившимся, и приступиша къ граду; Володимиръ же приступи къ восточнымъ воротомъ, и отняша врата, людіе же бѣжаша въ внѣшнѣй градъ. Изяславъ же и Всеволодъ слышаста, яко идетъ Олегъ и Борисъ противу имъ, и уранивше поидоста отъ града противу Олгови. И рече Олегъ къ Борисови: «не ходимъ противу ихъ, не можемъ бо стати противу чѣтыремъ княземъ; но послевъ съ молбою къ стрѣмеа своимъ.» И рече ему Борисъ: «толико ты зри, а азъ противень всѣмъ,» похвалися велми, а не вѣдый, яко Богъ гордымъ противится, смиреннымъ же даетъ благодать; и поидоста противу, и бывшимъ имъ у села на нивѣ на Нежатинѣ, и сѣступившимся обомъ, и бысть сѣча зла, и убиша Бориса, сына Вячеслава, похвалившася велми. Изяславу же стоящу въ пѣщцѣхъ, и внезапно приихавъ единъ, удари его копѣемъ за плеча; и тако убіень бысть князь великій Изяславъ<sup>3</sup>, сынъ Ярославъ, мѣсяца октября 3; такоже и воеводы его побѣдиша, привели бо бяху Половецъ на Рускую землю. Продолживъ же ся сѣчи, и побѣже Олегъ Святославичъ Тмутороканю. Тѣло же великого князя Изяслава взявше везоша въ лоды, и поставиша противу Городца, и изыде противу ему весь градъ Кіевъ, и възложше на сани понесоша съ пѣсньми, и положиша его въ святѣй Со-

(1) На этомъ словѣ, находящемся въ рукописи на об. 64-го листа, прерывается статья; продолженіе ея находится на об. 76-го и на 77-мъ листахъ. (2) Въ подлинникѣ: по чужихъ. (3) Тамъ же: изяславъ.



1078ѣи, въ Кіевѣ; и бысть всѣхъ лѣтъ княженія  
1088 его 24<sup>1</sup>.

Княженіе великого князя Всеволода Ярославича. Въ лѣто 6587. Романъ Свято-славичъ приде съ Половци на великого князя Всеволода Ярославича, на своего дяду, къ Воиню. Князь же великій ста у Переяславля и сѣтвори миръ съ Половци; и възвратися Романъ съ Половци въспять, и бывшу ему<sup>2</sup>, убиша его Половци, августа 2; и суть кости его и до сего дни. А Ольга Святославича, брата Романова, внука Ярослава, еше поточиша за море, къ Цариграду. Князь же великій Всеволодъ посади на Тмуторокани своего на-мѣстника Ратибора.

Въ лѣто 6588. Заратишася Торки; князь великій Всеволодъ посла сына своего Владими-ра, Владимиръ же шедъ побѣди Торки.

Въ лѣто 6589. Давыдъ Игоревичъ, внукъ Изяславъ, и Володаръ<sup>3</sup> Ростиславичъ, внукъ Владимира Новгородскаго Ярославича, сѣдо-ста Тмутороканю.

Въ лѣто 6591. Приде Олегъ изъ Грекъ къ Тмутороканю, и ятъ Давыда Игоревича и Володаря Ростиславича, и сѣде на княженіи Тмутор(ок)ани; и исѣче Козары, иже свѣтні были на убіе(ніе) брата его Романа Святосла-вича и на самого о заточеніи, а Давыда и Володаря пусти.

Въ лѣто 6593. Ярополкъ Изяславичъ хотѣ ити на великого князя Всеволода, онъ же посла противу ему сына своего Володимера изъ Чернигова, Ярополкъ же бѣжа въ Ляхы. Володимеръ же Всеволодичъ посади въ Володимери Давыда Игоревича, а самъ иде къ Луц-ку, и взя его и мать Ярополкову, а великую княгиню Изяславу, и княгиню Ярополчу, и дружину его поймавъ приведе въ Кіевъ.

Въ лѣто 6595. Приде Ярополкъ Изяславичъ изъ Ляховъ, и сѣтвори миръ съ Володимеромъ; и иде Володимеръ въспять къ Чернигову, а Ярополкъ сѣде во Володимери въ Велины. И пребысть мало, и поиде Ярополкъ Изясла-вичъ изъ Володимера къ Звенигороду въ Вели-ны; и не дошедшу ему<sup>4</sup> граду, на пути пробо-день бысть отъ проклятаго Нерадца<sup>5</sup>, отъ діа-вола научена и отъ злыхъ челоуѣкъ; лежа-щу ему на возѣ, саблею<sup>6</sup> съ коня прободе его; тогда въздвигнувся Ярополкъ, выторгъ изъ себе саблю, и рече велимъ гласомъ: «охъ, тотъ<sup>7</sup> мя вороже прободетъ!» И бѣжа треклятый Нерадецъ къ Перемышлю къ Рюрикови Ростиславичю, внуку Владимира Новгородца(го) Ярославича, а Ярополка взявше на носила отроки его, Радко и Воиникъ и иніи, и несо-ша его къ Владимирю, и (от)туду изъ Велины къ Кіеву. И выде противу ему благовѣрный князь великій Всеволодъ съ сынома, съ Во-лодимеромъ и Ростиславомъ, и вси боляре, и митрополитъ Іоанъ<sup>8</sup> и все священство съ нимъ; и положиша его въ раѣ съ честію въ церкви святаго Петра апостола, декабря 5.

Въ лѣто 6596. Святополкъ иде изъ Ново-города къ Турову на княженіе; а въ Новѣ-городѣ сѣде Давыдъ Святославичъ; а Болгари взяли Муромъ. Того же лѣта священна бысть церкви святаго Михаила, монастыря Всеволо-жа, митрополитомъ Іоанномъ.

О пренесеніи мощемъ<sup>9</sup> чюдотворца Ны-колы отъ Миръ<sup>10</sup> въ Баръ градъ, въ лѣто 6596, мѣсяца маіа въ 9 день. Присно убо длѣж-ны есми, братіе, праздники Божіа въ честь дръ-жаты, подобити же ся святымъ его, и подвиж-но искати спасенія, присно испытавши ся, како по образу Божію сѣтворены быхомъ, угоднаа предъ нимъ сѣтворше, якоже блажен-

(1) На этомъ словѣ, находящемся въ рукописи на 77-мъ листѣ, прерывается статья и ея продолженіе на-ходится на оборотѣ 64-го листа. (2) Въ подлинникѣ здѣсь пропущено названіе мѣстности. (3) Тамъ же отъ этого слова сдѣлана выноска на поле; володимеръ. (4) Тамъ же: не дошедшему. (5) Тамъ же: народца. (6) Тамъ же: саблею сего. (7) Тамъ же: то ти. (8) Тамъ же: іоаномъ. (9) Тамъ же: мощи. (10) Тамъ же: отъимуть.



ный сѣтвори, великій (и) словущій архіепископъ Христовъ Николае, егоже трапезы нынѣ<sup>1</sup> хошу вамъ представити, отъ неаже выкусите и видите, яко благъ Господь. Благъ Господь уповающимъ на нь, благъ Господь надѣющимся на нь, благъ Господь любящимъ его, благъ Господь творящимъ волю его, иже бѣ далъ Мирьскому граду и области ихъ, своа щедроты изліа на ня, и чудеса творя дивнаа, исцѣленія неоскуднаа даа, сущимъ въ напастехъ велій помощникъ и заступникъ показася по суху же и по морю, болныа исцѣляа, плѣныа избавляа, слѣпымъ прозрѣніе даа, хромымъ хожденіе, глухимъ слышати, прокаженныа очищаа, бѣсы изгоняа, и всѣмъ всякъ, якоже рече Господь: вѣруай въ мя, дѣла, яже азъ творю, и той сѣтворитъ; якоже и сій угодникъ его, святой архіерей великій Николае. Егдаже благоволи благодать, и человеколюбіе въсія на ны, праведному солнцу въсіаты на ны и благодати отъ Владыкы Вседръжителя, показа имъ въ нынѣшня времена, въ дни и въ лѣта наша, и въ нашу память, чудо преславно и паче ума человека о преподобнѣмъ велицѣмъ архіерей святымъ Николю. Въ тысячное и въ 9 десятъ 6-е лѣто<sup>2</sup> отъ воплощенія самого Бога еже въ человекѣхъ отъ браконенкусомужныа приснодѣвы Богородица Маріа, при цари Гречестѣмъ Алексѣи Комнинѣ, при патріарсѣ Николѣ Константинограда, въ лѣта Рускыхъ князей, христіолюбиваго великаго князя Всеволода Ярославича, въ Кіевѣ, и благороднаго сына его, Владимира Манаха, въ Черниговѣ, въ лѣто отъ сздания мира 6596, судомъ убо Божіимъ и промысломъ Вышняго, нашедшимъ Измалтаномъ на Греческую область обону страну моря, отъ Корсуна поля наченше даже и до Анті(о)хіа и до Іерусалима, по всѣмъ градомъ и селомъ ихъ вся люди сушаа изсѣкоша, и

жены ихъ и чада ихъ плѣниша, имѣніе ихъ 1088 и дома пожгоша, церкви же и монастыря опустѣша, и грады ихъ пріаша въ область свою; тогда же и Лукій<sup>3</sup> сѣтвориша пустъ, въ немже лежа тѣло святаго Николы, тѣло драгое, тѣло всечестное, тѣло чудеса дѣла дивнаа и преславная. Не можаше<sup>4</sup> ли убо преподобный сій мужъ, дабы градъ его и церкви не опустѣла? Но повелѣнію Божію не противяся, но глаголаше: Господи, угоднаа предъ очима твоима сѣворю. Якоже и бысть. Не можаше угодника своего Господь нашъ Ісусъ Христосъ зрѣти на пустѣ мѣстѣ лежаща мощемъ его и ни отъ кого же славимымъ, но якоже есть писано: прославляющихъ мя, рече, прославлю, и о мнѣ хвалящихся възнесу славу ихъ. Бысть убо въ дни сіа прозвитель благовѣренъ въ Барѣ градѣ, Нѣмецкыа области, христіолюбивъ же и праведенъ, сему явился святой Николае, глаголя: «сиди и рци людемъ симъ и всему събору церковному, яко да шедше възмутъ мя отъ Мирскаго града и здѣ положить мя, не могу<sup>5</sup> тамо пребывати на пустѣ, Богу тако изволшу;» и то рекъ отъиде. Утру же бывшу, абіе воста прозвитель, и повѣда всѣмъ людемъ бывшее явленіе святымъ Николю. Си же слышавше, и възрадовашася радостію великою, и глаголаху: «днесь възвеличилъ есть Господь милость свою на людехъ своихъ и на градѣ нашемъ, яко сподобилъ ны есть пріати угодника его святаго Николу.» И ту тако нарядиша мужа благоговѣнны, боящася Бога, въ трехъ кораблехъ ити по святаго. Оны же насыпавше пшеницы, творящеся въ куплю, отъидоша, и пріидоша въ Антіохію, и (с)продавше жито, и всю куплю искупивше имъ, что имъ угодно бѣ. Въсть же пріемше Баряне, яко Венедици ту сущіи хотятъ ити прежде ихъ и взяти мощи святаго Николы, ускориша Баряне, и отъ-

(1) Въ подлинникѣ: вынѣ. (2) Тамъ же противъ этого мѣста на полѣ написано: 1096, 6596. (3) Тамъ же: Лукій. (4) Тамъ же: не можеш. (5) Тамъ же передъ словомъ: могу было написано: по, но потомъ зачеркнуто. Т. XV.



1088 идоша абіе, и приидоша въ Ликію градъ Мирскый, и присташа въ лимени градѣмъ. Сѣвѣтъ же сѣтворше, въземше<sup>1</sup> оружія внидоша въ церковь святаго Николы, и обрѣтоша въ ней 4 черноризци, и въпросиша ихъ, где лежитъ святой Николае? И показаша имъ гробъ, идеже лежаше святой Николае. Они же раскопавше помость церковный, обрѣтоша раку полную мира, и волиаша миро въ корчагы, а мощи его взяша съ радостію, и несоша ѿ въ корабль свой, и отплуша въ море. Два черныца остана въ Мирѣхъ, а два идоста съ мощми святаго Николы; и приидоша въ Баръ градъ обону страну моря<sup>2</sup>. Отъидоша отъ Мирскаго града мѣсяца априля въ 11 день, и приидоша<sup>3</sup> въ Баръ градъ мѣсяца маіа 2 день, въ недѣлю, въ годину вечернюю. Видѣвше же Баряне, яко приидоша съ мощми святаго Николы отъ Муръ, и изыидоша вси Баряне въ стрѣтеніе его, мужи и жены, и отъ мала и до велика, съ свѣщами и теміаномъ, и пріаша съ радостію, съ великою честію, и положиша ѿ въ церкви святаго Іоанна Предтеча примори. Да послушайте, братіа моа, молю вы, колико чудесъ сѣтвори святой Николае дошедъ града Барска. Въ недѣлю бо вечеръ прииде, а заутра въ понедѣльникъ исцѣли 40 и 7 больныхъ, мужъ и женъ, одръжимыхъ различными недугы и болѣзнями: онъ главою, а другой очима, инъ руками и ногама, а другой сердцемъ, или чревною болестію, и всѣмъ тѣломъ страждущихъ отъ духъ нечистыхъ; а въ вторникъ исцѣли 20 и 2 больныхъ, а въ среду исцѣли 29 болящихъ; въ четвертокъ, заутра рано, глуха и нѣма суща, имуща уже 5 лѣтъ въ недузѣ томъ. И посемь явися святой Николае нѣкоему черноризцу духовну сущу, глаголя тако: «волею Божіею приидохомъ къ вамъ въ страну сію.» Въ день недѣльный, въ часъ 9, пріаша исцѣленія 11 человекъ. Еще же

паки творить по вся дни чудеса святой Николае, яко источникъ кыпай и конца не имый. Многа же даанія<sup>4</sup> приношааху къ святому: золото, и серебро и рызы многоцѣнны. Видѣвше же гражане преславная его чудеса, възрадовашася радостію великою зѣло, и сѣздаша ему церковь преславну, и велику и красну сущу, въ имя святаго преподобнаго отца нашего Николы, сковаша и раку ему сребрену и позлашену. Въ 3-е лѣто пренесенія его отъ Муръ послашася къ Римскому папѣ Герману, яко да приидетъ съ своими епископы и со всѣмъ церковнымъ его клиросомъ, и да принесутъ мощи святаго Николы; и вложивша въ раку сребряну, и воземше епископы съ велможамъ ихъ, и принесоша въ новую и великую церковь его, и положиша въ олтари въ сокровищѣ мѣстѣ, мѣсяца мая въ 2 день; принесоша же и ветхій гробъ его, въ немъ же бѣ принесенъ отъ Муръ, и поставивша въ церкви, положиша и кость руки его отъ мощей его; много народъ, людїи приходящїи поклоняхуся, цѣлююще мощей его раку. Римскый же папѣжъ Германъ, и епископъ, и вси гражане и людїе праздникъ великъ сѣтворивша въ той день на похвалу святому, юже творять и до сего дне, и ядоша, и пиша и веселишися въ тѣхъ дни, многа даанія даша убогимъ, и тако отъидоша во дома своя съ миромъ, славяще и хваляще Бога и святаго и праведного угодника его Николу. Намъ же, о преблаженне<sup>5</sup> угодниче Христовъ, милостивъ буди здѣ и въ будущемъ вѣцѣ; на тя бо уповахомъ и молимся, ты бо всѣхъ видимыхъ и невидимыхъ честнѣи явися. Блаженъ по истиннѣ градъ Барскый и церкви его, въ ней же ты възвеличи Господь Богъ, освященъ въ правду, освяти бо ты угодника своего Вышній. Ты бо всѣмъ христіаномъ еси помощникъ и заступникъ, избавляа ны отъ всѣхъ напастей, отъ

(1) Въ подлинникѣ: въземша. (2) Тамъ же: мора. (3) Тамъ же: отъидоша. (4) Тамъ же: дѣанія. (5) Тамъ же, вмѣсто слова: преблаженне, было первоначально написано: преблаженнаа госпоже.



бѣлъ нашихъ. И еще молимъ ти ся, святыи преблженныи угодниче святителю Христовъ Николае, имаши дръзновение къ Владыцѣ молити о насъ, празднующихъ выну память твою, творящихъ пренесеніе твоихъ честныхъ мощей, яко да спасени будемъ твоими молитвами, благодатию и человеколюбіемъ Господа нашего Ісуса Христа, емуже купно подобаетъ слава, и честь, и поклоненіе и велелѣніе съ безначальнымъ его Отцемъ, и пресвятымъ и благымъ и животворящимъ Духомъ, нынѣ и въ некончаемыя вѣки, аминь.

Въ лѣто 6597. Священна бысть церкви Печерская Оеодосіева монастыря митрополитомъ Іоаномъ, Ісаіею, епископомъ Ростовскимъ, и Іоаномъ, епископомъ Черниговскимъ, при великомъ князи Всеволодѣ Ярославичи и при его дѣтехъ, Володимерѣ Черниговскомъ Манамасѣ и Ростиславѣ. Того же году митрополитъ Іоанъ преставися, Ісаіа, епископъ<sup>1</sup> Ростовскій<sup>2</sup>; ищи сего подлинно (въ) Патерицѣ Печерскомъ, идеже о священнии церкви Печерскыа, тамо бо писано есть чюдеса тѣхъ святыхъ отецъ.

Въ лѣто 6598. Янка, дщи великого князя Всеволода, приведе изъ Грекъ митрополита Іоанна скопца. Того же лѣта князь великий Всеволодъ Ярославичъ заложи градъ Переяславъ камень, а преже былъ древянь, а стоялъ 97 лѣтъ; и епископъ Ефремъ заложи въ немъ церковь святаго Михаила архангела.

Въ лѣто 6599. Принесоша мощи игумена Оеодосіа ис пещеры въ монастырь, въ новую церковь, Іоаномъ митрополитомъ. Того же лѣта и преставися митрополитъ Іоанъ скопецъ.

Въ лѣто 6600. Быша устрашенія и мечты бѣсовскыа въ Полотску, при князи Всеславѣ: яко нѣкако баше ходити по улицамъ въ нощи ристаше и стоняше; и кто вылѣзъ ис храма посмотреть, или окно отворяше, напрасно

убіенъ бываше невидимо, и съ того умираше. 1088  
Потомъ же и въ день начаша быти, яздяше 1094  
бо на конехъ невидимо, яко бы мѣти воинства множество, но токмо едины копыта коньскіе видѣти, и тако ураняху челоуѣкы. Сіа же бысть рана по всей области той. Того же лѣта умре Рю(ри)къ Ростиславичъ, внукъ Владимира Ярославича.

Въ лѣто 6601. Преставися князь великий Всеволодъ Ярославичъ, внукъ великого князя Владимира 1-го христіаньского, мѣсяца апріля въ 13 день, на память священномученика Артемона.

Княженіе Святополка Изяславича, внука Ярославича, Михаила. Въ лѣто 6601, мѣсяца апріля 24, на память святаго мученика Савы стратилата, сѣде на великомъ княженіи, въ Кіевѣ, Святополкъ Изяславичъ, внукъ великого князя Ярослава. И пріидоша тогда Половци мнози, и прислаша къ нему о миру послы, онъ же поймавъ ихъ посади въ порубѣ, и начаша Половци воевати; князь же великий Святополкъ Изяслав(ич)ъ и братіа его, Володимеръ Манамасъ и Ростиславъ Всеволодичи, поидоша противу имъ къ Треполю, и перешедъ Стугну, прошедъ Треполь, съступашася межи валовъ, и одолѣша Половци; а князь великий Святополкъ съ братіею побѣгоша. И тогда Ростиславъ бѣжа утопе въ Стугнѣ; тогда же и Владимиръ Всеволодичъ Манамасъ мало не утопе, помагаа брату своему. Сіа же съключися злоба на Вознесеніе Господне, маіа 25, на третіе обрѣтеніе главы Предтечевы. Посемъ же пріидоша Половци къ Кіеву, князь же великий Святополкъ выиде противъ ихъ, и побѣжденъ бысть; и оттолѣ възвращашеся Половци взяша Торческъ.

Въ лѣто 6602. Князь великий Святополкъ помирился съ Половци, и женися у князя ихъ Торканя. Того же лѣта пріиде Олегъ Ярославичъ ис Томуторокани съ Половци Чер-

(1) Въ подлинникѣ: епископъ. (2) Тамъ же послѣ этого слова зачеркнуты слѣдующія слова: іоанъ черниговскій.



1094 нигову, на князя Володимера Всеволодича Ма-  
 1096 намаха. Онъ же сътвори съ нимъ миръ, и иде  
 въ Переяславль, въ свою отчину, а Олегъ сѣде  
 въ Черниговѣ, на столѣ отца своего Свято-  
 слава Ярославича. Егда бо раздѣлишася тріе  
 Ярославичи всею Рускою землею, взя<sup>1</sup> бол-  
 шій, Изяславъ, Кіевъ и Новгородъ и иные  
 грады Кіевского предѣла, рекше западную  
 страну, а Святославу Ярославичу доста-  
 ся Черниговъ и вся страна восточная и до Му-  
 рома, а Всеволоду Переяславль и вся полунощ-  
 ная, Ро(с)товъ и Бѣлоозеро, и все Поволжіе;  
 того ради и прииде Олегъ Святославичъ на Во-  
 лодимера, занеже то быше столъ отца его.

Въ лѣто 6603. Князь великій Святополкъ  
 и Володимеръ Манамахъ идоша на Давыда  
 Святославича къ Смоленску, и вдаша ему  
 Новгородъ. Того же лѣта придоша пруси  
 въ Русь, августа 28. Того же лѣта придоша  
 Половци въ Переяславль, къ Володимеру, на  
 миръ, Итларъ и Китанъ, и поби ихъ Во-  
 лодимиръ и всю дружину ихъ. Посла князь  
 великій Святополкъ и Володимеръ Манамахъ  
 къ Олгу Святославичу Черниговскому, къ  
 третіему своему брату, зовущи его съ собою  
 на Половци; онъ же обѣщася имъ, не иде,  
 а сїи безъ него шедше побѣдиша Половецъ,  
 и поимаша вежи ихъ и полонъ многъ; и от-  
 толъ бысть имъ ненависть на Олга. Того же  
 лѣта Давыдъ Святославичъ, братъ Олговъ, иде  
 изъ Новгорода къ Смоленску; и Новгород-  
 ци послаша по Мстислава Володимерича Ма-  
 намахова въ Ростовъ, и иде къ нимъ. А Изя-  
 славъ Володимеричъ Манамахъ иде изъ Кур-  
 ска<sup>2</sup> къ Мурому, и приаша его Муромци.

Въ лѣто 6604. Князь великій Святополкъ  
 и Володимеръ Всеволодичъ послаша къ Олгу  
 Святославичу въ Черниговъ, зовущи его къ  
 Кіеву, хотяши положить межи себе порядъ  
 предъ Кіаны; онъ же не всхотѣ ити къ нимъ,  
 възбоявся. И поидоша на него ратию къ Чер-

нигову, онъ же выбѣжа въ Стародубъ, и при-  
 шедше оступиша его въ градѣ, и стояша 33  
 дней; онъ же изнемогъ, всхотѣ мира, и даша  
 ему миръ, ркуще: «иди къ брату Давыду, къ  
 Смоленску, и съ нимъ прииди къ Кіеву, и  
 тамо управу положимъ.» Тогда Бунякъ воева  
 у Кіева; а Олга не пріяша Смолняне, и иде  
 къ Мурому. Того же лѣта князь великій Свя-  
 тополкъ и Володимеръ побиша Половецъ у  
 Переяславля; ту же убиша Торканя князя,  
 тестя Святополча. Паки второе прииде Бонякъ  
 къ Кіеву, и многа зла сътвори, и монастырь  
 Печерскій пограби, а чернцы изсѣче, и мно-  
 гы люди изсѣче и поплѣни. Олегъ же Свя-  
 тославичъ отъ Смоленска поимъ воа, иде къ  
 Мурому; и выиде противъ его Изяславъ Воло-  
 димеричъ, и бысть имъ бой, и ту убіенъ  
 бысть Изяславъ Володимеровичъ Манамаховъ; а  
 Олегъ<sup>3</sup> сѣде въ Муромѣ<sup>4</sup>, и поима Ростовци, и  
 Су(з)далци, и Бѣлозерци, и покова ихъ, а самъ  
 шедъ взя Суздаль и Ростовъ. Бой на Колак-  
 шѣ. Слышавъ же то Мстиславъ Володимер-  
 ичъ Манамаховъ въ Новѣгородѣ, что Олегъ  
 Святославичъ, дядя его, брата его Изяслава  
 уби, а Муромъ взя, и Суздаль и Ростовъ его  
 отчину, и посла къ нему изъ Новгорода,  
 глаголя: «поиди въ Муромъ въ свою отчину, а  
 моя отчины останися.» Онъ же того не по-  
 слуша, но хотяше подъ нимъ и Новгородъ  
 пріати, а по земли Ростовской дань поча  
 брати. Поиде же на нь Мстиславъ съ Нового-  
 р(од)ци, и прииде къ Суздаю, а Олегъ бѣжа  
 къ Мурому; а ко Мстиславу прииде помощь  
 отъ отца его Володимера Всеволодича, изъ  
 Руси, братъ Вячеславъ съ Половци. И бысть  
 имъ бой у Суздаля, на Колакши, въ четвертокъ  
 2 недѣли поста; и побѣже Олегъ къ Мурому и  
 къ Рѣзанию, з братомъ Ярославомъ, а Мсти-  
 славъ шедъ по немъ и выгна его оттуду, а гра-  
 ды за себе взя; а Олегъ иде къ Смоленску,  
 и оттуду смирился з братією.

(1) Въ подлинникъ: вся. (2) Тамъ же: из руска. (3) Тамъ же, по ошибкѣ: святополкъ. (4) Тамъ же: в мурѣмѣ.



Въ лѣто 6605. Сидошася вся братіа у Любча на устроєніе мира, князь великій Святополкъ, и Володимеръ Манамахъ, и Давыдъ Игоревичъ Ярославича, Василко Ростиславичъ, Володаревъ братъ, и Святославича два, Давыдъ и Олегъ, и рекоша: «почто губимъ землю Рускую, межи себе творячи которы и брани великіе? а Половци землю нашу несутъ разнo и пусту чинятъ.» И цѣловаша крестъ, яко быти имъ всѣмъ за одинъ, а дрѣжатися комуждо отчины своя, а въ чужее не вѣступатися; и оттолѣ разыдошася князь великій Святыйполкъ къ Кіеву, а съ нимъ Давыдъ Игоревичъ и Василко Ростиславичъ; и яша ту Василка князь великій Святополкъ и Давыдъ Игорев(ич)ъ, и ведше въ Бѣлгородъ ослѣпиша его, и оттолѣ везоша его къ Володимерю Залѣзкому, и ту его посадиша; и повелѣ Давыдъ стрещи его 30 мужемъ; иши сего подливно инде въ лѣтописцѣ. Слышавъ же се Володимеръ Манамахъ, нача тужити о семъ и плакати, и посла по Святославичи, по Давыда и по Олга, и хотяше понти на великого князя Святополка. А князь великій начатъ извѣтъ творити на Давыда Игоревича, рече: «яко тѣмъ мнѣ повѣдалъ: яко хочеть ты убити Василко, а грады твоя взяти себѣ, а сложилъ естъ (съ) Володимеромъ; и язъ своеа головы блюлъ, а слѣпилъ его Давыдъ, а не язъ.» Онѣмъ же въсхотѣвшимъ на него за Днѣпръ, Святополкъ же въсхотѣ бѣжати, и не даша ему Кіане; а къ Володимеру послаша съ молбою мать его, Всеволожу княгиню, и митрополита Николу. Князь же Володимеръ послуша ихъ, и рече имъ: «аще се все зло сѣтворилъ Давыдъ, то шедъ князь великій Святополкъ ими его, или прожени, а мы кровопролитіа не хотимъ.» Князь же великій сиче обѣщася, и тако миръ сѣтвориша. Князь великій Святополкъ Изяславичъ съ Володимеромъ Всеволодичемъ Манамахомъ<sup>1</sup> хотѣ-

ша ити на Давыда<sup>2</sup> Игоревича про Василка, 1097 онъ же посла къ Василку, глаголя: «пошли 1099 къ братіи, да бы на мя не ходили; азъ ти дамъ градъ, кой хочещи.» Онъ же посла къ нимъ<sup>3</sup>, рекъ: «мене ради, братіе, крови не проливайте.» Они же вѣзвратиса. Тое же весны Давыдъ Игоревичъ поиде о Велицѣ дни, хотя пріяти власть Василькову, и срѣте его Володимеръ Ростиславичъ, братъ Василковъ, у Бужска, и не смѣ Давыдъ стати противу ему, и затворися въ Бужскѣ; и ту Давыдъ отпусти Василка, дасть его брату его Володарю Ростиславичу, и сѣде Василко въ Тереховли, а Давыдъ иде къ Володимеру Велинскому. Той же весны Василко и Володимеръ Ростиславичи идоша на Давыда Игоревича, Давыдъ же затворися въ Володимери; они же взяста градъ Всеволожь, и зажгоста его, а людей иссѣкоша. Посемъ же пріидоша къ Володимерю, и оступивше его, и начаша просити Туряка, Лазаря и Василя, яко тѣ намолвили Давыда на ослѣпленіе Василково; и выда ихъ Давыдъ и не хотя, они же повѣсиша ихъ и разстрѣляша, и миръ вѣземше отъидоша. Того же лѣта погорѣ онѣполь, а въ 3 день дѣтинець згорѣ городъ; и Лукину чадъ избыша.

Въ лѣто 6607. Князь великій Святополкъ иде на Давыда Игоревича, онъ же бѣжа въ Ляхы, и тамо дасть Володиславу 50 гривень злата, хотя отъ него помощи; а князь великій такоже посла дары многы. Ляхове же отпустиша, лстяще Давыду: «аще на тя поидеть, мы ти поможемъ.» Онъ же шедъ сѣде Володимери, а князь великій пріиде на него, и стоа седмъ недѣль, Давыдъ же, умоливъ его, выиде изъ града Володимера въ Червень; а князь великій вниде въ градъ Володимеръ въ великую субботу. Прогнавъ же князь великій Святополкъ Изяславичъ Давыда Игоревича, и хотѣ ити на Василка и Володимера Ростиславичевъ,

(1) Въ подлинникѣ: мананамахомъ. (2) Тамъ же: ити на давыда ити. (3) Тамъ же: къ нему.



1099 они же слышавше идоша противу ему. Егда  
1103 бо шель Святополкъ на Давыда, тогда къ  
нимъ крестъ цѣлова, глаголя: «иду на Давыда,  
а съ вами миръ<sup>1</sup> имѣти хочу и любовь;» и  
преступивъ крестное цѣлованіе, надѣяся на  
множество вой. Съступившимъ же ся обѣма  
полкомъ, и Василко възвыси честный крестъ,  
глаголя: «сего еси цѣловалъ;» и мнози же ви-  
дѣша крестъ надъ Василкомъ на облацѣхъ  
възвысившеся велми. И одолѣша Ростиславичи  
Святополку, и не гнаша по немъ, и осташа  
на межи. А князь великій Святополкъ бѣжа  
къ Володимерю, а съ нимъ сынове его Мъсти-  
славъ и Ярославъ, и Ярославъ сынъ Яро-  
полчъ брата его, и Святоша Давыдовичъ Свя-  
тославича; и посади князь великій Святополкъ  
сына своего Мъстислава въ Володимерѣ, а  
сына Ярослава посла по Угры. Въ то же вре-  
мя прииде Давыдъ Ростиславичъ изъ Ляховъ,  
и посади княгиню свою у брата у Володаря,  
а самъ иде въ Половцѣ. Ярославъ Свято-  
полчичъ прииде къ Перемышлю, и воева подъ  
нимъ съ Угры съ королемъ Колманомъ и зъ  
бискупы, и стаха по Вагру около Перемыш-  
ля; а Володаръ Ростиславичъ затворися въ  
градѣ. А братъ его Давыдъ срѣте Боняка, и  
воротися съ нимъ, и въ ночи Бонякъ провы  
волческы, и противъ его мнози вльци отвыша-  
ся, и рече Бонякъ Давыду: «побѣда будетъ на  
Угры заутра.» Бысть же зъ Бонякомъ 300  
Половецъ, а зъ Давыдомъ 100, и раздѣли  
ихъ на три полки, поиде на Угры; и пусти  
изгономъ Алтонопу съ 50 человекъ напередъ,  
а Давыда постави подъ стягомъ въ полкъ  
300 человекъ, а самъ раздѣлился на двѣ части,  
по 50 на сторону. Угры же исполчившеся  
стояху, бѣ же ихъ сто тысячъ, и стаха  
полки промежь себе далече. Алтонопа же  
пригнавъ къ прьвой заставѣ, и пусти на нихъ  
по стрѣлѣ, и побѣже, а она по нихъ погнаша;

яко миноваху Боняка, онъ же нача въ тылъ  
сѣщи ихъ, Алтонопа противу и обратися, и  
такъ избыша ихъ, а прочимъ того невѣдущимъ.  
И такоже и прочаа полкы избыша, повабли-  
ваючи за собою; и избыша ихъ многое множь-  
ство, и бискупа ихъ Тупана убиша, а инѣи  
въ Вагру и въ Сану истопоша, и погнаша  
по нихъ два дни; бѣ же ихъ тогда изышло  
всѣхъ 40,000. Ярославъ же Святополчичъ  
бѣжа въ Ляхы, а Давыдъ Игоревичъ иде  
ис Червеня къ Володимерю на Мстислава  
Святополчича, онъ же затворися въ градѣ,  
и ту устрѣлиша его съ забралы, и тако умре.  
А на Давыда прииде ту Святоша Давыдовичъ  
Черниговского, а съ нимъ Путятя, а Давыду  
спящу въ полдень, и внезапу начаша сѣщи  
вои его; Давыдъ же бѣжалъ въ Половци, и  
срѣтеся съ Бонякомъ, и воротився прииде на  
Святошу къ Луцску, и сътвори Святоша съ  
нимъ миръ, и иде къ отцу, къ Чернигову;  
къ Давыду Святославичу, а Давыдъ вниде  
въ градъ Луческъ, и оттуду иде къ Володи-  
мерю, и сѣде въ немъ, 6608, а во Но(во)го-  
родскомъ 601 постави<sup>2</sup>. Того же лѣта князь  
Мъстиславъ<sup>3</sup> Володимировичъ Манамаховъ за-  
ложи въ Новѣгородѣ церковь каменну Бла-  
говѣщеніе на городищи.

Въ лѣто 6609. Преставися князь Все-  
славъ<sup>4</sup> Брячиславичъ Полотскій, априля 14.  
Того же лѣта заложи Володимеръ Манамахъ  
въ Смоленсцѣ церковь святую Богородицу,  
епископью<sup>5</sup>.

Въ лѣто 6610. Преставися Ярославъ Яро-  
полчичъ. Того же лѣта родися Володимеру  
Манамаху сынъ Андрей, августа 11; даша  
ему имя въ 18 августа, Андрей стратилать.

Въ лѣто 6611. Князь великій Михайло Свя-  
тополкъ, и Володимеръ Манамахъ, и Давыдъ  
Святославичъ, и Давыдъ Всеславичъ, и Мъсти-  
славъ, Игорь(въ) внукъ Ярославича, Ярополкъ

(1) Въ подлинникѣ: мирѣ. (2) Тамъ же въ этомъ мѣстѣ, по видимому, пропускъ. (3) Тамъ же: Мъстиславъ въ.  
(4) Тамъ же: святославъ; слово: всеславъ написано на полѣ. (5) Тамъ же: епископью.



Володимерчѣ Манамаховѣ идоша на Половци за Сутень; и ту пръвое убиша въ сторожехъ Альтонопу, и потомъ ступишася Половци, и поможе Богъ княземъ Рускымъ; и убиша ту единехъ князей 20 числомъ, а имѣніе ихъ взяша. Въ лѣто то же побѣдиша Ярослава Мордва, въ Муромѣ, Святославича. Того же лѣта съврши Мъстиславъ церковъ Благовѣшенія, на городищи, въ Новгородѣ.

Въ лѣто 6612. Прииде митрополитъ Никифоръ въ Кіевъ, декабря 7. Того же мѣсяца 13 преставися Вячеславъ Ярополчичъ Изяславича. Того же лѣта родися великому князю Святополку сынъ Брючиславъ.

Святоша. Въ лѣто 6613. Князь Святоша Давыдовичъ Святославича пострижеся въ чрънци и нарече(нъ) бысть Николае, февраля 17, на<sup>1</sup> память великомученика Оеодора Тирона. Того же лѣта поставлени быша т(р)и епископи: Лазарь Переяславлю, Амфилохіе Володымерю Велиньскому, третій Мина, митрополитомъ Никифоромъ. Того же лѣта идоша Новгородци въ Ладогу воевати, и погорѣша въ Кіевѣ хоромы отъ ручія, мимо Славно, до святаго Иліи.

Въ лѣто 6614. Князь великы Михайло Святополкъ, и Володимеръ Всеволодичъ Манамахъ, и Олегъ Святославичъ, Мъстиславъ, Святославъ, Ярополкъ и Вячеславъ идоша на Половци, на Дунай<sup>2</sup>, и побиша ихъ; и убиша Таза, Бонякова брата, и иныхъ многихъ, а иныхъ много поимаша. Того же лѣта князь Володимеръ Манамахъ жены сына своего Георгія Долгорукого, поня за него Аепину дочь Половчинову, Асенеvu внуку.

<sup>3</sup>Въ лѣто 6615. Трясеся земля, февраля 5.

Въ лѣто 6616. Преставися<sup>4</sup> архіепископъ Новгородскій Никита, мѣсяца генуаря 30; а на весну почаша писати святую Софію, въ Новѣгородѣ, стяженіемъ святаго владыкы. Тои же весны князь великый Святополкъ заложилъ

въ Кіевѣ церковъ архаггела Михаила, злато- 1103  
верху, въ свой аггель. 1113

Въ лѣто 6617. Бысть вода велика въ Днѣпрѣ, и въ Деснѣ, и въ<sup>5</sup> Припеты. Того же лѣта кончаша трапезу въ Печерскомъ манастирѣ.

Въ лѣто 6618. Прииде архіепископъ Иванъ въ Новгородъ, мѣсяца декабря въ 20, поставленъ митрополитомъ Никифоромъ.

Въ лѣто 6619. Князь великый Святополкъ, и Володимеръ Манамахъ, и Давыдъ Святославичъ съ сыномъ Ростиславомъ, и Давыдъ Игоревичъ, Всеволодъ и Святославъ Олговичи, Ярославъ Святополчичъ, Мъстиславъ и Ярополкъ Володимеричи Манамаховы, и просто вся земля Рускаа, кійждо съ своею силою, идоша на Половци, и поимаша грады ихъ Шаруканъ и Зугровъ по Дону. Слышавъ же сіе Половци поидоша противу имъ, и побѣдиша ихъ Русь, марта 24, на потоцѣ Дегеявъ. Паки же, въ 27 марта же, прииде многое множество Половецъ, тмы тмами; и поможе Богъ Рускымъ княземъ. Того же лѣта погорѣ Подоліе въ Кіевѣ, и Черниговъ, и Смоленескъ и Новгородъ. Того же лѣта преставися архіепископъ Черниговскій Иванъ. Того же лѣта Мъстиславъ съ Новгородци ходи на Очелу.

Въ лѣто 6620. Преставися Давыдъ Игоревичъ Смоленского, внукъ великого князя Ярослава.

Въ лѣто 6621. Преставися князь великый Михайлъ Святополкъ Изяславичъ, внукъ великого князя Ярослава, априля 20; и сѣде въ Кіевѣ на великомъ княженіи князь великый Володимеръ Манамахъ Всеволодичъ Ярославича.

Княженіе великого князя Владимера Всеволодича Манамаха. Въ лѣто 6621. Ходи Ярославъ Святополчичъ на Ятвягы; и

(1) Въ подлинникѣ: и на. (2) Въ Полн. Собр. Лѣт. т. I, стр. 120: къ лубву. (3) Тамъ же передъ этимъ написано на поль: трусь. (4) Тамъ же: представися. (5) Тамъ же: вы.



1113 пришелъ съ войны, поятъ дочерь Мѣстисла-  
1119 влю. Того же лѣта побѣди Мѣстиславъ<sup>1</sup> Во-  
лодимеричъ съ Новгородци Чюдъ на бору.  
Того же лѣта князь великій Володимеръ же-  
ни сына своего Романа у Володаря Ростисла-  
вича. Того же лѣта Мѣстиславъ<sup>2</sup> Володимеричъ  
заложилъ въ Новѣгородѣ церковъ святаго Нико-  
лы на торговищи, на княжи дворѣ; и погорѣ  
оньполь, на сей же сторонѣ городъ кромный.

Въ лѣто 6622. Преставился Святославъ Во-  
лодимеричъ<sup>3</sup> Манамаховъ, въ Переяславли.  
Того же лѣта поставилъ Никифоръ митропо-  
литъ Феоктиста епископа Чернигову. Того  
же лѣта Мѣстиславъ Володимеровичъ Мана-  
махъ заложилъ Новгородъ боле прѣваго; а  
посадникъ Ладожскій Павелъ заложилъ городъ  
Ладогу камень. Въ се же лѣто преставился Ро-  
манъ Всеславичъ и Мѣстиславъ, внукъ Игоревъ.

Въ лѣто 6623. Съвокупашася братіа, князи  
Рускіе, въ Вышегородѣ, князь великій Во-  
лодимеръ, Олегъ Святославичъ, и Давыдъ,  
братъ его, и вся Рускаа земля, и освятиша  
церковъ каменну мая 1; а въ 2 день при-  
несоша святыхъ мученикъ Бориса и Глѣба,  
индикта 8. Того же лѣта бысть знаменіе въ  
солнці и погибе августа 1. Того же мѣсяца  
въ 18 преставился Олегъ Святославичъ; а у  
Мѣстислава, въ Новгородѣ, изомроша конѣ  
все и дружины его. Того же лѣта заложилъ  
Войгость церковъ святаго Феодора Тирона,  
апріля 28<sup>4</sup>.

Въ лѣто 6624. Иде Мѣстиславъ Володи-  
меричъ съ Новгородци на Чюдъ, и взя  
Медвѣжу Голову, на 40 святыхъ.

Въ лѣто 6625, марта 17, князь Мѣстиславъ  
Володимеричъ иде изъ Новгорода къ Кіеву,  
къ отцу, княживъ 22 лѣта по Давыдѣ Свя-  
тославичи. И дасть ему отецъ Бѣльгородъ,  
понеже посылалъ по него; а въ Новѣгоро-

дѣ посади сына своего Всеволода на столѣ.  
Того же лѣта бысть знаменіе у святой Со-  
фїи отъ грома, маа 14, въ часть 10; вечерню  
поющимъ, единъ отъ діакъ зараженъ бысть  
отъ грома, а клиросъ весь и люди<sup>5</sup> падоша  
нищъ, но все живи; а на вечеръ бысть зна-  
меніе въ лунѣ. Того же лѣта игумень Антоній  
заложилъ церковъ каменну святую Богородицу  
въ монастырѣ. Того же лѣта преставился Ново-  
городскій посадникъ Добрыня. Того же лѣта  
ходилъ князь великій Володимеръ Манамахъ на  
Ярослава Святополчича, къ Володимеру; онъ  
же доби ему челомъ. Того же лѣта князь  
великій жени сына своего Андреа, поа за  
него внуку Тугурканя, князя Половецкаго.

Въ лѣто 6626. Ярославъ Святополчичъ отсла-  
отъ себе жену свою, дочерь Мѣстиславлю, Во-  
лодимерю внуку; про то поиде на нѣ князь  
великій Володимеръ и з дѣтми къ Володи-  
меру, онъ же убѣже въ Угры, и бояре его  
отступили отъ него. Князь великій же посла въ  
Володимеръ сына своего Романа, онъ же  
преставился тамо; и посади князь великій дру-  
гаго сына, Андрѣа. Того же лѣта преста-  
вился Новгородскій посадникъ Дмитръ За-  
видовичъ, посадничавъ 7 мѣсяць. Того же  
лѣта князь великій Володимеръ Манамахъ и  
сынъ его Мѣстиславъ приведе бояре Ново-  
городскыя къ Кіеву, и заводитъ а честному  
кресту, и пусти а домовъ, а иныа у себе  
остави; и разгнѣвася на ты, оже тѣ грабили  
Даньслава и Ноздречю, и на сочкаго на  
Ставра, и заточи а вся.

Въ лѣто 6627. Повелѣніемъ князя Всево-  
лода Мѣстиславича, внука Манамахова, Ки-  
ріакъ игумень заложилъ въ Новѣгородѣ цер-  
ковъ святаго Георгіа, монастырь Юріевъ. То-  
го же лѣта умре посадникъ Костянтинъ Мои-  
сеевичъ. Того же лѣта свершена бысть церкви

(1) Въ подлинникѣ: мѣстиславъ. (2) Тамъ же: мѣстиславъ въ. (3) Тамъ же: вѣдлодимеричъ. (4) Тамъ же на  
этомъ словѣ, находящемся на оборотѣ 74-го листа, прерывается статья и продолженіе ея помѣщено на  
77-мъ листѣ. (5) Тамъ же: люди.



святаа Богородица, въ Новѣгородѣ, въ манастыри Антонова.

Въ лѣто 6628. Юрій<sup>1</sup> Долгорукій Володимеричъ повоева Болгары; а воевода у него былъ и бояринъ болшей Георгій Симоновичъ, внукъ Африкано(въ), Варяжского князя, брата Якуну слѣпому. Того же лѣта прииде Борисъ посадничать въ Новгородъ.

Въ лѣто 6629. Преставися митрополитъ Никифоръ, бывъ на митрополіи 18 лѣтъ.

Въ лѣто 6630. Прииде на Русь митрополитъ Никита. Того же лѣта преставися княгини Мъстиславля Христина. Того же лѣта оженися Мъстиславъ Володимеричъ<sup>2</sup> въ Кіевѣ, другою женою, поатъ за соба Дмитровну Завидовича, посадника Новгородскаго.

Въ лѣто 6631. Преставися Давыдъ Святославичъ въ Черниговѣ, внукъ Ярославъ, отецъ Святошинъ; и сѣде по немъ въ Черниговѣ братъ его Ярославъ. Того же лѣта оженися Всеволодъ Мъстиславичъ въ Новѣгородѣ. Того же лѣта паде церковь святаго Михаила въ Переяславли, иже заложилъ епископъ Ефремъ; а стояла 34 лѣта. Того же лѣта Ярославъ Святославичъ прииде къ Володимеру на Андрѣа Володимерича Манамахова, съ множествомъ вой, съ Угры и съ Ляхы, и съ нимъ Ростиславичи Володаръ и Василко, и оступиша Андрѣя въ градъ; а князю великому вой събирающу, и не успѣ послати ему помощи изъ Кіева. Ярославу же издася около града, толико самому третію, и претяшу Андрѣеви и гражаномъ, яко заутра възму градъ, и вышедше изъ града два Ляхы, сокрыстася на увозѣ възлѣ пути, удуже ему ити, и яко миноваше ихъ, и они выскочыше прободоша его оскѣпомъ, тоа ноши и умре; а вой его видѣвше разыидошася. На ту жь весну ходи Всеволодъ съ Новгородци на Имь, и побѣди

а; но лютъ быше путь, еже купляхуть по н<sup>о</sup> 1119  
гатѣ хлѣбъ. 1127

Въ лѣто 6632. Преставишася два брата Ростиславичи, Володимеръ и Василько. Того же лѣта, августа 11, предъ вечернею нача убывати<sup>3</sup> солнца, и погыбе все. О великій страхъ! и тма бысть, и звѣзды быша и мѣсяць; и пакы нача пребывати, и вборзѣ исполнися, и ради быша вси людие.

Княженіе великого князя Мъстислава Володимерича Манамахова. Въ лѣто 6633. Преставися князь великій Владимиръ, въ Кіевѣ, Всеволодичъ Манамахъ, внукъ Ярославъ, маа 19, княживъ лѣтъ 13, а живъ всѣхъ лѣтъ 73. И сѣде по немъ въ Кіевѣ сынъ его Мъстиславъ, а другой сынъ Ярополкъ въ Переяслави; а Всеволодъ Мъстиславичъ прииде изъ Новгорода къ отцу въ Кіевъ. <sup>4</sup>Того же лѣта бысть буря велика съ градомъ въ Новѣгородѣ, и хоромы подра и церкви, и скоты истопи въ Вѣховѣ, а иныя одва переимаша живы. Того же лѣта исписаша церковь святаа Богородица въ (О)нтоновѣ манастырѣ.

<sup>5</sup>Въ лѣто 6634. Преставися Никита митрополитъ, бывъ на митрополіи 4 лѣта. <sup>6</sup>Того же лѣта ходи князь Всеволодъ Мъстиславичъ къ отцу въ Кіевъ, и (о)пять прииде отъ отца, изъ Кіева, (въ) Новгородъ, на столъ свой, и посадиша его Новгородци на столѣ февраля 28.

<sup>7</sup>Въ лѣто 6635. Всеволодъ Ольговичъ Святославича выгна дядю своего Ярослава Святославича изъ Чернигова, а дружину его изсѣче (и) изграби; а Ярославъ бѣже хъ Кіеву. Того же лѣта посла<sup>8</sup> князь великій Мъстиславъ братію свою и сыновъ своихъ на Кривичъ; и повоеваша ихъ. <sup>9</sup>Того же лѣта князь Всеволодъ Мъстиславичъ заложилъ церковь каменну святаго Іоанна, въ Новѣгородѣ, на Петрятинѣ дворѣ, въ имя сыновне. Въ то же время паде метылъ густъ

(1) Въ подлинникѣ: приц. (2) Тамъ же: въ Володимеричъ. (3) Тамъ же: убивати. (4) Тамъ же противъ сего на полѣ написано: нов. (5) Тамъ же противъ сего на полѣ написано: кiev. (6) Тамъ же противъ сего на полѣ написано: нов. (7) Тамъ же противъ сего на полѣ написано: кiev. (8) Тамъ же: пожа. (9) Тамъ же противъ сего на полѣ написано: нов.



1127 по земли и по водѣ по двѣ ночи, а по 4  
1132 дни. Того же лѣта обложи Антонъ игумень трапезницу камену въ Новѣгородѣ. Того же лѣта вода велика бысть въ Волховѣ, а снѣгъ быше тогда до Яковля дни, а на осень поби морозъ верешъ<sup>1</sup> всю и озимици; и бысть голодъ черезъ зиму, ржи осминка по полъ гривнѣ.

Въ лѣто 6636. Преставися князь Иванъ Всеволодичъ, внукъ Мъстислава Володимерича, априля 10, въ Новѣгородѣ. Того же лѣта преставися Кириакъ, игумень святаго Георгія. Того же лѣта даша посадничество Завиду Дмитровичу въ Новѣгородѣ. Того же лѣта тяжело быше въ Новѣгородѣ: осминка ржи по гривнѣ; ядыху людѣ листъ липовый, и кору березовую, и инѣи молицъ истолкше, мятучи съ пелми и съ соломою, инѣи ужовой дягиль, мохъ, конину; и бяху мертви по улицамъ и по торгу отъ глада, и по пути, и всюду, и ваяша мертвыхъ возыти наймыти изъ города, а отъ смрада нѣ лзѣ выѣзти. Туга и бѣда на всѣхъ! Отецъ и мати чадо свое дааше гостемъ даромъ, а ово ихъ изомроша, а инѣи разыдошася по чужимъ странамъ; и тако, по грѣхомъ нашимъ, погыбе земля наша. Того же лѣта вода велика быше въ Вльховѣ и хоромъ много разноси. Того же лѣта преставися князь Борисъ Всеславичъ<sup>2</sup> Полоцкій. Того же лѣта написа Константинъ книгу Зерцало, индикта третіаго, кругъ солнцу 23, луны 5. Того же лѣта посадникъ Новгородскій Завидъ умре Дмитровичъ.

Въ лѣто 6637. Преставися Ярославъ Святославичъ въ Муромѣ. Того же лѣта приде ис Кіева Данило посадникъ. Того же лѣта князь великій Мъстиславъ поточи Полотскихъ князей къ Царуграду, Давыда, и Ростислава, и Святослава, и Василиа, Іоанна.

Въ лѣто 6638. Князь великій Мъстиславъ Володимеричъ Манамахъ поплѣни Литву. Того же лѣта сынъ его Всеволодъ съ Новгородци ходи на Чудь, и посѣче ихъ, и хоромы ихъ пожже, а жены ихъ и дѣти ихъ приведе въ полонъ со собою. Того же лѣта кончаша церковь святаго Іоанна. Тогда же идучи изъ заморіа, со Готъ, потопаи людей 7, и сами истопоша и товаръ, а друзіи волѣзоша, но назі; а изъ Дони<sup>3</sup> придоша здрави. Того же лѣта архіепископъ Іоанъ, піанъ, отврѣжеся Новгородскіа епископіа<sup>4</sup>, сѣдѣвъ 20 лѣтъ. И поставиша архіепископа Нифонта, мужа свята и богобоязнива; и приде къ Новогороду, мѣсяца генваря 1 день, на святаго великого Василя, на обѣдню. А Петрилу даша посадничество.

<sup>5</sup>Въ лѣто 6639. Бысть знаменіе въ солнци, въ вечернюю годину, марта 30.

Княженіе Ярополче Манамаховича.  
<sup>6</sup>Въ лѣто 6640, априля 14, преставися князь великій Мъстиславъ Володимеричъ Манамахъ, въ Кіевѣ; по немъ сѣде на столѣ Ярополкъ, братъ его. Того же лѣта ходи Всеволодъ Мъстиславичъ изъ Новагорода, повелѣніемъ Ярополчимъ, и посади его въ Переяславли, посылалъ бо по него, а цѣловалъ къ Новогороду крестъ, «яко хошу у васъ умрети.» И рекоша братія, Юрій и Андрей: «се братъ нашъ Ярополкъ по смерти своей хоцетъ дати Кіевъ Всеволоду Мстиславлю, братану нашему.» И выгониста его ис Переяславля, и приде Всеволодъ опять къ Новогороду; и бысть встанъ велика въ людехъ. И придоша Плесковичи и Ладожане къ Новугороду, и выгониста князя Всеволода изъ Новагорода; и пакы здумавше възвратиша его Устьяхъ; а Мирославу даша посадничество въ Плес-

(1) Въ подлинникъ слово: верешъ на полъ обяснено словомъ: яръ. (2) Тамъ же, вмѣсто словъ: борисъ всеславичъ, стоитъ въ текстѣ: романъ, а на полъ отъ этого слова сдѣлана выноска: нов. борисъ и всеславичъ. (3) Въ Полн. Собр. Лѣт. т. III, стр. 6: а и въ доми. (4) Въ подлинникъ послѣ этого слова было написано: нифонта, но потомъ зачеркнуто. (5) Тамъ же передъ симъ на полъ написано: нов. (6) Тамъ же передъ симъ на полъ написано: кіев.



ковѣ, а Рагуилу въ Ладогѣ. Князь великій же Ярополкъ выведе брата Юрія ис Переяславля, и посади въ немъ Изяслава Мъстиславича выведъ ис Полоцка; Полочане же выгнаша отъ себе и брата его Святополка, а посадиша у себе Василка Святославича, внука Владимера. И потомъ князь великій Ярополкъ выведъ ис Переяславля Изяслава Мъстиславича, и дасть ему Туровъ и Пинескъ, а Переяславль брату своему Вячеславу.

Въ лѣто 6641. Бысть знаменіе въ солнци, предъ вечернею. Того же лѣта обновиша мостъ черезъ Влѣховъ, рушивше; и церкви срубивше 2 деревяны на торговищи, святыя Богородица и святаго Георгіа, при князи Всеволодѣ. На ту же зиму иде Всеволодъ съ Новгородци на Чюдъ, и взя городъ Юріевъ, февраля въ 9, на память святаго мученика Никифора.

Въ лѣто 6642. Почаша молвити о Суздальстѣй войнѣ Новгородци, и убиша мужа своя, и свергоша съ моста. Того же лѣта погорѣ тор(го)вый полъ, отъ ручія Плотничьскаго до Холма, а церквѣй 10 згорѣ, августа 4. Того же лѣта ходи Всеволодъ съ Новгородци къ Суздалью, хотя брата своего посадити на Суждалѣ; и воротилася з Дубны, а Изяславъ иде къ Кіеву. Тогда отъяша посадничьство у Петрила и даша Ивану. И раздрася вся земля Рускаа. Того же лѣта рубиша Новогородецъ за моремъ. Того же лѣта иде Исаіа игумень посолствомъ къ Кіеву, и прииде съ митрополитомъ Михайломъ къ Новгороду, мѣсяца декабря 9.

Въ лѣто 6643. Князь Юрій Володимеричъ Долгорукій испроси у брата, у великого князя Ярополка, Переяславль Русскій, а ему дасть Суждаль и Ростовъ. Жданской бой. Тои же зимы Всеволодъ Мъстиславичъ иде на Суждаль и Ростовъ ратию, а съ нимъ вся Новгородская область, и стаха дніе зли, мразъ

и вѣялица страшень зѣло; они же съвокупивъ 1132  
шеся срътоша ихъ на Жданѣ горѣ, и ту би- 1136  
шася, и много ся зла сѣтвориша. Ту убиша посадника Иванка, мужа храбра зѣло, и Петрила Микулинича, и многихъ добрыхъ мужей побилъ; а Суждалецъ палъ болѣ. Всеволодъ же бѣже къ Новгороду, а Новгородци съ Суждалци сѣтворше миръ, придоша опять посрамлени. И пустиша митрополита Михаила къ Кіеву, мѣсяца февраля въ 10, а на Суждаль идучи не пустиша его; а онъ молвляше имъ: «не ходите, мене Богъ послушаетъ.» И придоша, даша посадничьство Мирославу Горятиничу.

Въ лѣто 6643. Ходи посадникъ Мирославъ мирити Кіань (съ) Черниговци, и не успѣвъ ничтоже: силно бо възмалася вся земля Рускаа. Князь великій Ярополкъ зваше къ собѣ Новгородци, а Черниговскій князь Святославъ Олговичъ зваше къ собѣ, и бишася про то, и поможе Богъ Святославу Олговичу съ Черниговци, и многіе Кіане исѣче, а другыя рукама изыма, мѣсяца августа; не то бѣше (зло), но излѣ того, поча копити вой Половци. Того же лѣта Всеволодъ Мъстиславичъ и владыка Нифонтъ заложилъ въ Новѣгородѣ церковь каменну на торгу. Того же лѣта Ирожнеть заложилъ церковь святаго Николу на Яковли улицѣ. Ту же зиму иде въ Русь владыка Нифонтъ Новгородскій, съ мужи большими, заставъ Кіань съ Черниговци стоащихъ противу себе, множество вой, хотящихъ битися; и Божіею волею смиришася. А посадникъ Мирославъ преставися до владыки, и посадничьство даша Константину Микотиничу<sup>1</sup>.

Въ лѣто 6644. Новгородци призваша Плесковичи и Ладожане, и здума<sup>2</sup> яко изгнати князя своего Всеволода; и всадиша его въ епископъ дворъ, (съ) женою, и з дѣтми и съ тещею, и сторожи стражаху его день

(1) Въ Полн. Собр. Лѣт. т. III, стр. 7 читаемъ: микульцицю. (2) Въ подлинникъ: здумаше.



1136 и ночь, по 30 мужей съ оружіемъ; и пустиша  
1137 его изъ города, а Володимера сына его приаша.

А се выны его творяху: 1, не блудеть смердовъ; 2, чему хотѣль еси сѣсти въ Переяславѣ, а къ намъ цѣлова крестъ? 3, ихалъ еси (изъ полку) напередъ всѣхъ, а (отъ) того много ны потяты<sup>1</sup>; и велѣвъ ны, рече, къ Всеволодку приступити, а пакы отступити велитъ; и не пустиша его, дондеже инъ князь приидеть. Того же лѣта згорѣ церковь святаго Воскресенія въ монастыри. Того же лѣта<sup>2</sup> прииде въ Новгородъ князь Святославъ Олговичъ, ис Чернигова, отъ брата Всеволодка, мѣсяца іюля 19 день, въ недѣлю; а Всеволода выгнаша. Онъ же прииде къ Кіеву, и дасть ему князь великій Ярополкъ Вышегородъ. Того же лѣта убиша Юрія Жирославича и съ моста свергоша. Того же лѣта святиша святаго Николу. Того же лѣта оженися Святославъ Олговичъ въ Новѣгородѣ, и вѣнчася своими попы у святаго Николы; архіепископъ Нифонтъ не вѣнча его, ни попомъ не далъ на сватбу ити, глаголя: «не достоинъ ея поняти.» Тогда же стрѣлиша князя милостинници Всеволожи, и ж(ивъ) бысть.

Въ лѣто 6645, мѣсяца марта 7, бѣжа Костянтинъ посадникъ къ Всеволоду, и инѣхъ добрыхъ мужъ (нѣколико), и даша посадничество Якуну Мирославичу. Того же лѣта прииде князь Всеволодъ Мьстиславичъ изъ Вышегорода ко Пскову, позванъ Новгородскими и Псковскими мужи, отай, приатели его: «пойди, княже, яко тебе хотятъ опять.» Онъ же, хотя опять сѣсти на столъ своею, поиде изъ Вышегорода съ братомъ Святополкомъ, и проводи ихъ до Плескова Василко Полотцкій. Идущу ему мимо Полотескъ, самъ выиха къ нему и проводи его съ многою честію, заповѣди же ради Божіа забы злобу отца ихъ Мьстислава, что бѣшеть сѣтворилъ

всему роду его; вшедшу ему въ руцѣ его, къ нему, и ничтоже о немъ лукавно помысли, якоже подобаше челоуѣческому естеству; но и крестъ межи собою цѣловаста, яко не поминати что ся удѣало въ прѣвое; на всю правду дався, и тако добръ проводи его. И яко услышано бысть се, яко Всеволодъ въ Псковѣ съ братомъ Святополкомъ, и бысть мятежъ великъ въ Новѣгородѣ, не хотяше людіе Всеволода; и побѣгоша друзіи къ Всеволоду въ Псковъ, и взяша Новгородци на разграбленіе дома ихъ, Костантинъ, Нѣжатины и иныхъ много; еще же ищуще кто къ Всеволоду приаетъ боярь, то имаша на нихъ (куны) съ полторы тысящи гривень, и даша купцемъ крутитися на войну, но (сѣ)гоша невиноватыхъ. Потомъ же Святославъ Олговичъ съвокупи всю землю Новгородскую, и брата своего Глѣбка приведе съ Куряны и съ Половци, (и) идоша на Плесковъ прогонити Всеволода; и не покоришася имъ Плесковичи, ни выгнаша князя отъ себе, но бяхуть ся устерегли, засѣкли осѣкы вси. И здумаъ князь и людіе его на пути, въспятишася на Дубровнѣ, рекши: «не проливайте крови съ своею братією, негли Богъ како управитъ своимъ промысломъ.» Тогда же преставися князь Всеволодъ Мьстиславичъ въ Псковѣ, внукъ великого князя Володимера Манамаха, февраля 11 день, въ четвер(ток)ъ масленныя недѣли; а въ недѣлю положень бысть во церкви святаго Троица, юже сздаъ самъ, въ придѣлѣ святаго Благовѣщенія, на лѣвой странѣ, и поставиша надъ нимъ его мечъ, иже и донынѣ стоитъ, видимъ всѣми. И Псковичи же яшася по брата его Святополка Мьстиславича; и не бѣ мира съ ними, ни съ Суждальци, ни съ Смоленяны, ни съ Полочаны, ни (сѣ) Кіаны Новгороду; и стоа все лѣто осминка ржи великаа по 7 рѣзанъ.

(1) Въ подлинникъ: много а почаль ты. (2) На этомъ словѣ, находящемся въ рукописи на оборотѣ 79-го листа, прерывается статья и ея продолженіе помѣщено на 84-мъ листѣ.



Въ лѣто 6646, мѣсяца марта въ 9, на память святыхъ 40 мученикъ, бысть громъ великъ. Того же лѣта выгнаша Новгородци князя Святослава Олговича отъ себе; сидѣвъ лѣто и 9 мѣсяць. Того же лѣта послаша по Юрія ВолодимERICHA Долгорукого, онъ же дастъ имъ сына своего Ростислава, изъ Суждаля, княжити. Идушу же ему къ нимъ, въ то время пополошишася людѣе, сѣлгаша бо, яко Святополкъ у города съ Плесковичи; и высушася весь городъ къ Силнишу, и не бысть ничтоже. Тогда же Новгородци смиришася съ Плесковичи. А Святославу бѣжащу изъ Новгорода, яша его на пути Смолняне, и стрежаху его на Смядинѣ въ монастыри, а княгиню его пріаша въ Новѣгородѣ съ лучшими людми; а Святослава ведоша въ Кіевъ къ Ярополку. И Всеволодъ Олговичъ приведе Половци, и нача воевати по Сулѣ, и слыша яко ять бысть братъ его Святославъ, и хотѣ ити къ Кіеву; а великому князю тогда Ярополку многы воа съвокупившу, онъ же възвратися къ Чернигову, и князь великій поиде на нь къ Чернигову. Всеволодъ же посла къ нему смиреніемъ и (съ) мольбою и з дары; князь же великій Ярополкъ пріа молбу его, и сътвори съ нимъ миръ, и воа распусти. Тон же зимы, февраля 18 день, на память святаго отца (нашего) Леонтія, преставися князь великій Ярополкъ ВолодимERICHОВИЧЪ Манамаховъ. Того же лѣта, маа въ 10, вніде князь Ярославъ<sup>1</sup> Юріевичъ Долгорукого въ Новѣгородъ на столѣ. И въ Кіевѣ сѣде князь великій Вячеславъ ВолодимERICHОВИЧЪ на столѣ. Вячеславле княженіе. И сѣде Вячеславъ толико 10 днѣй; и пріиде на него Всеволодъ Олговичъ Святославича, и выгна его ис Кіева. И сѣде на столѣ въ Кіевѣ Всеволодъ Олговичъ, марта 5.

Княженіе Всеволода Олгова сына Свя-

тославича. Въ лѣто 6647. Слышавъ Юрій<sup>1138</sup> Манамаховичъ Долгорукій, яко Всево(лодь) сѣ-<sup>1140</sup>дитъ въ Кіевѣ, а брата его Вячеслава согна, поиде изъ Суждаля къ Смоленску. И посла къ Новгородцомъ, зовя ихъ со събою на Всеволода Олговича; он(и) же не послушаша его, а сына его Ростислава выслаша отъ себе. Тогда Ростиславъ прибѣже къ отцу, къ Смоленску, сѣдивъ Новѣгородѣ лѣто и 4 мѣсяцѣ. Юрій же разгнѣвася на нихъ, поиде опять къ Суждалю; и идя взя Новый Торгъ, и иде къ Суждалю. А Новгородци послаша къ Кіеву, (къ) великому князю Всеволоду, просящи у него брата его Святослава опять; онъ же общася, и не посла тогда, заводи же Новгородцивъ ротѣ. Бѣ же мятежъ въ Новѣгородѣ, а Святослава долго не бѣаше. Князь же великій Всеволодъ<sup>2</sup> Олговичъ зачатъ замышляти на ВолодимERICHИЧИ и на Мѣстиславичи, хотя всю землю дръжати з братією, надѣяся на множество вой: искаше полъ Андреемъ ВолодимERICHОВИЧЕМЪ Переяславля, а подъ Ростиславомъ Мѣстиславичемъ<sup>3</sup> Смоленска, а подъ Изяславомъ Мѣстиславичемъ ВолодимERICHИЯ. И приведе брата своего Святослава ис Курска, и поиде на Андрѣа къ Переяславлю, и посла къ нему, рекъ: «иди къ Курс(к)у.» Андрей же рече: «лучши здѣ и умру, а къ Курс(к)у не иду.» Посла же на него князь великій Всеволодъ брата своего Святослава; Андрей же выиде противъ его, и поби его, наутріа же миръ сътвориша. Новгородци же послаша второе къ великому князю Всеволоду, просяще у него брата Святослава, а дѣти своя въ закладъ прислаша; и пусти его къ нимъ. Того же лѣта вніде Святославъ Олговичъ второе (въ) Новѣгородъ на столѣ.

Въ лѣто 6648, мѣсяца марта 20, бысть знаменіе въ солнці, и опять исполнися. Того же

(1) Не слѣдуетъ ли читать: Ростиславъ, какъ въ Полн. Собр. Лѣт. т. III, стр 8? ср. здѣсь выше, подъ 6646 годомъ, и ниже, подъ 6647 годомъ. (2) Въ подлинникѣ: осеволодъ. (3) Тамъ же: мѣстиславича.



1140 лѣта послаша Новгородци (къ) великому кня-  
1142 зю Всеволоду Костантина Микулина и по немъ  
6 мужъ, оковавшие, Полюда Гостятинича и  
иныхъ колко ихъ.

Въ лѣто 6649, мѣсяца априля въ 1 день,  
бысть знаменіе на небеси дивно велми: 6 кру-  
говъ около, а три около обаполь солнца,  
и стоа мало не весь день. Того же лѣта пре-  
ставися князь Андрей Володимеричъ, въ Пе-  
реяславѣ. Того же лѣта придоша ис Кіева  
отъ великого князя Всеволода по брата его  
Святослава въ Новгородъ, вести его къ Кіеву,  
рекъ имъ: «сына моего примете себѣ князя.»  
И послаша епископа къ великому князю по  
сына его и лѣпшихъ людѣй; а Святославу  
рѣша: «а ты пожди брата<sup>1</sup>, тоже поидеши.»  
Святославъ же убоявся Новгородцовъ, глаго-  
ля: «еда прельстивше мя имуть,» и бѣжа отай  
нощію; и Якунь съ нимъ бѣжа. И яша Яку-  
на на Плюси, и придоша съ братомъ его  
Прокопѣмъ, мало<sup>2</sup> не (до) смерти (убиша),  
обнажиша его яко мати родила, свергоша его  
съ моста; но Богъ избави его, и прибреде къ  
берегу, и болѣ его не быша, но взяша у него  
1000 гривенъ, такоже и у иныхъ имаша. И  
заточиша Якуна въ<sup>3</sup> Чудь з братомъ, оковавшие  
руцѣ къ шіи; послѣди приведе ихъ къ собѣ  
Юрій, и жены ею изъ Новагорода, и держаше  
ихъ у себе въ милости. Пришедшу же В(сев)-  
лодичу въ Новгородъ, и не пріаша его, ркущи:  
«не хотимъ племени Олгова, но хотимъ<sup>4</sup> пле-  
мени Володимера, дай намъ шурина своего  
Святополка Мъстиславича;» онъ же не хотѣ  
имъ дати того. Новгородци же послаша къ  
Юрію, въ Суздаль, и посла къ нимъ сына  
опять Ростислава. Великій же князь Всеволодъ  
то слышавъ, разгнѣвався, вмета Новгородцевъ  
въ погребъ, послы вся, и епископа и гостей. И  
сидѣша Новгородци безъ князя 9 мѣсяцъ;  
и призваша и(зъ) Суждаля Судила, и Нѣжату

и Страшка, оже бяху бѣжали изъ Новагорода  
Святослава ради, и даша посадничество Судилу  
въ Новѣгородѣ; и послаша по князя Юрія къ  
Суждалю, и не иде, но посла къ нимъ сына  
своего Ростислава. Того же лѣта вниде Рос-  
тиславъ Юріевичъ въ Новгородъ на столъ. Того  
же лѣта смирился князь великій Всеволодъ съ  
шуриномъ своимъ Святополкомъ Мъстислави-  
чемъ.

Въ лѣто 6650. Епископа, и купцовъ и по-  
словъ Новгородскихъ не пустяху изъ Руси,  
а они не хотяху иного князя, но Святопол-  
ка Мъстиславича; и вда имъ князь великій<sup>5</sup>  
Святополка и(зъ) своею руку, противляясь  
Юрію, иже пустилъ сына своего Новгороду;  
и посла (въ) Новгородъ Святополка, и Нового-  
родцевъ отпусти всѣхъ съ нимъ. И услышаша  
въ Новѣгородѣ, яко Святополкъ идетъ къ  
нимъ съ всѣми людми ихъ, и яша Ростислава  
и всадиша въ епискупъ дворъ; сѣде 4 мѣсяцѣ.  
Святополкъ же, пришедъ въ Новгородъ,  
съсла Ростислава Юріевича, (и) иде къ отцу въ  
Суздаль. Того же лѣта Вячеславъ Володимеричъ  
иде княжити въ Переяславъ, а (къ) Турову  
иде Святославъ Всеволодичъ; а Игорь въсхотѣ  
себѣ Переяславля, и поиде на Вячеслава, и  
прииде къ Вячеславу въ помощь брата его сынъ  
Изяславъ Мъстиславичъ, а Ростиславъ шедъ  
изъ Смоленска взя четыре города Игоревы,  
онъ же послышевъ отъиде отъ Переяславля.  
А Вячеславъ дасть Переяславъ Изяславу, а  
самъ иде къ Турову; а Святославъ Всеволодичъ  
иде къ Володимерю. Того же лѣта прихо-  
диша Имъ, и воеваша область Новгородскую;  
избиша Ладожане 400, не отступиша ни мужа.  
Того же лѣта приходи Свѣйскій князь и епис-  
копъ въ 60 шнекъ на гостъ, иже изъ замо-  
рія шли въ 3 же лодіяхъ; и бишася, и не  
успѣша ничтоже, и отлучиша ихъ 3 лодіи,  
избиша ихъ полтораста.

(1) Въ подлинникъ: брате. (2) Тамъ же: малымъ. (3) Тамъ же: на. (4) Тамъ же: хотѣмъ. (5) На этомъ словѣ,  
находящемся въ рукописи на оборотѣ 85-го листа, прерывается статья и ея продолженіе помѣщено на обо-  
ротѣ 75-го листа.



Въ лѣто 6651. Стоя вся осень дождевна, отъ Госпожина дни до Карачина<sup>1</sup>, тепло, дождь, и вода велика въ Волховѣ, сѣно и дрова рознесе; озеро излома вѣтръ, и выломи мостъ, а 4 городни б(езъ) знадобѣ<sup>2</sup> снесе. Въ то же лѣто оженися Святополкъ въ Новѣгородѣ, приведе жену изъ Моравы. Въ то же лѣто ходи Корѣла на Имь, и отбѣжаша 2 лонву быти.

Въ лѣто 6652. Ходи князь великій Всеволодъ на Володимерка къ Галичу, и много воева, и два града взя Изяславъ съ Половци, Ущицу и Микулинь, и пришедшу къ Звенигороду, и ту смиришася. Того же лѣта дѣлаша мость весь новъ, по сторонь ветхаго. Въ то же лѣто исписаша честно притворины вся въ святѣй Софїи въ Новѣгородѣ, повелѣніемъ владыкы Нифонта; и даша посаднычество Нѣжатѣ. Того же лѣта съвършиша церковь каменну святую Богородицу на торгу.

Въ лѣто 6653. Стоа 3 недѣли тепло добрѣ предъ жатвою, и потомъ найде дождь, и до зимы дни<sup>3</sup> ясна не бысть, и много убитка въ житѣ и въ сѣнѣ. Въ то же лѣто утопоста два попа, и не дасть владыка пѣти надъ ними. Того же лѣта заложиха церковь каменну на Смядынѣ Бориса и Глѣба, въ Смоленську. Того же лѣта ходиша вся Русская земля къ Галичу, и много попустишиша областей, а города не взяша ни единого, и възвратихася; ходиша же изъ Новгорода въ помощь Кіаномъ, съ воеводою Нервиномъ, и възвратихася съ любовію.

Въ лѣто 6654. Пришедъ Володимерко изъ Галича взя Прилукъ, и хотѣ на нь<sup>4</sup> приити князь великій Всеволодъ Олговичъ, и посла къ братѣ, веля имъ быти готовымъ з Бориша дни, и потомъ разболѣся, и преставися августа 1. И вниде въ Кіевъ братъ его Игорь. Княженіе Игореве Олговича, внука Святослав-

ля. И не годно бысть людемъ княженіе Игореву, и послаша въ Переяславль (къ) Изяславу Мѣстиславичю, внуку Манамахову; онъ же прииде къ Кіеву, а Игорь князь великій съ братомъ Святославомъ Олговичемъ выидоша противу ему, и не дошедше его побѣгоша, людіе же о нихъ бишася<sup>5</sup>, ту многихъ избиша, а инѣи истопоша. И поможе Богъ Изяславу, и вниде Изяславъ въ Кіевъ, и сидѣ на столѣ августа 13. И по 4-хъ днѣхъ по побойщи<sup>6</sup> привидоша къ нему Игоря, изымавъ въ болотѣ, и посла его въ монастырь на Выдобичь<sup>7</sup>, и оттуду въ Переяславль, и всадиша его въ порубъ; и тако скончася власть его, княживъ 2 недѣли. А братъ его Святославъ бѣжа къ Новгородку къ Сѣверскому. Вячеславъ же то слышавъ, и надѣяся на старѣйшинство, и не приложи чести къ великому князю Изяславу, и отъять города свои, иже отъя у него Всеволодъ Олговичъ, еще же и Володимеръ заа, и посади въ немъ Андрѣевича. Княженіе великого князя Изяслава Мѣстиславича. Князь же великій Изяславъ посла по брата по Ростислава отъять грады у Вячеслава, а сына своего Ярослава посади въ Туровѣ. А за Святославомъ Олговичемъ посла Изяслава Давыдича, и Володимера, брата его, и сына его Мѣстислава и иные князи; и много зла створиша власти его. Святославъ же присла къ нимъ, мира прося; они же рѣша: «лишися брата Игоря, и дадимъ ти миръ.» Онъ же не хотѣ того, но рече: «донелѣже ми душа въ тѣлѣ, не могу лишиться его.» Они же шедше разграбиша село Игореве, въ немъ же бѣ всякого множество товара, и зажгоша дворъ и гумно, въ немъ же бѣ девятьсотъ стоговъ жита; и оттолѣ послаша противу великому князю, а сами поидоша къ Путивлю, и не дашася имъ Путивльци, дондеже при-

(1) Въ подлинникъ это слово объяснено на полъ словами: до рождества христова. (2) Тамъ же это слово объяснено на полъ словами: отъ основанія. (3) Тамъ же: а дни. (4) Тамъ же: намъ. (5) Тамъ же: бышася. (6) На этомъ словѣ, находящемся въ рукописи на оборотѣ 76-го листа, прерывается статья, и ея продолженіе помѣщено на 75-мъ листѣ. (7) Въ подлинникъ: на давидичъ.



1146 иде князь великій Изяславъ, и тако дашася;  
 1147 и посади у нихъ намѣстники своа, а что  
 есть въ градѣ Святославле, а то все разгра-  
 би. И прииде вѣсть къ Святославу, яко градъ  
 его взятъ и вся сушая его тамо разграблени  
 быша, а на нь идуть хотяще его оступити  
 въ Новѣгородѣ, онъ же бѣжа оттуду къ Ка-  
 рачеву. И поиде за нимъ въ погоню Изя-  
 славъ Давыдичъ въ трехъ тысящахъ, разгор-  
 дѣвся, хотя рукама изымати его и вся су-  
 шаа съ нимъ. Святославъ же то слышавъ,  
 и не бѣ уже где ся ему дѣти; и погадавъ  
 з братією, Иваномъ Юріевичемъ Долгорукого,  
 и съ сыновцемъ своимъ Иваномъ Ростислави-  
 чемъ и Володимеромъ Святославичемъ, и съ  
 Половци, иде противу ему и одолѣ ему. Изя-  
 славъ же Давыдовичъ прибѣже къ братіи, они  
 же вси поидоша на Святослава; то же слы-  
 шавъ Святославъ, пограби Карачевъ, бѣже въ  
 Вятичи. Князь же великій Изяславъ Мьсти-  
 славичъ имѣніе, и волости и городъ дасть  
 Давыдовичемъ, Изяславу и Володимеру, и Свя-  
 тославу Всеволодичю; а что Игореву, а то  
 собѣ поималъ, (и) иде къ Кіеву. На ту же  
 осень Игорь<sup>1</sup> въ порубѣ болѣнь бѣ, и про-  
 сяше чернечества; князь великій же повелѣ  
 выпусти(в)ши его постричи, и бысть постри-  
 женъ въ Переславлѣ отъ епископа Евфимія;  
 потомъ же оздравѣ, и ведоша его въ Кіевъ  
 въ монастырь святаго Феодора, и ту схиму<sup>2</sup>  
 възложиша на нь. Давыдичи же поидоша за  
 Святославомъ ко Дебрянску, а Святославъ  
 ✓ Всеволодичъ Олговича оста въ Карачевѣ, а  
 Святославъ изъ Козельска<sup>3</sup> иде къ Дѣдосла-  
 влю; ту же разболѣся у него Иванъ Юріевичъ.  
 Онъ же поиде къ Сестру, и ту Ростиславичъ  
 Иванъ Берладичичъ отступи отъ него къ Ро-  
 стиславу къ Смоленскому, а Святославъ при-  
 иде въ Колтескъ городъ, и ту присла ему

Юрій Долгорукій изъ Суждаля помочь, 1000  
 бронникъ; а Давыдичи то слышавше, не  
 смѣша по немъ ити, но возвратистася изъ  
 Дѣдославля.

Въ лѣто 6655. Преставися Иванъ Юріевичъ,  
 февраля 20 день; и взявше тѣло его братіа  
 его Борисъ и Глѣбъ, идоста<sup>4</sup> къ отцу къ<sup>5</sup>  
 Суждалю; а Святославъ иде верхъ по Оцѣ,  
 и ста на усть Поротвы въ Любыньскѣ. То-  
 го же лѣта въ Новѣгородѣ даша посадничь-  
 ство Константину Микулиничу. Того же лѣта  
 здѣлаша 4 церкви: святаго Бориса и Глѣба  
 въ городѣ, и святаго Илію, и святаго Петра  
 и Павла, и святою Козму и Деміана. О  
 Москвѣ. Того же лѣта князь Юрій взя Но-  
 вый Торгъ и Мьсту повоева, а Святославу  
 Олговичу повелѣ<sup>6</sup> Смоленскую волость воевати;  
 онъ же възъа Люди, Голядъ и прочая волости  
 воева. Потомъ же повелѣ ему Юрій прини  
 къ себѣ на Москву, онъ же прииде къ нему  
 съ сыномъ своимъ Олгомъ и съ Володимеромъ  
 Святославичемъ, и ту Юрій много чти, вопи  
 даривъ, отпусти; онъ же иде къ Нериньскому.  
 О Климѣ митрополитѣ. Того жъ лѣта по-  
 стави князь великій Изяславъ митрополита  
 Клима Смолнянина, выведъ изъ заруба; бѣ же  
 сей черноризецъ скимникъ, и книженъ зѣло  
 и философъ; но мнози о семъ негодоваху;  
 постави же его своими епископы. Того же лѣ-  
 та Юрій посла къ Святославу сына своего  
 Глѣба, и придоша къ нему Половци; онъ же  
 зая всѣ (грады): Вятичи, и Брянецъ, Обловескъ,  
 Деягорескъ, и до Воробины по Деснѣ, и Дома-  
 гоци, и прииде къ Мченьску, и поиде къ Храму  
 на Изяслава Давыдовича. И ту угониша его  
 послы отъ Володымера Давыдовича<sup>7</sup> и отъ  
 Святослава Всеволодича, и цѣловаша къ нему  
 крестъ, яко быти имъ всѣмъ за одинъ. При-  
 шедше Давыдовичи къ Чернигову, послаша

(1) Въ подлинникъ: шгоре. (2) Тамъ же: въ схиму. (3) Тамъ же: изъ козельска. (4) На этомъ словѣ, находящемся въ рукописи на оборотѣ 75-го листа, прерывается статья и ея продолженіе помѣщено на оборотѣ 74-го листа. (5) Въ подлинникъ: п. (6) Тамъ же: повеп. (7) Тамъ же, по ошибкѣ: изяславича.



лестію къ великому князю Изяславу Мстиславичю, глаголюще: «Святославъ изьяль власть нашу Вятичи; поидевъ на нь.» А Святославъ Всеволодичъ пришедъ въ Кіевъ къ великому князю Изяславу, любяше бо его<sup>1</sup> Изяславъ, и ту отпросися у него къ Чернигову, къ Давыдовичемъ, и съвѣкупльшеся послаша второе къ великому князю Изяславу, глаголюще: «хотѣлъ еси ити на Юрія и на Святослава, та поиди нынѣ.» Князь великій же съзва бояре Кіевскія и дружину, и рече имъ: «хочу ити съ Давыдовичи на Юрія и Святослава Олговича, со братомъ Ростиславомъ, и (съ) Смолняны и съ Новгородци; поидите вы со мною?» И рѣша ему Кіане: «не ходи, княже, на своего стрія на Юрія; Олговичемъ вѣры не имы, а въ путь съ ними не ходи; аще ли хоцещи, мы на Володимере племя не можемъ руки подняты, аще ли на Олговича, то и з дѣтми идемъ.» Онъ же не послуша ихъ, но рече: «да кто хоцетъ, тотъ поиде(тъ) со мною;» и поиде самъ. И посла нанередъ себе въ Черниговъ Улѣба; Улѣбъ же увѣда, яко сложилися Олговичи, великого князя Изяслава зовутъ лестію, хотяще его убити, и бѣжа назадъ къ нему, и стрѣте его на Сунои, и сказа ему леств Чръниговскихъ князей, яко цѣловали крестъ Святославу, а къ Юргію послали, а его убити хотятъ. Онъ же възвратися, а къ нимъ посолъ свой посла, и обличи леств ихъ и мысль злую. Посла же князь великій и къ брату своему Ростиславу, являа ему се, а веля ему ити къ себѣ въ Кіевъ. Посла же и къ брату своему Володимеру, и къ митрополиту и къ Кіаномъ, се же повѣдая, и Кіаномъ глаголя: «якоже вы ся, братіе, общавалися на Олговичи, то нынѣ приспѣ время; потягните, братія, по мнѣ на крестопреступниковъ.» Они же рѣша: «ради есмы по князи своемъ и з дѣтми; но сего блюдемся, яко прежде сего было при великомъ князи Изяславѣ Ярославичи, высѣкше

Всеслава посадиша на столѣ; а се нынѣ<sup>1147</sup> върогъ князя нашего и нашъ, Игорь, не въ<sup>1148</sup> порубѣ, но въ монастыри святаго Феодора.» И възвышеся вси людіе, поидоша убити Игоря. Володимиръ же Мстиславичъ рече имъ: «братіе и дружино! сего братъ мой, а вашъ князь великій, не приказалъ къ вамъ; но поидите противъ врагъ его, а Игоря сторожеве блудутъ.» Также и митрополитъ (возбраняше имъ), и Лазаръ тысяцкій. Они же не послушавше тако поидоша въ монастырь святаго Феодора, а оному на обѣднѣ стоящу, симъ же къ монастыру идущимъ, Володимеръ погна по нихъ, да не дасть имъ Игоря, и не успѣ; а они емше его извлекоша изъ церкви, біюще и пхающе. Володимеръ же стрѣте ихъ въ вратѣхъ монастырскихъ, и ту скочи съ коня, и паде на Игоря, да не дасть имъ убити его; людіе же самохотяще убити его, а Володимеръ въведе его въ дворъ матере своеа; людіе же врата выломльше у двора и сѣни о немъ разбиша, и съвлекше его съ сѣней<sup>2</sup>, и убиша его, и въ единой свиткѣ, поцѣпивше ужемъ за носъ, влекше, покинуша его на торговищи. Володимеръ же пославъ повелѣ похоронити тѣло его; и положень бысть въ церкви святаго Семіона. На ту же осень ходи Святополкъ Мстиславичъ съ Новгородци и съ всею областію на Юргіа, на Суждадь; и воротишася у Новаго Торгу въ роспутіе. Того же лѣта преставися Константинъ посадникъ, и даша Судилови<sup>3</sup> Иванковичю. Тогда же преставися игуменъ Антоній, начальникъ Антонова монастыря въ Новѣгородѣ, и даша игуменство Андрею.

Въ лѣто 6636. Глѣбъ Юріевичъ иде и(зъ) Суждаля къ Чернигову Олговичемъ въ помощь; князь великій же Изяславъ<sup>4</sup> Мстиславичъ зва его къ себѣ, и не иде, но иде на сына его Мстислава къ Переяславлю, и ту не успѣ ничтоже, поиде къ Курску, и тамо посажа по всей Семи намѣстники свои. Потомъ сняся съ

(1) Въ подлинникъ: его его. (2) Тамъ же: съ сѣний. (3) Тамъ же: саудови. (4) Тамъ же: изяславль.  
Т. XV.



1148 Святославомъ Олговичемъ, и посемъ прииде къ  
 1149 нимъ Святославъ Всеволодичъ и Изяславъ Давыдичъ, и взяша градъ Попашъ; а Выревцы и Выханцы не дашася. Того же (лѣта) слышавъ князь великій Изяславъ Мъстиславичъ, поиде и з братомъ Володимеромъ, и съ всѣми вой своими; и отъ Вячеслава прииде ему помочь изъ Володимеря. Дошедшимъ же имъ Чръныи Могылы, и ту прииде<sup>1</sup> къ нему братъ его Ростиславъ Мъстиславичъ (съ) Съмолняны и съ множествомъ вой, и оттолѣ поидоша съ нимъ къ Сулѣ. Они же слышавше поидоша оттолѣ къ Глѣблю, и къ Всеволожу и къ Чернигову; Изяславъ же, братъ его, слышавъ то, поиде за ними, и пришедъ къ Всеволожу, взяша его. Тоже слышавше прочіи грады, Унѣжь, и Бѣлавежа и Бохмачъ, и побѣгоша къ Чернигову, и иныи мнози грады; и постигше же взяша три тыя грады, а прочіи уйдоша, а грады зажгоша, а Глѣбъ отбишася. И поидоша оттуду х Кіеву, и оттуду Ростиславъ иде къ Смоленску; Олгови(чи) же и Давыдовичи послаша, Брягинъ повоеваша. Глѣбъ же Юріевичъ шедъ зяятъ Градокъ отца своего, и ту прииде на нь князь великій Изяславъ, онъ же убоявся и доби ему челомъ, и крестъ цѣловавъ възвратися къ Кіеву; Глѣбъ же посла къ Давыдичемъ, рекъ: «по неволѣ есми цѣловалъ великому князю Изяславу, а съ вами хочу за одинъ быти одинако.» Того же лѣта Юрій послалъ сына своего Ростислава въ помощь Олговичемъ, онъ же не иде къ нимъ, но иде (къ) великому князю Изяславу; князь великій же дастъ ему дары многы и грады Божьскы, и Можебожь, и Котелницу и ина два; а Глѣбъ иде къ отцу, а Ростиславъ въ Городецъ. Того же лѣта Олговичи и Давыдовичи съмиршася съ великимъ княземъ Изяславомъ, а про Игоря вражду отложиша. Того же лѣта въ Новѣгородѣ бысть дождь съ градомъ, іюня 27, и зажже громъ церковъ

святую Богородицу въ Звѣрѣнци. Того же лѣта ходи архіепископъ Нифонтъ изъ Новгорода въ Суждаль, мира дѣля, и пріа его Юрій съ любовь(ю), и церковъ святѣй Богородици святы великимъ священіемъ, и Новоторжьци выправи всѣ и гости вси цѣлы, и посла съ честію къ Новгороду; но миру не бысть. Тоя же осени князь великій Изяславъ Мъстиславичъ прислалъ сына своего Ярослава изъ Кіева, и пріаша его Новгородци, а брата Святополка Мъстиславича выведе, злобы его ради, и дастъ ему Володимеръ. Тоя же зими князь великій Изяславъ бывъ въ Смоленскѣ<sup>2</sup>, у брата Ростислава, и оттуду прииде къ Новгороду; Новгородци же жаловашася ему на Юрія о Новомъ Торгу и о томъ, что съ ними миру не управитъ; онъ же пожалова о томъ и иде къ Кіеву.

Въ лѣто 6657. Романъ Ростиславичъ женися у Святослава Олговича. Тоя же зими поиде князь великій Изяславъ на своего дядю Юргія Володимерича Долгорукого, къ Суждалю и къ Ростову, за Новгородскую обиду, а съ нимъ братъ его Ростиславъ съ Смоляны, и Новгородци, и Псковичи и Корѣляне; и съѣзкупшася на Волзѣ, на усть Медвѣдици, и оттуду послаша къ Юргію; онъ же ни ихъ посла отпусти, ни своего посла. И оттолѣ поидоша къ Снятину<sup>3</sup>, и къ Угличу и къ Молозѣ, и много воеваша людей Юріевыхъ, даже и до Ярославля, по Волзѣ; и взяша 6 городовъ, и воюючи и жгучи. А Давыдовичи и Олговичи, починивъ срокъ снятися съ ними у Медвѣдици, и не доидоша, но стояху въ Вятичехъ, ожидаючи, что учинится межи ихъ съ Юріемъ, уже бо и веснѣ приспѣвши, и Мъстиславичи възвратшася, роспутія для, еще же и кони ихъ похромоша. Князь великій же Изяславъ, взявъ полону 7000 головъ, иде къ Новгороду, и оттуду къ Смоленску, къ брату, и ту веснова, и иде къ Кіеву.

(1) Въ подлинникъ: приидеца. (2) Тамъ же: въ смоленскѣ. (3) Тамъ же: къ снѣгину.



Въ лѣто 6657. Иде архіепископъ Новгородскій Нифонтъ въ Русь, позванъ великимъ княземъ Изяславомъ и митрополитомъ Климомъ, ставилъ бо его князь великій съ епископы Рускыми, не славъ къ Царюграду. А Нифонтъ тако молвяше: «недостойнѣсть есть сталъ, оже не благословенъ есть отъ великаго собора, ни ставленъ;» и онъ про то не борзо отрядивъ его, но посади его въ Печерьстѣмъ монастыри, дондеже Юргій прииде. О брани Юріевъ съ Изяславомъ. Въ то же время Юрій прииде обычаемъ таковымъ: злыи челоуѣци, діаволомъ подгнѣщаеми, яко огнь сѣно зжагають, тако и сін, въздвигнувшѣ вражду въ государехъ ихъ, въ грѣхъ и срамъ въводятъ, а сами погыбають злѣ, якоже рече(но) (въ) писаніихъ: злїи злѣ погыбоша. Навадиша бо великому князю Изяславу Мъстиславичю на князя Ростислава Юргіевича, глаголюще: хотѣлъ' сѣсти въ Кіевѣ; князь великій же, имя тому вѣры, ограби Ростислава, и всади въ лодью, посла его къ отцу толико самого четверта<sup>2</sup>. И пришедъ Ростиславъ жаловася отцу на великого князя и на его коромолниковъ; Юрій же о семъ съжалиси велми, и рекъ: «уже ли се единъ азъ не имѣю части въ Руской земли, ни ли дѣти мои? или не отецъ мнѣ былъ князь великій Владимиръ Манамахъ?» И помолися Богу, и събра дружину, и приведе Половци, и поиде къ Кіеву на великого князя Изяслава Мъстиславича. Пришедшу же ему къ Воиханю, ту приидоста къ нему оба Святослава, Олговичъ и Всеволодичъ, и шедше сташа у Бѣлывежи, и ту мѣсяць стоаху, ожидаючи отъ великаго князя покоренія; а князь великій Изяславъ розославъ по братію, къ нимъ ни словеса не посла. И поиде Юргій къ Переяславлю и ста. Тоже слышавъ князь великій Изяславъ, рече: «аще бы пришелъ на мене дядя мой з дѣтми, то взялъ бы къ собѣ еже хотѣлъ; аще привель на мене Олговичевъ и Половци, то ми

мира нѣсть съ ними.» Се же глаголаше, надѣа- 1149 щеся на множество вой; а Кіане не хотяху помо(г)ати ему, но веляху миритися съ ними. Прииде же къ Переяславлю, и уимаше его епископъ Евфимій, не веля битися, и глаголаше ему съ слезами: «възми рядъ з дядею своимъ.» Онъ же не хотяше, но поиде на нь, глаголя: «добыли есми своимъ потомъ Кіева и Переяславля, а нынѣ ли ми ся отступити?» И прииде къ Янчину селцу, идеже Юргій стоаше, и стояху противу себе отъ обѣда до вечерни; и потомъ отступи Юргій въспять, а князь великій поиде по немъ, и яко заходящу солнцу възвратися Юргій, и (съ)ступишася, и бысть бой великъ. И поможе Богъ Юрію, и поб(ѣд)и Юрій; а князь великій Изяславъ бѣжа къ Кіеву, толко самъ третій, августа 13, и оттолѣ събрався съ женою, и з дѣтми и съ вѣсми своими, и бѣжа къ Лучку; а Юргій пребывъ въ Переяславлѣ три дни, и иде въ Кіевъ, 15 августа. Идущимъ же имъ къ Кіеву, увидѣша градъ высокъ издалуча, и никтоже знааше кій сей градъ, и поидоша на нь; Половци же бышася у него, и мнози язвени быша, и бѣжаша отъ града того. Бѣ же то не градъ, но село святыа Богородица Печерскаа, а града николиже бывало; ни тїи сами, сущїи въ селѣ томъ, разумѣша бывшаго, но изшедше видѣша кровипролитіе, и почюдишася бывшему. А Переяславъ дасть сыну своему Ростиславу. Княженіе великого князя Юргія Долгорукого. На то же лѣто идоша данщики Новгородскіе вмалѣ; слышавше же Юргій князь великій, оже вмалѣ изшли, и посла князя Берладьского съ вой, и бывшии вмалѣ нѣгдѣ, сташа Новгородци на островѣ, а онъ противу, и начаша городъ чинити; въ лодіахъ идоша Новгородци къ нимъ на третій день, и бышася, и много обоихъ паде, но Суздапцей болѣи, бес числа. На ту же зиму приидоша Имъ на Водь ратію въ тысячи, и Но-

(1) Въ подлинникѣ: хотѣли. (2) Тамъ же: четвертка.



1149 вогородцевъ пятьсотъ съ Водью, и не упу-  
1151 стиша ими ни мужа.

Въ лѣто 6658. Прииде ис Кіева архіепископъ Нифонтъ къ Новогороду, отпушенъ великимъ княземъ Юргіемъ; и ради быша Новогородци.

Въ лѣто 6659. Князь великій Изяславъ Мьстиславичъ нача съвѣкупляти Угры и Ляхы, а князь великій Юрій съвѣкупися съ братомъ Вячеславомъ, и помощь къ нему прииде Володимеркова изъ Галича, а и самъ Володимерко къ Шумьску<sup>1</sup> приступи; то же слышавше Угры и Ляхы, и убоявшися отъидоша отъ Изяслава. Андрею же Юріевичу з братомъ Ростиславомъ бывшу у Моравици<sup>2</sup>, и ту въ нощи бысть золь пополохъ на нихъ, яко всѣмъ Половцемъ бѣжати и прочіимъ воемъ; но единъ Андрѣй Юріевичъ укрѣпился съ своимъ дворомъ, а и ти хотяху бѣжати къ прочіимъ воемъ. Наутріа же отступиша къ Любну<sup>3</sup>, и бысть имъ вѣсть, яко идетъ отецъ ихъ и з братомъ Вячеславомъ, они же опять отступилиша къ Лучску, а въ немъ сущу Владимиру Мьстиславичу. И вышедши пѣшци, начаша стрѣляти(ся) съ ними; Андрей же Юріевичъ не повѣда братіи своей, поѣде скоро на нихъ, и ту удариша подъ нимъ конь двѣма копіи, а третіе(мъ) въ луку переднюю, а съ града<sup>4</sup>, яко дождь, метяху каменіе на нь; а и Нѣмчинъ хотѣ пронзати его рогатиною, но Богъ съблюде его, и бысть радость отцу его и братіи. И стоаху у града 3 недѣли, и воду отъяша; и нача Володимеръ молитися, прося мира, а Изяславъ посылаше къ Володимеру Галичинскому, дабы о немъ умолилъ Юрія, а вину всю на ся възлагая; а не дадыше мира Ростиславъ Юріевичъ и Юргій Ярославичъ, внукъ велико(го) князя Святополка. Юргій же хотѣ дати столъ

Кіевъ брату<sup>5</sup> Вячеславу, и не даша ему воли бояре, ркуще: «не съдръжати ему;» и даша ему Вышегородъ. Того же лѣта пришедъ князь великій Изяславъ, отай позванъ Кіаны съгнати Юргіа ис Кіева; Юрій же иде къ Новогородку съ своими дѣтми. То же слышавъ Володимеръ Галицкій, поиде на Изяслава къ Кіеву, Изяславъ же поиде противу ему съ братомъ Володимеромъ и съ сыномъ Мьстиславомъ, и срѣте его у Тумаши, и стаха о рѣцѣ Стугнѣ; видѣша же дружина его множество вой Володимерковыхъ, и убояшася, и начаша говорить великому князю Изяславу, да поидетъ назадъ. Оному же не хотящу, потомъ побѣже, и прибѣгъ къ Кіеву нощю, и выбрався и бѣжа къ Володимеру; а Володимерко ста у Кіева. А Юргій въ то же время прииде къ Кіеву съ Давыдовичи и съ Олговичи, и сѣде въ немъ; и посыласта за Изяславомъ, и не постигоша его. И ту видѣся Юргій съ Володимеркомъ, и любовь велию сътвориша межи себе, и поиде Володимерко къ Галичу.

Въ лѣто 6659. Князь великій Юргій Володимеровичъ пожаловалъ сына своего Андреа, дасть ему Туровъ, и Пинескъ, и Дорогобужъ и Пересопницу<sup>6</sup>; и сидѣ въ Пересопницѣ. Тоя же зимы Изяславъ Мьстиславичъ съвѣкупилъ Угры и Ляхы, и пришедъ съгна Юрія съ Кіева, повабленъ бо бѣ мужи Вячислави. И преставися княгини Изяслави. И посла Изяславъ къ дядѣ своему Вячеславу въ Вышегородъ, и рече: «тыми буди отецъ, азъ съгрѣшихъ передъ тобою, чти не положивъ на тебѣ; а се нынѣ тебѣ Кіевъ.» И въииде Вячеславъ въ Кіевъ. Княженіе Вячеславе Володимерича Манамахова съ Изяславомъ Мьстиславичемъ. Вышедшу же Вячеславу, цѣловастася, и любовь сътвориша, и сѣдоша

(1) Въ подлинникѣ противъ этого слова на полѣ написано, новымъ почеркомъ: шумьскъ село въ дубенскомъ уѣздѣ.  
(2) Тамъ же противъ этого слова на полѣ, новымъ почеркомъ, написано: моравица мѣстечко въ томъ же уѣздѣ.  
(3) Въ Полн. Собр. Лѣт. т. IX, стр. 184: у дубна. (4) Тамъ же противъ этого слова на полѣ, новымъ почеркомъ, написано: у нестора сказано это подъ лудскимъ замкомъ, то есть небольшою крѣпостію. (5) Тамъ же: браду.  
(6) Тамъ же: пересупницу.



оба за одинъ на Кіевѣ; да старѣйшинство дръжати Вячеславу на всемъ, дръжаше бо его Изяславъ (въ) отца мѣсто. Тогда отпустиста Угры ко королю съ многою честію и дары; бѣ бо Изяславу зять Угорской король. Потомъ же Изяславъ посла къ королю Угорскому сына своего Мъстислава съ великою любовію, и посемъ посласта къ Ростиславу, во Смоленскъ, какъ Юргіа съгнаша и съвѣкупистася въ любовь, и повелѣста ему къ себѣ быти, блюдущеся Юргіа. Тоя же весны представися Ростиславъ Юріевичъ, въ великій пятокъ. Того же лѣта владыка Нифонтъ въ Новѣгородѣ побилъ святую Софію свинцомъ. Тогда же създаша двѣ церкви, святаго Василиа и святаго Константина и Елену. Того же лѣта къ Юрію ВолодимERICY приходиша Половци мнози; онъ же съ Ольговичи, и съ Володимеромъ Давыдовичемъ, и з дѣтми и съ сыновцемъ своимъ Володимеромъ Андрѣевичимъ поиде<sup>1</sup> отъ Переяславля, и сташа, противу Кіева, и не дадѣше имъ перевестися на бродѣхъ Изяславъ къ себѣ, стерега и въ лодіяхъ бой нарядая. Потомъ же Святославъ перебродоша у Заруба, некрѣпка бо бѣ тамо сторожа, и ту вси проидоша. А князь великій Вячеславъ, и Изяславъ<sup>2</sup>, и Ростиславъ съ сыномъ Романомъ, Изяславъ Давыдовичъ и Володимеръ съ множествомъ вой стояху у града; а сѣи пришедше сташа у Либеда, и начаша о ней битися. Юргію же<sup>3</sup> бысть вѣсть, яко сватъ его Володимерко идетъ ему въ помощь, и отступи назадъ противу его. Въутрѣ же князь великій Вячеславъ, и Изяславъ (и) вси князи, съ всѣми силами, поидоша по Юргіи; въ третій же день постигоша у Трепетовыхъ, а<sup>4</sup> Юрій не успѣ снятися съ Володимеркомъ. И бысть имъ ту бо(й) силень зѣло; побіено бысть многое множество обонхъ, мнози же Половци избыены быша Юріеви, и князя Володимера

Давыдовича убиша ту, Изяславъ же Мъсти- 1151  
славичъ велми раненъ бѣ и съ коня збитъ, но толико Богъ отъ смерти избави его; а Юрій бѣжа къ Переяславлю и з дѣтми. Князь великій же Вячеславъ, Изяславъ з братією поидоша назадъ къ Кіеву; а Изяславъ Давыдовичъ иде съ братнимъ тѣломъ Володимеровымъ къ Чернигову, и положи его въ Спасѣ, а самъ сидѣвъ въ Черниговѣ. Изяславъ же Мъстиславичъ слыша Юргіа въ Переяславлѣ, поиде на нь съ Вячеславомъ дядею и съ Святополкомъ братомъ своимъ, и приходяще подъ городъ біахуся, и мнози падаху отъ обонхъ. Потомъ же посласта къ Юрію, глаголюще: «иди къ Суждалю, а въ Переяславли посади сына своего; не можемъ съ тобою быти, (зане) приводиши<sup>5</sup> на ны Половци.» Онъ же не имѣя помощи не откуду, и неволею цѣлова крестъ, и иде и з дѣтми на Алто: приспѣ бо тогда праздникъ Бориса и Глѣба, а Глѣба остави въ Переяславли. Андрей же съ (А)лта иде къ Суждалю; отцу (у)имавшу его, онъ же рече: «на семъ цѣловали есмя.» А Юрій опять иде къ Переяславлю; князь великій же Изяславъ посла къ нему, глаголя: «цѣловалъ еси на томъ, итти ти къ Суждалю; а нынѣ ведешь на мя Половци и Володимерка;» Юрій же иде къ Городку. Въ то же время Мъстиславу Изяславичу идущу съ Угры къ отцу, а Володимерко слыша поиде по нихъ, онѣмъ не вѣдущимъ, и сташа у Сапогыня; дядя же его Володимеръ Мъстиславичъ присла къ нимъ питіе много, и быша ту піани. Пода же и вѣсть имъ, яко идетъ за ними Володимерко; они же величяхуся піани, и въ ту ночь противу свѣта удари на нихъ Володимерко, и избилъ всѣхъ, а прочихъ поима, а Мъстиславъ убіжа въ Луческъ съ дружиною своею. То же слышавъ Изяславъ иде на Юргіа къ Городку, а съ нимъ Давыдовичъ Изяславъ, и Всево-

(1) Въ подлинникъ: и поиде. (2) Тамъ же: изяславъ. (3) На этомъ словѣ, находящемся въ рукописи на 75-мъ листѣ, прерывается статья и ея продолженіе помѣщено на 88-мъ листѣ. (4) Въ подлинникъ: а у. (5) Тамъ же: приведеш.



1151 лодичи и Олговичи (въ) помочь; затворшу же  
1152 ся ему, и потомъ не бысть ни откуда ему помо-  
щи, и иде къ Суждалю; а Глѣба остави въ  
Город(к)ѣ.

Въ лѣто 6660 Князь великій Изяславъ Го-  
родокъ княже Юріевъ разведе люди, а его  
раскопа и засыпа рвы. Того же лѣта въ Но-  
вѣгородѣ загорѣся церкви святаго Михаила въ  
торгу, и много зла бысть; и погорѣ весь торгъ,  
и двори и до ручія, и церквей 8 згорѣ, 9  
Варяжеская<sup>1</sup>. Побойще Перемышльское.  
Того же лѣта посла князь великій сына своего  
Мыстислава въ Угоры, и приведе зятя своего,  
Угорскаго короля, на Володимерка; и придоша  
къ Премышлю, и сташа полкы възлѣ рѣку  
Санъ, бѣ же одинихъ Угровъ полковъ 73,  
опричь Изяславлихъ. Володимерко же съ сво-  
ею стороною рѣки стави полки свои, и не ста  
противу тѣхъ. Потомъ же князь великій Изя-  
славъ побреде въ рѣку своими полки, а ко-  
роль по немъ своими полки, Володимерко же  
е. . . . .<sup>2</sup>, и потопташа Володимеровы пол-  
кы, Володимиръ же едва межъ ратныхъ убѣ-  
же въ городъ въ Перемышль и затворися;  
а вои начаша грабити дворы его на посадѣ,  
и тако не взяша града. И въ ту ночь посла  
Володимерко посла съ дары и съ челобытіемъ  
къ королю, и арцѣбискупу<sup>3</sup> и воеводамъ дары  
многы, дабы «его Изяславу не выдалъ, а  
своего бы не поминалъ, еже его разгнѣвилъ,  
зане ранень есми велми; а еще бы и служ-  
бу мою помянулъ, еже за отца его слѣпого  
бихся съ Ляхи.» Король же наутріа съшедся  
и съ Изяславомъ, и едва вовеле его въ то, еже  
смириться съ Володимеркомъ; и смиришася  
и разошася. Того же лѣта заложилъ Юрій  
градъ въ свое имя Юріевъ Полской, и цер-

ковъ въ немъ каменну святаго Георгіа. Юрій  
же то слышавъ, яко Городокъ его раско-  
паша и пожгоша, и поиде съ ними, и Ростис-  
лавъ Ярославичъ Рязанскій съ нимъ, и По-  
ловци мнози, что ни есть ихъ межи (В)олги и  
Днѣпра; идоша на Вятичъ, и взяша ихъ, и  
Мышенскъ и Глуховъ, и придоша на (В)олгу,  
и ту инѣ мнози Половци придоша къ нему<sup>4</sup>;  
посла же къ Святославу Олговичу, и приде  
къ нему, и поидоша къ Березовому, и ту  
пришедъ, сташа у Гуричева. Ростиславъ же  
Мыстиславичъ бѣ въ Смоленскѣ, стерегася отъ  
Юргіа, и яко мину Юргій волость его, и онъ  
иде къ Чернигову въ помочь, и въниде въ  
городъ сѣдъ (съ) Святославомъ Всеволоди-  
чемъ, . . . .<sup>5</sup> къ Изяславу Давыдовичу. Юр-  
гій же з дѣтми, и съ Святославомъ и съ Полов-  
ци приде къ городу; и Половци придоша мно-  
зи прежде и полону много взяша. Князи же  
Черниговѣстїи повелѣша (всѣмъ людемъ) съ  
острога<sup>6</sup> въ городъ бѣжати, и начаша присту-  
пати къ граду, а граждане выходяще б(і)яхуся  
съ ними, отяша же у нихъ острогъ, и зажго-  
ша пригородіе все. Посемъ же рече Андрѣй къ  
отцу своему Юрію: «сътворимъ тако по днемъ,  
приходяще подъ градъ біемся.» Видѣ бо не  
крѣпко своихъ біющихся, и поча прѣвое самъ  
съ своею дружиною, и яко выидоша противъ  
имъ изъ града, и потече въскорѣ на нихъ съ  
Половци, и многихъ избиша, и потомъ не  
смѣша выхидити изъ града отъ страха; тако  
бо вси князи начаша приступати. Посемъ  
же слыша Юрій, яко князь великій Вяче-  
славъ и Изяславъ идуть въ помочь Черни-  
говцемъ, Юрій же поиде назадъ, къ Ново-  
городцу<sup>7</sup>, и къ Путювлю, такоже и къ Суж-  
далю.

(1) Въ подлинникѣ: варяжаскіа. (2) Тамъ же пропущено нѣсколько словъ. (3) На слогахъ: арцѣ; находящіхся въ  
рукописи на оборотѣ 88-го листа, прерывается статья и ея продолженіе помѣщено на оборотѣ 85-го листа.  
(4) На этомъ словѣ, находящемся въ рукописи на оборотѣ 85-го листа, прерывается статья и ея продол-  
женіе помѣщено на 82-мъ листѣ. (5) Здѣсь въ рукописи пропускъ. (6) Тамъ же: повелѣша ю състрога.  
(7) Тамъ же: к по вогородцу.



Въ лѣто 6661. Зымѣ князь великій Изяславъ прииде къ Новугородцу на Святослава Олговича и на Василка Юріевича, и не успѣ имъ ничтоже, но смирился съ ними, иде ко Кіеву, а Василко иде къ отцу. Тоа же зны преставися Володимерко Галицкій. Въ то же лѣто заложи владыка Нифонтъ церковь каменну въ Ладогѣ. Того же лѣта въ Новѣгородѣ (сруби) Аркадъ игумень церковь святаго Богородица Успеніе, и составы собѣ монастырь; и бысть христіаномъ прибѣжище, иже и донынѣ стоитъ Аркажъ монастырь. Того же лѣта князь великій Изяславъ ходи къ Галичю на Володимерковичевъ, и выидоша Галичане безъ князя, и бишася съ ними, и бысть смятеніе, сїи тѣхъ гнаша, а тїи сѣхъ, и тако, въ тои же ноци, възбоявся Изяславъ възвратися къ Кіеву, а вой обон много паде.

Въ лѣто 6662. Князь великій Изяславъ Мьстиславичъ поа другую жену, Обызеню. Того же лѣта Новгородци выгнаша изъ Новогорода Ярослава Изяславича, а Ростиславъ Мьстиславича посадиша у себя<sup>1</sup>. Новогородъ Кіевской. Того же лѣта преставися Святополкъ Мьстиславичъ въ Володимерѣ, и посади князь великій сына своего Ярослава въ него мѣсто. Того же лѣта преставися княгини Глѣбова въ Суждалѣ. Въ то же лѣто поставиша въ Новѣгородѣ церковь святаго Савы.

О Дмитрѣ. Въ лѣто 6663. Сушу князю Георгію Суждальскому Володимеричу въ своей области на рѣцѣ на Яхромѣ и съ княгинею, и мѣсяца октября 19 день родися ему сынъ Дмитрій, и нарече ему имя Всеволодъ, и постави на томъ мѣстѣ въ имя его градъ, и нарече его Дмитровъ. Сей есть Всеволодъ всѣмъ Рускимъ нынѣшнимъ княземъ отецъ, зовомый Великое Гнѣздо. Тоа же осени, мѣсяца ноябрю 13, преставися князь великій Изяславъ Мьстиславичъ въ Кіевѣ. Тогда же иде Ростиславъ изъ Нова-

города къ Смоленску, остави сына своего Романа въ Новѣгородѣ. Вячеславъ же посла по брата его Ростислава въ Смоленскъ, и онъ пришедъ сѣде въ Кіевѣ, и общася такоже чтити Вячеслава, якоже и братъ его. Княженіе Ростиславле Мьстиславича съ Вячеславомъ дядею. Въ то же время прииде Глѣбъ Юріевичъ съ Половци къ Переславлю, князь великій же Ростиславъ Мьстиславичъ съ Святославомъ Всеволодичемъ поиде противу ихъ; онъ же слыша отъиде. Ростиславъ же, не ходя къ Кіеву, но съѣхася зъ бра(ті)ею, прииде къ Чернигову на Изяслава Давыдовича, и шедъ ста у Вышегорода; и ту прииде ему вѣсть, «яко дядя твой Вячеславъ вчера пивъ ляже, и тако не вѣста.» Онъ же оставя ту братію и полки, иде въ Кіевъ, и погребе Вячеслава, а имѣніе его разда все по монастыремъ, и по церквамъ и по нищимъ, и въземъ полкъ Вячеславъ поиде на Изяслава, и пришедъ къ Чернигову ста на Боловеси. А Изяславъ посла по Глѣба, и прииде къ нему вѣскорѣ съ Половци. Ростиславъ же видѣ множество Половецъ, и убоися, и нача мира просити, а Кіева нача отступатися и Переславля подѣ Мьстиславомъ Изяславичемъ; тоже слышавъ Мьстиславъ, повероти конь свой съ дружиною прочь. Тоже видѣвше вси вой, и побѣгоша, а Половци погнаша по нихъ, и многихъ побиха, а иныхъ поимаша, а Святослава Всеволодича поимаша (же); а Ростиславъ бѣжа къ Смоленску, а сынъ его Святославъ и Мьстиславъ Изяславичъ къ Кіеву, а оттолѣ къ Переславлю, и въземъ жену иде въ Луческъ. И нелюбобяше Новгородцемъ на Ростислава, что поиде отъ нихъ, а не сѣтвори имъ наряда, и выгнаша сынъ его Романа; (а) къ Юрію послаша владыку Нифонта, и взяша къ себѣ княжити сына его Мьстислава. Въ Кіевѣ же не бысть тогда князя, и послаша по Изяслава Давыдови-

(1) Въ подлинникъ: посадиша его. (2) Тамъ же передъ симъ зачеркнуты слова: тоа же осени.



1155 ча въ Черниговъ; онъ же пришедъ сяде въ  
1156 Кіевѣ.

Княженіе Изяславле Давидича. Въ лѣто 6663. Юрій слышавъ Изяславу смерть, и поиде къ Кіеву, тогда присла къ нему Ростиславъ Смоленскій, мира прося; онъ же дастъ ему миръ, такожде и Олговичемъ. И пришедъ къ Кіеву, посла Изяслава ис Кіева, онъ же иде къ Чернигову. Юргій же шедъ сяде въ Кіевѣ на Врѣнное воскресеніе, а сынъ его Андрей въ Вышегородѣ, а Борисъ въ Туровѣ, а Глѣбъ въ Переяславлѣ, а Василко въ Поросіи, и бысть тишина въ Руской земли. Тоя же весны Берендѣи побиша Половецъ въ Поросіи.

Княженіе Юріево Владимерича. Посла Юрій Ярославичъ Юріа, внука Святополча, и выгна Мъстислава ис Пересопницы, и иде къ Лучску; Юргій же повелѣ тамо на него ити зятю своему Ярославу Володимерковичю Галичскому, онъ же иде въ Ляхы. Посла же тогда Юргій по Ростислава Смоленского; онъ пришедъ умоли его о братѣ Володимерѣ и о братаничахъ, Мъстиславѣ, Ярославѣ; онъ же и тѣхъ прія въ любовь. Хотящу же великому князю Юрію съ сыновци своими, Ростиславомъ и Володимеромъ, и съ Изяславичи<sup>1</sup> Мстиславомъ и Ярославомъ, ити на Изяслава Давидича къ Чернигову; онъ же слышавъ его съвокупльшася, и посла къ нему о миру; князь великій же давъ ему миръ, рпусти сыновци. Того же лѣта князь Андрей Юріевичъ вземъ въ Кіевѣ икону пречистые Богородицы, иже есть Лукина писма и принесена бысть къ отцу его изъ (Царя)града, и иде съ нею къ Суждалю; отецъ же его негодоваша на него велми о томъ<sup>2</sup>. Того же лѣта Глѣбъ Юріевичъ женися у Изяслава Давидича; а братъ его Мъсти-

славъ женися въ Новѣгородѣ у Петра у Михайловича.

Въ лѣто 6664. Мъстиславъ Изяславичъ дяду своего Володимера Мъстиславича згони съ Володимеря, а мать его и жену<sup>3</sup> ятъ; Володимеръ же бѣжа къ Перемышлю, а отту(ду) въ Угорскую землю къ королю и къ сестрѣ, бѣ бо сестра его за королемъ Угорьскимъ, дщи великого князя Мъстислава Володимерича Манамаша. Тоя же зими выгнаша Новгородцы<sup>4</sup> Судила и(зъ) посадничества, и по изгнаніи въ 5 день умре; и даша посадничество Якуну Мирославичу. Тоя же весны поиде владыка Новгородскій Нифонтъ противу митрополита Костантина, и на пути преставися, мѣсяца априля 21; иніи<sup>5</sup> же мнози глаголаху, яко получивъ святую Софію пошолъ къ Царуграду. Посемъ бо разумѣти комуждо насъ: который епископъ тако украси святую Софію? притворы исписа, кивотъ сѣтвори, и всю извну украси, и церкви постави. Но не хотя Богъ, по нашимъ грѣхомъ, дати намъ гробъ его на утѣшеніе, отведе ко Кіеву, и тамо преставися; и положиша его у святыа Богородици въ Печерскомъ монастыри. Въ то же лѣто събравшеся весь градъ, люди, избраша на епископію мужа богоизбранна игумена Аркадіа; и шедъ князь Мъстиславъ Юріевичъ, и весь клиросъ святѣй Софѣи, попове, игумени, и чернцы и весь народъ, пояша его изъ монастыря святыа Богородица, именова(нна)го его именемъ Аркажа, и поручиша ему епископію святыа Софіа Великаго Новагорода и Пскова, глаголющи ему: «коли митрополитъ будетъ на Руси, тогда станеша епископомъ.» Въ то же лѣто поставиша купци заморстїи церковь святыа Пятници въ Новѣгородѣ, на трговищи<sup>6</sup>. Того же лѣта прииде изъ Царяграда въ Кіевъ

(1) Въ подлинникѣ: съ изяславиче. (2) Тамъ же противъ этого мѣста, на полѣ, другимъ почеркомъ, написано: образъ пречист. . . узятъ. съ кіева до москвы . . . до суждала; а тотъ образъ малываль . . . святый. (3) Тамъ же: жено. (4) Тамъ же: новгородскы. (5) Тамъ же: онн. (6) Тамъ же противъ этого мѣста, на полѣ, другимъ почеркомъ, написано: (за) морскн купци (це)рковь поста(ви)ли пятници.



Константинъ митрополитъ; князь великій же Юргій пріа его съ великою честію. Того же лѣта поиде князь великій Юргій на своего племяннича сына, на Мъстислава Изяславича, къ Володимерю, ища подъ нимъ Владимера племяннику своему Володимеру Андрѣвичу; и много зла сѣтворше, города не вѣземше, отъидоша. И дасть князь великій Володимеру Дор(ог)обужь, и Пер(е)сопницу и всѣ Погоринскіе города. Того же лѣта князь великій Юрій Володимеричъ заложи градь Москву, на устниже Неглинны, выше рѣкы Аузы.

Въ лѣто 6665. Изяславъ Давыдичъ почарать замышляты на великого князя на Юргіа, и сложися съ нимъ Ростиславъ Мъстиславичъ. Князь великій же тогда разболѣся, и преставися мая въ 15, и много зла сѣтворися; разграбиша имѣніе его и дружину его Суздальскую. И въніиде Изяславъ Давыдовичъ въ Кіевъ, маа 19, а сыновца своего Святослава Володимерича остави въ Чръниговѣ съ полки своими. Княженіе Изяслава Давыдича, внука Святослава Ярославича. Придоша на великого князя Изяслава Давыдича два Святослава, Олговичъ и Всеволодичъ, и отбися отъ нихъ; они же шедше сташа за Свиною. И прииде Изяславъ Давыдичъ съ полки ис Кіева, и сташа предъ нимъ, и ту смиришася; и даша Олговичемъ Черниговъ, а Всеволодичемъ Новгородъ, а Изяславъ съ княгинею, и з дѣтми и съ всѣми своими иде въ Кіевъ<sup>1</sup>. Того же лѣта вѣста котора въ людехъ въ Новѣгородѣ на князя Мъстислава Юріевича, и начаша его гонити изъ города; торговая же страна сташа въ оружіи по немъ, и онѣ же мостъ переимаша, и сташа сторожи у городскихъ воротъ, а друзи на ономъ полу, и мало крови не проліаша межи собою; а ту ночь бѣжа Мъстиславъ Юріевичъ изъ города, и по трехъ днехъ въніиде Ростиславъ Мъстиславичъ въ Новѣ-

городъ з дѣтми, съ Святославомъ и Давы-1156 домъ, и сѣбрашася братія, и не бысть ничто-1159 же зла. Того же лѣта преставися Андрей, игумень святѣй Богородици. Вѣдомо дается, яко отселѣ раздѣляется великое княженіе Кіевское на двѣ части; отдѣли бо ся отъ нихъ князь Андрей Юріевичъ, егоже прозваху Боголюбскій. Того же лѣта Ростовци и Суздальци посадиша на великое княженіе въ Володимерѣ въ Залѣскомъ великого князя Андреа Юріевича, внука Манамахова.

Въ лѣто 6666. Князь великій Андрей Юріевичъ заложи Володимери церковь святую Богородицу Успеніе каменну, обѣ единомъ версѣ, априля 8; и дасть ей много имѣнія, свободы купленыя и з данми, и села лучшаа, и десятое въ стадахъ своихъ, и въ торгу десятое. Тогда же и городъ болшей заложи. Въ томъ же лѣтѣ прииде Леонтій епископъ Ростову чудотворецъ. Того же лѣта иде Ростиславъ къ Смоленску и съ княгинею, а сына своего Святослава посади въ Новѣгородѣ, а Давыда на Новомъ Торгу. Въ то же лѣто, по грѣхомъ по нашимъ, моръ бысть много въ Новѣгородѣ въ людехъ и въ конехъ, яко не лѣзѣ<sup>2</sup> бѣше дойти торгу сквозѣ городъ, ни<sup>3</sup> на поле выйти, смрада ради мертвыхъ; и скоть рогатый помре. Того же лѣта поставленъ бысть Аркадъ игумень на епископство въ Новѣгородъ Константиномъ митрополитомъ, и прииде Новугороду септевря 13, на канунъ Въздвиженія. Тоя же осени поставиша Деонисіа игуменомъ святому Георгію въ монастырь.

Въ лѣто 6667. Преставися Борисъ Юріевичъ, маа 12, и положенъ бысть на Нерли у Бориса Глѣба, идеже бѣ становище святыхъ мученикъ Бориса и Глѣба. Того же лѣта князь великій Изяславъ Давыдовичъ нача рать замышляти на Ярослава Володимерковича, зятя Юргіева, ища волости Берладнику, и зваше

(1) На этомъ словѣ, находящемся въ рукописи на оборотѣ 85-го листа, прерывается статья и ея продолженіе помѣщено на 80-мъ листѣ. (2) Въ подлинникѣ: неплѣзѣ. (3) Тамъ же: не.



1159 со собою Святославъ Олговича и Всеволодича; они же не хотяху, но и самому Олговичи ходити не веляше. Онъ же не послуша ихъ, но поиде на нь, похваляся, съ нимъ же сыновець его Святославъ Володимеричъ и Половци мнози. И прииде ему вѣсть, оужъ идетъ Мѣстиславъ Святославичъ, и Володимеръ Мѣстиславичъ и Ярославъ Галичскый Володимеровичъ, и внидоша въ Бѣльгородъ; а князь великій Изяславъ прииде подъ городъ съ множествомъ вой и съ Половцы многими, и начаша съ нимъ битися крѣпко изъ града. Еще же прииде ему въ помочь Башкордь Половчинъ, вотчимъ Святославъ, сыновца его: понялъ бо тотъ Башкордь по убіеніи Владимира княгиню его, а Святославлю матеръ; и прииде Башкордь съ 20-ю тысячъ. И въ ночи съслашася Берендѣи великого князя съ Мѣстиславомъ Изяславичемъ, и побѣжаша отъ него къ городу; князь великій же видѣвъ, побѣже и съ сыновцемъ своимъ Святославомъ на Вышегородъ (ко) Гомью, а по княгиню посла въ Кіевъ; она же бѣжа къ<sup>1</sup> зятю Глѣбу, въ Переяславъ, Юріевичу, и допровади ея Глѣбъ до князя ея въ Гомью; а Половцевъ ту множество избиша. Мѣстиславъ, и Володимеръ и Ярославъ<sup>2</sup> внидоша въ Кіевъ, декабря 22, и взя Мѣстиславъ все имѣніе Изяславе и посла къ Володимеру<sup>3</sup>, а митрополитъ Костянтинъ бѣжа ис Кіева къ Чернигову<sup>4</sup> отъ Мѣстислава Изяславича: Мѣстиславъ<sup>5</sup> бо не любяше его, но Клима хотяше, егоже постави отецъ его на митрополию. Мѣстиславъ же посла князи по Ростислава къ Смоленску, Ростиславъ же посла къ нимъ, глаголя: «аще мя зовете на Кіевъ, то не хочу на митрополию Клима;» а Мѣстиславъ не хотяше Костянтина, глаголя: «отца моего клялъ<sup>6</sup>;» и много спиравшеся, оставиша оба тѣ, а по иногo послати въ Царьгородъ. И пришедъ Ростиславъ сѣде въ Кіевѣ.

Княженіе Ростиславле Мѣстиславича, внука Манамаша. Митрополитъ же Костянтинъ разболѣся въ Черниговѣ; уразумѣвъ же преставленіе свое, и написа грамоту, и запечата ю, и дасть епископу Черниговскому Антонію, и заклать его именемъ Божиимъ, яко да сътворитъ все, еже въ грамотѣ писано. И егда преставися митрополитъ, тогда епископъ въземъ грамоту ихъ къ князю, и прочте ю, и обрѣте въ ней страшную вещь написану: «яко по умертвіи моемъ не погребите (те) тѣла моего, но оцѣпите ѿ за нозѣ ужемъ, извлекше изъ града, поврѣзите псомъ на расхищеніе.» И рече ему князь: «якоже хочещи, тако сътвори.» Епископъ же Антоній сътвори повелѣнное ему митрополитомъ; и ту тѣло его поверженое лежало за 3 дни; народи же видѣвше, вси дивишася о смерти его. Князь же Святославъ Олговичъ наполнився страха Божіа, ужасъ бо велій нападе на нь о таковѣй вещи, и въ третій день принесоша ѿ въ градъ съ великою честію, и положиша тѣло его у святаго Спаса, въ теремѣ, идеже Игорь лежитъ<sup>7</sup>. И въ тѣ 3 дни въ Кіевѣ, егда бѣ тѣло его поврѣжено внѣ града, солнце помръче, и тако(ва) бысть буря, яко и земли трястися, и млынина блистанія не можаху трѣпѣти людіе, и грому силу бывшу, яко единѣмъ шибеніемъ заразило седмь чловѣкъ: два попа, два діакона да четьри чловѣки простыхъ. Тогда же бѣ Ростиславъ стояше въ товарѣхъ у Вышегорода, и буря пелома около его шатерь, Ростиславъ же страха Божіа наполнися<sup>8</sup>, и помяну смерть митрополиту, възвѣщено бысть ему Святославомъ Олговичемъ, и посла въ Кіевъ къ святѣй Софіи и по всѣмъ соборомъ, да творять стоаніе всенощное въ церквахъ; се бо грѣхъ ради нашихъ, посла Богъ казнь сію на насъ. Сіа же вся въ Кіевѣ страшна быша, а въ

(1) Въ подлинникѣ: кѣи. (2) Тамъ же: ярославъ. (3) Тамъ же: къ воволодимеру. (4) Тамъ же: къ чернигову. (5) Тамъ же: мѣстиславъ. (6) Тамъ же: клялъ. (7) Тамъ же: жжетъ. (8) Тамъ же: наполнися.



Черниговѣ по всѣ тѣ 3 дни солнцу сіающе, а во нощи видяху надъ тѣломъ его 3 столпы огненны, сіающе до небеси; егда же погребоша тѣло его, бы(сть) тишина. Тогда же лѣта приидоша Половци къ Виревы, къ Изяславу Давыдовичу; онъ же поиде къ Чернигову, и пришедъ ста възлѣ Десну. Въ Черниговѣ же бѣ Святославъ Олговичъ, и сыновецъ его Святославъ Всеволодичъ Олговича и Рурикъ Ростиславичъ, и біахуся съ нимъ объ рѣку, не пустяху<sup>1</sup> ихъ къ себѣ, а къ Ростиславу посласта помощи просяще, и посла имъ Изяславича Ярослава, и Володимера Андрѣевича и Галичскую помощь. Слышавше то Изяславъ<sup>2</sup> Давыдовичъ отъиде въ поле, и ходивше по немъ, и не обрѣтоша его, и възвращашеся разыидошася. Изяславъ же доиде Игорева брода<sup>3</sup>, и ту постиже его вѣсть ис Чернигова отъ пріателей: «не ходи никаможе; братъ ти Святославъ<sup>4</sup> болѣнь, а сыновецъ его отъ него шелъ къ Новгороду, а вои распусти.» Онъ же часа того изгономъ поиде къ Чернигову, а Святославу нез(д)равующу, а стоащу станы предъ градомъ (съ) женою и з дѣтми, а того не вѣдущу; а сей пришедъ начать бродитися чересь Десну, а Половци напередъ пусти воевати. И то слышавъ Ярославъ, изряди полкъ свой, а по Володимера(ра) Андреевича посла и по Рурика Ростиславича, бѣ бо Володимеръ пришедъ близъ Чернигова съ полкомъ своимъ, да и съ Кіевскимъ, и Галичскаа помощь. И прииде въборзѣ Володимеръ съ полкомъ своимъ, и стаха ждуще Изяслава, а на Половци отпусти Берендичъ; и ти шедше побиахъ ихъ, а полонъ отъяша, еже взяша около Чернигова, а самихъ<sup>5</sup> избиша, а иныхъ поймаха, а прочіи прибѣгоша къ Изяславу, ркуще: «о сирота велика!» Онъ же бѣжа за рѣку, а Святославъ, и Володимеръ и Рурикъ поидоста

за Десну, и не постыгше его възвратихася; 1159 бѣже бо въ поле, а Половци идоша отъ него въ вежи своа. 1160 То же зими пришедъ Изяславъ Давыдовичъ воева съ Половци Смоленскую волость. Тогда жени сыновца своего Святослава Володимеровича у Андреа у Юріевича. То же зими идоша Олговичи на сего Святослава Володимеровича, и оступиха и (въ) Вежици; а онъ біашеся съ ними крѣпко, а Андрей, тестъ его, посла къ нему въ (по)мочь сына Изяслава; такоже иде къ нему стрый его Изяславъ въ помощь, и то слышавше Олговичи, идоша прочь.

Въ лѣто 6668. Новгородци поймаха князя своего Святослава Ростиславича, и послаха его въ Ладогу, а княгиню его впустиша въ манастирь Варварѣ, а дружину меташа въ погребъ, а имѣніе разграбиша; а взяша къ собѣ князя у великаго князя Андреа у Суждалского Мъстислава Ростиславича, сыновца его, внука Юріева. То же слышавъ князь великій Ростиславъ Мъстиславичъ пойма всѣхъ Новгородцовъ, иже въ Кіевѣ, и вмета ихъ въ погребы; и издохаша 14 ихъ, а прочихъ велѣвъ имати и расточити по градомъ. А Святославъ изъ Ладогы убѣжа къ отцу въ Кіевъ. Того же лѣта погорѣ градъ Ростовъ, и церковь дубоваа згорѣла, якова не бывала, потомъ таковѣй не бывати; а стоала та церковь 168 лѣтъ. Князь великій Ростиславъ Мъстиславичъ взя у Святослава у Олговича у Черниговского сына Олга въ Кіевѣ, глаголя: «познають его людіе;» имаше бо любовь къ Святославу велику. Пребывшу же Олгу у Ростислава два дни въ любви и во чти величѣй, а на третій день нѣкоторый отъ прежнихъ мужъ Ростиславлихъ, научень діаволомъ, рече Олгу: «имѣю къ тебѣ слово; но аще скажу ти, не повѣси ли кому?» и кляся ему Олегъ. Онъ же рече: «хотятъ (т)и няти,

(1) Въ подлинникъ: не постоаху. (2) Тамъ же: изяславль. (3) Тамъ же: города; исправл. по Полн. Собр. Лѣт. т. II, стр. 87. (4) Тамъ же: святославль. (5) Тамъ же: а самихъ.



1160 стерезися.» Олегъ же шедъ, рече Ростиславу: «мати ми болить, пусти мя къ Чернигову.» Онъ же много (у)имавъ его, отпусти, а того въ себѣ ни въ помышленіи не имѣяше. Олегъ же пришедъ не повѣда того отцу, но отпросися отъ него къ Курску. И присла къ нему Изяславъ Давыдичъ о любви<sup>1</sup>, и сложися съ нимъ, уже бо и Всеволодичи сложишася съ нимъ. Се же слышавъ, отецъ его печалень бысть, и рѣша мужѣ къ Святославу: «почто жалуеши(ся) на сыновца и на сына своего, а себе не блюдеши? вѣси ли, яко Романъ, сынъ Ростиславль<sup>2</sup>, посылалъ къ Изяславу, глаголя: дасть ти батко Черниговъ, и ты поживи съ мною въ любви; а самъ князь великій Ростиславъ хотѣлъ сына твоего поимати, а ты уже власть свою погубилъ еси, дръжася по Ростислава, онъ ти лѣниво помагаеть.» И тако зліи челоуѣци свадиша братію, и тако нуждею поведесе Святославъ отъ Ростиславли любви къ Изяславу. А Изяславъ Давыдовичъ и Олегъ Святославичъ<sup>3</sup> съ Половци приидоста къ Переславлю на Глѣба Юріевича, зовуще его съ собою на великого князя Ростислава; онъ же не иде. И стояша подъ городомъ 2 недѣли, и не успѣвше ничтоже възвратишася; слышавъ бо то<sup>4</sup> князь великій Ростиславъ, поиде на нихъ, и побѣгоша. Того же лѣта прииде изъ Царяграда митрополитъ Теодоръ въ Кіевъ; посылалъ бо по него Ростиславъ. Тоя же зыми Изяславъ Давыдичъ опять посылалъ по Половци, и съвѣкупяся съ ними, и съ Всеволодичи и съ Олгомъ, поиде къ Кіеву; а князь великій съ Андреемъ только, з дядею, и съ Кіаны (ста) възлѣ столпіе, иже бѣ загорожено отъ горы до Днѣпра; и ту бысть межи ими брань крѣпка зѣло, яко страшно бо и зрѣти. И нача одолѣвати Изяславъ, и рѣша дружина великому князю Ростиславу: «братіа ти не поспѣли, ни Беринди-

чи, ни Торци, а сего сила велика; поиди въ Бѣлгородъ, и ту приидутъ къ тебѣ вси вои.» Онъ же послушавъ ихъ, въземъ княгиню, иде къ Бѣлогороду съ всѣми вои своими, и тогоже дни прииде къ нему сыновець его Ярославъ Изяславичъ съ братомъ (Мстиславомъ), а Ярополкъ<sup>5</sup> Андреевичъ иде къ Торцькому, къ Берендіемъ и Торкомъ, а Ярославъ шедъ въ Кіевъ, и пакы поиде къ Бѣлогороду за Ростиславомъ. Въ то же время бысть знаменіе въ лунѣ страшно: идяше бо есть чересь небо, отъ востока до запада, измѣняющися, нача убывати<sup>6</sup> помалу и вся погыбе; и бысть яко сукно черно, и потомъ яко кровава, таже яко двѣ лица имѣа, едино зелено, а другое желто, посреди же еа яко два ратна сѣкущися мечми, и у единого кровь изъ главы идяше, а (у) другого бѣло яко млеко. Прииде Изяславъ Давыдовичъ къ Бѣлогороду, и стоаша около дѣтинца 4 недѣли, а Святославъ Олговичъ Чръниговскій прислаше къ нему, веля миръ взяти или отступити; онъ же рече: «лучши здѣ умру, а прочь не иду, како ми сихъ опять съвѣкупити?» Тогда же Мстиславъ Изяславичъ поиде изъ Володимеря въ помощь дядѣ Ростиславу и з Галичскою помощію; а Рюрикъ, сынъ Ростиславль, ис Торцького съ Володимеромъ Андрѣевичемъ, и з Берендѣи, и съ Торки и съ Печенѣгы. И сняшася съ Мстиславомъ у Котелници, и отту(ду) поидоша къ Новугороду, и быша на Кучари, и начаша проситися напередъ Чрънии Клобуци у Мстислава съзрѣти рати Изяславли, а Изяславли сторожи, Половци дикіе, устергоша рать и прибѣгоша къ нему, повѣдающе рать велику; онъ же часа того побѣже, ни полковъ не видѣвъ. А князь великій Ростиславъ выиде изъ города, и съвоюкупися съ братією, и погониша по нихъ; и ту постыгающе многихъ избываху Половецъ

(1) На этомъ словѣ, находящемся въ рукописи на оборотѣ 84-го листа, прерывается статья и ея продолженіе опмѣщено на 86-мъ листѣ. (2) Въ подлинникѣ: ростиславль. (3) Тамъ же, по ошибкѣ: всеволодичъ. (4) Тамъ же: той. (5) Тамъ же: ярополкомъ а. (6) Тамъ же: убывати.



Торци и Берендѣи, а иныхъ руками имаху. Постигоша же и самого Изяслава Давыдовича ко озерамъ<sup>1</sup> възидяща (въ) борокъ, и нача сѣчи его по главѣ саблею, Иворь Геденовичъ убодѣ въ стегно и въ(з)дымь е(го), и ту спаде съ коня; еще же ему живу, прииде надъ него князь великій Ростиславъ и Мъстиславъ, и начаша плакати. Онъ же въпросы воды, и даша ему вина; онъ же испивъ, преставися. И въземше тѣло его послаша въ Черниговъ; Святославъ же положи тѣло его у Бориса и Глѣба. А Ростиславъ же сѣде въ Кіевѣ, а Мъстиславъ поиде къ Володимерю. Того же лѣта съвършенна бысть церковь святыя Богородица въ Володимерѣ на Клязмѣ великимъ княземъ Андреемъ Юріевичемъ; верхъ же ея позлати, и украси ю дивно, паче инѣхъ церквей, многими и чюдными иконами, и съсуды церковными и книгами; въ ней же и чюдную Богоматере икону постави, Лукина писма, юже принесе со събою ис Кіева, и положи на ню злата болѣ 30 гривень, опроче женчюга и каменія драгаго. Бѣ бо князь великій Андрѣй Юріевичъ премного любимъ всѣми, тѣмже и по смерти отца своего велику память сѣтвори: монастыреи постави, церкви украси, церковь сконча, юже бѣ прежде заложилъ Юрій, отецъ его, святаго Спаса въ Суждали каменную; по вѣрѣ бо его<sup>2</sup> приведе ему Богъ отъ всѣхъ земель мастыри.

Въ лѣто 6669. Урядися Ростиславъ Мъстиславичъ съ княземъ Андреемъ Суздалскимъ о Новѣгородѣ, и выведе Андрей<sup>3</sup> сыновца Мъстислава Ростиславича, и сидѣвшу ему годъ безъ недѣли; а Святослава Ростиславича посадиша опять. Того же лѣта преставися князь Володимеръ Святославичъ Ярославича Рязанскій. Того же лѣта заложена бысть церковь камена въ Ростовѣ княземъ Андрѣемъ; ту же обрѣтоша святаго Леонтіа въ тѣлѣ. Того

же лѣта подписаша церковь святую Богородицу 1160 Володимерскую. Мъстиславъ Изяславичъ раз- 1162 гнѣвася на дядю Ростислава, иде ис Кіева къ Володимерю, и потомъ иде на Володимера Андреевича къ Пересопниці, веля ему отступити отъ Ростислава; онъ же не сѣтвори того никакоже, Мъстиславъ же вороти Володимера. Святославъ Олговичъ з дѣтми Олговичи цѣловаша (крестъ) къ Ростиславу быти за одинь. То же лѣто все стоало ведро, и пригорѣ всяко жито<sup>4</sup>, а на осѣнь поби всю арь морозъ<sup>5</sup>; еще же, за грѣхы наша, не то зло (оставися), но и зима бѣше тепла и дождь съ громомъ, купляху въ Новѣгородѣ малую кадку по 7 конь. Велика скръбъ и нужда (бѣше) въ людехъ!

Въ лѣто 6670. Князь великій Андрей Юріевичъ выгна Леона епископа изъ Суждаля, и братію выгна, Мъстислава, и Василка и Михалка, и мужи предній отца своего, хотя единъ быти властель въ всей Суздалской и Ростовской земли; Леона же епископа опять възврати. Того же лѣта воста ересь Леонтійская; скажемъ вмаѣ: Леонъ епископъ не по правдѣ поставися Суздалю, Нестеру епископу живу сущу, прехвати<sup>6</sup> Несторовъ престолъ, и нача учити не ясти мяса въ Господьскыя праздники, аще прилучится въ среду и пятокъ, ни на Рожество Христово, ни на Крещеніе; и бысть тяжа велика предъ благовѣрнымъ великимъ княземъ Андрѣемъ, препре бо его владыка Феодоръ. Онъ же иде на исправленіе къ Царюграду, и тамо упренъ бысть Андрѣемъ, епископомъ Болгарскимъ. Се сказахомъ вѣрныхъ ради людей, да не съблзняются о празницѣхъ Божіихъ. Того же лѣта священна бысть церкви въ Володимери на Золотыхъ воротехъ. Того же лѣта заложена бысть церковь святаго Спаса во Володимери. Того же лѣта священна бысть церкви святыя Бо-

1) Въ подлинникѣ: ко изырамъ. (2) Тамъ же: емуго. (3) Тамъ же: андрей и. (4) Тамъ же: животное. (5) Тамъ же: морозъ. (6) Тамъ же: прехвалити.



1162 городица въ Ростовѣ каменная. Того же  
1166 лѣта выгнаша Володимера Мстиславича изъ  
Лу(чѣ)ска, и дасть ему братъ его князь  
великій Ростиславъ Треполь и ины четыре  
города; а Юріевичи Мстиславъ и Василко съ  
матерією и съ чады, и брата Всеволода поем-  
ше, идоша къ Царюграду, и царь грады по-  
дава имъ. Въ Новѣгородѣ преставися игу-  
мень Алекса святыа Богородица, и поставиша  
Мануила въ него мѣсто.

Въ лѣто 6671. Преставися архіепископъ  
Новгородскій Аркадей, сентебря 19, и по-  
ложиша и въ притворѣ святыа Софія<sup>1</sup>. Того же  
лѣта (сотвориша миръ) князь великій Ростиславъ<sup>2</sup>  
съ сыновцемъ своимъ Мстиславомъ,  
и да ему грады ихъ Торче(с)къ и Бѣлогородъ, а  
за Треполь дасть Каневъ. Того же году преста-  
вися митрополитъ Феодоръ.

Въ лѣто 6672. Приде изъ Царяграда (въ)  
Кіевъ митрополитъ Іоанъ, князь же великій  
Ростиславъ не хотѣ пріяти его; царь же при-  
сла ему дары многы, и пріа его Ростиславъ.  
Того же лѣта преставися Святославъ Ольго-  
вичъ въ Черниговѣ, а по немъ сѣде Святославъ  
Всеволодичъ; а Олегъ Святославичъ Ольговича  
въ Новѣгородѣ. Того же лѣта иде князь вели-  
кій Андрей на Болгары, а съ нимъ братъ его  
Ярославъ, и сынъ Андреевъ Изяславъ и князь  
Юрій Муромскій, и поможе ему Богъ и пре-  
святаа его Мати, съ нею же ходиша; и съ-  
сѣкоша ихъ множество, а стягы ихъ поимаха,  
одва въ малѣ дружинѣ князь Болгарскій утече  
до Великого города. Князь же великій взя 4  
города, възвратися съ побѣдою великою, ви-  
дя поганыхъ избиты<sup>3</sup>, а свою дружину цѣлу.  
Стояху же пѣшци на полчищи подъ стягомъ съ  
святою Богородицею; и прихавше вси до святѣй  
Богородици ударивша челомъ, и почаша цѣло-  
вати вси съ слезами и радостію великою, хва-

лы и пѣсни благодарныя въздающе (е)й. Князь  
же великій видѣ лучъ отъ иконы, окружающе  
полкъ его, и възвратися, и повоева землю ихъ,  
и пожже; и шедъ взяша городъ ихъ славный  
Бряхимовъ въ Камѣ, и сѣтвори землю ихъ  
пусту. Се же бысть новое чудо святѣй Бого-  
родици Владимирской, и принесе ю съ славою,  
постави въ церкви святыа Богородица Влади-  
мерскія. Того же лѣта преставися у князя Ан-  
дрѣа сынъ Изяславъ, пришедъ изъ Болгарско-  
го<sup>4</sup> бою; положень въ церкви Пречистыа въ  
Володимери. Того же лѣта придоша Свѣа  
подъ Ладогу, и пожгоша Ладожанѣ хоромы  
своа на посадѣ, а сами въ городѣ затвори-  
шася съ посадникомъ Нѣжатою, а по князя  
Святослава Ростиславича послаша и по Но-  
вгородци. Они же приступиша подъ городъ<sup>5</sup>,  
и не успѣша ничтоже, но болшу рану пріа-  
ша, и вѣступиша въ рѣку Вѣронаи. 5 днѣй  
потомъ приспѣ князь Святославъ съ Ново-  
городци, и наихаша на нихъ мѣсяца маа 20,  
на святаго Еладіа<sup>6</sup>, и побѣдиша ихъ Божією  
помощію, овы изсѣкоша, другыа изымаша;  
а пришли въ 60 шнекъ, изымаша 43, и ма-  
ло ихъ убѣжаша, и тѣ избіени быша.

Въ лѣто 6673. Поставлень бысть архіепис-  
копъ Новгородскій Іліа митрополитомъ  
Іоаномъ, при великомъ князи Ростиславѣ  
Мстиславичи; и приде къ Новгороду маа  
11, на бытіе Царяграла, при князи<sup>7</sup> Святославѣ  
Ростиславичи и при посадницѣ Захаріи. Того  
же лѣта постави князь Святославъ церковь въ  
Новѣгородѣ святаго Николу на Городищи; а  
другую поставиша Шетичники святую Трои-  
цу. Того же лѣта ходи игумень (Діонисій)  
въ Русь изъ Новгорода, и благослови его  
митрополитъ Іоаннъ на архіепископство.

Въ лѣто 6674. Преставися митрополитъ  
Іоанъ въ Кіевѣ. Того же лѣта преставися

(1) Въ подлинникъ: совіа. (2) Тамъ же: ростославъ. (3) Тамъ же: избити. (4) Тамъ же: болгарскои. (5) Тамъ же: подъ городомъ. (6) Тамъ же противъ сего на полѣ написано: фалелѣа. (7) На этомъ словѣ, находящемся въ рукописи на 88-мъ листѣ, прерывается статья и ея продолженіе помѣщено на оборотъ того же листа.



Ярославъ Юріевичъ, братъ Андрѣевъ, и положенъ бысть въ Володимери въ Пречистой. Въ то же лѣто преставися Святославъ Володимеричъ, внукъ Давыда Святославича. Того же лѣта Вълодимеръ Ярославичъ Галичскій женися у Святослава Всеволодича въ Черниговѣ. Того же лѣта шурины его Олегъ Святославичъ побѣ Кобыка съ Половци. А Ярославъ Изяславичъ жени сына Всеволода у Юргія Ярославича, Святополча внука Изяславича. Въ то же лѣто Половци побѣша Шварна, Чьского князя, и яша его, и много окупа взяша на немъ. Того же лѣта въ Новѣгородѣ поставиша церковь святаго Спаса каменну, въ манастири святаго Георгія. Въ то же лѣто прииде князь великій Ростиславъ на Луки, и призвалъ Новгородци на порядъ: и огнищани, и гридбу, и ту ся разболѣ; и преставися на пути, марта 14, и везоша его къ Кіеву, и положиша въ церкви святаго Феодора.

Въ лѣто 6675. По<sup>1</sup> Ростиславъ сѣде въ Кіевѣ Мъстиславъ, сыновецъ его, Мъстиславъ Изяславичъ. Княженіе Мъстиславле Изяславича, внука Мъстиславля. Поиде князь великій Мъстиславъ на дядю сво(е)го Володимера Мъстиславича, къ Вышегороду, и на Рурика Ростиславича, и цѣловаша крестъ межѣ себе, и разыидошася. И посемъ Володимеръ нача думати на великого князя Мъстислава, и явлена бысть дума его Мъстиславу; онъ же обличивъ его и укрѣпи крестомъ. Того же лѣта начаша къ Володимеру присылати Тягровичи, глаголюще: «мы къ тебѣ пріаемъ.» И радъ бы(сть) Володимеръ, забывъ крестное цѣлованіе, и посла къ бояромъ Кіевскимъ, являя думу свою, къ Михаилу, и Рагуилу и Завиду. Они же рѣша: «о себѣ еси замыслилъ, а мы сего не вѣдаемъ, а по тебѣ не идемъ.» Онъ же възглянувъ на дѣтскіе свое, глаголя: «се будутъ мои боярѣ;» иде къ Берендичемъ. Они же рѣша: «приказалъ еси

намъ и рекъ: азъ съ братією, то гдѣ братіа, 1166 Володимеръ, и Ярославъ<sup>2</sup> и Давыдъ, а ѣздишь 1167 одинъ?» и пустиша стрѣлы на нь. Онъ же побѣже, рекъ: «не дай Богъ поганому вѣры яти, азъ бо погыбохъ душу и тѣломъ.» И ту избиша сущихъ съ нимъ, а онъ побѣже къ Доро(го)-бужу, ту бо бѣ и жена его бѣжа. Андрѣевичъ же не пусти его къ себѣ, и поиде на Радимичи къ Суждалю; Андрей же посла противъ его, веля ему ити къ Глѣбу въ Рязань; онъ же (иде) тамо, (а) жену остави въ Глуховѣ. Тоя же весны Сотко Сытничъ въ Новѣгородѣ заложилъ церковь каменну Бориса и Глѣба. Того же лѣта прииде въ Кіевъ Костантинъ митрополитъ. Того же лѣта Новгородци хотѣша изымати князя своего Святослава Ростиславича, онъ же то увѣдавъ, и выиде изъ Новгорода на Луки, и присла (въ) Новѣгородъ, глаголя, «яко не хочу у васъ княжити.» Новгородци же цѣловаша святую Богородицу, яко не хотимъ его, идоша его тамо прогнати съ Лукъ; онъ же то слышавъ, еже<sup>3</sup> идуть на нь, иде къ Торопцу, а Новгородци послаша къ великому князю Мъстиславу, въ Кіевъ, по сына. Святославъ же иде на Волгу, и вда ему князь великій Андрей Юріевичъ помощь, онъ же шедъ пожже Новѣй Торгъ, а Новоторжци отступи(ша) въ Новѣгородъ; и много пакости творяше до(мо)мъ ихъ, и села ихъ потрави. А брата его Романъ и Мъстиславъ пожгоша Луки, а Лучаны отступиша, и отступиша инѣи въ Новѣгородъ, а инѣи (къ) Плескову; Андрей же сложися съ Смоляны и съ Полочани на Новѣгородъ, и пути всѣ заяша, и всѣхъ Новѣгородцовъ имаючи, и слы изыма(ша) Новѣгородскыя, не дадучи вѣсти Кіеву къ велико(му) князю Мъстиславу, а Святослава опять хотя у нихъ посадити силою въ Новѣгородъ на столѣ, а то слово ркуще: «нѣту вамъ иного князя, развѣ Святослава.» Новгородци же того не брежаху, и убиша Захарію посадника, и Нери-

(1) Въ подлинникъ: во. (2) Тамъ же: ярославъ. (3) Тамъ же: еше.



1167 вина и Нѣзду берича, яко перевѣтъ дръжать  
1170 князю; и налѣзоша себѣ путь и на Вячка и на Володаря, и иде Даньславъ Лазутиничъ съ дружиною къ Кіеву къ Мѣстиславу по сынь. А Святославъ прииде съ Суздальци, и з брата, и съ Смолняны и съ Полочаны къ Русѣ; идоша и Новгородци съ Якуномъ противу имъ; онѣ же не дошедше воротишася, не успѣша бо ничтоже, но точію много зла сѣтворше. Тогда же даша посадничество Якуну. И сѣдеша Новгородци отъ Семеня дни безъ князя до Велика дни, ждуше Мѣстислава сына; и прииде Романъ Мѣстиславичъ на княженіе Новогороду, априля въ 14, и ради быша Новгородци.

Въ лѣто 6676. (Иде) князь великій Мѣстиславъ Изяславичъ з братією на Половци, Рурикъ Ростиславичъ и полкъ брата его Давыда, а самому нездравующу<sup>1</sup>, тогда же на томъ пути и преставися; съ нимъ же братія Изяславичи Ярославъ<sup>2</sup> и Ярополкъ, и Мѣстиславъ Всеволодичъ Мѣстиславича, Глѣбъ Юріевичъ, и Михалко ис Переяславля, и Святополкъ Юріевичъ, правнукъ Святополчъ Изяславича, и Чръниговѣстїи князи, Всеволодичи Святославъ и Ярославъ<sup>3</sup>, и Святославичъ Олегъ и Всеволодъ; и взяша вежи ихъ на Угрѣ<sup>4</sup> рѣцѣ, а инїи по Снопороду, а самыхъ угониша у Черного лѣсу, и избыша ихъ, а полона бесчисленное множество взяша, яко всѣмъ воємъ наполнитися до избытка, и тако възвратишася. Тогда же братія вся пожаловаша(ся) на великого князя Мѣстислава Изяславича, яко отай ихъ пусти седелники своа и кошевныеки ношю напередъ, и за то неправо сердце ихъ бѣ съ нимъ<sup>5</sup>. А еще къ тому злїи челоувѣци, окааннїи бояре, Бориславичъ Петръ и Нестерь, ихже Мѣстиславъ отсла отъ себе за то, яко холопи ихъ кони его покрадоша и пятна свои вѣск(ла)доша, и ти рѣша Давыду Ростиславичу, «яко хочеть

васъ князь великій Мѣстиславъ изымати;» онѣ же повѣда брату Рурику, и тако бысть между ихъ ненависть. А Володимеръ Андрѣевичъ нача у него извѣтомъ волости припрашивати, онѣ же (не) дастъ ему; Володимеръ же разгнѣвася на нь, иде Дорогобужу. Новгородци приаша сына его Романа, а Святослава Ростиславича не приаша, егоже дядя его Андрей Юріевичъ хотѣша силою посадити у нихъ; и про то си вѣсташа на великого князя Мѣстислава Изяславича и крестомъ утврдишася. Въ то же лѣто ходиша Новгородци съ Псковичи къ Полотску, и пожегши волость воротишася отъ города за 30 верстѣ. Того же лѣта Романъ Мѣстиславичъ ходи съ Новгородци къ Торопцу, и пожгоша хоромы, и головъ множество поймаша<sup>6</sup>.

Въ лѣто 6677. Иде Даньславъ Лазутиничъ за Волокъ данникомъ, и присла князь великій Андрей полкъ свой на нихъ, и бышася съ ними; и бяше Новгородцевъ 400, а Суждалецъ 7000, и пособи Богъ Новгородцемъ, и паде Суждалцевъ 1000 и 300, а Новгородцевъ 15 мужъ; и отступиша Новгородцы, опять ся воротивше взяша всю дань, а (съ) Суждалскихъ другую.

Кіевское взятїе отъ Мѣстислава Андреевича Боголюбьского. Въ лѣто 6678, зимѣ, посла князь великій Андрей, изъ Суждаля, сына своего Мѣстислава на великого князя Мѣстислава Изяславича Кіевьского ратїю, съ Ростовци, и Суздальци, и Володимерци и Бѣлозерци, и вся земля та поиде на нь, и Муромстїи князи съ ними же снышася, и Смоленстїи князи съ ними же, Ростиславичи Романъ, Рюрикъ, Давыдъ, Мѣстиславъ, и Глѣбъ Юріевичъ ис Переяславля, и братъ его Всеволодъ, и Володимеръ Андрѣевичъ, и Черниговѣстїи князи Олегъ и братъ его Игорь, и Мѣстиславъ Ростиславичъ, сыновецъ Андрѣевъ, внукъ

(1) Въ подлинникѣ: нераздравующу. (2) Тамъ же: Ярославъ. (3) Тамъ же: святославъ и Ярославъ. (4) Тамъ же: на ухлѣ. (5) Тамъ же: съ ними. (6) Тамъ же послѣ этого слова еще прибавлено: того же лѣта.



Юріевъ; и придоша вси къ Кіеву, и стаха около, а Мъстиславу затворшася въ градѣ, и біахуса крѣпко изъ города, и стояша 3 дни, и приступльше къ граду съ всѣ стороны. И поможе Богъ, и святаа Богородица и отня молитва князю Мъстиславу Андрѣвичу, взяша Кіевъ; а Мъстиславъ съ братомъ бѣжавше къ Володымеру въ Велинь, съ маломъ дружины, а княгиню его яша, и дружину его извизаша, и весь Кіевъ пограбиша, и церкви и монастыри, иконы, и книги и ризы<sup>1</sup> поимаша. Взять же бысть марта 20; се же все бысть за грѣхы наша. Въ то же время (Константинъ, митрополитъ Кіевскій), запретилъ игумена Поликарпа Печерскаго<sup>2</sup> про Господскіе праздники, не велиащу ему ясти мясъ въ среду и въ пятокъ; помагаше же ему Черниговскій епископъ Антоній. Князь же Черниговскій многожды браняше ему, и не послуша его; князь же Святославъ изврѣже его изъ епископїи, да не противится Божію закону. Княженіе великого князя Глѣба Юріевича въ Кіевѣ. Мъстиславъ же Андрѣвичъ, вземъ Кіевъ, посади въ немъ стрѣла своего Глѣба Юріевича, а самъ иде къ отцу въ Суздаль; а Мъстиславъ Изяславичъ бѣжа къ Володымеру. Того же лѣта чюдо сътвори святаа Богородица Володымерская, изгна бо Богъ, и святаа Богородица и князь великій Андрей Юріевичъ злаго, и пропирливаго и гордаго лестьца, лживаго владыку Федорца, иже самъ ся постави, изъ Володымера и отъ всеа земля Ростовская: не восхотѣ бо Божіа<sup>3</sup> благословеніа, но удалися отъ него, тако и сей нечестивый не послуша христоролюбиваго князя Андреа, хотящу ему епископомъ . . . . .<sup>4</sup> не восхотѣ, паче же и Богу не хотящу его и святой Богородици; Богъ бо егда хощетъ показнати челоуѣка, отъиметъ у него умъ, тако и надъ симъ

сътвори Богъ. Князю о немъ добро мысля— 1170 шу и добра ему хотящу, сей же не токмо не восхотѣ поставленіа отъ митрополита, но и церкви всѣ затвори и ключи церковныа отнять, и не бысть ни звону, ни пѣнія по всему городу и въ соборной церкви, въ не(й) же чюдотворная икона Матери Божіа и ина велика святыни, къ нейже вси христїане съ страхомъ притекають; и ту церковь дрѣзну затворити, и тако Бога разгнѣви и святую Богородицу, того<sup>5</sup> бо дни изгнанъ бысть, маа въ 8. Мнози бо людїе церковніе пострадаша въ дрѣжавѣ его, сель изнебыша, оружїа и коней, и работы добыша, и заточенїа и разграбленїа, не токмо простцомъ, но и чернцомъ, игуменомъ и попомъ безмилостивно мучитель; инымъ головы порѣза и бороди, другимъ же очи вырѣзываа, другыа распиная на стѣнѣ, мучаше немилостивно, хотѣ въсхытити имѣніе отъ всѣхъ, имѣніа бо бѣ несуть яко адъ. Посла же<sup>6</sup> его князь великій Андрей, оковавъ, къ митрополиту на Кіевъ Костантину; и повелѣ ему митрополитъ Костантинъ языка урѣзати, и руку правую оттяти, и очи ему вынати, зане хулу измолвилъ на святую Богородицу; потребать бо ся грѣшници отъ земля и беззаконници, яко не быти имъ. И събысться на немъ слово евангельское: еюже мѣроу мѣрите, възмѣрится вамъ, и имже судомъ судите, судятъ вамъ; судъ бо безъ милости не сътворшему милости. Другой же глаголетъ: аще незаконно мученъ будетъ, не вѣнчается; грѣшнїй бо здѣ по грѣху мучится, а на судѣ Божіемъ осужденъ будетъ въ муку. Тако и сїй безъ покаянїа умре, уподобившася злымъ еретикомъ некаящимся, погуби душу свою и тѣло, и погыбе память его съ шумомъ, и христїане избавлени быша Богомъ и святою Богородицею. Се же написахомъ, да не како скачутъ нѣщїи на санъ святительскій, по егоже

(1) Въ подлинникъ: ризы. (2) Тамъ же: запретилъ бѣ игумень поликарпъ печерскій. (3) Тамъ же: богъ. (4) Тамъ же, по видимому, здѣсь пропускъ. (5) Тамъ же: томъ. (6) Тамъ же: же же.



1170 позоветъ Богъ и святаа Богородица; всякъ бо даръ съвыше есть отъ Бога. Ино чюдо. Въ то же лѣто чюдо створи святаа Богородица церкви Десятинныа въ Кіевѣ, юже създалъ князь великій Володимеръ, иже крести землю Рускую и далъ бѣ десятину церкви той по всей Руской землѣ, створи же та Мати Божіа чюдо. Сидящу Юріевичу Глѣбу на Кіевѣ, на столѣ отни, пръвое лѣто, прииде множество Половецъ къ Глѣбу на миръ лестно, и раздѣлившимся на двое, одни (приидоша) къ Переяславлю и стаща у Пѣсочна, а друзи приидоша по оной сторонѣ Днѣпра (къ) Кіеву истаща у Корсуны; и прислаша обои къ великому князю Глѣбу, рекуче: «Богъ посадилъ ты и братъ Андрей на отчинѣ твоей въ Кіевѣ, а хотимъ съ тобою порядъ положити о всемъ и утвърдитися съ тобою межи собою, и внидемъ въ роту, да и ты къ намъ, да ни вы начнете боятися насъ, ни ми вастъ.» Слышавъ же сіе князь великій Глѣбъ Юріевичъ рѣчь Половецкую, хотѣ ити къ нимъ на снемъ, и думаше съ дружиною своею, къ которымъ пръвое ити? иде пръвое къ Переяславлю, блюда<sup>1</sup> Переяславля, сынъ бо его князь<sup>2</sup> Володимеръ Глѣбовичъ Переяславскій малъ, 12 лѣту. И иде князь великій къ Переславскимъ Половецемъ на снемъ; къ другимъ посла, река: «пождите мене ту, иду къ Переяславлю; и умирюся съ тѣми пръвое, и потомъ прииду къ вамъ на миръ.» И смирився съ тѣми, подаривъ ихъ отпусти; и поиха къ Курсинскимъ Половецемъ, кои тамо подъ Курсуномъ стоать, съ братомъ Михалкомъ (и) съ дружиною. Бывшу ему на Перепетовскомъ полѣ, Половци же тѣи слышавше отъихавши великого князя Глѣба къ Переяславлю, и съдумавше: «се Глѣбъ ихаль на ону сторону, а тамо ему пострять, а поидемъ за Кіевъ, възмемъ села, и поидемъ въ Половци съ полономъ.» И ихаша въева-

ти, и прихаша къ Сѣмычу, къ (го)роду святаа Богородица, и взяша села безъ утеча съ людьми, кони и скоты погнаша въ поле. Князю же великому Глѣбу бысть вѣсть, оже поимаша села идуть въ Половци, и хотѣ на нихъ ихати, Берендееве не даша<sup>3</sup> ему; онъ же посла на нихъ брата Михалка, а съ нимъ полторы ти-(ся)чи Берендѣевъ, а Переславцовъ 100. Онъ же шедъ побѣди Половци, бѣ же ихъ полъ осмы тысячи. О знаменіи Пречистыа въ Новѣгородѣ. Тоя же зимы створися знаменіе велико и преславно о(тъ) иконы пречистыа Богородица въ Новѣгородѣ сице. Живущимъ Новогородцомъ и владѣаху своею областію, якоже имъ Богъ поручилъ, а князя дръжаху по своей воли, бѣ же у нихъ тогда князь Романъ Мьстиславичъ, внукъ Изяславъ, еще сый князь великій Мьстиславъ, отецъ его, на Кіевѣ, не съгнавъ Мьстиславомъ Андрѣвичемъ. Въ то же время Двиняне не хотяху дани давати Новугороду, но дашася великому князю Андрѣю Юріевичу Суздальскому; Новогородци же послаша данника Даньслава Лазутича на Двину, а съ нимъ по 100 человекъ, и то слышавъ князь великій Андрей посла на нихъ полкы своа, 1000 и 500 рати; они же начаша переимати на Бѣлѣзерѣ, и начаша битися, и пособи Богъ Новогородцемъ, убиша отъ полка великого князя Андреа 800 мужъ, а прочіи отбѣгоша, а Новогородцевъ паде 15 мужъ. И оттолѣ князь великій Андрей Юріевичъ разгнѣвася на Новогородцовъ, нача копити рать и силу крѣпку зѣло<sup>4</sup>, самъ же тогда разболѣвся, посла сына своего Мьстислава<sup>5</sup> на Великій Новогородъ съ всею силою Суздальскою, съ нимъ же и Рязанского князя сынъ, и Муромского, и Смоленскіе князи Романъ и Мьстиславъ съ Смоляны и Торопчаны, Муромци и Рязанци съ своими князи, и Полочане, и Переяславци, и Ростов-

(1) Въ подлинникъ: блюда. (2) Тамъ же: сынъ бо князь его. (3) Тамъ же: не дадушу. (4) Тамъ же: зѣлу. (5) Тамъ же: романа.



ци, и вся земля Руская, и бы(сть) всѣхъ князей 72. Новгородци же то слышавше, силу великую грядущу на ня, быша въ скорби велицѣхъ и въ сѣтованіи многѣхъ, и молахуся Богу и пречистѣй его Матери Богородици и присно Дѣвѣ Маріи, и поставиша острогъ около всего Новагорода; идуще<sup>1</sup> же ратни много зла сѣтвориша, и придоша къ Новугороду на съборъ, а въ немъ затвориша князь Романъ Мьстиславичъ, и стоаша Суждалци у Новогорода 3 дни, а Новгородци бяху за острогомъ. Въ 3-ю же ночь святому архіепископу Іоану, стоашу ему и молящуся честному образу Господа нашего Ісуса Христа о спасеніи града, и бывшу ему въ ужаси, и слыша гласъ, глаголющъ сиче: иди въ церковь святаго Спаса, и възми икону пресвятыя Богородица, и вънеси на острогъ противу супостатъ. Архіепископъ же Иванъ то слышавъ, пребысть безъ сна всю ночь, моляшеся святѣй Богородици, Божіи Матери. Бывшу же утру, повелѣ быти святому събору, исповѣда видѣніе то предъ всѣми; они же слышавше прославиша Бога. Архіепископъ же посла діакона своего съ крылошани, и повелѣ икону принести на съборъ; діаконъ же въшедъ въ церковь, поклонися предъ иконою святыя Богородица, хотяще възяти ю, и не движеся икона отъ мѣста своего; діаконъ же съ иже съ нимъ възвратиса, и повѣда архіепископу бывшее. Се же слышавъ преподобній архіепископъ отъ діакона своего, вѣставъ скоро отъ мѣста своего, и поиде съ всѣмъ святымъ съборомъ, и прииде въ церковь святаго Спаса, въ храмъ Господа нашего Ісуса Христа, и пришедъ предъ икону святыя Богородица, и поклонися на колѣну, молитву творяше, сиче глаголюще: Молитва архіепископа Іоанна. «О премилостива еси Госпоже Дѣвице, Богородице, Владычице, пречистаа Дѣвице! ты бо еси упованіе, и надежда и заступнице граду

нашему, стѣна, и покровъ и прибѣжище всѣмъ 1170 христіаномъ, на тебе надѣмся и мы грѣшніи. Молися, Госпоже, Сыну своему и Богу нашему за градъ нашъ, не предай же насъ врагомъ нашимъ, грѣхъ ради нашихъ; услыши, Госпоже, плачь людей сихъ, и приими молитву рабъ своихъ; избави, Госпоже, градъ нашъ отъ всякого зла и супостатъ нашихъ.» Сиче же ему молящуся, и нача пѣти канунъ пресвятѣй Богородици, и по 6 пѣсни начаху пѣти кондакъ: заступнице христіаномъ непостыднаа, и въ то время подвижашеся икона о себѣ. Народи же видѣвше се, съ слезами зваху: Господи помилуй! Архіепископъ Іоаннъ приимъ икону своимъ руками, дасть двѣма діаконѣмъ, и повелѣ нести предъ собою, а самъ поиде въслѣдъ съ всѣмъ святымъ съборомъ, сѣврѣшаючи канонъ; народи же угнѣтахуся, идуще въслѣдъ. И вынесоша икону на острогъ, идеже нынѣ монастырь есть святыя Богородица на десяти-нѣ, а Новгородци вси бяху за острогомъ, не можаху противу ихъ стати, но токмо плакахуся, каждо бо видяще погыбель свою, понеже бо Суждалци раздѣлыша на своа грады. Въ 4 же день, въ среду, бывшу часу шестому, начаша приступати къ граду вси полки Рускыя, и спустиша стрѣлы, яко дождь умножень; тогда же, Божіимъ промысломъ,<sup>2</sup> обратися икона<sup>2</sup> лицомъ на градъ, и видѣ архіепископъ текуща слезы отъ честныя иконы, и приать а въ фелонь свой. О великое истрашное чудо! како бо можаше быти отъ суха древа (слезы); не суть бо се слезы, но являетъ знаменіа милости своеа; симъ бо образомъ молится святаа Богородица Сыну своему и Богу нашему за градъ нашъ. Молитвами святыя Богородица пусти Господь гнѣвъ свой на вся полки Рускіа, и покры ихъ тма; якоже бысть при Фараонѣ, егда проведе Богъ Мойсеомъ Жи-ды сквозъ Чермное море, а Фараона погрузи, тако и на сихъ нападе трепеть и

(1) Въ подлинникѣ: новагороду идущу. (2) Тамъ же: пнако.



1170 ужасъ, и ослѣпоша вси, и смятошася, и  
 1173 начаша битися межн собою<sup>1</sup>. Се же видѣвше  
 Новгородци изыдоша на нихъ на поле, и  
 бишася весь день, и къ вечеру побѣди а Ро-  
 манъ Мьстиславичъ, но дѣтескъ бяше, съ  
 Новгородци, силою крестною, и святою Бо-  
 городицею и молитвами благовѣрнаго владыки  
 Иліи, мѣсяца февраля 25, на память святаго Та-  
 расіа, овы изсѣкоша, а иныя руками изымаша  
 живы, а прочіи побѣгоша, ничтоже въземше,  
 толко взяша земли коньскимъ копытомъ; и  
 оттолѣ отъясъ честь и слава Суздальскаа. Бысть  
 бо и мятежъ въ той путь, яко мнози съ го-  
 лоду помроша, а иніи лошадину ядоша въ  
 великое говѣніе; Новъ же городъ избавленъ  
 бысть молитвами пресвятыа Богородица. Пре-  
 подобный же архіепископъ Иліа сътвори  
 праздникъ свѣтель; начаша празновати ра-  
 достно всѣмъ Новымгородомъ честному ми-  
 лостивному знаменію святаа Богородица, еа-  
 же молитвами Христе Боже нашъ и насъ  
 грѣшныхъ избави отъ всякоа печали, и бѣды  
 и напасти, здѣ нынѣ въ сій вѣкъ и въ  
 будущій, и вѣчныа муки, аминь. И прода-  
 ваху Новгородци Суздальца по 2 ногата. Тоя  
 же зимы Мьстиславъ Изяславичъ, что былъ  
 на Кіевѣ князь великій, съ братомъ Яро-  
 славомъ и съ Галичаны прииде къ Дорогобу-  
 жу на Володимера<sup>2</sup> Анд(р)ѣевича, а ему болну  
 сушу, тогда же и преставися мѣсяца генваря  
 28; а онъ прочіе его грады повоева, а иныя  
 поймавъ пожже, и отъиде. Того же лѣта  
 бысть дороговъ въ Новѣгородѣ, куповааху  
 кадь рьжи по 4 гривны, а хлѣбъ по 2 ногатѣ,  
 а медъ по 10 кунъ пудъ; и здумавше Ново-  
 городци выслаша князя Романа Мьстиславича  
 изъ Новагорода, занеже того лѣта отецъ его,  
 Мьстиславъ Изяславичъ, преставися въ Воло-  
 димери Велиньскомъ; и показаша Новгород-  
 ци сыну его Роману путь, а сами послаша

къ великому князю Андрееви Юріевичю на  
 миръ, рекше: «дай же намъ князь на всей  
 нашей воли.» И дасть имъ князь великій Рю-  
 рика Ростиславича.

Въ лѣто 6679. Прииде князь Рюрикъ Ро-  
 стиславичъ въ Новѣгородъ, октября въ 4, на  
 Варваринъ день<sup>3</sup>. Того же лѣта владыка Ново-  
 городскій Иліа, съ братомъ Гавриломъ, поста-  
 ви церковь святаа Богородица Благовѣщеніе,  
 и създа манастирь. Того же лѣта преставися  
 князь<sup>4</sup> великій Глѣбъ Юріевичъ въ Кіевѣ; по-  
 ложиша его на Берестовомъ у Спаса, идеже и  
 отецъ его Юрій Долгорукій. Того же лѣта  
 родися у Мьстислава Андреевича сынъ Василей.  
 Тоя же зими придоша множество Половецъ, а  
 Глѣбу самому болну сушу, посла на нихъ бра-  
 тію Михалка и Всеволода, они же изгнавшѣ ихъ  
 за рѣкою Бугомъ избиша, а полонъ отъясша. А  
 во Кіевѣ посадиша Володимера, и княжи князь  
 великій Володимеръ. Того же лѣта и преста-  
 вися князь великій Володимеръ Кіевскій, съ-  
 дѣвъ на княженіи 3 мѣсяци.

Въ лѣто 6680. Князь великій Андрѣй Юріе-  
 вичъ посла (въ) Кіевъ Романа Ростиславича<sup>5</sup>, а  
 Смоленскъ дасть Ярополку Романовичу. Того  
 же лѣта отъясъ князь Рюрикъ Ростиславичъ  
 посадничьство у Жирослава, и выгна (и) изъ  
 Новагорода, и даша посадничьство Ивану  
 Захаріиничу.

Въ лѣто 6681. Посла князь великій Ан-  
 дрѣй Юріевичъ сына своего Мьстислава на  
 Болгары, зимѣ, и не любъ бысть (путь); шедъ  
 повоева ихъ, възвратися, грады вся и села, и  
 гнаша по немъ во шти тысячехъ, и не пос-  
 тыгоша его. Тоя же зимы иде Рюрикъ изъ  
 Новагорода, и послаша<sup>6</sup> Новгородци (къ) ве-  
 ликому князю Андрею по сынъ; и присла Жи-  
 рослава посадничать, а по немъ сына посла  
 Юрія, и приаша его съ честію. Того же лѣ-  
 та прииде князь Юрій Андрѣевичъ въ Новго-

(1) Въ подлинникъ: со собою. (2) Тамъ же: на волдимера. (3) Въ Полн. Собр. Лѣт. т. III, стр. 13, читаемъ:  
 на святаго іерофея. (4) Въ подлинникъ: кнѣзь. (5) Тамъ же, по ошибкѣ: мьстиславича. (6) Тамъ же: послашася.



родѣ. Въ то же лѣто заложиша церковь каменну святаго Іакова въ Неревскомѣ<sup>1</sup> конци. Того же лѣта выиде Романъ ис Кіева, и сѣде Михалко Юріевичъ.

Въ лѣто 6681. Преставися Мъстиславъ Андрѣвичъ, марта 28, и положиша его въ церкви святѣй Богородици въ Володимери.

Въ лѣто 6682. Иде епископъ Иліа изъ Новгорода къ великому князю Андрѣю на всю управу; и даша посадничество Иваньку. Въ томъ же лѣтѣ непокаряющимся Ростиславемъ великому князю Андрѣю Юріевичю и (въ) воли его не хотящимъ быти, паче же Давыдъ Ростиславичъ Вышегородскій съдумаша съ братією своею, прииха ночью къ Кіеву, ятъ Всеволода Юріевича и Ярополка Ростиславича и дружину ихъ. Слышавъ же князь великій Андрей ята брата своего, посла сына своего Юрія съ Новгородци и съ Суздальци, и Бориса Жидиславича воеводствомъ, и иныхъ князей двадесять съ полкы своими на Ростиславичи; и прогнаша Давыда ис Кіева, и приидоша къ Вышегороду<sup>2</sup> на Мъстислава, онъ же затворися въ градѣ, а Давыдъ иде въ Галичъ по помощь, и не даша ему помочи; и пришедъ сташа у Вышегорода съ силою многою, и стоаша 9 недѣль подъ Вышегородомъ, не успѣша ничтоже, възвратишася въ своя, и приидоша вси здрави. А Ярославъ Изяславичъ сѣде въ Кіевѣ. Того же лѣта преставися князь Юрій Муромскій. Тоя же зимы преставися благовѣрный князь Святославъ Юріевичъ, братъ великого князя Андрѣа, иже вся дни живота своего болѣнь бѣ, генваря 11. Сей князь избранникъ бѣ Божій, бысть ему болѣсть зла, еяже болѣзни прошааху<sup>3</sup> на ся святіи у Бога отци; кто бо постраждетъ болѣзнію тою, якоже книги рѣша, тѣло его мучится, а душа его спасается. Тако и сѣй святый Святославъ во истинну Божій угодникъ, избранный въ всѣхъ

князехъ: не вда ему Богъ княжити на земли, 1173  
но да ему господину царство небесное. По— 1175  
ложенъ бысть въ Суздали у святой Богородици.

Въ то же лѣто святиша церковь въ Новѣгородѣ, въ городѣ, Бориса и Глѣба владыка Иліа, а другую Спаса на воротехъ въ манастири.

Въ лѣто 6683. Сидящу великому князю Ярославу Изяславичу въ Кіевѣ, и иха на нь Святославъ Черниговскій Всеволодичъ изъиздомъ, и въиха въ Кіевъ, дружину Ярославлю изоимаша, а самъ Ярославъ утече, а княгиню яша съ сыномъ ея меньшимъ; и сѣде въ Кіевѣ дванадесять днѣй, възвратися опять къ Чернигову, поймавъ имѣніе его бесчисла. Ярославъ же слышавъ яко стоитъ Кіевъ безъ князя, повабленъ Ростиславичи, и прииха опять къ Кіеву на гнѣвъ, и замысли тяготу велику на Кіаны, и перепрода весь Кіевъ отъ мала и до велика, рекучи: «вы подмолвили есте и подвели на мене Святослава, то промышляйте чимъ выкупити княгиню<sup>4</sup> (и) сына.» Онѣмъ же не имѣющимъ<sup>5</sup> что отвѣщати, и попрода игумени, и чръныцы, и попы, и черницы, и Латину затвори и гости, и много зла сътвори Кіеву. Въ то же время прислаша къ великому князю Андрѣю Юріевичу Ростиславичи, Романъ зъ браті(е)ю своею, просячи Роману Ростиславичу Кіеву княжити; Андрей же рече: «переждите ми мало, послалъ есмь къ братіи своей въ Русь, какова вѣсть будетъ отъ (нихъ), а тогда вы вѣсть дамъ.» Въ томъ же лѣтѣ, мѣсяца іюня въ 29, въ субботу на ночь, въ праздникъ святыхъ апостолъ Петра и Павла, убіенъ бысть благовѣрный великій князь Андрѣй Юріевичъ Боголюбскій отъ своихъ бояръ, отъ Кучковичевъ, по наученію своего княгини. Бѣ бо Болгарка родомъ, и дръжаше къ нему злую мысль, не про едино зло, но и просто, иже князь великій много воева

(1) Въ подлинникѣ: въ неверескомѣ. (2) Тамъ же: къ вышегороду. (3) Тамъ же: приношааху. (4) Тамъ же: княгиня. (5) Тамъ же: не имѣющимъ.



1175 съ нимъ Болгарскую землю, и сына по-  
сыла, и много зла учини Болгаромъ; и жа-  
ловашеся на нь втайнѣ Петру, Кучкову зятю,  
предъ симъ же днемъ пойма князь великій Ан-  
дрѣй и казни его. Въ праздникъ же съй пію-  
щемъ Кучковичемъ у Петра, у зятя ихъ, рече  
Якимъ Кучковичъ: «что сътворимъ съ вели-  
кимъ княземъ? вчера брата моего ятъ и убитъ,  
а нынѣ насъ хошетъ няти; да промышляемъ  
о своемъ животѣ.» И съвѣщашася томъ дни  
убити его. Началникъ же съвѣту убійцамъ  
Петръ, Кучковъ зять, Анбалъ Ясинъ ключникъ,  
Якимъ Кучковичъ, Ефремъ Монзичъ, всѣхъ окан-  
ныхъ убій(цъ) двадесять, иже ся бяху сняли на  
окаанный той съвѣтъ у Петра, у Кучкова зя-  
тя, на пиру: бѣ бо именины его. Постигши  
нощи суботнѣй, взявше оружіе, яко звѣріе  
дивиі рыкаху на своего государя, поидоша  
піаны въ монастырь Боголюбскій; бѣ бо лю-  
бяше монастырь той паче мѣры, и мнози не-  
годоваху о томъ, яко оставя градъ и часто  
въ селѣ Боголюбовѣ и въ монастыри т(омъ)  
пребываше. Также и къ святому Спасу на Ку-  
палище по вся дни прихождаше, ловы бо всег-  
да творяше въ той странѣ и на Купалищи при-  
ходя прохладжаашеся, и много время ту без-  
годно пребываше, и о семъ боляромъ его многа  
скръбь бысть; онъ же не повелѣ имъ издити  
съ собою, но особно повелѣ имъ утѣху тво-  
рити, идеже имъ годно, самъ же съ маломъ  
отрокъ своихъ прихождаше ту. Въ то же вре-  
мя ту сущу ему, придоша они зліи убійци  
къ постелной его храминѣ, идеже спаше, и  
выломивше сѣни, пришедше къ ложниці, и  
проглаголаше Якимъ тихо: «господине, госпо-  
дине князь великій!» Онъ же отвѣща: «кто  
есть?» И рече ему: «Прокопій.» Князь же при-  
шедъ къ дверемъ и рече: «не Прокопій;» и  
о(тъи)де. Бѣ бо съ нимъ единъ кощей малъ, и  
начаша ломити двери, блаженный же вскочи и

хотѣ изяти мечъ, и не бѣ меча, бѣ бо вынялъ  
Анбалъ томъ дни, той бо бяше мечъ святаго  
Бориса. Окаянныи же выломльше двери въсо-  
вашася въ полстницу вси, и начаша сѣщи его  
мечи; онъ же похвати единого отъ нихъ  
врже подъ ся, и боряшется съ ними крѣпко,  
бѣ бо князь силенъ велми, и удари единъ  
рогатиною, и пронзи свой другъ, князь же  
отскочи, раненъ велми, и подтече подъ  
сѣни, иссѣченъ велми. Они же взявше свой  
другъ вынесоша вонъ, мнѣвша великого кня-  
зя, и узрѣвше яко не князь великій, и на-  
чаша искати его по крови; онъ же начатъ  
отъ сердца рыкати въ болѣзни, имъ прочъ  
пошедшимъ, они же гласъ его услышавше во-  
роташася, и налѣзше его ту, и скончаша;  
Петръ же оття ему руку правую, и тако  
убіенъ бысть. Заутра же въ недѣлю, о свѣтѣ,  
на память двоюнадесять апостолу, налѣзоша  
(князя), лежаща (мертва, подъ сѣнми<sup>1</sup>); и  
завѣвше (тѣло его) на коврѣ клирошанѣ Бо-  
голюбскіе, несше въ божницу, пѣвше надъ  
нимъ, и вложиша въ гробъ камень. Горожа-  
не (же) Боголюбскіе и дворяне разграбиша  
дворъ княжъ, дѣлатели, иже бяху пришли  
къ дѣлу, злато и серебро, порты и паволоки,  
и имѣніе, емуже не бѣ числа. Много зла  
сътворися во воло(с)ти его, посадниковъ его  
и тиуновъ его дсмы пограбиша, а самихъ  
избиша; и дѣцкіи и мечники избыша, а дома  
ихъ пограбиша, не вѣдуще реченнаго: идеже  
законъ, ту и обида многа; Павель бо апо-  
столю рече: всяка душа властелемъ повинует-  
ся, противляй же ся власти, Божію повелѣ-  
нію противится, власти бо отъ Бога учинены  
суть; естествомъ бо земнымъ подобенъ есть  
всякому челоуку царь, властію же сана яко  
Богъ. Слышано же бысть сіе зло въ градѣ  
Володимери; игумень Феодоръ святаго Богоро-  
дица Володимерской съ клирошаны, и съ Лу-

(1) Въ подлинникъ: заутра же въ недѣлю, о свѣтѣ, мертвъ, на память двоюнадесять апостолу, налѣзоша подъ нимъ сѣни  
лежаща.



киною чадію и съ Володимерци ихаша по великого князя въ Боголюбое, взяше тѣло его, въ пятый день, въ четвертокъ, принесоша во Вьлодимерь честно, положиша угодно въ святой Богородици, юже бѣ самъ създалъ. Ни пода бо тѣлу въ животѣ своемъ покоа, ни очима своимъ дрѣманіа, дондеже обрѣте домъ истинный, прибѣжище всѣмъ христіаномъ, Царици небесныхъ чиновъ. Постави бо прекраснаго солнца не на единомъ мѣстѣ, но сътвори ему вѣстокъ, и полудніе и западъ; тако и своего угодника (не) приведе его къ себѣ даромъ, могуща таковымъ житіемъ душу спасти; но кровію мученичскою омывся прегрѣшеній, съ братама Романомъ и Давыдомъ единомушно къ Христу притече, въ райстей пищи неизреченно вѣдваряся. О немъ же повѣсть. Сѣй бысть благовѣрный и христолубивый великій князь Андрѣй, сынъ великого князя Георгія Владимировича Манамаха, правнукъ же Всеволода Ярославича, иже бѣ сынъ Владимиру Святославичу, великому князю. Кіевскому и всеа Рускаа земля, иже просвѣти землю Рускую святымъ крещеніемъ, яко шестому ему быти отъ великого (князя) Владимира<sup>1</sup>; яко многострадалному Іову пятому быти отъ Авраама, тако и сему 6-му отъ Владимира. Отъ млада бо сей Христа възлюби и всепречистую его (Матерь), смыслъ бо очисти<sup>2</sup> и умъ, яко полату красну сію създа въ Володимери и въ Боголюбѣмъ<sup>3</sup>, златомъ же и каменіемъ драгимъ украсивъ ю, иконами безцѣнными и всякими узорочіи удиви, въ ней же чюдотворнаа Мати Божія, къ ней же вси христіане съ страхомъ притекають и съ вѣрою исцѣленія пріимуютъ, и ина всяка святыни, и ины церкви различны и монастыря постави. И на весь церковный чинъ и на церковники отврзе ему баше Богъ сердечнѣи очи, не омрачи ума своего піанствомъ, кормитель бѣ чернцемъ, и чръницамъ и убо-

гимъ, и всякому чину яко възлюбленный бя-1175 ше отецъ; паче же на милостыню велми охвативъ, брашно свое и медъ по улицамъ на възѣхъ слати болнымъ и затворникомъ, слыша бо Господа глаголюща: аще сътворите братіи моеи меншіи, тои мнѣ сътвористе. Давидъ рече: блаженъ милуа и даа, дааи весь день о Господѣ ходяи въ свѣтѣ не поткнется. Мужество и умъ въ немъ живяше, правда же (и) истинна хожа(ше) съ нимъ, и иного добродѣланіа въ немъ много баше; второй мудрый Соломонъ бывъ, тѣмъже достойно отъ Бога пріемъ вѣнецъ, Андрею, мужеству тѣсоименить, братама богоумными послѣдовалъ еси, кровію омывся страданія ти и враждное убійство слышавъ до себе, духомъ Божественнымъ разгорѣвся, ни въ что же вѣмѣни; тѣмъ, въ память убіенія твоего, удивившася небесни чини, видяще кровь твою проливаему за Христа. Рыдается множество правовѣрныхъ, зря отца сирымъ и кормителя; окаанныи же твои милостыници и убійци огнемъ крестятся конечнымъ, иже изжигаетъ<sup>4</sup> всякого грѣха купину. Убіенъ же бысть, и великъ мятежъ бысть въ земли той, и много паде головъ, яко и счисла нѣтъ, якоже глаголетъ Новгородскій лѣтописатель; иного же прострапѣиши индѣиши. Увидѣвше же князю смерть, Ростовци, и Суздальци, и Переяславци и вся дружина, отъ мала и до велика, съѣхашася вси борзо къ Володимеру, и рѣша: «се уже намъ тако съдѣся, князь нашъ убіенъ, а дѣтей у него нѣтъ, а сынъ его въ Новѣгородѣ и тотъ малъ, а братіа его въ Руси; по кого хожемъ послатися въ своихъ князехъ? а се намъ князи Рязаньстии и Муромстии въ сусѣдехъ, а боимся лести ихъ, егда пойдутъ изнезапу ратию къ намъ; а послемся къ Глѣбу въ Рязань, рекуче: князя нашего Богъ помялъ, а хожемъ Ростиславичу Ярополка и Мѣстислава, твоею шурину.» Акрестного цѣло-

(1) Въ подлинникъ: владимеру. (2) Тамъ же: очѣтивъ. (3) Тамъ же: въ боголюбѣмъ. (4) Тамъ же: изжигаютъ.



1175 вана забывше, еже цѣловаша крестъ великому  
 1176 князю Юрію на меншихъ дѣтехъ, на Михалкѣ  
 и на Всеволодѣ, и преступивше крестъ, посадиша Андрѣа, а меншихъ выгнаша, или здѣ не помянушася по смерти Андрѣеви, послушаху Рязанскихъ бояръ, Дѣдлица и Бориса, и утвердившеся святою Богородицею, и послаша къ Глѣбу. Глѣбъ же радъ бысть, оже на нь честь въскладають, а шурина его хотятъ; и утвердившеся крестомъ поидоша по нихъ къ Чернигову, тогда Глѣбъ<sup>1</sup> съ ихъ послы посла свой посолъ въ Черниговъ, бяху бо ту Ростиславичи у Святослава и Михалко Юріевичъ. И начаша звати Ростиславичевъ, ркуще: «вашъ отецъ бѣ добръ, коли княжилъ отецъ у насъ.» И рекоста Мъстиславъ и Ярополкъ: «помагай Богъ дружинѣ, аже не забываютъ любви отца нашего.» Юріевичи же, Михалко и Всеволодъ, и сыновци ихъ, Ростиславичи Юріевича Мъстиславъ и Ярополкъ, съдумавше, поидоша вси четьри, и рекоша: «пойдемъ вси, да любо добро, либо лихъ, Юріевича два и Ростиславича два.» И цѣловавше крестъ у епископа изъ руку, и утвердившеся, даша старѣйшинство Михалку; и поидоста прежде два Михалко и Ярополко, а по нихъ Всеволодъ и Мъстиславъ, и прихаста на Москву. Слышавше Ростовци негодоваху, и рекоша Ярополку: «ты поиди съмо;» а Михалку рѣша: «ты пожди мало на Москвѣ.» Ярополкъ же поиха, не<sup>2</sup> сказався Михалку и брата отай, къ дружинѣ, къ Переславлю; а Михалко ихъ къ Володимеру съ Всеволодомъ, а Мъстиславъ иде за братомъ къ Ростову; а дружина цѣловаша Ярополка, Ростовци, и Володимерци и Переяславци. И утвердившеся крестомъ, и ихаша съ нимъ къ Володимеру на<sup>3</sup> Михалка съ всею силою Ростовьскыя земля. Михалко же затворися въ градъ, не сущемъ ту Володимерцемъ, посылаша бо по нихъ Ростовци,

и їхаша противу князема въ полторѣ тысячѣ. Ростовци же около града много зла сѣвориша, приведше<sup>4</sup> бо Муромцовъ и Рѣзанцовъ, рекше: «пожегше градъ, посадъ у нихъ посадимъ, то бо<sup>5</sup> холопи нашѣ и каменци.» А сѣн быяхуся съ города, святѣй Богородици помагаючи имъ; и бышася съ ними седмь недѣль, и уже брашну умаляющуся у нихъ, рекоша Михалку: «любо мирися, или промыслий собѣ, уже бо изнемагаемъ.» Онъ же рече: «прави есте, ци хотите мене дѣля умрети.» Онъ же поиде отъ нихъ опять къ Чернигову, и проводиша его Володимерци<sup>6</sup> съ плачемъ, и поиде въ Русь ограбленъ. Потомъ Володимерци съ Ростиславичи утвердившеся крестомъ, яко не сѣворити имъ зла, глаголюще: «мы бо не вамъ противихомся, но гордости Ростовець.» И выидоша съ кресты противу Ростиславичема, и вшедше въ городъ, и утѣшиста люди, и раздѣливше волость Ростовскую, и сѣдоста княжити; Ярополка посадиша на столъ въ святѣй Богородици и весь порядъ положивше, потомъ Ростовци посадиша Мъстислава у себе на столъ отни. Того жъ лѣта выгнаша Смоляне Ярополка Романовича, а Ростислава Мъстиславича введеша княжити.

Княженіе великого князя Ярополка Ростиславича, внука Юріева Долгорукаго, въ Володимери. Въ лѣто 6684, мѣсяца генваря 23 день, оженися князь великій Ярополкъ Ростиславичъ, въ Володимери, поя себѣ жену въ Смоленскѣ, дщеръ Всеславлю, князя Витебскаго. Тоя же зыми сѣде въ Кіевѣ князь Романъ Ростиславичъ Смоленского. Того же лѣта выиде братъ его Рюрикъ изъ Новгорода. Того же лѣта выведоша изъ Новгорода Юріа Андрѣевича, а Мъстиславъ Ростиславичъ сына своего Святослава посади. Сѣдѣша же князема Ростиславичема, ра-

(1) Въ подлинникъ: хлѣбъ. (2) Тамъ же: и не. (3) Тамъ же: но. (4) Тамъ же: приведше. (5) Тамъ же: того бо. (6) Тамъ же: волдимерци.



здаяста<sup>1</sup> грады земля Ростовскыя и Суздальскыя дружинѣ своей, и посажаста посадники; они же начаша многу тяготу людемъ чинити, и много<sup>2</sup> зла сѣтвориша продажами и вирами; а сама князя еще младя слухаста бояръ, а бояре поучааху на многое падение (и) иманіе. А Ярополкъ грады, и волости и дани церковныя святѣй Богородици отгъять, таже и злато церковное поима, и ключи<sup>3</sup> полатныя отгъяста, идеже бѣ кузнъ, и что бѣаше даль церкви той блаженный князь великій Андрей. Володимерци же начаша межи себе молвити: «мы пріяли есми князей по своей волѣ, сѣи же яко не свою власть творяще, грабяху не токмо волости, (но) и церкви, а не творячеся сѣдѣти у насъ; а промышляйте, братіе.» И послашася къ Ростовцемъ и Суздамцемъ жалующеся на князя, являюще имъ обиду свою; они же точію словомъ по нихъ, а дѣломъ ни мала, а бояре князю тою держакхуся крѣпко, вездѣ бо волю свою творяху. Володимерци же утвѣдившеся межи себя, послаша къ Чернигову по Михалку и Всеволода, ркуще: «пойдѣта къ Володимеру; а что замыслить на насъ Ростовци, а како ны Богъ дастъ съ ними и святаа Богородица.» Они же поидоша въкупѣ, Михалко и Всеволодъ, съ ними же Володимеръ Святославичъ, внукъ Всеволода Олговича. Се же бысть новое чюдо святаа Богородица: пришедшу убо Михалку з братомъ къ Москвѣ, то слышавъ Ярополкъ и Мьстиславъ, и сдумаста<sup>4</sup> съ дружиною, повелѣша Ярополку противу ити съ полкомъ, и устрѣтше битися, не пустяще къ Володимеру; Божіимъ промысломъ минустася въ лѣсѣхъ, Михалко къ Володимеру, а Ярополкъ къ Москвѣ. Посла же Ярополкъ къ брату своему Мьстиславу, глаголя: «Михалко есть боленъ; несутъ его на носилахъ, а дружины съ нимъ мало; азъ по немъ поиду, а ты поиди, брате,

борзо противу ему, дондеже (не) приидетъ въ 1176 Володимеръ.» Прииде же въѣсть къ Мьстиславу въ субботу, и яви дружинѣ своей, и наутріа поиде борзо, яко на заецъ, изъ Суждаля съ дружиною; а Михалку не доѣхавшу за 5 верстѣ<sup>5</sup> до города Володимеря, срѣте его Мьстиславъ, и выступиша внезапу изъ загоріа вси, вси въ доспѣсехъ аки въ леду, Михалко же устрааше свои полки. Михалко же съ Всеволодомъ изнарядивше полкъ поидоша противу, Мьстиславли же полци поидоша кличуще, яко пожрети хотяще, и не дошедше до нихъ стрѣлища по стрѣлѣ, и поврѣгше стягъ побѣгоша, гоними гнѣвомъ Божіимъ и святою Богородицею; знаменіа же не бѣ на обоихъ, Божіимъ промысломъ, про то мнози утекоша, Михалкова же дружина погониша по нихъ, біюще<sup>6</sup> ихъ и имающе. Поможетъ Богъ Михалку и Всеволоду, и побѣдивше полкъ поидоста въ городъ съ честію и славою великою, дружинѣ ею и Володимерцомъ ведущемъ колодники. Си же бысть побѣда на Дубровици, у Яхробола, въ недѣльный день, іюня 15, Богу наказующу креста не преступати, а старѣйшаго брата почитати, а злыхъ челоуѣкъ не слушати<sup>7</sup>, иже не хотятъ межи братіею добра. И изыидоша<sup>8</sup> граждане съ кресты противу Михалку и Всеволоду, и внидоша въ городъ, къ святѣй Богородици, мѣсяца іюня 15 день, въ недѣлю. Мьстиславъ же бѣже къ Новугороду, а Ярополкъ къ Рязаню, а мать ихъ, Ростиславлю жену, и съ снохама яша Володимерци. Михалко же вороти города святаа Богородица, ихже бѣ заялъ Ярополкъ; и бысть радость велика въ градѣ, видяще у себе князя всея Ростовскыя земля. Постави бо Володимеръ городъ Володимеръ, потомъ Андрей украси, сего же Михалка и Всеволода избра Богъ и святаа Богородица на столъ отень и дѣдень. Княженіе великаго князя Михаила Юріевича, внука

(1) Въ подлинникѣ: растаяста. (2) Тамъ же: многа. (3) Тамъ же: ключи. (4) Тамъ же: не думаста. (5) Тамъ же: верестъ. (6) Тамъ же: біюще. (7) Тамъ же: не спѣшати. (8) Тамъ же: вныдоша.



1176 Володимеру Манамаху, во Володимери  
1177 Суздалскомъ. И потомъ прислаша Суж-  
далци къ Михалку, рекуче: «мы, господине  
княже, на полку томъ съ Мъстиславомъ не бы-  
ли, но были съ нимъ бояре; а на насъ лиха  
сердца не дръжи, но поѣди къ намъ на свою  
отчину.» Михалко же съ Всеволодомъ ихаста къ  
Суздаю, а оттолѣ къ Ростову; и сътвори лю-  
демъ весь рядъ, и утврьди ихъ всѣхъ кре-  
стомъ, и честь взя у нихъ и дары многы; и  
посади брата своего Всеволода въ Переяслави  
на столѣ, иже на Клѣщинѣ озерѣ, а самъ иде  
къ Володимеру. Въ томъ же лѣтѣ поиде Ми-  
халко съ Всеволодомъ къ Рязаню на Глѣба,  
и бывшу ему на Москвѣ, и ту срѣтоша его  
послы Глѣбовы съ поклономъ, глаголюще:  
«Глѣбъ ся кланяетъ, река: въ всемъ есмь вы-  
новатъ, а нынѣ ворочю все, что есмы поималъ  
у шурина своего, и до золотника, и святую Бо-  
городицу;» взявъ баше у Володимерской цер-  
кви, что и до книгъ, то все вороти. Михалко  
же съ Всеволодомъ урядиста ся съ нимъ и воро-  
тистася къ Володимеру. Того же лѣта иде  
Вълховъ<sup>1</sup> рѣка на възводіе по 5 днѣй. Тоя же  
весны оженися Мъстиславъ другою женою, въ  
(Но)воградѣ, поя дочь у Якуна<sup>2</sup> Миросла-  
вича.

Въ лѣто 6685. Преставися благовѣрный  
великій князь Михалко на Волзѣ, на Город-  
цѣ на Родилѣ, іюня 20, въ субботу на ночь,  
заходящу солнцу; положиша его у святѣй Бо-  
городици. Володимерци же помянуша Бога  
и крестное цѣлованіе къ великому князю  
Юрію, послаша по Всеволода къ Переяславу;  
онъ же въскорѣ приде. И вышедши Володи-  
мерци предъ Золотая ворота, и цѣловаша  
крестъ къ Всеволоду князю и на дѣтехъ его,  
и посадиша его на столѣ отни и дѣдни. Кня-  
женіе великого князя Всеволода Юріе-  
вича. А Ростовци послаша по Мъстисла(ва);  
онъ же поиде къ нимъ, а сына Святослава

остави въ Новѣгородѣ. Глаголаша бо Ростов-  
ци и бояре Мъстиславу: «поиди, княже, къ  
намъ, Михала Богъ поялъ на Волзѣ, на Го-  
родцѣ; а мы хотимъ тебе, а иного не хотимъ;»  
еще на живого князя Михалка повели бяхуть  
его. Онъ же приде къ Ростову, и съвѣку-  
пи Ростовци, бояре и гридбу и пасинки, и  
поиде къ Володимеру; Всеволодъ же поиде  
противу съ Володимерци и что ся бѣ оста у  
него бояръ, а по Переяслави посла Яро-  
слава Мъстиславича, сыновца своего. Всеволо-  
ду же бывшу за Суздалемъ, и узрѣша чюдную  
Матерь Божию церковь Володимерскую, и  
до основанія, яко на въздухѣ стоящу, и го-  
родъ весь; князю же позорующу и людямъ  
всѣмъ, и рекоша: «княже, правъ еси, поиде  
противу ему.» Всеволодъ же благосердъ сый,  
не хотѣ проліати крове, посла къ Мъстиславу,  
глаголя: «брате, аже тебе привела дружина,  
и поѣди къ Ростову, от(т)олѣ миръ възмемъ;  
тебе Ростовци привели и бояре, а мене былъ  
Богъ привелъ, и Володимерци и Переяслави,  
а Суждалци да намъ общъ, да кого въско-  
тятъ, тотъ имъ князь.» Мъстиславъ же слу-  
шаше рѣчи Ростовской и боярьской, а о сихъ  
рѣчахъ не брежаше, бяху бо Ростовци и  
бояре величавы, а крестъ забывъ, глаго-  
лаху бо Мъстиславу: «аще ли ты миръ да-  
си, но мы не дадимъ.» Помысливше вы-  
сокоуміемъ своимъ, не вѣдуще, яко Богъ  
даетъ власть, емуже хощетъ; поставляетъ  
бо царя и князя Вышній, егоже хощетъ.  
Мъстиславъ же не послуша рѣчи стрья сво-  
его, но слушаше Добрыни Долгаго, и Матѣя-  
ша Бутовича и иныхъ злыхъ челоуѣкъ. А  
Володимерци Всеволоду<sup>3</sup> глаголаху: «господи-  
не княже, ты правъ въ всемъ, поиди противу  
ему, положи упованіе на пречистую Бого-  
родицу, иже ты ся яви у Суждаля.» Всево-  
лодъ же приѣха къ Юріеву, съжидаяся съ  
Переяслави, и ту снідошася къ нему Пе-

(1) Въ подлинникѣ: вълховѣ. (2) Тамъ же: у якуна. (3) Тамъ же: мъстиславу.



реяславци, и сказа имъ рѣчи Ростовскіа и Мстислави. Они же рѣша: «господине княже, ты ему добра похотѣлъ, а онъ твоеа головы ловить; поиди, княже, Богъ съ тобою и твоя правда, а перестоявъ насъ, а то ему наша жены и дѣти; брату твоему Михалку, а его дяди, девятого дни нѣтъ по умрѣтви, а онъ хоцетъ кровь проліати.» Князь же Всеволодъ переихавъ Гзу рѣку, въ субботу рано, изрядивъ полки, поиха къ нему; Мстиславъ же стояше<sup>1</sup> межи Липецъ. Стрѣлцомъ стрѣляющимся межи полковъ, поидоша на грунахъ обон, и ступишася у Юріева межи Гзы и Липици, ипокрыша все поле Юріевское, и бысть сѣча зла, акы же не бывала николиже въ Ростовской землѣ; и поможе Богъ Всеволоду іюня 27. И ту убиша Добрыню Долгаго, и Иванка Степановича и иныхъ Ростовцевъ много избиша, а бояръ всѣхъ повязаша; а у Всеволода въ полку не бысть пакости, Богомъ и крестомъ честнымъ съблюденымъ; села же Ростовскихъ бояръ взяша, и до конь и до скота. Мстиславъ же бѣжа въ Ростовъ, а изъ Ростова къ Новугороду. Всеволодъ же побѣди полкъ, възвратися къ Володимерю съ славою великою. Володимерци и Переяславци поведоша колодники, скоть и коны погнаша, хваляще Бога и крестную силу, егоже преступили бяху Ростовци. Да доколѣ Богу терпѣти надъ ними? За грѣхы наведе на нихъ, наказавъ рукою благовѣрнаго великаго князя Всеволода. Мстиславу же прибѣгавшу къ Новугороду, рекоша ему Новгородци: «ударилъ еси пятою въ Новьгородъ, шолъ былъ еси на стрыа своего Михалка, поваблень Ростовци, даждь Михалка Богъ поялъ, а съ Всеволодомъ ты Богъ разсудилъ; чему къ намъ идешь?» И не пріаша его, но показаша ему путь и съ сыномъ Святославомъ. И пояша Новгородци князя себѣ у Всеволода Ярослава Мстиславича. Мстиславъ же иде

къ Рязани, къ зятю<sup>2</sup> своему Глѣбу Рязань—1177 скому.

Въ лѣто 6685. Глѣбъ Рязанскій пожже Москву всю, городъ и села. Князь же Всеволодъ поѣха къ нему, и бывшу ему за Переяславомъ, подъ Шериньскомъ лѣсомъ, въ тоже время пріихали бяху къ нему Новгородци, Миронѣжкова чадъ, и рекоша къ нему: «не ходи безъ Новгородскихъ сыновъ, възложи упованіе на Бога, възвратися къ Володимеру.» Тоя же осени поиде Всеволодъ на Глѣба къ Рязани съ Ростовци и Суждальци и съ всею дружиною, и прислаше къ нему Святославъ Всеволодичъ два сына въ помощь, Олга и Володимерка, и сыновець его Володимеръ Глѣбовичъ пріиде ис Переяславля Рускаго. И бывшимъ имъ у Коломны, пріиде вѣсть, аже Глѣбъ шель инѣмъ путемъ къ Володимеру, и воуетъ около Володимера съ Половци, и много зла сѣтвориша, церковь Боголюбскую разграбиша, юже бѣ сѣздалъ<sup>3</sup> князь великій Андрѣй и украсилъ добрыми иконами и всякимъ узорочіемъ, златомъ, и серебромъ и каменіемъ дорогымъ, и села пожже боярская, а жены и дѣти да поганымъ на щить, и многы церкви запалившѣ огнемъ, да не чюдится никтоже о семъ, сего ради гнѣвъ Божій простресе, овны ведутся въ полонъ, а друзи посѣлкаемы, иные на мечь даемыи поганомъ; и тако князь Глѣбъ Бога разгнѣви и святую Богородицу. Всево(ло)дъ же поиде вборзѣ о(тъ) Коломны, и пріиде опять въ свою землю, обрѣте Глѣба стоаща на Колакши съ Половци и съ долономъ, и не съвокупишася за мѣсяць, бѣ бо нелзѣ перейти<sup>4</sup> рѣкы; Всеволодъ же нарядивъ, въ масленой недѣли, и пусти возы на ону сторону рѣкы, идеже Глѣбъ стояше; Глѣбъ же нарядивъ полкъ съ Мстиславомъ на возы на ону сторону рѣкы; князь великій же Всеволодъ посла сыновца своего Володимера съ Переяславци и нѣколико дру-

(1) Въ подлинникѣ: стрѣляше. (2) Тамъ же: къ зятю. (3) Тамъ же: сѣздалъ. (4) Тамъ же: перейты.



1177 жинѣ съ нимъ, где возы стояху, противу  
 1178 Мьстиславу. А Глѣбъ, и Романъ, и Игорь, и Ярополкъ, перешедше Колакшу, и поидоша къ Всеволоду на Прускову гору; не дошедше(мъ) до стрѣлища единого Всеволожа полка, и ту абіе побѣже Мьстиславъ переиди на сей стонѣ рѣкы, а Глѣбъ стоявъ мало, видѣ Мьстислава бѣжаща, мало постоавъ побѣже. Всеволодъ погна въ слѣдъ ихъ съ всею дружиною, овыхъ имаючи вяжуче, а иныхъ сѣкуще. Ту самого Глѣба рукама яша, и сына его Романа, и шурина его Мьстислава, и дружину его всю, Бориса Жидиславича, и Остника, и Дѣдилца и иныхъ множество; а поганыя Половци избиша оружіемъ; а Ростиславичъ Ярополкъ утече къ Рязани. Поможетъ Богъ и святаа Богородица великому князю Всеволоду въ понедѣльникъ Ѳеодоровы недѣли, и възвратишася къ Володимерю съ побѣдою великою, и бысть радость велика. На 3 день бысть мятежъ въ Володимери: вѣсташа бояре и купцы, и придоша на великого князя дворъ съ оружіемъ, рекучи: «княже, мы за ты головы складаемъ, а нынѣ держишь ворогы нашѣ про что? либо казны ихъ, либо слѣпи, или дай намъ.» Князь же великій Всеволодъ богобоязливъ (сый), не хотѣ сътворити, но людей дѣля велѣ всадити я въ порубъ, абы ся утишилъ мятежъ; а по Ярополка посла къ Рязани, река: «выдайте вѣрога моего; аще ли не выдадите, ратию иду на васъ.» Рязанци же издумаше рекуще: «братія наша погибла въ чужомъ князи», и ихавъ (въ) Вѣроножъ, и яша Ярополка, и привелоша его въ Володимеръ, и посадиша въ порубъ<sup>1</sup> къ прочимъ. <sup>2</sup>Тоя же зыми приходиша вся Чюдская земля къ Плескову, и бышася съ ними, и убиша Чудь Вячеслава и Никиту Захаріевича; а Чюди множество избыша. <sup>3</sup>Того же лѣта въ Новгородѣ поставиша церковь Михалко Степановичъ святаго Михаила, а другую Моисей До-

манижичъ, Усѣкновение главы Предтечевы, на Чюдинцевѣ улицѣ. <sup>4</sup>Того же лѣта второе люди вси Володимерци въпіаху, кричаще, хотѣ слѣпити ихъ. Князь великій же Всеволодъ печалень бысть, но не може удержати ихъ. Они же шедше размѣташа порубъ, емше Мьстислава и Ярополка, и ослѣпиша ихъ, и отпустиша ихъ въ Русь; Глѣбъ же Рязанскій того лѣта въ порубѣ умре, а сына его Романа укрѣпивше пустиша. Того же лѣта въ Новгородѣ погорѣ Неревскій конецъ, отъ Иванковы, и згорѣ церкви 5. Ведомы(мъ) же Ростиславичимъ въ Русь, слѣпима, гніущима очима ихъ, и яко дои(до)ста Смоленска, приидоста на Смядиню въ церковь святую мученику Бориса и Глѣба, бѣ бо тогда праздникъ убіен(і)а Глѣбова, мѣсяца септеврѣа 5 день, на память святаго пророка Захаріи, отца Предтечева, молящимся имъ и сроднику на помощь къ Спасу призывающимъ облегчитися имъ отъ болѣзни, ту абіе постыже ихъ Божія благодать, и святаа Богородица и святую мученику Романа и Давыда, и егоже не надѣяшеся, ни просивше, то сіе приаша; облегчися имъ болѣзнь по прошенію ихъ, и прозрѣста и прослависта Бога, и его пречистую Матерь приснодѣвную Богородицу, и его угодникъ великихъ мученикъ Бориса и Глѣба. Сътвори же ся надъ ними сіе великое и паче естествоное чюдо въ лѣто 6686, септебра 5. Тоя же зыми, по прозрѣніи, Ростиславичи поидоша къ Новгороду, и приаша Новгородци Мьстислава, и посадиша его на столѣ, а Ярополку даша Торжекъ Новый; а Ярослава посадиша на Ламскомъ Волоцѣ, сына Мьстислава Юріевича, сыновца великого князя Всеволода, и тако управишася по волѣ. Того же лѣта Новгородци цѣловаша крестъ къ великому князю Всеволоду Юріевичю и не управишася; онъ же поиде къ Торжку, и не хотя взяти города, бѣша бо обѣщалися ему данъ даати

(1) Въ подлинникъ: в порубѣ. (2) Тамъ же противъ сего на полѣ написано: п(л)есковъ. (3) Тамъ же противъ сего на полѣ написано: новгородъ. (4) Тамъ же противъ сего на полѣ написано: володимеръ.



Торчане, и не управиша. Дружина же Всеволожа начаша жаловатися великому князю: «мы не цѣловати ихъ пріихали; они, княже, Богови лжуть и тебѣ.» И се рекше толкнуша въ кони, и взяша городъ, и мужи повязаша, а жены и дѣти на щитъ, а городъ пожгоша, за Новгородскую неправду, аже на дни цѣлуютъ крестъ и переступаютъ. Князь великій же Всеволодъ възмя Торжекъ, декабря 8, полонъ пусти въ Володимеръ, а самъ перебра дружины нѣколько и ѣха къ Волоку Ламскому; и путивше на воропъ<sup>1</sup>, и пригнавше къ городу, яша князя Ярослава Мъстиславича, сыновца ему, а городъ пожже, а люди бяху выбѣгли, и жита пожгоша, и до всего. Всеволодъ же възвратися въ своаси. Того же лѣта преставися князь Мъстиславъ Ростиславичъ, внукъ Юріевъ, въ Новѣгородѣ, и положиша его у святыя Софыи въ притворѣ, а брата его Ярополка посадиша въ Новѣгородѣ на столѣ. И зая князь великій Всеволодъ гость Новгородскыи; и по взятіи Торжку показаша Новгородци путь Ярополку Ростиславичу, а Романа изъ Смоленска призваша, и вниде.

Въ лѣто 6687. Архіепископъ Новгородскыи Іліа заложи церковь каменну святыя Богородица Благовѣщеніе; начаша здати мѣсяца маіа 21, а кончаша августа 25, а всего зданіа церковнаго 70 дній. Того же лѣта Новгородци послаша по Мъстислава, по брата Романова Ростиславича Смоленскаго, и вниде Мъстиславъ.

Въ лѣто 6688. Иде Мъстиславъ съ Новгородци на Чюдъ, на Очелу, и пожже всю землю ихъ; а сами отбѣгоша къ морю, но и ту паде ихъ много. Того же лѣта преставися въ Новѣгородѣ князь Мъстиславъ Ростиславичъ Смоленскыи, внукъ Мъстиславъ ВолодимERICHA Манаховъ, братъ Романовъ; и положиша его у святѣй Софії, въ святѣй Богородици. И послаша Новгородци въ Черниговъ къ

Святославу Всеволодичю, просящи у него сына 1178  
Володимера; и дать имъ. Они же приведше 1181  
посадиша на столѣ, и отъяша посадничество у Завида и даша Михалку Степановичю. Того же лѣта архіепископъ Новгородскыи Іліа и братъ его Гаврило заложи(ста) церковь на вортехъ Благовѣщеніе. Того же лѣта присластася Глѣбовича Рязанская, Всеволодъ и Володимеръ, къ великому князю Всеволоду Юріевичю, рекущи: «ты господинъ, ты отецъ, братъ наю старшій; Романъ уимаеъ волости наю, слушаа тестя своего Святослава, къ тебѣ крестъ цѣловалъ, и преступилъ.» Князь же великій Всеволодъ иде къ Рязаню, и бывшу ему у Коломны, и ня въ Коломнѣ Святославича Глѣба и посла его къ Володимеру; сторожи же Романови перебродилися бяху черезъ Оку, и усрѣтошася съ Всеволожи сторожи, и поможетъ Богъ сторожемъ великого князя Всеволода, а Романови побѣгоша, а они погнаша по нихъ, и притиснуша ихъ къ Оцѣ, овѣхъ избыша, а иныхъ изымаша, а иныхъ истопыша. Романъ же то слышавъ, побѣже въ поле, мимо Рязань, а братію свою, Игоря и Святослава, затвори въ Рязани. Князь же великій Всеволодъ иде къ Рязани, взя Глѣбовъ<sup>2</sup> (городъ) Борисовъ, и пришедъ къ Рязаню миръ сътвори съ Романомъ и Игоремъ, на всей воли Всеволожи цѣловаша крестъ, порядъ сътвори всей братіи, раздавъ имъ волость ихъ по старѣйшинству, възвратися къ Володимеру.

Въ лѣто 6689. Приде Святославъ Всеволодичъ съ Новгородци и съ Половци, а сынъ его Володимеръ съ Новгородци на великого князя Всеволода Юріевича; и сняшася на устьи на Волзѣ и на усть Тферы, и положиша всю (В)олгу пусту, вси города пожгоша. И не дошедше Переяславля за 40 врьстъ, Великій же князь Всеволодъ выиде противъ его полкомъ, и срѣте а на Вели рѣцѣ, и стояша межи собою двѣ недѣли. Дружина же

(1) Въ подлинникѣ: на воропъ. (2) Тамъ же: Глѣбовъ и.



1181 Всеволожа хотяху крѣпко бытися и ѣхати на  
 1184 Святослава, князь великій же Всеволодъ, благосердъ сый, не хотѣ проліати крове, не ѣхати на нь; Суждалци же учинили около себе тверды и (не) смѣша битися съ ними, а князь Володимеръ съ Новгородци послаше къ нимъ, просяче полку. Но Богъ своею милостію болѣ крови не проліа христіанской; сразишася на малъ часъ, и убиша ихъ Новгородци 300, а сами вси здрави, и възвратишася. Святославъ же убоявся розводѣя, поиде въ Русь, пожегши Дмитровъ, и пояша его Новгородци съ собою въ Новѣгородъ, а Ярополка посадиша на Новомъ Торгу. И въниде Святославъ Всеволодичъ въ Новѣгородъ, а князь великій Всеволодъ иде къ Володимеру. Того же лѣта зажжена бысть отъ грома въ Новѣгородѣ церкви Варяжская на торговищи, а другая святаго Іоанна Ишкова. Того же лѣта загорѣся въ Славнѣ отъ Коснятина, згорѣ 2 церкви, святой Михаилъ и Святыхъ Отецъ, и двory отъ великаго Іліи и до ручіа. Въ то же лѣто срубиша церковь святаго Іакова на Лужищи, и святаго Козма и Диміана, и святаго Саву, и святаго Іоанна Ишкову. Того же лѣта идоша Новгородци съ Святославомъ къ Дрютску, а Володимера Святославича посадиша въ Новѣгородѣ, а Ярополка въ Новѣмъ Торгу; онъ же нача воевати Волгу, люди Всеволожи. Князь великій же Всеволодъ съ полкомъ своимъ, и съ Рязанци и съ Муромци ѣхати изъиздомъ на Новый Торгъ, и Новоторжѣ затворишася съ княземъ Ярополкомъ; и стоа князь великій около города 5 недѣль, изнемогоша въ городѣ люди, зане не бѣшетъ имъ корму, друзіи бо ихъ конину ядяху; и устрѣлиша князя Ярополка въ городѣ, и бѣда имъ бѣ велика, и предашася Новотор(ж)ци. Князь великій же взявъ городъ, а Ярополка емъ, окова, веде его съ собою къ Володимеру, и Новоторжѣ зже-

нами и дѣтми, и городъ пожже; и прииде къ Володимеру съ побѣдою великою, а люди Новоторжѣци пусти опять изъ Володимеря. А Новгородци възвратишася отъ Дрютска, пожже(гше) городъ; а Святославъ иде въ Русь.

Въ лѣто 6691. Преставися княгини Олга, нареченная въ мнишескомъ чину Ефросинія, іюня въ 4; положена бысть въ святѣй Богородици въ Володимерѣ.<sup>1</sup> Тоя же зымы Новгородци выслаша Вълодимера Святославича, показаша ему отъ себе путь; онъ же иде къ отцу въ Черниговъ. А Новгородци послаша по князя къ Всеволоду Юріевичю; онъ же дастъ имъ Ярослава Володимерича, своего свояка; и прииде въ Новѣгородъ князь Ярославъ, сынъ Володимеръ, внукъ Андрѣевъ. Того же лѣта архіепископъ Новгородскій Іліа конча церковь святаго Богоявленія на воротехъ; тогда же и Святыхъ Отецъ церковь поставиша. Того же лѣта постави церковь каменну святаго Евпатія Ратко съ братомъ, на Рогатой улиці.

УБИЕНІЕ князя Ізяслава Глѣбовича Переяславского. Въ лѣто 6692. Иде князь великій Всеволодъ Юріевичъ на Болгары съ сыновцемъ своимъ съ Ізяславомъ Глѣбовичемъ Переяславского<sup>2</sup> Руского, съ Володимеромъ Святославичемъ Черниговского, и съ Мстиславомъ Давыдовичемъ, съ Глѣбовичи Рязанского съ Романомъ, Игоремъ и Всеволодомъ, съ Володимеромъ Муромскимъ; и прииде въ землю Болгарскую, и высѣдъ на берегъ, поиде къ Великому городу сторожемъ напередъ издѣишымъ; оттолѣ Бѣлозерскій полкъ отрядивъ къ лодьямъ, да воеводство<sup>3</sup>. Пошедшу же великому<sup>4</sup> князю въ поле, и узрѣша полкъ въ полѣ, и мнѣху Болгарскій полкъ, и приихаша пять мужъ ис полку того, ударивша челомъ передъ великимъ княземъ Всеволодомъ, и рекоша: «кланяются Половци Емакеви, при-

(1) Въ рукописи противъ сего на полѣ написано: нов. (2) Тамъ же: переяславского. (3) Тамъ же: воеводство; пропущены имя и фамилія воеводы. (4) Тамъ же: къ великому.



шли есмь съ княземъ Болгарскимъ воевати Болгарь.» Князь же великій Всеволодъ съдума (съ) братією своею, воводи ихъ въ роту Половечскую, поймавъ ихъ, поиде къ городу, перешедшу Черемисанъ, нарядивъ полкъ, а самъ поча думати съ дружиною. Изяславъ же Глѣбовичъ съ дружиною доспѣвъ, возьмъ копіе, потече ко плоту<sup>1</sup>, где бяху пѣшци вышли з города, твердъ учинивше плотомъ<sup>2</sup> къ воротомъ городнымъ; онъ же гна за плотъ къ воротомъ городнымъ, изломи копіе свое, и удариша его стрѣлою подъ сердце, принесоша его въ товари (е)лѣ жива. Болгары же (изъ Собѣ)кула и Чалмата поидоша въ лодіяхъ, а ис Торческа на конехъ на лодіи наши, и наши Божією помощію укрѣпляеми поидоша противу имъ; они же видѣвше побѣгоша, а наши<sup>3</sup> погнаша съкучи поганья Бохмиты; прибѣгоша къ Волзѣ, вскакаша въ учаны, ту абіе испровръгоша учанъ, истопе ихъ болѣ тысячи, Божіимъ гнѣвомъ гоними и святыа Богородици. Князь великій же Всеволодъ стоа около града десять днѣй, видѣ брата изнемагающа, а Болгаре выслаша съ миромъ, иде къ исаломъ опять; и ту на (и)садѣхъ поа Богъ Изяслава Глѣбовича Переяславского, и вложиша его въ лодію. Князь великій иде Волгою къ Володимерю, а кони пусти на Мордву, и пришедше Изяслава положиша у святей Богородици. <sup>4</sup>Того же лѣта архіепископъ Новгородскій Иліа съ братомъ заложи церковь каменну святого Іоанна на торговищи. <sup>5</sup>Того же лѣта князь великій Всеволодъ выведе изъ Новгорода своякъ свой Ярославъ, негодовахуть бо ему Новгородци, зане творяше много пакости волости Новгородстей. И здумавше Новгородци послашася къ Смоленску къ Давыдови по сынъ; и вда имъ Мстислава, (и приведоша ѿ) Новугороду.

О епископѣ Луцѣ. Въ лѣто 6693. Князь великій Всеволодъ посла х Кіеву, къ великому князю Святославу Всеволодичю и къ митрополиту Никифору, хотя поставити епископа Луку, смиреннаго духомъ, игумена святого Спаса на Берестовѣмъ; митрополитъ же Никифоръ не хотѣ поставити его, занеже поставилъ бѣ Миколу Гречина. Всеволоду же не хотящу его, паче же и Богови, нѣсть бо достойно наскакати на святительскій санъ на мздѣ, но егоже позоветь Богъ и святаа Богородица; тако и сего (и)гумена Луку Богу изволшу, и великому князю Всеволоду Юріевичу и всей земли Ростовской, поставленъ бысть марта 11, а Миколѣ повелѣ о(т)писыватися земли Ростовскіа. Бысть же Лука мужъ смиренъ, молчаливъ и кротокъ, милостывъ къ убогимъ и вдовицамъ, ласковъ къ всякому чловѣку, утѣшааше печальныа, по истиннѣ добрый пастырь, моляся за порученое стадо, за великого князя Всеволода, и за люди и за всю Ростовскую землю, яко добрый учитель. Тоя же весны, априля 13, въ среду, бысть пожаръ великъ во Влодимери, погорѣ мало не весь городъ, и сгорѣ церквей 32, и съборнаа церкви святаа Богородица Златовръхаа, юже бѣ сздавъ князь великій Андрѣй, братъ его, и та загорѣся сверху, и что бяше въ ней узорочія, паникадила сребренныа, и съсудъ сребреныхъ и златыхъ, и чудныхъ иконъ, золотомъ кованыхъ, и каменіемъ драгимъ и жемчужомъ великимъ, ему же нѣсть числа; Богу поущышу, нашихъ ради грѣхъ, умъ отъ чловѣкъ отъимшу, вымыкаша до всего изъ церкви на дворъ, а ис терема куны и паволоки, укси и книги, и до съсудъ, все огнь взя безо утеча<sup>6</sup>. Се же наведе Богъ на насъ, веля намъ имѣти покааніе: укси и паволоки погорѣша, иже вѣшаху на праздникъ. О побѣдѣ на Половци князя

(1) Въ подлинникъ отъ этого слова вынесено на поле: къ мосту. (2) Тамъ же отъ этого слова вынесено на поле: мостомъ. (3) Тамъ же: наша. (4) Тамъ же противъ этого мѣста на полѣ написано: пов. (5) Тамъ же противъ этого мѣста на полѣ написано: пов. (6) Тамъ же: безуотеча.



1185 Володимера Глѣбовича Переяславскаго.

1186 Того же лѣта възложи Богъ въ сердце Рускимъ княземъ, ходиша вси на Половци: князь великій Святославъ Всеволодичъ Кіевскій, Рюрикъ Ростиславичъ, Глѣбъ Юріевичъ Туровскій, Мъстиславъ Романовичъ, Изяславъ Давыдовичъ, Всеволодъ Мъстиславичъ, и Галичскаа помощь; поидоша къ нимъ вси, перешедше Угль рѣку, искаша ихъ 5 дній. Володимеръ же Глѣбовичъ, внукъ Юріевъ, издѣше напередъ въ сторожехъ съ Переяславци, а Берендѣевъ было съ нимъ 2000 и 100. Половци же услышавше Русь, и ради быша, надѣючися на силу, рекоша: «Богъ далъ ны есть въ руцѣ наши князи Рускіе и полки ихъ,» устремишася на бой, не вѣдуще глаголемаго: яко ни есть мужества, ни есть думы противу Богови; и поидоша противу Володимера, кличуще, яко пожрети хотяще. Володимеръ же помощію Божі(е)ю и святаа Богородица, поиде противу имъ; упросилъ бо ся бѣше у Святослава, рекъ: «моа волость пуста отъ Половецъ.» Князи же Рускіе не утягнули бяху съ Володимеромъ, Половци же узрѣвше полкъ Володимеръ крѣпко идущъ<sup>1</sup> на нь, побѣгоша, гоними гнѣвомъ Божіимъ; Володимеръ же погна съкуше<sup>2</sup>, семь тысячъ рукама изымаша ихъ. Князей однихъ Половеческихъ изымаша четириста и седьмнадцать<sup>3</sup>: Кобяка ту рукама аша, Осокула, Барака, Туга, Данила, Башкорта, Изу, Глѣба Тивирѣвича, Ексіа, Ака, Итолчіа Давыдича тѣсти съ сыномъ, Титѣа съ сыномъ, Кобяк(ов)а тѣсти Турундаа. Поможе Богъ и святаа Богородица Володимеру, (і)уліа въ 31. И рече Володимеръ: «сей день, иже сътвори Господь, възрадуемся и възвеселим(ся) въ онъ.» И бысть радость велика, дружина ополонишася, колодники поведоша, оружія добы-

ша и коней; възвратися домовъ, славяще Бога и святую Богородицу, скорую помощницу.

<sup>4</sup>Знаменье. Въ лѣто 6694. Бысть знаменіе въ солнци, въ среду на вечерни, мѣсяца маіа 1 день, въ 11 часъ дни; бысть паморочно велми, болѣ часа дни солнце померче, и звѣзды видѣти, а во очію у человекъ зелено, а солнце учинися яко мѣсяць, изъ рогъ его яко угль горящъ исхождааше, и страшно бѣ<sup>5</sup> видѣти человекомъ знаменіе Божіе; и паки просвѣтися, и бысть радость въ людехъ. Сіе же знаменіе никакоже даровое бывааше. Того же лѣта родися увеликого князя Всеволода сынъ Константинъ, маіа въ 28. <sup>6</sup>Того же лѣта приходи царь Алекса Мануиловичъ Греческій въ Новгородъ. Того же лѣта заложилъ церковь каменну Лукиничъ Петра и Павла на Силниці. Въ то же лѣто заложилъ церковь каменну святаго Възнесенія Миронѣгъ, при владыцѣ Иліи. <sup>7</sup>О изгыбели Олговыхъ внуцѣхъ. Того же лѣта здумаша Олгови внуци на Половци, зане бяху не ходили томъ лѣтѣ съ Святославомъ, но сами поидоша о себѣ, глаголюще: «мы есмя ци не князи? поидемъ и себѣ хвалы добудемъ.» И сняшася у Переяслава Игорьъ съ двѣма сынома изъ Новагорода Сѣверскаго, и братъ его Всеволодъ изъ Трубческа, Святославъ Олговичъ изъ Рылска, и Черниговскаа помощь; и внидоша въ землю ихъ. Половци же поидоша противу, рекоша: «братіа, отци наши избыти, а иніи изымани<sup>8</sup>, а се нынѣ на насъ идуть;» послаша по всей земли своей, а сами поидоша противу, а Русь поидоша къ вежамъ ихъ. Они же не пустяче въ вежи поидоша противу, не дождавше дружины съступишася, и побѣжени бывше Половци; и биша ихъ до вежъ, и множество полона взяша, и женъ и дѣтей. И

(1) Въ подлинникъ: идуще. (2) Тамъ же: съкуше. (3) Тамъ же противъ этого мѣста на полѣ написано другимъ почеркомъ: . . . и половецкихъ поимаша 417. (4) Тамъ же противъ этого мѣста на полѣ написано: нов. 693. (5) Тамъ же: бп. (6) Тамъ же противъ этого мѣста на полѣ написано: нов. 93. (7) Тамъ же противъ этого мѣста на полѣ написано: кiev. 94. (8) Тамъ же: зомани.



стояша на вежа(хъ) 3 дни, веселящися, рекуще: «братіа наша ходили съ Святославомъ великомъ княземъ, и былися съ ними, а зряще на Переяславль, а они пришли сами къ нимъ, а въ землю ихъ не смѣли поити; а мы въ земли ихъ есмы, а самыхъ есмя избыли, а нынѣ поидемъ за ними за Донъ и до конца избіемъ; аже ны будетъ побѣда, идемъ и въ Лукоморя, а възмемъ до конца свою славу,» а не вѣдуще Божіа строенія. А остатокъ избіенныхъ тѣхъ бѣжаша къ дружинѣ, где баше преже вѣсть послали, и сказаша имъ свою погыбель; они же слышавше поидоша къ нимъ, а по другыа послаша. И снышася съ ними стрѣлци, и бышася съ ними по 3 дни, коній не снимаяся, а къ водѣ не дадуче имъ (и)ти; и притягоша къ нимъ дружина вся, многое множество. Наши же видѣвше ихъ ужасошася, и величанія<sup>1</sup> своего отпадоша, изнемогли бо ся бяху безводіемъ, сами и кони ихъ, по 3 бо дни не даша имъ къ водѣ; и бышася съ ними крѣпко, и бысть сѣча зла велми, и побѣжени быша наши гнѣвомъ Божіимъ, князи же вси изымани бяху, а бояре и дружина вся избыта, а иніи изымани, и та язвени; и възвратишася Половци съ побѣдою великою, а про нашихъ не бѣ кто и вѣсти принести, за сѣгрѣшенія наша и за гордую похвалу, якоже пишетъ: хвалѣйся о Господи да хвалится, яко да не похвалится всяка плоть предъ Богомъ; да не хвалится, рече, сильный силою своею. Где бѣ въ насъ отъ смиренія радость, нынѣ же отъ величанія плачь распространся. Поиде бо путемъ тѣмъ гость, они же сказаша, рекуще: «рци Руси, поидите по свои князи, али бо ми къ вамъ.» Княземъ же слышавшемъ погыбель о<sup>2</sup> братіи своей и до бояръ, и възопиша вси, и бысть плачь и стенаніе велико: овѣмъ братіа избита, а инѣмъ отци. И

по малѣ дни ускочи князь Игорь у По-1186 ловець, не остави бо Господь праведнаго въ руку грѣшника, и гнашася по немъ, и не обрѣтоша его; а они вси дрѣжими бяху и подтврѣжаеми многими желѣзы. Нашихъ ради грѣхъ съдѣся. Прихожденіе Половецкое на Володимера Глѣбовича Переяславского. То же слышавъ князь великій Святославъ Все(во)лodicъ Кіевскій, събра всѣ князи, поиде на Половци; они же слышавше бѣжаша за Донъ, а князи възвратишася. И то слышавше Половци, пришедше взяша всѣ грады по Сулѣ, и къ Переяславлю пришедъ бишася весь день; видѣ Володимеръ Глѣбовичъ острогъ възимлемъ, и выиде на нихъ, и ту мало сего (не) убиша, едва отняша его, бодома трети коніи. Радиловци воеваша на низъ по Волзѣ. Того же лѣта посла князь великій Всеволодъ на Болгары Городчане съ воеводою, и взяша многа села, и възвратишася съ полономъ многымъ.<sup>3</sup> Того же лѣта ходиша молодіи люди на Имъ изъ Новгорода, о Вышатѣ, и придоша вси здрави. Того же лѣта иде Завидъ къ Давыду къ Смоленску, и вдаша посадничество Михалкови. О Пронской брани. Въ то же лѣто вѣстави діаволь котору въ Рязанскихъ князехъ, и ловяще убити братъ брата и переяти волость; и бысть крамола зла въ Рязанскихъ князехъ. Подостри Романъ Игоря и Вълодимера на Всеволода (и) Святослава, она же увѣдѣста и начаста городъ крѣпити; они же слышавше, оже городъ твердятъ, и идоша къ Проньску, и събравше вой множество, а она затвористася въ градъ, и почаша воевати городъ ею и села. Услышавъ же се великій князь Всеволодъ, правовѣренъ сый и бояся Бога, посла къ нимъ изъ Володымера<sup>4</sup> послы своа, къ Роману, и Игору и Володимеру, и река имъ: «почто тако дѣята, братіе? не дивно, оже

(1) Въ подлинникѣ: величаніе. (2) Тамъ же: свою отъ. (3) Тамъ же противъ этого мѣста на поляхъ написано: нов. (4) Тамъ же: изъ воладымера.



1186 ны были Половци воевали, се нынѣ хочете  
1187 братію свою<sup>1</sup> избыти; якоже убилъ Святополкъ  
Бориса и Глѣба про волость, ци самъ долго  
поживе?» Они же слышавше, въспріемши буй  
помысль, начаша ся гнѣвати на нь и болшую  
вражду въздвигати, якоже рече Соломонъ:  
кажай злыа приѣмлетъ себѣ досажденіе; по-  
слаша рать замышляти на нь. Всеволодъ же  
съ Святославомъ ис Проньска посластася  
къ Володымерю къ великому князю Всеволо-  
ду, просячи помочи; и посла имъ Володимер-  
ской дружинѣ 300, и рада быста. Романъ же  
слыша ихъ пришедша, обступиша городъ, и  
бишася крѣпко. Великій же князь Всеволодъ  
Юріевичъ посла къ нимъ Ярослава, своего  
своака, а изъ Мурома Володимера и Давыда;  
и быша у Коломны, и слышавше идуща на  
ся князей, бѣжаша отъ града. И видѣ Всево-  
лодъ бѣжавшихъ отъ города, выиха изъ го-  
рода, остави Святослава въ городѣ, поиха х  
Коломнѣ противу Ярослава, и Володимера и  
Давыда, повѣда имъ како бѣжали; они же  
услышавше воротитася къ Володымерю, и Все-  
володъ иде съ ними на съѣтъ къ великому  
князю. Услышавъ же Романъ, аже воротилися  
опять, и братъ ихъ шелъ съ ними, идоша  
опять къ Проньску; и Святославъ затворися  
въ городѣ, и бишася крѣпко, и переша у нихъ  
воду, и начаша изнамагати безводіемъ, и посла-  
ша къ Святославу, рекуче: «не морися голодомъ  
съ дружиною, но лѣзи къ намъ; ты еси намъ  
братъ свой, ци съѣдимъ тя, толико не при-  
ставай къ Всеволоду.» Онъ же послуша бояръ  
своихъ, иже молвахуть ему: «братъ твой шелъ  
къ Володымеру, а тебе выдавъ; отвори воро-  
та.» Онъ же отвори ворота, и выихаша въ  
городъ, и даша ему городъ, и посади(ша) ту;  
а что дружины Всеволожи, то всѣхъ повяза-  
ша, а ятровъ везоша<sup>2</sup> въ Рязань, а имѣніе  
разграбиша, Володимерци присланыя<sup>3</sup> Всево-

лодомъ на помощь всѣ повязаша. Услышавъ  
же Всеволодъ полонену жену, и дѣти и боя-  
ре, а брата предавшеся, поиде изъ Володи-  
мера х Коломнѣ, и почаша ся воевати, и бысть  
ненависть люта межи ими. Князь великій же  
Всеволодъ Юріевичъ слышавъ, оже Святославъ  
предался на лести, а дружину его выдавъ,  
и нача събирати(ся), рекъ: «дай мою дружину  
добромъ, како ты еси у мене поялъ; аже  
ся миришь з братією, а мою дружину чему  
выдаешь, а выбывъ у мене челомъ? аще ты  
ратень, то и оны ратни же, аще ты мирень,  
то и они мирни же.» Они же слышавше, оже  
хочетъ ити на нь, послашася къ нему, рекуче:  
«ты господинъ, ты отецъ, ты братъ; где бу-  
детъ твоя обнда, мы же преже головы своя  
положимъ за тя; а не имѣй на насъ гнѣва,  
мужи твои пуцаемъ.» Всеволодъ же не хотѣ  
мира лестнаго, якоже пророкъ рече: брань  
славна лучши есть мира студнаго, со лжи-  
вымъ бо миромъ<sup>4</sup> живуще велику пакость зем-  
лямъ творять.

<sup>5</sup>Въ лѣто 6695, мѣсяца септевра въ 7, пре-  
ставися архіепископъ Новгородскій Іліа, и  
положиша его въ притворѣ святыа Софіа. Но-  
городци же съ княземъ Мьстиславомъ Давы-  
дичемъ, и съ игумены (и) съ попы издумавше,  
и поставиша брата его Гаврила, послаша къ  
митрополиту Никифору, и присла митропо-  
литъ по него и вси князи Русстїи, и пояша  
его съ любовію. Тоя же зими убиша въ  
Новѣгородѣ Гаврила Неревинича и Ивача  
Свеѣпевича, и свергоша ихъ съ моста. Въ то  
же время востанъ бысть Смоленскій проме-  
жи княземъ Давыдомъ и Смоляны, и много  
паде головъ лутчихъ. Тоя же зими постав-  
лень бысть архіепископъ Новгород(с)кій Га-  
врило, мѣсяца марта въ 29. <sup>6</sup>Того же лѣта, мѣ-  
сяца маа въ 2, родися у великого князя у Всево-  
лода сынъ, и наре(че)нь бысть въ крещеніи

(1) Въ подлинникъ: своею. (2) Тамъ же: вязоша. (3) Тамъ же: присланыя. (4) Тамъ же: миромъ. (5) Тамъ же  
передъ симъ написано киноварю: новгородскій. (6) Тамъ же передъ симъ написано киноварю: владимирскій.



Борисъ. 'Того же лѣта и мѣсяца въ 31 прииде къ Новугороду архіепископъ<sup>2</sup> Гаврилъ. Въ то же лѣто преставися игумень Моисей въ Онто- (но)вѣ манастири, и поставиша Волоса. (Въ) то же лѣто громъ бысть страшень въ Новѣ-городѣ, и придоша съ кресты отъ святаго Софіа къ святому Михайлу, и блесну мльнѣ и шибе громъ, и падоша вси людѣ, и церкви загорѣся; и не бысть ничтоже, и два чело-вѣка умроста. Въ то же лѣто выходиша епи-скопъ Черниговскій Порфиріе къ великому князю Всеволоду Юріевичу, просяче у него мира, абы умирить съ Рязаньскими князи съ Глѣбовичи. Всеволодъ<sup>3</sup> же убояся Бога и не хотѣ видѣти свадьбы, послуша его и своего епи-скопа Луки блаженнаго, молящимся има обѣма, посла его въ Рязань съ миромъ, при-стави<sup>4</sup> къ нему свои мужи и Ярославли бра-та своего Всеволодичу, Олгову внуку; а ихъ мужи всѣ пусти въ Рязань, иже то были изомани. Владыка же пришедъ въ Рязань, къ Роману, и Игору, и Володимеру, и Свя-тославу и Ростиславу, и утаився пословъ Всеволожихъ, и пришедъ инако рѣчь из-вороча къ нимъ, не акы святитель, но акы перевѣтникъ и ложь. Якоже рече Соломонъ: гнѣвъ укротимъ лжею проливаетъ<sup>5</sup> сваръ, а рать не до конца смирена проливаетъ кровь, а брань славна лучши естъ мира студнаго, съ лживымъ бо миромъ живуще велику пакость<sup>6</sup> землямъ творять, тако и Порфиріе епископъ, исполнився срама и безчестіа, иде инѣмъ пу-темъ въ страну свою. Князь великій же Все-володъ слышавъ о Перфиріи, иже тако сътво-ри, посла по немъ, хотяше яти его; но положи упованіе на Бога и на святую Богородицу. То-го же лѣта князь великій Всеволодъ Юріевичъ отда дщерь свою Всеславу, Чернигову, за Ростислава Ярославича, іюня въ 11 день. Въ

томъ же лѣтѣ бысть болѣсть силна въ людехъ, 1187 не баше бо ни одного двора безъ болящаго, 1189 а въ иномъ дворѣ никогоже не баше здра-вого, нѣкому баше и воды подати, ано все ле-жить болно. Богъ казнить рабы своя напа-стыми различными, водою, огнемъ, болѣзными тяжкими. Соломонъ бо рече: болѣстемъ въ тѣлѣ часто пребывающимъ, не облѣнитъ и сама смерть приити. Въ томъ же лѣтѣ иде князь ве-ликій Всеволодъ Юріевичъ на Рязань съ Яро-славомъ Володимеричомъ, своакомъ своимъ, и съ Володимеромъ Муромскимъ, и Всеволодъ Глѣбовичъ Рязанского съ нимъ, ис Коломны иде съ ними на братію свою<sup>7</sup>; и перебродивше Оку идоша къ Попову, и взяша села вся и полонъ многъ, и възвратися въ своася, а землю ихъ учини всю пусту.

Въ лѣто 6696. Преставися Володимеръ Глѣ-бовичъ, Юріевъ внукъ, сыновець Всеволожъ, въ Переяславли Рускомъ, на своей отчинѣ. Того же лѣта преставися у великого князя у Всеволода сынъ Борисъ, дѣтескъ еще, еди-ного году. Того же лѣта выгнаша Новгород-ци князя Мьстислава Давыдича, и прислаша къ великому князю Всеволоду, просяче Яро-слава, свояка его; онъ же дасть имъ, и от-пусти его съ ними. Тоя же зымы, февраля 7, бысть громъ страшень, и зарази двое чади и хо-ромину съжже. <sup>8</sup>Того же лѣта заложы церковь каменну Успеніе святаго Богородица въ Арка-жи манастири Семьюнъ Дыбычевилъ. Того же лѣта священна бысть съборнаа церкви святаа Богородица, великимъ священіемъ, блажен-нымъ епископомъ Лукою при великомъ князи Всеволодѣ, августа 14, на канунъ святаго Успенія.

<sup>9</sup>Въ лѣто 6697, мѣсяца септеврѣа 29, пре-ставися князь Глѣбъ Всеволодичъ. Тоя же осени преставися блаженный Лука, епископъ Ростов-

(1) Въ подлинникъ противъ этого мѣста на полѣ написано киноварью: новгород. (2) Тамъ же: архіепископъ. (3) Тамъ же: всеволожъ. (4) Тамъ же: пристави его. (5) Тамъ же: проливають. (6) Тамъ же: папакость. (7) Тамъ же: братію свою. (8) Тамъ же противъ этого мѣста на полѣ написано: пов. (9) Тамъ же противъ этого мѣста на полѣ написано: влади.



1189 скій и Володимирскій, ноябрю 10, и поло-  
 1192 жиша его у святѣй Богородици. Въ томъ же лѣтѣ родися великому князю Всеволоду Юріевичу сынъ, и нарекоша его въ крещеніи Георгій. <sup>1</sup>На ту же зиму бысть дороговъ: по двѣ ногатѣ хлѣбъ<sup>2</sup>, а кады ржи по 6 гривень; а пакости въ людехъ не бысть. Въ то же лѣто рубиша (Новгородци) Варязи, на Готехъ<sup>3</sup> Нѣмци, въ Сулужку и (въ) Новоторжъци; а своихъ не пустиша за море ни единого, ни сла выдаша Варягомъ, и поихаша безъ мира. Того же лѣта святы владыка Гавриль церковъ святыа Богородица Успеніе, и постави владыка Гавриль церковъ на Жатунѣ Святыхъ 3 Отрокъ. Того же лѣта кончаша Благовѣщеніе пишуче. Того же лѣта отъяша посадничество у Михалка, и даша Мирослѣ Невзаничу.

<sup>4</sup>Въ лѣто 6698. Посла князь великій Всеволодъ Юріевичъ къ великому князю Свято-славу Всеволодичу Кіевскому и къ митрополиту Никифору отца своего духовнаго Іоанна на епископью въ Ростовъ и Володимеру. Якоже глаголетъ Господь пророкомъ: на кого призрю, но на кроткаго<sup>5</sup> и смиреннаго и трепещущаго моихъ словесъ, тако и на сего призрѣ Господь; поставлень бысть генваря 23, а въ Ростовъ прииде на свой столъ февраля 25. Тогда бяше князь великій Всеволодъ въ Ростовѣ въ полудни, а прежде того былъ въ Переяславли; тамо ему родися сынъ Θεодоръ, на томъ же мѣсяци февралѣ въ 8. <sup>6</sup>Того же лѣта Пьско(ви)чи избыша Чюдъ Поморскую, пришли бяху въ 7 шнекъ и облочилися около порога въ озеро; и побиша ихъ всѣхъ Плесковичи, и шнеки ихъ привезоша.

<sup>7</sup>Въ лѣто 6699. Заложилъ князь великій Всеволодъ Юріевичъ градъ Суждаль, а въ Воло-

ди(мери) церковъ заложилъ каменну Рождество святыа Богородица, августа 22. <sup>8</sup>Того же лѣта ходиша Новгородци въ лойвахъ съ Корѣлою на Имъ, и воеваша<sup>9</sup> землю ихъ и пожгоша, и скотъ ихъ съѣхъкоша. Въ то же лѣто князь Ярославъ сѣрубилъ церковъ на Городищи святаго Николу, а архіепископъ Гавріиль сѣрубилъ Стрѣтеніе Господне. Того же лѣта и святаго Образа церковъ сѣрубили въ Нѣздѣ Нѣздиничи и святую Пятницу Костянтинь съ братомъ. Того же лѣта архіепископъ<sup>10</sup> Гавріиль святыа церковъ святаго Възнесенія, а сѣздана Миронѣгомъ тысячьскымъ. Того же лѣта ходилъ князь Ярославъ на Луки, позванъ<sup>11</sup> Полотцкими князи и Полочаны; и поа съ собою Новгородци дружиною передною, и снышася на рубежи, и положиша межю собою любовь, яко на зиму снятися либо на Чудъ, или на Литву.

И бысть на зиму, въ лѣто 6700, иде Ярославъ съ Новгородци, и съ Плесковичи и съ всею областію своею на Чюдъ, и взя городъ Гюргевъ; и пожгоша землю ихъ, и полоня безъ числа<sup>12</sup> приведоша, а сами придоша вси здрави. Того же лѣта, на Петровъ день, иде Ярославъ къ Плескову и Новгородцевъ съ нимъ мало, и посла дворъ свой съ Плесковичи воевати; и шедше взяша городъ<sup>13</sup> Медвѣжу Голу и пожгоша, възвратиса. <sup>14</sup>Того же лѣта постави Варламъ чрънецъ на Хутынѣ церковъ святаго Спаса, а мирскимъ именемъ Алекса Михалевичъ; и святы еа архіепископъ<sup>15</sup> Гавриль. Въ то же лѣто кончаша церковъ Петра и Павла на Силнищи, и святы ю архіепископъ<sup>16</sup> Гавриль. Въ то же лѣто въ Руси срубилъ церковъ Спаса святаго на Островѣ игумень Мантирей, и сѣтвори манастирь. Того же лѣта згорѣ церковъ Петра и Павла на Холмѣ.

(1) Въ подлинникѣ противъ сего на полѣ написано: нов. (2) Тамъ же: глѣбъ. (3) Тамъ же: на гостехъ. (4) Тамъ же противъ этого мѣста на полѣ написано: владѣ. (5) Тамъ же: крестнаго. (6) Тамъ же противъ этого мѣста на полѣ написано: нов. (7) Тамъ же противъ этого мѣста на полѣ написано: владѣ. (8) Тамъ же противъ этого мѣста на полѣ написано: нов. (9) Тамъ же: воеваша. (10) Тамъ же: архіепископъ. (11) Тамъ же: позванъ. (12) Тамъ же: бещисла. (13) Тамъ же: гогородъ. (14) Тамъ же противъ этого мѣста на полѣ написано: хуты(н)а. (15) Тамъ же: архіепископъ. (16) Тамъ же: архіепископъ.



<sup>1</sup>Въ лѣто 6701. Преставися архіепископъ Новгородскій Гавріилъ<sup>2</sup>, мѣсяца маіа 24 день, на память святаго Симеона, иже на Дивной горѣ, и положень бысть въ притворѣ святаго Софіа, посторонъ брата, архіепископа Иліи. Новгородци же съ княземъ Ярославомъ, и съ игумены и попы здумавше, о(д)ни хотяху Никифора поставити, а друзіи Мартурія изъ Руси, а иніи Гречина, и бысть распря въ нихъ; и положиша на святѣй трапезѣ 3 жребіи, и послаша съ вѣща слѣплого челоуѣка, да которого жребіи принесетъ, того имъ Богъ дастъ. И вы(н)яся, Божіею благодатию, жребіи Мартыріевъ; и послаша по него, и приведоша его изъ Руси, и посадиша его въ епископы, и послаша къ митрополиту; и посла по него съ честію, и иде съ предними мужи, и пріа его съ любовію князь великій Святославъ и митрополитъ. <sup>3</sup>Того же лѣта, іюня 23, въ четвертокъ, въ полночи, загорѣся городъ Володимерь, и горѣ ночь тую и наутріа день мало не до вечера, и церквей згорѣ 14, и города половина съгорѣ, а великого князя дворъ отъяша, Богомъ, и молитвами святаго Богородица, и отца его и дѣда его избавлень бысть отъ пожара. Того же лѣта заложилъ князь великій Всеволодъ дѣтинуецъ въ Володимери, іюліа 4. Бысть на небеси знаменіе страшно, учинися небо аки кроваво, до Юріевскіа рати за 14 лѣтъ.

Въ лѣто 6702. Посла князь великій Всеволодъ Юріевичъ тіуна своего въ Русь, и създа Городецъ на Востри, егоже раскопа князь великій Изяславъ Мъстиславичъ, въ 6660-е лѣто; князь же великій Всеволодъ обнови отчину свою, бѣ бо то Городокъ отца его Юрія Владимерица. Того же лѣта Ростовскій владыка Іоанъ сътвори Леонтію, епископу Ростовскому, чюдотворцу память; и оттолѣ на-

чаша празновати ему. Того же лѣта роди-<sup>1193</sup>  
ся великому князю Всеволоду 9 сынъ Дмит-<sup>1194</sup>  
рій. <sup>4</sup>Тои же зими, декабря 10, поставлень бысть архіепископъ Новгородскій Мартырей, на память святыхъ мученикъ Минны и Ермогена, и прииде (въ) Новѣгородъ генваря 16, на Поклоненіа честныхъ<sup>5</sup> веригъ святаго апостола Петра. Того же лѣта идоша Новгородци въ Югру ратию, съ воеводою Андрѣйкомъ, и взяша городъ, и приидоша къ другому городу, и затворишася Югричи въ городѣ, и стоаша подъ городомъ 5 недѣль, и выслуху<sup>6</sup> къ нимъ съ лестію, рекуще тако: «яко копимъ серебро, и соболи и ина узорочіа, а не губите своихъ смердь и своеа дани;» а лестяще има, а все копячи вои. И яко скопиша воивъ, и выслаша къ воеводѣ изъ города, глаголюще: «пойди въ городъ, поими со собою 12 мужа.» И иде въ городъ воевода, поимъ со собою попа Иванка Легена и инѣхъ (мужъ) лучшихъ, и иссѣкоша ихъ, на канунъ святаго Варвары; и выслаша паки, и пояша ихъ 30 мужъ лучшии, и тѣхъ иссѣкоша, и потомъ 50. И по(се)мъ рече Сава князю Ю(го)рскому: «аже и еще, княже, не убіеши Іаковца Прокшинича, а живого пустиши въ (Нов)городъ, то тому ти, княже, вои привести опятъ сѣмо и землю твою пусту положить.» И призва его князь, и повелѣ убити. И рече Іаковецъ Савицѣ: «братъ, судитъ ти Богъ и святаа Софіа, оже еси подумалъ на кровь братіи своей, и станеши съ нами предъ Богомъ и отвѣщаеши за кровь нашу.» И то рекши убіенъ бысть; тотъ бо Савица перевѣтъ<sup>7</sup> дрѣжаще съ княземъ Югорскимъ отай. И потомъ изнемогоша голодомъ, сто(я)ли бо бѣ 6 недѣль, слушаючи лести ихъ, и на празникъ святаго Николы иссѣкоша вся. И бѣ туга остатку живымъ, осталось ихъ 80 мужъ, и не бѣше вѣсти черезъ зиму, и печаловахуся въ Новѣгородѣ

(1) Въ подлинникѣ противъ этого мѣста на полѣ написано: нов. (2) Тамъ же: и гавріилъ. (3) Тамъ же противъ этого мѣста на полѣ написано: владі. (4) Тамъ же противъ этого мѣста на полѣ написано: нов. (5) Тамъ же: честныя. (6) Тамъ же: выслуха. (7) Тамъ же: прѣвѣл.



1194 князь, и владыка и весь Новѣгородъ. На ту же  
 1195 весну загорѣся (Нов)городъ, (загорѣся) Савкинъ  
 дворъ на Яришевѣ улицѣ, и бѣше пожаръ золь,  
 и згорѣша 3 церкви, святой Василій, и святая  
 Троица и святое Въздвиженіе, и (у)нялося у  
 Лукины<sup>1</sup> улицы; и не ту ся зло устави, за грѣхы  
 наши и на другой день загорѣся въ Чеуловѣ  
 улкѣ, и згорѣ дворъ 10; и тоя же недѣли,  
 въ пятокъ, загорѣся отъ Хревковы улицы да-  
 же и до ручія Неревъскій конецъ, и згорѣ  
 церквей 7; и оттолѣ вѣста зло, по вся дни  
 загарашеся невидимо, и 6 мѣсто. . .<sup>2</sup> нача  
 гнѣватися на него, а се дааше ему противу  
 тому равна, чего бы хотѣлъ; но Романъ не  
 брежаше, и нача слати къ Олговичемъ, Яро-  
 славу Всеволодичу, и цѣлова къ нимъ, хотя  
 съ ним(и) съгонити тестя ис Кіева. Тоже слы-  
 шавъ князь великій Рурикъ Ростиславичъ, и  
 посла къ великому князю Всеволоду Юріевичу,  
 яко Романъ отступи къ Олговичемъ и  
 подводитъ ихъ на Кіевъ; а съ Романомъ, по-  
 славъ разврже (миръ, и) крестное цѣлованіе  
 съложити повелѣ. Онъ же убоюся иде въ  
 Ляхи къ Казимиричемъ, помочи дѣля; а они  
 (въ) то время съ дядею своимъ Межкою о вот-  
 чинѣ своей брань имѣяху, и рѣша Роману: «да  
 аще съ симъ управимся, то поидемъ по тебѣ.»  
 Романъ же поиде съ ними на Межку, Межка же  
 присла къ Роману, дабы съмирилъ его съ сы-  
 новци его; Романъ же не хотяше, но надѣя-  
 ся одолѣти, ни своихъ не послуша, но поиде  
 собою. И поби Межка Романа, избивша полки  
 его, а самъ въ градъ утече къ Казимиричемъ  
 раненъ; оттолѣ дружина несоша его къ Во-  
 лодимеру. И посла къ тестю своему, велико-  
 му князю Рурику, въ Кіевъ, кланяся и мо-  
 ляся, такоже и къ митрополиту, дабы о  
 немъ молился великому князю, чтобы его  
 принялъ въ любовь, а вину на ся възлагая.  
 Князь великій же Рурикъ послуша митропо-

лита Никифора, и отдасть ему, а ко кресту  
 води его; и дасть ему волости Полоннѣи и  
 полторка Рускаго. Тоя же осени архіепископъ  
 Новгородскій Мартиріе заложи церковь камен-  
 ну святого Въскресенія въ монастыри. Тоя же  
 осени князь великій Рурикъ Ростиславичъ по-  
 слася къ великому князю Всеволоду Юріевичу  
 и къ брату своему Давыду Ростиславичу  
 въ Смоленскъ, и тако вси послаша послы  
 своа къ Ярославу Всеволодичу Черниговско-  
 му и ко всей братіи его, Чръниговскимъ  
 княземъ, яко не хотѣти<sup>3</sup> имъ Кіева, но знати  
 имъ свой Чръниговъ и что къ нему пошло  
 отъ прадѣды; онѣмъ же того не хотѣвшимъ.  
 Князь великій же Всеволодъ посла въ Нов-  
 городъ по Новгородци на Черниговъ, на  
 Ярослава и на все Олгово племя. И Нового-  
 родци не отпрѣшася ему, и идоша съ княземъ  
 Ярославомъ Володимеричемъ, и огнищанѣ, и  
 гридба и купци; и быша на Новомъ Торгу,  
 и приславъ князь великій Всеволодъ, и възва-  
 ти а съ честію домовъ, занеже по его при-  
 казу яшася<sup>4</sup> Черниговскіи князи, яко не хо-  
 тѣти имъ Кіева, онъ же съ коня съсѣдъ  
 послуша ихъ. И послаша Новгородци къ  
 великому князю Всеволоду Мирошку посад-  
 ника, и Бориса Жирославля и Никифора  
 сотского, просяче сына, (а) Ярослава не-  
 годующе, (и) възвратиса (въ) Новѣгородъ.  
 Въ то же время послаша Олговичи къ ве-  
 ликоу князю Ростиславичу Рурику, глаго-  
 люще: «съ тобою намъ нѣсть никоего зла, ты  
 еси близъ насъ, цѣлуй намъ крестъ, а мы къ  
 тебѣ, яко не воеватися доколѣ порядъ поло-  
 жимъ съ великимъ княземъ съ Всеволодомъ  
 и съ Давыдомъ, братомъ твоимъ, Смолен-  
 скымъ;» и цѣловаша обои на томъ. Князь же  
 великій Рурикъ, имя тому вѣры, воа распусти  
 и Половци; Ярославъ же Всеволодичъ то пре-  
 ступи (съ) своею братією, посла сыновци свои

(1) Въ подлинникѣ: у ликины. (2) Тамъ же: и въ 6 мѣсто; за симъ далье въ рукописи большой пропускъ. (3) Тамъ же: не хотѣтъ. (4) Тамъ же: яшася.



къ Витебску на Давыда. Давыдъ же слышавъ, посла противъ ихъ Мъстислава Романовича, сыновца своего, и Ростислава и Глѣба Володимировичевъ, и зятя своего, Рязанского княжича, а съ ними Смоленяне и прочіи вой; и бысть имъ бой въ вторникъ 2 недѣли поста. Мъстиславъ же прииде на бой, и прииде на полкъ Олговъ Святославича, и потопта его, бѣ бо съи Мъстиславъ Романовичъ храбрѣйшій всеа своеа братіи и всѣхъ Рускихъ князей; а сына Олгова Давыда<sup>1</sup> раниша. А тысяцкой Михалко, той бѣ противу Полочанъ, зане бяху<sup>2</sup> и Полотцкіе князи съ Олговичи; и той не дошедъ (съ) Смоленяны, побѣже. Олговичи же за тѣми не гнашася и Полочане; но погнаша въ тылъ за Мстиславимъ полкомъ. А Мъстиславъ гнаша за полкомъ Олговымъ, и паки възвратися, мняше своихъ за собою женущихъ, и ту поимаша его Полочане; а прочіи князи Смоленстїи възвращшеся, видѣвше свои стяги потоптаны, бѣжаша къ Смоленску. Олегъ же испроси у Полотскихъ князей Мъстислава и веде его къ Чернигову. А (въ) Новгородскомъ имя Мъстиславу—Борисъ Романовичъ, а бой былъ 704 лѣта<sup>3</sup>. Пишетъ же въ Новгородскомъ лѣтописци лѣто весною починаетъ, а осень и зиму глаголетъ: тоя же осени и зими; азъ же пишу по (и)ндикту начало, и сего ради не согажается лѣты съ инѣми лѣтописци, точію времена мѣсяцемъ въ лѣтѣ изсматрай, и послѣ коего начала лѣту пишетъ, того и лѣта. Тоя же зими, рекше въ 6705 лѣто, мѣсяца генваря въ 11 день, принесена бысть дѣска гробнаа изъ Селуня святаго мученика Дмитрія въ Володимерь. И потомъ, по многихъ родѣхъ и лѣтѣхъ, въ лѣто 6888, принесена изъ Володимера на Москву и поставлена въ церкви пречистыа Богородица съборныа, у придѣла святаго Дмитрія. А му-

чень святой Дмитрій въ (С)елуни въ лѣто 5802. 1195 Тую же зыму не быше миру межи князьми, и 1197 приа князь великій Всеволодъ посадника Мирошку, и Бориса, Иванка и Фому, и не пусти ихъ въ Новгородъ, а самъ посла въ Половци. И почаста вой копяти князь великій Всеволодъ съ княземъ Давыдомъ Ростиславичемъ Смоленскимъ себѣ<sup>4</sup>, а Ярославъ Всеволодичъ съ Игоремъ, съ его братією; и не быше мира межи ими, но рать въздвигоша болшую. Того же лѣта заложиста церковь каменну святаго Кирила въ монастыри въ Нелезни Костантинъ съ братомъ, на Лубяной улицы, Коровайковичи, и начаша дѣлати мѣсяца априля, а скончаша мѣсяца іуля въ 8<sup>5</sup>, на святаго Прокопіа; и святы (ю) владыка Мартирей генваря 12. Того же лѣта владыка Мартирей списа церковь святыа Богородица на воротехъ. Того же лѣта кончаша церковь святато Воскресенія, и святы еа Мартирей владыка, труждався, въ день зноемъ горя, а въ ночи печалуюся, абы церковь създати и украсити; егоже желая, и въсприа царство небесное и радость некончаемую въ вѣкы. Того же лѣта слаху Новгородци къ великому князю Всеволоду Мирошки<sup>6</sup> для, Иванка и Фомы, пустилъ бо быше Бориса и иныа мужи съ нимъ; а князь великій Всеволодъ иде<sup>7</sup> на Черниговъ, скопивъ силу свою и Половецкую силу приведе, и вождааше со събою посадника (Мирошку, и) Иванка и Фому; а Новгородцемъ повелѣ ити на Луки. Идоша съ Ярославомъ, и сидѣвше на Лукахъ, и възвратишася домовъ; а князь великій Всеволодъ вшеде въ землю ихъ, и не вда Богъ кровопролитіа болша, и взяша миръ межи собою; а Новгородъ выложиша вси князи во свободу, где имъ любо, туто собѣ князя поимають. И възврати(в)ся князь великій Всеволодъ, пусти Фому въ Новьгородъ,

(1) Въ подлинникъ: два. (2) На этомъ словѣ, находящемся въ рукописи на оборотѣ 106-го листа, прерывается статья и ея продолженіе помѣщено на листѣ 112-мъ. (3) Въ подлинникъ: лѣтъ. (4) Тамъ же: съ себе. (5) Тамъ же: въ 2. (6) Тамъ же: мирошко. (7) Тамъ же: идя.



1197 а Мирошки и Иванка не пусти, и разгнѣви  
 1199 Новогородци<sup>1</sup>. И здумавше Новогородци вы-  
 гнаша свояка его, Ярослава Володимерича,  
 изъ Новагорода; и иде Ярославъ, обослався  
 съ Всеволодомъ, и дасть ему Новый Торгъ,  
 и приаша его Новоторжци съ поклономъ, и  
 жалаху по немъ въ Новѣгородѣ добрыи, а  
 злыи радовахуся. И послашася къ Чернигову  
 къ Ярославу по сынъ, и сидѣша всю зиму безъ  
 князя, а Ярославъ княжаше въ Торжъку, и дань  
 поима по всему Врѣху и Мьсти, (и за Воло-  
 комъ вѣзла дань; а Новгородѣ измавъ) за Во-  
 локомъ князь великій Всеволодъ и<sup>2</sup> по всей зем-  
 ли своей, дръжаше у себе, не пушта ихъ къ Но-  
 вугороду, не хожаху по городу по Володи-  
 меру по волѣ, но за сторожи. Тоя же зыми,  
 6706 лѣта, прииде ис Чернигова къ Нову-  
 городу Ярополкъ Ярославичъ, на Врѣбное  
 въскресеніе, мѣсяца марта; и сидѣвшу ему 6 мѣ-  
 сяць, и выгнаша его изъ Новагорода, и послаша  
 опять по Ярослава въ Новый Торгъ; и (де Яро-  
 славъ) съ Нового Торгу (въ) Володимеръ, поз-  
 ванъ<sup>3</sup> великимъ княземъ Всеволодомъ. Идоша  
 изъ Новагорода предніи мужи и сотьскіи, и поя-  
 ша Ярослава съ всею правдою и честію; и при-  
 де на зиму, по Крещеніи за недѣлю, и сѣде на  
 столѣ своемъ, и обняся (съ) людми, и добро все  
 бысть. И Мирошку приведе посадника, сѣдѣлъ  
 2 лѣта за Новгородъ, и вси придоша здрави;  
 и ради быша вси. Того же лѣта архіепископъ  
 Мартирей (ѣ) постави церковь святаго Никифора  
 на Островѣ. Того же лѣта постави монастырь  
 святаго Евфиміа, въ Плотникохъ, Полюдшаа  
 городщинича Жирошкина дочи. <sup>4</sup>Того же лѣта  
 преставися Давыдъ Ростиславичъ въ Смо(ле)н-  
 скѣ, и сѣде сынъ его Мьстиславъ въ Смоленскѣ.  
 Въ томъ лѣтѣ посла (великій князь Всеволодъ)  
 на епископство Павла въ Переяславъ Рускій.  
 Того же лѣта родися у великого князя сынъ  
 Иванъ, августа 28. <sup>5</sup>Того же лѣта архіепис-

скопъ Мартирей заложивъ Русѣ церковь святаго  
 Спаса каменну; начаша дѣлати мѣсяца маіа въ  
 21, а кончаша іюліа 31. И святѣ еа на Успеніе  
 святаго Богородица, и сътвори праздникъ че-  
 стень и службу, и помолися Богу, глаголя сице:  
 «Господи Боже! призри съ небесе, и виждь,  
 и посѣти винограда своего, иже насади и  
 съвърши десница твоя.» Въ то же лѣто преста-  
 вистася два сына у Ярослава у Володими-  
 рича: Изяславъ бѣше посаженъ былъ на Лу-  
 кахъ княжити, отъ Литвы плече Новугороду,  
 и тамо преставися, а Ростиславъ въ Новѣго-  
 родѣ; и оба положена бысть у святаго Георгіа  
 въ монастыри. Въ то же лѣто заложѣ князь  
 Ярославъ Володимеричъ церковь въ Новѣго-  
 родѣ святаго Спаса въ Передичахъ; и начаша  
 дѣлати мѣсяца іюня въ 8, на святаго Фео-  
 дора, а кончаша сентебря.

Въ лѣто 6707. Преставися сыновець вели-  
 кого князя Всеволода, Ярославъ Мьстиславичъ,  
 внукъ Юріа Долгорукого, въ Переясла(вли)  
 Рускомъ. Тоя же осени придоша Полочане  
 на Луки съ Литвою, и пожгоша хоромы, а  
 Лучанѣ избыша въ городѣ. Того же лѣта князь  
 великій Всеволодъ Юріевичъ, априля 1, ходи  
 на Половци; Половци же слышавше походъ  
 его бѣжаша съ вежами прочь; князь же ве-  
 ликій ходи по становищемъ ихъ вѣзлѣ Донъ,  
 онѣмъ же безбожнымъ побѣгшимъ прочь,  
 князь же великій вѣзвратися къ Володими-  
 ру и вѣниде іюня 6, на память преподоб-  
 наго Иларіона. Того же лѣта заложѣша пер-  
 ковь каменну въ Новѣгородѣ на Холмѣ. То-  
 го же лѣта бысть пожаръ въ (Во)лодимерѣ  
 іюня 21, въ субботу, горѣ до вечера, церквей  
 згорѣло 16, а города мало не половина. На  
 ту же зыму ходи князь Ярославъ Володими-  
 ричъ съ Новогородци на Полочанѣ къ По-  
 лотцку, съ Плесковичи и съ всею областію Но-  
 вогородскою; и уерѣтоша ихъ Полочанѣ съ

(1) Въ подлинникѣ: новногородци. (2) Тамъ же: а. (3) Тамъ же: позвани. (4) Тамъ же противъ этого мѣста на  
 полѣ написано: влод. (5) Тамъ же противъ этого мѣста на полѣ написано: нов.



поклономъ на озерѣ на Косоплѣ, и взявше миръ възвратиса въ Новгородъ: Богъ бо не вда кровопролитіа христіаномъ. Того же лѣта князь великій Всеволодъ выведе свояка своего, Ярослава Володимерича, изъ Новагорода; а архіепископа Мартирія (позва) въ Володимерь по свой сынъ. И яко быша на озерѣ Серегѣрѣ, и преставися рабъ Божій архіепископъ Мартирій Новгородскій, августа 24, бысть на архіепископствѣ 6 лѣтъ и 7 мѣсяць; и привезше положиша его въ притворѣ святыя Софіа; и поидоша мужи съ посадникомъ Михалкомъ къ Всеволоду.

Въ лѣто 6708. Преставися Ярославъ Всево(ло)дичъ Ольговича<sup>1</sup> Черниговскій. Тоя же осени придоша Новгородци въ Володимерь къ великому князю Всеволоду Юріевичу, лучшіи мужи, Мирошкина чадь, рекуче: «ты господинъ, ты царь, тебѣ отчина Новѣгородъ; а нынѣ просимъ у тебе сына Новогороду.» Князь же великій здума з дружиною своею, и утврди ихъ крестомъ на всей воли своей, дасть имъ сынъ Святославъ, Новгородци же пояша его у святыя Богородица съ благословеніемъ у епископа Іоанна; и отпусти ихъ князь великій съ честію и съ любовію. И иде Святославъ княжити декабръ 12, братіа же проводиша его съ честію; приведъ посадиша его на столѣ въ Новѣгородѣ. А въ то же время князь великій здума въ посадникомъ и съ Новгородци, и выведе въ епископію Митрофана, Богомъ избранна; и весь Новѣгородъ шедше, съ честію посадиша его, «донележе будетъ отъ митрополита позваніе, и тогда поидеши на поставленіе.» Того же (лѣта) заложи церковь каменю Святыхъ Мученикъ 40 съ Прокшею съ Малишевичемъ. Того же лѣта постави церковь княгини Ярославля, манастирь сътвори Рожество святыя Богородица, и игуменую постави Завижую посадницу. Того же лѣта исписаша церкви 2, святого Спаса на Городи-

щи и святого Спаса въ Русѣ. Въ то желѣто въ 1199 Русѣ обложиша городъ. Того же лѣта взяша 1201 Литва Ловоть и до Налюча, со Беліе и до Свинорта; и гнашася Новгородци по нихъ и до Чернянъ, и бишася съ ними, и убиша у нихъ въ Клинѣ мужей 80, а Новогородецъ 15: Рагуила<sup>2</sup> Прокопійичу съ братомъ, Гюргіа Събыкшинича, Ратмира Нѣжатнича, Страшка серебряного вѣса, Внѣзда Ягинича, Луку Мирошкина отрока, Микиту Лазоревича, Жирошку, Осипа подвойского, Романа и иныхъ 4 мужи; а полонъ весь отъяша. Въ то же лѣто иде Нѣздымо Пѣхтиничъ воеводою на Луки; иде съ малою дружиною съ Лукъ на Лотиг(ол)у на торонъ, и застава(ша) а въ одринахъ, убиша ихъ 40 мужъ, а жены ихъ и дѣти поимаша, а сами придоша на Луки всѣ здоровы; а кто бѣ не пошелъ съ ними съ Молбовичъ<sup>3</sup> съ нѣколкомъ дружины, а тѣхъ бывше и куны поимаша.

Въ лѣто 6709. Князь великій Всеволодъ Юріевичъ посла сына своего Ярослава въ Переяславль, на столъ прадѣда своего и дѣда, августа 3; тогда бяше князь великій въ Переяславли Залѣскомъ з дѣтми своими въ полюды. Переяславци же поимше князя Ярослава отъ святого Спаса, и поидоша къ собѣ въ Русь съ радостію великою, хваляще Бога, и святую Богородицю и святого архистратига Михаила, давшего имъ такового князя; братіа же проводиша его съ честію, и бысть радость велика въ Переяславли. Тоя же зими преставися княгини Ярославля Володимерича, дочи Шварнова, Ческого короля, свестъ великого князя Всеволода; и положена бысть въ Володимери у Пречистыа, въ сестринѣ манастири. Преставися князь Володимерь Всеволодичъ Чръниговскій. Въ то же лѣто иде въ Русь Богомъ избранный Митрофанъ изъ Новагорода ставитися къ митрополиту, съ Новогород(с)кими мужи и съ Всеволожими; и

(1) Въ подлинникъ: святославича. (2) Тамъ же: рагуупу. (3) Тамъ же: съ ними столбовичъ.  
Т. XV.



1201 поставлень бысть мѣсяца іюля въ 3, на память  
1203 святаго мученика Іакинѣфа, и прииде въ Новгородъ мѣсяца сентебра 14, на Въздвигеніе честнаго креста.

Въ лѣто 6710. Сгорѣ въ Новѣгородѣ отъ грома церковь святаго Николы на Городищи, априля 15. И стоа все лѣто дождево. А Варягъ пустиша безъ мира. Въ то же лѣто срубиша въ Русѣ городъ. А на осень придоша Варязи горою на миръ; и даша имъ Новгородци миръ на всей воли своей. Того же лѣта освяти владыка Митрофанъ<sup>1</sup> церковь святаго Ілію, на праздникъ еа, въ Славнѣ. <sup>2</sup>Того же лѣта преставися Михалкова княгини, августа 5, наречена въ черънечествѣ Февроніа, и положена бысть у святѣй Богородици въ Суздалѣ. Того же лѣта преставися Игорьъ Свято-славичъ Черниговскій. Того же лѣта вѣста князь великій Рурикъ на Романа, и приведе къ себѣ въ Кіевъ Олговичи, хотяще поити въ Галич на Романа; и упередилъ Романъ, съвокупя полки Галичскія и Володимирскія, и поиха въ Рускую землю; и Володимиричи, лишацися великого князя Рурика, и ихаша къ Роману, и Чръниі Клобуци вси съвъкупишася и ѣхаша, что родовъ вси, и идоша въборзѣ съ всѣми полки. И прииха Романъ къ Кіеву, и отвориша ему Кіане ворота Подолскаа, въ Копыревѣ концѣ, и ѣха въ Подоліе, и посла на гору къ Рурикови и Олговичемъ, и води великого князя Рурика къ кресту, яко не хотѣти ему великого княженія, и Олговичи, а самъ къ нимъ крестъ цѣлова; и посла Рурика въ Вручай, а Олговичи за Днѣпръ въ Черниговъ. И посади князь великій Всеволодъ Юріевичъ и Романъ Инъгваря Ярославича на княженіе въ Кіевѣ. Княженіе великого князя Инъгваря Ярославича въ Кіевѣ. Того же лѣта князь Романъ ходи на Половци, и взя вежи

ихъ, и приведе полона много, и душъ христіаньскыхъ много отполони; и бысть радость велика въ Руси.

Въ лѣто 6711, мѣсяца генваря 1, на память великаго Василіа, прииде Рурикъ съ Олговичи, и съ поганомъ Кончакомъ и Даниломъ Кобяковичи, и съ всею Половеческою землею, и взяша градъ Кіевъ генваря 2; и сътворися велико зло въ Руской земли надъ Кіевомъ, и напасти быша многы, занеже многы суть были взятія, но не яко нынѣ сталося надъ Кіевомъ; не токмо одно Подоліе взяша и пожгоша, но и гору, и митрополию и святую<sup>3</sup> Софію разграбиша, и церковь святую Богородицу Десятинную, и монастыри, иконы одраша, а иныя поимаша, кресты честныя, и съсуды священныя, и книги, и блаженныхъ прввыхъ князей порты, иже бяху повѣшали въ церкви на память себѣ, то все въ полонъ взяша. Якоже рече пророкъ Давидъ: Боже! придоша я(зы)ци въ достоаніе твое, и оскверниша церковь святую твою; положиша Кіевъ яко овощное хранилище, положиша трупіа рабъ твоихъ брашно птицамъ небеснымъ, плоти преподобныхъ звѣремъ земнымъ; проліаша кровь ихъ яко воду. То все сбысться надъ Кіевомъ за грѣхы наша, взяша бо весь на щитъ; а кого доидетъ рука: чернца ли, черници ли, попа ли, попадьи ли, старыя, слѣпыя, и хромыя, и слукіа<sup>4</sup>, и трудоватыя, тѣхъ всѣхъ изсѣкоша; а что гости, иноземца всякого языка, тѣхъ затвориша въ церквахъ и вдаша имъ животъ, а товаръ ихъ раздѣлиша съ ними на полы; а чрънцовъ, и чръницъ, и поповъ, и попадей, и Кіанъ, и жонъ, и дочерей ихъ и сыновъ ихъ, то все иноплеменици ведоша въ вежи къ собѣ; а что взятое по монастыремъ и по церквамъ всякое узорочіе, то все взяша и везоша со собою въ землю свою<sup>5</sup>. Опять княженіе Руриково Ро-

(1) Въ подлинникѣ: митрофану. (2) Тамъ же противъ этого мѣста на полѣ написано: влады. (3) Тамъ же: святою. (4) Въ Полн. Собр. Лѣт. т. 4, стр. 176 читаемъ: и сухія. (5) За симъ въ рукописи находится слѣдующее мѣсто, повторенное иными словами ниже: услышавше же князь великій всеволодъ юріевичъ, еже



стиславича въ Кіевѣ<sup>1</sup>. Приде Романъ, внукъ Изяславъ Мъстиславича, Галицкій, къ Вручѣму, на тестя своего Рурика, отводя его отъ Олговичевъ и отъ Половецъ; и приведе его къ кресту, яко быти ему за одинъ съ великымъ княземъ съ Всеволодомъ и з дѣтми; и повелѣ ему слатися по опасу къ Всеволоду, дабы ему отдалъ, еже сѣтвори надъ Кіевомъ; князь же великій милосердъ сый, того ему отда, а во Кіевѣ повелѣ ему княжити. Тоа же зими, декабря въ 18, преставися Володимеръ Юріевичъ въ Муромѣ, внукъ Ярославъ Святославича. Тоа же зими преставися Борисковаа княгыни въ Кидекши, и положена бысть въ церкви святою мученику Бориса и Глѣба, подлѣ отца своего и матеръ, именемъ Ефросинія, февраля 6. Тоа же зими бысть знаменіе, мѣсяца февраля въ 16, въ пятый часъ нощи, и потече небо все и бысть чръвлено, на земли же, и по хоромомъ и на снѣгу видѣти яко кровь проліану, и мнози съ небеси звѣзды оттрѣгахуся<sup>2</sup>. Того же мѣсяца въ 30 преставися дщи Всеволожа, именемъ Елена, и положена бысть въ материнѣ монастыри.

Княженіе Ростиславле въ Кіевѣ Руриковича, зятя Всеволожа<sup>3</sup>. Въ лѣто 6712. Романъ посла къ великому князю Всеволоду Юріевичу о Олговичехъ; князь же великій Всеволодъ и тѣхъ пріа въ любовь, и посла къ нимъ боярина своего Михаила Борисовича, и води ихъ къ кресту, а къ нимъ цѣлова такоже и Романъ, и бысть миръ. Бысть знаменіе на небеси: бяху три солнца на небеси на востоцѣ, а четвертое на западѣ, а посреди яко мѣсяць великъ, подо-

бень дузѣ, и стояше отъ утра до полудни. 1203 Того же лѣта падеся въ Ростовѣ церковъ 1204 камена святаа Богородица. Того же лѣта побѣдиша Олговичи Литву, убиша ихъ 1000 и 700. Тоа же зими ходиша Русстѣи князи на Половци, Рурикъ Ростиславичъ Кіевскій, Романъ Галицкій, Ярославъ Всеволодичъ Переяславскій, и Мъстиславъ и инѣи князи мнози; бысть же тогда зима люта, и бысть тягота Половцемъ, и взяша вежи ихъ, и стада и полонъ много, и възвратишася. Вѣйдоша во Треполь Рурикъ з дѣтми, Ростиславомъ, зятѣмъ Всеволожимъ, и Володимеромъ, и Романъ Галичскій, зять ихъ, и ту хотящи рядъ положить и дѣлъ сѣтворити въ полону противу трудовъ, (кто) како<sup>4</sup> пострадалъ за Рускую землю, и бысть смятеніе велико; тогда Романъ изима Рурика и з дѣтми, и посла его съ Вячеславомъ въ Кіевъ, повелѣ его постричи въ чрънци и жену его, свою дочь, въ черницы; а дѣтей его, Ростислава и Володимера, веде въ Галичъ съ собою. Се же слыша князь великій Всеволодъ, еже сѣтворися иное зло въ Руской земли, печалень бѣ о сватѣ и о дѣтехъ его, и посла къ Романови въ Галичъ; онъ же послушавъ его отпусти и зятя его Ростислава и брата его Володимера. Князь же великій Всеволодъ дасть зятю своему Ростиславу опять Кіевъ. Взятіе Цареградское<sup>5</sup> отъ Фрязъ, а княженіе Ростиславле<sup>6</sup>. Того же лѣта царствующу въ Цариградѣ царю Алексею Комнину, въ царствѣ Исааковъ Анггела, брата своего, егоже поймавъ ослѣпи, царствовавшему ему 8 лѣтъ и мѣсяць 6; а сына его

сѣтворися зло въ руской земли, печалень бысть великъ, занеже всякъ христіанинъ не радуется о злѣ, радуется же ся о добрѣ; печалень бысть о зятѣ, и о сватѣ своемъ и о дѣтехъ. вложи ему богъ въ сердце опечалитися рускою землею, мога мстити, но христіанъ дѣла отложи, и посла мужи къ романови въ галичъ о зятѣ; романъ же послуша его, зятя его пусти, и бысть князь великій кіеву, и брата его пусти.

(1) *Вмѣсто этой заголовки, здѣсь въ рукописи находилась слѣдующая, перемѣщенная ниже:* княженіе ростиславле въ кіевѣ руриковича, зятя всеволожа. (2) *На этомъ словѣ, находящемся въ рукописи на 115-мъ листѣ, прерывается статья и ея продолженіе помѣщено на оборотъ 106-го листа.* (3) *Вмѣсто этой заголовки, здѣсь въ рукописи находилась слѣдующая, перемѣщенная выше:* опять княженіе руриково ростиславича въ кіевѣ. (4) *Тамъ же:* каковъ. (5) *Тамъ же:* цареградской. (6) *Тамъ же:* а княженіе ростиславле, взятіе цареградской отъ фрязъ.



1204 Алексеа Исааковича затвори въ стѣнахъ вы-  
сокихъ, и стража его ту, да не выидеть;  
а самъ Алексіе царемъ ста. И времени ми-  
нувшу, и дрѣзну Исакіе молитися о сыну  
своемъ, дабы его испустилъ изъ таковыя  
тврѣдины и былъ бы предъ нимъ; и умоли  
брата Исаакъ, и выпусти Исаковича, и приа-  
ста извѣщеніемъ съ сыномъ Исаакъ, яко не  
помыслити на царство; испущень же бы(сть)  
исъ<sup>1</sup> тверди, и хождааше въ своей воли.  
Царь же Алексіе не печешися о немъ, вѣра  
брату Исаакови и сынови его, зане приаста  
извѣщеніе. И потомъ Исаакіе помысливъ, и  
всхотѣ царства, и учаше сына, посылаа отай,  
глаголя: «азъ добро сѣтворихъ брату моему  
Алексѣ, отъ поганныхъ его выкупихъ, а онъ  
противу моему добра зло ми възда: ослѣпи  
мя, царство мое взя;» и възхотѣ сынъ его  
якоже учаше его, и помышляаше тако: яко  
ему изыти изъ града въ далныя страны и  
оттолѣ искати царства. И ведень бы(сть) въ ко-  
рабль, всажень въ бочку, имущу три дна, при  
единомъ конци гвоздь, нелзѣ бо бяше инако  
изыити изъ града; и тако изыиде Исаако-  
вичъ изъ Греческыя земли. И увѣдавъ царь  
Алекса, яко не бысть его, посла искати его,  
и начаша искати его въ мнозѣхъ мѣстѣхъ, и  
вѣнідоша въ той корабль, въ немже бяше  
Исааковичъ, и вся мѣста обыскаша, изъ бо-  
чекъ гвоздіа вынимаша, и видѣша воду текущу,  
идоша прочь, и не обрѣтоша его; и тако  
отплу корабль. Изыиде Исааковичъ, и прииде  
къ Немеческому царю Филиппу, зятю своему,  
и къ сестрѣ своей; царь же Нѣмецкій посла  
его къ папѣ въ Римъ, и тако его увѣщаста,  
яко не воевати на Царьградъ; но якоже  
рече Исааковичъ: «весь градъ Костантинъ хо-  
тятъ моего царства», онъ же посла къ нимъ  
многы Фрязове, рекъ: «аще възхотятъ его,  
то посади(те) его на царствѣ, аще ли не

въсхотятъ, то пришлѣте его къ мнѣ, а сами  
пойдете къ Іерусалиму въ помочь, а зла не  
чините нѣкоего Гречестѣй земли.» Исаако-  
вичъ же много злато обѣща имъ дати; Фрязи  
же и вси воеводы възлюбиха злато и серебро,  
иже мѣняше имъ Исааковичъ, а царева велѣ-  
ніа забыша и папина. И прѣвое пришедше  
въ Судъ, замкы желѣзныя разбыша, и при-  
ступивше къ граду възврьгоша огонь въ 4 мѣ-  
ста въ храмы. Тогда Алекса узрѣ пламень,  
не сѣтвори брани противу имъ, и призвавъ  
брата Исаака Ангела, егоже слѣпи, посади  
его на престолѣ царствѣ<sup>2</sup>, и рече ему: «да  
(и)же есмь<sup>3</sup>, брате, тако сѣтворилъ, прости  
мене; а се твое царство!» и избѣжа<sup>4</sup> Алекса  
изъ града. И пожжень бысть градъ и церкви  
неисказанны лѣптою, имже не можемъ числа  
исповѣдати, и святѣй Софіи притворъ погорѣ,  
идеже патріарси вси написани, иподруміе, и до  
моря, а сѣмо по царевъ затворъ и до Суда  
погорѣ. Тогда погнася Исааковичъ за царемъ  
Олексою съ Фрягы, и не постыже его, и  
възвратися въ градъ, и съгна отца своего съ  
престолна, а самъ царемъ ста, глаголя отцу:  
«ты еси слѣпъ, како можеша царство дръжа-  
ти? азъ есмь царь.» Тогда Исаакіе царь мно-  
го съжалися о градѣ, и о царствіи своемъ и  
о грабленіи монастырствѣ<sup>5</sup>, еже даяста Фря-  
зомъ злато и серебро посуленное, разболѣвся въ  
печали, пострижесе и бысть мнихъ, и немно-  
го поболѣвъ, отъиде свѣта сего. По Исааковѣ  
же смерти възсташа людіе на сына его про-  
зажженіе градное и за пограбленіе<sup>5</sup> монастыр-  
ское, и събрашася чръніи людіе и влачаху  
добрыя мужа, думающе съ ними, кого ца-  
ремъ поставити, и вси хотяху Радиноса. Онъ  
же не хотяше, но крыяшесе отъ нихъ, измѣ-  
нився (въ) чръныя рызы; емше же жену его,  
приведоша въ святую Сѣфію, и много ну-  
диша ю, глаголюще: «повѣждь намъ, где

(1) Въ подлинникъ: воп съ. (2) Тамъ же: царствѣмъ. (3) Тамъ же: еси. (4) Тамъ же: избѣжа. (5) Тамъ же: пограбленіе.



есть мужъ твой?» и не сказа о мужи своемъ. И потомъ же яша человекѣ его Микулу воина, и на того възложиша вѣнецъ бес патріарха, и ту быша съ нимъ въ святѣй Софіи 6 дній и 6 ноцій. Царь же Алексіе Исаковичъ (въ) Влахернѣ бяшетъ, и хотяше въвес(т)и Фрягы отай боярь въ градъ; бояре же увѣдавшѣ, утолиша царя, не даша ему напустити Фрягъ, ркуще: «мы съ тобою есмы.» Тогда же бояре убоявшѣся въведенія Фрягъ, здумавше<sup>1</sup> съ Мурцюфломъ, яша царя Алексу Исаковича, а на Мурцюфла вѣнецъ възложиша; а Мурцюфла бяше высадылъ ис темницы Исаковичъ и пріаль извѣщеніе, яко не искати ему подъ Исааковичемъ царства, но блюсти подъ нимъ. Мурцюфль же посла къ Николѣ и къ людемъ въ святую Софію, глаголя: «азъ яль ворога вашего Исаковича; азъ вашъ царь, а Николѣ даю 1 въ боярехъ.» (Никола же) съложи съ себе вѣнецъ, и вси людіе не даша ему сложити<sup>2</sup> (съ) себѣ вѣнца, но болѣ заклѣшася: «кто отступитъ отъ Николы, да будетъ проклятъ!» Того же дни, дождався ночи, разбѣгшася вси, а Николу яша, и жену его (я) Мурцюфль и всади въ темницу, а Олексу Исаковича утврди въ стѣнахъ, а самъ царемъ ста Мурцюфль февраля 5, надѣяся избыти Фрягы. Фрязове же увѣдавшѣ ята Исаковича, воева(ша) вся волость около Града-царя, просячи у Мурцюфла: «дай намъ Исаковича, и мы поидемъ къ Нѣмецкому царю, отнелѣже есмы послани; а тобѣ царство его.» Мирцюфль же и вси бояре не даша его жива, и умориша Исаковича, и глаголаша Фрязомъ, яко «умрьль есть, придите и видите;» и даша имъ тѣло мертво Исаковича. Тогда же Фрязове видѣвшѣ, печални бывше за преслушаніе свое, яко не по повелѣнію сътвориша царя своего; не тако бо бѣ имъ заповѣдалъ царь Нѣмецкій и папа Римскій, якоже сіи зло учиниша Царюграду,

приступивше заповѣдь цареву и папину. И 1204 рѣша сами къ собѣ вси: «оже намъ нынѣ нѣту Исаковича, съ нимъ же пришли есмы, да лучше ны есть здѣ умрѣти<sup>3</sup> у Царяграда, нежели съ срамомъ отъйти,» и оттолѣ начаша брань строити къ Царюграду. И замыслиша, якоже прежде, на кораблѣхъ райми<sup>4</sup> на шеглахъ, на иныхъ же кораблѣхъ искиныши пороки и лѣствица, а на иныхъ замыслиша свѣшивати бочки черезъ градъ, накладыны смолы и лучины, зажегше пустиша на хоромы, якоже прежде пожегше градъ. Приступиша къ граду мѣсяца априля въ 9, на память святаго мученика Евсихіа, въ пяттокъ 5 недѣли поста, и не успѣша ничтоже граду, но Фрязъ избыша Цареградци болѣ ста мужій. И ту стояша Фрязове три дни, и въ понедѣльникъ Врѣбныя недѣли, солнцу въсходящу, приступиша къ граду противу святому Спасу, зовемый Вергетисъ, противу Испигасу, сташа же ему и до (В)лохерны. И приступише<sup>5</sup> на 40 кораблѣхъ великихъ; бяху же изременана межи ихъ, въ нихже людіе на конехъ, одѣани въ брони и конѣ ихъ, а иніи же корабли и галѣи ихъ стояху назади, боящѣся зажженія. Якоже прежде баше пустили на нихъ Греци 10 кораблѣвъ со огнемъ въ Фрягъ<sup>6</sup>, извремивше погодіе вѣтра, на Василіевъ день, полунощи, и не успѣша ничтоже Фряжскимъ кораблемъ, вѣсть бо имъ бяшетъ далѣ Исаковичъ, а Грекомъ повелѣ пустили на корабли на нихъ; тѣмже и не погорѣша Фрязи. И тако бысть взятіе Царяграда великаго: и привлече корабли вѣтръ ко стѣнѣ градной, бяху бо корабленыя стѣны устроены велики, выше забралъ градныхъ, и присягаху черезъ градъ, а нижныя стѣны равны съ (за)брадами; и біахуть<sup>7</sup> съ вышнихъ скалъ въ градъ Греки и Варягы каменіемъ, и стрѣлами, и сулицами и самострѣлы;

(1) Въ подлинникъ: здумавшу. (2) Тамъ же: надала ему служити. (3) Тамъ же: умрѣти пришли есмы. (4) Тамъ же: оаями. (5) Тамъ же: приступлеше. (6) Тамъ же: огнемъ и въ пряхъ. (7) Тамъ же: біаху ту.



1204 а съ нижнихъ скаль слѣзоша на стѣны град-  
ныя, и тако взяша Царьградъ. Царь же Мур-  
чюфль крѣпяше бояре и вси людѣе, хотяху  
брань сѣтворити съ Фрягы, и не послушаша  
его, побѣгоша отъ него вси; царь же побѣже  
отъ нихъ, и угони е на коневомъ торгу, и  
много жалова на боярѣ и на вся люди. Тогда  
же царь избѣжа<sup>1</sup> изъ града, и патриархъ, и  
бояре<sup>2</sup> и вси людѣе; и внидоша въ градъ Фря-  
зове вси, мѣсяца априля 12 день, на память  
святаго Василиа исповѣдника, и сташа на  
мѣстѣ, идеже стояше царь Греческій, у свя-  
таго Спаса; и ту сташа и на ночь. Заутра  
же, солнцу вѣсходящу, въ вторникъ врьбный,  
вѣнидоша въ святую Софію, и одраша двери  
и разсѣкоша, и амбонь, окованъ быше сре-  
бромъ весь, и столпы сребрены 12, а 4<sup>3</sup>  
кивотныя и тябло изсѣкоша, и 12 крестовъ,  
иже надъ олтаремъ бяху, межи ими шишкы  
яко древа вышши мужа, и преграды олтар-  
ныя межи столпы, а то все сребрено; и тра-  
пезу чюдную одраша же<sup>4</sup>, драгый камень и  
великій жемчугъ, саму невѣдомо камо<sup>5</sup> еа  
дѣяша; и 40 кубковъ великихъ, иже бяху  
предъ олтаремъ, и паникадила и свѣтила  
срѣбрънаа, яко не можемъ числа исповѣдати;  
съ праздными съсуды бесчестными поимаша  
служебное все, евангеліе же и кресты честныя,  
и иконы безцѣнныя одраша, и подъ трапезою  
наидоша съкровища многолѣтное съкровенно  
издавнѣ: 40 кадей чистаго злата; на пола-  
техъ, и на стѣнахъ и въ судохранилищи не-  
вѣдомо колико злата и сребра, яко нѣсть  
числа, и бесцѣнныхъ съсудъ. То же (в)се въ  
единой сказахъ церкви, въ святѣй Софіи, а  
святую Богородицю, иже (въ) Влахирѣ,  
идеже Святый Духъ съхождаше на вся пят-  
ници, (и ту одраша), и иныхъ церквей не мо-  
жетъ человекъ сказати, яко бес числа. Оди-

гитрію же святую икону Пречистыя чюдную,  
иже по граду хождаше, съблюде ю Богъ и  
святая Богородица свой образъ добрыми люд-  
ми, и нынѣ есть, на нюже надѣмся; а иныя  
церкви въ градѣ и внѣ града, и монастыри въ  
градѣ и внѣ града пограбиша всѣ, и всяку свя-  
тыню взяша, имже не можемъ числа и красотѣ  
ихъ повѣдати. Чръници<sup>6</sup> же, и чръници и попы  
облупыша, и нѣколико ихъ избыша; Грѣки<sup>7</sup>  
же (и) Варягы изгнаша изъ града, иже бяху  
ся остави и перехоронили. А патриарха, и  
игумены (и) игуменой водяче въ ужищехъ, взি-  
маху злато у нихъ. Се же имена воеводамъ  
ихъ: 1) Маркосъ отъ Рима; 2) кондо Фларентъ,  
отъ Рима града Бернъ; 3) Дужь слѣпый. Инако  
же тѣже воеводы пышетъ: 1) Маркосъ отъ  
Рима, въ градѣ Бернеи, идеже бѣ жилъ<sup>8</sup> пога-  
ный злый Декрикъ; 2) кондофъ о Фландрѣ, а  
3) Дужь слѣпый, отъ Маркова острова Вене-  
дикъ. Сего Дужа слѣпый Мануиль, царь Гре-  
ческій; мнози бо философи моляхуся царе-  
ви<sup>9</sup>, глаголюще: «царю! аще сего пустыши  
здрава, то много зла сѣтворитъ твоему цар-  
ствію.» Царь же не хотѣ его убити, но по-  
велѣ очи ему слѣпити стѣкломъ, и быста очи  
его яко невреженѣ, но не видяше ничего. Сей  
же Дужь многы брани и козни на градъ за-  
мышляше, и вси его послушаху, и корабли  
его велики бяху, съ нихъ же и градъ взя-  
ша. Стояніа же Фрязскаго у Царяграда отъ  
декабря до априля, доколѣ городъ взяша. Въ  
лѣто 6712, мѣсяца маіа въ 9 день, на память  
святаго пророка Исаіа, поставиша царя своего  
Латынина, кондо Фларенда, своимы епископы;  
и власть себѣ раздѣлиша: цареви конда Фла-  
ренду градъ, а Маркосу судъ, а Дужеви деся-  
тина. И тако погыбе царство богохранимаго  
Костянтинаграда и земля Греческая въ свадѣ  
царевѣ, еюже обладаютъ Фрязове. Того же

(1) Въ подлинникъ: избѣша. (2) Тамъ же: боярѣ. (3) Тамъ же: а днь. (4) Тамъ же: одражаша. (5) Тамъ же:  
а сому невѣдомо намо. (6) Тамъ же: чръници. (7) Тамъ же: ірѣки. (8) Тамъ же: бѣжалъ. (9) Тамъ же: цркви.



лѣта преставися Олегъ Святославичъ Чръниговскій, внукъ Олговича Всеволода<sup>1</sup>. Сего Олга ималъ себѣ Ростиславъ въ сына мѣсто (въ) Кіевъ; онъ же иде отъ него къ Курску. Того же лѣта преставися Мирошка, посадникъ Новгородскій, пострыгся у святаго Георгіа въ монастыри; и даша по немъ посадничество Михалко Степановичу. Того же лѣта, по грѣху по нашимъ, измроша кони въ Новѣгородъ и по селомъ, яко нелзѣ быше поити смрада ради нику(ды). ✕

Въ лѣто 6713. Мѣсяць освѣтевъ 8 ночи. Того же лѣта прислалъ князь великій Всеволодъ Юріевичъ сына своего Константина въ Новгородъ, рка тако: «въ землѣ вашей рать ходитъ, а князь вашъ, сынъ мой Святославъ, малъ; а даю вамъ сына своего старѣйшаго Константина.» И выведе сына своего Святослава; бѣ бо еще малъ, и посла сына своего Константина на Великій Новгородъ, и поиде изъ Володимера марта 1; а прииде въ Новгородъ князь Константинъ Всеволодичъ, внукъ Юріевъ, марта 20 день, на память святыхъ отецъ избіенныхъ въ монастыри святаго Савы, и радъ бысть весь Новгородъ своему хотѣнію. По отпущеніи же князя Константина, марта 2, на память святаго священномученика Феодота, пострижеса великаа княгини Всеволожа Маріа, дщи Шварлова Ческаго, въ черницы и въ скиму, въ Володимери въ монастыри свята Богородица, иже бѣ сама създала, и нарекоша имя ей Маріа; въ то же бѣ имя и крещена въ Володимери, а приведена ис Чехъ не крещена. И проводи ю князь великій Всеволодъ самъ въ монастырь съ слезами многими и въ церковь свята Богородица, и сынъ его Георгій и дочь его Всеслава, яже бѣ приехала къ отцу и матери своей немочь видѣти. Бѣ же ту и епископъ Іоаннъ Смоленскій, и Симанъ отецъ<sup>2</sup> ея духовный, и иныя игумены, и черницы, и вси бояре и боярыни, и чръници изо всѣхъ

монастырей, и горожане; и плакахуся ея вси<sup>1204</sup> убозіи, аки кормителницу, темничници избав-<sup>1205</sup>леніе, окованіи разрѣшенія, назіи одѣанія, болніи посѣщенія, вси плакахуся неизреченныя ея доброты, бяше бо око слѣпымъ, нога хромымъ, не требоваше бо земныхъ ничтоже, но будущихъ благъ желаше вся дни живота своего; бѣ бо издѣтска въ страстѣ Божіи живяще, любящи правду, въздаючи честь епископомъ, игуменомъ, и чрънецамъ и прозвитеромъ, любяще чръноризьци<sup>3</sup>, подаваше имъ требованіе; бяше бо нищелюбивая и страннолюбица, печалныя и болныя вся ты утѣшаше. Того же мѣсяца въ 19 день, на память святую мученику Хрисанфа и Даріи, преставися великаа княгини Маріа Всеволожа Юріевича, пребывши въ монастыры 18 дней постригшеса; а всеа болѣзни ея 8 лѣтъ, наставшу же 9-му лѣту поиде къ Богови. Великому же князю ту сушу и плачущуся, бѣ бо любя ю излиха, и Георгію сыну ея такоже плачущуся плачемъ великимъ, зане любимъ (бѣ) ею<sup>4</sup>, и Володимеру, и Всеславѣ, (и) Іоанну, епископу Смоленскому, и Михаилу, игумену Отрочаго монастыря, зане бѣста приехали отъ Смоленска отъ Мстислава молитися о извѣненіи его, и Симону игумену, отцу ея духовному, и инѣмъ игуменомъ и попомъ, пѣвшимъ имъ обычныя пѣсни, опрятавше тѣло ея, вложиша въ гробъ камень, положиша въ монастыри у церкви свята Богородица, юже бѣ сама създала и украси ю иконами и писаніемъ доброизвѣстно. Павелъ апостолъ рече: начные въ васъ дѣло благое, да съвршитъ е. Паки рече Соломонъ: праведници въ вѣки живутъ, мзда имъ отъ Господа и строеніе отъ Вышняго, сего ради приимуть царствія красоту и вѣнецъ доброты отъ руки Господня. Господь же рече: претръпѣвый до конца, той спасется. Сіи же княгини вся тыа вещи исправи. Того же лѣта Романъ Галичскій ходи

(1) Въ подлинникѣ: святослава. (2) Тамъ же: отцы. (3) Тамъ же: чръноризьци. (4) Тамъ же: юею.



1205 на Ляхы, взя градъ ихъ и ста надъ Бислоу  
1207 рѣкою; отыхавъ отъ полковъ въ малѣ дружи-  
нѣ, Ляхове же наих(а)вши убиша его; и поло-  
жиша его въ Галичи у святыа Богородица, и  
крестъ цѣловаша сыну его Данилу. Олговичи  
же то слышавше поидоша (къ) Кіеву, а Рурикъ  
Ростиславичъ сметавъ съ себе чернеческое  
платіе и сѣде въ Кіевѣ; такоже и жену хотѣ  
ростричи, Романову дочь, она же и схыму  
на ся възложи. И вышедъ Рурикъ къ Олго-  
вичемъ, и цѣлова крестъ, яко ити всѣмъ къ  
Галичу; и ходиша, и съ срамомъ възврати-  
шася, Галичане бо отбишася отъ нихъ.

Въ лѣто 6714. Олговичи Всеволодъ Чер-  
мной з братією, и Мстиславъ Романовичъ изъ  
Смоленска, а ис Кіева князь великій Ру-  
рикъ з дѣтми, съ Ростиславомъ и съ Волс-  
димеромъ, и (съ) сыновци, и Берендичи и По-  
ловци мнози поидоша на Галичъ; а отъину-  
ду Ляхове поидоша на нихъ же. Они же убоя-  
шася зѣло, и послаша къ<sup>1</sup> королю, просящи  
помощи; король же то слышавъ поиде самъ.  
Романовичи же слышавше, убоявшеся, бѣ-  
жаша въ Володимеръ, въ вотчину свою; ко-  
роль же Ляхы омиривъ възвратися, а Ол-  
говичи слышавше възвратися. Галичане  
же убояшася Олговичъ, король бо поиде  
прочъ, а у нихъ князя нѣтъ, послаша отай  
по Володимера Игоревича; онъ же отаився  
братіи, украдся ис полковъ, иде въ Галичъ.  
Еще бо не доихали бяху Галича за два дни,  
а король бѣ имъ велѣлъ взяти ис Переяслав-  
ля Ярослава Всеволодича, и ждавши его двѣ  
недѣли, не дождався; а къ нимъ вниде Во-  
лодимеръ Игоревичъ толко за 3 дни, а по-  
томъ пригна Ярославъ. Олговичи же, слышав-  
ши брата въ Галичи, идоша назадъ; пришедъ  
Всеволодъ Чръмный сѣде въ Кіевѣ, а Рурикъ  
въ Вручай. Всеволодъ же Чръмной съсла Яро-  
слава Всеволодича съ Переяславля, и рече:  
«иди къ отцу, а подъ моею братією Галича

не ищи;» и посади въ Переяславли сына сво-  
его. Рурикъ Ростиславичъ съ Мьстиславомъ  
Романовичемъ Смоленскимъ, и з дѣтми и  
сыновци своими съвокупися, съгна Всеволо-  
да Чръмного ис Кіева, а сына его Во-  
лодимера посади въ Переяславли. Всеволодъ  
же Чръмной съвъкупився приде на нь, Воло-  
димеръ же затворися въ градѣ, и стояша 3  
недѣли, и възвратися. Игоревичи же выг-  
наша Данила Романовича изъ Володимера, и  
посади(ша) въ немъ брата своего. Того же лѣ-  
та преставися Михалко, посадникъ Нового-  
родскій, постригся у святыа Богородица въ  
Аркажѣ монастыри, маіа въ 18; наречень въ  
мнишскомъ чину Митрофанъ. Того же лѣта  
постави Тврѣдиславъ Михалковичъ въ Аркажи  
монастыри, на воротехъ, святаго Семіона,  
(и)же на Дивной горѣ столпника.

Въ лѣто 6715. Всеволодъ Чръмный съ бра-  
тією иде на Кіевъ, и съ Половци и съ мно-  
гою силою; Рурикъ же бѣ(жа) въ Вручай. Онъ  
же слышавъ поиде съ всею силою тою, еще же  
Игоревичъ приде къ нему съ Галичаны на  
Бѣльгородъ, на Мьстислава Романовича;  
Мьстиславъ же затворися въ немъ, и осту-  
пиша его, онъ же не имѣа помощи не откуду,  
испросивъ путь, иде къ Смоленску. Олго-  
вичи же поидоша къ Торопкѣ на Мсти-  
слава Мьстиславича, и оступиша его, а По-  
ловци распустиша воевати, они же много зла  
сътвориша, плѣнующи, жгуци, сѣкущи;  
Мьстиславъ же Мьстиславичъ не мога сидѣти,  
цѣлова къ нимъ крестъ, Всеволодъ же шедъ  
сѣде въ Кіевѣ. То же слышавъ князь великій  
Всеволодъ Юріевичъ, яко Олговичи съ пога-  
ными воюють землю Рускую, и нача люди  
съвокупляти, и посла по сына Костантина  
въ Новгородъ, веля ему быти къ себѣ съ Ново-  
городци; и по Рязанскыа князя посла, и въ  
Муромъ по Давыда. Того же лѣта поставиша  
въ Новѣгородѣ церковь святаго Луку на Лубя-

(1) Въ подлинникѣ: и.



ной улицы, принесше съ Колѣна, Володаревичи и Носовичи. Того же лѣта съвършиша церковь святыхъ Пятници заморстїи купци въ Новѣгородѣ, августа 30. Того же лѣта съвърши церковь святаго Пантелеймона въ Новѣгородѣ, въ монастыри, Феодоръ Пинешинечъ. Того же лѣта преставися рабъ Божїй Порфирїй инокъ, постригся у святаго Спаса на Хутины, при игуме(нѣ) Варлаамѣ, а мирскїй Прокша Малышевичъ.<sup>1</sup> Идоша Новгородци на Чръниговъ съ княземъ Константиномъ Всеволодичемъ, позваны великимъ княземъ Всеволодомъ, отцемъ его; а князь великїй Всеволодъ Юріевичъ поиде къ Москвѣ, августа 19, и ту прииде къ нему сынъ Костантинъ съ Новгородци, и съ Ладожаны, и Плесковичи и Новоторжъци. И ту стоявъ недѣлю, поиде къ Оцѣ съ всѣми сынѣми своими, Костантиномъ, и Юріемъ, и Ярославомъ и Володимеромъ; ту же придоша къ нему Рязанстїи князи, Романъ Глѣбовичъ и братъ его Святославъ, а съ нимъ два сына, Мьстиславъ и Ростиславъ, Ингваръ и Юрій Игоревичи, и Глѣбъ и Олегъ Володимеричи. И ту ся скопиша вси вои; а князи Рязанстїи стаха обону страну<sup>2</sup> рѣкы, въ помочь Всеволоду. И позва ихъ Всеволодъ на обѣдъ, и сѣдоша 6 князей въ шатрѣ, а Володимеричи Глѣбъ и Олегъ у великого князя у Всеволода въ шатрѣ и Новгородци; и ту обадиша Володимерича братїю свою, сказаста великому князю Всеволоду Глѣбъ и Олегъ, глаголюще: «не имы, княже, вѣры братїи нашей, яко дяди наши съ Олговичи съложилися, а къ тебѣ пришли на лествъ.» Князь же великїй обличи мысль ихъ, пойма (ихъ и) всѣхъ бояръ, и поковавъ посла ихъ (въ) Володимеръ, а оттолѣ въ Петровъ; а самъ поиде къ<sup>3</sup> Пронску, съ сынѣми своими и съ клеветники Володимеричи Глѣбомъ и Олгомъ, и Новгородци съ нимъ, и Давыдъ Муромскїй, а лодыи

отпусти къ Олгову. То же слышавъ кирь 1207 Михайло бѣже въ Кїевъ къ тестю своему Всеволоду Чръмному, а Проняня пояша къ себѣ Изяслава Володимерича, и затворишася; а князь великїй Всеволодъ пришедъ оступи градъ, и рече Проняномъ: «предайте ми ся;» и стоя двѣ недѣли. Слышавше же Рязанци, яко Суздальци и Новгородци стоятъ на островѣ у Олгова, нарядиша на нихъ лодыи, а сами съ княземъ Романомъ<sup>4</sup> Игоревичемъ поидоша конми берегомъ; а князь великїй Всеволодъ Юріевичъ то слыша, посла Олга Володимерича (съ) своимъ полкомъ къ лодїамъ, и сняшася у Олгова, и побѣди Олегъ Романа, и бѣжа Романъ къ Рязани, а Олегъ възвратися къ Всеволоду къ Пронску. И отъя у нихъ Всеволодъ воду, тоже слышавше Проняне, съ 3-мъ сыномъ Изяславомъ вышедше, поклонишася великому князю Всеволоду; онъ же води ихъ къ кресту, а вотчину имъ тремъ братомъ раздѣли, Глѣбу, и Олгу и Изяславу; княгыню кирь Михайлову веде съ собою, а товара пойма бес числа<sup>5</sup>, и иде къ Рязани. Рязанци же выслаша съ челобитїемъ и съ молбою, дабы не шель къ городу, и послушавъ моленїа ихъ, воротися къ Оцѣ, и иде на Коломну. А съ Коломны Новгородци отпусти къ Новугороду, одаривъ бес числа, и вда<sup>6</sup> имъ волю свою и устави старыхъ князей, егоже хотять Новгородци, и рече имъ: «кто вы добръ, того любите, а злыхъ казните.» Ту же прииде къ нему епископъ Рязанскїй Арсенїй отъ княгыни<sup>7</sup> съ молбою, и повелѣ ему ити со събою въ (Во)лодимеръ, а сына своего Костантина съ собою взя и посадника Дмитра, стрѣлена подъ Пронскомъ, а болшихъ 7. Новгородци же пришедше въ Новгородъ безъ князя, сѣтвориша вѣче на посадника Дмитра и на братїю его, яко тѣ повелѣша на Новгородцехъ имати сребро, а по воло-

(1) За симъ въ подлинникѣ написано: владимер. 718, новгород. 717. (2) Тамъ же: страна. (3) Тамъ же: въ.

(4) Тамъ же: романовымъ. (5) Тамъ же: бесчисла. (6) Тамъ же: вдать. (7) Тамъ же: княгыни.



1207 сти куни брати, по купцомъ виру дикую, и  
1210 повозы возыти, и все зло; идоша съ вѣча на  
дворы ихъ грабежемъ, а Мирошкинъ дворъ и  
Дмитровъ зажгоша, а житіе ихъ поимаша, а  
села ихъ распродаша и челядь, а сокровища  
ихъ изыскаша и поимаша безъ числа, а избы-  
токъ раздѣлиша по зубу, въ три гривны по  
всему городу и на щитъ; а кто что потаи  
похватилъ, а того единъ Богъ свѣдаетъ, и  
отъ того мнози разбогатѣша; а что на дощкахъ,  
а то князю оставиша. Того же лѣта приве-  
зоша Дмитра Мирошкинича изъ Володимеря  
мрътвого, и погребоша у святаго Георгіа въ  
монастыри, подлѣ отца; а Новгородци  
хотѣша его съврещи съ моста, но возбрани  
имъ архіепископъ Митрофанъ. Слышавъ Ру-  
рикъ Ростиславичъ, яко князь великій Все-  
володъ Юріевичъ Рязань воюетъ, а събралися  
на Чръниговскіе князи, и съвокупився съгна  
Всеволода Чрънаго съ Кіева. Того же лѣта  
посла князь великій Всеволодъ Юріевичъ сына  
своего Святослава опять въ Новгородъ, а  
Константи(на) остави<sup>1</sup> у себе, а дасть<sup>2</sup> ему Ро-  
стовъ; а Рязанци остатокъ своихъ князей пои-  
маша и княгинь ихъ, и послаша въ Володи-  
меръ къ Всеволоду.

Въ лѣто 6716. Посла князь великій Все-  
володъ Юріевичъ сына своего Ярослава на  
княженіе на Рязань, Рязанци же цѣловаша  
крестъ къ великому князю къ Всеволоду, и  
не управишася, и поимаша люди Ярославли и  
поковаша, а иніе въ погребехъ засыпавше,  
изомроша; еще же свѣщашеся съ Володими-  
ричи, Глѣбомъ и Изяславомъ, и хотѣша имъ  
Ярослава выдати<sup>3</sup>. И иде князь великій Все-  
володъ къ Рязани, и виведе люди изъ го-  
рода съ всѣмъ добромъ, и зажже градъ (за)  
ихъ непокорство, и иде къ Бѣлогороду, и  
того съжже, и оттолѣ иде къ Володимеру<sup>4</sup>; а

люди Рязанскіа веде со собою къ Володимеру,  
и з женами и з дѣтми, и епископа Арсе-  
нія, и розославъ ихъ по всѣмъ городомъ  
своимъ. Того же лѣта Угры выгнаша изъ  
Галича Володимера Игоревича, а брата его  
Романа посадиша. Того же лѣта прииде изъ  
Володимера великого князя Всеволода мужъ  
Лазоръ, и Борисъ Мирошкиничъ повелѣ убити  
Олексу Збиславича на Ярославли дворѣ, и  
убиша его безъ вины въ субботу, мѣсяца марта  
въ 17 день, на память святаго Алексіа; а заутра  
плакася святаа Богородица у святаго Іакова  
въ Неревскомъ концѣ. Тогда же прииде Свя-  
тославъ Всеволодичъ въ Новгородъ. Тогда  
даша посадничество Твердиславу Михалкови-  
чу, и даша дощкы<sup>5</sup> Дмитрови князю Свято-  
славу, а бѣше на нихъ бес числа; и цѣловаша  
Новгородци крестъ, «яко не хотимъ у себе  
дрѣжати дѣтей Дмитровыхъ, ни Володислава,  
ни Бориса, ни Твердислава, ни Евстрата.»

Въ лѣто 6717. Воеваша<sup>6</sup> около Москвы Ря-  
занскіе князи, Изяславъ Володимеричъ Глѣбо-  
вича и киръ Михайло Всеволодичъ Глѣбовича.  
Князь же великій посла на нихъ сына своего  
Георгіа, и угна Изяслава на рѣцѣ Троснѣ<sup>7</sup>, и  
утрѣ удари на нь, и дружину его избыша, а  
иную изымаша, а самъ бѣже за рѣку. А киръ  
Михайло то слышавъ, побѣже (съ) своимъ пол-  
комъ, а Георгій възвратися съ честію; се же  
(бысть) въ великій четвертокъ, на Съборъ архан-  
гела Гавріила, марта 26. Князь великій Всево-  
лодъ Юріевичъ поя вторую жену, дщеръ Ва-  
силкову Витебскаго князя. Тогда же родися  
князю Костантину сынъ Василей, декабря въ  
7, въ лѣто 6718.

Въ лѣто 6718. Ростиславъ Руриковичъ, зять  
великого князя Всеволода, сѣде въ Галичи;  
а осени той выгнаша его изъ Галича, а Ро-  
мана Игоревича съ братомъ посадиша. Ново-

(1) Въ подлинникъ: оустави. (2) Тамъ же: дасть. (3) Тамъ же: видати. (4) Тамъ же послѣ этого слова бы-  
ло написано: и з женами и з дѣтми, но потомъ зачеркнуто. (5) Тамъ же: дочкы. (6) Тамъ же: воеваша.  
(7) Въ Полн. Собр. Лѣт. т. VII, стр. 116: къ рѣцѣ дрозднѣ.



городци угониша Литву въ Ходничихъ, изышла съ княземъ Володимеромъ и съ посадникомъ Твердиславомъ<sup>1</sup>. Того же году приходи митрополитъ Матфѣй ис Кіева къ великому князю Всеволоду Юріевичу въ Володимеръ о Олговичехъ, о миру; князь великій же видѣвъ покореніе ихъ, взя миръ съ ними, и крестъ цѣловаша. Митрополитъ же служи(въ) въ Володимери на Рождество Христово, и дрѣжавъ его князь великій много, отпусти его съ великою честію. И сѣде въ Кіевѣ Всеволодъ Чермный, а Рурикъ Ростиславичъ въ Чръниговѣ. То же зими прииде Мъстиславъ Мъстиславичъ на Торжокъ, изыма дворянъ Святослави и посадника, и окова, а товаръ ихъ кого рука доидеть; а въ Новгородъ присла: «кланяюся святѣй Софѣи, и гробу отца моего, и всимъ Новогоро(д)цемъ; пришеи есмы къ вамъ, слышавъ насиліе отъ князя, и жалъ ми своеа отчины.» То слышавше Новгородци послаша по нь съ великою честію: «пойди, княже, на столъ отца своего;» а Святослава посадиша въ владычнѣ дворѣ и съ мужи его, дондеже будетъ управа съ отцемъ его. Прииде Мъстиславъ Мъстиславичъ въ Новгородъ, и посадиша его на столъ отни, и ради быша Новгородци. И поиде Мъстиславъ съ всѣмъ полкомъ на великого князя Всеволода, и быша на Плотскѣ, и присла къ нему князь великій Всеволодъ, глаголя: «ты ми еси сынъ, а язъ тебѣ отецъ, пусти ко мнѣ сына моего Святослава съ мужи, и все то, еже еси за(сѣ)дѣль, исправи, а язъ гость пускаю и т(о)варъ.» И пусти Мъстиславъ Святослава и мужи его, а Всеволодъ пусти гость съ товары; и цѣловаста крестъ, и миръ взяста, и прииде Мъстиславъ въ Новгородъ. Тогда же родися князю Константину сынъ Іоаннъ Всеволодъ.

Въ лѣто 6719. Князь великій Всеволодъ

Юріевичъ жени сына своего Юрія, въ Кіевѣ, 1210 у Всеволода у Чръного. Того же лѣта Га-1211 личане, приведше<sup>2</sup> къ себѣ Угры отай, изымаша князей своихъ Игоревичевъ трехъ, Романа и братію его, бивше ихъ повѣсиша. Того же лѣта прииде въ Новгородъ Добрыня Андрѣевичъ изъ Царяграда, и привезе гробъ Господень съ собою; а самъ пострижеся въ монастыри у святаго Спаса на Хутинѣ. Того же лѣта прииде Дмитръ Якуничъ изъ Руси, и съступиися Твердиславъ<sup>3</sup> посадничества Дмитру Якуничу; и посла князь Мъстиславъ Дмитра посадника на Луки съ Новгородци города ставити, а самъ иде на Торжокъ блюсти волости, ис Торжку иде въ Торопецъ, ис Торопца прииде на Луки, и сныся съ Новгородци, а Лучаномъ дасть князя Володимера Псковьского. Того же лѣта, волею Божіею, съврѣши церковь камену Вячеславъ Прошкиничъ, внукъ Малышевъ, Святыхъ 40 Мученикъ. Въ то же лѣто, безъ князя, безъ Новгородцевъ, бысть пожаръ великъ въ Новгородѣ, загорѣся на Ряди(ти)нѣ улицѣ, и згорѣ дворовъ 4000 и 300, а церквей 15. Того же лѣта князь великій Всеволодъ Юріевичъ посылалъ<sup>4</sup> въ Ростовъ по сына своего Константина, даа ему по своему животѣ великое княженіе въ Володимери, а Ростовъ Юрію; онъ же не поиха, хотя Володимера къ Ростову, яко то есть старій городъ. И посла къ нему князь великій въдругіе, и онъ таки не поиха. Князь великій же Всеволодъ съзва бояре<sup>5</sup>, и вси людие и епископа Іоанна, и дасть Володимеръ Юрію, и приведе всѣхъ людей къ цѣлованію на Юрія, приказа же ему и всю братію. Тоже слышавъ Константинъ Ростовскій, въздвиже брови съ гнѣвомъ на братію, паче же на Юрія. Того же лѣта з(а)горѣся Ростовъ, мало не весь<sup>6</sup> погорѣ; згорѣ церк-

(1) На этомъ словѣ, находящемся въ рукописи на 112-мъ листѣ, прерывается статья и ея продолженіе помѣщено на л. 113-мъ. (2) Тамъ же: не приведше. (3) Тамъ же: дтвердиславъ. (4) Тамъ же: посылавъ. (5) Тамъ же: князь великій же съзва бояре всеволодъ. (6) Тамъ же: не весь.



1211 вей 15; згорѣ же церковь на епископи дво-  
1213 рѣ Іоаннь Предтеча вся до земли, а остася  
на мѣстѣ томъ икона Феодора Тирона и во-  
щаница съ виномъ посредѣ огня, глаголють  
бо яко вощаница та святаго Леонтіа.

Въ лѣто 6720, мѣсяца генваря въ 22, на па-  
мять святаго Климента, злодѣй діаволь, испрь-  
ва не хотя добра роду человѣческому, зависть  
вложи (въ) Новгородскихъ людехъ съ кня-  
земъ Мьстиславомъ на архіепископа Митро-  
фана, и не даша ему правити, и ведоша въ  
Торопецъ; онъ же то пріа радуяся, яко Іоаннь  
Златоустый и Григорей Акриганскій, тую же  
и сей пріа печаль. И волею Божіею възлюбилъ  
князь Мьстиславъ съ Новгородци Антоніа,  
иже принесе гробъ Господень, и послаша его  
въ Русь ставитися къ митрополиту Матѣю;  
и прииде поставленъ архіепископъ Антоній, и  
сътвори полату Митрофаню церковь святаго  
Антонія.

Княженіе Юрія Всеволодича въ Воло-  
димерѣ, і послѣ отца. Тоѣ же весны, апрѣля  
15, на память святыхъ апостолъ Аристарха<sup>1</sup>,  
(Пуда и Трофима), преставися благовѣрный  
князь великій Всеволодъ Юріевичъ, зовемый Ди-  
митрій, въ недѣлю; а въ понедѣльникъ положень  
бысть въ гробъ въ церкви святыа Богороди-  
ца Владимирскіа, юже сздасть братъ его Ан-  
дрѣй объ единомъ версѣ, онъ же пристави<sup>2</sup> че-  
тыри врѣхы и позлати. Постави же и на своемъ  
дворѣ церковь чюдну велми, Рѣзанскимъ ка-  
менемъ<sup>3</sup>, святаго Димитрія, и врѣхъ еа позлати,  
въ ней же икону постави, принесену изъ Се-  
луна отъ гроба святаго Димитрія, точашу миро  
беспрестанно. И сѣде по немъ сынъ его Юрій  
въ Володимери, выпусти же Рязанскихъ князей  
на свою отчину. А Святославъ иде къ брату  
Костантину въ Ростовъ, а Константинъ нача  
ратъ замышляти на великого князя Георгія.  
Тоже слышавъ князь великій Георгій иде на

Костантина з братією, съ Ярославомъ, и Во-  
лодимеромъ (и) Иваномъ; и дошедше Ростова  
умиришася. Того же лѣта ходи Мьстиславъ  
Мьстиславичъ на Чюдъ, рекомую Торму, съ  
Новгородци, и много полониша ихъ, а скота  
бес числа приведе. Того же лѣта гладъ бысть  
великъ, и мяса ядяху въ великое говѣніе. Хо-  
диша князи къ Кіеву, а Всеволодъ Чръмный  
выбѣжа, а брата Глѣба затвори, потомъ пре-  
ставися, а зъ Глѣбомъ умиришася. Сѣде же  
въ Кіевѣ Мьстиславъ Романовичъ Смоленско-  
го, а Мьстиславъ Мьстиславичъ въ Новѣгородѣ,  
а Ингваръ Ярославичъ Изяславича въ Лучь-  
скѣ. Тогда же Володимеръ Всеволодичъ бѣжа  
къ брату Костантину въ Ростовъ, а Юрій же  
Всеволодичъ съ Ярославомъ (и) Иваномъ иде  
къ нимъ на снемъ у Юріева, и смиришася.  
Того же лѣта родися у Юрія сынъ Димитрій.  
Костантинъ посла брата своего Володимера  
на Москву, и пришедъ затворися въ ней; а  
Святославъ иде отъ Костантина къ Юрію, и  
князь великій дасть ему Юріевъ Полской.

Въ лѣто 6721, зимѣ, иде князь Мьстиславъ  
Мьстиславичъ съ Новгородци на Чюдскій  
городъ, рекомый Медвѣжу Голову; села ихъ  
потрави, и приидоша подъ городъ, и покло-  
нишася Чюдъ князю, и дань на нихъ взя, и  
приидоша здоровы. Тоя же зымы въ Володи-  
мери бысть знаменіе, марта 25, въ полъ утра:  
явился надъ солнцемъ мѣсяць, нача полнитися  
въборзѣ, и не доиде наполненія своего яко  
трехъ дней, и наиде на нь облакъ чрълень,  
постоявъ надъ нимъ мало (со)ступи, и бысть  
опять малъ мѣсяць, и нача такоже полнитися,  
и наступи пакы той же облакъ; и бысть се  
четверицею того дни. Того же лѣта остави  
Іоанъ епископъ епископію; князь же великій  
Юрій възведе на его на мѣсто Симеона Рожест-  
венаго. Константинъ нача рати замышляти,  
князь великій же Юрій съ братією, Свято-

(1) Въ подлинникѣ: архистарха. (2) Тамъ же: престави. (3) Въ Полн. Собр. Лѣт. т. VII, стр. 118: иже бѣ  
извну камень той около всея церкви рѣзанъ.



славомъ, и Ярославомъ (и) Иоанномъ, и Давыдомъ Муромскимъ Володимировичемъ идоша къ Ростову; а Костантинь то слыша, Кострому сожже. Князь великій Юрій прииде къ Ростову, и бышася о рѣцѣ Ишнѣ<sup>1</sup>, и стояша николико (дней), земли той много зла сѣтвориша, и тако умиришася, и крестъ цѣловаша; и поидоша оттолѣ къ Мос(к)вѣ на Володимира, и миръ сѣтворше<sup>2</sup> съ нимъ, и даша ему Переяславъ Рускій, онъ же съ Москвы поиде въ Переяславъ. Того же лѣта, въ Петрово говѣніе, изѣхаша Литва безбожнаа Плесковъ, и пожгоша; бяху бо въ то время изгнали<sup>3</sup> отъ себе Плесковичи князя Володимира, а Плесковичѣ бяху на озерѣ; и много зла сѣтвориша Литва и отъидоша.

Въ лѣто 6722, мѣсяца февраля въ 9<sup>4</sup> день, въ недѣлю сиропустную, громъ бысть по заутренни, и вси слышаша; и потомъ, тогда же, змѣй видѣша летящъ. То(го) же дни иде князь Мѣстиславъ Мѣстиславичъ съ Новгородци на Чюдъ на Ереву, сквозѣ Чюдскую землю къ морю, села ихъ потрави, и осѣки ихъ взя, и ста съ Новгородци подѣ городомъ Вѣробейномъ, и Чюдъ поклонилася ему. Князь же Мѣстиславъ взя на нихъ дань, и да Новгородцомъ двѣ части дани, а треть дворяномъ. Бяше же ту и Плесковскій князь Всеволодъ Борисовичъ съ Плесковичи и Торопецкій князь Давыдъ, Володимеръ братъ; и приидоша здорови вси съ множествомъ полона. Того же лѣта изгони Всеволодъ Чѣрмный, сынъ Святославъ Всеволодича, правнукъ Олговъ, внуки Ростислава изъ Руси, рка тако: «братіа моа есте, два князя, повѣсили вы въ Галичи, яко злодѣа, положили есте укоръ на всѣхъ; и нѣту вамъ части въ Руской земли.» Того же лѣта поставиша Симона епископа въ Володимеръ въ Кіевѣ митрополитъ Матфей. Того же лѣта князь Костантинь заложи въ Ростовѣ церковь

камену святѣа Богородица, на прѣвомъ мѣстѣ<sup>5</sup> 1213  
падшія церкви. Того же лѣта король (Угор- 1214  
скій) посади сына своего въ Галичѣ, и церковь претвори на Латинскую службу. Тогда родися Костантину сынъ Димитрій Костантиновичъ. Постави князь Костантинь отца своего духовнаго Пахоміа епископомъ Ростову въ Кіевѣ митрополитомъ Матѣемъ. Въ то же лѣто прислаша внуци Ростислава въ Новгородъ къ Мѣстиславу Мѣстиславичю, глаголя: «се не творитъ намъ Всеволодъ Святославичъ части въ Руской земли; а поиди, поищемъ своеа отчины.» Мѣстиславъ же сѣзва вѣче на Ярославли дворѣ, и поча звати Новгородци къ Кіеву на Всеволода Святославича на Чѣрмно-го. Рекоша ему Новгородци: «камо, княже, очима позриши, тамо и мы главами своими вѣржемъ.» И поиде князь Мѣстиславъ съ Новгородци Кіеву, мѣсяца іюня въ 8, на память святаго мученика Феодора стратилата, и доидоша Смоленска, и бысть распріа Новгородцемъ съ Смоленяны, а по князи не поидоша; князь же цѣлова всѣхъ, поиде поклонився. Новгородци же, сѣтворивше вѣче о себѣ, начаша думати, и рече Твердиславъ посадникъ: «яко, братіе, страдали дѣды наши и отци за землю Рускую<sup>5</sup>, тако и мы поидемъ по своемъ князи.» И тако поидоша изъ Смоленска, и постигше князя, воевати идоша по Днѣпру города Чѣрниговскіе, и взяша городъ Рѣчицу на щитъ и иныа города многы Чѣрниговскіа, и приидоша подѣ Вышегородъ, и начаша битися, и одолѣ Мѣстиславъ съ Новгородци, и яша два князя, Ростислава Ярославича и Ярополка брата его, внука Олгова, а Вышегородци поклонилася, отвориша ворота; а Всеволодъ Святославичъ Чѣрмный выбѣже изъ Кіева за Днѣпръ. И воиде Мѣстиславъ з братією и съ Новгородци въ Кіевъ, и поклонилася Кіанѣ, и посадиша въ Кіевѣ Мѣсти-

(1) Въ Полн. Собр. Лѣт. т. VII, стр. 119: о рѣку идшу. (2) Въ подлинникъ: сѣтворше. (3) Тамъ же: изгнаги. (4) Тамъ же: въ 1. (5) Тамъ же: рускою.



1214 слава Романовича Смоленского, внука вели-  
1216 кого князя Ростислава; идоша ис Кіева къ Чернигову, и стояша 12 днѣй, и взяша миръ, и взявше миръ (и) дары придоша въ Новгородъ вси здоровы.

Въ лѣто 6723. Поиде князь Мъстиславъ Мъстиславичъ изъ Новагорода къ Кіеву по своей волѣ; и сътвори вѣчо на Ярославли дворѣ; и рече Новгородцемъ: «суть ми орудіа въ Руси, а вы волны въ князехъ.» И иде изъ Новагорода х королю, проси себѣ Галича; а княгину и сына остави въ Новѣгородѣ. Новгородци же, много гадавше, послаша въ Переяславль, еже на Клѣщинѣ озерѣ, по Ярослава Всеволодича, внука Юріева, Юрія Иванковича посадника, и Якуна тысячскаго и купецъ старѣйшихъ 10 мужъ; и вниде князь Ярославъ въ Новгородъ, и срѣте его архіепископъ Антоній съ Новгородци. Того же лѣта преставися князь Ростиславъ Кіевскій, княживъ<sup>1</sup> въ Черниговѣ. Того же лѣта князь Володимѣръ Всеволодичъ женися въ Переяславли Рускомъ, поя за себе Глѣбову дщерь Святославича Черниговскаго. Тогда же князь Костантинъ заложилъ церковь Успеніе въ Ярославлѣ. Того же лѣта князь Володимѣръ Всеволодичъ ис Переяславля иде противу Половѣцъ; и побилъ полки его, а самого яша. Того же лѣта князь Ярославъ Всеволодичъ въ Новѣгородѣ изыма Якуна Зуболомича, а по Фому посла по Добрынича по Новоторжскаго посадника, и поточи ихъ обоехъ на Тверь<sup>2</sup>. И по грѣхомъ нашимъ обади Феодоръ Лазутиничъ и Иворъ Новоторжець Якуна тысячскаго Намѣжича; князь же Ярославъ сътвори вѣчо на Ярославли дворѣ, и идоша на дворъ Якуновъ тысячскаго, и разграбиша его, и жену его яша; а Якунъ завтра съ посадникомъ иде къ князю, и князь повелѣ яти сына его Христофора, маіа

21. Тогда же убиша Пруси Еустрата, на Сѣборѣ, и сына его Луготу, и вѣврьгоша ѿ въ греблю мертвѣ; князь же о томъ пожали на Новгородци<sup>3</sup>. Того же лѣта поиде князь Ярославъ на Торжокъ, пойма со собою Твердислава<sup>4</sup> Михалковича, Никифора Полюда, и Семіона, Сѣбыслава, Олексу, и много бояръ, и одаривъ посла въ Новгородъ; а самъ сѣде на Торжкѣ.

Въ лѣто 6724. Тоя же осени много зла сътворися въ Новѣгородѣ, побилъ морозъ обиліе по волости, а на Торжкѣ все цѣло бысть; и зая князь Ярославъ верешъ на Торжкѣ, не пусти въ Новгородъ ни воза; а Новгородци часто начаша вѣче дѣлати, и разумѣ князь яко не твердо ему будетъ сѣденіе, и того ради иде въ Торжокъ. Новгородци же послаша по князя Семѣна Борисовича Вячеслава Климѣтинича, Зубца Якуна; князь и тѣхъ пріа, и кого иного пошлютъ, а князь приимаше и не пустиша отъ себе. А въ Новѣгородѣ зло бысть велми: кадъ рѣжы<sup>5</sup> купляху по 10 гривень, а овса по 3 гривны, рѣпы возъ по 2 гривны; ядоху людіе сосновую кору и листь липовъ. О горе тогда, братіе, бѣше! — даваху дѣти своа одернѣ ис (х)лѣба; и поставиша скудельницу, и наметаша ю полную. О горе бѣше! по торгу трупиѣ и по улицамъ, и не можаху (псы) извѣдати челоуѣкъ, но и по полю и по дорогамъ лежаху мертви; а Вожанѣ помроша, а останки разыидошася. И тако, по грѣхомъ нашимъ, разыидеся волость наша вся и городъ нашъ по чюжимъ землямъ. Новгородци же останокъ живыхъ послаша Юрія Иванковича посадника, Степана Твердиславича и иныхъ мужъ добрыхъ по князю, и тѣхъ пріа, а въ Новгородъ посла Ивора Чапоноса, выведе княгину свою къ собѣ, дщерь Мъстиславу Мъстиславича. И потомъ послаша Новгородци Мануила Ягол-

(1) Въ подлинникѣ: княжавъ. (2) Тамъ же: на твердѣ. (3) Тамъ же: на новгородци. (4) Тамъ же: твердослава. (5) Тамъ же: рѣжѣ.



цевича съ послѣднею рѣчію: «пойди, княже, въ свою отчину; про что къ святѣй Софѣи не идешь, а поврѣзаеши насъ?» Ярославъ же и тѣхъ не пусти, а гость Новгородскій весь испоима, болѣ двою тысячь, и расточи ихъ по градомъ своимъ крѣпко; а товаръ ихъ и конѣ раздаа всѣ дружинѣ своей. И бысть въ Новѣгородѣ плачь и вѣплъ лють. Тогда же услыша Мѣстиславъ Мѣстиславичъ зло то, приѣха въ Новгородъ въ лѣто 6724, мѣсяца февраля 11 день, на память священномученика Власія, и поима Хота Григоровича, намѣстника Ярослава, и всѣ дворяне искова; и выиха (въ) Ярославль дворъ, и цѣлова честный крестъ, а Новгородци къ нему, яко съ нимъ въ животъ и во смерть; «любо изыщу мужи Новгородскіа и волости, паки ли голову повалю за Новѣгородъ.» Ярославу же бысть вѣсть на Торжокъ, (и) изгониша твердъ, а пути отъ Новгорода заѣкоша и рѣку Твѣрцу; а въ Новѣгородъ посла 100 мужъ Новгородцовъ, а река: «Мѣстислава проводите изъ Новгорода.» И не яшася по то, но вси бѣша единодушно, и то 100 мужъ, которыхъ посла. И посла Мѣстиславъ Мѣстиславичъ къ зятю своему Ярославу въ Торжокъ, съ Новгородци, попа Юрія отъ святаго Іоанна на торговищи, и со свой мужи, глаголя: «сыну, кланяю ти ся, мужи мои и гость мой пусти, а самъ съ Торжѣку поиди, а со мною любовь възми.» Князь же Ярославъ Всеволодичъ того не<sup>1</sup> учины, ни улюби, но пусти попа безъ мира, а Новгородци на поле съзва за Рожество, (въ) мясопустную субботу, вси мужи и гости переимавъ и поковавъ, посла по своимъ городомъ, а товаръ ихъ раздае дружинѣ своей и конѣ; а бѣше всѣхъ Новгородцовъ болѣ 2000. И приѣде вѣсть въ Новѣгородъ, бѣше же Новгородцовъ мало, а меншіи люди онѣ разыидошася<sup>2</sup> отъ глада, а иные померли голодомъ;

князь же Мѣстиславъ сѣтвори вѣче на Яро—1216 слави дворѣ, и рече: «пойдемъ, поищемъ мужей своихъ, а вашей братіи, и волости своей; да не будетъ Новый Торгъ надъ Новымъгородомъ<sup>3</sup>, ни Новгородъ подъ Торжѣкомъ, но где святаа Софіа, ту Новгородъ; а въ мнозѣ Богъ, а в малѣ Богъ и правда.» Ярославъ же посла къ брату Юрію, и присла ему князь великій Юрій въ помощь брата его Святослава Всеволодича; а Константинъ, братъ его, присла къ нему сына Всеволода, и начаша воевати Торопецкую волость. Князь же Мѣстиславъ Мѣстиславичъ поиде изъ Новгорода на Торжокъ на зятя своего Ярослава Всеволодича, мѣсяца марта въ 1, на память святаго мученика Евдокіи, въ вторникъ по чистой недѣли, рекше по Зборѣ; а въ четвертокъ тоя же недѣли побѣгоша къ Ярославу крестопреступники: Володиславъ Завидовичъ, Гаврило Игоревичъ, Юрій Олексиничъ, Гаврило Милятиничъ, и съ женами и з дѣтми, а цѣловали бяху честный крестъ къ Мѣстиславу, что быти было всѣмъ за одинъ съ всѣми Новгородци. Мѣстиславъ же иде Серегеромъ, а съ нимъ Володимеръ Псковскій, и вниде въ свою волость, и рече Новгородцомъ: «идите во зажитіа, толко головъ не емлите,» и идоша, и исполнишася кормомъ, и своимъ и конскимъ. И быша врьху Волги, осѣль Святославъ Всеволодичъ Ржевку, городокъ Мѣстиславль, съ полки въ 10-ты тысящихъ; а Мѣстиславъ<sup>4</sup> же съ Володимеромъ Плесковскимъ поиде въ борзѣхъ въ пяти сотъ, тол(ико) бо всихъ вой бѣше у Мѣстислава, и пригони, аже побѣгли бяху прочъ, а Ярунь бѣше затворился въ градѣ Ржевѣ въ стѣ челоуѣкъ, и отбѣся отъ нихъ. И поиде Мѣстиславъ, и взя Зобцовъ, и быша на Възузѣ, и приѣде къ нему Володимеръ Рюриковичъ (съ) Смолняны, и идоша по Волзѣ воюючи. И рекоша ему: «княже, поиди

(1) Въ подлинникъ: ни. (2) Тамъ же: разыидошася. (3) Тамъ же: надъ городод новымъ. (4) Тамъ же: Мѣстиславль.



1216 кѣ Торжьку.» Рече же Мьстиславъ и Володимеръ: «пойдемъ къ Переяславлю, есть у наю третей другъ.» И не бысть вѣсти где Ярославъ, во Тѣбри ли, въ Торжьку ли? И (на)ѣхаша на Яруна сторожи Ярославли за Тѣбрию, и бысть имъ бой, и пособи Богъ Яруну, избѣ сторожи Ярославли, а иныхъ изымаша, а инѣи утекоша въ Тѣбрь<sup>1</sup>; и бысть у тѣхъ вѣсть про Ярослава, и поидоша по Волзѣ воюючи. И поидоша къ Тѣбрь на Ярослава, и оттолѣ посласта къ князю Константину въ Ростовъ, а сами поидоша воюючи; и пожгоша Шешу и Дубну; а князя Володимера послаша на рубежъ съ Псковичи и съ Смолняны въ сторожу за послы, и повоеваша все Поволжіе, и городокъ Къснятинъ<sup>2</sup> взяша. И присла къ нему князь Константинъ Іеремейа, а съ нимъ пятьсотъ рати; и уерѣте его Іеремѣй отъ князя Константина съ любовію и съ поклономъ, глаголя: «азъ радъ<sup>3</sup>, слышевъ приходъ вашъ.» И оттолѣ послаша къ нему съ всѣми рѣчьми князя Всеволода, шурина его; а самы, возы пометавше, поидоша къ Переяславлю, вою(ю)чи. И придоша на Городище на рѣку Сару, къ святѣй Маріи, въ великую субботу, мѣсяца априля въ девятый день, на память святаго Евтихія; и ту празнова Великъ день, априля 10. И ту приде къ нимъ князь Константинъ съ Ростовци, и водиша Константина къ кресту, яко не быти въ немъ прѣвѣту, а сами къ нему цѣловаша, Володимеръ же Псковскый отрядиша въ Ростовъ. Ярославъ же поиде съ Торжьку, поймавъ старѣйшіа люди Новгородскыа съ собою и молодыхъ изборомъ, а Новоторжьци вси; и приде къ Переяславлю, и скопи волость свою, а Юрій въ Володимери такоже вои скопи, а Святославъ Юріевскій такоже. И выиде ис Переяславля съ полкы, съ Новгородцы и съ Новоторжьци; онѣмъ же пошедшимъ къ Переяславлю, а князь Ярославъ отшелъ бѣ уже къ брату съ полки

своими, а князь великій Юрій вышелъ же изъ Володимера съ многою силою и съ братією. Се же дивно, о коль страшно, братіе! поидоша дѣти на отци, а отци на дѣти. а братіа на братію, и рабъ на господина. И ста князь великій Юрій съ братомъ Ярославомъ на рѣцѣ Гзѣ, а Мьстиславъ и два Володимера (съ) Новгородци у Юріева, а князь Константинъ на рѣцѣ Липицѣ; и уэрѣша полкъ стоящъ, и послаша къ великому князю Юрію Иларіона сотскаго, глаголюще: «кланяемъ ти ся, съ тобою намъ обыди нѣтъ, но съ Ярославомъ; а съ тобою одинъ есмь человекъ.» А ко Ярославу послаша: «пусти мужи мои, Новгородци и Новоторжьци, и что еси заишолъ волости Новгородскіе и Волокъ, отдай назадъ; а миръ възми съ нами, а крови не проливай, а крестъ къ намъ цѣлуй.» Онъ же отвѣща: «мира не хочу, а то все у мене, мужей не отдамъ; а далече есте шли, и вышли яко рыба на сухо.» И сказа Ларіонъ тую рѣчь Мьстиславу и Новгородцемъ, и послаша второе, глаголюще: «мы не кровопролитіа ради придохомъ, но управитися межѣ себе, едино бо есмы племя; а старѣйшинство дати Константину, а вамъ Суздальская земля.» Они же рѣша: «въземъ<sup>4</sup> насъ, всю землю възми.» Тако начаста ся радити къ боеви; ста князь великій Юрій съ братією на горѣ Авдовѣ, а Константинъ съ прочими князи противъ на горѣ Юріевѣ, подъ нею же потокъ Тунегъ. И посласта къ Юрію третіе, глаголюще: «или миръ възми или отступи, и мы къ тебѣ идемъ; или мы отступимъ къ Липицѣ, и вы къ намъ поидите.» Они же глаголаху: «ни мы отступимъ, ни къ вамъ не идемъ; перешедше землю, сеа ли тверди не можете перейти.» Стояше бо въ тверди, учинивше плетень съ коліемъ; а межѣ полкома бѣше дебрь болотная, и нелзѣ къ нимъ дебрию перейти. Князь же великій Юрій піаше всю тую ночь съ братією и з боляры,

(1) Въ подлинникѣ: въ тѣбрь. (2) Тамъ же: скнятинъ. (3) Тамъ же: ради. (4) Тамъ же: възмемъ.



надѣяше бо ся на твердь и на множество вой, бѣ бо ихъ бес числа, яко бы мнѣти десять Суждалтинъ на единого Новгородца. Піющимъ же имъ, рече нѣкто отъ прѣвыхъ бояръ, Творимиръ, великому князю Юрію: «господине княже, добро бы сѣтворити миръ, а крови не проливати, а старѣйшинство бы дати Костантину; аще бо и мало ихъ, но суть храбри отъ нашихъ Смолняне; а Мьстиславу, и самъ вѣси, яко въ всей братіи дасть ему Богъ храбрость;» бѣ бо Мьстиславъ легокъ и храберъ. Князь же великій вѣсмѣся тому и рече: «яко по своей волѣ велитъ ми ся стола отца своего отступити? а кто вниде въ Суждальскую землю ратию, а здравъ изъ неа изыде? се же глаголю, аще кто иметъ на бою челоуѣка жива, то самъ будетъ убитъ, кромѣ точию на погонѣ, или кто прибѣгнетъ въ нашъ полкъ; а о князехъ мы размыслимъ, а то вы есть товаръ пришелъ въ руки.» Рече инъ нѣкто князю: «правъ еси, княже, право ихъ наврѣжемъ сѣдлы.» И повелѣ князь прѣваго сѣвѣтовавшаго о миру, яко перевѣтника, изврещи вонъ; а съ тѣмъ же послѣднимъ начаша веселитися и пити. Князь же Мьстиславъ нача подтвержати полки своа, глаголя: «братіе, шли есмо далеко, а нынѣ приспѣ время; не обратите очію своею, ни позрите на товаръ, но пристойте къ боеви.» Хотѣ же Костантинъ поити къ Володимерю на Ярослава, и рече Мьстиславъ: «брате Костантине, еда како мы поидемъ мимо Юріевъ, а они<sup>1</sup> вдарятъ у тыль и смятутъ ны?» Въ то же время приде Володимеръ съ Псковичи изъ Ростова, и рече Мьстиславъ Новгородцомъ: «како хотите битися, на конехъ ли, или пѣши?» И рѣша Новгородци: «не хотимъ, княже, измрѣти на конихъ, но якоже отци наши билися на Коклаки пѣшѣ, тако и мы хотимъ,» князь же Мьстиславъ радъ бысть тому; Новгородци же сосѣдше съ коней, и порти сметавше, и

сапозы сметавше, босы потекоша. И рече Мьсти- 1216 славъ: «гора намъ не поможетъ, ни побѣдитъ насъ.» И послаша напередъ пѣшци, а сами за ними поидоша на конехъ, пришедши же къ дебри стаща, и кликнуша съ ону страну дебри, и врьгоша въ Мьстиславли кѣи, а Мьстиславли съ сеа стороны врьгоша къ нимъ топор(и), и тако побѣгоша на нихъ Новгородци и Смолняне черес дебрь, и вышедше начаша сѣчи Ярославли полки, и бысть сѣча зла. Князь же Мьстиславъ<sup>2</sup> видѣ своихъ сѣкущихся, поиде по нихъ борзо, глаголя: «кто сихъ не жалуетъ?» и переиха на ону страну, и начатъ сѣщи а; тако же и вси вой его по немъ переихаша. Смолняне же обратишася на товары и не крѣпко бѣахуся, Мьстиславъ же имѣ въ рудѣ топоръ съ паворозомъ, и тѣмъ сѣчаше ихъ; и прииха сквозѣ полкы Ярославли трижды. И тако Божіею помощію и святыа Софіа одолѣ Мьстиславъ, побѣди Ярослава и братію его; Ярославъ же въдавъ плещи побѣже. Князь великій же Юрій стоа прямо Костантину, видѣ Ярославль полкъ побѣгшъ, и тѣмъ вдасть плещи, побѣже къ Володимерю; они же безъ милости изсѣкоша ихъ уганяючи, и не погнашася за великимъ княземъ къ Володимерю<sup>3</sup>, аще бы погнашася, угонили бы Володимеръ. Бысть же сіа побѣда въ четвергъ 2 недѣли по пасцѣ, мѣсяца априля 21, на память святаго мученика Іануаріа и дружины его. О многыа побѣды, братіе! кто не въсплachtetся слышавъ сію горкую побѣду надъ своею братіею, вытіе прободеныхъ и гласъ протинаемыхъ, и еще живыхъ сущихъ и кричащихъ отъ болѣзни? многое бо множество избытихъ, яко ни умъ челоуѣческій не можетъ смыслити; не токмо на боищи костры мертвыхъ, но и по многымъ мѣстомъ лежаше трупіе, овіи мертви, а друзіи еще дышущи; много же отъ нихъ и переимани и повязани, плачущеся грѣкымъ

(1) Въ подлинникъ: оуни. (2) Тамъ же: мьстиславль. (3) Тамъ же: к володимеромъ.  
Т. XV.



1216 плачемъ, видяще своихъ мертвыхъ не погребеныхъ. Князь же Костантинъ повелѣ погребати ихъ и имати тѣлеса, (и)хже кто хотяше где погребсти. У князя же у Костантина тогда баше въ полку два человекъ храбрыхъ, Олешка Поповичъ и человекъ его Торопъ, и Тимоня Золотой поясъ. Избытихъ же полка великого князя Юрія 9000 и 200 и 30 и 3 человекъ; а у князя Мъстислава въ полку избытихъ 4 человекъ Новгородци, а пятое Смолвянинъ. Се же избіеніи Новгород(ци): на прьвомъ съступѣ убиша Димитра Плесковитина, Онтоня котелника, Иванка Прибышничу опонника, а въ загонѣ Иванка Поповича, (Сьмьюна Петриловица) Терскаго даника. Князь великій же Юрій прибѣже въ Володимеръ въ единомъ сырочкѣ и подкладъ вывергъ на пятомъ кони, а четьри одушивъ; бѣ бо тѣломъ толстъ и стяжекъ. Володимерци же, видѣвше князя единого бѣжаща, възрадовашася, глаголюще: «наши одолѣли;» мнѣша бо князя гонца съ вѣстію бѣжаща въ градъ. Князь же прибѣгъ нача ѣздити къ вечеру по граду, повелѣ крѣпити городъ, и утвѣрдити повелѣваше осаду, хотяше бо въ градъ затворитися; Володимерци же слышавше въскричаша, глаголюще: «съ кимъ, княже, затворимся? братія наша вся избыти, а иніи испереимани.» Бѣ вышли вси Володимерци на бой, и до купца и до пашенного человекъ, а толико ошашася церковніи людіе, игумени съ черньци, и попы и діакони, и кто церкви служитъ, и слѣпци и хроми. Бысть же плачь неутѣшимъ въ Володимерѣ и въ Суждалѣ, плачуще старіи немощей дѣтей своихъ, а жены мужей своихъ, а маліи отцевъ своихъ и братій; не (бѣ) бо такого двора, идѣже бы кричанія и въпля не было, и странно бѣ видѣти человекъ изъоцухша отъ слезъ. Рече же къ нимъ князь великій Юрій: «толко, братіе, стойте, а то вѣдаю все азъ; а

не выдайте мя братіе, абы есмы вышелъ по своей волѣ.» Ярославъ же прибѣже къ Переяславлю на четвертомъ кони, а 3 удущивъ, и ни тутъ ошася своего зла; но что ни есть тутъ гостя<sup>1</sup> Новгородского повелѣ всѣхъ Новгородцовъ вмѣтаты въ погребы, а иныя въ избѣ<sup>2</sup> затвори въ полтораства человекъ, а Смолнянъ двадцать и пять, и ту издохша въ множествѣ. Князи же побѣдивъ, Костантинъ, и Мъстиславъ и два Володимера, съ полкы поидоша по Юрію къ Володимерю. Тогда же въ недѣлю рано придоша князи къ Володимерю, князь же Юрій посла къ нимъ пути прося съ молбою; они же сташа подъ городомъ. И тоя ноци загорѣся въ городѣ князя великого дворъ, и хотѣша Новгородци полѣсти къ граду, и не да имъ Мъстиславъ. И бысть заутра, высла князь великій Юрій къ нимъ: «не дѣйте<sup>3</sup> мене днесъ, а заутра поиду изъ града.» И наутріе изыиде къ нимъ съ поклономъ, и рече Мъстиславу: «тебѣ, брате, животъ дати, и хлѣба накормити; а азъ въ всемъ виноватъ.» И даша ему Городецъ Радилловъ, и тако събрався въ судѣхъ съ княгынею и з дѣтми, и владыка Симонъ съ нимъ, глаголя: «суди, Боже, брату моему Ярославу, яко сего мя доведе.» Князь Мъстиславъ съ Новгородци посадиша Костантина въ Володимери, на столѣ отни и дѣднѣ; князь великій же Костантинъ одары великими дары и честію чествова князи и Новогородецъ бесчисла; приведе же Володимерци къ кресту, къ цѣлованію, и тѣхъ остатокъ одари и пожалова. А потомъ поидоша къ Переславлю, и пришедшемъ имъ нача Ярославъ молитися о миру, и вышедъ удари челою брату старѣйшому Костантину, глаголя: «накорми мя, брате, хлѣбомъ; а во твоей есми волѣ, а не выдай мя тестю моему.» Князь великій же Костантинъ управи Ярослава съ Мъстиславомъ, и миръ вземъ цѣловаша крестъ; а Мъстиславъ

(1) Въ подлинникъ: гости. (2) Тамъ же: вызбѣ. (3) Тамъ же: не идѣте.



взя дочеръ свою, а Ярославлю княгину, и что живыхъ Новгородцовъ пойма, и поиде къ Новгороду, и что было съ Ярославомъ въ полку, то придоша вси здорови въ Новгородъ; а князь великій Костантинъ къ Володимеру на свой столъ, а Володимеръ къ Смоленску, а другой Володимеръ къ Киеву. Княженіе великого князя Костантина Всеволодича. Того же лѣта князь великій Костантинъ заложи церковь въ Ярослав(л)ѣ святаго Спаса. Того же лѣта преставися епископъ Ростовскій Пахомый, и въ него мѣсто поставленъ бысть Кирилъ, черноризецъ изъ Суждаля отъ святаго Димитрія. Того же лѣта прииде Мстиславъ въ Новгородъ, и радъ бысть архіепископъ Іоанъ и Новгородци, занеже пришли бяху изъ Суждаля вси здрави. И тогда отъяша посадничество у Юрія Ивановича и даша Твердиславу Михалкову.

Въ лѣто 6725. Князь Глѣбъ Рязанскій, наученъ сотоною на братоубійство, съ братомъ Костантиномъ умыслиша избыти всю братію, и всю власть Рязанскую за себе взяти. И снидошася братія на Изсадахъ порядъ положить, и братъ ихъ Изяславъ Володимеричъ, Ростиславъ, Святославъ, Романъ, Глѣбъ; онъ же позва ихъ яко на честь пира, а уготова на нихъ Половецъ и дружину свою въоруживъ въ другомъ шатрѣ въ постелномъ. И яко нача веселитися, и Глѣбъ и Костантинъ послаша по убійца тыхъ, а сами, взявше мечи, начаша сѣчи князей, и бояръ и дружину всю, и убиша пять братаничевъ, а шестаго брата Изяслава; а сами бѣжаша въ Половци. Инъгваръ же Игоревичъ не успѣ прийти на съвѣтъ ихъ, и тако заступи его Богъ отъ лютыя смерти. Того же лѣта поиде Мстиславъ Мстиславичъ изъ Новгорода къ Киеву, остави княгину въ Новгородѣ и сына своего Василиа, и поа (съ) собою Юрія Ивановича, Збыслава Степановича, Олек(с)у Путиловича. Тогда же прииде Володимеръ въ Новгородъ, своими оружіи, а въ то время воеваша Литва въ

Шелонѣ; Новгородци же поидоша по нихъ, 1216  
и не състигоша ихъ; и поидоша къ Медвѣжѣ Го- 1218  
ловѣ съ княземъ Володимеромъ и посадникомъ Твердиславомъ, и стаха подъ городомъ. Чюдъ же начаша слати съ поклономъ, съ лестію, а по Нѣмци пославше; и начаша Новгородци кадати съ Плесковичи о Чюдской рѣчи, отшедше далеце на товаръ, а сторожѣ ночніи бяху пришли, а дневніи не пошли; а наихаша безъ вѣсти Нѣмцы на товары, Новгородци же побѣгоша съ вѣча въ товары, и поймавше оружіе выбыша Нѣмцевъ ис товаръ, и побѣгоша Нѣмцы къ городу, и убиша у нихъ Новгородци два воеводы, а третіаго рукамяша, и коневъ отъяша 700, и придоша вси здоровы. Князь же Мстиславъ Мстиславичъ прииде въ Новгородъ безъ нихъ, и ятъ Станимира Дерновича съ сыномъ съ Нѣздиломъ, и оковавъ поточи, и товара пойма бес числа, и опять пусти ихъ. Того же лѣта князь великій Костантинъ Всеволодичъ посла по брата по Юрія на Радиловъ Городецъ, и пришедшу ему сътвориста любовь межи собою велию; и дари его много, и княгиню его, и дѣтей, и епископа и бояръ, и дасть ему Суждалъ, а по своемъ животѣ Володимеръ; и вниде въ онъ князь Юрій септевря 11. Того же лѣта Володимеръ Всеволодичъ прииде ис Половецъ къ братіи, и даша ему Стародубъ и иную власть.

Въ лѣто 6726. Князь великій Костантинъ Всеволодичъ заложи въ Володимери на торговищи церковь каменну Въздвиженіе; начаша дѣлати маа 6, а священа на празникъ еа. Того же мѣсяца маіа 31 день въ Новѣгородѣ бысть пожаръ великъ: загорѣся отъ Ивана отъ Яршевича въ полы утро, и погорѣ до полудне весь полъ, не остана ни хоромы; кто бяше въбѣгль въ каменныя церкви и съ товари, и ту изгорѣша сами и товары, а въ Варяжской божницѣ изгорѣ товаръ весь Варяжскій, безъ числа; церквей згорѣ 15, а (у) каменныхъ церквей огорѣша верхи и при-



1218 твори. Того же лѣта поиде Мъстиславъ Мъсти-  
 1219 славичъ на Торжокъ, и пойма Борислава Неку-  
 ришинича, и взя у него товара много, и пусти  
 его. Тогда же разболѣся у Мстислава сынъ  
 Василей Мъстиславичъ на Торжку, и преста-  
 ся, и привезоша его мертвъ въ Новгородъ; и  
 положиша его у святѣй Софѣи, въ придѣлѣ  
 у святыхъ Богородици, въ головахъ у дѣла, мѣ-  
 сяца априля въ 1 день; а самъ выиха въ 5 день.  
 Того же лѣта заложи архіепископъ Антоній  
 церковь каменну святыхъ Варвары въ монастыры.  
 Того же лѣта съзва Мъстиславъ Мъстиславичъ  
 вѣче на Ярославли дворѣ, и рече: «кланяюся  
 святѣй Софѣи, и гробу отца моего и вамъ, хочу  
 поискати Галича, а васъ не забуду; дай Богъ  
 лечи у отца, у святѣй Софѣи.» Новгородци же  
 много моляхуся: «не ходи, княже,» и не можа-  
 ху его уня(ти). Того же лѣта прииде архіепи-  
 скопъ<sup>1</sup> Митрофанъ изъ Володимера, и прова-  
 диша его Новгородци къ святѣй Богороди-  
 ци Благовѣщенію. Того же (лѣта) прииде въ  
 Володимеръ къ великому князю Константи-  
 ну изъ Царяграда епископъ<sup>2</sup> Полоцкій Вла-  
 димеръ; и принесе часть отъ страстей Господ-  
 нихъ, и обѣ руцѣ Логина, и отъ мощей Маріи  
 Магдалины. Того же лѣта князь великій Ко-  
 нстантинъ Всеволодичъ старѣйшому сыну Ва-  
 силку дасть Ростовъ, а Всеволоду Ярославль.  
 Того же лѣта престаився Ростиславъ Рури-  
 ковичъ, зять великого князя Всеволода. Тогда  
 же престаився Костантинъ Давыдичъ, внукъ  
 Ростиславль. Того же лѣта поиде Мъстиславъ<sup>3</sup>  
 Мъстиславичъ въ Русь, и послаша Новгород-  
 ци по Святослава Мъстиславича въ Смоленскъ.

Въ лѣто 6727. Побѣже въ Новгородѣ  
 Матфѣй Идушиловичъ, связавъ Моисейца бири-  
 ча ябедничъ<sup>4</sup>; Новгородци же угонивше яша  
 его, и ведоша его на Городище; и вниде лжа  
 въ городъ, выдалъ Матфеа Твердиславъ князю.  
 Узвониша у святаго Николы ониполовичи

черезъ ночь, а Неревскій конецъ у 40 Му-  
 ченикъ, такоже копяче люди на Твердисла-  
 ва; и бысть заутра пусти князь Матфеа,  
 учувъ голку въ городѣ и мятежъ; и поидоша  
 ониполовичи и до дѣтины въ броняхъ и  
 въ шеломѣхъ, акы на рать, а Неревляне та-  
 коже, а Загородци не востаха не по тыхъ,  
 ни по сихъ; но зряху перезора. Тврьдославъ  
 же, позря на святую Софію, рече: «аще буду  
 виновать, да буду ту мертвъ; буду ли правъ,  
 ты мя, Господи, оправи.» И поиде (съ) Прусы  
 и съ Людинымъ концемъ; и бысть сѣча у  
 городныхъ воротъ; и побѣгоша на оныполь,  
 а друзи въ конецъ<sup>5</sup> мостъ переметаша; и пе-  
 реихаша ониполовичи въ лодіяхъ, и поидо-  
 ша великою силою. Оле, братіе, чюдо свади  
 окаянный діаволь! когда баше брани быти  
 на поганыхъ, тогда ся начаша быти межи со-  
 бою; и убиша Прусъ мужъ единъ, а кончанъ  
 другой, а ониполовичъ Ивана Душилцева,  
 брата Матфѣева, а въ Неревскомъ конци  
 Костантина Прокопійнича, иныхъ 6 мужъ;  
 а раненыхъ много обоихъ. Бысть же се мѣсяца  
 генваря 27 день, на пренесеніе мощемъ Іоан-  
 на Златоустаго. И тако быша вѣча по всю  
 недѣлю; но Богомъ діаволь посрамленъ бысть  
 и святою Софѣею, крестъ възвеличанъ бысть,  
 и сънидошася братіе вкупѣ и крестъ цѣлова-  
 ша. Князь же Святославъ Мъстиславичъ при-  
 сла своего тысяческого на вѣче, рекъ: «не  
 могу быти съ Твердиславомъ, отымаю по-  
 садничество у него.» Рекоша же Новгородци:  
 «есть ли вина его?» Онъ же рече: «безъ вины.»  
 Рече же Твердиславъ: «тому есмь радъ, оже  
 вины моя нѣту; а вы, братіе<sup>6</sup>, въ посаднич-  
 ствѣ и въ князѣхъ волны.» Новгородци же  
 отвѣщаша князю: «оже нѣту вины его, ты къ  
 намъ крестъ цѣловалъ безъ вины не ли(ши)-  
 ти мужа; тебѣ ся кланяемъ, а се нашъ по-  
 садникъ.» И бысть мирно. Княженіе вели-

(1) Въ подлинникѣ: архіепископъ. (2) Тамъ же: епископъ. (3) Тамъ же: мъстиславль. (4) Тамъ же: явбедничъ. (5) Тамъ же: въ ночь. (6) Тамъ же: брате.



кого князя Юрія Всеволодича, въ Володимерь, по Костантинь. Тоя же весны преставися великій князь Костантинь Всеволодичъ, и положиша его въ Володимери, въ церкви святыя Богородица Златоверхіа; а княгини его пострижеса надъ гробомъ его. И сѣде по немъ на великомъ княженіи братъ его Юрій; и епископъ Симонъ вѣниде въ свою<sup>1</sup> епископію въ Володимерь. Того же лѣта Глѣбъ, незаконній братоубійца, Рязанскій съ братомъ Костантиномъ и съ множествомъ Половецъ придоша къ Рязаню<sup>2</sup>; Ингваръ же съвѣкупися съ братією, иде противу имъ, и побѣди ихъ, и множество Половецъ избыша, а Глѣбъ утече въ Половци. Тогда же князь великій Кіевскій Мъстиславъ Романовичъ посла сына своего Всеволода въ Новгородъ по сына своего Святослава, и рече: «пріймѣте себѣ князя сына моего меншаго, Всеволода, а старѣйшаго, Святослава, пустите ко мнѣ.» Новгородци же сътвориша волю его. Того же лѣта Мъстиславъ Мъстиславичъ и Володимерь Руриковичъ идоша на королевича<sup>4</sup> къ Галичу, онъ же выиде противъ имъ, и з Галичаны, и съ Чехи, и съ Ляхи, и съ Моравы и съ Угры; и одолѣ Мъстиславъ, а королевича ятъ и жену его. Посемъ взя миръ съ королемъ и сына его пусти; а самъ сѣде въ Галичи. Того же лѣта родися у Ярослава сынъ Феодоръ.

Въ лѣто 6728, зимѣ, выгнаша Угри Мъстислава изъ Галича, и сѣде королевичъ въ немъ. Тоя же зими поиде Седмьюнь Иминъ, въ 4-хъ стѣхъ, на Тоймокары, и не пусти ихъ князь великій Юрій, ни Ярославъ, сквозѣ свою землю, и придоша къ Новугороду въ лодіахъ, и стаща по полю шатры на зло; и замыслиша, Твердиславъ, Якунь тысяческій заслали къ Юрію не пустити ихъ туда, и вѣзвадиша городъ. Тогда же отъяша посадничество у

Твердислава и даша Семену Борисовичу, а 1219 тысячское у Якуна отъяша и даша Седмью- 1220 ну Имину. Того же лѣта кончаша церковъ святыя Варвары каменну. Того же лѣта заложиста Твердиславъ съ Федоромъ церковъ каменну святого Михаила, а другую Святыхъ 3 Отрокъ, посторонь<sup>5</sup>, малу; и съврѣшиша ю въ 4 дни. Въ то же лѣто посла князь великій Юрій Всеволодичъ брата своего, Святослава Всеволодича<sup>6</sup>, на Болгары ратию, съ всѣми своими; а Ярославъ братъ ихъ своа воя посла, а Василко посла Ростовци и Устюжанѣ, а Давыдъ Муромскій посла сына Святослава Давыдича, а братъ его Юрій сына Олга Юріевича. И придоша близъ града Ошля, и выидоша (и)зъ лодей на берегъ, и выиде противу имъ князь Болгарскій съ силою своею, и поидоша противъ себе; Болгаре же стрѣливше по стрѣлѣ, побѣгоша въ городъ и затворися. Святославъ же Всеволодичъ съ вои своими иде къ граду, около же града бѣ острогъ, тынь дубовъ, а за нимъ два оплота и межи ими валъ съсыпанъ, по тому рышучи Болгаре и(зъ) затыніа біахуса. Приступи же Святославъ къ граду съ всѣ стороны, а напередъ пѣшци (съ) огнемъ и топоры, а за ними стрѣлцы и копейники, и бысть брань зла, посѣкоша тынь, и оплотъ раскопаша и зажгоша, а Болгаре бѣжаша въ городъ, а сіи за ними сѣкуще; потомъ къ граду приступльше отвсюду зажгоша его, и бысть буря, и дымъ великъ на сихъ потяну. Они же ополчившесе поидоша з другую сторону, и тако напередъ всѣхъ потече самъ князь Святославъ<sup>7</sup>, а по немъ вси вои; и тамъ посѣкоша оплоти, и Болгаре бѣжаша въ городъ; а сіи пришедъ зажгоша его, и тако отвсюду обстояше огонь, и бысть вѣплъ великъ. А князь ихъ бѣжа изъ града; а которіи выбѣгоша пѣши, а тѣхъ избыша, а жены и дѣти поплѣниша, а

(1) Въ подлинникѣ: въ святую. (2) Тамъ же: къ разаню. (3) Тамъ же: мьстаславъ. (4) Тамъ же: на королевича. (5) Тамъ же: посторонѣ. (6) Тамъ же: всеволодича. (7) Тамъ же: изяславъ.



1220 инѣ изгорѣша, а прочіи сами ся изсѣкоша.

1221 А Святославъ стоя ту, дондеже изгорѣ градъ, и взяша Ошелъ градъ, иже бѣ созданъ Александромъ Македонскимъ. Бысть же сіа побѣда іюня 15, на память святаго пророка Амоса. И тако възвратишася къ лодіамъ, и поидоша по Волзѣ въ врѣхъ; то же слышавше въ Великомъ градѣ Болгаре и въ прочихъ градѣхъ, и събравшеся идоша къ Из(с)адоу на берегъ; а Святославъ то слышавъ, повелѣ воємъ вооружатися, и стяги наволочивъ, изрядивъ полки въ насадѣхъ, и удариша въ накры, и въ органы, и въ трубы, и въ сурны и въ посвистѣли, а Болгаре стояще по берегу, зряще своихъ плѣнныхъ, плакахуся. Святославъ же минувъ Изсуды, ста на усть Камы, и ту прииде Воиславъ Добрыничъ съ Ростовци, и съ Устюжаны и съ полономъ многымъ; тыи бо по Камѣ взяша многыя грады и села, и вся области тѣ поплѣниша, а люди изсѣкоша, а иныхъ поплѣниша. И поиде Святославъ къ Володимеру, и пришедшу ему въ Клязму, срѣте его князь великій Юрій и з дѣтми, и честь велику възда ему и всѣмъ воємъ за три дни; и иде Святославъ въ градъ свой Юріевъ. Того же лѣта Всеволодъ Мстиславичъ иде съ Новгородци къ Пертуеву, и уерѣтоша сторожовъ Нѣмци, Литва, Либы, и бишася, и пособи Богъ Новгородцомъ; идоша подъ городъ, и стоаша 2 недѣли, не взяша города, и поидоша прочь, и придоша здорови. Того же лѣта архіепископъ Антоній иде на Торжокъ; Новгородци же введоша опять архіепископа Митрофана на столъ, а ко Антонію послаша: «поиди, где ти любо.» Антоній же поиде въ Новъгородъ, и сѣде у святаго Спаса въ Нередицахъ. Князь же и Новгородци рекоша Митрофану и Антонію: «идита къ митрополиту въ Кіевъ, кого намъ пришлетъ, тотъ намъ владыка.» И пустиша съ ними Васіана попа чрънца и другаго попа

Бориса. Пришедъ же отъ Пертуева, даша опять посадничьство Твердиславу и Якуну тысячское.

Въ лѣто 6729, зимѣ, по братнѣ хожденіи, князь великій Юрій Всеволодичъ нача рядитися самъ на Болгары, они же прислаша послы своа съ молбою и съ челобитіемъ, онъ же не пріять молбы ихъ, и нача вои съвокупляти, а Василку повелѣ на Городецъ поити; а самъ прииде на Омутъ, и ту придоша къ нему инѣ послы Болгарьстїи съ молбою, онъ же не позрѣ на нихъ, и отпусти ихъ безъ мира, и прииде на Городецъ, а Василку уже пришедшу. Болгаре же слышавше, убоявшеся, и послаша иныхъ пословъ съ многими дары и челобитіемъ, и пріять молбу, и дасть имъ миръ по давному, како было при отцѣ его Всеволодѣ, и посла водити ихъ всѣхъ въ роту, а самъ възвратися. Тоя же зими, генваря 24, преставися великаа княгыня Костантинова Огафіа, въ Ростовѣ; положиша<sup>1</sup> ю въ соборной церкви святаы Богородица. Того же лѣта Литва воева Черниговскую волость; и Мстиславъ Святославичъ угонивъ ихъ изби, а полонъ отъя. Тоя же зими, марта 17 день, прииде архіепископъ Митрофанъ въ Новгородъ, на свою епископію, оправився Богомъ и святою Софією; а другаго архіепископа Антоніа митрополитъ Матфей удрѣжа у себе въ чести, и дасть ему епископію въ Перемышлѣ. Того же лѣта Мстиславъ Романовичъ Кіевскій, и Мстиславъ Мстиславичъ и инѣ князи мнози идоша на Галичъ; королевичъ же затворися; они же повоеваша всю землю, възвратишася. Того же лѣта преставися митрополитъ Матфей въ Кіевѣ; а поставленіа его: въ Ростовѣ епископа Пахоміа, Новугороду архіепископа Митрофана. Того же лѣта Всеволодъ Мстиславичъ иде въ Смоленскъ, своимъ орудіемъ, 6730. Тоя же зими прииде князь Всеволодъ Мстиславичъ изъ Смоленска

(1) Въ подлинникъ: положивъ.



въ Торжокъ; не хотя же діаволъ добра роду  
человѣческому, и зліи человѣци вложиша кня-  
зю грѣхъ въ сердце, гнѣвъ до Твердислава  
же, безъ вины; и прииде въ Новъгородъ, и  
възвади весь городъ, хотя убить Твердисла-  
ва, а Твердиславъ быше боленъ. И поиде  
князь Всеволодъ съ Городища, съ всѣмъ дво-  
ромъ своимъ, изнарядився въ брони аки на  
ратъ, и прииха на Ярославль дворъ; и снидо-  
шася Новгородци къ нему въ оружїи, и  
сташа полкомъ на княжѣ<sup>1</sup> дворѣ. Тверди-  
славъ же быше немочень, и вывезоша его на  
санкахъ къ Борису и Глѣбу; и скопишася  
о немъ Пруси, и Людинъ конецъ и Загород-  
ци, и сташа около его полкомъ, урядившеся  
на 5 полковъ<sup>2</sup>. Князь же узрѣвъ рядъ ихъ,  
оже хотятъ крѣпко стати за Твердислава, и  
не поиха, но присла владыку Митрофана съ  
всѣми добрыми вѣстѣми; и сведе ихъ влады-  
ка въ любовь, и крестъ цѣловаша князь и  
Твердиславъ; Богомъ и святою Софією крестъ  
възвеличанъ бысть, а діаволъ поправъ бысть,  
а братіа вкупѣ быша. Твердиславъ же съшде-  
ся съ княземъ въ любовь лишися посадничь-  
ства, немочень быше, и даша посадничество  
Иванку Дмитровичу; въ той же немощи пре-  
бысть 7 недѣль, и прїа болшую немощь, и  
утаився жены и дѣтей, и иде въ монастырь  
къ святѣй Богородици въ Аркажѣ, мѣсяца фев-  
раля въ 8 день, и пострижеся; тогда же и  
жена его пострижеся въ друзѣмъ монасты-  
ри у святѣя Варвары. Того же лѣта показаша  
путь Новгородци Всеволоду Мѣстиславичу,  
внуку Романову: «не хотимъ тебе, поиди ка-  
мо хочещи;» и иде къ отцу въ Русь. Того  
же лѣта поиде князь Мѣстиславъ Мѣстиславичъ  
и Володимеръ Руриковичъ ис Кіева на Га-  
личь на королевича; и выпдоша противу  
ихъ Чехове, и Ляхове, и Мораве и Угры, и  
бысть имъ бой; и бися съ ними Мѣстиславъ  
крѣпко, и пособи Богъ Мѣстиславу, и выиха

въ городъ въ Галичъ, и королевича руками 1211  
ятъ въ другіе и съ женою, и взя съ королемъ 1223  
миръ, отпусти сына его; а самъ сѣде въ Га-  
личѣ, а Володимеръ Руриковичъ въ Кіевѣ. То-  
го же лѣта князь великій Юрій Всеволодичъ  
заложѣ Новгородъ Нижній на рѣцѣ Окѣ.

Въ лѣто 6730. Послаша Новгородци вла-  
дыку Митрофана въ Володимеръ къ велико-  
му князю Юрію Всеволодичу; и вда имъ сына  
своего Всеволода на всей воли Новгород-  
ской. Того же лѣта заложѣ князь великій  
Юрій Всеволодичъ въ Суждалѣ церковь ка-  
менну святѣя Богородица, разрушивъ прѣвое  
основаніе, понеже убо нача ся уже рушити  
старостию, врь(хъ) же ея въпалъ бѣ, иже  
бѣ прѣжде сѣздалъ прадѣдъ его Владимеръ  
Манамахъ, при епископѣ Ефремѣ. Того же  
лѣта князь великій Юрій Всеволодичъ присла  
брата своего Святослава Новогородцемъ въ  
помочь; идоша Новогородци съ Святославомъ  
къ Кіси, и придоша Литва въ помощь же,  
и много воеваша, но города не взяша.

Въ лѣто 6731. Князь Всеволодъ Юріевичъ  
побѣже въ ночи, утаився, изъ Новгорода,  
съ всѣмъ дворомъ своимъ, иде къ отцу; Нов-  
городци же печал(н)и быша о томъ. Тогда  
же послаша Новогородци мужи старѣйшіи  
къ великому князю Юрію, глаголюще: «аще  
ты не угодно дрѣжати сыномъ, то дай намъ  
брата Ярослава.» Тоя же зыми прииде Яро-  
славъ<sup>3</sup> въ Новгородъ, и ради быша Нового-  
родци. Тогда же воеваша Литва около То-  
ропца, и гонися по нихъ Ярославъ съ Нового-  
родци до Вос(вя)та, и не угони ихъ. Того же  
лѣта преставися архіепископъ Новогородскій  
Митрофанъ, мѣсяца іуліа 3, на память святаго  
мученика Уакинфа, понедѣлнику свитающу; и  
положенъ бысть въ святѣй Софїи въ притво-  
рѣ. Того же дни введоша въ дворъ Арсенія  
чернца съ Хутина, мужа добра и боящася  
Бога.

(1) Въ подлинникѣ: на княжѣ. (2) Тамъ же: полкомъ. (3) Тамъ же: ярославль.



1224 Въ лѣто 6732, зимѣ, прииде князь Ярославъ отъ брата съ всею силою, и поиде съ всею Новгородскою областію х Коливанию; и повоеваша всю землю Чюдскую, и полона приведоша бес числа, и злата много взя князь съ города окупа; но города не взяша, и придоша вси здорови. Тоя же зими, мѣсяца генваря 6, поставлень бысть Кіеву митрополитъ Кирилъ, бѣ бо велми учителень и книженъ. Того же мѣсяца 26 погремѣ громъ, 733. Тоа же зими поиде князь Ярославъ съ княгынею и з дѣтми изъ Новгорода къ Переяславлю; Новгородци же кланяхуся ему, рекуще: «не ходи, княже.» Онъ же поиде по своей волѣ. Новгородци же послаша къ великому князю Юрію по сынъ, и дасть имъ опять сынъ свой Всеволодъ, 732. Того же лѣта явися звѣзда на западѣ, луча отъ неа копейнымъ образомъ, юже зовяху челоуѣци хвостата. Того же лѣта священна бысть церкви святаго Спаса въ Ярославли, юже заложилъ князь великій Костантинъ, а съвърши сынъ его Всеволодъ. Того же лѣта въ Суздалѣ погорѣша лѣси, и болота и дубравы; бѣше же дымъ по всей земли, яко не мочи бяху и птицамъ лѣтати, но падаху на полѣ, и на посадѣ и въ градѣ. Того же лѣта прииде князь Всеволодъ Юріевичъ въ Новгородъ. Того же лѣта убиша князя Вячка Нѣмци въ Юріевѣ, а городъ взяша. Того же лѣта, по грѣхомъ нашимъ, не ту ся едино зло учини: выиха Феодоръ посадникъ съ Рушаны, и бишася съ Литвою, и згониша Рушанъ съ коней, и много коневъ отѣяша; и убиша Домажира Торопинича, а Рушанъ много, и розгониша иныхъ по лѣсу.

Повѣсть о Калкацкомъ побоищѣ, и о князехъ Рускихъ, и о храбрыхъ 70. Въ лѣто 6732. По грѣхомъ нашимъ, придоша языци незнаеми, безбожнии Моевитяне, ихже никтоже добръ не вѣсть ясно, кто суть, и отколѣ изыдоша, и что языкъ ихъ, и которого племени суть, и что вѣра ихъ; и

зовуть я Татари, а инѣи глаголють Таурмени, а друзіи Печенѣзи. Инѣи же глаголють, яко сѣи суть, о ни(хъ) же Мефодій, епископъ Патормскій, свѣдѣтельствуеть, яко сѣи суть вышли изъ пустыни Ефровскіа, сущи межи вѣстока и сѣвера. Тако бо глаголетъ Мефодій: яко въ скончаніе времени явитися имъ, ихже загна тамо Гедеонъ, и изшедше оттуду поплѣнять всю землю, отъ востока до Ефранта, и отъ Тигра до Понетскаго моря, кромѣ Ефіопіа. Богъ же вѣсть единъ, кто суть и отколѣ изыдоша, премудріи мужи вѣдаютъ я добръ, кто книги разумѣтъ; мы же ихъ не вѣмъ кто суть, но и здѣ написахомъ о нихъ памяти ради Рускихъ князь и бѣды, яже бысть отъ нихъ; но не сихъ же ради сѣе случися, но гордости ради и величанія Рускихъ князь попусти Богъ сему быти. Бѣша бо князи храбры мнози, и високоумны, и мнящеся своею храбростію съдѣловающе; имѣяхуть же и дружину многу и храбру, и тою величающеся, отъ нихже о единомъ вѣспоманемъ здѣ, описанія налѣзше. Бѣ нѣкто отъ Ростовскихъ жителей Александръ, глаголемый Поповичъ, и слуга бѣ у него именемъ Торопъ; служаше бо той Александръ великому князю Всеволоду Юріевичу, повнегда же дасть князь великій Всеволодъ градъ Ростовъ сыну своему князю Костантину, тогда и Александръ начатъ служити Костантину. Егда же преставися великій князь Всеволодъ, Костантину не восхотѣвшу быти въ Володимери, но у пречистіа Ростовскіа и чюдотворцевъ излюбы жити, тѣмъ и прошаше Вѣлодимера къ Ростову, а не Ростова къ Володимерю, ту бо омышляше столу быти великому княженію; но не въсхотѣ сего пречистая Богородица. И дасть князь великій Всеволодъ столъ свой меншему отъ Костантина сыну своему Юрію; тѣмъ Костантинъ гнѣвашеся на брата о княженіи, а князь великій Юрій многы браны на Костантина вѣздвиге, хотя съ Ростова съгнати его, и не попусти ему Господь. Пришедшу бо ему



на нь ратию, Костантинъ отъиде къ Костромѣ и тоа съѣже; князь великій Юрій стоаше подъ Ростовомъ, въ Пужбалѣ, а войско стояше за двѣ версты отъ Ростова, по рѣцѣ Ишнѣ, біахуть бо ся вмѣсто острога обѣ рѣку Ишню. Александръ же выходя многы люди великого князя Юрія избиваше, ихже костей накладыны могыли великы и донынѣ на рѣцѣ Ишнѣ, а инѣ по ону страну рѣки Уси, много бо людей бяше съ великимъ княземъ Юріемъ; а инѣ побіени отъ Александра же подъ Угодичами, на Узѣ, тѣ бо храбріи выскочивше на кою либо страну обороняху градъ Ростовъ молитвами Пречистыа. Многожды бо князь великій Юрій на братне достоаніе прихаждаше, но съ срамомъ вѣзвращашеся. Единоу выиде на него изъ Ростова Костантинъ, и бысть имѣ бой за Юріевымъ на рѣцѣ Гзѣ, и тамо побѣди Костантинъ, молитвами Пречистыа, своею правдою и тѣми же храбрыми Александромъ съ слугою Торопомъ; ту же бѣ и Тимоня Золотой поясъ. И ту убиша у великого князя храбраго Юряту, о семъ велими опечалися князь великій Юрій; побѣжденъ же смирился съ братомъ. Потомъ прииде на Ярослава Переяславского Мъстиславъ Мъстиславичъ, тестъ его, и инѣ князи, съ собою же и<sup>1</sup> Костантина подвигоша, а за Ярослава сталъ князь великій Юрій<sup>2</sup> за брата; и бысть имѣ бой на Липицахъ и на Юріевѣ горѣ, и ту всѣ полки великого князя Юрія избыти, въ нихже убіенъ бысть храбрый и безумный бояринъ Ратиборъ, иже похвалися сѣдлы наметати супротивныхъ. Князя же (Юрія) побѣдивше, и на столѣ въ Володимерѣ Костантина посадиша; два же лѣта Костантинъ бывъ князь великій, пакы столѣ дастъ брату Георгію, а лѣтемъ Ростовъ и Ярослав(ль), а самъ къ Господу отходитъ. Видѣвъ же Александръ князя своего умрѣша, а Юрія сѣдша на столѣ, раз-

мышляше о животѣ, еда како отдасть мышце-1224 нѣ князь великій, Юряты ради, и Ратибора и инѣхъ мнозѣхъ отъ дружины его, ихже избѣ Алекса(н)дръ; вскорѣ смысливъ посылаетъ своего слугу, ихже знаше храбрыхъ, прилучившихся въ то время, и съзываетъ ихъ къ собѣ въ городъ, обрѣтъ подъ Гремячимъ колодяземъ на рѣцѣ Гдѣ, иже и нынѣ той сопъ стоитъ пустъ. Ту бо събравшеся съвѣтъ сътвориша, аще служити начнутъ княземъ по разнымъ княженіямъ, то и не хотя имуть перебитися, понеже княземъ въ Руси велико неустроеніе и части боеве; тогда же рядъ положивше, яко служити имъ единому великому князю въ матери<sup>3</sup> градомъ Кіевѣ. Бѣ же тогда въ Кіевѣ князь великій Мъстиславъ храбрый Романовичъ Смоленского и Володимеръ Руриковичъ Ростиславича, въ то же время Мъстиславъ Мъстиславичъ въ Галичи, и быша челомъ вси тѣи храбрыи великому князю Мъстиславу Романовичу, о нихже князь великій велими гордящеся и хвалящеся, донележе сіа злоба<sup>4</sup> съключися, о ней же повѣсть предлежитъ. Начать бо слухъ проходить, яко сіи безбожніи многы страны поплѣниша: Ясы, Обезы, Касогы, и Половецъ безбожныхъ множество избыша, и приидоша на землю Половеческую. Половци же не могуще противитися бѣжаша, и многихъ избыша, а иныхъ погнаша по Дону въ лукоморя, и тамо избиваемы<sup>5</sup> гнѣвомъ Божіимъ и пречистыа его Матери; много бо зла сътвориша тѣ окааніи Половци Руской земли, того ради всемилостивый Богъ хотя погубити безбожныа сыны Измаиловы, Куманы, яко да отмъстятъ кровь христіанскую, еже и бысть надъ ними. Приидоша бо ти Таурмени на всю страну Куманскую, и гониша ихъ до рѣки Днѣпра, близъ Руси; и прибѣгоша окаанніи Половци, идеже зовется валъ Половеческій, оста-

(1) Въ подлинникъ: же отъ. (2) Тамъ же: юрію. (3) Тамъ же: въ мртри. (4) Тамъ же: сіа злоба донележе. (5) Тамъ же: избиваемо.



1224-токъ избытыхъ, Котягъ, князь Половеческій, съ инѣми князи, а Данило Кобяковичъ съ нимъ и Юрій Кончаковичъ (убьена быста). Сей же Котянтъ тестъ бѣ князю Мѣстиславу Мѣстиславичу Галичскому, и прииде съ поклономъ съ князи Половеческими къ зятю Мѣстиславу въ Галичъ и къ всѣмъ княземъ Рускимъ, и принесе дары многы, кони, и велбуди, и буйволы и дѣвки, и одариша всѣхъ князей Рускихъ, кланя(я)ся, ркуще: «днѣсь нашу землю отъяли суть, а вашу пришедше завтра вѣзмуть, то помозѣте намъ.» И вѣзмолися Котянтъ зятю своему Мѣстиславу; князь же Мѣстиславъ посла къ братіи своей, княземъ Рускимъ, съ молбою, рекъ: «поможемъ снмъ; аще ли же мы снмъ не поможемъ, то снѣ имуть предатися къ нимъ, то онимъ болши<sup>1</sup> будетъ сила, а намъ тяготиѣе будетъ отъ нихъ.» И тако думавше много о себѣ, и поклона для (и) молбы князей Половеческихъ яшася Котягу помагати, начаша вои пристраввати, каждо свою власть, князь великій Мѣстиславъ Романовичъ Ростиславича Кіевскій, и Мѣстиславъ Святославичъ Черниговскій<sup>2</sup> Всеволодича Козельскій, и Мѣстиславъ Мѣстиславичъ Галичскій, снѣ бо старѣйшіи земли Руской; съ ними же и младіи князи: Данило Романовичъ Мѣстиславича, и князь Михайло Всеволодичъ Черниговскій, и князь Всеволодъ Мѣстиславичъ Кіевского сынъ, и иніи князи мнози. Бывшу же свѣту ихъ въ Кіевѣ всѣхъ князей, послаша къ Володимеру къ великому князю Юрію Всеволодичу по помочь; онъ же посла имъ Василка Ростовскаго. Свѣщаща же князи, яко срѣсти ихъ на чужой земли, тогда же Половецкій князь крестыся Бастый, и свѣкупивше всю землю Рускую поидоша противу Татаромъ. Пришедши же имъ къ Днѣпру, на Зарубѣ, къ острову Варяжскому, тоже слышавше Татарове, оже идутъ князи Русіи

противу имъ, послаша къ нимъ послы свои, глаголюще: «се слышахомъ, оже идете противъ насъ, послушающе Половецъ, а мы вашеа земли не заяхомъ, ни городовъ вашихъ, ни селъ вашихъ, ни на васъ придохомъ; но придохомъ, Богомъ пушони, на конюхи и на холопы свои, на поганыя Половци, а вы вѣзмѣте съ нами миръ; а Половци, аще прибѣжатъ къ вамъ, то не приймайте ихъ, и бійте ихъ отъ себе, а товаръ ихъ вѣзмите къ собѣ, занеже слышахомъ яко и вамъ много зла творять, того ради и мы бѣемъ.» Князи же Русіи того не послушаша, но послы ихъ избыша, а сами поидоша противу имъ, и не дошедше Олѣшя и стаха на Днѣпръ; и прислаша къ нимъ Татарове второе послы, ркуще тако: «аще есте послушали Половецъ, а послы наши избыли, а идѣте противу насъ, то вы поидите; а мы васъ ничимъ не занимали, а всѣмъ намъ Богъ;» они же отпустиша послы ихъ. Ту прииде къ нимъ вся земля Половецкаа и съ князи своими. Тогда же Мѣстиславъ Мѣстиславичъ Галичскій, въ тысячи войска, перебродися рѣку Днѣпръ на сторожи Татарскія, и побѣди ихъ, а останокъ ихъ вѣбѣже въ курганъ Половецкій (съ) своимъ воеводою Гемябѣкомъ, и ту имъ не бы(сть) помочи; и погребоша воеводу своего Гемябѣка живого въ землю, хотяще его ублюсти, и ту его налѣзоша, испросивше его Половци у Мѣстислава, и убиша его. То же слышавше князи Русіи, поидоша за Днѣпръ на множествѣ<sup>3</sup> лодей: Мѣстиславъ князь великій Романовичъ съ Кіаны, Володимеръ Руриковичъ (съ) Смолняны, Черниговскіи князи, Галичане, и Волинцы, и Куряне, и Трубочане, и Путивльци, и вся страны Рускія, и вси князи и множество вой. Придоша же выгонцы Галичскіе въ лодіяхъ по Днѣстру въ море, бѣ же тысяща лодей, изъ моря выидоша въ Днѣпръ, и вѣзведше пороги, стаха у рѣки Хортици, на

(1) Въ подлинникъ: болшимъ. (2) Тамъ же: черниговскій и. (3) Тамъ же: множество.



бродѣ у протолчіи; воевода же у нихъ Юрій Домарѣвичъ, а другой Держикрай Водиславича. Придоша же имъ вѣсти, яко Татарове придоша къ нимъ посмотри Рускихъ полковъ; Данидо же Романовичъ (и) иніи князи, всѣдше на коня, погнаша видѣти рати Татарскіа, и видѣвше послаша къ великому князю ко Мстиславу Романовичу, рекуще: «Мстиславе (и Мстиславъ)! не стойте, поидемъ противу имъ.» И поидоша въ поле, и срѣтоша ихъ Татарове, и ту стрѣлци Русстіи погнаша ихъ въ поле далече, ихъ сѣкуще; и взяша скоты ихъ, а съ стады утекоша. И оттуду идоша по нихъ осмь днѣй до рѣки Калка, и послаша въ сторожихъ Яруна съ Половци, а сами станомъ стаха ту; и ту срѣтошася съ сторожи, и убиша Ивана Дмитріевича и ина два съ нимъ, а Татарове възвратишася. Князь же Мстиславъ Мстиславичъ Галицкій повелѣ Данилу Романовичу перейти рѣку Калку съ полки, а самъ по нихъ прииде; перешедъ стаха станомъ. Поиха же и самъ на сторожи Мстиславъ, и видѣвъ полки Татарскіе, прииха и повелѣ въоружатися воємъ своимъ, а два Мстислава въ стану бяху, того не вѣдающе: не повѣда бо имъ зависти ради, бѣ бо межи ихъ прѣ велика. Тако (съ)ступишася полки, и напередъ ихъ на Татарове и Данило Романовичъ, и Семень Олюевичъ, и Василко Гавриловичъ; ту Василка събодоша, а Данилу убодену бывшу въ перси, но не чюяше, буети ради и мужества, бѣ бо младъ, осминадесяти лѣтъ, но крѣпокъ баше на брань, избиваше Татаръ мужественѣ полкомъ своимъ. Также и Мстиславъ Нѣмый потече на нихъ, и той бѣ крѣпокъ, и видѣвъ яко събодоша Данила, бѣ бо ужика отцу его, любовь имѣа къ нему, ему же и власть по себѣ обща. Также и Олгу Курскому крѣпко біющюся<sup>1</sup>, также и Ярунь съ Половци прииде, съступыся съ Татарами, хотя съ ними бы-

тиса, но пакы Половци въскорѣ побѣгоша 1224 назадъ, не успѣвше ничтоже, и потопташа бѣжучи станы Рускихъ князей, а князи не успѣша исполчитися противу имъ; и тако смятошася полци Русстіи, и бысть сѣча зла, грѣхъ ради нашихъ, и бысть побѣда на князи Рускіа, якоже не бывала отъ начала Рускіе земли. Князь великій же Мстиславъ Романовичъ Кіевскій, внукъ Ростиславъ Мстиславича, сына Владимирова Манамахова, и князь Андрѣй зять его, и Александръ Дубровскій, видѣвше се зло, не двигошася никаможе съ мѣста; стали бо на горѣ надъ рѣкою Калкою, бѣ бо мѣсто то каменно, и учиниша себѣ городъ коліемъ, и бишася съ ними изъ города того по 3 дни. Татарове же поидоша по<sup>2</sup> Рускихъ князехъ<sup>3</sup>, гониша ихъ біюще до Днѣпра, а у города того оставшася два воеводи, Чегырканы и Тешуканы, на Мстислава Романовича, и на зятя его Андрея и на Александра на Дубровского; тѣмъ бо два князя съ Мстиславомъ. Быша же съ Татарами и Бродницы, а воевода у нихъ Пłosкиня; и той окаанный воевода цѣлова крестъ къ великому князю Мстиславу, и къ обѣмъ княземъ и къ всѣмъ сущимъ съ нимъ, яко не избыти ихъ, но окупъ взяти на нихъ, и солгавъ окаанный предасть ихъ Татаромъ связавъ; а городъ вземъ людей изсѣкоша, и ту костію падоша, а князей издавиша, подкладше подъ дощкі, а сами на верху сѣдоша обѣдати, и тако издохошася и животъ свой скончаша. А иныхъ князей, опроче того, до Днѣпра гоняще, избивша 6: князя Святослава Каневского, Изяслава Ингваревича, Святослава Шумского, Мстислава Черниговского съ сыномъ, Юрія Несвѣжского, а вой толко десятыи прииде; и Александръ Поповичъ ту убиенъ бысть съ инѣми седмьдесятію храбрыхъ. Князь же Мстиславъ Мстиславичъ Галицкій переже всѣхъ пребѣгъ за Днѣпръ, по-

(1) Въ подлинникѣ: біющися. (2) Тамъ же: послѣ. (3) Тамъ же: князей.



1224 велѣ лодіи пережечь, а иныя отъ берега отрѣа,  
 1225 боячися погони, а самъ едва убѣже въ Галичъ;  
 а Володимеръ Руриковичъ, брата(ничъ) Романовъ<sup>1</sup>, внукъ Ростиславль Мъстиславича, сѣде въ Кіевѣ, мѣсяца іюня 16 день. А злоба случилася мѣсяца маа 30, на память святаго мученика Еремеа. Войска же остатокъ, десятый, прииде кождо во своа, а иныхъ Половци избыша ис коня, а иныхъ ис порта. И тако, за грѣхы наша, Богъ вложи недоумѣніе въ насъ и погыбе множество бес числа людій. Татарове же гнашася по Руси до Новагорода Святополчего, христіане же, не вѣдуще лести Татарскыя, выидоша противу ихъ съ кресты, и тако избыша ихъ; глаголаху же, яко единѣхъ же Кіань изгыбе тогда 30 тысячъ, и бысть плачь и вопль по всеѣмъ градомъ и по селомъ. Татарове же възвратишася отъ рѣки Днѣпра, и не свѣдаемъ откуда были пришли, и камо ся дѣли; единъ Богъ вѣсть, откуда приведе, за грѣхы наша, и за похвалу и гордость великого князя Мъстислава Романовича. Глаголють бо, яко прииде слухъ про сихъ Татаръ, яко многы земли плѣнуютъ, а приближаются Рускимъ странамъ, и сповѣдаша ему о нихъ; онъ же отрече: «дондеже есмь на Кіевѣ, то по Яико, и по Понтійское море, и по рѣку Дунай саблѣ не махивати.» Василка же Костантиновича тогда Богъ съблюде, прииде бо съ полки ко Чернигову въ помощь; слышавъ се зло, случившеся въ Руси, възвратися въ свой Ростовъ, съхранень Богомъ. Того же лѣта бысть громъ страшенъ въ Новѣгородѣ, маіа въ 20, згорѣ церковь святаго Троица, а челоуѣка два мертвы быша. Того же лѣта въ Новѣгородѣ създа Семень Борисовичъ церковь каменну святаго Павла, и святаго Семіона Богоприемца, и святою Костантина и Елены; и святитиша ю на празникъ ноебря 6. Того же лѣта поиде князь Всеволодъ Юріевичъ вдругіе изъ Новагорода, утаився, съ всеѣмъ дворомъ своимъ;

приихавъ сѣде въ Торжъку. И прииха къ нему отецъ его, князь великій Юрій, съ полкы и братъ его Ярославъ, и Василко Костантиновичъ съ Ростовци, и князь Михайло Черниговскій съ Черниговци. И послаша Новогогородци къ великому князю Юрію на Торжокъ 2 мужа, глаголющи: «княже, пусти намъ дитя, а самъ поиди съ Торжъку.» Князь великій же Юрій (рече) посломъ: «выдайте Якимъ Иванковича, Сѣдиму Савинича, Вячка, Иванца, Радка; аще ли не выдадите, а поимъ есмь конь Тѣфрію, а еще Волхвомъ напою.» Новогородци же скопиша всю волость, а около города острогъ доспѣша, къ великому князю Юрію послаша Полюда, Вячеслава Прокшинича, Іоанна Ярышевича, глаголющи: «княже, кланяемъ ти ся, а братіи своей не выдаваемъ, а крови не проливай; пакы ли твой мечъ, а наши головы.» Новогородци же по путемъ сторожи поставиша, а тверди издѣлаша, хотѣша умрети за святую Софію о пасадникѣ Иванкѣ Дмитровичѣ; князь великій же Юрій съ Новогородцкими послы посла свой посолъ (и) Романа тысяческаго, князь<sup>2</sup> Михайловъ посолъ Черниговского, глаголя: «възмите себѣ шурина моего Михаила.» Новогородци же послаша себѣ по князя Михаила; а князь великій Юрій поиде съ Торжъку, и много имъ пакости подѣа, взя<sup>3</sup> на нихъ 7000 новую.

Въ лѣто 6733. Князь великій Юрій заложилъ церковь каменну святаго Спаса въ Новѣгородѣ въ Нижнемъ. Того же лѣта създана бысть церква святаго Богородица въ Суздалѣ, и священа епископомъ Симономъ, септеврѣа 8. Того же лѣта прииде князь Михайло Всеволодичъ, внукъ Олговъ, и бысть легко по волости и по городу. Того же лѣта поиде князь Михайло Всеволодичъ къ зятю своему, великому князю Юрію, въ Володимеръ, пойма со собою мужи Новогородскіа, правити товара, что ималъ на Торжъку и по Новогородской воло-

(1) Въ подлинникѣ: романа. (2) Тамъ же: и князь. (3) Тамъ же: възму.



сти. Того же лѣта прииде князь Михайлъ отъ великого князя Юрія, исправивъ товары, и ста на Ярославли дворѣ, и рече Новгородцомъ: «не хочу у васъ княжити, иду къ Чернигову; а вы гость ко мнѣ пускайте; а яко земля ваша, тако земля моя.» Новгородци же много уимаха его, молячися, и не могоша его умолити, и тако провадиша его съ честію. Новгородци же послашася къ Ярославу Всеволодичу въ Переяславль. Того же лѣта архіепископъ Антоній прииде съ Перемышля въ Новгородъ, и сѣде на своемъ столѣ; и ради быша Новгородци своему владыцѣ.

Въ лѣто 6734. На зиму придоша Новгородци съ молбою по Ярослава, зовучи его къ себѣ на столъ; Ярослав же управися съ ними на всей своей воли, начатъ отдавати свестъ свою за Ярослава, Муромского князя. Еще ему не оправившу сватбы, ни мужей Новгородскихъ отпустившу отъ себе, которіи бяху пришли по него, зовучи его къ себѣ на столъ, прииде къ нему вѣсть, яко пришедше Литва воюеть около Торжъку, въ семи тысячихъ, и около Новгорода, и около Торопца, и Смоленскую волость; и повоеваша около Торжъку бес числа, не догониша до Торжъку за три версты, и гость быша много, и Торопецкую волость всю поимаша. Тоже слышавъ Ярославъ, скоро погна по нихъ ис Переяславля съ полкомъ своимъ, и съ нимъ же Володимеръ съ сыномъ и съ Новоторжъци, и Новгородцовъ мало, Торопчанъ съ княземъ своимъ Давыдомъ поидоша по нихъ, а по Новгородцовъ послаша; они же дошедше Русы възвратишася опять. Князь же Ярославъ постиже ихъ въ Полотцкой земли на Вѣстѣ, у Овѣсвячо городка<sup>1</sup>, они же исполчишася противу ему при озерѣ, въ недѣлю сыропустную, и бышася съ нимъ на озерѣ; и тако Божіею помощію побѣди ихъ Ярославъ, по-

лонъ весь отъя, а самихъ изби, а изымалъ<sup>1225</sup> ихъ 2 тысячи, а князя ихъ ятъ. На томъ бою<sup>1227</sup> убиша у Ярослава блаженного князя Давыда Торопецкого и Василя, меченошу Ярославля. Оттуду поиде Ярославъ<sup>2</sup> къ Новгороду на всей своей воли, и сѣде на столѣ лѣта 6734; се бысть третіе сѣденіе его въ Новгородѣ. Пришедше Ярославъ въ Новгородъ, не положи того въ гнѣвъ, что не пошли по немъ Новгородци. Тогда же поставиша церковь Рождества Христова. Того же лѣта преставися Симонъ, епископъ Володимерскій, и положенъ бысть въ церкви святыхъ Богородица Златоверхія. (Въ) томъ же лѣтѣ<sup>3</sup> князь великій Юрій Всеволодичъ отда дочерь свою замужъ за Василка Романовича Галицкого. Того же лѣта, мѣсяца априля въ 16 день, на память святыхъ мученици Ирины, въ великій четвертокъ, преставися игуменъ святаго Георгія Саватія, архимандритъ Новгородскій. Прежде своего преставленія Саватій сѣзва владыку Антонія, и посадника Иванка и вси Новгородци, и запрети братіи своей и всѣхъ Новгородцовъ: «изберѣте себѣ игумена.» Они же рекоша: «кого ты благословишь?» Онъ же рече: «выведите Гречина по па святу<sup>4</sup> Костантина и Елены.» И въведоша мужа добра и боящася Бога Гречина, и постригоша его того дни, мѣсяца марта 2, на память святаго Феодота; и поставиша его игуменомъ марта 8. день, на память святаго Феофилакта, на Съборѣ. Того же лѣта заложилъ церковь каменну святаго Іакова въ Неревскомъ коньци.

<sup>5</sup>Въ лѣто 6735, зимѣ, ходилъ князь великій Юрій Всеволодичъ, въ помощь князю Михаилу Черниговскому, на Олга Курскаго; тогда же тамо случися быти митрополиту Кирилу, и смири ихъ, и поятъ его князь великій Юрій съ собою въ Володимеръ, и много чтить его отпусти. Тогда же поставилъ въ епископы Ми-

(1) *Въ Полн. Собр. Лѣт. т. III, стр. 42 читаемъ:* на вѣсвятѣ. (2) *Въ подлинникѣ:* ярославль. (3) *Тамъ же:* лѣтъ. (4) *Тамъ же:* въ святу<sup>ю</sup> церковь. (5) *Тамъ же противъ этого мѣста, на поляхъ, написано:* влады.



1227 трофана, игумена Рождественаго, мѣсяца марта  
1228 въ 14. Тоѣ же зими князь великій Юрій по-  
сыла братію на Мордву, Святослава и Ива-  
на, и повсеваша ю. Того же лѣта князь Яро-  
славъ съ Новгородци ходи на Имъ, на Нѣмци,  
ратію за море; и поплѣни всю землю ихъ, и  
толико полона взя, яко не могоша отвести  
его всего, но изсѣкоша, а иныхъ отпустиша.

<sup>1</sup>Того же лѣта съжгоша влѣхвовъ четырехъ,  
творяхуть ихъ потвори<sup>2</sup> дѣюще, а Богъ вѣсть;  
а жгоша ихъ на Ярославли двори. Того же  
лѣта исписа церковь Святыхъ 40 Мученикъ  
Вячеславъ Прокшиничъ, внукъ Малышковъ.  
<sup>3</sup>Того же лѣта погорѣ градъ Володимеръ, и  
церквей съгорѣ 20 и 7, и дворъ князь Ко-  
нстантиновъ, и церковь на его дворѣ архан-  
гелъ Михаилъ, юже бѣ чюдну устроилъ. Того  
же лѣта посла князь великій Юрій сыновца  
своего Всеволода Константиновича въ Пе-  
реяславль Рускій на столъ.

Въ лѣто 6736, мѣсяца генваря 6, постригся  
въ схиму князь Володимеръ Всеволодичъ, и  
преставися, и положень бысть въ церкви свя-  
тыя Богородица Златоверхой. Тоѣ же зими  
женися Василко Ростовскій Константиновичъ  
у князя Михаила у Черниговского. Тоѣ же  
зими Мъстиславъ Мъстиславичъ Торопецкій  
княжи въ Галичи, иде изъ Галича Кіеву, и  
на пути разболѣся, и пострижеся въ схиму,  
и преставися. Того же лѣта женися Всево-  
лодъ Константиновичъ въ Переяславли Ру-  
скомъ, поятъ Олгову дщерь Святославича<sup>4</sup>.  
Того же лѣта преставися князь Давыдъ Му-  
ромскій въ черныцехъ и въ схимѣ. Князь  
Константинъ-Святославъ отпусти княгыню свою  
по свѣту, въсхотѣвшу и въ монастырь, и  
дасть ей надѣлокъ многъ; она же иде къ  
братіи, пострижеся на пути, идучи въ<sup>5</sup> Му-  
ромъ. <sup>6</sup>Того же лѣта архіепископъ<sup>7</sup> Новгород-

скій Антоній поиде къ святому Спасу на Хути-  
ню, по своей воли. Того же лѣта князь Яро-  
славъ поиде въ Плесковъ съ посадникомъ Иван-  
комъ и тысяческымъ Вячеславомъ, и слы-  
шавше Плесковичи, яко идетъ къ нимъ князь,  
и затворишася въ градъ; князь же постоявъ  
на Дубровнѣ възвратися въ Новгородъ; про-  
шла бо бѣше вѣсть си въ Плесковѣ, яко везетъ  
оковы, хотя ковати вятшіи мужи. И пришедъ  
Ярославъ сътвори вѣче въ владычнѣ дворѣ,  
и рече: «яко не мыслить есмь до Плесковичъ  
груба ничегоже, но везлъ есмь былъ въ ко-  
робіяхъ дары, паволокы и овощи; а они мя  
обеществовали;» и положи на нихъ жалобу<sup>8</sup>  
велику. Того же лѣта придоша Имъ воевати  
въ Ладожское озеро, въ лоткахъ, и приде  
вѣсть въ Новгородъ на Спасовъ день; Ново-  
городци же, всѣдше въ насады, прихаша въ  
Ладогу съ княземъ Ярославомъ. И Володи-  
славъ<sup>9</sup>, посадникъ Ладожскій, и съ Ладожанъ,  
не дождавъ Новгородецъ, гонися въ лодіяхъ  
по нихъ въ слѣдъ, где они воюють, и постиже  
ихъ, и бися съ ними, и бысть ночь, и от-  
ступиша въ островъ далече<sup>10</sup>, а Имъ на брезѣ  
съ полономъ, воевали бо около озера на Иса-  
дехъ и Олонесъ; той же ноци просиша мира,  
и не да имъ посадникъ съ Ладожанъ; они же  
иссѣкше полонъ весь, а сами побѣгоша на  
лѣсъ пѣши; много ихъ ту паде, а лоткы ихъ  
съжгоша. Новгородци же стоаша въ Невѣ  
нѣколико днѣй, и сътвориша вѣче, и хотѣша  
убити Судимира, и съкры его князь въ на-  
садѣ у себе; оттолѣ възвратиса въ Новъ-  
городъ, Ладожанъ не дождавъ. А иныхъ  
Ижера срѣтоша бѣгающихъ, избиша ихъ  
много, а остатокъ ихъ разбѣжеся, и тѣхъ  
Корѣла избиша; бѣ бо ихъ пришло 2000, или  
болѣ, а то все мертво. Тогда же Ярославъ<sup>11</sup>  
приведе полки ис Переяславля, а ркучи: «хо-

(1) Въ подлинникъ противъ этого мѣста, на полѣ, написано: нов. (2) Тамъ же: повтори. (3) Тамъ же про-  
тивъ этого мѣста, на полѣ, написано: владі. (4) Тамъ же: стославича. (5) Тамъ же: съ. (6) Тамъ же противъ  
этого мѣста, на полѣ, написано: нов. (7) Тамъ же: архіепископъ. (8) Тамъ же: жалобу. (9) Тамъ же:  
володиславъ. (10) Въ Полн. Собр. Лѣт. т. III, стр. 42, читаемъ: въ островълецъ. (11) Въ подлинникъ: ярославъ.



щу ити на Ригу.» И сташа около Городища шатры, а иныя въ Славнѣ по подворіемъ; и въздорожиша все по торгу, и хлѣбъ, и мяса и рыбы, и ста дороговъ: купляху хлѣбъ по 2 кунѣ, кадь рѣжи по 3 гривны, а пше- ницы по 5 гривенъ, а пшена по 7 гривенъ, и тако ста по 3 лѣта. То же слышавше Плесковичи, яко приведе Ярославъ<sup>1</sup> полкы, и убоявшеся того, взяша миръ съ Рижаны, Новгородъ выложивше, а ркучи: «то вы, а то Новгородъ, а намъ не надобѣ; но оже поидутъ на насъ, то вы намъ помозѣте.» И они рекоша: «такъ буди;» и поаша у нихъ 40 мужъ въ талбу. Новѣгородци же увѣдавши, рекоша: «князь насъ зоветъ на Ригу, а хотя ити на Плесковъ.» Тогда же князь посла Мишу въ Плесковъ, ркучи: «поидите съ мною на путь, а зла есми до васъ не мыслилъ никоторого, а тѣхъ ми въздайте, кто мя обадилъ къ вамъ.» И рекоша Плесковичи, приславше Гречина: «тебѣ ся, княже, кланяемъ и братіи Нового- родномъ, а на путь не идемъ, а братіи своей не выдаемъ<sup>2</sup>, а съ Рижаны есми миръ взяли; къ Коливаню есте ходивше сребро взяли, а сами поидосте въ Новгородъ, а правды не сътвористе, города не взясте, а у Кѣси тако- же, а у Медвѣжи Головы такоже, а за то нашу братію избиша на озерѣ, а иніи пове- дени; а вы роздравше да прочь; или есте на насъ удумалы? то мы противу васъ съ свя- тою Богородицею и съ поклономъ, то вы лучше насъ исѣкните, а жены и дѣти поем- лите себѣ, а не лучше поганіи; то вамъ ся кланяемъ.» Новгородци же рекоша князю: «мы безъ своеа братіи, безъ Плесковичъ, не имемся на Ригу; а тобѣ ся, княже, кланяемъ;» много же князь нудивъ, и не яшася по путь<sup>3</sup> Тогда же князь Ярославъ полкы своя по до- момъ посла. Плесковичи же бяху тогда по-

вели Нѣмци и Чюдъ, Лотыголу и Либъ, и отпу- 1228  
стиша а опять; а тѣхъ, кто ималъ придатокъ 1229  
у Ярослава, выгнаша ис Плескова, глаголющи:  
«поидите по князи своемъ, намъ есте не бра-  
тіа.» //

Въ лѣто 6737. Тоя осени князь Ярославъ поиде съ княгынею изъ Новагорода къ Пе- реяславлю, а въ Новѣгородѣ остави два сына своя, Феодора и Александра, съ Феодоромъ<sup>4</sup> Даниловичемъ, съ тіуномъ Якимомъ. Тоя же осени наиде дождъ великъ, и день и ночь, на- шедъ на Господинъ день даже до Николина дни не видѣхомъ свѣтла дни; ни сѣна лю- демъ нелзѣ быше добыти, ни (нивъ) удѣлати. Тогда же окаанный діаволъ, исперва не хотя (добра) роду человѣческому и завидѣвъ ему, зане прогонять его ношнымъ стоаніемъ, пѣніемъ и молитвами, и въздвиже на Арсеніа, мужа кротка и смирена, крамолу велику, простую чадъ; и сътвориша вѣче на Ярославли дворѣ, и поидоша на владыченъ дворъ, ркуще: «того дѣля тепло стоитъ долго, выпровадилъ Ан- тоніа владыку на Хутино, а самъ сѣлъ, давъ мзду князю.» И акы злодѣа пхающе, а иніи за воротъ, выгнаша, мало ублюде его Богъ отъ смерти, затворися въ церкви святой Софії, иде на Хутино; а заутра въведоша опять Антоніа архіепископа, и посадиша съ нимъ два мужа, Ягуна Моисеевича, Никифора Щит- ника. И не ту ся конча зло, но еще и болѣ того: възматся<sup>5</sup> городъ весь, и поидоша съ вѣча, въ оружїи, на тысяческаго Вячеслава, и розграбиша дворъ его, и брата его Богу- слава, и Андрейцовъ владычня столника, и Давыдко(въ) Софѣйского, и Судимировъ; а на Душица на Липенского старосту тамо пос- лаша грабити, а самого хотѣша повѣсити, но ускочи<sup>6</sup> къ Ярославу, а жену его яша, а ркучи, «яко ти на зло князя водятъ.» Тоя же осе-

(1) Въ подлинникѣ: ярославъ. (2) Тамъ же: не навидаемъ. (3) Тамъ же: не по путь яшася. (4) Тамъ же: с Феодоромъ. (5) Тамъ же: възматется. (6) Тамъ же: ускори.



1229 ни вода бысть велика въ Вльховѣ, пойма около озера сѣна; тогда помръзшу озеру и стоявшу 3 дни, и въздере югъ вѣтръ, излома и внесе въ Вльховъ, и воздере 9 городень великаго моста, и принесе къ Пидбѣ, мѣсяца декабря въ 8. Не хотяше Богъ кровопролитіа братіи и діаволу радости дати, радуется бо ся о кровопролитіи о братни, окаанній; но изволи тако благый Богъ быти. Тогда отъяша тысяческое у Вячеслава, и даша Борису Нѣгочевичу, а (къ) князю послаша Ярославу на томъ: «пойди къ намъ, забожничье (от)ложи, судій по волости не послати; на всей воли нашей и на грамотахъ на всѣхъ Ярославлихъ ты нашъ князь; или ты себѣ, а мы себѣ.» Тоя же зыми, въ вторникъ сыропустныя недѣли, Оеодоръ Даниловичъ съ тіуномъ Якимомъ, поимше съ собою два княжича, Оеодора и Александра Ярославичевъ, побѣже въ ноци изъ Новгорода. Тогда Новгородци рѣша: «даждь что здумае на святую Софью побѣгль, а мы ихъ не гонили, но братію свою казнили есмя, а князю есми зла не учинили ничего же; да оно имъ Богъ и честный крестъ, а мы себѣ князя промыслимъ.» И цѣловаша святую Богородицу, яко быти всѣмъ одинакимъ, и послаша по князя Михаила въ Черниговъ. Хотя Станимировича, Гаврила съ Лубяници; и быша въ Смоленскѣ, и не пусти ихъ князь Смоленскій, по наученію Яросл(ав)ю, и пути заяша всѣ. Но оже Богъ по насъ, то кто на ны? И увѣдавъ Михаилъ, яко пріати суть послы Новгородскыя, бѣ бо тогда въ Брыну съ сыномъ, и поиде въборзѣ на Торжокъ, и ради быша вси; пріиде на вербницу на Торжокъ, и съ Торжку поиде къ Новугороду. И пріиде князь Михайло Всеволодичъ Черниговскій въ Новгородъ, въ недѣлю Оомину, и ради быша Новгородци своему хотѣнію, и цѣлова<sup>1</sup> крестъ на всей воли Новгородской и на всихъ грамотахъ Ярославлихъ; и вда свободу смер-

дамъ на 5 лѣтъ дани не платити, кто збѣжалъ на чужую землю, а кто zde живетъ, тѣмъ повелѣ тако: платите дань, како установили пережніи князи. А на Ярославлихъ любовницѣхъ поимаша Новгородци кунъ много и на Городищанехъ, а дворовъ (ихъ) не грабячи, и даша на великій мостъ. Того же лѣта князь великій Юрій съ братією и съ братаничи ходиша на Мордву Поргасову, и повоеваша ея. Князь великій же Юрій посла брата Святослава въ Переяславль Рускій на столъ. Въ то же лѣто заложилъ великій мостъ выше старого. И тогда отъяша посадничество у Иванка, и даша Внѣзду Водовику, а Иванку даша Торжокъ; и не пріаша его Новоторжъци, онъ же оттуду иде къ Ярославу въ Переяславль. Того же лѣта рече князь Михаилъ Новгородцомъ: «се у васъ владыкы нѣтъ, а нелѣпо быти<sup>2</sup> граду сему безъ владыкы; оже Богъ казнь свою възложилъ на Антонія, а вы ищете такова мужа.» И нѣкото-рии князю рекоша: «есть чрънецъ діаконъ у святого Георгія, именемъ Спиридонъ, достоинъ есть того.» А иніи хотяху Іосифа, епископа Володимерскаго Волынскаго, а другія Гречина; и «кого дасть митрополитъ, тотъ намъ отецъ.» И рече князь Михаилъ: «да положимъ жребій, который Богъ дасть намъ.» И положиша на святѣй трапезѣ имена написавше, и послаша изъ гридниці владычни княжича Ростислава Михайловича; изволи Богъ служителя себѣ и пастыря словесныхъ овецъ Новугороду и всей области его, и вынѣся жребій Спиридонъ; и послаша по него въ манастирь къ святому Георгію, и приведше посадиша его въ дворѣ, дондеже поиде къ Киеву ставитися. Того же лѣта поиде князь Михайло къ братіи въ Черниговъ, и поемля съ собою Новгородци: Богуслава Гориславича, Сбыслава<sup>3</sup> Якуновича, Домаша Твердиславича, Глѣба посаднича сына, Михалка Никифоровича,

(1) Въ подлинникъ: цѣловаша. (2) Тамъ же: быти. (3) Тамъ же: сбусава.



Михаила Прикупова, а сына своего Ростислава остави въ Новѣгородѣ; «а мнѣ дай Богъ исправити правда Новгородцаа, тоже по-ня(ти) отъ васъ сына своего.» И посла къ Ярославу Нѣздыла Прокшинича, Иванка Тудорковича, ркучи сице: «отступиися Волока, то есть Новгородцаа<sup>1</sup> волость, и что есть Новгородского за тобою, силою еси зашолъ.» И рече Ярославъ: «того ся не отступаю, а креста не цѣлюю; вы собѣ, а я себѣ.» И дрѣжа послы все лѣто. Того же лѣта поиде діаконъ Спиридонъ ставитися въ Кіевъ къ митрополиту. Того же лѣта Ярославъ послуша свѣтниківъ, отлучи отъ великого князя Юрія Василка Константиновича и Всеволода Володимировича; князь великій же Юрій призва ихъ, и управишася межи себе. Того же лѣта убіенъ бысть нѣкій христіанинъ Авраамій за православную вѣру, и устѣченъ бысть отъ Болгаръ, априля 1, тамо и погребенъ бысть; сътвори же Богъ отмщеніе его въскорѣ, погорѣ градъ ихъ Великій и много множество товара згорѣ<sup>2</sup>. На ту же зиму, лѣта 6738, мѣсяца марта 6, принесоша того Аврааміа изъ Болгарьской земли, и положиша его въ Володимери въ церкви святыа Богородица, въ монастыри княги(ни)нѣ (Всеволожи). Кирилъ, епископъ<sup>3</sup> Ростовскій, оставивъ свою епископію, иде въ Суздалькъ святому Дмитрію, въ свою килію, хотя лѣчити свою немощь, боляше внутренею; лице бо его бѣ измѣнилось и почернѣло, а устнѣ и носъ отлстѣ. Къ тому же еще ино искушеніе прииде на нь: во единъ день все богатство отѣяся отъ него нѣкоторою тяжею, судившу тако Ярославу. Бяше бо Кирилъ богатъ зѣло кунами, и селы, и книгами и всѣмъ товаромъ, и просто рещи тако бѣ богатъ, яко ни единъ таковъ преже его бывшихъ епископъ въ Ростовстей<sup>4</sup> земли. Онъ же о всемъ о томъ вѣзда хвалу Богу, и

пострижесе въ схиму, и разда оставше богатство сердоболямъ и нищимъ. 1229  
1230

Въ лѣто 6738. Кирилъ митрополитъ отписася митрополіи, и бысть въ него мѣсто Кирилъ же причетникъ. Того же лѣта Константиновичи у дяди у великого князя у Юрія испросиша Кирила, архимандрита Рождественаго, (на) епископство Ростову. Тогда же князь великій Юрій жени сына Всеволода у Володимера Руриковича. Тоя же зыми воеваша Литва Любно, и Мореву и Серегеръ; и гонишася по нихъ Новгородци, и угонивше ихъ биша, а полонъ отѣяша. Того же лѣта, мая 3 день, въ пятокъ 5 недѣли по Велицѣ дни, въ обѣдную, потрясеса земля Владимирская, и Кіевская, и Новгородская, и просто вся, и церкви разсѣдошася, и трапезница Печерскаго монастыря каменаа, въ ней же уготовано на обѣдъ ястіе и питіе, то все потре каменіе. То же, братіе, быша не на добро, но на зло, грѣхъ ради нашихъ; Богъ намъ знаменіа кажетъ, да быхомъ ся покаали (отъ) грѣхъ<sup>5</sup> нашихъ; колику<sup>6</sup> Богъ наведе на ны смерть тоа весны, да то мы видяще не разумѣхомъ, но скорѣйше быхомъ на зло. Того же мѣсяца мая въ 14, въ вторникъ 7 недѣли по пасцѣ, въ 3 часть дни, померче солнце, бысть яко мѣсяць въ 5 часть нощи, и явишася обополы его столпы черлены, и зелены и сини. Такожъ въ Кіевѣ сніде огнь съ небеси, аки облакъ великъ, надъ ручай Лыбеды, а людемъ отчаявшимся живота и прашающимъ, мнящи кончину; и прииде черезъ весь градъ безъ пакости, людіе бо горцѣ съ плачемъ вси възопиша къ Богу; а въ Новгородѣ толко бысть солнце яко мѣсяць молодъ 5 часовъ нощи. Того же мѣсяца 19, въ недѣлю святыхъ отецъ, прииде архіепископъ Спиридонъ въ Новѣгородъ, поставленъ отъ митрополита Кирила; поставленъ

(1) Въ подлинникѣ: новгородцаа. (2) Тамъ же: зголъ. (3) Тамъ же: еп<sup>с</sup>къ. (4) Тамъ же: въ ростовѣ. (5) Тамъ же: грѣхъ ради. (6) Тамъ же: колико.



1230 въ попы въ сиропустную недѣлю, и въ ар-  
 1231 хіепископы на Съборѣ. Того же лѣта при-  
 ходи въ Володимеръ ис Кіева митрополитъ  
 Кирилъ, смири князя Михаила Чернигов-  
 ского съ Ярославомъ; а неправъ бѣ князь  
 Михайло предъ Ярославомъ въ крестномъ цѣ-  
 лованіи, хотяше ити на нь, и едва умири его  
 митрополитъ, и епископъ Черниговскій Пер-  
 фирей (и) игумень Берестовскій. Того же лѣ-  
 та Святославъ Всеволодичъ раздру(ши) церковь  
 въ Юріевѣ, еже бѣ обетшала, юже былъ  
 прежде създалъ дѣдъ его Юрій Долгорукій; а  
 стояла та церковь 80 лѣтъ безъ лѣта. И създа  
 ю Святославъ чюдну, рѣзанымъ каменемъ, а  
 самъ бѣ мастеръ. Того же лѣта князь Ми-  
 хайль Черниговскій сътвори постригы сыну  
 своему Ростиславу у святыа Софіи, и устри-  
 же власы архіепископъ Спиридонъ; и посади  
 его на столѣ, а самъ поиде въ Черниговъ.  
 Того же лѣта розопрѣшася смерди Новго-  
 родци, Степанъ Твердиславичъ съ посадни-  
 комъ съ Внѣздомъ Водовикомъ, Иванко Ти-  
 мошкиничъ по Степанѣ сталъ, и биша Иван-  
 ка на Городищи паробки посадниччи Внѣздо-  
 вы; а завтра сътвори вѣче на Ярославли  
 дворѣ, и поиде на дворъ его, и розграбиша  
 его. Посадникъ же опять възвари городъ  
 весь и Семень Борисовичъ на Иванка, и на  
 Якима Влунковича и на Прокшу Лашнева,  
 и поидоша съ вѣча, и много дворовъ роз-  
 грабиша, а Волоса Блудкинича на вѣчи уби-  
 ша, рече посадникъ: «ты еси мой дворъ хо-  
 тѣлъ зажечи;» а Прокшинъ дворъ зажгоша,  
 а Якимъ бѣжа къ Ярославу, а иніи схоро-  
 нишася, но и тѣхъ уротивше пустиша; а  
 Иванка послѣ емше уби Водовикъ, и вѣврѣ-  
 гоша (въ) Вльховѣ. Тоже Богъ видя наша бе-  
 законіа, и братоненавидѣніе, и зависть, (и) кре-  
 стомъ вѣращеся во лжу; егоже аггели не мо-  
 гутъ зрѣти и многоочиги крыли закрываю-  
 тся, тогожь мы въ рукахъ дръжаще скверны-  
 ми усты цѣлуемъ; и за то преступленіе Богъ  
 на насъ поганыа наводитъ, и землю нашу

пусту положиша, а иное сами не блудуще  
 напрасно истеряхомъ; (и) тако бысть пусто.

Въ лѣто 6739, мѣсяца септевра 14 день,  
 на Въздвиженіе честнаго креста, тако ны  
 Господь Богъ възда по дѣломъ нашимъ: изби  
 морозъ обиліе по всей земли, и оттолѣ уста-  
 вися горе велико, почахомъ въ Новѣгородѣ  
 купити хлѣбъ по 8 кунъ, а ржи кадь по 20  
 гривенъ, а въ дворехъ и по 30, а пшеници  
 по 40 гривенъ, а пшена по 50, а овса по  
 13 гривенъ; и разыидеся Новѣгородъ въ во-  
 лость, и полны быша чужіи грады братіи на-  
 ша и сестры, а останокъ почаша мерети. И  
 кто не прослезится о семъ, видяще мрътвеца  
 по улицамъ лежаща и младенца отъ песь  
 извѣдаемы? тако бо мряху людіе, яко нѣ-  
 кому погребати ихъ, и ядыху пси, яко ско-  
 тину, по трѣгу и по улицамъ, и влачаху  
 главы челоѣческыа, и руки и ноги. И вло-  
 жи Богъ благое твори(ти) архіепископу Спи-  
 ридону, и постави скуделницу у Святыхъ  
 Апостолъ на Прусской улицѣ, и пристави  
 мужа блага и смирена, именемъ Станила, въз-  
 ти мрътвеца на конѣ где обидучи по горо-  
 ду; и тако беспрестани и по вся дни влача-  
 ше, и наполни скуделницу до връха, и бысть  
 въ ней числомъ 3000 и 30. На ту же зиму  
 поиде княжичъ Ростиславъ Михайловичъ съ  
 посадникомъ Внѣздомъ на Торжкѣ, мѣсяца  
 декабря въ 8 день, въ недѣлю; а завтра,  
 въ понедѣльникъ на Зачатіевъ день, уби-  
 ша Семена Борисовича, а домъ его раз-  
 грабиша и села, а жену его яша, а са-  
 мого погребоша у святаго Георгіа въ мана-  
 стыри; такоже и В(о)довыковъ дворъ и села,  
 и брата его Михаила, и Давьслава, и Бо-  
 рисовъ тысяческого, и Творимѣричъ, и мно-  
 го (иныхъ дворовъ); а Водовикъ то учувъ,  
 побѣже ис Торжку съ братією, и Борисъ  
 тысяцскій и Новоторжци къ князю Ми-  
 хайлу въ Черниговъ. И даша посадничество  
 Стефану Твердиславичу, а тысяцское Ники-  
 тѣ Петриловичу, а добитокъ Семеновъ и Во-



довиковъ по стомъ<sup>1</sup> раздѣлиша; они трудишася събирающе, а сѣи въ трудъ ихъ внидоша; о таковыхъ бо рече пророкъ Давыдъ: събираетъ, а не вѣсть кому. Княжичу Ростиславу путь показаша съ Торжку къ отцевѣ въ Черниговъ, глаголюще: «како отецъ твой рекъ былъ вѣсти на конь на войну съ Въздвигеніа, и крестъ цѣловалъ, а се уже Николинъ день; съ насъ крестное цѣлованіе, а ты поиди прочь, сами собѣ князя промыслимъ;» и послаша по Ярослава на всей воли Новгородской. Ярославъ же вборзѣ прииде въ Новгородъ, мѣсяца декабря 30 день, и сътвори вѣче, и цѣлова святую Богородицу на всѣхъ грамотахъ Ярославлихъ. И сидѣвъ 2 недѣли, иде опять къ Переяславу, поя съ собою мужи Новгородскіа моложшаа; а сына 2 посади въ Новѣгородѣ, Феодора и Александра. Се уже пятое сидѣніе Ярославли въ Новѣгородѣ. Тоя же зими, февраля 5, съврѣшиша церковь камену въ Ростовѣ, иже бѣ пала; и принесено бѣ и тѣло Леонтіа чудотворца изъ церкви святаго Іоанна въ церковь святую Богородицу, идеже и донинѣ лежитъ; того же дни и церковь свящали. Тоя же зими въведоша съ Хутина отъ святаго Спаса Арсеніа игумена, кротка и смирена, князь Ярославъ, и владыка Спиридонъ и весь Новѣгородъ, и даша ему игуме(н)ство у святаго Георгіа, а Саву лишиша, и посадиша его въ келіи; и лежавъ 6 недѣль, и преставися марта 15 день, въ субботу, и тако погребень бысть игуменомъ Арсеніемъ. Мы же на подлежащее възврати(м)ся, на горкую и бѣдную повѣсти память тоа весны. Что бо рещи, или что глаголати о бывшей на насъ отъ Бога казни? Яко инаа простаа чадъ рѣзаху люди живыя и ядыху, а инѣи мертвыя мяса и трупіе обрѣзающе ядыху, а друзіи конину, и псину и кошки, и тѣхъ нашедше тако творяху, овѣхъ

огнемъ ижгоша, а другихъ оскѣкоша, а иныхъ 1231 извѣшаху; инѣи же мохъ ядыху, и ужовъ дягилъ, рекше стволъ; а инѣи сънову кору, и липовъ листъ, илемъ, кто что замысля. А инѣи паки зліи чловѣци почаша добрыхъ людей дома зажигати, где слышаху рожь, и розграбливахутъ имѣніа ихъ. И въ покааніа мѣсто злое творяху, и горчайше того быхомъ на зло, а видяще предъ очима нашими персть Божій: мертвыя по улицамъ, и по торгу, и по мосту по великому, отъ пестъ извѣдаемы, ихже не можаху погрѣбати. Поставиша другую скуделницу на поли, конецъ Чюдинцеви улицы, и бысть и та полна, въ ней же числа нѣсть; а третію поставиша на Колѣни<sup>2</sup>, за Рожествомъ Христовымъ, и та бысть полна, въ ней же числа нѣсть, въ поли. Также и въ Смоленскѣ сътвориша 4 скуделници: въ дву 16000, а въ 3-й 7000, а въ 4-й 9000. Се же зло бысть по два лѣта. То же бы намъ все видяще предъ очима лучшими быти, мы же быхомъ пуще; братъ брату не сужалашеся, ни отецъ сынови, ни мати дщери, ни сусѣдъ сусѣду не<sup>3</sup> уламляше хлѣба; не бысть милости межи нами, но баше туга и печаль, на улицы скорбь другъ съ другомъ, дома тоска, зряще дѣтей плачущи хлѣба<sup>4</sup>, а другаа умирающа. И купляхомъ по гривнѣ хлѣбъ<sup>5</sup>, и по болши, а ржи 4-ю часть кади купляхомъ по гривнѣ серебра; и дааху отци и матери дѣти своа одерень исъ хлѣба гостемъ. Се же горе бысть не въ Новгородской земли въ единой, но и<sup>6</sup> по всей области Рустѣй, кромѣ единого Кіева; и тако ны<sup>7</sup> Богъ възда по дѣломъ нашимъ. Того же лѣта, мѣсяца февраля 25, пренесены быша мощи великого чудотворца Леонтіа изъ церкви святаго Іоанна въ соборную церковь святаго Богородица, юже създа великій князь Костантинъ Всеволодичъ<sup>8</sup>.

(1) Въ подлинникѣ: по мостомъ. (2) Тамъ же: на колонѣ. (3) Тамъ же: ни. (4) Тамъ же: глѣба. (5) Тамъ же: глѣбъ. (6) Тамъ же: и по. (7) Тамъ же: ни. (8) Разсказъ о перенесеніи мощей св. Леонтіа здѣсь помѣщенъ во второй разѣ; см. столб. 357.



1231 Въ лѣто 6739. Митрополитъ Кирилъ, иже  
1233 причетникъ, постави епископомъ Кирила гра-  
ду Ростову при великомъ князи Володимери  
Руриковичи Кіевскомъ. Того же лѣта въ Новѣ-  
городѣ загорѣся отъ Матфеева двора отъ Выш-  
ковича, и погорѣ весь Славенскій конецъ  
олни до конецъ Холма, мимо святаго Ілію;  
но ублюде Богъ святыхъ церквей. Но толми  
лють бысть пожаръ, яко по водѣ огнь горя-  
ше, ходя чрезъ Вльховъ, всѣмъ людемъ зря-  
щимъ; и головъ<sup>1</sup> нѣколко истопе въ Вльховѣ.  
Того же лѣта откры Богъ милосердіе свое на  
насъ грѣшныхъ, удрѣжа гнѣвъ свой, и сѣтво-  
ри съ нами милость свою: въскорѣ прибѣго-  
ша Нѣмци изъ заморіа съ житомъ и съ му-  
кою, и сѣтвориша много добра, а уже при  
конци бяху Новгородци. Того же лѣта роди-  
ся князю Василку Костантиновичу сынъ Бо-  
рисъ, іюля 24. Священна бысть церкви святаго  
Богородица въ Ростовѣ епископомъ Кириломъ,  
августа 14. Того же лѣта ходи Ярославъ  
Всеволодичъ на Черниговъ ратию съ Ново-  
городци и съ всею областію своею, на кня-  
зя Михаила Всеволодича, Олгова (правнука), и  
пож(же) Шернекъ; и стоавъ подъ Моижай-  
скомъ, и възвратися опять, истрави(въ) обиліа  
много; ту же подъ городомъ застрѣлиша Ол-  
дана подвойского, и безъ мира отъидоша. То-  
го же лѣта преставися Водовикъ Внѣздъ<sup>2</sup>,  
посадникъ Новгородскій, въ Черниговѣ. То-  
го же лѣта быша знаменія много: солнце пре-  
творися яко мѣсяць, и поиде солнце къ во-  
стоку до часа.

Въ лѣто 6740. Женися Володимеръ Костан-  
тиновичъ. Тогда же Татарове зимоваша, не  
дошедше Великаго града Болгарского. Того  
же лѣта придоша ис Чернигова Борисъ Нѣ-  
гочевичъ, тысяч(с)кій Михайло съ братомъ,  
и Водовиковичъ Петръ, Глѣбъ<sup>3</sup> Семеновъ братъ,  
Борисовичъ Миша, съ княземъ Святославомъ  
Трубецкимъ, на срѣдоговѣніе; и быша въ

Буйци въ селѣ святаго Георгія, оттолѣ възва-  
тиса Святославъ въ Русь, уразумѣвъ, яко сіи  
сългаша имъ. Они же въгониша въ Плесковъ,  
и яша Вячеслава Гориславича, и бивше оковаху  
его. Въ Новѣ же городѣ бысть мятежъ великъ,  
не бяхе бо князя Ярослава, но въ Переяславлѣ  
тогда; и прииха князь ис Переяславля, изы-  
ма Плесковичи, и посади ихъ на Городищи  
въ грядници, и посла въ Плесковъ, рече: «му-  
жа моего пустите, а тѣмъ путь покажѣте, от-  
куду пришли.» Они же стаха за нихъ крѣпко,  
и рекоша: «пришлѣте къ намъ жены и това-  
ры ихъ, тоже мы Вячеслава пустимъ; или  
вы собѣ, а мы собѣ;» и<sup>4</sup> тако быша лѣто все  
безъ мира. И не пусти князь гости къ нимъ,  
купляху соль у нихъ берковескъ по 7 гри-  
вень, и по болши; и пустиша Вячеслава, князь  
же пусти къ нимъ жены Борисову, и Глѣ-  
бову и Мишину, но мира съ ними не бѣ.  
Бысть же на зиму, и придоша Плесковичи,  
и поклонихася князю: «ты нашъ князь,» и  
просиша у Ярослава сына Феодора. И не да  
имъ сына, и рече имъ: «се даю вамъ шуринна  
своего Юрія, то вашъ князь.» И пояша его,  
и посадиша его въ Плесковѣ, а Борисови  
чади путь показаша и з женами; они же  
идоша и сѣдоша въ Медвѣжіи Головъ, тоя же  
осени.

Въ лѣто 6741. Подписана бысть церкви  
Суздальская, и помощена мраморомъ крас-  
нымъ различнымъ. Того же лѣта Святославъ  
Мьстиславичъ, внукъ Романовъ, взя Смоленскъ  
на щитъ, съ Полочаны, на святую мученику  
Бориса и Глѣба; и сѣче Смолнянь много, а  
самъ сѣде на столѣ.

Въ лѣто 6741, мѣсяца октября въ 8 день,  
преставися архіепископъ Новгородскій Анто-  
ній, на память святаго Пелагіи. Сей блажен-  
ный архіепископъ Антоній прежде изгнанія  
сидѣ въ епископыи лѣтъ 8 по Митрофанѣ, а  
въ изгнаніи лѣтъ 6, и посемъ иде ис Пере-

(1) Въ подлинникъ: гоголовъ. (2) Тамъ же: водовичъ посадникъ и внѣздъ. (3) Тамъ же: хлѣбъ. (4) Тамъ же: а.



мышля, сидѣ 2 лѣта въ Новѣгородѣ, и разболѣся велми, и онѣмѣ, и бысть въ болѣзни той 6 лѣтъ и 7 мѣсяцъ и 9 день нѣмѣ, не глаголя, и тако преставися въ небесное царство; душа убо его възыиде на небеса, мощи же его положены быша честно у святыа Софіа, въ притворѣ, при благовѣрнѣмъ князи Ярославѣ Всеволодичѣ, при архіепископѣ Спиридонѣ. (Т)ого же лѣта изгониша Изборескъ Борисова чадъ съ княземъ Ярославомъ Володим(ер)ичемъ и съ Нѣмци; Плесковичи же, оступивше Изборескъ, изымаша ихъ и князя, а Нѣмчи убиша Данилу, а иніи побѣгоша; и даша я великому князю Ярославу, князь же поквоавъ поточи а въ Переяславль. Того же лѣта преставися у князя Ярослава болшій сынъ князь Федоръ, мѣсяца іюня въ 10 день, и положень бысть въ монастыри святаго Георгіа; еще младъ, и кто не пожалуетъ о семъ? свадьба приготовлена, и невѣста приведена, князи съзвани, и бысть въ веселіа мѣсто плачь и сѣтованіе, грѣхъ ради нашихъ; но Господи, слава тебѣ, Царю небесный, изволившу ти тако; и покой его съ всѣми праведными. Того же лѣта заложена бысть церковь на воротехъ отъ Неревскаго конца святаго Феодора. Того же лѣта преставися преблаженный митрополитъ Кирилъ Кіевскій и всеа Руси, родомъ Гречинъ, приведенъ изъ Нѣкіа. Того же лѣта изгониша Нѣмци въ Тѣсовѣ Кирила Синкинича, и яша, и ведоша въ Медвѣжу Голову, и сидѣ окованъ отъ Госпожина дни до великаго говѣнія, князю же Ярославу не сущу въ Новѣгородѣ, но въ Переяславль отшелъ бѣ; и пришедъ князь оттолѣ выправи, Божіею помощію и святыа Софіа, а полки своа приведе въ Новѣгородъ, хотя ити на Нѣмци.

Въ лѣто 6742. Иде князь Ярославъ съ Новогородци, и съ всею областію Новогородскою и съ полки своими на Нѣмци подъ Юріевъ.

И ста князь не дошедъ до града съ полкы, 1233  
и пусти люди своя въ зажитіа воевати; 1234

Нѣмци же изъ града высунушася на сторожи ихъ, и бишася съ ними до полковъ. Князь же Ярославъ иде противъ ихъ съ Новогородци, и поможе ему Богъ, и биша ихъ до рѣки Амовижи гоня, и ту паде лучшихъ Нѣмецъ нѣколько<sup>1</sup>; и яко быша Нѣмци на рѣцѣ на Омовыжѣ, и ту обломишася, и истопе ихъ много, а иніи язвени въбѣжаша въ Юріевъ, а друзіи въ Медвѣжую Голову; и много попустошиша земли ихъ, и обиліа много потравиша около Юріева и около Медвѣжи Головы. И поклонишася Нѣмци князю Ярославу, Ярославъ же взя съ ними миръ на всей правдѣ своей, и възвратишася Новогородци здрави вси, а Низовецъ нѣколко паде. Того же лѣта згорѣ отъ грома церковь святаго Луки въ Людинѣ конци, мѣсяца іюня въ 10, на память священномученика Тимофеа, въ 1-й часъ нощи. Того же лѣта изгониша Литва Русу<sup>2</sup> оли до торгу, и стаха Рушанѣ и засада, огнишанѣ и гридба, и кто купецъ и гостей, и выгнаша я опять на поле испосада, біющеся. И ту убиша нѣколко Литвы, а Рушанъ 4 мужи, попа Петрилу, другое Обрадица, и ина два мужа. А монастырь святаго Спаса весь пограбиша, и церковь полупиша, и иконы, и престоль, и чръници 4 убиша, и отступиша на Клинь. Тогда же вѣсть прииде въ Новѣгородъ князю Ярославу; князь же съ Новогородцы всѣдавше въ насады, а иніи на конехъ, и поидоша по нихъ по Ловоти; и яко быша у Моравейна, и възвратишася лоденци оттолѣ въ Новгородъ, а князь ихъ отпусти, не достало бо у нихъ корму, а самъ поиде съ конники по нихъ; и постиже ихъ на Дубровнѣ на селищи, въ Торопецкой волости, и ту ся би (съ) безбожными, и окаанными, и богопротивники и кровопролитники христіаньскими. И ту поможе Богъ, и крестъ

(1) Въ подлинникѣ: нѣколко. (2) Тамъ же: русь.



1234 честный и святаа Софіа премудрость Божіа  
1237 надъ погаными князю Ярославу съ Новогородци; и отгяша у нихъ 300 лошадей и съ товаромъ ихъ, а сами побѣгоша на лѣсъ, пометавше оружіе, и щиты и все отъ себе, а иніи ту костию падоша. А Новогородецъ ту убиша 10 мужъ: Феда Якуновича тысячьского, Гавр(ил)а Щитника, Нѣгутина съ Лубяници, Нѣжила сребреника, и Гостилца съ Кузмядемьянской улицы, Федора Ума княжъ дѣцкой, другое Городищанинъ, и иныхъ 3 мужи; а покои, Господи, душа ихъ въ царствіи своемъ небеснѣмъ, проліавшихъ кровь свою за святую Софію и за кровь христіанскую.

Въ лѣто 6743. Не хотя испрѣва окаанный и всепагубный діаволъ роду человѣческому добра, въздвиже крамолу межи Рускими князи, да быша человѣци не жили мирно; о томъ бо злый врагъ радуется кровопролитію христіанскому. Поиде князь великій Володимерь Руриковичъ съ Кіаны и Данило<sup>1</sup> Романовичъ, Василковъ братъ, зятя великого князя Юрія Всеволодича, съ Галичаны на князя Михаила Всеволодича Чръного, (пра)внука Олгова, къ Чернигову, а Изяславъ бѣжа въ Половци, и много воева Володимеръ около Чернигова, и посадъ пожже; а князь Михайло выступи ис Чернигова, и сѣтвори прелестъ на Данилѣ Романовичи, и много би Галичанъ, и бес числа; Данило же едва уйде, а Володимеръ пришедъ, опять сѣде въ Кіевѣ. И не (ту) бы того досыти зла, но прииде Изяславъ съ погаными Половцы, въ силѣ тяжцѣ, и князь Михайло Всеволодичъ съ Черниговци подъ Кіевъ, и взяша Кіевъ; а великого князя Володимера Половци емше и княгиню его поведоша въ землю свою, и много зла сѣвориша Кіаномъ; а князь Михайло Черниговскій сидѣ въ Галичи, а Изяславъ въ Кіевѣ. И опять пустиша Половци великого князя Володимера, взявше на немъ окупъ, и княгиню

его; и на Нѣмцехъ имаша искупъ князи. А въ Кіевѣ сидѣ князь великій Изяславъ Мѣстиславичъ храброго, внукъ Романовъ Ростиславича Смоленского, а Ростиславъ Романовичъ внукъ Манамаховъ.

Въ лѣто 6744. Поиде князь Ярославъ Всеволодичъ, внукъ Юріевъ Владимирича Манамахова, изъ Новгорода на Кіевъ, на столъ, пойма съ собою Новгородци, Судимира въ Славнѣ, Якимъ Влунковича, Костю Вячеславича, Кіанина родомъ, а Новѣторжець 100 мужъ; а въ Новѣгородѣ посади сына своего Александра храброго. И пришедъ сѣде въ Кіевѣ на столѣ, и дрѣжа Новогородцовъ и Новоторжыцевъ одну недѣлю, и одаривъ ихъ отпусти къ Новугороду; и придоша вси зловрови. Того же лѣта пришедше безбожніи Татарове плѣниша всю землю Болгарскую, и градъ ихъ Великій взяша, (и) иссѣкоша вся, и жены и дѣты. Того же году князь великій Юрій Всеволодичъ ожены сыны своа, Володимера и Мѣстислава.

Въ лѣто 6745. Епископъ Володимерскій Митрофанъ постави кивотъ чуденъ надъ святою трапезою въ церкви святаа Богородица въ Володимерѣ. Того же лѣта, мѣсяца августа 3 день, на память святыхъ мученикъ Исаакіа, и Далматіа и Фавѣста, бысть знаменіе въ солнци въ полудни: тма бысть въ солнци, съ запада акы мѣсяць бысть въ 5 ноци, а съ востока свѣтло; и опять съ востока тма бысть, такоже яко мѣсяць 5 ноцій, а съ запада свѣтло, и тако исполнися опять. Того же лѣта придоша Нѣмци въ силѣ велицѣ изъ заморіа въ Ригу, и ту съвѣкупившеся вси, и Рижанѣ и просто вся Чудскаа земля, и Плесковичи отъ себе послаша помощь 200 мужъ, идоша на безбожную Литву; и тако, грѣхъ ради нашихъ, безбожными погаными побѣжены быша Нѣмци, придоша каждо десятый въ домъ свой. Того же лѣта прииде въ Кіевъ

(1) Въ подлинникѣ: и дани и данило.



митрополитъ Гречинъ изъ Нѣкіа, именемъ Іосифъ. О плѣненіи Рускыя земля отъ Батіа. Слышано бысть на восточнѣй странѣ въ родѣ Измаиловѣ, сына Агарина, рабыни Авраамовы, яко смири Господь Богъ Рускую землю находженіемъ безбожныхъ иноплеменникъ, Таурмень, еже на Калкы, и побѣжденіе Рускихъ князей прослу, и храбрыхъ онѣхъ 72 избіеніе вѣдомо тамо бысть, и межиусобныя брани Рускыя земля, и глады, и морѣ велицѣи, и оскудѣніе Рускаго воинства, и разньствіе въ братіи, и просто все земское неустроеніе; наипаче же обнажися грѣховнаа злоба, и вопль грѣховный въ уши Господа Саваоѳа въииде, тѣмъ и попусти на землю нашу таковую всепагубную рану; еще бо и сеа крови не отмыхомъ, Калкацкого бою, и пакы народися люди по велицѣмъ мору по всей земли, кромѣ Кіева; но Кіевстїи люди на Калкахъ съ великимъ княземъ Мѣстиславомъ Роман(ов)ичомъ, и съ инѣми 10-ю князи и съ 72-ю храбрыми костью тамо падоша; Новгородстїи люди отъ гладныа смерти изѣмроша, а живыи разыдошася по чюжимъ землямъ; такоже и Смоленскаа, и вси просто гради столнїи смерти тоа вкусивше въскорѣ осиротѣша. Не много бо лѣтъ мину, отъ Калкатцкіа рати до потрясенїа земли 8 лѣтъ, тогда же и гладъ бысть, а отъ потрясенїа земли до Батыева прихожденїа 8 лѣтъ, того ради не исполнися земля наша, но и наипаче всѣмъ животнымъ опустѣ. Мы же приведемъ слово къ повѣсти, како ублюде Богъ великого князя Юріа Всеволодича, и Ярослава, брата его, и братанича ихъ Василка Ростовского Костантиновича отъ Калокъ, такоже и люди оставшая отъ мору, и како не угоньзнуша своеа смерти: обща бо есть всей Руской земли. Слышавше бо безбожнїи Татарове таковое смиреніе Руское, а имѣніе великое многими лѣты събраное, двинушася

съ восточныа страны, и поплѣниша прѣвое 1237 Болгарскую землю, а на третїй годъ на Рус- 1238 кую землю придоша бесчисленное множество, яко пружи траву поядающе, тако и сїи сыроядци христїанскїй родъ потребляюще.

Въ лѣто 6746. Зимоваша окаанныи Татарове подъ Чернымъ лѣсомъ, и оттолѣ придоша безвѣстно на Рязанскую землю лѣсомъ, съ царемъ ихъ Батіемъ; и прѣвое придоша и стаха о Нузлѣ, и взяша ю, и стаха ту станомъ. И оттолѣ послаха посломъ жену чародѣицу, а съ нею два Татарина, въ Рязань къ княземъ Рязаньскимъ, просяще у нихъ десятины: десятого въ князехъ, десятого въ людехъ, и въ конехъ, десятого въ бѣлыхъ, десятого въ вороныхъ, десятого въ бурыхъ, десятого въ пѣгыхъ, и въ всемъ десятого. Князи же Рязанстїи, Юріи Иньгваревичъ и брата<sup>1</sup> его Олегъ и Романъ Иньгворовичи, и Муромскїе князи и Проньскїе хотѣша съ ними брань сѣтворити, не выпустячи въ свою землю, и выидоша противу ихъ въ Вороножъ, и ркоша посломъ Батыевымъ: «коли насъ не будетъ всѣхъ, то все то ваше будетъ.» И оттолѣ послаха ихъ къ великому князю Юрію Всеволодичу въ Володимеръ, и оттолѣ пустиша Татары въ Вороножи. Послаха же Рязанстїи князи пословъ своихъ въ Володимеръ къ великому князю Юрію, просяще помощи, или самому поити и вмѣстѣ постоати за землю Рускую. Князь великїй же Юріи не послуша молбы Рязаньскихъ князей, самъ не поиде, ни посла къ нимъ, но всхотѣ самъ о себѣ съ Татары брань сѣтворити. Но уже бяше Божїю<sup>2</sup> гнѣву не възможно противитися, якоже древле речено бысть Господемъ Ісусу Навгину, егда веде ихъ Господь въ землю обѣтованную, тогда рече: азъ пошлю во нихъ прежде въ васъ недоумѣнное, и грозу, и страхъ и трепеть; такоже и у насъ отъять Господь прѣже

(1) Въ подлинникѣ: братъ. (2) Тамъ же: божїею.



1238 силу, а за грѣхы наша вложи въ насъ грозу, и страхъ, и трепеть и недоумѣніе. Поганіи же Татарове начаша воевати землю Рязаньскую, и оступиша Рязань, мѣсяца декабря въ 16 день, на память святаго пророка Аггеа, и острогомъ оградиша его; князь же Юрій Рязанскій затворися въ градъ съ людьми, а князь Романъ отступи (къ) Коломнѣ съ своими людьми. И взяша градъ Татарове<sup>1</sup>, въ 21 день, приступивше, того мѣсяца, на память святаго мученицъ Іуліаны, князя Юрія Ингваревича убиша и княгыню его, а люди изсѣкоша, мужа, и жены, и дѣти, и чрънца, и чрънорызыца, іереа, овыхъ огнемъ, а иныхъ мечемъ, поруганіе чръницамъ, и попадіамъ и добрымъ женамъ и дѣвицамъ предъ матерями и сестрами; а епископа же ублюде Богъ, отъиха въ то время прочъ, егда Татарове городъ оступиша; и изсѣкше люди, а иныхъ плѣнивше, зажгоша градъ. И кто, братіе, отъ насъ не поплачется о семъ, кто насъ осталъ живыхъ, како они горкую и нужную смерть подъяша? да и мы, то видѣвши, устрашилися быхомъ и плакалися грѣховъ своихъ, день и ночь, съ въздыханіемъ; мы же творимъ съпротивное, пекущися о имѣніи и о ненависти братни. Мы же на подлежащее възвратимся. Князь же великій Юрій Всеволодичъ Володимерскій посла въ сторожехъ Іеремѣя воеводою, и снися съ Романомъ Ингваревичемъ. Татарове же, взявше Рязань, поидоша х Коломнѣ, и ту приде противу ихъ сынъ великого князя Юрія Всеволодича изъ Володимера и Романъ Ингваревичъ (съ) своими людьми и оступиша ихъ Татарове, и ту бысть имъ бой, и бишася крѣпко, и пригониша ихъ къ надолобамъ, и ту убиша князя Романа Ингваревича и Еремеа Глѣбовича, воеводу Всеволожа, и ту паде много людей съ княземъ и съ Іеремѣемъ, а Москвичи побѣгоша, ниче го же не видѣвше, а Всеволодъ Юріевичъ

бѣжа вмаѣ въ Володимеръ. А Татарове пришедше взяша Москву, и князя Володимера, сына великого князя Юрія, поимаша, и поидоша къ Володимеру многое множество кровопролитецъ крови христіанскыа. Слышавъ же то князь великій Юрій, уряди въ себе мѣсто въ Володимери сыны своа, Всеволода и Мстислава, а самъ поиде къ Ярославлю, и оттолѣ за Волгу, а съ нимъ сыновцы его Костантиновичи, Василко, и Всеволодъ и Влодимеръ, и пришедъ ста на Сити, ждучи къ себѣ брата Ярослава и Святослава; а въ Володимери затворися сынъ его Всеволодъ съ матерією, и съ владыкою, и съ братомъ, и съ всею областію своею. Безаконіи же Татарове придоша къ Володимеру, мѣсяца февраля 3 день, на память святаго Симеона богоприемца, въ вторникъ мясопустныя недѣли; приведоша же со собою Володимера Юріевича къ Золотымъ воротамъ, глаголюще: «знаете ли княжича вашего?» Братіа же его, Ослядюковичъ и вси людіе видѣвше ѱ, многы слезы изліаша, видяще его въ мнозѣ истомленіи. Татарове же отступльше отъ вратъ града<sup>2</sup>, и градъ обыхавше, и потомъ стахъ станы противу Золотыхъ воротъ на зрѣмѣ; Юріевичи же, Всеволодъ и Мстиславъ, хотѣша выйти на нихъ, не дасть имъ брати Петръ воевода, глаголя: «ниѣсть мужества, ни думы, ни силы противу Божія посѣщенія, за наше съгрѣшенія.» Татарове же шедше взяша Суздаль, и придоша къ Володимеру, въ пятоть преже мясопуста; во утрѣи же, въ субботу мясопустную, февраля 7, на память святаго отца Парфенія, начаша Татарове полки рядити, въ нощи той градъ весь тыномъ отыниша. Вѣутрѣи же видивше князи Всеволодъ и Мстиславъ и владыка Митрофанъ, яко уже граду ихъ взяту быти, ни надѣяхуся не откудо же помощи, и внидоша вси въ церковь святаго Бсгородица, и начаша каятися

(1) Въ подлинникѣ: татаро<sup>в</sup>. (2) Тамъ же: граду.



грѣховъ своихъ, и елици отъ нихъ хотяху въ аггелскый образъ, постриже ихъ всѣхъ владыка Митрофанъ, князей, и княгиню Юріеву, и дочь, и сноху, и добрыя мужи и жены. А Татарове начаша пороки рядити, и къ граду приступиша, и выбывше стѣну градную, наметавше (въ) ровъ сырого лѣса, и тако по примету внідоша въ градъ; такоже и отъ Лебеди внідоша въ Ориныни ворота, и отъ Клязмы въ Мѣдяные ворота и Волжскіе<sup>1</sup> ворота, и тако взяша градъ и огнемъ запалиша. Увидѣвше же князи, и владыка и княгыни, яко зажжень бысть градъ, а людѣ уже огнемъ скончאותся, а инѣ мечемъ, и бѣжаша<sup>2</sup> князи въ средній градъ; а владыка, и княгыни съ снохами, и съ дочерью<sup>3</sup> княжною Θεодо-рою и съ внучаты, инѣ княгыни, и боярыни и люди мнози вѣбѣгоша въ церковь святѣа Богородица и затворишася на полатехъ. А Татарове и тотъ градъ взяша, и у церкви двери изсѣкше, и много древіа наволочиша, и около церкви обволочивше древіемъ, и тако запалиша, и вси сущіи тамо издѣхашася, и тако предаша душа своа въ рѣцѣ Господеві; а прочіихъ князей и людей оружіемъ избыша. И оттолѣ разсыпашася Татарове по всей зем-ли той, къ Ростову, инѣ по великомъ князи погнаша на Ярославъ и на Городецъ, и по Волзѣ вся грады поплѣниша и до Галича Мерскаго; а инѣ къ Юріеву, и къ Переяславлю и къ Дмитрову, и тѣхъ взяша; а инѣ Тѣбрь шедше взяша, въ ней же сына Ярославля<sup>4</sup> убиша, и вся грады поимаша по Ростовской земли и по Суздальской въ единъ мѣсяцъ февраль<sup>5</sup>, нѣсть же мѣсто и до Торжку, идеже не быша. Приде же си (вѣсть) къ великому князю Юрію на рѣку Сить, сущу ему тамо, а мѣсяцю февралю уже исходящу, яко Володимеръ взятъ бысть, и сущаа въ немъ вся взята, «люди вся, и епископъ, и кня-

гыни твоя, и сынове и снохы вся избыти, а 1238 къ тебѣ идетъ;» онъ же бысть въ велицѣ тузѣ, яко себе не видѣти, о церковномъ разореніи и о погыбели христіанской. И посла Дорожа въ просоки, въ трехъ тысящахъ, пытаты Татаръ; онъ же прибѣже, глаголя: «господине княже, уже обошли суть на насъ Татарове.» Онъ же съ братомъ Святославомъ, и съ сынов-ци своими, Василкомъ, и Всеволодомъ и Володимеромъ, и съ полки исполчившеся, и поидоша противу ихъ, и постави полки около себе, но не успѣша ничтоже; а Татарове пришедше къ нимъ на Сить, и бысть сѣча зла, и побѣдиша Рускихъ князей. Ту же убиенъ бысть князь великій Юрій Всеволодичъ, внукъ Юріевъ Долгорукого, сына Манамахова, и мнози вои его избіени быша; а Василка Костантиновича Ростовского руками яша, и того ведоша съ собою до Шеренского лѣса, нудяще его въ своей волѣ жити и воевати съ ним(и); онъ же не повинуся имъ и ни вкуси ничтоже, яже суть въ рукахъ ихъ, но и много хулна изрекъ на царя ихъ и на всѣхъ ихъ. Они же много мучивше его, предаша смерти, марта въ 4, въ средохрестіе, повергоша тѣло его на лѣсѣ. Тоже видѣ нѣкаа жена, повѣла мужу богобоязливу; взявше тѣло его, обви-ша плащеницею и положиша въ скровениѣ мѣстѣ. Они же оттолѣ вѣзвращшеся, якоже выше рѣхъ, взяша Переяславль, и Москву, и Юріевъ, и Дмитровъ, и Волокъ и Тѣбрь, и оттолѣ придоша къ Торжку, въ недѣлю 1 поста, мѣсяца февраля въ 22 день, на обрѣтеніе мощей<sup>6</sup> святыхъ мученикъ иже въ Евгеніи; и отыниша его тыномъ весь около, якоже инѣ грады имаху, и бишася ту окаанніи по 2 недѣли. Изнемогоша же людѣ въ градѣ, а изъ Новгорода не бысть имъ помощи, но уже кто же собѣ сталъ бѣ въ недоумѣніи и въ страстѣ; и тако цоганіи взяша градъ, изсѣкоша

(1) Въ подлинникѣ: вложскіе. (2) Тамъ же: бѣжаша. (3) Тамъ же: дочерю. (4) Тамъ же: ярослава. (5) Тамъ же: февраль въ 14. (6) Тамъ же: мощи.



1238 вся отъ мужеска полу и до женска, іерейскій чинъ весь и чръноризческій, а все изобнажено и поругано, горкою и бѣдною смертію предаша душа своа въ руцѣ Господеви, мѣсяца марта въ 5 день, на память святаго Канона, въ среду 4-ю недѣлю поста. Ту же убіени быша: Иванко посадникъ Новоторжескій, Якимъ Влуньковичъ, Глѣбъ Борисовичъ, Михаилъ Моисевичъ. А за прочими людьми гнашася безбожніи Татарове Серегѣрьскимъ путемъ до Игнача креста, а все сѣкучи люди, яко траву, и толику не дошедше за 100 версть до Новагорода. Новъ же городъ заступи Богъ, и святая и великаа съборнаа и апостольскаа церковь Софіа, и святой преподобный Кирилъ и святыхъ правовѣрныхъ архіепископъ молитва, и благовѣрныхъ князей и преподобныхъ чръноризецъ іерейскаго събора. Да кто, братіе, и отци и дѣти, видѣвши таковое Божіе поущеніе се на всей Рустѣй земли, (и не плачется)? Грѣхъ ради нашихъ попусти Богъ найты на ны поганья; наводитъ бо Богъ, по гнѣву своему, иноплеменики на землю, и тако съкрушеномъ имъ въспоманутся къ Богу; усобная же рать бываетъ отъ наважденія діавола. Богъ бо не хощетъ зла въ человѣцѣхъ, но блага; а діаволь радуется злomu убійству и кровопролитію. Земли же коей сѣгрѣшивши, казнить Богъ смертію, или голодомъ, или поганыхъ навиденіемъ, или ведромъ, или дождемъ сильнымъ, или пожаромъ или иными казнями; аще ли покаемся, въ немъ же ны Богъ велитъ жити, глаголетъ бо къ намъ пророк(ом)ъ: обратитесь къ мнѣ всѣмъ сердцемъ вашимъ, постомъ, и плачемъ и стенаніемъ; да аще сиче сътворимъ, всихъ грѣхъ прощени будемъ. Но мы на злое възвращаемся, яко пси на своа бльвотины и яко свинія валяющесе въ калѣхъ грѣховныхъ<sup>1</sup> присно, и тако пребываемъ; сего бо ради казни приедемъ отъ Бога, нахожденіе поганыхъ, по Божію повелѣнію, грѣхъ

ради нашихъ. Кирилу же, епископу Ростовскому, въ то время бывшу на Бѣлѣозерѣ и оттуду идущу ему, пришедъ на Сить, идеже сконча животъ свой князь великій Юрій, Богъ вѣсть како скончася, много бо инде глаголетъ о немъ. Кирилъ же епископъ обрѣтъ тѣло его, главы же его не обрѣте въ мнозѣхъ трупій мертвыхъ, и несе тѣло его въ Ростовъ, и положи въ церкви святаго Богородица съ многими слезами. Потомъ же увѣдѣ<sup>2</sup> о Василкы, шедъ взя тѣло его, и принесе въ Ростовъ съ многымъ плачемъ. Бѣ бо сей князь лицомъ красенъ, очима свѣтелъ, взоромъ грозенъ, паче мѣры храборъ, сердцемъ же легокъ; но, якоже рече Соломонъ. въ оскудѣніи людей бываетъ съкрушеніе силному, тако и сій храбрый князь и воинство его; много храбрыхъ служаше ему, но что сихъ, яко противу пругомъ? Кто же служилъ ему, и отъ тоа рати кто его остался, и кто его хлѣбъ иль и чашу пилъ, тотъ, по его животѣ, не можаше служити ни единому князю, за его любовь, еще же бысть милостивъ на убогыхъ и на церковный чинъ паче мѣры. Посемъ же пришедше, нашедше главу князя Юрія, привезше въ Ростовъ, положиша въ гробъ къ тѣлу его. (Б)атый оттуду поиде къ Козелску, бѣ же въ немъ князь младъ, именемъ Василій; Козличи же горожане сами<sup>3</sup> о собѣ сътворше свѣтъ, яко не датися поганимъ, но и главы своа положити за христіанскую вѣру. Татарове же пришедше подъ Козелскъ сташа, яко и подъ прочими грады, и начаша бити пороки, и выбивше стѣну възидоша на валъ, и ту бысть брань велика, яко и ножи туто съ ними граждане рѣзашася; а инии враты изшедше на полки ихъ много избыша, яко до 4-хъ тысячъ изсѣкоша ихъ. И тако вземъ градъ ихъ, избы и до отрочаты; а про князя ихъ вѣсти не бѣ, глаголаху бо, яко въ крови утопе. И повелѣ

(1) Въ подлинникѣ: грѣховнымъ. (2) Тамъ же: увидѣ. (3) Тамъ же: сами горожанѣ.



Батый оттолѣ не зваты Козельскомъ, но злымъ гор(о)домъ; убиша бо ту 3 сыны темничи, ихже не обрѣтоша въ множествѣ мертвыхъ. Оттуду иде Батый въ поле въ землю Половецкую. Избави же тогда Богъ отъ нахожденія поганыхъ: князя Ярослава, сына великого князя Всеволода, и сыновъ его: Александра, Андрѣа, Костантина, Афанасіа, Данила, Михаила, и братію Ярославлю, Святослава Всеволодича Юріевского съ сыномъ Дмитріемъ, Іоанна Всеволодича, и Володимера Костантиновича, и Василковича два, Бориса и Глѣба, и Василя Всеволодича. Ярославъ же, по плѣненіи томъ, пришедъ сѣде въ Володимери, очисти церковь отъ трупій мертвыхъ, и кости мертвыхъ съхрани, а людиоставшаа събра и утѣши; и дасть брату Святославу Суздаль, а Ивану Стародубъ.

Княженіе великого князя Ярослава Всеволодича. Въ лѣто 6747. Князь великій Ярославъ Всеволодичъ повелѣ принести тѣло брата своего, великого князя Юрія, изъ Ростова въ Володимеръ. Того же лѣта князь великій Ярославъ ходи на Литву ратию, Смоленянь бороня; и посади у нихъ на столѣ шурина своего Всеволода Мьстиславича, внука Романа Мьстиславича. Того же лѣта оженися князь Александръ Ярославичъ, княжа въ Новѣгородѣ, понялъ дочь у Полоцкого князя у Брячислава, и вѣнчався въ Торонцѣ, и ту свадьбу игра, а въ Новѣгородѣ другую. Того же лѣта Александръ Ярославичъ съ Новогородци сруби Городецъ въ Шелонѣ. Того же лѣта посла Батый Татарове, и взяша градъ Переяславль Рускій, а епископа Симеона убиша<sup>1</sup>. Сей бысть Семіонъ 9 епископъ Переяславлю, то и послѣдній; 1 бо бысть епископъ Переяславлю Петръ, 2 Ефремъ, 3 Лазарь, 4 Силивестръ, 5 Іоанъ, 6 Маркель, 7 Евфимій, 8 Павелъ, 9 Семіонъ, иже и послѣд-

ній; отъ того донинѣ безъ пяти лѣтъ 300 1238 лѣтъ какъ тамо епископа нѣтъ, а и градъ 1240 безъ людей. А иныхъ Татаръ посла Батый на Черниговъ; слышавъ то Мьстиславъ Глѣбовичъ, внукъ Святослава Олговича, и приде на нихъ съ многими вой къ Чернигову, и бысть брань люта, а изъ града ни нихъ каменіе съ пороковъ метяху за полтора перестрѣла, а каменіе два челоуѣка възднимаху; но и тако Татарове побѣдиша Мьстислава, и многыа воа избыша, а градъ взяша и огнемъ запалиша, а епископа ихъ доведъ Глухова отпустиша. А иніи Татарове Батыевы Мордву взяша, и Муромъ, и Городецъ Радимовъ на Волзѣ, и градъ святыа Богородица Владимирскыа. И бысть пополохъ золь по всей земли, не вѣдаху кто камо бѣжаше.

Княженіе великого князя Михаила Кіевскаго. Въ лѣто 6748. Посла Батый Менгукана<sup>2</sup> съгладати Кіева. Онъ же шедъ, ста у городка Пѣсочнаго, видѣвъ Кіевъ, удивися красотѣ его и величеству; посла на ны послы къ князю Михаилу Всеволодичу Черниговскому съ лестію. Князь Михайло же послы избы, а самъ бѣжа ис Кіева за сыномъ въ Угорскую землю; а Ростиславъ Мьстиславичъ, внукъ Давыда Смоленскаго, пришедъ сѣде въ Кіевѣ. Данило же Романовичъ<sup>3</sup>, внукъ Мьстислава Изяславича, пришедъ на Ростислава ятъ его; а Кіевъ дасть Дмитрови, своему (посаднику), дрѣжати противу безбожныхъ. Тогда же приде самъ безбожный Батый съ всею своею силою х Кіеву. Яша же тогда Татарины, именемъ Туррила, и сказа всѣхъ князей и суцыхъ съ Батыемъ, и силу ихъ; бяху же братія Батыевы, воеводы его, Урду, Бардаръ, Бичюръ, Кайданъ, Бечонъ, Менгуй, Коюкъ, сей же не бѣ отъ рода его, но пръвый воевода его, Себедя, Боктуръ, Бурандай, Бастырь, иже (поплѣни) всю землю Болгарскую и Суздальскую,

(1) Въ подлинникъ противъ этого мѣста, на полѣ, написано кинюварю: зри о пе... яславл... рустемъ.  
(2) Тамъ же: менгукаса. (3) Тамъ же: мьстиславичъ.



1240 инѣхъ же бѣ множество воеводѣ, ихже (не)  
 1241 написахомъ. Нача же Батый пороки ставити,  
 и бити безпрестани градъ, день и ночь, и  
 выбы стѣну у Лятскихъ воротъ, и ту гра-  
 жане на избытыхъ стѣнахъ многу брань съ-  
 твориша, но побѣжени бывше, а Дмитрови  
 ранену бывшу; и взыдоша Татарове на стѣ-  
 ну, и отъ многого истомленія стѣны падоша,  
 а граждане въ ночь ту инѣй градъ сътво-  
 риша около святыа Богородица. Наутрѣя же  
 придоша на ныхъ, и бысть ту сѣча зла;  
 възбѣгоша людѣе на комари церковныа съ-  
 товары ихъ, и отъ тягосты стѣны повалиша-  
 ся. Взяша градъ декабря 6, на память иже  
 въ святыхъ отца нашего Николы, въ лѣто  
 6749; а Дмитра не убиша, мужества его ра-  
 ди, язвень бысть велми. Вземше Батый градъ  
 Кіевъ, и слыша о великомъ князи Данилѣ  
 Романовичи<sup>1</sup>, яко въ Угрѣхъ, поиде къ Во-  
 лодимеру въ Русь. Тоа же зыми родися ве-  
 ликому князю Ярославу сынъ Василей.

Плѣненіе Вльнынскыа земли. Въ то  
 же лѣто 6749, пришедъ Батый къ граду  
 къ Лодяжну<sup>2</sup>, и би градъ двѣнадцати по-  
 роки, и не може взяти его, и пришедъ  
 х Каменцу Изяславию, и взя его; Кременца  
 же княже Данилова не може взяти. Оттолѣ  
 шедъ взя<sup>3</sup> Володимеръ Рускій, на рѣцѣ Бугу;  
 такоже и Галичъ взя, и вся грады бес числа  
 поима. По сѣвѣту Дмитрову иде на Угры, и  
 срѣте его король Велій и Коломанъ у Солоной  
 рѣкы, на ней же грады Велиньскіе: Изборско,  
 Львовъ великій, Велинь; на той рѣцѣ бысть  
 имъ бой, и Батый побѣди, и побѣгоша Угры,  
 а Батыевы погнавшу до Дунаа; и стоа ту  
 3 лѣта, и воеваша до Володавы, възврати-  
 шася въ поле, вся земля поплѣнившѣ. Того  
 же лѣта убиша Татарове князя Мьстислава  
 Рыльского, иже градъ его на Сѣмѣ рѣцѣ.

Повѣсть о блаженнѣмъ князи Алексан-

дрѣ Ярославичи. Сѣй бѣ блаженный князь  
 Александръ сынъ великого князя Ярослава,  
 внукъ великого князя Всеволода Юріевича;  
 родися о(тѣ) блаженныа княгыны Феодосіи  
 святыа. Якоже рече Исаіа пророкъ: тако гла-  
 голеть Господь: князя азъ учиняю, священи  
 бо суть, азъ вожу а въ истинну; безъ Божіа  
 повелѣнія не бѣ княженіе его. Но възрасть его  
 паче иныхъ человекъ, гласть его яко<sup>4</sup> труба  
 въ народѣ, лице его яко Іосифа прекраснаго,  
 егоже бѣ поставилъ Египетскій царь вто-  
 раго царя въ Египтѣ, сила же его бѣ отъ силы  
 Самсоновы, и дасть ему Богъ премудрость Со-  
 ломону, храбрость же (его) яко Римского царя  
 Евспасіана, иже бѣ плѣнилъ всю землю Іудей-  
 скую. Иногда ополчися ко граду Антипату при-  
 ступити, ишедше граждане побѣдиша полкъ  
 его, и оста единъ, и възврати силу ихъ къ  
 вратомъ граднымъ, и посмѣлся дружинѣ своей,  
 глаголя: «остависте мя единого;» такоже князь  
 Александръ побѣждаа, и непобѣдимъ. Сего ра-  
 ди, въ лѣто 6749, прииде нѣкто отъ западныхъ  
 странъ, именемъ Андрѣяшъ, иже нарыцаются  
 Слугы Божіа, хотя видѣти дивный възрасть  
 великого князя Александра Ярославича. Яко-  
 же парица древле Южскаа прииде отъ ко-  
 нецъ земли видѣти премудрость Соломонову и  
 хотя слышати премудрости его; такоже и сей  
 Андрѣяшъ (сѣ) своими, видѣвше князя Алек-  
 сандра, удивившася мужеству и възрасту его,  
 и къ своимъ възвратися, и рече: «по истиннѣ,  
 прошедъ всю землю и(з)бранными языки, и не  
 видѣхъ таковаго въ царехъ царя, ни въ кня-  
 зыхъ князя, якоже сей.» Се же слышавъ ко-  
 роль части Римскыа, (отѣ) полунощныа стра-  
 ны, таковое мужество князя Александра, по-  
 мы(сли) въ себѣ, и рече: «поиду и плѣну зем-  
 лю его, а самого князя Александра въ рабо-  
 ту приведу.» И събра силу велику, Сѣва съ  
 княземъ, и з бискупы своими и местери, и

(1) Въ подлинникѣ: мьстиславичи. (2) Тамъ же: къ ждану. (3) Тамъ же: вся. (4) Тамъ же слово: яко напи-  
 сано два раза.



Нурмане, Сумь, Имь, и наполни корабли многы зѣло полковы своихъ, и подвижеся въ силѣ велицѣ, пыхаа д(ух)омъ ратнымъ, и пришедъ въ рѣку Неву, и ставъ усть Ижеры рѣкы, шатався безуміемъ своимъ, хотяще въспріати Ладугу, и Новгородъ и всю область Новгородскую, и всю землю поплѣнити Словенскую. И разгордѣвся посла послы въ Новгородъ, къ князю Александру, глаголя сиче: «аще можеша противитися мнѣ, то уже есмь здѣ и плѣную землю твою». Князь великій же Александръ слышавъ слова ихъ, разгорѣся сердцемъ<sup>1</sup>, вниде въ церковь святыя Софіа, паде на колѣну предъ олтаремъ, начатъ молитися Богу съ слезами, глаголя: «Боже хвалный и крѣпкій, Боже превѣчный, сътворивый небо и землю, и поставый предѣлы языкомъ, и повелѣ(вый) жити не приступая въ чужую часть!» и въспріемъ псаломскую пѣснь, и рече: «суди, Боже, и разсуди прю мою отъ языка непреподобна и отъ языка неправедна, и суди, Господи, обидящи(мъ) мя, и възбрани борущимся со мною, приими оружіе и щитъ и стани въ помощь мнѣ.» И много молився, сконча молитву, и вѣставъ поклонися архіепископу Спиридону; архіепископъ же благослови его и отпусти. Онъ же идя изъ церкви, утираа слезы, нача крѣпити дружину свою, и рече: «не въ сылахъ Богъ, но въ правдѣ; помянемъ пѣснословца Давыда, (глаголюща): сіи въ оружїи, а сіи на конехъ; мы же въ имя Господа Бога нашего призовемъ, ты спяты быша и падоша.» И поиде на нихъ, не дождався съ многою силою, но упова на святую Троицу. Жалостно и слышати, яко отецъ его, князь великій Ярославъ честный, не бѣ вѣдалъ такового вѣстанія безбожныхъ на своего милѣйшого сына Александра, ни оному бысть когда ко отцу вѣсти послати, уже бо приближишася ратни; тѣмже мнози Новгородци не съвокупилися бяху, понеже ускори

князь поити. И прииде на ня іюля въ 15, въ 1241 недѣлю, на Съборъ святыхъ отецъ 600 и 30, иже въ Халкидонѣ, на память святыхъ мученикъ Кирика и Улити и святаго князя Владимира, крестившаго землю Рускую; имѣаше бо князь велію вѣру къ святыма мученикома Борису и Глѣбу. Бѣ нѣкто отъ воеводъ его старѣйшина земли Ижерской, въспріать святое крещеніе, и наречено бысть въ крещеніи имя ему Филипъ; живяше же посредѣ рода своего, погана суща, поручена же бѣ ему сторожа морская; живяше богоугодно, въ среду и въ пятокъ пребываа въ алчбѣ, тѣмже сподоби его Богъ видѣнію страшну. Скажемъ въкратцѣ: увѣдавъ силу ратныхъ, поиде противу князя Александра, да скажетъ ему станы (и) силы Варяжскыя, обрѣте бо ихъ. Ставшу же ему при край моря, стрегущу обою пути, и пребысть всю ночь въ бдѣніи, и якоже нача солнце въсходити, услыша шумъ страшень по мору, и видѣ насадъ единый гребущъ, а посредѣ насада стояща Бориса и Глѣба въ одеждахъ червленыхъ, и бѣста руки дрѣжа(ща) на рамѣ, гребци же сидяху яко мльніе одѣяни, и рече Борисъ: брате Глѣбе! вели грести вборзѣ, поможевѣ сроднику нашему Александру. Видѣвъ же Пелгусій таковое видѣніе и слыша таковой гласъ отъ святую мученику, стоаше трепетень, дондеже насадъ отъиде отъ очію его; потомъ же поиха скоро, (и срѣте ѿ великій) князь Александръ, онъ же видѣ его радостныма очима, исповѣдаему единому, якоже видѣ и слыша; князь же Александръ отвѣща ему: «сего не рци некому же.» И оттолѣ подщася наихати на нихъ въ 6 часъ дни, и бысть сѣча велика надъ Римляны, избѣ ихъ множество бесчисленное, яко и самому королеви възложить ему печать на лице острымъ своимъ мечемъ. Здѣ же обрѣтошася въ полку его шесть мужій храбрыхъ, иже мужествоваша съ нимъ крѣпко: 1 именемъ Гаврилъ Олексичъ: сей наи-

(1) Въ подлинникѣ противъ этого слова на полѣ написано: духомъ.



1241 хавъ на шнеку, и видѣ королевича мчаща подъ руку, и гна за нимъ по доскѣ, по не(й) же исхожаху, и до самого корабля, и втекоша предъ нимъ въ корабль, и паки обращшися свергоша его съ доски съ конемъ въ море, Божіею же волею изыиде отъ тѣхъ неврежень; и опять наиха, и бися крѣпко (съ) самымъ воеводою посредѣ полку ихъ, и ту уби воеводу ихъ Спиридона и бискупа два. Второй же Новгородецъ именемъ Събыславъ Якуновичъ: съи наихавъ многожды бѣяшися единымъ топоромъ, не имѣа страха въ сердци, и паде нѣколко отъ руки его, и подившася силѣ и храбрости его. Третій же Іаковъ Полочанинъ, ловчей бѣ у князя: съи наиха на полкъ съ мечемъ, и много мужество показа, и похвали его князь. Четвертый Новгородецъ именемъ Миша: сей пѣшъ съ дружиною своею натече, изби три корабля Римлянъ. Пятый<sup>1</sup> отъ молодыхъ его именемъ Сава: съи наиха шатеръ королевъ, великій златоверхій, подсѣче стлѣнь шатерный, и полци Александрови видѣвше шатерное паденіе и възрадовашеся. Шестій отъ слугъ его именемъ Ратмиръ: сей много бися пѣшъ, и оступиша его мнози, сей тако отъ многихъ ранъ падъ скончася. Се же все слышахъ отъ господина своего князя Александра, и отъ иныхъ, иже въ то время обрѣтошася въ той сѣчи. Бысть же въ то время чюдо дивно, якоже и въ древняя дни при Езекии цари, егда приде Синахиримъ царь Асирійскій на Іерусалимъ, хотя плѣнити святыи градъ, и внезапно изыиде аггелъ Господень, и изби отъ полка Асирійскаго 100 и 80 и 5000, и вѣставше обрѣтоша трупіа ихъ мертва; такоже бысть и при побѣдѣ Александровѣ, егда побѣди короля обонполь рѣкы Ижеры, идеже не бѣ проходно полку Александрову, здѣ обрѣтошася многое множество избѣниихъ отъ

аггелъ Божіихъ. Останокъ же побѣжа, трупіа же мертвыхъ своихъ большихъ воеводъ великихъ, накладше корабль, просѣкше дно, потопиша въ море; такоже и нарочитыхъ мужей, накладше и наметавше два корабля, просѣкше дно, потопиша же въ море; а прочимъ ископавше ямы вметаша въ ня, а язвени бяху безъ числа; и тако тоа ноши съ срамомъ останокъ ихъ побѣгоша. Новгородци же ту паде: Костантинъ Луго-тиничъ, Юрята Пинешиничъ, Намѣсть, Дро-чило Нѣздыловъ сынъ коже(в)никовъ, а всѣхъ 20 мужъ и съ ладожаны, или мень(ше), Богъ вѣсть. Князь же Александръ съ Новгородци придоша<sup>2</sup> . . . . . Того же лѣта Нѣмци, Медвѣжани, и Юріевци, Веліадци, съ княземъ Ярославомъ Володим(ер)ичемъ, взяша Изборско. И приде вѣсть си въ Плесковъ, яко взяша Нѣмци Изборско, и выидоша Плесковичи вси до души, и бѣшася съ ними, и побѣдиша ихъ Нѣмци; ту же убиша Нѣмци Гаврила Гориславича<sup>3</sup> воеводу, а Плесковичъ гонячи множество избиша, а иныхъ руками изымаша. И пригонивше за ними подъ городъ, и зажегоша посадъ весь, и много зла бысть, и погорѣша церкви честныа, и иконы, и книги, и евангеліа, и много селъ потравивша около Плескова; и стояша подъ городомъ недѣлю, но города не взяша, но дѣти поимаша у добрыхъ мужъ въ талбу, и отыдоша прочь, и тако быша безъ мира. Бяху бо прѣвѣтъ дръжали съ ними Плесковичи, и подвели ихъ Твердило Иванковичъ съ нѣми, и самъ почва владѣти Плесковомъ съ Нѣмци, воюя села Новгородскаа; а иніи Плесковичи вбѣгоша (въ) Новъгородъ съ женами и з дѣтми.

Въ лѣто 6749, зимѣ, выиде князь Александръ Ярославичъ изъ Новгорода къ отцу въ Переяславль, съ матеріею Феодосі(е)ю, и съ женою и съ всѣмъ дворомъ своимъ, распрѣвсая

(1) Въ подлинникѣ: пятыхъ. (2) Въ рукописи пропущены слѣдующія слова: и съ ладожаны вси здрави въ свояся, сохранени богомъ, и святою софьею и молитвами всѣхъ святыхъ. (3) Тамъ же: гориславичи.



съ Новгородци. Тоя же зими придоша Западнии Нѣмци (и) Чюдъ на Водь, и повоеваша, дань на нихъ възложиша, и городъ срубиша въ Копоріи погостѣ. И не то бы(сть) зло, но и Тѣсовъ взяша, и гониша за 30 версть до Новагорода, гостъ біючи, а сѣмо (до) Лугу и до Сабля: Новгородци же послаша по князя къ великому князю Ярославу Всеволодичу, и дасть имъ сына своего Андрѣа. Тогда же здумавше Новгородци, послаша владыку Спиридона съ лучшими людьми опять съ челобитіемъ къ великому князю Ярославу по сына его Александра, просячи его къ себѣ; бѣ бо (въ) то время пришедше Литва, и Нѣмци и Чюдъ, и повоеваша волость Новгородскую, и поимаха по Лугу вси конѣ и скотъ, и не на чемъ быше орати и нѣчимъ. Князь же великій Ярославъ приѣмъ моленіе ихъ, дасть имъ сына своего князя Александра; и приде Александръ въ Новгородъ, и ради быша Новгородци. Того же лѣта поиде князь Александръ на Нѣмци на городъ Копорію, съ Новгородци, и съ Ладожаны, и съ Корѣлою и съ Ижерою<sup>1</sup>, и шедъ взя городъ Къпорію и раскопа, а Нѣмци избѣи, а иныхъ приведе въ Новѣгородъ, а иныхъ пусти по своей волѣ, а Вожанъ и Чюдцу прѣвѣтниковъ извѣша, (и) иде къ Переяславлю.

Въ лѣто 6750, веснѣ, събрашася Нѣмци съ сеа стороны, и придоша къ Пскову, полкы Псковскыя побѣша, а въ Псковѣ намѣстники своа посадиша. Князь Александръ то слышавъ, велми оскорбѣ, не повѣдавъ не мало<sup>2</sup>, поемъ съ собою брата князя Андрѣа, поиде изъ Новагорода (на) Нѣмци, на Чудскую землю, съ Ново(го)родци и Низовци, зимѣ, въ силѣ велицѣ, да не похвалятся<sup>3</sup> поганіи, ркуще: «укоримъ словесный языкъ ниже себе;» уже бо бяше Псковъ взятъ и тиуни ихъ<sup>4</sup> посажени. Князь же Александръ зайтъ всѣ

пути до Пскова, и изгони князь Псковъ, 1241  
изыма Нѣмци и Чюдъ, и сковавъ поточи въ 1242  
Новгородъ, а самъ поиде на Чюдъ, и усвободи Псковъ, оплѣняя землю Нѣмецкую. И яко быша на земли Чюдской, посла полкъ свой въ зажитіа, а Домашъ Твердославичъ и Кербетъ быша въ розгонѣ, и усрѣтоша ихъ Нѣмци и Чюдъ у мосту, и бышася ту, и на томъ бою убиша Домаша, брата посадника, мужа честна, и иныхъ съ нимъ избиша, а иныхъ руками изымаха, а иніи прибѣгоша къ князю Александру въ полкъ; а шедше повоеваша много, и пожгоша и полону много взяша. Нѣмци же въ то время съвѣкупиша силу велику, и яко видѣша стражіе Александрови силу ихъ, ужасошася множества<sup>5</sup> ихъ. Тоже слышавъ Александеръ, и въспятися на озеро, глаголемое Чюдское; а местерь съ всѣми бискупы, и съ множествомъ языка его и власти его, что (ни) есть на сей сторонѣ, и съ помочео королевою, иде противу ихъ, и придоша на то же озеро, глаголемое Чюдское. Видѣвше же ихъ Александръ сожда, и отступися назадъ; Нѣмци же (и) Чюдъ по немъ поидоша. Увидѣвъ же князь Александръ и Новгородци, аже Нѣмци идутъ по нихъ, и постави полкы своа на озерѣ на Чюдскомъ, на Узмени, у Вороніа камени, и ста посреди ихъ исполчився; и наступиша на озеро Чюдское, бяху бо обоихъ множество много вой. Бяху же у Александра князя много храбрыхъ, якоже древле у Давыда царя силни и крѣпци; такоже и мужи Александрови исполнишася духа ратнаго, бяху бо сердца ихъ аки лвомъ, и рекоша: «о княже честный! нынѣ приспѣ время положить главы своя за тя.» Князь же Александръ вшедъ въ церковь святыя Троица, что бѣ съ нимъ, въздѣвъ руцѣ на небо, и помолися, и рече: «суди, Боже, и разсуди прю мою отъ языка непреподобна

(1) Въ подлинникъ: сыжрою. (2) Въ Полн. Собр. Лѣт. т. VII, стр. 150, читаемъ: не умедливъ нимало.

(3) Въ подлинникъ: да не похвалятся. (4) Тамъ же: тіи у нихъ. (5) Тамъ же: множество.



1242 и велерѣчива; помози ми, Господи, якоже древле Моисеови на Амалика и прадѣду моему Ярославу на окааннаго Святополка!» Бѣ же тогда день суботній, солнцу вѣсходящу, (сѣ)стужишася; Нѣмци же и Чюдѣ напихаша на полкъ, и пробишася свинією сквозѣ полки Александровы, тогда бысть сѣча зла на Нѣмци и на Чюдѣ, трусь<sup>1</sup> великъ отъ копейнаго ломленія и звукъ отъ мечеваго сѣченія, яко и озеру помръзшу двинути, и не бѣ видѣти леду, покрыло бо бяше кровію. Се же слышахъ отъ самовидца, и рече ми: «яко видѣхъ полкъ Божій на въздушѣ, пришедшей на помощь Александрови;» и мнози же видѣша вѣрніи полки Божія, помагаючи Александру. И побѣди а помощію Божією, и святою Софією, и молитвами святою мученику Бориса и Глѣба, еюже древле ради кровь свою проліаша; а Чюдѣ вдавше плещи побѣгоша. И гнаша ихъ біючи по озеру на семь верстѣ, не бѣ бо по леду камо утечи; и гониша ихъ біючи до Суполичскаго берега; и паде Нѣмецъ 531, а Чюди безчисленное множество, а 50 Нѣмчиновъ руками яша и приведоша въ Новгородъ, бяху бо тѣи нарочитіи воеводи; и мнози ихъ истопоша<sup>2</sup> на озерѣ, и мнози язвени отбѣгоша. Бысть же сей бой въ лѣто 6751<sup>3</sup>, мѣсяца априля въ 5 день, на память святаго мученика Оеодула, въ субботу 5 недѣли великаго поста, на Похвалу Богородици; здѣ же прослави Богъ Александра предо всѣми полки, яко Ісуса Навгина у Ерихона. Они же рекли: «имемъ Александра руками;» и сихъ дастъ ему Богъ въ руцѣ его, и не обрѣтется противникъ ему въ брани никогда же. Възвративъ же ся князь великій Александръ съ побѣдою великою и славною, и съ множествомъ полона и съ великою к(о)рыстію, бяше бо полонъ множество (въ) полку его, и ведяху ихъ подлѣ кони своа, иже именуется Божія ритори. И яко

приблизился князь великій Александръ къ граду Пскову<sup>4</sup>, срътоша его съ кресты игумены, и попове и народъ много, поюще славу Господню великому князю Александру: «пособивый, Господи, кроткому си Давыду побѣдити иноплеменики и вѣрному князю нашему оружіемъ крестнымъ, свободи градъ Псковъ отъ иноязычникъ рукою Александровою!» О невѣгласи Плесковичи! аще се забудете до правнучатъ великаго князя Александра, уподобитесь Жидомъ, ихже препита<sup>5</sup> Господь въ пустыни манною и крастели печеными, и сихъ всѣхъ не помянуша, и забыша Бога, изведшаго ихъ изъ земля Египетскія, изъ дому работнаго. И прослу имя Александрово по всѣмъ странамъ, и до моря Хупожскаго, и до горъ Раратскихъ, и обону страну моря Варажскаго, и до великаго Рима. Того же лѣта прислаша Нѣмци съ поклономъ въ Новгородъ безъ князя, глаголюще: «что есми зашли Водъ, Лугу, Плесковъ, Лотыголу мечемъ, того всего отступаемъ; а что есмя изымали мужей вашихъ, а тѣми (ся) размѣнимъ, мы вашѣ мужѣ пустимъ, а вы наши пустите.» И таль Плесковскую пустиша, и умиришася. Тоя же весны, мѣсяца маіа въ 4 день, на память святаго мученика Пелагии, преставися рабъ Божій, преподобный старецъ, игумень Варлаамъ святаго Спаса на Хутинѣ, а мирскій Вячеславъ Прокшиничъ; а погребень бысть заутра въ 5-й день маіа, на память святаго мученицѣ Ирины. (Того же мѣсяца въ 18, на память святаго мученика Александра, явился знаменіе) въ Псковѣ у святаго Іоанна въ монастыри отъ иконы святаго Спаса, надъ гробомъ княгини Ярославли Володимерича, юже уби свой пасынокъ въ Медвѣжи Головѣ: иде муро отъ иконы 12 дней, и наиде 4 вошаници, яко въ сткляницу; и привезоша двѣ въ Новгородъ на благословеніе, а двѣ о себѣ

(1) Въ подлинникъ: трость. (2) Тамъ же: истопаша. (3) Слѣдуетъ читать: 6750, потому что въ этомъ году пасха была 20-го априля. (4) Въ подлинникъ: пскову. (5) Тамъ же: препѣты.



оставиша. Но, Господи, слава тебѣ, даровавшему грѣшнымъ и недостойнымъ рабомъ твоимъ таковое благословеніе, и на тя уповахомъ, яко призираеши насъ убогихъ своею многою милостию, яко милостивый человѣколюбецъ. Того же лѣта преставися Іоанъ, посадникъ Новгородскій, Твердиславичъ, внукъ Михайловъ, мѣсяца августа, въ недѣлю, въ 1 часъ нощи; а погребенъ бысть въ понедѣльникъ, на память святыхъ мученикъ Павла и Уліаны, во притворѣ святыхъ Софія, идеже лежатъ архіепископи Новгородстїи Аркадіе и Мартиріе. Того же лѣта Литва начаша пакостити въ области великого князя Александра; онъ же единою вышедъ, побѣды семь ратей ихъ, и изби ихъ многое множество, а коихъ руками изымаша, а тыхъ повелѣ привязывати конемъ къ хвостомъ, ругающеся имъ, ведущи безбожную Литву съ собою; и оттолѣ начаша блюстися и трепетати имени его. Того же лѣта князь великій Ярославъ Всеволодичъ ходи въ Орду къ царю Бытью, а сына Костантина посла х Кановичемъ. Батый же почестивъ великого князя Ярослава, и отпусти его, давъ ему старѣйшинство въ всемъ Рускомъ языцѣ; и прииде съ великою честію въ землю свою.

Въ лѣто 6752. Князь Володимеръ Костантиновичъ, и Борисъ Василковичъ, сыновецъ его, Ростовскій, и Василей Всеволодичъ идоша къ Батыю про свою отчину, и отпусти ихъ. Того же лѣта, мѣсяца мая 4, на память святыхъ мученицъ Ирины, преставися великаа княгыня Оеодосіа Ярославля, въ Новѣгородѣ, дщи великого князя Мъстислава Мъстиславича, мати великому князю Александру Невскому, постригшися въ монастыри святаго Георгія, и наречена бысть въ мнишескомъ образѣ Ефросинія; и положена бысть подлѣ сына своего князя Феодора Ярославича.

Въ лѣто 6753. Прииде князь Костантинъ Ярославичъ ис Кановичъ къ отцу и съ

честію. Того же лѣта воеваша Литва Тор-<sup>1242</sup>  
жекъ и Бѣжици, и идоша въ землю свою; и угони ихъ князь Александръ съ Новгородци у Торопца, отня у нихъ полонъ весь, а князей уби 8. Оттолѣ Новгородци вѣзвратишася, а князь Александеръ погони по нихъ до Жижина з дворомъ своимъ, и ту всѣхъ избы, и ни единого упусти, и поимъ сына своего изъ Вытебска, и поиде къ Новгороду, и сръте ихъ рать, и ту поможе ему Богъ. Того же лѣта князь великій Ярославъ съ сыновци своими иде въ Орду.

Въ лѣто 6754. Князь Святославъ Всеволодичъ, нареченный Гаврилъ, и братъ его князь Иванъ Стародубскій Всеволодичъ съ сыновци своими приидоша ис Татаръ на свою отчину; а великого князя Ярослава посла Батый х Кановичемъ. Того же лѣта убиенъ бысть князь Михайло Всеволодичъ, Чермного сынъ, Черниговскій съ Федоромъ бояриномъ своимъ, зане не поклонишася солнцу, и кусту и идолу.

Повѣсть о убиеніи князя Михаила Черниговского, сына Всеволожа Чермного, внука Олгова Святославича, сына Всеволожа Олговича, сына Святослава Ярославича, сына Владимира, яко быти ему девятому отъ великого Владимира; и съ нимъ убиенъ бысть Феодоръ, бояринъ его. Въ лѣто 6746, по Божію попущенію и гнѣву, бысть нахождение Татарское на землю Рускую, за умноженіе нашихъ съгрѣшеній; мнози грады поплѣнены быша, иже и донныѣ мѣста ихъ стоятъ пуста, и многыа монастыри, и честныа церкви и села отъ того нечестиваго Батыева плѣненія запустѣша и нынѣ лѣсомъ зарастоша, точію знаменія именъ имъ памятію отъ рода въ родъ предпосылаются, якоже иматъ уреченіемъ рѣка ни во единомъ языцѣ, а единымъ именемъ зватися, такоже и мѣста многа лѣта прозваніе свое иматъ. Случи же ся, якоже выше рѣхъ<sup>1</sup>, по

(1) Въ подлинникъ послѣ слова: рѣхъ было написано: гладѣх же и морѣх, но потомъ зачеркнуто.  
Т. XV.



1246 многихъ Божіихъ разгнѣваніихъ на землю Рускую, по мнозѣхъ гладѣхъ же, и морѣхъ и трусѣхъ великихъ, и по избіеніи князей на Калкахъ отъ неименитыхъ и храброго воинства, и всего оскудѣвшимъ, пріити сему злочебивому Батыю, и убити великого князя Юрія Всеволодича на Сити и Василка Костантиновича Ростовского храбраго. Князю же великому Михаилу Всеволодичу дрѣжащу тогда Кіевъ, и пріидоша къ нему послы отъ Батыя царя, онъ же увидѣвъ словеса ихъ лестиваа, повелѣ избыти ихъ, а самъ повелѣ всему двору своему събратися, и побѣже въ Угорскую землю и съ всеми домашними своими; а инѣи бѣжаша въ далняя страны, а инѣи же крѣяхуся въ горахъ, въ пещерахъ, и въ расщелинахъ и въ пропастьхъ земныхъ, а инѣи затворяхуся въ градѣхъ крѣпкихъ, а инѣи въ непроходиміа бѣжаша острова, и мало отъ тѣхъ изоставахуся, тѣхъ же, не по колицѣхъ временехъ, осадиша въ градѣхъ, и исчетоша а въ число, и начаша на нихъ дань имати Татарове. Слышавше же се, иже бяху разбѣжались по чюжимъ землямъ, и что ихъ избылося, начаша събиратися помалу; начаша же ихъ звати<sup>1</sup> Татарове съ нуждею, глаголюще: «не подобаетъ вамъ жити на землѣ каноновъ (и) царевъ Батыевъ, не поклонившеся има;» мнози же ихавше поклонившася Батю царю. Обычай же имѣяше Батый царь и кханъ, аще кто пріидеть поклонитися има, не веляше пръвѣ вести предъ ся, но приказано<sup>2</sup> бяше, влѣхвомъ вести а сквозѣ огонь, и поклонитися кусту и огневи; а иже что съ собою принесоша царевѣ дары, отъ всего того взимающе влѣхвоу, вѣмѣтающе пръвѣ въ огонь, потомъ же и самѣхъ предъ царя пушаху съ дары. Мнози же князи и з бояры своими идяху с(к)возѣ огонь, и покланяхуся солнцу, и кусту и идоломъ ихъ, славы ради свѣта сего, прашааше каждо ихъ вла-

сти; они же безъ възбраненія даяху имъ, кто которыа власти хотяше, да прелстятся славою мира сего. Преподобному же князю Михаилу Всеволодичу, бывшу въ Угрѣхъ з лѣта, и помалу пришедшу на свою землю, и пребывающу на своей отчинѣ въ Черниговѣ<sup>3</sup>, видѣвшѣ<sup>3</sup> многы прелщающися славою свѣта сего, и посла Господь благодать, и славу и даръ Святаго Духа на нь, и вложи ему въ сердце ихати предъ царя Батыя и обличити прелесть его, имѣже леститъ христіаны. Якоже древле великій мученикъ Христовъ Георгій не сътрѣпѣ гоненія, движущася на христіаны, самозванно приходитъ обличити Діоклитіаново безуміе; тако и сей блаженный князь Михаилъ разгорѣся духомъ, опаляемъ Божіею благодатію, въсхотѣ ихати къ царю Батіеву. И преже пріиха (къ) отцу своему духовному, повѣда ему, глаголя: «отче, хошу ихати къ царю Батыю и умрети за Христа и за правовѣрную вѣру.» Отвѣща ему отецъ: «мнози издивше сътвориша волю поганого царя Батыя, прелстившеся славою свѣта сего, идоша сквозѣ огонь, и поклонившася солнцу, и кусту и идоломъ, и погубиша душа своа и тѣлеса; но ты, сыну Михаиле, аще хощеша ихати, то не сътвори тако, якоже и прочіи, не иди сквозѣ огонь, ни поклонися кусту и идоломъ ихъ, ни брашна, ни питія ихъ не пріимай въ (у)ста своа; но исповѣждь вѣру христіанскую, яко не достоинъ христіаномъ никому же кланятися твари, токмо единому Богу нашему Ісусу Христу.» Князь же Михаилъ и Феодоръ, воевода его, глаголаста ему: «молитвою твоею, отче, яко Богъ хошетъ, тако и сътворитъ; се азъ бы того хотѣлъ, еже кровь свою проліати за Христа и за вѣру христіанскую;» такожде и Феодоръ глаголаше, воевода его. И глаголаше има душевный отецъ: «вы будета въ нынѣшнемъ роду но(во)явленнаа святаа мученика на<sup>4</sup> утврѣженіе

(1) Въ подлинникѣ: ждати. (2) Тамъ же: приказани. (3) Тамъ же: видѣ, богъ. (4) Тамъ же: и.



инѣмъ вѣрнымъ челоуѣкомъ, аще тако сѣтворита.» Князь же Михайлъ и воевода его Феодоръ обѣщастася сѣ сѣтворити, и тако благословистася у отца своего духовнаго; тогда дасть има отецъ причастіе на путь, рекше преждесвященное, и благослови а, отпусти, и глагола има: «Богъ да укрѣпитъ ваю и послетъ вамъ помощь, за негоже тѣщитася пострадати.» Тогда князь Михайлъ ихъ въ домъ свой, и взять отъ имѣнія своего, еже бѣ ему на потребу на путь, и поиде во Орду; многы же земли проихавшу ему, доихавшу до Батыа царя. И повѣдаша Батыевы царю: «князь великій Рускій Михайлъ прихалъ поклонитися тебѣ;» царь же Батый повелѣ призвати влѣхвы своа; влѣхвомъ же пришедшимъ предъ царя, и рече имъ царь: «еже есть по обычаю нашему сѣтворити князю Михайлу, и<sup>1</sup> потомъ приведите его предъ мене.» Онѣмъ же шедшимъ къ великому князю Михайлу, глаголаша<sup>2</sup> ему: «царь Батый зоветъ тя.» Онъ же поймъ воеводу своего Феодора идяше съ нимъ, и доидоша мѣста, идеже бѣше огонь складень съ обѣ странѣ, мнози поганіи идяху сквозѣ огонь и поклоняхуся солнцу и идоломъ. Влѣсви же хотѣша Михаила и Феодора вести сквозѣ огонь, и яко поведоша ихъ, Михайлъ же рече имъ: «не достоинъ намъ христіаномъ ходити сквозѣ огонь, ни поклонитися идоломъ, имже сѣи кланяются; тако есть вѣра христіанскаа не кланятися твари и идоломъ, но поклонятися Святѣй Троици, Отцу и Сыну и Святому Духу.» Михайлъ же рече воеводѣ своему Феодорови: «лучши есть намъ (не) кланятися, емуже сѣи кланяются.» Они же остависта ею на мѣстѣ, идеже бѣста приведена, идоша повѣдати царю Батыю, глаголюще: «Михайлъ повелѣнія твоего, царю, не слушаетъ, сквозѣ огонь не идетъ, а богомъ твоимъ не кланяется<sup>3</sup>, и глаголетъ: не достоинъ

намъ христіаномъ сквозѣ огонь ходити, ни по-1246 клонятися солнцу, ни идоломъ, но единому кланятися сѣтворшему вся Отцу и Сыну и Святому Духу.» Царь же Батый възъярився<sup>4</sup> велми, посла единого отъ велможъ своихъ, столника своего именемъ Елдегу, и глагола ему: «иди и рци Михайлови: почто еси повелѣніе мое преобѣдиль, богомъ моимъ не поклонился еси? но отселѣ едино<sup>5</sup> отъ двою избери себѣ, животъ или смерть; или повелѣніе мое съхраниши, и сквозѣ огонь пройдеши, и богомъ моимъ поклонишися, и живъ будещи, и княженіе свое все зъ великою честію отъ мене приимеши; аще ли не пройдеши сквозѣ огонь, и не поклонишися солнцу, и кусту и идоломъ, то злою смертію умрещи.» Елдега же шедъ повѣда сѣа царевы глаголы Михайлу. Тогда отвѣща Михайлъ: «тебѣ царю кланяюся, понеже ти<sup>6</sup> Богъ поручилъ царство свѣта сего; а емуже велиши кланятися, то азъ не кланяюся.» И рече ему Елдега, столникъ царевъ: «Михаиле! вѣдаа будещъ яко мертвъ еси.» Михайлъ же отвѣща ему: «азъ того хошу еже за Христа моего пострадати, и за правовѣрную вѣру кровь свою проліати.» Тогда глагола ему внукъ его, князь Борисъ Васильковичъ Ростовскій, съ плачемъ многымъ: «господине отче! сѣтвори волю цареву;» тогда же такожде и бояре Борисови глаголаша: «господине княже! вси за тя приимемъ опетемію (со) своею областію.» Тогда Михайлъ отвѣща имъ: «не хошу токмо именемъ зватися христіанинъ, а дѣло поганыхъ сѣтворити.» Егда же се Михайлъ глаголаше къ нимъ, Феодоръ, воевода его, помышляше въ себѣ, глаголя: «еда како ослабѣетъ князь мой моленіемъ сихъ, помянувъ любовь женскую и дѣтей ласканіе?» бѣ бо Борисъ 15 лѣтъ и многы слезы предъ дѣдомъ изливаше; тогда Феодоръ, помянувъ слово отца своего

(1) Въ подлинникъ: тп. (2) Тамъ же: глаголаше. (3) Тамъ же: не кланеются. (4) Тамъ же: възъярився. (5) Тамъ же: единого. (6) Тамъ же: ты.



1246 духовнаго, и рече Михаилу<sup>1</sup>: «помниши ли, Михаиле, слово отца своего духовнаго, еже учаше насъ отъ святаго евангеліа? рече бо Господь: иже хошетъ душу свою спасти, погубитъ ю; а иже погубитъ душу свою мене ради, той спасетъ ю; и паки рече: каа полза челоуѣку, аще сего мира пріобрѣщеть<sup>2</sup>, а душу свою отщетитъ? или что дастъ челоуѣкъ измѣну на души своей? иже бо постыдится мене (и) моихъ словесъ въ родѣ семъ, (и Сынъ челоуѣческій постыдится его); и (аще кто) исповѣсть мя предъ челоуѣки, и азъ исповѣмъ его предъ Отцемъ моимъ, иже<sup>3</sup> есть на небесѣхъ; а иже отвержется мене предъ челоуѣки, отвергуся его и азъ предъ Отцемъ моимъ, иже есть на небесѣхъ.» Си же глаголаше Феодоръ къ Михаилу; они же начаша молити его прилежно, да послушаетъ ихъ. Михаилъ же глаголаше къ нимъ: «не слушаю васъ, не погублю душа своеа;» тогда Михаилъ снемъ съ себе коць свой, врыже къ нимъ, и глагола имъ: «примѣте сего свѣта славу, аже вы его<sup>4</sup> хощете.» Слышавъ же сіа Елдега, яко сіи не увѣщаша его, и ихъ къ цареви повѣдати еже рече Михаилъ. Бяху же на мѣстѣ томъ стоаше множество христіанъ и поганыхъ, слышаху словеса, еже отвѣщеваше Михаилъ къ цареви. Тогда блаженный Михаилъ съ Федоромъ начаша себѣ пѣти; и по отпѣтѣи взяша святое причащеніе, еже далъ бѣ има отецъ ею, иже и благослови ихъ на то еже пострадати за Христа; и глаголаху ту предстоящій князь Михаилу: «Михаиле, идуть отъ царя убійцы убивати васъ; поклонитася и жива будета.» Михаилъ же и Феодоръ, воевода его, яко единѣи усты отвѣщаваста, глаголюще: «не кланяевѣся, ни слушаевѣ васъ, славы ради свѣта сего.» И начаста пѣти: мученици твои, Господи, не отвергошася тебе,

не отступиша отъ заповѣдей твоихъ; и паки: страдавше тебе ради, Христе, многы мукы претерпѣвше, и прочаа. Си блаженная, укрѣплѣшася надеждою Христовою и молитвами святыхъ мученикъ, стааста яко столпа непреклонна и недвижима. Тогда пріихавша убійцы, сскочивше<sup>5</sup> съ коней, въсхватиша князя Михаила, и растягоша его за руцѣ и за нозѣ, и начаша его быти рукама по сердцу, и посемъ поврыгоша его ницъ на землю, біаху его пятами; сему же надолзѣ бывшу, нѣкто, бывъ преже христіанинъ, послѣди же поганъ и законопреступникъ, отвергся вѣры христіаньскыя и бысть поганъ, именемъ Дамась<sup>6</sup>, се(й) отрѣза главу князю Михаилу, Христову мученику, и верже ю прочъ. И потомъ глаголаша Феодорови: «ты поклонися богомъ нашимъ, и примѣши княженіе князя своего.» И глагола имъ Феодоръ: «княженіа не хощу, и богомъ вашимъ не кланяюся, но хощу пострадати за Христа, якоже и князь мой.» И тогда начаша и Феодора мучити, якоже и князя Михаила; послѣди же и честную его главу отрѣзаша. Ти тако благодаряще Христа пострадаста крѣпко, и предаста святѣи свои<sup>7</sup> души въ руцѣ Божіи, новосвятаа мученика; святѣи же тѣлеси ею повръжени псомъ на снѣдъ. На многы же дни лежащима има, Божіею благодаті(е)ю съблюдена быста и невреженнѣ тѣлеси ею<sup>8</sup>, челоуѣколюбець же Господь, милосердый Богъ нашъ, прославляа святыа своя угодники, пострадавшаа за нь и за правовѣрную вѣру кровь свою проліаста, явися столпъ огненъ надъ тѣлесе ею, сіающъ отъ земля до небеси пресвѣтлыми лучами паче солнца, на утвржденіе вѣрнымъ христіаномъ, а на обличеніе тѣмъ, иже, оставивше истиннаго Бога, покланяются твари, идоломъ, (и н)а устрашеніе поганымъ. Святѣи же

(1) Въ подлинникъ послѣ слова: михаилу было написано: феодоръ слово, но потомъ зачеркнуто. (2) Тамъ же отъ сихъ словъ сдѣлана выноска на поле: царство прим. . . (3) Тамъ же: еже. (4) Тамъ же: ся его. (5) Тамъ же: сскочивше. (6) Тамъ же отъ слова: дамась вынесено на поле: доманъ сѣверіанинъ родомъ. (7) Тамъ же: своеи. (8) Тамъ же: его.



и честнѣи тѣлеси ею нѣкими христіаны богобоязливыми съхранен(и) быста. Бысть же убіеніе ею въ лѣто шеститысячное и седмосотное и пятьдесятъ третіе, мѣсяца септевріа 20 день, на память святаго великомученика Еустафіа Плакыды; еюже моленіемъ вси достойни будемъ обрѣсти милость въ день судный и отпушеніе грѣховъ отъ Спаса нашего Ісуса Христа, въ нынѣшней<sup>1</sup> вѣкъ и въ будущій, славяще Отца вкупѣ и Сына и Святаго Духа, нынѣ и присно и въ вѣкы вѣкомъ, аминь. Того же году князя Бориса Василковича посла Батый къ сыну своему Сартаку; и отпусти его Сартакъ съ честію въ свою отчину. А князь великій Ярославъ тогда бѣ у Кановичъ, обаженъ Феодоромъ Руновичемъ, и много пострада отъ безбожныхъ Татаръ за землю Рускую, и много истомленіе подъять, и отпустиша его уже изнемогша; и пошедъ отъ Кановичъ, преставися нужною смертію въ иноплеменинцѣхъ, мѣсяца септебря въ 30 день, на память святаго священномученика Григорія Великіа Арменія. И по немъ сѣде братъ его Святославъ Всеволодичъ на великое княженіе, нареченный Гаврило. Княженіе великого князя Святослава Всеволодича. Въ лѣто 6754. Князь Андрѣй Ярославичъ поиде въ Орду къ царю Батыю. Того же лѣта присла царь Батый къ князю Александру Ярославичю, глаголя: «мнѣ Богъ покорилъ вся языки, ты ли единъ не хочещи покоритися мнѣ? но аще хочещи съблюсти землю свою, то пришедъ поклони ми ся, и узриши славу царствія моего.» Князь же Александръ прииде въ Володимерь, по умрѣтвіи отца своего, въ силѣ велицѣ, и бысть грозенъ призвѣтъ его; и проиде вѣсть до усть Вѣлгы, и начаша жены Моавьскыа полошати дѣти своихъ, ркуще: «Александръ идетъ.» Съдумавъ же князь Александръ, и благословися у епископа Кирила, и поиде въ Орду къ царю Батыю; видѣвъ же его царь

Батый, и подивися, и рече велможамъ своимъ: 1246 «воистинну повѣдаша мнѣ, яко нѣсть подобна сему князю;» и почтивъ его, отпусти съ честію. О убіеніи Батыевъ. Окаанный же и злочестивый царь Батый, злоименитый, поиде на западные Угры къ вечернымъ странамъ, многы мѣста и грады пусты сѣтвори; и достизаетъ самага великаго Варадина града Угорскаго, иже среди земли Угорскіе лежить, изобилень же бѣ велми овощми и виномъ, и обведенъ весь водами, и того ради не бояхуся ничего же, среди же его столпъ высокъ велми. Бѣ же тогда самодръжець тоа земли король В(ла)славъ Угромъ, и Чехомъ, и Нѣмцомъ и всего Поморія до Великаго моря; бѣ же и крещеніе пріаль отъ архиепископа Савы Сербскаго, дръжаше вѣру христіанскую и священника втайнѣ. Батыевы же вшедшу въ землю его и плѣнующе, а сей король Власловъ, егоже святой Сава именова Владислава, не успѣ собратися съ вои своими, далечнаго ради землямъ растоанія; а сей нашедъ нача гради плѣнити и жещи, а людей<sup>3</sup> сѣчи. Сей же Владиславъ, вшедъ на столпъ онъ, зря погибели земли своей, плакашеся горцѣ, не имѣаше что сѣтворити, и тако многы дни пребысть, ни хлѣба ни воды вкушаа; къ нему же въ градъ побѣже сестра его, и Татарове постыгше ея, и яша ю и ко Батыю отведоша; сей же наипаче къ слезамъ слезы приложи, течаху же слезы отъ очію его, рѣчнымъ быстринамъ подобящеся, идеже аще падаху на мраморіе, и насквозь проходяаху, еже есть и до сего дне знаменіе то. И нѣкто предста ему, глаголя: «се<sup>4</sup> ради твоихъ слезъ даетъ Господь (ти побѣдити) царя злочестива;» и тако невидимъ бысть. Король же сніде съ столпа, се конь его осѣдланъ стояше, никимъ же дръжимъ, и сѣкира на сѣдлѣ его, (и отъ сего) извѣстно разумѣ Божіей помощи быти, всѣде на конь, и изыиде на противныя (съ вои), елици обрѣтоша-

(1) Въ подлинникѣ: в нынѣшней. (2) Тамъ же: имѣ. (3) Тамъ же: людей и. (4) Тамъ же: сего.



1246 ся съ нимъ; противнии же видѣвше побѣгоша,  
1252 страхъ бо нападе на нихъ, а сѣи гоняще многое  
множество варваръ избыша, богатства елико не  
бѣ числа взяша, а изъ града изыидоша жены  
и дѣти, нечестивыхъ погубляху. Безбожна-  
го Батыя самъ краль постиже, къ Угорскимъ  
планинамъ бѣжаща; яко сплетеса съ нимъ,  
нача Батыю помогати сестра Владислава, юже  
плѣниша безбожнии, онъ же немилостивно обо-  
ихъ уби; тако пріятъ конецъ окаянный житію.  
Угры же стаха по станомъ Татарскимъ,  
они же окаянии идяху съ множествомъ поло-  
на въ стани своа, чающе своихъ стоаща, сѣи  
же безъ милости всѣхъ избиваху; токмо аще  
кои въсхотятъ въры въ Христа, сихъ оста-  
вляху. Короля же на конѣ съ топоромъ онѣмъ,  
имже уби Батыя, слиша мѣдяна и поставиша  
на предиреченіѣмъ столпѣ, дръжаща въ руцѣ  
сѣкиру, ежечесть и до сего дне тако.

Въ лѣто 6755. Преставися рабъ Божій  
Костантинъ Вячеславичъ, нареченъ въ чрън-  
цехъ<sup>1</sup> Анкыдинъ; и положенъ у святаго Спаса  
на Хутинь.

Въ лѣто 6756. Женися князь Борисъ Ва-  
силковичъ Ростовскій у Ярослава у Му-  
ромского князя. Тоа же зыми бишася  
князи Рустіи съ Литвою, и одолѣша князи  
Рустіе. Тогда убіенъ бысть князь Михайло  
Ярославичъ, внукъ Всеволожъ, Московскій,  
отъ Литвы на рѣцѣ Поротвѣ, братъ князю  
Александру Невскому; епископъ же Кирилъ,  
вземъ тѣло его, и положи въ Володимери  
въ церкви святаго Богородици. А братъ его  
шесть поби Литву у Зубцовъ.

Въ лѣто 6757. Князь Глѣбъ Василковичъ  
ходи въ Орду къ царю Сартаку Батыевичу;  
и Сартакъ почтивъ его отпусти. Тоа же зы-  
ми князь великій Александръ Ярославичъ при-  
де изъ Орды отъ Кановычъ на великое княже-

ніе на Кіевъ и на всю Рускую землю; а Андрѣй,  
братъ его, (сѣде) въ Володимери на столѣ.  
Того же лѣта преставися князь Володимеръ  
Костантиновичъ Углецкій въ Володимерѣ,  
декабря 27; и везоша его на отчину на Угле-  
че (Поле), и положиша его въ церкви святаго  
Спаса. Того же лѣта преставися архіепископъ  
Новгородскій Спиридонъ, и положенъ въ свя-  
тѣй Софіи; бысть владыкою<sup>2</sup>.

Въ лѣто 6758, мѣсяца февраля въ 8, пре-  
ставися князь Василей Всеволодичъ, внукъ Ко-  
стантинъ, въ Володимерѣ; и везоша его въ  
Ярославль, въ его вотчину, и положиша его  
въ церкви святаго Богородица Златоверхіа. То-  
го же лѣта приѣха князь Александръ Яросла-  
вичъ изъ Орды въ Новгородъ, и ради быша  
Новгородци. Того же лѣта митрополитъ Ки-  
рилъ приде ис Кіева въ Суздальскую землю.  
Того же лѣта женися князь великій Андрѣй  
Ярославичъ въ Володимерѣ, поа Даниловну  
Романовича.

Въ лѣто 6759. Приде митрополитъ Кирилъ  
въ Новгородъ, и епископъ Ростовскій Ки-  
рилъ съ нимъ, и поставиша Новугороду архі-  
епископа Долмата. Того же лѣта наидоша  
дождове велиции, и поима всѣ роли, и оби-  
(лі)а и сѣна<sup>3</sup>, и мостъ снесе великій; а въ осень  
поби мразъ обиліе, но останокъ избыся<sup>4</sup>.

Въ лѣто 6760. Князь великій Александръ  
Ярославичъ иде въ (О)рду къ Сартаку царю.  
Того же лѣта приде Неврюй, и Котьякъ и  
Олабуга храбрый на великого князя Андрѣа  
Ярославича и на всю землю Суздальскую;  
идоша къ Переяславлю таящеса, и срѣте ихъ  
князь великій Андрѣй съ полки своими, и по-  
бѣдиша ихъ Татарове. И бѣже князь Андрѣй  
въ Новгородъ Великій, таже и къ Пскову, ту-  
же дождался княгыни, иде въ Колывань;  
оттуда паки иде въ Свѣйскую землю, и тамо

(1) Въ подлинникъ: въ чръницехъ. (2) Тамъ же фраза переписчикомъ не дописана. (3) Тамъ же: сѣни. (4) За-  
симъ въ рукописи зачеркнуты слѣдующія слова, писанныя киноварью: о неврюевѣ рати.



местеръ Свѣйскій сръте его, и пріа его съ честію, онъ же посла по княгыню въ Колывань, и тамо за моремъ князь Андрѣй въ Свѣйской землѣ убіенъ бысть. А Татарове Неврюевы взяша Переяславль, и яша княгыню Ярославлю и з дѣтми, и паки убиша ю, а дѣти въ полонъ поведоша, и Жидислава воеводу убиша. Того же лѣта князь великій Александръ Ярославычъ приде изъ Орды и сѣде въ Володимѣрѣ; онъ же по плѣненіи Неврюевѣ церкви въздвигну и люди събра. Того же лѣта Татарове пустиша Олга Ингваревича<sup>1</sup> Рязанского на свою землю. Тогда же придоша къ великому князю Александру послы отъ папы изъ великого Рима. Тако молвить папа нашъ: «слышахомъ ты князя честна и дивна, и велика земля твоа, и сего ради прислахъ ти отъ двоюнадесяте гардиналу два хытрѣйшаа, Галда и Гемонта, да послушаеши ихъ ученія.» Князь же великій Александръ здума съ хытрецы своими, и списа къ нему: «отъ Адама до потопа, отъ потопа до раздѣленія языкъ, отъ раздѣленія языкъ до начала Авраамля, отъ начала Авраамля до протія Израилева сквозѣ море, отъ исхода сыновъ Израилевъ до умертвіа Давыда царя, отъ начала царства Соломона до Августа Римского кесаря и до рождества Христова, отъ рождества Христова до страсти и воскресенія, отъ воскресенія же его (и) на небеса въшествовіа до Костантина царя, и до 1-го събора и до седмаго събора добрѣ свѣдаемъ; а отъ васъ ученія<sup>2</sup> (не) пріимаемъ.» Они же възвратишася въ своаси. Того же лѣта погорѣ Славно, отъ святаго Іліи до Нутной улици.

Въ лѣто 6761, мѣсяца февраля въ 3 день, на память святаго богопріемца Симіона, преставися Святославъ Всеволодичъ, нареченный Гавриль. Того же лѣта родися князю Бори-

су Василковичу сынъ Дмитрей. Того же лѣта<sup>3</sup> воеваша Литва Шолону, волость Новгородскую, и поидоша съ полономъ, и угониша ихъ Новгородци съ княземъ Василиемъ Александровичемъ у Т(о)ропца; и тако мсти ихъ кровь христіаньскаа, и побѣдиша ихъ, и полонъ отымаша, и придоша въ Новгородъ здоровы. Того же лѣта придоша Нѣмци подѣ Плесковъ, и пожгоша посадъ, и Плесковичъ много побиша; и поидоша Новгородци полкомъ къ нимъ изъ Новгорода, и они побѣгоша прочь. И пришедше Новгородци въ Новгородъ, и подкрутившися поидоша за Норову, и сътвориша волость ихъ пусту; и Корѣла такожде много волости ихъ зла сътвориша. Тоя же зими выбѣже князь Ярославъ Ярославичъ изъ Низовской земли, оставя свою отчину Тѣфрѣ; и иде въ Псковъ, и посадиша его на столѣ.

Въ лѣто 6762. Преставися Костантинъ Ярославичъ Галицкій, и положенъ въ церкви святыа Богородица.

Въ лѣто 6763. Родися князю Борису Василковичу сынъ Костантинъ. Того же лѣта Новгородци възваша изъ Плескова Ярослава Ярославича Тѣфрѣского въ Новгородъ, и посадиша его на столѣ; а Василіа Александровича выгнаша. И то слышавъ отецъ его, князь великій Александръ Ярославичъ, и поиде къ Торжъку съ княземъ<sup>4</sup> Дмитріемъ Святославичомъ и съ прочими князи; и дожда сынъ его Василей, и поиде ратію въ Новгородъ. Идушу же ему съ многими полки и съ Новоторжъци, и стрѣте его Ратешка съ перевѣтомъ, глаголя: «поступай, княже! братъ твой Ярославъ побѣгль.» И поставиша Новгородци полкъ за Рождествомъ Христовымъ въ конци; а что пѣшца, а тѣ сташа отъ святаго Іліи противу Городища. И рекоша меншии у святаго Николы на вѣчѣ: «братіе, аще

(1) Въ подлинникъ: игоревича. (2) Тамъ же: учинія. (3) Тамъ же послѣ слова: святаго было написано: бориса, но потомъ зачеркнуто. (4) Тамъ же: съ братомъ.



1255 речеть князь: выдайте вы моа ворогы?» и  
 1256 цѣловаша святую Богородицу меншии, како  
 стати всѣмъ, любо въ смерть, любо въ жи-  
 вотъ, за правду Новгородскую, за свою от-  
 чину. И бысть въ болшихъ свѣтъ золъ, како  
 побѣдiti меншии, а князя ввести на своей  
 волѣ. И побѣже Михалко изъ города къ  
 святому Георгію, како было ему своимъ пол-  
 комъ ударити на сю сторону и смяти люди;  
 и увѣдавъ Онанія, хотя ему добра, посла по  
 немъ втайнѣ Якуна, и увѣдаше чръные люди,  
 погнаша по немъ, хотѣша на дворъ его (уда-  
 рити), и не да Онанія, рече: «братіе, оже того  
 убіете, убійте мене перше;» не вѣдаше бо, оже  
 (о) немъ мысль злу свѣщаша самого няти, а  
 посадничество дати Михалку. И присла князь  
 великій Александръ Бориса на вѣче, глаголя:  
 «выдайте ми Онанію посадника, или не вы-  
 дадите, и я вашъ не князь, но врагъ, иду на  
 городъ ратию.» И послаша Новгородци вла-  
 дыку Долмата къ князю и Клима тысяц-  
 кого, глаголюще: «пойди, княже, на свой  
 столъ, а злодѣвъ не слушай; а Онаніи не-  
 любіа отдай и<sup>1</sup> всѣмъ мужомъ Новгород-  
 скымъ.» И не послуша князь великій молбы  
 владычны и Климовы. И рекоша Новгоро-  
 дци: «да аще, братіе, князь нашъ тако здум-  
 малъ з нашими крестъпреступники, оно имъ  
 Богъ и святаа Софія; а князь безъ грѣха.»  
 И стояше весь полкъ 3 дни за свою правду,  
 и<sup>2</sup> въ 4 день присла князь великій еще  
 ркучи: «оже Онанія лишится посадничества, и  
 азъ вамъ гнѣва отдамъ.» И лишися Онанія  
 посадничества, и взяша миръ на всей воли  
 Новгородской, и поиде князь великій въ  
 Новгородъ, и срѣте его архіепископъ Дал-  
 матъ съ всѣмъ іерейскимъ чиномъ, съ кресты,  
 у Прикуповича двора, и весь миръ радости  
 исполнися, а злодѣи омрачаша, зане хри-

стіаномъ радость, а діаволу пагуба, зане не  
 бысть христіаномъ кровопролитіа велика. И  
 сѣде князь Александръ на своемъ столѣ. Того  
 же лѣта даша посадничество Михалку Степа-  
 новичу. Тоя же осени великій князь Ярославъ  
 сынъ Всеволожъ преставися нужною смертію  
 въ иноплеменицѣхъ, идя отъ Кановичъ. Яко-  
 же святое писаніе глаголетъ: да кто положитъ  
 душу свою за другы своа? сей же положи  
 душу свою за вся люди Рускыя земля. При-  
 чти его, Господи, къ избранному стаду, зане  
 милостивъ бѣше всякому требующему! Конечъ  
 житіа пріатъ мѣсяца септевра въ 30 день,  
 на память святаго Григорія, въ лѣто 6755.  
 Слышавше Александръ смерть отца своего,  
 пріиха изъ Новгорода къ Володимерю, и  
 плакася о отци своемъ съ стрыемъ своимъ  
 Святославомъ и съ братією своею.

<sup>3</sup>Въ лѣто 6756. Женися Борисъ Василковичъ  
 у Муромского Ярослава<sup>4</sup>. Того же лѣта убіенъ  
 бысть Михайло Ярославичъ отъ Литвы.

Въ лѣто 6757. Преставися Володимеръ Ко-  
 нстантиновичъ Углический. Того же лѣта пре-  
 ставися Василей Всеволодичъ Ярославский<sup>5</sup>.

Въ лѣто 6758. Пріиха Кирилъ митрополитъ  
 на Суздальскую землю.

Въ лѣто 6759. Поѣхавъ Глѣбъ на Бѣлоозеро  
 въ свою отчину. Отъ Глѣба князя Бѣлозер-  
 ский пошли.

Въ лѣто 6760. Преставися Святославъ Все-  
 володичъ, мѣсяца февраля въ 3 день.

Въ лѣто 6761. Родися Борису сынъ Дми-  
 трей.

Въ лѣто 6762. Ярославъ Ярославичъ Твер-  
 ский поѣха въ Ладогу.

Въ лѣто 6763. Преставися Константинъ  
 Ярославичъ. Того же лѣта родися Борису  
 сынъ Константинъ.

Въ лѣто 6764. Поихали вси князи Суздаль-

(1) Въ подлинникъ: а. (2) Тамъ же: и бысть. (3) Годы 6756—6763 хотя и были описаны вѣше, но здѣсь  
 подъ ними изложены совершенно другія событія. (4) Тамъ же: ярослава. (5) Тамъ же: того же лѣта . . .  
 ярославский повторено.



скыи въ Татары, и чтивъ Уланчіа и вся воеводы его, възвратишася въ своа си. Тоя же зыми (пріиде) Глѣбъ отъ Кановичъ, и женися въ Татарѣхъ. Тоя же зыми пріидоша изъ Орды отъ царя численици на<sup>1</sup> Рускую землю, и изочтоша всю землю Рускую, изъставиша десятники, сотники, тысящники; толко не чтоша игуменовъ, и поповъ и черньцовъ, кто служитъ святымъ церквамъ. Се все бысть на Рускую землю грѣхъ ради нашихъ. И не наведи, Господи, гнѣва противу дѣломъ нашимъ; но (по) милости твоей спаси ны, человекѣколюбче благый Господи!

Въ лѣто 6765.

Въ лѣто 6766. Преставися Олегъ, князь Рязанскій; пострижеса въ чернцы<sup>2</sup> и въ скиму. Тоя же зыми пріихаша числянцы чести Новгорода Великаго, и поиха съ ними великій князь Александръ, Андрѣй, Борисъ; и изъчте Новгородъ, поихаша назадъ къ Володимеру, а князя Александра удръжаша<sup>3</sup> Новгородци у себе, и чтивъ, и много дары поймавъ у нихъ, и пріиха въ свою отчину.

Въ лѣто 6767. Пріиха великій князь Александръ изъ Новгорода къ святой Богородици въ Ростовъ, въ среду середокрестныя недѣли, и кланялся святой Богородици, и цѣлова крестъ честный, и десятину дасть святей Богородици; тако бѣ ему обычай. Глагола епископу Кирилу: «отче господине, то есмь здоровъ пребылъ въ Новѣгородѣ, а сѣм(о) есмь онять здоровъ пріихалъ, твоею святою молитвою.» Блаженный же епископъ Кирилъ, и Борисъ и Глѣбъ, и мати ихъ княгыни чѣстиша князя Александра, и съ великою любовію поиха къ Володимеру.

Въ лѣто 6768.

Въ лѣто 6769. Родися Олександру сынъ Данило. Того же лѣта преставися князь Андрѣй Володимеричъ на Углечи Поли. Того же

лѣта поставленъ бысть Митрофанъ епископъ—1256  
помъ Сараю. 1262

Въ лѣто 6770. Избави Богъ отъ лютаго томленія<sup>4</sup> Бесерменскаго люди Ростовскыя земля молитвою святыа Богородица, вложи ярость<sup>5</sup> въ сердца христіаномъ, не трѣпяще насилія поганныхъ, и (со)звониша вѣче, выгнаша изъ городовъ: изъ Ростова, изъ Володимера, изъ Суздаля, изъ Ярославля, откупляху бо тѣ поганіи<sup>6</sup> Бесермене дани Татарскыя, и отъ того велику пагубу людемъ творяху, работающе (люди въ) рѣзы, и многы души христіанскыя розно вѣдаху. Видѣвъ же се человекѣколюбче благый Богъ нашъ, избави люди своа отъ великіа тоа<sup>7</sup> бѣды своимъ милосердіемъ. Того же лѣта убиша Зосиму преступника, бѣ бо преже мнихъ, потомъ сѣтворися сотанъ сосудъ; бѣ бо п(ь)яница, и студословець, празнословець, кощунникъ, конечное отврѣжеса Христа въ бесерменство, въ прелестъ лжаго пророка Махмета. Бѣ бо тогда титямъ пріихалъ на Русь отъ царя Татарского, именемъ Кутлубѣа, золь сый и Безсерменинъ, того поспѣ(хо)мъ окаанный лишеникъ Зосима творяше христіаномъ великую досаду, кресту и святымъ церквамъ поругаася. Егда же людіе по городомъ на врагы своя двигошася на Бесермены, изгнаша я, а инѣхъ избиша, тогда и того безаконника, сквернаго Зосиму, убиша въ городѣ Ярославли. И бѣ тѣло его ядь псомъ и враномъ, ноги скорыя и злыя бѣша волочими отъ песь по городу всѣмъ на удивленіе (отъ) Божіа суда на<sup>8</sup> приступниці; такъ бысть конецъ лишеному тѣлу его, а души нечистаго, глаголетъ: чрвь ихъ не умреть и огнь ихъ не угаснетъ; и инъ глаголетъ: оскудѣ незаконный, погибе нечестивый. Того же лѣта преставися епископъ Кирилъ, мѣсяца мая въ 21. Того же лѣта поставленъ бысть епископъ Ростову Игнатей, мѣсяца септеврѣа въ 9.

(1) Въ подлинникъ: надѣ. (2) Тамъ же: въ чернцы. (3) Тамъ же: удръжи. (4) Тамъ же: томленіа. (5) Тамъ же: яростов. (6) Тамъ же: поганіи и. (7) Тамъ же: своа. (8) Тамъ же: не.



1263 Въ лѣто 6771. Родися князю Глѣбу Ва-  
1274 силковичу сынъ Демьянъ, іуля въ 1. Того желѣ-  
та преставися князь великій Александръ, сынъ  
Ярославъ, внукъ Всеволожъ, ноябрю въ 14.

Въ лѣто 6772. Преставися князь Андрѣй  
Суздальскій Ярославичъ, внукъ Всеволожъ.  
Того же лѣта сидѣ на столѣ въ Новѣгородѣ  
Ярославъ Ярославичъ, и бысть князь великій  
Володимѣрьскій и Новгородскій.

Въ лѣто 6773.

Въ лѣто 6774. И умре царь Беркай, и Руси  
ослаба бысть отъ насилъа бесерменска. Тоя  
же зими явися звѣзда на западѣ, и бѣ отъ  
неа луча долга, яко хвостъ, къ полудниной  
странѣ; пребысть ношей 13, и паки не видѣна  
бысть посемь.

Въ лѣто 6775.

Въ лѣто 6776. Родися Борису князю(ю) сынъ  
Василій, априля въ 16. Того же лѣта ходи  
князь Дмитрей Александровичъ ис Переяс-  
славля на Нѣмци, а иныхъ князей и съ полки  
посла; съ нимъ Ярославъ съ Новгородци.  
Яко поидоша въ землю ихъ, Нѣмци же дос-  
пѣвши бывши, нарядивъ полки, выхаша про-  
тиву; поможе Богъ и святаа Богородица Дмит-  
рію Александровичу, инѣхъ изымаша, а инѣхъ  
избыша, а прочіи убѣжаша; и убиша ту мно-  
го Наугородецъ, а Дмитрей възвратися съ  
множествомъ полона въ своаси.

Въ лѣто 6777. Преставися князь Дмитрей,  
сынъ Святославъ, внукъ Всеволожъ.

Въ лѣто 6778. Убіенъ бысть отъ поганыхъ  
Татаръ князь Рязанскій Романъ Олговичъ.  
Бысть сие убіеніе его: заткаша ему уста убру-  
сомъ, начаша его рѣзати розно, и яко розо-  
маша, остас(я) трупъ единъ, они же голову его  
одраша, на копіе възотнуша. Се новый муче-  
никъ бысть, подобяся мученику Іакову Пер-  
скому. О возлюбленіи князи Рустіи! не прел-  
щайтесь пустошію, славою свѣта сего, еже  
худъше паучины и яко стѣнь мимо идетъ; не

принесостѣ бо (ни) что (же) на свѣтъ сей<sup>1</sup>, ни  
отнести что можете; не обидѣте меншихъ сихъ  
сродникъ своихъ, аггели бо ихъ видятъ лице<sup>2</sup>  
Отца своего, иже есть на небесѣхъ; възлюби-  
те чистоту, (да) радости святыхъ сподобитесь;  
яко сый блаженный Романъ купи си смертію  
своею небесное царство и вѣнецъ пріятъ отъ  
руки Господня, (съ) сродникомъ своимъ Ми-  
хаиломъ княземъ. И мнози отъ Руси въ ту  
нощъ видѣша отъ небеси огнѣвъ облакъ до  
земли на мѣстѣ томъ, яко свѣща, синя, зелены,  
желтвы, багряны, и зваху позоровать пога-  
ныхъ; он(и) же то видѣвъ, на утрѣ повелѣша  
христіаномъ по горѣ собравъ<sup>3</sup>. Убіенъ бысть  
мѣсяца іуля въ 19, на память святаго Діа и  
Макрины.

Въ лѣто 6779. Поидоша князи въ Татары,  
Ярославъ, Василей, Дмитрей. Того же лѣта  
бысть знаменіе въ солнци, яко погыбнути ему  
всему, въ недѣлю 5-ю поста до обѣда, и паки  
исполнися. Тоя же зими преставися княгини  
Василкова, именемъ Маріа, декабря въ 9, на  
Зачатіе святаа Богородица; ту бывшу у неа  
въ монастыри сыну еа Борису съ княгыною  
и з дѣтми, а Глѣбу бывшу въ Ордѣ. Того  
же лѣта преставися князь великій Ярославъ  
Ярославичъ, внукъ Всеволожъ, идя изъ Орды,  
и везоша его на Тверь, и положиша его въ  
церкви святую Козмы и Деміана.

Въ лѣто 6780. Сѣде на столѣ въ Володи-  
мери князь Василей Ярославичъ, а Дмитрей  
Александровичъ иде къ Новгороду; и посла  
по немъ князь великій Василей воеводу сво-  
его Симеона, и сътвори миръ межи себе, и  
разыдошася разнѣ.

Въ лѣто 6781. Преставися княгыни Глѣ-  
бова Федора, декабря въ 20.

Въ лѣто 6782. Прииде митрополитъ Кирилъ  
ис Кіева, и приведе съ собою архимандрита  
Печерскаго монастыря Серапіона, и постави  
его епископомъ Володимѣрю и Суздалю.

(1) Въ подлинникѣ: на свѣтлость. (2) Тамъ же: обонхъ видятъ лицесвое. (3) Въ рукописи эта фраза не кончена.



Въ лѣто 6783. Понде великій князь Василей въ (О)рду. Того же лѣта бысть дивно знаменіе въ солнци: огородися солнце яко груна посреди круговъ, крестъ надъ крестъ, сини и зелены, желтвы и чръвлены, багряны, а хребты бяхуть дуги тѣ къ собѣ. Се же знаменіе бысть мѣсяца іуны въ 16, на память святаго отца Тихона. Того же лѣта преставися епископъ Володимерскій Серапіонъ<sup>1</sup>. Того же лѣта ходиша Татарове и Рустіи князья на Литву, и не успѣвъ ничтоже.

Въ лѣто 6784. Пріиде князь великій Василей изъ Орды, и преставися на Руси, и по немъ сѣде на столѣ Дмитрей Александровичъ. Того же лѣта поставленъ бысть епископъ Володимерю и Суздаю Феодоръ игумень, на память святаго Костантина и Елены. Того же лѣта и Новугороду поставиша епископа, именемъ Климента. Того же лѣта погорѣ городъ Твѣрь, толко остася церковь едина. По то же лѣто князя лѣтописецъ.

Въ лѣто 6785. Преставися князь Борисъ Василковичъ въ Татарѣхъ, а князи вси поидоша на Ясы; а Дмитрей съ матерью принесе тѣло отца своего въ Ростовъ.

Въ лѣто 6786. Пріидоша князи изъ Татаръ, побѣдивъ Ясы, и сѣдоша въ Ростовѣ Дмитрей Борисовичъ, Костянтинъ.

Въ лѣто 6787.

Въ лѣто 6788. Ходи Игнатіе епископъ 2-е въ (О)рду, за причетъ церковный. Того же лѣта Кирилъ митрополитъ, по клеветанію, разгнѣвася на епископа Игнатія; и паки благослови и. Того же лѣта Кирилъ митрополитъ преставися въ Переяславлѣ.

Въ лѣто 6789.

Въ лѣто 6790.

Въ лѣто 6791. Поставленъ бысть Максимъ митрополитомъ. Того же лѣта князь великій Дмитрей пріиде отъ Ногуя.

Въ лѣто 6792.

Въ лѣто 6793. Заложиша церковь каменну святаго Спаса на Твери<sup>2</sup> благовѣрнымъ великимъ княземъ Михаиломъ Ярославичемъ, и матерію его, благовѣрною великою княгынею Оксиньею Ярославлею Ярославича, и епископомъ Симеономъ Тверскимъ.

Въ лѣто 6794.

Въ лѣто 6795.

Въ лѣто 6796. Не вѣсхотѣ Михаилъ Тверскій поклонитися великому князю Дмитрію, и нача наряжати полки. Слышавъ же се великій князь, и сѣзва братію свою, Андрѣа Александровича, и Данила, и Дмитрія Борисовича, и вся, яже суть подъ нимъ, и пріиде съ ними къ Твери; и пріидоша ко Кашину, и обступиша городъ, и стоаша 9 дній; а Сокнятинъ весь погнаша, и оттолѣ вѣсхотѣша поити къ Тверѣ. Князь же великій Михайло противу выихавъ, и сѣтвориша миръ (съ) великимъ княземъ Дмитріемъ, и розыидошася.

Въ лѣто 6797. Преставися епископъ Семіонъ Тверскій, и положенъ бысть въ святѣмъ Спасѣ, въ Твери, февраля въ 2-й.

Въ лѣто 6798. Свѣршена бысть церковь святаго Спаса, на Твери, благовѣрнымъ великимъ княземъ Михаиломъ Ярославичемъ и матерію его, благовѣрною великою княгыною Ярославлею Ярославича. Того же лѣта родися князю Дмитрію сынъ Іоаннь. Того же лѣта поставленъ бысть епископъ Андрѣй въ Тверь, и священна бысть церковь святаго Спаса, на Твери, епископомъ Андрѣемъ, на Сѣборѣ архистратига Михаила.

Въ лѣто 6799.

Въ лѣто 6800. Оженися князь Іоанъ, сынъ великого князя Дмитрія, Дмитріевою Борисовича. Того же лѣта заложи владыка Климентъ въ Новѣгородѣ святаго Николу на Лициѣ.

Въ лѣто 6801. Пріиде князь Андрѣй изъ Орды, (съ) Дюдения ратью, на великого князя

(1) Въ подлинникѣ: и серапіонъ. (2) Тамъ же: на тврѣди.



1293 Дмитрія; и взяша градовъ 14, и много зло  
1316 бысть Руси.

Въ лѣто 6802. (Преставися) великій князь Дмитрей Александровичъ, и по немъ бысть князь великій братъ его Андрѣй. Той же осени оженися князь великій Михайло Ярославичъ Тверскій Дмитріевною Борисовича; и вѣнчанъ бысть въ святѣмъ Спасѣ владыкою Андрѣемъ, въ Твери<sup>1</sup>.

Въ лѣто 6803.

Въ лѣто 6804. Погорѣ градъ<sup>2</sup> Твѣрь.

Въ лѣто 6805. Срубленъ бысть городъ на Волзѣ, ко Зубцеву, на Старицѣ.

Въ лѣто 6806. Родися князю великому Михаилу сынъ Дмитрей.

Въ лѣто 6807. Максимъ митрополитъ выѣжа ис Кіева, не моги трыпѣти Татарского насилія, иде въ Суздальскую землю и сѣде въ Володимери; а Семеона епископа причте къ Ростовской епископии.

Въ лѣто 6808.

Въ лѣто 6809.

Въ лѣто 6810.

Въ лѣто 6811.

Въ лѣто 6812.

Въ лѣто 6813.

Въ лѣто 6814. Преставися великій князь Андрѣй Александровичъ. Того же лѣта поиде князь великій Михайло Ярославичъ Тверскій въ Орду. Того же лѣта родися князю великому Михаилу<sup>3</sup> сынъ Костянтинъ.

Въ лѣто 6815, зимѣ, князь великій Михаилъ<sup>4</sup> прииде изъ Орды, и сѣде въ Володимери на великомъ княженіи, и приходи ратію къ Москвѣ. Той же зими преставися Максимъ митрополитъ.

Въ лѣто 6816, зимѣ, князь великій Михайло приходилъ ратію къ Москвѣ, и взялъ миръ.

Въ лѣто 6817.

Въ лѣто 6818. Сѣде князь великій Михайло въ Новѣгородѣ Великомъ на столѣ.

Въ лѣто 6819, марта въ 20, въ Твѣри Петръ митрополитъ съ епископомъ (постави) Харлампія; а другаго наутріе Прохора Ростову.

Въ лѣто 6820.

Въ лѣто 6821. Преставися княгыни великая Ярославля Аксинья, а во постреженіи Марія. Того же лѣта иде Вълховъ рѣка 3 дни назадъ.

Въ лѣто 6822. Преставися князь Василей Брянскій Александровичъ. Того же лѣта придоша Новгородци ратію<sup>5</sup> ко Твери, и пожгоша села за Волгою, и поаша собѣ на столѣ Юрія Даниловича; Юрій же посадивъ брата своего Аѳанасія, самъ иде на Москву.

Въ лѣто 6823. Прииде князь великій Михайло изъ Орды, а съ нимъ Татарове силніи, иде къ Торжъку съ Татары и съ князы Суздальскими; и бишася съ Новгородци у Торжъку, мѣсяца февраля 5, и побѣди великій князь Михайло Новгородцы, и убиша Новгородцевъ болѣ тысячи, и пожже пригородъ; а Новгородци иніи збѣжаша въ Новгородъ, изъ града предашася. И повелѣ князь великій Михайло имати ихъ, и яша Аѳанасія Даниловича и князя Феодора Ржавского, и бояре, ихъ, и кто надобенъ князю; а иныхъ омиривъ посади, а кремль ихъ повелѣ разнести.

Въ лѣто 6824, марта 19, загорѣся градъ Твѣрь, кремль, и множествомъ людій погашень бысть. Того же мѣсяца 28 преподобный епископъ Андрѣй Тверскій, оставивъ свою епископію, иде въ монастырь. Того же (лѣта) князь<sup>6</sup> великій Михайло, поймъ воа многы, иде къ Новгороду; и зли вожи заведоша въ лихаа мѣста, и князь великій възвратися, и многа пакость<sup>7</sup> бысть полку его. Того же лѣта

(1) Въ подлинникъ: въ твердь. (2) Тамъ же: гдадь. (3) Тамъ же: михайлу и. (4) Тамъ же: князю великому михайлу. (5) Тамъ же: ратя. (6) Тамъ же: князя. (7) Тамъ же: пакоста.



пріиха владыка Давыдъ въ Тверь просити Новгородцевъ на окупъ; и кончаша съ великимъ княземъ Михаиломъ Ярославичемъ пятью тысячь рублевъ. Той же зыми причтенъ бысть Варсунофей епископъ Тверской<sup>1</sup>.

Въ лѣто 6825. Приде князь Юрій изъ Орды, приведе съ собою посла силна, именемъ Кавгадіа; и срѣте ихъ князь великій Михайло у Костромы<sup>2</sup>, а съ нимъ вси князи Суздалстїи, и стояша о Волгу долго время; и съслався съ Кавгадіемъ, съступися великаго<sup>3</sup> княженіа князь великій Михайло Юрію князю, и поиде въ свою отчину во Тверь, и заложилъ болшій градъ кремль. Той же осени знаменіе бысть на небеси, сентебря 17, кругъ надъ градомъ надъ Твѣрью, мало не ступился, на полнощи, имущъ лучи 3, два на востокъ, а 3-й на западъ. Той же зыми Юрій князь съ Кавгадыемъ и съ всѣми князи Суздалскими приде съ Кострыми<sup>4</sup> къ Ростову, отъ Ростова къ Переяславлю, и много зла творяху христіаномъ; а ис Переяславля въ Дмитровъ, а изъ Дмитрова въ Клинь. Въ то же время придоша Новгородци въ Торжекъ на великаго князя Михаила, въ помощь Юрію князю; и стоаша 6 недѣль въ Торжку, ссылающеся съ Юріемъ княземъ, срекаа срокъ, како поити Юрію князю отъ Волоку, а Новгородцемъ отъ Торжку. Выидоша Новгородци ис Торжку, почаша воевати по рубежу; а великій князь Михайло, не дождався срока ихъ, поиде противу<sup>5</sup> имъ, и бысть поторжка не мала, убиша Новгородцовъ 200, и почаша слати къ великому князю Михаилу съ челобитіемъ, и взявше миръ поидоша въ Новгородъ. А Юрій князь съ Татары и со всею силою Суздалскою почаша воевати Тверскія волости, села пожгоша и жито, а люди въ плѣнь поведоша, и придоша близъ къ

граду 15 врьсть, и стоаша на мѣстѣ томъ 5 недѣль, а всего мотчали въ Тверской отчинѣ три мѣсяци; и ѣздиша послове отъ Кав(га)дыа къ великому князю Михаилу, а все съ лестію, и не бысть межи ими мира. И поиде Кавгадый къ Волзѣ, и Юрій князь, и вси князи Суздалстїи, и стаха на переиздѣ у Волги. Великій же князь Михайло съвокупися, и мужи Тверичи и Кашинци<sup>6</sup> поидоша противу Юрію, а Юрій опльчися противу; и ступишася обои, и бысть сѣча велика, и пособи Богъ великому князю Михаилу Ярославичу, и много ихъ избиша; а князи мно(ги) руками поимаша и приведоша въ Тверь, и княгыню Юрію Кончака, а Юрій князь бѣжа въ Новгородъ Великій въ малѣ дружины, а Кавгадый повелѣ дружинѣ своей стяги поврещи, а самъ поиде не люба а въ стани. Се же зло бысть декабра въ 22. Наутріа же великій князь видѣвся съ Кавгадыемъ взять миръ, и поятъ его въ Тверь съ своею дружиною; почтивъ его и отпусти. Той же зыми приде князь Юрій съ Новгородци къ Броду, и изыиде противу ему великій князь Михайло, и взяша миръ. Той же зыми великій князь Михайло посла сына своего Константина въ (О)рду.

Въ лѣто 6826. Посла великій князь Михайло Олексу Марковича на Москву посолствомъ о любовь, и уби его Юрій князь. Того же лѣта поиде въ Орду князь Юрій<sup>7</sup> Даниловичъ съ Кавгадіемъ. Тое же осени загорѣся Твѣрь градъ, и множествомъ людей угашенъ бысть, и погорѣ болшая половина града, а церквей згорѣ шесть. Дошедшу же Орды князь Юрію, а съ нимъ началнику всего зла, незаконному и проклятому Кавгадію, наставляеми діаволомъ, начаша вадити на великаго князя Михаила незаконному царю Озбяку, глаголюще: «князь Михайло, събравъ по градомъ многи

(1) Въ подлинникѣ: тверское. (2) Тамъ же: у костроммы. (3) Тамъ же: великая. (4) Тамъ же: с котрыми. (5) Тамъ же: противу. (6) Тамъ же: кашинци. (7) Тамъ же: юрій и.



1318 дани, хоцетъ ити въ Нѣмци, а (къ) тобѣ ему  
 1319 не бывати.» Разгнѣва же ся царь, повелѣ сы-  
 на его, князя Костантина, голодомъ морити;  
 и затвориша его въ единой хранищѣ. Сему же  
 бывшу, нѣщии рекоша ко цареву: «аще его  
 убѣиши, отпу его не бывати къ тобѣ.» И по-  
 велѣ его пустити. Тому же лѣту исходящу,  
 прииде въ Орду благовѣрный великій князь  
 Михайло у моря Сур(о)жскаго, идеже втече  
 Донъ рѣка, сентебра 6; и по обычаю одари  
 князи и царици, послѣдиже самого царя.  
 Бывшу же блаженному Михаилу въ (О)рдѣ  
 единъ мѣсяць, рече царь радцамъ своимъ:  
 «что ми есте рекли до князя Михаила? суди-  
 ти его съ Юрьемъ.» Они же судивше, не ре-  
 коша правды ко царю; но виною оболгавше  
 его незаконному царю Озбѣку. Въ вторую же  
 недѣлю поставиша его на судищи связана;  
 судивше его, тако рекоша царю: «достойнъ  
 есть Михаилъ смерти.» Наутрѣ же въ субо-  
 ту възложиша соху, отъ тяжка древа, на выю  
 святаго Михаила. Бывшу же ему въ таковой  
 нужи и въ безмѣрной тягости 26 день, иже  
 за рѣкою за Тверкою, подъ великими горами  
 Явскими и Черкасками, у града Тетякова,  
 на рѣцѣ Севенчѣ, рано въ среду, воста<sup>1</sup> бла-  
 женный Михаилъ, и повелѣ начати ерею за-  
 утреню и часы, самъ прилежно послушаше  
 съ многими слезами и горкымъ въздыхані-  
 емъ; и повелѣ начати правило святаго при-  
 чашенія, и пояше самъ по книгамъ, (съ) уми-  
 леніемъ моляся. И кончавъ сѣде; присядящу  
 у него сыну его Костантину и обычнымъ его,  
 и рече: «дадите ми псалтырь, яко печална  
 ми есть душа.» И разгну, обрѣте псаломъ:  
 внуши, Боже, молитву мою; и прочте до кон-  
 ца. И въ той бо часъ взяша совѣтъ на убѣ-  
 еніе его, и се единъ отъ слугъ его въскочи  
 въ вежу, и рече: «се, господине, Кавгадый,  
 Юры(и) идетъ отъ Орды прямо къ твоей вежи». Блажены же рече, видѣ на что идутъ: «на

мое убѣеніе,» въборзѣ отпусти сына своего ко  
 царици. Кавгадый же (и) Юрый съсѣдosta съ  
 коней у торгу, близъ вежи. Блаженнаго убѣи-  
 ци, аки лютыи звѣріе и немилостивіи крово-  
 пийци, напрасно въскочиша въ вежу, онъ же  
 бѣ стоа въ недоумѣніи; похвативше ѱ за соху,  
 удариша ѱ вельми, и възложиша на вежу, и  
 преломися стѣна, онъ же паки въспряну.  
 Мнози же похвативше повергоша ѱ на землю,  
 и біахуть ѱ пятами, и се единъ отъ незакон-  
 ныхъ убѣецъ, именемъ Романецъ, извлекъ ве-  
 ликій ножъ, и удари въ сердце блаженнаго,  
 въ десную страну, и обрашаа ножемъ отрѣза  
 честное сердце его; и тако предасть въ руцѣ  
 Божіи духъ свой. Блаженны(и) же и христо-  
 любивый князь великій Михайло Ярославичъ,  
 по Господню слову, пріять нужную смерть  
 за христіаны и за отчину свою, ноября 22,  
 въ часъ 6 дне; и оттолѣ князь Юрій<sup>2</sup> посла  
 въ Русь честное и святое тѣло блаженнаго  
 Михаила, и привезше на Москву, и положи-  
 ша его въ церкви святаго (Спаса).

Въ лѣто 6827. Прииде князь Юрый изъ Ор-  
 ды, и съ нимъ Костантинъ Михайловичъ и бо-  
 яре отца его. Того же лѣта поиха на Тверь  
 Прохоръ, епископъ Ростовскій, Ярославъ  
 Стародубскій, зовуще князя Александра (къ)  
 князю Юрію въ любовь. По цѣлованію ихъ,  
 князь Александръ (пріиха) въ Владимиръ на  
 Петровъ день, и доконча со княземъ Юріемъ  
 любовь; честное же и святое тѣло князя Ми-  
 хаила, отца своего, взявше съ Москы, при-  
 везоша въ Тверь, сентебра 6. Тогда же изыи-  
 де весь градъ въ стрѣ(те)ніе ему, епископъ  
 Варсунофей съ игумены, и съ прозвытеры, и  
 съ діаконы, съ<sup>3</sup> кандилы и со свѣщами, и  
 съ черноризци мнози, княгини его Анна съ  
 сыньми своими, съ Дмитріемъ, и Александромъ  
 и Василиемъ; бояре же и вси людіе плачъ  
 велій сътвориша, рыданіе, и взявше тѣло бла-  
 женнаго страсотрыпца, и принесоша въ градъ,

(1) Въ подлинникъ: васта. (2) Тамъ же: юрій и. (3) Тамъ же: и съ.



пѣвше надъ нимъ обычное пѣніе надгробное, и положиша его въ церкви святаго Спаса у отца его. Сей же блаженный христілюбивый князь великій Михайло Ярославичъ, внукъ великаго князя Ярослава Всеволодича, бѣше тѣломъ преболій челоувѣкъ, крѣплѣй, сановитъ велии и смыслень паче многѣхъ, възоромъ и грозень и преудивленъ, преизлише всякого челоувѣка; страшень бѣвъ ратнымъ, въ многѣхъ временехъ показавъ мужество свое и добрый нравъ, всегда Божіимъ пособіемъ одолѣваше противнымъ, тѣмъ слава о немъ проиде и въ далня страны, Богу тако прославившу своего угодника. Бѣше же блаженный издѣтска боголюбивъ, смиренъ зело, въ сладость послушаа божественныхъ книгъ по вся дни и нощи, любяй правду, въздаа честь епископомъ и попомъ, паче же любяше чернечскій чинъ, подаваа потребнаа имъ; бѣ бо самъ въздръжася отъ похоти пѣанства, тѣмъ и любимъ бѣ матерію своею преподобною Оксиньею, бѣше бо слушаа въ всемъ матери своей. Ревность же имѣй въ сердцѣ божественную, часто воспоминаша подвиги и трпѣнія святыхъ мученикъ, иже пострадаша<sup>1</sup> вѣры ради Христовы, желаа самъ тоа чаши испити, тѣмъ и сподоби его Богъ единого за мно(г)ій родъ христіанскій пріать блаженную страсть; аще же и не вѣри рады убіенъ бысть блаженный, якоже святіи мученици, но по заповѣди же Спасовѣ, иже въ еуангліи рече: болше сеа заповѣди любве нѣсть, иже кто положитъ душу свою за другы своя. Сію заповѣдь Божию христілюбивый князь со успѣхомъ сконча, и неуклонно шествуа за порученныа ему Богомъ люди, и тако радуяся пріиде яко вѣрный строитель ко своему владыцѣ. Той же зыми оженися князь Александръ Михайловичъ.

Въ лѣто 6828. Оженися князь Костантинъ Михайловичъ у великаго князя у Юрія Со-

фіею; вѣнчанъ бысть на Костромѣ въ свя- 1319 томъ Федорѣ. Той же зыми за князя Дмитрія 1323 Михайловича привед(о)ша княжну Марію изъ Литвы, Едименову дщерь.

Въ лѣто 6829. На веснѣ пріиздиль въ Кашиинъ Гачна Татаринъ съ Жидовиномъ дѣлжникомъ, много тягости<sup>2</sup> учинилъ Кашину. Того же лѣта бысть гибель солнцу. На ту же осень князь Юрій со всею силою Низовскою и Суздальскою събрався въ Переяславли, хотя къ Кашину ити, Михайловичи же, князь Дмитрей съ братіею, съ Тверскимъ полкомъ и съ Кашиньскимъ, противу ему изыидоша къ Волзѣ; и доконча межи ими владыка Андрѣй, и разыидошася. Той же зыми князь Юрій, поймавъ сребро у Михайловичехъ выходное, по докончанью, не шель противу царева посла, но ступи съ сребромъ въ Новгородъ Великій. Тоа же зыми родися князю Александру сынъ Левъ.

Въ лѣто 6830. Ходи<sup>2</sup> князь Юрій съ Новогородци къ Выбору. Того же лѣта князь Дмитрей Михайловичъ пріиде въ Орду, а на Русь выиде посолъ силенъ отъ царя, именемъ Ахмылъ, по Юрія князя, а съ нимъ князь Иванъ Даниловичъ, (и) по Низовскимъ городомъ много зла сѣтвориша христіаномъ; а князь Юрій, бѣвъ у Вибора, поиде на Низъ, и бысть на Удромѣ, и наиха на него князь Александръ Михайловичъ, бояре его изыма, а самъ прибѣжа въ Псковъ. Той же осени сѣде князь Дмитрей Михайловичъ на великое княженіе.

Въ лѣто 6831. Князь Юрій и съ Новогородци постави градъ Орѣшокъ. Того же лѣта заложена бысть церковь каменна святыи Феодоръ на Твери. Того же лѣта преставися Андрѣй, епископъ Тверскій, во своемъ ему манастирѣ на Шоши<sup>3</sup> святыа Богородица, и положенъ бысть въ святѣмъ Спасѣ, въ (В)веденіе<sup>4</sup>.

(1) Въ подлинникѣ: пострадавша. (2) Тамъ же: роди. (3) Тамъ же: на шеп. (4) Въ малой церкви Введенія находившейся въ Твери близъ кафедральнаго Преображенскаго собора.



1324 Въ лѣто 6832. Взяша Новгородци Устюгъ.

1327 И тогда быша Новгородци Литву на Лукахъ, и полонъ отъѣша.

Въ лѣто 6833. Свършена бысть церковь святаго Феодора. Той же зыми князь Юрий убиенъ бысть въ Ордѣ.

Въ лѣто 6834, сентебра 15, убиша въ Ордѣ князя великого Дмитрея Михайловича Тверскаго да князя Александра Новосилскаго, единого дни, на единомъ (мѣстѣ), на рѣцѣ нарицаемыи Кондракли. Того же лѣта заложиха на Москвѣ церковь Успеніе святаго Богородица. Того же лѣта князю Александру Михалковичу дано княженіе великое, и приде изъ Орды, и сѣде на великое княженіе. Потомъ, за мало дній, за умноженіе грѣхъ ради нашихъ, Богу попустившу діаволу възложити злаа въ сердце безбожнымъ Татаромъ глаголати беззаконному царю: «аще не погубиши князя Александра и всѣхъ князей Рускихъ, то не имаша власти надъ ними.» И беззаконный, проклятый и всему (злу) начальникъ Шевкаль, разоритель христіанскій, отворзе уста своа скверная, начать глаголати, діаволомъ учимъ: «господине царю, аще ми велиши, азъ иду въ Русь, и разорю христіанства, а князи ихъ избію, а княгини и дѣти къ тебѣ приведу.» И повелѣ ему царь сѣтворити тако. Беззаконный же Шевкаль, разоритель христіанскій, поиде въ Русь съ многими Татарами, приде на Тверь, и прогна князя великаго съ двора его, а самъ ста на князя великаго дворѣ съ многою гордостію; и въздвиже гоненіе велико надъ христіанами, насилство(мъ), и грабленіемъ, и бие(ніе)мъ и поруганіемъ. Народи же, грѣдостію повсегда оскръбляеми отъ поганыхъ, жаловахуся многожды великому князю, дабы ихъ оборонилъ; онъ же, видя озлобленіе людій своихъ, не могый оборонити, трѣпѣти имъ веляше; и сего не трѣпаше Тверичи, и искаху подобна времени. И

бысть въ 15 день мѣсяца августа, въ полутра, како торгъ снимается, нѣкто діаконъ, Тверитинъ, прозвище ему Дюдко, поведе кобилицу младу и зѣло тучна поити на Волзѣ воды; Татарове же видѣвши, отъѣша ю. Діаконъ<sup>1</sup> же сжаливси, и зѣло начать въпити, глаголя: «о мужи Тверстии, не выдайте!» И бысть межу ими бой; Татарове же, надѣющеся на самовластіе, начаша сѣчи, и абіе стекошася челоуѣци, и смятошася людие, и удариша въ колоколы, и стаха вѣчіемъ, и поворотися весь градъ, и весь народъ томъ часѣ събрашася, и бысть въ нихъ заматня, и кликнуша Тверичи, и начаша избывати Татаръ, где кого застронивъ, дондеже и самого Шевкала убиша и всѣхъ порядку. Не оставиша и вѣстоноши, развѣ еже на поли пастуси коневии пасуще, и похватиша лучшіи жеребци, и скорѣ бѣжаша на Москву, и оттолѣ въ (О)рдѣ, и тамо възвѣстиша кончину Шевкалову. Той же зыми преставися Петръ митрополитъ и убиенъ бысть Шевкаль.

Въ лѣто 6835. И то слышавъ беззаконный царь, на зиму посла рать на землю Рускую, а воевода Федорчюкъ, 5 темниковъ; и людей множество погубиша, а иныя въ плѣнь поведоша, а Тверь и вся гради огнемъ пожгоша. Великій же князь Александръ Михайловичъ, не трѣпя безбожныхъ крамолы, оставль княженіе Руское и вся отечествіа своа, и иде въ Псковъ съ княгынею и съ дѣтми своими, и пребысть въ Псковѣ<sup>2</sup>. Того же лѣта, мѣсяца іюля 4, на память святаго отца Андрѣа Критскаго, князю Іоану Даниловичю родися сынъ, и нареченъ бысть князь Андрѣй. Того же лѣта священна бысть церковь каменна на Москвѣ, во имя святаго Богородица и честнаго ея Успенія; и свяща ѿ, великимъ священіемъ, священный епископъ Ростовскій Прохоръ, мѣсяца августа 14. Того же лѣта убиша князя Іоанна Ярославича Рѣзанскаго;

(1) Въ подлинникѣ: діакона. (2) Тамъ же: въ псковѣ.



Великій же Спасъ, милостивый, человеколюбивый Богъ, своею милостию заступилъ благовѣрнаго великаго князя Іоанна Даниловича, его градъ Москву и всю его отчину отъ иноплеменикъ поганныхъ Татаръ. Князь Костантинъ, по рати, съ братомъ съ княземъ Василюемъ, и съ матерію и съ бояры, прихавъше въ Тверь, преставъ же отъ туги, помолися святому Спасу и всѣмъ церквамъ, хотя того, дабы въ нихъ молитва опять была, а кто избылъ отъ безбожныхъ Татаръ, тѣ бы опять были по своимъ мѣстамъ, и укрѣпивъ ихъ всѣхъ съ любовію.

Въ лѣто 6836. Самъ князь Костантинъ съ княземъ Іоаномъ Даниловичемъ поидоша въкупѣ въ Орду. Того же лѣта тряслася земля въ Новѣгородѣ Великомъ. Того же лѣта сяде Іоанъ Даниловичъ на великомъ княженіи всеа Руси, и бысть тишина велика на 40 лѣтъ, и престаша поганьи воевати Рускую землю и закалати христіанъ; и отдохнуша и упочинуша христіане отъ великіа истомы, и многіа тягости, и отъ насилія Татарскаго, и бысть оттолѣ тишина велика по всей земли.

Въ лѣто 6837. Божіемъ милосердіемъ выиде изъ Орды князь Костантинъ въ свою отчину въ Тверь, и нача княжити тогда тихо и мирно; и бояре, и слугы въ Твери и люди, избывше отъ безбожныхъ Татаръ, утвердишася о немъ; а церкви пожженія опять ставиша по спомъ, и молитва въ нихъ утвердишася. Того же лѣта князь великій Іоанъ Даниловичъ по(и)де ратию ко Пскову на князя Александра Михайловича, и уврнуся въ (О)покахъ.

Въ лѣто 6838. Оженися князь Василей Михайловичъ въ Брянскѣ. Того же лѣта поставиша епископъ Феодоръ граду Твери.

Въ лѣто 6839. Преставися князь Александръ Суздальскій. Того же лѣта князь Костантинъ Тверскій поиде въ (О)рду.

Въ лѣто 6840. Князь Костантинъ прииде изъ Орды. Того же лѣта бысть межнина велика въ земли Руской, дороговъ, гладъ хлѣбный и скудость всякаго житіа. Сію же дороговъ нѣщїи глаголють «рослую рожу.»

Въ лѣто 6841.

Въ лѣто 6842.

Въ лѣто 6843.

Въ лѣто 6844. Призидилъ князь Александръ изъ Пскова въ Тверь; поимъ сына своего князя Феодора, опять поиха въ Псковъ. И по малѣхъ же днехъ помысли въ сердци своемъ, глаголя: «аще прииму смерть здѣ, убо языци мнози възглаголють, яко отбѣгъ княженія смерть приа, а дѣти мои лишени будутъ княженія великаго своего; лучше бо есть умрети Бога ради, нежели злѣ жити.» И посла бояръ своихъ (къ) Феогнасту митрополиту<sup>1</sup>, благословенія дѣля, прося молитвы; и приємъ отъ него благословеніе и молитву, и отъ всѣхъ святитель, и поимъ бояре свои и слуги.

Въ лѣто 6845. Князь Александръ поиде въ Орду изъ Пскова, и обышедши всю землю Рускую, прииде къ незаконному царю Озбюку, и рече ему: «господине царю, аще многа зла сѣтворихъ ти, въ всѣмъ готовъ есмь предъ тобою<sup>2</sup>» . . . . . царь, тако молва: «всю волю твою сѣворю, якоже хоцещи, и поимъ сына своего Феодора, идешъ въ Русь.» Благовѣрный же и христіолюбивый великій князь Александръ Михайловичъ, вѣдый и невѣдый безбожную ихъ лость, и бысть въ располеніе ума, и помышляя въ сердци своемъ, глаголаше: «аще поиду, разлученъ буду съ животомъ; аще ли не поиду, то много пакости будетъ христіаномъ.» И тако оставльше вся мысли, и поиде въ (О)рду, тѣшашеся о словеси Божїи. Епископъ же, игуменъ и съ попы, и княгини его съ дѣтми своими проводиша его обону страну усть

(1) Въ подлинникѣ: митрополиту. (2) На этомъ словѣ, находящемся въ рукописи на оборотѣ 155-го листа, прерывается статья и ея продолженіе помѣщено на 156-мъ листѣ.



1339 Кашины до святаго Спаса; и служивъ службу у святаго Спаса, молитву сътворивъ за князя и за други его, и тако отпустиша и съ многымъ плачемъ и стенаніемъ, абіе престаша отъ туги. А князь поиде въ насадъ, вѣста вѣтръ великъ, онѣмъ гребущимъ, а насадъ назадъ идяше; и тако (едва) проидоша землю Рускую. А братъ его князь Василей съ бояры и со слугами проводиша ѿ до Святослава поля. А брату его князю Костантину сълежашу въ великій болѣзни, и плакася о немъ князь великій Александръ, глаголя: «се есть наставникъ отчинѣ нашей, о немъ же утврдишася люди по рати сей.» И пришедъ въ Орду князь великій Александръ, царя тѣшавше, по обычаю своему, и рядецъ, сына своего князя Феодора добра здорова обрѣте. И пребысть единъ мѣсяць въ Ордѣ, много лести пріять отъ безаконныхъ Татаръ; иніи глаголаху: «княженіе ти дасть великое царь;» а иніи глаголаху: «убиту ти быти;» онъ же крѣпяшеся силою съвыше, на всяко время Господа призываше чистымъ сердцемъ, на всякъ часъ глаголаше: «Господи Ісусе Христе, сподоби мя пріати горкую сію смерть за родъ христіанскій.» И приближилася память великаго и славнаго мученика Димитрія, прииде вѣстникъ о убіеніи его, глаголя: «по трехъ днехъ злѣ живота гознеши.» Князь великій же Александръ, пріемъ словеса та, положи на сердци своемъ, а не повѣда нѣкому, но въздыхаше изъ глубины сердца. Наутріа же, по праздниѣ мученика Христова Димитрія, повелѣ<sup>1</sup> пѣти вечерню; и тако въздавъ хвалу Богу, легша спати, бяше сонъ его въ велицѣ тузѣ и печали. Тогда же, ношъ мимошедши, и приближися днѣ, память святаго мученика Терентія, и Неонилы и святаы мученици Парасковей, и повелѣ пѣти утрню, и прилежно слушаше<sup>2</sup> Давыдовы псалмы, глаголюща:

Господи, что ся умножиша стужающей ми, мнози глаголють о души моей. Се слышавъ, испусти слезы отъ очію своею, глаголя: «Давыдъ учарся толики труды подъя, азъ же како (не) хочу пострадати?» Кончавше заутрню, онъ же всѣдъ на конь, и нача издити, вѣсть переимаа о смерти<sup>3</sup> своей, а иного ко царици посла, и переима вѣсть, пріихавъ въ ста(нѣ) княже великій Александре, а слуга его отъ царици, вѣсть прииде. «Се уже, братіе, остахомъ своего господина, князя своего Александра, сына его, князя Феодора.» Князь же Александръ възведе очи свои, повелѣ пѣти часы; се же имъ скончавшимъ часы, и възведе очи свои, и видѣвъ Черкасъ, идуще прямо къ вѣжѣ своей, и съ нимъ Татарове, и выскочи противу его. Они же немилостивіи похватиша его, възложи(ша) назадъ, и оборваша порты его, и поставиша ѿ предъ Товлюбіемъ нага связана. Оному же безаконному стоашу на конѣ, и съ нимъ множество Татаръ, испусти окаанный гласъ свой: «убійте.» Они же емше князя Александра и сына его князя Феодора, безъ милости прободоша, и повръгоша на земли, отсѣкоша главы имъ; и тако скончашася, и пріемше таковую кончину за родъ христіанскій. Боляре же и слугы его разбѣгошася, а друзіи же пріемше тѣлеса ихъ везоша и на Русь; и бывшимъ имъ въ Володимери, и стрѣте ихъ Фегнастъ митрополитъ со игумены и съ попы, предложивше нѣніе надгробное, отпустиша. Братъ же его князь Костантинъ, князь Василей, епископъ Феодоръ Тверскій, и Гаврилъ, епископъ Ростовскій, съвъкупишася пѣвше надъ ними<sup>4</sup> у святаго Спаса въ Переяслави, и отпустиша ѿ. И привезоша ихъ въ Тверь, и стрѣтоша ихъ граждане у святаго Михаила, и взявше ихъ на главахъ несоша въ градъ къ святому Спасу; мати же его, и братія, и княгини его з дѣтми сво-

(1) Въ подлинникѣ: и повелѣ. (2) Тамъ же: служаше. (3) Тамъ же: о смерти. (4) На этомъ словѣ, находящемся въ рукописи на 157-мъ листѣ, прерывается статья и ея продолженіе помѣщено на оборотѣ 155-го листа.



ими, вси гражане плакашася горцѣ; епископ же со игумены и съ попы пѣвша надъ ними, и гробу предаша<sup>1</sup> . . . . . а князя Семена и братію его съ любовію отпустиша на Русь; той же осени (пріидоша), пожаловани Богомъ и царемъ. По Александрѣ же братъ его Костантинъ въспріа княженіе Тверское; по Костантинѣ Василей, братъ его, въспріа всю область Тверскую. И на ту же зиму, мѣсяца ноябрю въ 25, на память святаго священнаго мученика Климента, замыслиша рубити градъ Москву; а кончаша той же зими, на весну, въ великое говѣніе. Той же зими выиде изъ Орды посолъ силенъ, именемъ Тувлубій, егоже послалъ царь ратью къ городу къ Смоленску; а съ нимъ князь Иванъ Коротополь Рѣзанскій. И пріидоша въ Переяславль Рязанскій, а князь Александръ Пронскій пошелъ въ Орду съ выходомъ къ царю, и стрѣтивъ его Коротополь, и(зы)ма его, пограбилъ, а самого привелъ въ Переяславль Рязанскій; и ту убіенъ бысть князь Александръ Михайловичъ Пронскій отъ своего брата. И оттолѣ иде къ Смоленску ратью, а князь великій Иванъ Даниловичъ посла же свою рать съ Тувлебіемъ къ Смоленску, по цареву велѣнію; а отпустилъ князя (Костантина) Суздальскаго, князя Костантина Ростовскаго, князя Ивана Ярославича Юріевскаго, князя Ивана Дрютскаго, Феодора Фоминскаго, а съ ним(и) воеводу Александра Ивановича, Феодора Окинфовича. И стоявши рать у Смоленска не много днѣй, разыидошася, а города не взяша. Того же лѣта князь Иванъ Даниловичъ поиде въ Орду, а съ нимъ сынове его, князь Семенъ да князь Іоанъ; а князя Андрѣа, сына своего, послалъ бѣше въ Новгородъ Великій. Того же лѣта пріиде изъ Орды князь Иванъ на свою от-

чину, пожалованъ бысть Богомъ и царемъ. 1339  
Такоже пошли въ Орду князь Василей Да- 1351  
видовичъ Ярославскій, князь Романъ Бѣло-  
зерскій. Той же зими убіенъ бысть князь  
Козелскій Андрѣй Мьстиславичъ отъ своего  
братанича, отъ Пантимѣва сына, и отъ ока-  
аннаго Василя, мѣсяца іуля 23.

Въ лѣто 6848.

Въ лѣто 6849. Преставися князь великій Іоанъ  
Даниловичъ. Того же лѣта выиде изъ Орды  
князь Семенъ на великое княженіе. Той же зими  
убиша Глѣба Святославича (про)клятій Брянци.

Въ лѣто 6850.

Въ лѣто 6851.

Въ лѣто 6852.

Въ лѣто 6853.

Въ лѣто 6854.

Въ лѣто 6855.

Въ лѣто 6856.

Въ лѣто 6857.

Въ лѣто 6858.

Въ лѣто 6859.

Въ лѣто 6860.

Въ лѣто 6861. Преставися князь Семенъ Ива-  
новичъ. Того же лѣта преставися Фегнастъ ми-  
трополитъ. Того же лѣта преставися князь Ан-  
дрѣй Ивановичъ<sup>2</sup>. Того же лѣта сидѣна великомъ  
(княженіи) князь великій Иванъ Ивановичъ<sup>3</sup>.

Въ лѣто 6862. Поставленъ бысть Алексей  
митрополитъ.

Въ лѣто 6863. Преставися князь Костан-  
тинъ Суздальскій.

Въ лѣто 6864.

Ходилъ въ Орду Алексей митрополитъ.  
Въ лѣто 6865. И тако сему бывающу, за  
премногую<sup>4</sup> его премудрость и слово разум-  
ное и съ всѣми благопревѣтливое, наипа-  
че (же) къ Богу молебное и житіе великое, по-  
всюду о немъ болми слава происхождаше,  
не токомо во своихъ странахъ, (окрестныхъ) или

(1) Послѣ этого слова въ рукописи находится пропускъ. (2) Тамъ же: иванковичъ. (3) Тамъ же: иванковичъ.  
(4) Тамъ же: за преумногую.



1357 (в)о христiанскихъ, но и (в)о далныхъ безбожныхъ Татаръ, идеже Христосъ незнаемъ бываше, тутъ Христовъ служитель Алексей хвалимъ бываше; промежю тѣхъ святаго Алексеа имя, якоже нѣкое священiе, обношашеся. Тѣмже инаа чюднаа (слава) доспѣ и до того самого нечестивого царя Амурата<sup>1</sup>, иже бо имяше царицю три годы слѣпу сущу. Слышавъ же царь Амуратъ о святѣмъ Алексѣ, елико творитъ Богъ его ради, прiемъ вѣру, яко послушаетъ его Богъ моляшася, и посылаетъ царь Амуратъ къ великому князю Дмитрiю Ивановичю<sup>2</sup>, молящи его, яко да пошлетъ челоуѣка Божiа Алексеа, иже<sup>3</sup> помолитъ Бога о царици, яко да прозритъ: «слышахъ бо, рече, у тебе есть попь, иже аще каждо проситъ у Бога, и Богъ его послушаетъ; пустиши его ко мнѣ; иже аще исцѣлитъ царицу мою, миръ имаеши со мною; аще ли не пустити имаши его, то имамъ землю твою плѣнити.» И тако сему бывающу, князь же великiй Дмитрей Ивановичъ възвѣщаетъ челоуѣку Божiю архiепископу о вещи, купно же молити его начатъ не облѣнитися, но ити къ царю. Святый же Алексѣ слышавъ сiе слово, и тяжекъ сiи внять, и рече: «се прошенiе и дѣло выше моєа вѣры есть; но обаче вѣрую иже слѣпому отъ рождениа прозрѣнiе даровавшему Богу, яко аще кто съ вѣрою проситъ, не<sup>4</sup> призритъ его Богъ.» И тако изыде въ церковь съ всѣмъ причетомъ церковнымъ, и нача пѣти молебень. Внегда же<sup>5</sup> ему молебное съвръшающе пѣнiе, тогда абiе (у) чюдотворныа раки святаго чюдотворца Петра свѣща сама о собѣ загорився, всѣмъ зрящимъ таковое чюдо бываемо. Митрополитъ же Алексѣ сiа<sup>6</sup> видѣвъ, и яко нѣкое извѣщенiе прiать, тѣмже воду освятитъ, прочее путеви касашеся, со<sup>7</sup> священники и клирики, якоже<sup>8</sup> лѣпо есть святителемъ. Идушу ему

въ Орду, и абiе<sup>9</sup> царица видѣ въ снѣ того блаженнаго митрополита Алексеа, пришедша въ одежи архiерейской, священники такоже видѣ одѣяныхъ въ своемъ сану; и якоже видѣвъ въ снѣ того блаженнаго, и сътвори по томуждо образу рызы святительскыа и всѣмъ прочимъ священникомъ. По сихъ же у царя слышано бысть святаго приходъ, и абiе царь стрѣтаетъ его съ великою честiю и дароношенiемъ; и бяше же видѣти реченное: левъ и агнецъ вкупѣ починутъ. И тако же архiепископъ молебное пѣнiе свершивъ, имяше же съ собою свѣщу въска оною же, сама о собѣ зажегшуюся, и тамо зажженъ бывши свѣщи той, и покропивъ царицу священною водою, о великихъ чюдесъ, Христе Царю! и въ той часъ прозрѣ<sup>10</sup> царица. Царь же сiе видѣвъ съ прочими<sup>11</sup> велможамъ, удивившася вси, хвалу же и честь великую (дароваша святому), и дары многими одаривъ<sup>12</sup> митрополита, купно же и всѣхъ священникъ, и тако отпусти ихъ царь съ миромъ. Якоже ему възвратитися на свой градъ, и абiе князь великiй Дмитрей Ивановичъ стрѣтаетъ<sup>13</sup> его съ всѣми бояры и съ людьми, съ великою радостiю и честiю, хвалу Богу приносяще, иже такую благодать даровавшего ч(юде)са имѣаху велика и славна быти предъ Богомъ. По сихъ же, откровениемъ Божiимъ, святый митрополитъ Алексѣ помысли въздвигнути церковь въ имя архистратига Михаила и честнаго его чюдеси, еже бысть; и ту же предѣлъ въздвигоша въ имя пречистыа владычица нашеа Богородица и честнаго еа Благовѣщенiа, и ту собѣ гробъ заложи своимъ<sup>14</sup> руками въ предѣлъ честнаго Благовѣщенiа на деснѣй странѣ, церковь въздвигъ камену<sup>15</sup> святаго архистратига Михаила и честнаго его чюдеси, еже бысть предѣлъ и честнаго Благовѣщенiа, и всяческыми добротами украсивъ

(1) Т. е. чанибѣка. (2) Въ подлинникъ: иванкови<sup>ч</sup>. (3) Тамъ же: егоже. (4) Тамъ же: но. (5) Тамъ же: всегдаже. (6) Тамъ же: и сiа. (7) Тамъ же: и прочимъ путемъ касашеся и. (8) Тамъ же: и якоже. (9) Тамъ же: и абiа. (10) Тамъ же: прозрѣти. (11) Тамъ же: въспросичими. (12) Тамъ же: оударивъ. (13) Тамъ же: и стрѣтаетъ. (14) Тамъ же: и своимъ. (15) Тамъ же: каменъ.



ту, иконами же, и книгами (и) инѣ(ми) утварь-  
ми, такоже и трапезу камену постави; ина же  
многаа памятьмъ достойна съдѣанаа святымъ,  
елика написана быша здѣ, доволно же есть къ  
показанію, да познано будетъ праведное. Аще  
бы той не былъ угодникъ Божій, (то) не бы из-  
вѣстовалъ (Богъ) таковому варвару таковую  
вѣру имѣти къ нему, (и) не бы реклъ, яко Богъ<sup>1</sup>  
послушаетъ его, и можетъ слѣпымъ прозрѣніе  
давати, ни паки же онъ дрзнулъ бы быхъ  
выше<sup>2</sup> мѣры просити, аще бы не имѣлъ  
дрзновеніе къ нему; и поминаше<sup>3</sup> бо слово  
евангелское: елико аще просите въ имя мое, и  
дастся вамъ; и паки: просите, и приимете; и  
паки: и да радость ваша испълнена будетъ.  
По сихъ же онъ человекъ Божій митрополитъ  
Алексей видѣ собе отъ старости изнамающе,  
и (къ) концу уже приближающися, призываетъ  
убо святаго Сергіа. Оному же пришедшу, и  
бесѣдующимъ (имъ), повелѣ митрополитъ Алек-  
сей изнести крестъ съ парамантомъ, златомъ  
же и бесеромъ украшенъ, и даруетъ святому.  
Онъ же съ (с)мирениемъ поклонися, глаголя:  
«прости мя, владыко, яко отъ юности моя не  
быхъ златоносець, въ старости же хочу наипа-  
че въ нищетѣ пребывати.» Архіепископъ же ре-  
че къ нему: «(вѣмъ), чадо, яко сіа и(с)правиль  
еси, но сътвори<sup>4</sup> послушеніе, и приими отъ  
мене данное ти благословеніе.» И тако възло-  
жи на<sup>5</sup> святаго своимъ руками, акыже нѣ-  
кое обрученіе. По сихъ же хотящихъ ему  
глаголати, рече же къ святому: «вѣдый буди,  
преподобне, на что призвахъ тя, и что хочу  
азъ о тобѣ<sup>6</sup> сътворити.» Святой отвѣщавъ: «и  
како могу увѣдати?» Онъ же рече къ нему:  
«се азъ съдрѣжахъ, Богу вручившу, Рускую<sup>7</sup>  
митрополию, елика Богу хотящу; нынѣ же себе  
вижду къ концу приближающися, токмо не  
вѣмъ дни скончанія мо его, желаю же при сво-  
емъ животѣ изобрѣсти (мужа), могуща по мнѣ

пасти стадо Христово, и о всѣхъ недоумѣвся, 1357  
и тебе единого избрахъ, яко достойна суща  
исправити слово истинно; знаю бо извѣстное,  
яко вси тебе требуютъ, и прежде убо епи-  
скопства саномъ почтенъ будещи; по<sup>8</sup> моемъ  
же преставленіе и мой престолъ въспрімѣ-  
ши<sup>9</sup>.» И многаа инаа изрече къ нему, хотѣ его  
сими словесы къ<sup>10</sup> своей воли привести. Святой  
же Сергій, яко се услыша, яко велику тщету  
въмѣнивъ быти, къ архіерею отвѣща: «про-  
сти мя, владыко, яко выше мѣры<sup>11</sup> моя есть  
еже глаголеши; кто бо есмь азъ грѣшникъ и  
худѣйши паче всѣхъ человекъ? Но убо молю-  
ся тебѣ, владыко мой, яко да къ тому,  
(ни) мнѣ, ниже<sup>12</sup> иному кому о мнѣ глаго-  
леши, понеже нѣктоже сіа въ мнѣ не можетъ  
изобрѣсти.» Якоже видѣвъ его блаженный  
митрополитъ Алексей на то никакоже<sup>13</sup> не  
приклонна, ничтоже не приложи глаголати<sup>14</sup>  
ему о семъ, убоявся, да не како же стуживси  
отъиде(тъ) (въ) внутреннюю пустыню, и тако-  
ваго свѣтилника лишится; утѣши же его сло-  
весы духовными, и тако отпусти его въ свой  
ему монастырь съ миромъ. И такому сичево-  
(м)у бываему, сіа убо причитающей, вѣруемъ,  
яко Господь нашъ Ісусъ Христосъ славящи  
его прославляетъ не токмо въ животѣ, но и  
по<sup>15</sup> преставленіи небснаго царствія даруетъ.  
И по малѣ времени иже въ святыхъ отецъ  
нашихъ Алексей добрѣ стадо упасъ, и на  
пажити животныя настави(въ), въсозидаетъ на  
основаніи апостолстѣ(мъ), многаа знаменія въ  
славу Божию сътвори(въ), въ старости добрѣ  
и благоугоднѣй, и въ ней божественную ли-  
тургію свершивъ, и святыхъ и пречистыхъ  
таинъ причастився, миръ князю же и людемъ  
оставивъ, послѣднее цѣлованіе давъ, прехо-  
дитъ убо въ онъ вѣкъ нескончаемый, идеже  
вси святыи отходятъ; и бысть же преставле-  
ніе его мѣсяца февраля въ 12 день. Слышано

(1) Въ подлинникъ: богу. (2) Тамъ же: и выше. (3) Тамъ же: помагаше. (4) Тамъ же: сътворити. (5) Тамъ же: ина. (6) Тамъ же: о собѣ. (7) Тамъ же: рускую. (8) Тамъ же: и по. (9) Тамъ же: въспрімѣши. (10) Тамъ же: изъ. (11) Тамъ же: мѣры. (12) Тамъ же: о мнѣ глаголеши понеже. (13) Тамъ же: икакоже. (14) Тамъ же: ни глаголати. (15) Тамъ же: ино.



1357 же бысть святаго преставленіе, стекшеся  
 1368 отсюду князь, и боярь, и велможа, и епископи  
 же (и) иноци оту многихъ странъ различныхъ,  
 и погребоша ѿ честно въ церкви, отъ него  
 же създаниѣй, архистратига Михаила, иже  
 ту въ предѣлѣ честнаго Благовѣщенія владычи-  
 ца наша Богородица, идеже суть и донынѣ  
 честнія его мощи и цѣлебныя всѣмъ иже съ  
 вѣрою приходящимъ исцѣленія приѣмлютъ, и  
 не бо единъ или<sup>1</sup> дважды, но много и неиз-  
 четно, ова же явленно, ова же (та)йна явле-  
 н(о), обаче къ Богу обоа вѣдомо. И бысть  
 убо святыи въ томъ гробѣ 60 лѣтъ, въ время  
 же благочестиваго и христілюбиваго само-  
 дръжца великаго князя (Василіа) Василіевича  
 и при святѣйшомъ митрополитѣ Фотѣ  
 Кіевскомъ всеа Руси, и егда въсхотѣ Богъ  
 болма своего угодника прославити, свѣтлани-  
 ку не подъ землею быти, но всѣмъ и видимо  
 быти, и случися по нѣкоему строенію Божію  
 церковь обалившеся велми въ время божест-  
 венныя литургіа, священнику же еще во ол-  
 тари, ино благодатию Христовою вси невре-  
 дими съхранени быша; и тако тое церкви  
 мѣсто очистивше, хотяще въздвигнути новую  
 церковь, и начаша копати ровъ (на) основа-  
 ніе, и ту абіе обрѣтоша тѣло блаженнаго  
 Алексеа цѣло и невредимо, рызы его не ист-  
 лѣвши толикими многими лѣты. И якоже  
 слышано бысть святое обрѣтеніе, стекошася  
 князь же, и велможъ и простыхъ людей мно-  
 жество, и хвалу велію съ псалми и пѣніемъ  
 въздающи<sup>2</sup> прославляющему Богу святаго  
 своя. И тако церковь въздвижена<sup>3</sup> бысть зѣло пре-  
 красна, Богу поспѣшествующу<sup>4</sup>, и святаго  
 тѣло въ рацѣ положиша въпридѣлѣ честнаго  
 Благовѣщенія владычица наша Богородица  
 на деснѣ(й) странѣ, идеже суть видими свята

его мощи и до сего дни, всѣмъ исцѣленія  
 обилно подавающи. Принесени же<sup>5</sup> быша мощи  
 его мѣсяца маа въ 20 день. Да не умолчано  
 будетъ истинно, но да речено будетъ истинно,  
 но да речено будетъ преподобное, елма бо  
 обаче Богъ не токмо въ животѣ прославляю-  
 щихъ его прославити и по смерти явлену быти  
 многими различными чюдеса, отъ нихже да  
 речется мала отъ многихъ.

Въ лѣто 6866.

Въ лѣто 6867. Преставися князь великій  
 Иванъ Ивановичъ.

Въ лѣто 6868. Дано княженіе великое князь  
 Дмитрею Суздальскому, и коему же князю  
 отчину свою, отъ царя Хыдырыа. Той же зы-  
 ми, февраля въ 3, часъ нощи, знаменіе бысть на  
 небеси: облакъ яко кровавъ и свѣтъ яко заря.

Въ лѣто 6869. Убиша царя Хидаря. Тогды  
 же ограбиша князей Ростовскихъ въ Ордѣ,  
 и пустиша ихъ нагихъ.

Въ лѣто 6870. Ходиша Московскіе Ивано-  
 вичи, князь Дмитрей Андрѣевичъ да князь  
 Володимеръ на Галицкаго князя Дмитрея;  
 и прогна(ша) его, и княгыню полониша<sup>6</sup>. Той  
 жь зыми князь Дмитрей Ивановичъ его сго-  
 нилъ съ Переяславля Дмитрея, князя Суз-  
 далскаго, а самъ сѣде на великое княженіе.  
 Той же зыми сътворилася нелюбовь межи кня-  
 зи Ростовскими Констан(ти)номъ и Андрѣемъ.

Въ лѣто 6871. Князь Дмитрей Ивановичъ  
 ходилъ ратию на Суздаль. Того же лѣта при-  
 хавъ князь Андрѣй въ Ростовъ, хотя<sup>7</sup>  
 . . . . .  
 . . . . .  
 къ своего намѣстника посадили съ княземъ съ  
 Еремѣемъ. Того же лѣта князь великій Дми-  
 трей събра воа многы, и послалъ рать на кня-  
 зя великаго Михаила Александровича Твер-

(1) Въ подлинникѣ: и нбо единици. (2) Тамъ же: въздающи п. (3) Тамъ же: въздвижену. (4) Тамъ же: по поспѣ-  
 шествующа. (5) Тамъ же: принесеніи иже. (6) Въ Никоновской лѣтописи есть подъ 6870 годомъ извѣстіе о  
 походѣ великаго князя Дмитрія Ивановича съ братомъ Иваномъ Ивановичемъ и съ княземъ Владиміромъ  
 Андреевичемъ на князя Дмитрія Константиновича Суздальскаго. (7) На этомъ словѣ, находящемся въ руко-  
 писи на 136-мъ листѣ, прерывается статья и ея продолженіе помѣщено на 157-мъ листѣ.



скаго. Князь же великій Михайло побѣжа въ Литву къ великому князю Олгирду, зятю своему, и жалобы изложи, прося помочи собѣ, дабы сѣтворилъ мечь его въскорѣ. Князь же великій Литовскій Олгирдъ, той же осени, събравъ вой много, и поиде къ Москвѣ ратию на великого князя Дмитрея; а съ нимъ братъ его Кестутей, и сынъ Кестутеевъ Витовтъ, тогда младъ еще, и сынове Олгердове вси, и вси князи Литовскіе. Князь великій Миха(й)ло Александровичъ Тверскій прииде къ рубежу<sup>1</sup> Московскому. И то слышавъ князь великій Дмитрей Олгирда приближающаяся къ собѣ, разосла грамоты по градомъ, и повелѣ въскорѣ силамъ многымъ быти къ собѣ; и ничтоже успѣша събрати силы, занеже въскорѣ. И отпусти князь великій заставу противу Олгирда Дмитрея Микитина, а съ нимъ сторожевый полкъ, да отъ князя Володимера Андрѣевича Окинфа Шюбина; а съ ними рать Московскую, Коломинскаа, Дмитровскаа. Олгердъ же, входя въ предѣлы Московския, нача воевати порубежнаа мѣста, и на стрѣчѣ уби князя Семена Стародубскаго Кропиво; и посемъ въ Оболенствѣ уби князя Костантина Юріевича Оболенскаго, и доиде рѣкы Тростны, и ту избы стор(о)жевый полкъ князя великого Московского, заставу Московскую, и князи, и воеводы и бояре всѣ поби; и оттолѣ скоро прииде къ Москвѣ, и ста около града съ великою силою, и стоялъ 3 дни и 3 нощи, и многа зла сѣтворилъ, и отъиде въ своаши, учинивъ лихо за лихо. Той же зимы Москвичи отступишася опять Городка и всеа части князи Семеновы князю великому Михаилу Александровичу.

Въ лѣто 6877.

Въ лѣто 6878. По многыя ночи бысть знаменіа на небеси, небо аки кроваво, столпы по небу, проявляа ратныхъ нахоже-

ніе. На ту бо зиму, мѣсяца ноябрю въ 6, 1368 прииде Олгирдъ, Литовскій князь, къ Во- 1371 локу и съ Волока къ Москвѣ, на Николинъ день, и взяша миръ. Той же зими въ Новгородѣ Нижнемъ уползе много снѣгъ, и упале съ горы за святымъ Благовѣщеніемъ, и засыпа двори съ людми.

Въ лѣто 6879, мѣсяца априля въ 10 день, отъ Мамаева царя прииде изъ Орды князь великій Михайло Александровичъ Тверскій на великое княженіе съ ярлыкомъ, а посолъ съ нимъ Сарыхожа; и поиде съ Твери мимо Кашинъ, подлѣ Волгу. А князь великій Дмитрей Московскій по всемъ градомъ бояръ и люди привелъ къ цѣлованію не датися имъ князю Михаилу, а въ землю его не пустити на княженіе на великое; а самъ съ братомъ своимъ Володимеромъ ратию сталъ въ Переяслави. И посолъ царевъ посылалъ къ Дмитрію звати въ Володимеръ къ ярлыку, и князь Дмитрей отвѣчалъ: «къ ярлыку не ѣду, а на великое княженіе не пушу, а тобѣ послу цареву потчесь.» И присла звати посла, и посолъ давъ ярлыкъ князю великому Михаилу да поехалъ отъ Мологи на Москву, а князь великій Михайло поиде назадъ на Бежитскій Верхъ воюя, и прииде въ Тверь маа въ 23, и пусти сына своего князя Ивана въ Орду; а Татаринъ многое поймавъ, поиде въ Орду съ Москвы. И потомъ князь великій Дмитрей въ Орду поиде, и подаа сребра много отъ великого княженія; окаанніи же Измалтяне, за безаконіе на(ше), въвергоша мечъ въ Рускую землю, и почестили князя Дмитрея, давъ княженіе великое ему, а князю великому Михаилу приказали: «дали бы есми тебѣ княженіе великое, и рать есми тебѣ давали, и ты не захотѣлъ, и реклся еси сѣсти своею силою; и ты сяди съ кымъ ти любо.» Того же лѣта, въ (о)сени на исходъ, прииде князь великій Дмитрей изъ Орды съ

(1) Въ подлинникѣ: к рубежу. (2) Тамъ же: съ волокока.



1371 многими должники; и на Бежицкѣй Верхъ  
1372 посла рать Дмитрей убити намѣстника кня-  
жа Михайлова Мыкифора Лыча, а по воло-  
стемъ Тверскимъ грабить, и оттолѣ вѣста кра-  
мола болѣ. На зиму поиде князь великій Дмит-  
рей на Олега<sup>1</sup> Рязаньского, и съгна его съ  
Рязаны, а посади Пронскаго Володимера. Той  
же зыми женися Володимеръ Андрѣвичъ у  
Олгерда Еленою. А князь великій Михайло  
послалъ князя Дмитрея Еремѣева братанича<sup>2</sup> и  
взялъ ему Кѣсь, и воеводы поималъ Ивано-  
выхъ дѣтей Шонурова, Андрѣа и Давыда, и  
Бориса изымавъ приведоша въ Тверь къ ве-  
ликому князю; а князь Михайло<sup>3</sup> Кашиньскій  
Василіевичъ посла на Москву, и взя миръ, а  
бояре ис Кашина прихавъ къ великому кня-  
зю Михаилу Александровичу цѣлованіе сло-  
жили.

Въ лѣто 6880, въ Оомину недѣлю, князь  
великій Михайло взялъ Дмитровъ, посад(ы)  
и села пожгли, и люди въ полонъ повели; а  
Кестутей и князь Андрѣй Полоцкій ходили къ  
Переяславлю посад(ы) и села пожгли, и лю-  
ди много побиха, а инѣи въ полонъ поведоша,  
и совѣкупися во едино съ княземъ Михаиломъ  
поидоша къ Кашину, и взяша окупъ съ Кашина,  
а князь великій Михайло Василіевича (прине-  
воли) въ свою волю. А князь Олегъ на Рязани  
сѣдѣ, а зятя своего, князя Володимера, ялъ и  
привелъ его въ свою волю. А князь Кѣстутей  
поиде отъ Кашина мимо Торжекъ, и многу  
учиниша пакость; а князь Андрѣй Полоцкій  
да Дрютскій Дмитрей, мимо Твѣрь идучи,  
много пакости учиниша. Того же лѣта, заго-  
вѣвъ Петрову говѣнію, прихаша Новгород-  
ци въ Торжекъ, и укрѣпишася съ Новоторж-  
ци, и крестъ цѣловаша, и свѣщахъ золь со-  
вѣтъ: намѣстника князя великаго Михаила  
сослаша, а Тверичъ изымавъ биша, а люди пог-  
рабиша. Князь же великій Михайло укрѣпився  
силою крестною, и поиде ратию къ Торжку,

мѣсяца маа въ 31 день, на память святаго  
мученика Еремеа, ста въ понедѣльникъ у  
Торжку въ полѣ обѣда, нача ся смиреніемъ  
слати къ Новгородцемъ и Новоторжьце(мъ):  
«кто моихъ Тверичъ былъ, да и грабилъ, тѣхъ  
ми выдайте, а намѣстника моего посадите;  
а болѣ того ничтоже не учиню вашей зем-  
ли пакости.» И ждахъ покоренія до полу-  
дне, а врагъ діаволъ възмате ихъ злобою.  
Новгородци похвалишася силою, и послаша  
къ великому князю съ высокою мыслію, а сами  
въоружившеся бранію и изыдоша противу  
князя Михаила. Князь же великій Михайло мо-  
ляся великому Спасу и пречистой его Матери,  
и съступишася, на прѣвомъ суймѣ побѣди  
великій князь Михайло, помощію великаго  
архистратига Михаила; и убиша Александра  
Абукумова съ други, а Новгородци побѣго-  
ша къ Новгороду, а инѣи въ городъ, и бѣ-  
жавшихъ много исколоша, а инѣхъ поимаша  
бояръ и Новгородцевъ и Новоторжескихъ,  
и приведоша въ Тверь. И зажгоша съ поля  
посады у города, и удари со огнемъ вѣтръ  
силенъ на градъ, и поиде огнь по всему гра-  
ду, и погорѣ въскорѣ весь градъ, и<sup>4</sup> церкви  
каменны, и многое множество народа бесчи-  
сленное въскорѣ погибоша, а инѣи отъ огня  
бѣжачи въ рѣцѣ истопоша; въ единомъ часѣ  
видѣхомъ градъ весь въскорѣ попелъ, и раз-  
вѣай то вѣтръ, и не бысть ничтоже, развѣ  
кости мертвыхъ. Сіа вся наводитъ Богъ грѣхъ  
ради нашихъ; самъ бо рече: обратитесь къ  
мнѣ, и азъ къ вамъ обращуся; отступите отъ  
злѣбъ вашихъ, и примете благаа. Разумѣйте,  
братіа, силу Божию. Кый градъ бысть тверже,  
ли сильнѣе Ерусалима? бѣше имѣа великы 4  
стѣны каменны, и единъ изъ него исхождаше  
на 100, и безъ раны<sup>5</sup> хождаше; и единою Титъ  
обступиша градъ, и выидоша 7 храбрыхъ,  
и просѣкоша 7 улицъ до самого Тита, и  
възвратишася неврежденніи, и въ 2-е лѣто

(1) Въ подлинникѣ: и на олгерда. (2) Тамъ же: братією. (3) Тамъ же: михайло п. (4) Тамъ же: ип. (5) Тамъ же: избирены.



взя Титъ Іерусалимъ, и поплѣни весь градъ, и стоа пусть 60 лѣтъ. Разумѣйте, братіа, аще бо ти побѣженіи, то есть мужество, еже уповати на Бога; а человѣческаа помощь ничтоже есть, еже сіи сѣтвориша собѣ Новгородци за високоуміе. Князь же вѣзвратися въ Тверь съ побѣдою. Того же лѣта, мѣсяца іюля въ 12 день, князь великій Михайло поиде съ Твѣри ратію, и совокупися со Олгердомъ подь Люботьскомъ; а съ Москвы прииде противъ князь великій Дмитрей, и отъ врагъ вѣоружихася, и не бѣ лѣзѣ почати обоемъ, бѣ бо врагъ; и вмѣнися врагъ тый въ спасеніе, и вѣзме миръ, поидоша во своаси, а князь Михайло поиде въ томъ же миру. А князь Дмитрей пославъ въ Орду, высулиша князя Ивана Михайловича, сына Александровича, и приведоша на Москву, заговѣвъ Филипову заговѣнію; начаша его дрѣжати въ истомѣ<sup>1</sup>. Той же зими, въ Рождество Христоу, приславъ ис Кашина съ матерью, князь Михайло Василіевичъ цѣлованіе сложилъ<sup>2</sup>, и поихалъ на Москву, а оттолѣ къ Ордѣ. Той же зими преставися Еремѣй, Тверскій князь. Того же лѣта преставися владыка Василей Тверскій.

Въ лѣто 6881. Иде Вѣлхвовъ рѣка вѣспнати по пять днѣй въ Новѣгородѣ. Того же лѣта, мѣсяца априля въ 20 день, на святую недѣлю, Новгородци: Усъ, Яковъ, Глазачъ, ис погреба выкопалися и убѣгли съ Твери. Того же лѣта князь Михайло Василіевичъ прииде изъ Орды въ Кашинъ. Того же лѣта князь великій Михайло около града Твери валъ копалъ, и ровъ копалъ отъ Волги до Тмакы, Тверскими волостми и Новоторжскими губами, и валъ засыпали отъ Волги. Той же зими преставися князь Михайло Василіевичъ; а сынъ его Василей князь, по слову бабы своеа княгыни Олены, добылъ челомъ князю великому Михаилу. Той же зими сѣтворися

миръ князю великому Михаилу съ княземъ 1372 великимъ Дмитріемъ, и отпусти сына его 1375 съ Москвы князя Ивана съ любовію, а князя великого Михаила съ великого княженія намѣстника свель, и бысть радость велика всѣмъ христіаномъ.

Въ лѣто 6882. Алексей митрополитъ въ Твери постави епископа Еуфиміа. Того же лѣта Кашинскій князь Васко ступилъ на Москву.

Въ лѣто 6883. Съ Москвы пріихали къ великому (князю) Михаилу Иванъ Василіевичъ да Нѣкоматъ на христіанскую изгыбель, и на Федоровѣ недѣлѣ посла (и)хъ въ Орду; а самъ князь великій Михайло поихалъ въ Литву о середохрестѣ, и побивъ мало время, пріихалъ въ Твѣрь. Того же лѣта прииде изъ Орды Нѣкоматъ, мѣсяца іюля, въ Тверь, а посолъ съ нимъ Ажжихозя отъ Мамаа, и ярлыкъ принесе на великое княженіе; и князь великій Михайло, не дождавъ нимало, того дни и пославъ къ великому князю Дмитрію, цѣлованіе сложилъ, а намѣстники пославъ въ Торжекъ и на Угличе Поле ратію. Того же лѣта солнце погубло. А князь великій Дмитрей, собрався<sup>3</sup> съ всѣми князи Рускими, поиде къ Твери; мѣсяца августа въ 1-й Микулинъ взялъ; въ 5 день порану сталъ у града Твери, и посады и церкви пожегль, августа въ 8 день приступилъ, въ среду, съ всею силою къ граду, и тури прикатили, и приметъ<sup>4</sup> метали, и стрѣлницу зажгоша на м(о)сту на Тмацкомъ, и въ скорби бысть весь градъ. И притекоша людіе въ Спасъ, съ слезами къ Богу вѣзваша; и помилова Богъ, посла свою помощь, Москвичи отъ града отбилъ. Князь великій Михайло Волскими вороты Москвичъ былъ, и тури посѣкли и пожгли, и Москвичи въ вечернюю годину отъ града отступили; и потомъ стали вкругъ всего<sup>5</sup> града и за Волгою, а на Волзѣ мостъ доспѣли, а силы начаша Москвичемъ прибывати, приидоша бо

(1) *Въ подлинникѣ*: вѣстомѣ. (2) *амѣ же*: служилъ. (3) *Тамъ же*: и собрався. (4) *Тамъ же*: приметъ. (5) *Тамъ же*: вѣзвесь.



1375 Новогородци и Смоленяне. И видя то князь  
1377 великій Михаилъ, и нача хотѣти миру, и взя  
свою волю князь великій Дмитрей, и умири  
ихъ владыка Еуфимій, и много зла учинився  
въ земли Тверской, и скорбь бысть не мала,  
какова же не бысть мимошедшіа лѣта, моръ  
на люди и на скотъ; а помочи жда князь  
Михайло отъ Литвы и отъ Татаръ, и жда  
тое помочи, а много учинися пакости. Се  
все бысть грѣхъ ради нашихъ. И поиде (отъ)  
града Твери князь великій Дмитрей мѣсяца сеп-  
тевра въ 3 день. А се князи были<sup>1</sup> Рускыи  
съ великымъ княземъ Дмитріемъ (съ) своими  
силами: князь Володимеръ Андрѣевичъ, князь  
Дмитрей Костантиновичъ Суздальскый, князь  
Борисъ Костантиновичъ, князь Андрѣй Фео-  
доровичъ Ростовскый, князь Дмитрей Ново-  
городскый, князь Семенъ Дмитріевичъ, князь  
Иванъ Василіевичъ Смоленскый, князь Василей  
Василіевичъ Ярославскый, князь Романъ<sup>2</sup> (Ва-  
силіевичъ), князь Оеодоръ<sup>3</sup> Можайскый, и вси  
князи Рускіе и Новогородскаа сила; и оступи-  
ша весь градъ, и подъ градомъ, на Тмацѣ, уби-  
ли Семена Ивановича Добрынского, и иныхъ  
много людій биша съ городка нового з Да-  
ниловскаго<sup>4</sup>. А на ту же осень женися князь  
Иванъ Михайловичъ, приведе за него Кѣстуте-  
еву дщерь Микловсу; и крести е владыка Еуфи-  
мій (въ) Въздвиженіе, и нарече е(й) имя Марія.  
И въ то же время Новогородецъ Прокофей  
съвокупи около себе людій съ полторы тысячи,  
(въ) 70-и же ушкуевъ, взяша Кѣстроу. Намѣ-  
стникъ тогды былъ на Кѣстромѣ Плещее,  
видѣ ихъ Новогородцевъ Плещее воевода  
побѣже; тогда Новогородци елико могоша  
взяша<sup>5</sup>, а излишнее меташа въ воду, а иное  
огнемъ пожгоша, а люди множество плѣниша.  
И педше на Низъ пограбиша Новъгородъ, а

градъ съжгоша; и пограбиша многы люди,  
и въ полонъ поведоша. И поидоша въ Каму  
рѣку, и по малѣ выгребоша Камою, и поидо-  
ша въ судѣ(хъ), и дошедъ Болгарь испродаша  
полонъ весь, а сами поидоша къ Сараю, го-  
сти христіанскіи грабя, а бесермени біючи. И  
доидоша до усть Волгы, до<sup>6</sup> Хазторокани,  
и тамо изби я лестію князь Хазторо(ка)нь-  
скый, именемъ Салчѣй, събратився съ Про-  
кофьевою дружиною, и позва ихъ на честь  
пира, и тако вси безъ милости побіени быша,  
и безчисленное ихъ богатество взяша, а въ  
главахъ ихъ мизгитъ складоша.

Въ лѣто 6884. Прииде изъ Царяграда на  
Русь Кыпріанъ митрополитъ, поставленъ Фи-  
лофіемъ патріархомъ. Князь великій Дмитрей  
не пріялъ его: «есть у насъ митрополитъ  
Алексей;» и Кыпріанъ поѣхалъ на Кіевъ.

Въ лѣто 6885. Умре князь великій Олгердъ  
Гедеменовичъ. Бѣ у Единеа (7) сыновъ: Нарі-  
монтъ, Олвердъ, Евнутей, Кестутей, Коріадъ,  
Любортъ, Монтивидъ<sup>7</sup>. Олвердъ же всю бра-  
тію поимъ за се разумомъ и мужіи, бѣ  
бо вина и меду не піа. Имяше сыновъ 12,  
отъ 1-я жены пять сыновъ, а отъ Тверіанки  
Уліаны семь; и бѣ сыновъ Олвердовѣхъ имяна  
имъ: Андрѣй, Дмитрей, Костантинъ, Воло-  
димеръ, Федоръ, а отъ Уліаны: Корибутъ,  
Скрыгаило, Ягаило, Швѣтригаило, Коригаи-  
ло, Лугвень и Вигонтъ<sup>8</sup>. Избра изъ своихъ  
дѣтей Ягаила, емуже княженіе великое по-  
ручи; Ягаило же оженися въ Ляцькой земли,  
поя за собе корилицу, не имуще ей отца и  
матере, еяже ради досталося ему королев-  
ство. Того же лѣта ходиша Московскый князь  
за П(ь)яну рѣку, а князь Дмитрей Суздальскый  
послалъ сына своего князя Ивана да князя  
Семена Михайловича, да съ ними сила велика;

(1) Въ подлинникъ: были п. (2) Тамъ же: князь василей, князь романъ василіевичъ ярославскый. (3) Тамъ же: веоодоръ. (4) Тамъ же за симъ зачеркнуты слова: запя<sup>т</sup>на 10 верьст у твери. (5) Тамъ же: новогородци не могоша проимати. (6) Тамъ же: и до усть волгы а. (7) монтививъ. 8 Въ Поли. Собр. Лѣт. т VIII, стр. 25, вмѣсто: вигонтъ, читаемъ: минигайло.



и повѣдаша имъ царевича<sup>1</sup> Аришпу на Волчѣ водѣ, и они оплошишася, перешедъ рѣку Пяну, (доспѣхи своя возиша) въ<sup>2</sup> телѣгахъ, а сулицы въ силахъ не насажены, а издять (отъ) пеки ростягав(ся), бѣ бо имъ варно, и где найдутъ медъ, и піахуть до піана, а иніи ловы дѣютъ, по истиннѣ за Піаною піани. И приведоша на нихъ Мордва Татаръ Мамаевы орды, и удариша на нихъ, и убиша князя Семена Михайловича, а князь Иванъ Дмитріевичъ утопе, овыхъ побѣдѣ, а иныхъ потопиша. Тѣи же Татарове изгониша Новгородъ Нижній, а князь Дмитрей Костантиновичъ побѣже, не съ кимъ ему бѣ бо стати, и побѣже къ Суздалю. Придоша Татарове на Піану августа въ 2, а въ Новгородъ августа въ 5; градъ весь пожгоша, и церквѣи згорѣша 32, и многое множество поимаша людей, и въ полонъ поведоша. Той же зими, мѣсяца февраля 12, преставися Алексей митрополитъ, и положенъ бысть на Москвѣ въ церкви архистратига Михаила, юже самъ созда. Сей убо въ святыхъ отецъ нашихъ Алексей митрополитъ бѣ бо родомъ славныхъ нарочитыхъ бояръ Черниговскихъ, преселшу же ся<sup>3</sup> отцу его, именемъ Феодору, и съ женою своею Марією и со всѣмъ домомъ своимъ въ славный, въ преименитый градъ Москву, тогда же убо дрѣжаще великое княженіе великому князю Михаилу Ярославич(ю) Тверскому великое княженіе Володимерское. Ту же родиша святого сего отрока, и нарекоша ему имя въ святомъ крещеніи Олферій, при великомъ князи Иванѣ Давиловичи; втораго сына роди Оофана, третего сына Матфеа, 4 сына Костантина, 5 сына Александра Плещеа. Оофановъ сынъ Стефанъ да Данило; Стефановъ сынъ Юрій, а Даниловъ сынъ Костантинъ; а Костантиновъ сынъ Игнатій; а Матфеевъ сынъ Елезарей да Иванъ; а Елизаріевъ сынъ Петръ; а Петровъ сынъ Ананія, что былъ конюшей

у великой княгини, умеръ; Александровъ сынъ 1377 Плещее(въ) Данило, а Даниловъ сынъ Борисъ, а Борисовъ сынъ Михайло Плещеевъ. Феодоръ Бяконтъ былъ у великого князя Ивана Даниловича въ боярехъ, а сынъ Феодоровъ Оофанъ былъ въ боярехъ у великого князя Ивана Ивановича и у великого князя Дмитрея Ивановича. Другой сынъ Данило Феофановичъ былъ у великого князя Дмитрея Ивановича и у великого князя у Василиа былъ въ боярехъ у Дмитріевича, а былъ съ нимъ въ Ордѣ, и многу истому пріялъ въ чужихъ земляхъ, служа великому князю Василию Дмитріевичу; преставися въ черницахъ, въ скымѣ, положенъ бысть у Михаила Чюда, близъ дяди своего Алексеа митрополита чудотворца, и приходилъ князь великій Василей Дмитріевичъ на погребеніе его, прослезися надъ нимъ, поминаа службу его къ себѣ. По преставленію митрополичю Алексею взыде на его мѣсто нѣкоторый архимандритъ, именемъ Михайлъ, нарицаемый Митя, здѣа страшно и необычно, облечеса въ (санъ)митрополичьвъвесь и печать митрополичу възложи. Бѣ бо князь великій Дмитрей прѣвѣ сего проси у митрополита, и не благослови его митрополитъ; бѣ бо унь и бысть на немъ зазоръ отъ всѣхъ челоуѣкъ. Въ единѣ день рече Митяй князю великому: «обрѣтохъ въ намаканонѣ, иже суть правила апостольскаа и отеческая: яко достоитъ епископомъ 5 или 6 поставити съшедшеся епископа; и нынѣ дрѣжава твоя повелитъ, и да снудутся епископы, да мя епископомъ поставятъ.» Князь же великій посла скоро по епископы, и снудошася, ни единъ не смѣа възбранити ему; но токмо Діонисій Суздальскій князю великому рече: «нелзѣ тому быти; аще бы нужа, то подобало бы то; но путь къ Царюграду есть.» И Митя видѣ себе осрамлена, и нѣци отъ младыхъ наустѣша Митяа на Деонисіа, и Митя Деонисію рече: «не подобаше ли ти<sup>4</sup>,

(1) Въ подлинникѣ: царьви<sup>ч</sup>. (2) Тамъ же: иже въ. (3) Тамъ же: преславъ же ся. (4) Тамъ же: ты.



1377 о епископе, прежде приѣти ко мнѣ и благосло-  
1380 вение взяти? и нынѣ учини небрего(мо).» Део-

нисей рече: «тебѣ подобаетъ приѣти ко мнѣ, благословеніе приѣти; азъ бо есмь епископъ, ты же при(шлецъ).» И Митя рече: «потрыпи, прииду изъ Царяграда, нынѣ не мщу тебѣ<sup>1</sup>, скрыжалы твои своими руками спорю, ни попь не будеши.» И оттолѣ нача Деонисій<sup>2</sup> помышляти къ Царюграду, и Митяй во(звѣ)сти князю великому, и князь великій повелѣ Деонисіа нуажею дръжати; и видѣ Деонисій нуажею дръжима, введе<sup>3</sup> игумена Сергіа, и князь великій устыдися поручника его, и отпусти Деонисіа не ити къ Царюграду. Деонисій же, не пождавъ съ недѣлю, ступи Вългою къ Сараю, а святаго старца выдалѣ.

Въ лѣто 6886. Убіенъ бысть Кѣстутей отъ Олвердова сына. Того же лѣта бияся князь великій съ Татари на Вожи, посла на него Мамай Бигыча; а съ великимъ княземъ Андрѣе Полотскій и князь Данило Пронскій. И удариша одинъ съ сторону Полоцкій, а (съ) другую Данило, а князь великій въ чело; и приспѣ вечеръ, они же побѣжаша, нелѣ гнати по нихъ, и наутріе мгла бысть. Князь великій передъ обѣдомъ поиде за ним(и), и найдо(ша) вежи и дворы ихъ повержены, а въ нихъ товара бес числа; а сами толко успѣша поимати жены и дѣти своа, побѣгоша къ Ордѣ. Сіе бысть побоище августа 11; убіенъ бысть тогда Дмитрей Манастиріевъ да Назаръ Курсаковъ.

Въ лѣто 6887. Митя поиде къ Царюграду, и дръзнувъ рече великому князю: «дай ми харатію не написану, за своею печатію, на запасъ; еже ми будетъ надобѣ, то напишу на ней.» И далъ князь великій не одну харатію; и проводи его князь великій съ Москвы съ множествомъ князь и бояръ. И прииде Митяй

въ землю Татарскую, и повелѣ его няти Мамай, и мало дръжавъ пусти его; и проидоша до моря Кафинского. И бысть близъ града, яко видѣти Царьградъ, и ста корабль, мимо его идуща мнози корабли, и внезапу (умре) въ корабли Митя, и бѣ Митяемъ корабль томимъ; якоже приѣмъ онѣ, и вложиша Митя въ варку, и привезоша въ Галату, и погребоша ѿ. И быша въ велицѣ размышленіи, и вси избраша Пимина, бѣ же творяся о Пименѣ послани, а инѣ хотѣша Ивана архимандрита на Москвѣ Петровскаго, и<sup>4</sup> оковаша (его). Пименъ же въ казню загляда, обрѣте харатію не написану за великого князя печатію, и написа на (ней) отъ великого князя Дмитрея Рускаго къ царю и къ патріарху: «избрахъ на Русь повелику сего Пимина, и наче того иного не обрѣтохомъ.» И глаголюще посломъ царь и патріархъ: «есть Руси митрополитъ Кипріанъ, поставленъ Филофеемъ патріархомъ». Они же начаша послы сулити, у Фрязь и у Бесерменъ займуа по князя великого грамотамъ, еже подаа безъ писменъ за печатію; взято болѣ 70 и 6 долгу. И постави Нилъ патріархъ Пимина<sup>5</sup> митрополитомъ Руси. Того же лѣта на Кучковѣ потяша на Москвѣ Ивана Василіев(ича).

Въ лѣто 6888. А се писаніе Софонія Резанца, Брянского боярина, на похвалу великому князю Дмитрію Ивановичу и брату его князю Володимеру Андрѣевичу. Вѣдомо ли вамъ, Рускимъ государямъ, царь Мамай пришелъ изъ (За)волжіа, сталъ на рѣцѣ на Воронежѣ, а всѣмъ своимъ улусомъ не велѣлъ хлѣба пахать; а вѣдомо мое таково, что хочетъ ити на Русь, и вы бы, государи, послали его пообыскать, туто ли онѣ<sup>6</sup> стоитъ, где его мнѣ повѣдали??

(1) Въ подлинникъ: себѣ. (2) Тамъ же: деонисій и. (3) Тамъ же: введе. (4) Тамъ же: ппін. (5) Тамъ же: пиминами. (6) Тамъ же: тавы ли то онѣ туто. (7) Въ рукописи за симъ было написано, но потомъ зачеркнуто кинноварью слѣдующее: тѣмъ же всѣмъ суженое мѣсто между дономъ и днѣпромъ, на полѣ куликовѣ, на рѣцѣ на непрядѣ; а положили главы своа за землю рускую и за вѣру христіанскую. а мы поидемъ въ свою отчину, въ землю залѣскую, къ славному граду москвѣ, и сядемъ на своемъ великомъ княженіи; чести есмь собѣ добыли и славнаго имени. конецъ.



Въ лѣто 6889. Приде Кипріанъ митрополитъ на Москву.

Въ лѣто 6890. Позолотилъ князь великій Михаилъ верхъ у святаго Спаса въ Твери. Той же осени приде, передъ Филиповымъ заговѣніемъ, Пиминъ митрополитъ изъ Царяграда, и князь великій не пріаль его, и клобукъ бѣлой съ главы снялъ; и разведоша дружину его, и послаша его въ Галичъ, и тамо пребысть лѣто, и на Чухомлѣ; съ Чюхомлы приведоша его въ Тверь. Той же зими знаменіе проявляшеся на востоцѣ, акы столпъ огня, звѣзда копейнымъ образомъ, прознаменаа горкое пришествіе Тахтамышево на Рускую землю.

Въ лѣто 6890. Родися великому князю Дмитре(ю) сынъ Андрѣй. Того же лѣта поиде царь Тахтамышъ на великого князя Дмитрея, а Олегъ Рязанскій указа<sup>1</sup> ему броды на Оцѣ; то слышавъ князь великій побѣжа на Кострому, а царь 1-е Серпуховъ сожже, и поиде къ Москвѣ; людіе стаха вѣчемъ, митрополита и великую княгиню ограбиша, и одва вонъ изъ града пустиша. И приѣха на Москву князь Остей Литовскій, внукъ Олѣрдовъ, окрѣпи люди, затворися въ градъ(ѣ); а на третій день оже идетъ ис поля рать Татарскаа, и стаха близъ града, акы 2 перестрѣла, и рекоша: «есть ли Дмитрей въ градѣ?» и изъ града рѣша: «нѣтъ». И начаша піаници ругатися, кажуще имъ срамы своа, мняхуть бо толко силы есть; они же на градъ саблями махашу. И того дни къ вечеру тѣи полци отступили; и шедъ взяша Володимеръ и Суздаль, а иніи Переяславль. Мѣсяца августа 20 день царь приде къ Москвѣ съ бесчисленными вой, и видѣвше со града убояшася зело; и скоро такы поидоша къ граду, и стрѣлы пустиша, зрѣти не дадуще много на градъ, отъ стрѣлъ падаашу; а иніи по лѣсницамъ на градъ хотѣша лѣзты, и ляхуть на нихъ воду, въ

котлехъ на градъ варячи, и Татарове въ ве-<sup>1381</sup>  
чернюю годину отъ града отступиша. Царь<sup>1382</sup>  
же стоа 3 дни, а на 4-й день облыга Остѣа; въ полъобѣда приѣхаша Татарове ко граду, съ ними два князя Нижняго Новагорода, Василей да Семень Дмитрееви дѣти Константиновича; Татарове глаголютъ: «пришелъ царь своего холопа показнати Дмитрея, а нынѣ убѣгль; и царь вамъ повѣстуетъ: азъ не пришелъ улуса своего истеряти, но соблюсти, а градъ отворите, азъ васъ хочу жаловати;» а князи глаголаху: «мы вамъ крестъ цѣлуемъ; царь хочетъ жаловати.» Князь Остѣй выиде изъ града съ многими дари, а священническій чинъ со кресты; и въ томъ часѣ подъ градомъ убиша Остѣа, а честныя иконы на земли легоша одраны. И поидоша съкучи въ градъ, а иніи по лѣсвицамъ на градъ; а гражане сами градъ зажгоша, и бысть вѣтръ силенъ, и бѣ огонь на градъ и мечъ; и бысть взятъ градъ августа 26 день, при часѣ 8 дню. Си вся учинися грѣхъ ради нашихъ; и бысть въскорѣ все прахъ, а въ плѣнъ поведоша акы скотъ. И хотѣша ити ко Твери, и посла князь великій Михайло<sup>2</sup> Гурлена; они же изымавъ биша, и поставиша Гурлена<sup>3</sup> предъ царемъ, и царь повелѣ грабежъ изыскати, и отпусти его съ жалованіемъ къ великому князю Михаилу, съ ярлики. И поиде царь отъ Москвы, а князь великій Дмитрей поѣха на Москву, и видѣ<sup>4</sup> изгыбель нача плачь великъ и горко стогнаніе; а Кипріанъ митрополитъ приѣхалъ въ Тверь изъ Новагорода Великого, и оттолѣ на Москву. Той же осени князь великій Михаилъ Тѣерскій поиде въ Орду, сентебра въ 5 день, а съ нимъ сынъ его князь Александръ. Той же осени не въсхотѣ князь великій Дмитрей Кыпріана митрополита, и Кыпріанъ поѣхавъ въ Кіевъ; а Пимена съ честію приведе съ Твери на Москву, и бысть митрополитъ всеа Руси.

(1) Въ подлинникъ: указу. (2) Тамъ же: михайлу. (3) Тамъ же: господина. (4) Тамъ же: вииде.

7064  
5508  
156



1383 Въ лѣто 6891. Князь великій Дмитрей по-  
1389 сла сына своего Василя въ Орду. Той же  
осени бысть знаменіе, сентебра въ 23: тма  
бысть грозна въ 1 часть дни, поиде акы  
туча съ западныхъ страны скоро велми, и  
помрачи свѣтъ до 3-а годыны; птицы ле-  
тающей падаху на земли, и не довѣдааху лю-  
діе, что се есть, зане облакы желты суще и  
тонковидны<sup>1</sup> зело. Се же знаменіе не добро  
повѣдаютъ, якоже при Антиоховѣ нахожденіе  
на Іерусалимѣ чловѣци являхуся на въздухѣ  
вторужинѣ и колесници; (по инымъ же стра-  
намъ тогда облакы прехожаху), и бысть много  
на Кіевѣ.

Въ лѣто 6892.

Въ лѣто 6893. Князь великій Михайло же-  
ни сына своего князя Бориса у Святослава  
Смоленскаго, а князя Василя у князя Воло-  
димера Кіевскаго, и вѣнчаша ѿ въ Тѣбри,  
въ святомъ Спасѣ.

Въ лѣто 6894, мѣсяца марта въ 22 день,  
Святославъ князь великій Смоленскій пои-  
де съ силою великою, приде ко Мстисла-  
влю, воюа землю Литовскую; мучаху<sup>2</sup> Смол-  
няне имающе различными казнми, овыхъ  
имаху (въ) изби наметавъ зажигаху, а инѣи  
разбивааху клинѣмъ, клѣти руки вѣкладааху  
въ стѣну зажигаху, а младенца на колѣ вѣсты-  
каху, звѣрообразне мучаху безчеловѣчено. И  
приде Святославъ априля въ 18, на стра-  
стной недѣли, Мстиславци затворишася въ  
градѣ; и бысть назавтрее, въ полѣобѣда,  
появишася ко граду рать Литовскаа, князь  
великій Скрыгаило, а другій полкъ Кербу-  
товъ, а 3-й полкъ Лугвеній и Витовтъ, идуще  
вборзѣ. И Смолняне смятошася, и на-  
чаша вѣобранятися Смолняне, бѣ бо опло-  
шилися, и съступиша(ся) подѣ градомъ, гра-  
жане съ града зряще убиваемыхъ. И ту убиень  
бысть князь великій Святославъ, и сына его

поимаша, Глѣба и Юрія, и побѣжа множе-  
ство, а инѣи въ рѣцѣ истопоша въ Вехрѣ<sup>3</sup>; а  
князь великій Скрыгаило и Витовтъ посади-  
(ша) намѣстника князя Юрія Святославича  
исъ своеа руки, а окупъ вѣзмя на Смоленску.  
Той же осени приде изъ Орды князь Алек-  
сандръ Михайловичъ съ посломъ. Той же зы-  
ми, о Крещеніе, князь великій Дмитрей ратью<sup>4</sup>  
ходилъ къ Новугороду; и не дошедъ града  
за 15 версть, Новгородци выидоша, воору-  
жився, и даша окупъ великому князю 8000<sup>5</sup>  
рублей, и ту миръ взяша. Той же осени князь  
великій Василей Дмитріевичъ изъ Орды убѣгль;  
обшедъ многыа земли отъ Ягайла, приде  
на Москву; а съ нимъ ис Кіева приша ми-  
трополить Кипріанъ, и не приалъ его князь ве-  
ликій. Той же зыми князь великій Михайло  
не захотѣ Евфиміа владыки<sup>6</sup>; онъ же иде въ  
монастырь къ святому Николѣ надѣ ру-  
чаемъ.

Въ лѣто 6896. Приде Пимень<sup>7</sup> митропо-  
литъ изъ Царяграда на Москву. Того же  
лѣта родися князю великому сынъ Костантинъ.

Въ лѣто 6897. Преставися въ Кашинѣ князь  
Александръ Михайловичъ Ординецъ. Того же  
лѣта изъ Нѣмечъ вынесоша пушкы, 97-го лѣта.  
Того же лѣта поидоста къ Царуграду Кипріанъ  
ис Кіева, а Пиминъ съ Москвы. Той же весны,  
мѣсяца маа въ 25 день, преставися князь ве-  
ликій Дмитрей Ивановичъ, живѣ отъ роду 40  
лѣтъ; а сына своего Василя князя благослови  
на свой столъ. За мало днѣй побѣже князь Во-  
лодимеръ Андреевичъ отъ великого князя въ  
Торъжекъ, и на Крещеніе миръ взяша. Той  
же зыми, на Рожество Христово, приде на всю  
Рускую землю Кипріанъ митрополить; и стрѣте  
его князь великій Василей Дмитріевичъ съ  
матерію и съ всѣми князми на Кѣстьми, и  
бысть имъ радость о немъ; а Пиминъ въ Ца-  
рѣградѣ преставися.

(1) Въ подлинникѣ: тонковиденъ. (2) Тамъ же: мучаху и. (3) Тамъ же: вѣрхлѣ. (4) Тамъ же: и ратью. (5) Тамъ же: 8. (6) Тамъ же: владыка. (7) Тамъ же: миня.



Въ лѣто 6898. Позва князь великій Михайло на Тверь Кипріана митрополита; пріиха въ Тверь по Петровѣ дни, а съ нимъ два митрополита, еже сіи пріидоша изъ Царяграда, Матфей Андрѣйновополскый и Никандръ Ганскый, и Митрофанъ, владыка Смоленскій, и Стефанъ, владыка Перменьскый. И стрѣте митрополита внукъ князя великого, князь Александръ, за 30 версть отъ града; а на другой день стрѣте его князя великого сынъ Иванъ за 20 версть отъ града; по вечерни, въ день суботный, стрѣте<sup>1</sup> самъ князь велик(ій), на Почынкѣ, съ многими князи и множествомъ бояръ; митрополитъ далече стрѣте его изъ шатра в(е)ликого князя, и надолзѣ бесѣдова-ста о ползѣ душевней. Наутріа же, въ день недѣльный, мѣсяца іюля въ 3, стрѣте митрополита на Перемѣрѣ, и поиде къ граду, и стрѣтоша ихъ со кресты предъ Володимирскими вороты, у святаго Юрія. Митрополитъ же одѣявся въ святительскую одежду, и нача пѣти молебень Спасу и пречистой Матери Божіи, и поиде въ (святый Спасъ), и обѣдную служи въ святомъ Спасѣ; по обѣднѣ обѣда у великого князя, и пиръ и дарове мнози ему. Того по 3 дни пировѣ и дарове. На 4 день пріидоша къ великому князю архимандриты, игумени и весь чинъ священическый на Евфиміа епископа; онъ же посла ихъ ко митрополиту, суди(ти) ихъ по правиломъ святыхъ отецъ. И извергоша епископа Евфиміа; и дасть митрополитъ епископа граду Тѣфри Арсеніа, своего протодіакона. Той же осени прибави(ша) къ Городку на Волзѣ съ приступа города, и ровъ скопаша, а въ Твери доспѣ(ша) ворота у святаго Василиа. Той же осени Витовтъ изъ Нѣмцеъ приходилъ къ Вилни, и не възма, прочь отъиде; отъ пушекъ много полегоша. Той же зыми женися князь великій Василей у Витовта, Софію поня добрую; добрый нравъ имѣ отцевъ, не сыта бѣ блуда.

Въ лѣто 6899<sup>2</sup>. Преставися княгыни вели-1190  
каа Уліана Олѣрдова. Того же лѣта преста-1392  
вися Евфиміе на Москвѣ, въ истомѣ<sup>3</sup> отъ митрополита; и положиша его у святаго Михаила на Москвѣ за олтаромъ. Того же лѣта Тах-тамышю бой съ Оксакъ Темиремъ, и побѣди Оксакъ Темиръ Тахтамышя. Той же зыми митрополитъ Кипріанъ бысть въ Новѣгородѣ въ Великомъ, и вшедъ на онбонъ нача люди учить; они же заткоша уши свои, еже бы не слышали. И митрополитъ поиха прочь, не благослови епископа и Новагорода.

Въ лѣто 6900<sup>4</sup>. Сложи цѣлованіе крестное князь великій Василей князю великому Борису Костантинови(чу), и поиде къ Ордѣ, и нача просити Новагорода Нижняго; преможе бо многое събраніе на кровопролитіе, и даша Нижній Новгородъ великому князю Василю, и пріиде на Москву, а посла отпусти къ Новгороду. Князь великій же Борисъ то слыша, събра свои бояре, и рече: «помните, братіа, крестное цѣлованіе и мою доброту.» Въ нихъ же старѣй именовъ Василей Румянецъ, лестя, рече: «мужемъ главы своа за тя положить,» якоже древней Блудъ. И внідоша Татарове въ градъ, и Московскіе послы начаша звонити, и снидеса весь градъ, и выступя Румянецъ, рече: «князь Борисъ! нѣсть есми по тобѣ, но на тя.» О<sup>5</sup> злаа лесть чловѣческаа! якоже рече Давыдъ: мужа крѣва(ва) и лстива гнушается Господь; и Лѣствичникъ рече: душа мятежна сѣдалище діаволе. И отъиде Румянецъ, Іюдинъ образъ возьмъ, помрачися злобою и другъ діаволу нарекся. Помалѣ пріиде въ Новгородъ князь великій Василей, и великого князя Бориса повелѣ розвести по градомъ съ княгыною и з дѣтми. Того же лѣта Кашинъ погорѣ, и срубленъ бысть. Того же лѣта Витовтъ сѣде въ Вилнѣ на великое княженіе. Того же лѣта преставися князь Борисъ въ Суздаля.

(1) Въ подлинникѣ: и стрѣте. (2) Тамъ же: 6099. (3) Тамъ же: выстомѣ. (4) Тамъ же: 6800, 900. (5) Тамъ же: а.



1393 Въ лѣто 6901.

1395 Въ лѣто 6902.

Въ лѣто 6903. Въ дни княженія благовѣрнаго и христоролюбиваго великаго князя Василя Дмитріевича, самодрѣнца Рускыя земли, внука великаго князя Ивана Ивановича, правнука же благовѣрнаго и христоролюбиваго великаго самодрѣнца и събрателя Руской земли великаго князя Ивана Даниловича, при благолюбивымъ архіепископѣ Кипріанѣ, митрополитѣ Кіевскомъ (и) всеа Руси, въ 15 лѣто царства Тактамышева, а въ седмое лѣто княженія<sup>1</sup> великаго князя Василя Дмитріевича, а индикта въ 3-е надесять, по Татарщинѣ, Московскомъ взятіи, бысть<sup>2</sup> замѣтна велика въ Ордѣ. Прииде нѣкоторый царь, именемъ Темиръ Аксакъ, съ восточныя страны, отъ Синяя орды, отъ Самарханскыя земли, и велику брань сътвори, и много мятежъ въздвиже въ (О)рдѣ и на Руси своимъ приходомъ. О семъ Темиръ Аксакъ нѣдци повѣдаша, яко испрѣва не царь бѣ родомъ, ни сынъ царевъ, ни племянни царска, ни княжеска, ни боярска, но тако испроста, единъ сый отъ худыхъ людей отъ Заецкихъ Татаръ, отъ Самархейскыя земли, отъ Синяя орды и Желѣзными Враты, ремесломъ же кузнецъ бѣ желѣзными, обычаемъ же и дѣломъ немилостивъ, и хищникъ, и ябедникъ и грабежникъ, иже бѣ прежде хлопъ былъ у нѣкоего у своего государя, злонравія его<sup>3</sup> (ради) отврѣжесе государь его, отбивъ, отславъ его отъ себе; онъ же не имѣа чимъ питатися, пребываше татбою кормяся. Единачее бо еще ему тогда сушу младу и во убожествѣ, крадый ядыше, да украде у нѣкоторыхъ овцю; онъ<sup>4</sup> же мняшесе убѣжати отъ нихъ, но скоро многими постиженъ бысть, и ятъ бысть, и удрѣжанъ крѣпко, и биша его нещадно по всему тѣлу, и умысли-

ша ему дати язву смертную, яко да убити ѿ, и пребыша ему ногу и бедру его на полы, и повергоша его яко мертва, не движущесе и не дышуще, мняху убо его якоже умре, и оставиша его псомъ на снѣденіе, и отъидоша. И не по колицѣмъ<sup>5</sup> же времени едва уздравися отъ таковыя<sup>6</sup> смертоносныя язвы, и вѣставъ, прекова себѣ желѣзомъ ногу свою прибитую, и таковою нужею хромаше, и того ради прозванъ бысть Темиръ Аксакъ, темиръ бо зовется желѣзо, аксакъ зовется хромецъ Половецкимъ языкомъ, и таковою<sup>7</sup> виною прозванъ бысть Темиръ Аксакъ,—темиръ бо зовется желѣзо, аксакъ зовется хромецъ,—якоже отвѣща отъ дѣлъ званіе приѣмъ, и по дѣйству имя себѣ стяжавъ. И таже потомъ, по исцѣленіи его отъ ранъ и по великихъ тѣхъ побоехъ, не лишился бѣ лиха(го) своего обычаа прѣваго, не смирился, ни укротился<sup>8</sup>, но и паче на горшее<sup>9</sup> съвращесе, и горѣе давнаго и пуще прежняго, и бысть лютъ и разбойникъ. Потомъ же преложиша ему уноши<sup>10</sup>, немилостиви мужіе и сурови и зліи челоуѣци, подобници ему, таковыи же разбойници и хищници, и умножиша на ны зело. Егда ихъ бысть числомъ 100, и нарекоша его надъ собою старѣйшину разбойникомъ; егда ихъ бысть числомъ до<sup>11</sup> тысячи, тогда уже и княземъ<sup>12</sup> его зваху; а егда ихъ болѣе умножишася паче числомъ и многы земли поплѣни, и многы град(ы), и страны и царства поималъ, тогда уже царемъ его именоваху. Сей же Темиръ Аксакъ нача многи рати творити, и многы брани въздвиже, и многы сѣчи показа, и многы побѣди учини, многымъ полкомъ съпротивнымъ одолѣ, и многии град(ы) раскопа, многы люди погуби, многы страны и земли повоева, многы области и языки поплѣни, и многы княженія и рстваца покори подъ себе, и царя Турскаго

(1) Въ подлинникѣ: княженіе. (2) Тамъ же: и бысть. (3) Тамъ же: его злонравіе его. (4) Тамъ же: они. (5) Тамъ же: не по колицѣхъ. (6) Тамъ же: тоговья. (7) Тамъ же: тановою. (8) Тамъ же: окропился. (9) Тамъ же: наигоршее. (10) Тамъ же: уноша. (11) Тамъ же: и до. (12) Тамъ же: князьямъ.



Крыщеа полонилъ, а царство за себе взялъ. А се имена тѣмъ землямъ и царствомъ, еже бѣ поплѣнилъ Темиръ Аксакъ: Чагадай, Хорусиній, Голустаній, Китай, Синяя орда, Ширязя, Испаганъ, Орначь, Гилянъ<sup>1</sup>, Сизъ, Ширбенъ, Шамихи, и Савась, Арзунуть, Теофизы, и Тевризъ, Гурзустаній, Обези, Гурзи, Бабадать, Темиръ Кабы, рекше Желѣзная Врата, и Асурію, и Вавилонское царство, идеже былъ Навходоноръ царь, иже плѣнилъ Іерусалимъ и три отроки, Ананію, Азаріа и Мисаила, и Данила пророка, и Савастію градъ, идеже было мученіе святыхъ мученикъ 40, иже въ Севастіи, и Арменію<sup>2</sup>, идеже бѣ святой Григорій, епископъ Великіа Арменіа, Дамаскъ великій и Сара(й) великій. Сіи имена тѣмъ землямъ, и тѣмъ градомъ и тѣмъ царствомъ, надъ ними же царст(во)ва Темиръ Аксакъ; со всѣхъ съ тыхъ земель дани и оброки дают(ся), во всемъ ему повинующеся. Онъ же на многыя браны хождаше, а они съ нимъ вѣующе<sup>3</sup>, и плѣняше<sup>4</sup> многыя земля, они же повинующеся ему, и хожаше съ нимъ, и всю волю его творяще, и царя Крыщеа Турскаго въ клѣтцѣ желѣзныѣ вожаше съ собою того ради, да аще бы видѣли мнози земли таковую его силу и славу, безбожнаго врага и гонителя. Прииде ратию на царя Тахтамышъ, и бысть имъ бой (на) нарицаеми мѣстѣ Ординскомъ и на кочевщѣ царя Тахтамышъ, и (от)толѣ возгорѣся<sup>5</sup> окаанный, и нача мыслити въ сердци своемъ ити на Рускую землю и поплѣнити ея, акы прежде сего, за грѣхи наша, попустившу<sup>6</sup> Богу, поплѣни<sup>7</sup> царь Батый Рускую землю; а гордый и сверѣпный Темиръ Аксакъ тоже помышляше, и хошетъ взяти Рускую землю. И собра все во(е)нство) свое, и проиде всю Орду и всю землю Татарскую, и прииде близъ предѣлъ Рѣзанскыа земли, и взятъ градъ Елечь, и князя Елечскаго изыма, и многы люди помучи. И се слышавъ

князь великій Василей Дмитріевичъ, и събра 1395 воя своа многы, и поиде съ Москвы ко Коломнѣ, и хотѣ ити противу ему въ стрѣтеніе, и пришедъ ратию ста на брезѣ у рѣкы Оки. Темиръ Аксаку же стоящу на единомъ мѣстѣ 15 день, помышляше окаанный и хотѣ ити въ всю землю Рускую, акы вторый Батый, и разорити христіанство. Слышавше благовѣрный и христіолюбивый князь великій Василей Дмитріевичъ, самодръжець Рускыа земли, помышленія оного безаконного, и сверѣпаго и гордаго мучителя и губителя Аксака Темира царя, како помышляетъ на православную вѣру, боголюбивый же великій князь Василей Дмитріевичъ руцѣ на небо въздѣюще, съ слезами молахуся, глаголюще: «сздателю и заступниче нашъ Господи, Господи! призри отъ святаго жилища твоего, и вииде безбожнаа варвара и сущихъ съ нимъ, дръзнувшихъ хулити святое<sup>8</sup> и великое имя твое, пречистыа и всенепорочныа твоеа Матере, заступница нашеа, низложи его, и да не речеть: где есть Богъ ихъ? Ты бо еси Богъ нашъ, иже гордымъ упротивляеся; стани, Господи, въ помощь рабомъ своимъ, на смиренныа своа рабы призри, и не попусти, Господи, смуты окаанному врагу нашему поносити намъ; твоя бо дръжава неприкладна и царство твое нерушимо! Слыши слово варвара сего, избави насъ и градъ нашъ отъ окааннаго, и безбожнаго и зловѣрнаго царя Темиръ Аксака!» Князь же великій Василей Дмитріевичъ посла вѣсть къ отцу своему боголюбивому архіепископу Кипріану, митрополиту Кіевскому и всеа Руси, чтобы народу повелѣлъ пріати постъ и молитву, со усердіемъ и съ слезами Бога призывать; и пресвященній же<sup>9</sup> Кипріанъ, митрополитъ Кіевскій (и) всеа Руси, слышавъ таковую рѣчь отъ сына своего великаго князя Василя Дмитріевича, и призва къ себѣ

(1) *Въ подлинникѣ*: гинень. (2) *Тамъ же*: арминію. (3) *Тамъ же*: и вѣующе. (4) *Тамъ же*: пленяше а. (5) *Тамъ же*: возборе. (6) *Тамъ же*: попустивши. (7) *Тамъ же*: и поплени. (8) *Тамъ же*: и святое. (9) *Тамъ же*: иже.



1395 вся архимандрити, игумены, и попове и весь чинъ священ(ни)ческий, и повелѣ пѣти по всему граду молебены, а дѣти своа духовныа повелѣ наказати, дабы пріяли постъ, и<sup>1</sup> молитву и покааніе съ усердіемъ отъ всеа души своеа. Самъ же<sup>2</sup> пресвященній митрополитъ такоже по вся дни призываа къ себѣ благовѣрныа князя, и благочестивыа княины, и вся властели и воеводы, и по вся часы наказуа ихъ и учаща ихъ; самъ же митрополитъ Кипріанъ по вся дни и часы, и отъ церкви не отступаа, присно молитву Богу (приноситъ) за князя и за люди. Такоже повелѣ князь намѣстникомъ своимъ граднымъ укрѣпити осаду, и събрати воа вся; они же слышавъ повелѣніе господина своего, събраша людіе вси въ градъ и укрѣпиша осаду. Благовѣрный же великій князь Василей Дмитріевичъ, помянувъ избавленіе царствующаго града, како избави пречистаа владычица наша<sup>3</sup> Богородица царствующи градъ отъ нашествія зловѣрнаго и безбожнаго царя Хоздроа, помянувъ, и (пожела) послати по икону пречистыа владычица нашеа Богородица. И призва къ собѣ князя и своихъ бояръ, и рече имъ: «хощу послати въ градъ Володимеръ по икону пречистыа владычица нашеа Богородица, та бо можетъ предложить<sup>4</sup> печаль нашу на радость, и можетъ заступити насъ и градъ нашъ Москву отъ нахожденія иноплеменникъ, и отъ нападенія вражіа, отъ нашествія ратныхъ, и отъ межуусобныа браны, и отъ кровопролитія всякого, отъ мирскыа<sup>5</sup> печали, отъ напрасныа смерти, отъ всякого зла находящаго на ны.» И помысливъ же сеи благовѣрный великій князь Василей Дмитріевичъ, и поиде въскорѣ къ отцу своему боголюбивому Кипріану, митрополиту Кіевскому (и) всеа Руси, и повѣда ему все свое помышленіе, и повелѣ ему послати въ славный въ старыи градъ Володи-

меръ по<sup>6</sup> икону владычици нашеа Богородица. Благовѣрный же Кипріанъ, митрополитъ<sup>7</sup> Кіевскій (и) всеа Руси, слышавъ такую рѣчь отъ сына своего великаго князя Василя Дмитріевича, и посла въ старыи и славный градъ Володимеръ по икону пречистыа владычица нашеа Богородица. Клирики же великіа соборныа церкви святыа Богородица, иже въ Володимери, протопопъ съ<sup>8</sup> крылошаны пречистую и чудную икону взяша, и понесоша отъ Владимира града на Москву, страсти ради Темирь Аксакова Татарска, егоже иногда по вѣстѣхъ слышахомъ далече суще подъ востокы солнечными, нынѣ же близъ яко при дверехъ приближился есть, и готовится, и поощряется и въоружает(ся) на ны зело. И бысть тогда, мѣсяца августа въ 15 день, въ самый праздникъ честнаго Успенія, събрася весь градъ Володимеръ, изыдоша на проваженіе чюдныа тоа и честныа иконы, юже проводиша честно, съ<sup>9</sup> вѣрою и любовію, страхомъ и желаніемъ, съ плачемъ и со слезами, далече шествуючи отъ великіа вѣры и многыа любви, и многыа слезы изліаше. Егда же принесена бысть икона си близъ града, изыде противу иконы на стрѣтеніе еа, и стрѣтоша ѿ честно Кипріанъ митрополитъ съ епископы, архимандриты, съ игумены и діаконы, съ всѣмъ крилосомъ и причетомъ церковнымъ, и съ черноризци и черници, и съ благовѣрными князи и княгинями, и бояры и боярынями, мужи же и жены, и юноша и дѣвы, и старци съ юнотами, дѣти, младенци, и сироты и вдовици, нищи и убози, всякъ (во)зрастъ, мужескый полъ и женскый, отъ млада и до велика, вси много(е) множество безчисленное народа и люди, съ кресты, и съ иконами<sup>10</sup>, и (съ) евангелія, и со свѣщами, и кадилы, и со псалмы, и пѣсми и пѣніи духовными, паче рещи вси со слезами,

(1) Въ подлинникъ: или. (2) Тамъ же: же и. (3) Тамъ же: нашеа. (4) Тамъ же: предложить. (5) Тамъ же: мирскыа мя. (6) Тамъ же: ипо. (7) Тамъ же: митрополитъ архіепископъ. (8) Тамъ же: свѣщано. (9) Тамъ же: и. (10) Тамъ же: съ иконами.



мали и величїи, иже не обрѣсти челоуѣка не плачущеся; но и вси съ молитвою и плачемъ, и вси съ въздыханїемъ немолчнымъ, и рыданїемъ и благодаренїемъ руцѣ въздѣюще на высоту, вси моляхуся къ святѣй Богородици: «избави нашъ градъ Москву,» въпїюще и глаголюще: «о всесвѣтаа владычице Богородице! отъ нахожденїа поганана Темира Аксакъ царя, всякъ градъ христіанскый и страну нашу защити, и князя и люди отъ всякого зла заступи, и градъ нашъ Москву отъ нахожденїа ратныхъ иноплемennыхъ избави, плѣненїа наша отъ поганныхъ, и отъ огня, и меча, и напрасныа смерти, и отъ нынѣшняа обдѣрающаа скорби, и отъ печали, нашедшіа нынѣ на насъ, и отъ настоящаго гнѣва, и бѣды и нужда, и отъ подлежащихъ сихъ искушенїй<sup>1</sup> избави, Богородица, своими<sup>2</sup> богопрїятными молитвами къ Сыну своему и Богу нашему, своимъ пришествїемъ, еже къ намъ нищимъ, и убогимъ, и скорбящимъ и печалующимся. Умилосердися, Госпоже, на скорбящїа рабы твоа, на<sup>3</sup> ты надѣющеся, не<sup>4</sup> погыбнемъ, но избудемъ тобою отъ враговъ нашихъ; и не предай же насъ, заступница наша, и не дай же насъ въ рудѣ врагомъ Татаромъ, но избави насъ отъ врагъ нашихъ, и противныхъ съвѣты разори, и козни ихъ раздруши, въ время скорби нашеа нынѣшняа<sup>5</sup>, нашедшіа на ны, буди теплаа заступнице и скороа помощнице, да сихъ нынѣшнихъ бѣдъ тобою избавльшеся<sup>6</sup>, благодарно възпоїемъ: радуйся, заступнице наша непостыднаа.» И тако, Божїею благодатїею, и неизреченною милостїю и молитвами пресвятыа Богородица, градъ нашъ Москва цѣло съхраненъ бысть, а Темиръ Аксакъ царь възвратися въспять и поиде въ свою землю. Оле преславное чудо, о превеликое удивленїе, о мно-

гое милосердіе къ роду христіанскому! въ 1395 который<sup>7</sup> день принесена бысть икона пресвятыа Богородица изъ Володимера на Москву, въ той день Темиръ Аксакъ безбожный царь убоися, и устрашися, и ужасеся и смятесе, и нападе на нь<sup>8</sup> страхъ и трепеть, и вниде страхъ въ сердце его и ужасъ въ душу его, трепеть въ кости его, и скоро отвѣржися<sup>9</sup> и охабися воевати Рускыа земля, и въскытшася быстрѣе путь на шествїа, и скорое грядущую къ Ордѣ, а къ Руси тыль показующи, и обратилася въ сердце своемъ въ своаси, и възвратилася въспять безъ успѣха, възматолшася и въсколебашася, а нынѣ гоними быша; не мы бо ихъ гонимъ, но Богъ милосердный, и прогони ихъ невидимою силою своею и пречистыа его Матере, скорыа заступница нашеа въ бѣдахъ, и молитвою<sup>10</sup> угодника его боголюбивого пресвященнаго новаго чудотворца Петра, митрополита Кїевскаго (и) всеа Руси, крѣпкаго заступника граду нашему Москвѣ и молебника находящїа на ны бѣды, посла на ны страхъ и трепеть, да окаменятся. Но якоже древле при Езекеи цари и при Исаїи пророцѣ Сенахоримъ, царь Асурїйскїй, прииде на Іерусалимъ ратїю, а въ гордости величїй на Бога Вседръжителя хулныа глаголы въспущаа; царь же Езекиа тогда бяше, но аще болѣнъ бѣ, по обаче помолися Богу съ слезами, купно съ пророкомъ Исаїемъ и съ всѣми люди, и услыша Богъ молитву ихъ, паче же Давыда ради, угодника своего, и посла Богъ аггела своего, мно же великаго архистратига Михаїла, и абїе въ ту ноцъ аггелъ Господень уби отъ полку Асурїйска 100 тысячїй и 80 и 5; наутрїа же вѣставши, обрѣтоша трупиа мертва лежаща, царь же Асурїйскїй Сенахиримъ въ ту ноцъ убоися земля и устрашилсѣя со оста-

(1) Въ подлинникъ: искушенїа. (2) Тамъ же: своими п. (3) Тамъ же: и на. (4) Тамъ же: и не. (5) Тамъ же: и нынѣшняа. (6) Тамъ же: избавльшихся. (7) Тамъ же: и второй. (8) Тамъ же: на ны. (9) Тамъ же: отвѣржися. (10) Тамъ же: молитвою.



1395 точными своими воини скоро убѣжа въ Нивію, и тамо<sup>1</sup> отъ своихъ дѣтей убіенъ бысть и умре. Якоже тогда при Темирѣ Аксаѣ, единъ той же Богъ тогда и нынѣ, благодать Божіа дѣйствуетъ тогда и нынѣ, милостивъ есть Богъ и силенъ елико хочетъ и можетъ, и еще и нынѣ милость его велика на насъ, яко избавилъ ны есть Господь изъ руки врагъ нашихъ Татаръ, избавилъ ны есть отъ сѣча, и отъ меча и отъ кровопролитія, мышцею своеа силы разгналъ еси враги наши, сыны Агарины, рукою крѣпкою и мышцею высокою устрасилъ еси сыны Изманловы, и не наши воеводы прогнаша Темирѣ Аксак(а), и не наши воиньствы пострашили ихъ, но силою невидимою нападе страхъ и трепетъ, и страхомъ Божіимъ устрасился, и гнѣвомъ Божіимъ гонимъ бысть, потщався и отъиде отъ Рускыа земли, и отступивъ, и поиде прочь отнюду<sup>2</sup> же прииде, земли Русіи отнудъ не прикоснуся, ни оскорби, ни остужи ея, не вреди ея, но поиде безъ вратъ. Мы же вѣстухомъ и простихомъ, онъ же заиде, изчезе, и мы ожихомъ и цѣли<sup>3</sup> быхомъ, и сѣтъ его съкрушися, и мы избавлени быхомъ, помощь наша отъ Господа, сътворившаго небо и землю. Слышавше благовѣрный и великій князь Василей Дмитріевичъ отшествіе окаяннаго зловѣрнаго царя Темирѣ Аксака, и вѣзвратися въ вотчину свою въ градъ Москву, и стрѣтоша (е)го боголюбивый архіепископъ Кипріанъ, митрополитъ Кіевскій (и) всеа Руси, съ кресты и со иконами, съ архимандриты и игумены, и съ попы и діаконы, и весь народъ христіанскій съ радостію великою. Благовѣрній же великій князь, и святитель и вси народи, съ слезами руцѣ на небо въздѣючи, и благодареніе въпіаху, глаголюще: «десница твоя, Господи, прославися въ крѣпости; деснаа твоя рука, Господи, съкруши врагы, и множе-

ствомъ славы твоеа сътрѣлъ еси супостаты наша; тако убо безумный Темирѣ Аксакъ съ множествомъ безчисленныхъ вой пришедъ, и со срамомъ отъиде.» Благовѣрный великій князь Василей Дмитріевичъ вшелъ въ храмъ пресвятыа владычица нашеа Богородица, видѣвъ чудотворную икону святыа Богородица Владимирская, и паде любезно предъ лицемъ образа, и проліа слезы сердечныа отъ очію своею, глаголаше: «благодарю<sup>4</sup> тя, госпоже пречистаа и пренепорочнаа владычица нашеа Богородица, христіанскаа дръжавнаа помощнице, еже о насъ заступленіе и крѣпость показа, избавила еси, госпоже, градъ нашъ отъ злаго невѣрнаго царя Темирѣ Аксака.» Благовѣрный же князь великій Василей Дмитріевичъ и благолюбивый архіепископъ (Кипріанъ) Кіевскій (и) всеа Руси повелѣ въскорѣ на томъ мѣстѣ, где стрѣте чудную икону пресвятыа Богородица, поставити церковь въ имя пресвятыа Богородица честнаго<sup>5</sup> еа стрѣтенія, на воспоминаніе таковаго великого благодаренія Божіа, да не забудутъ людіе дѣлъ Божіихъ. Сій же митрополитъ устроиша<sup>6</sup> манастирь, и повелѣ ту быти игумену и братіа, и оттолѣ уставивша праздникъ празновать честно мѣсяца августа въ 26 день, на память святыихъ мученикъ Андреа(на) и Наталыи. Сіа<sup>7</sup> же чудная икона святыа Богородица списана быша отъ руки святаго Христова апостола евангелиста Луки. И мы же грѣшніи раби Христовы, слышавше сіе удивленіе Господа нашего Ісуса Христа и пречистыа его Матери Богородици, и понудихъ сіа писанія предати въ славу имени Господа Бога нашего Ісуса Христа и пречистыа его Матери владычица нашеа Богородица, заступнице нашеа; Богу нашему слава и нынѣ и присно и въ вѣкы вѣкомъ, аминь, и отпустъ. Того же лѣта погорѣ городокъ на Волзѣ, еже есть на Старицѣ, отъ грому. Того же лѣта о

(1) Въ подлинникъ: тако. (2) Тамъ же: отъ ту. (3) Тамъ же: исцѣли. (4) Тамъ же: благодарю. (5) Тамъ же: и честнаго. (6) Тамъ же: и устроиша. (7) Тамъ же: сію.



Госпожинѣ<sup>1</sup> дни, поиде Витовтъ съ силою Литовскою, творяся на Темира Аксака, и прииде къ Смоленску; а въ то время Святославичи бяху въ разности. Ипріихавъ Глѣбъ къ Витовту, и Витовтъ<sup>2</sup> възда ему честь и дары великіа, и рекль: «слышу, что рознь межъ васъ; дабы ся есте смирили, а язъ быхъ послышалъ такъ вамъ добро.» Они же яша въру лестивымъ его словесемъ, и выидоша Святославич(и) и вси князи Смоленскыя<sup>3</sup> з дары и честію великою, со всѣми бояры. Витовтъ повелѣ пръвѣ Глѣба изымати<sup>4</sup>, (и) братію его, (и) вси князи Смоленскыа и бояре, а самъ поиха въ градъ Смоленскъ, не учинивъ зла граду; и вшедъ въ градъ, много зла учини, много богатество взя, и много въ плѣнъ поведе, и казни безъ милости, и посади въ градъ намѣстника своего Монта. Се же зло учинися мѣсяца сентебра въ 28. А князь Юрій<sup>5</sup> Святославичъ (бѣ) въ то время у Олга Рязанского, тестя<sup>6</sup> своего.

..... Пермскый<sup>7</sup> владыка Стефанъ; и положиша на Москвѣ у святаго Спаса въ монастыри. Сій епископъ крести Пермскую<sup>8</sup> землю, и грамоту въ ней устрои, и книги на<sup>9</sup> Пермскыа<sup>10</sup> языки преложи. Той же осени Витовтъ многобожный плѣни Рязань, люди улицами сажая сѣклъ.

Въ лѣто 6904.

Въ лѣто 6905. Заложилъ церковь святой Михаилъ на Городку княземъ великимъ Михаиломъ. Того же лѣта князь Иванъ Всеволодичъ отъѣхалъ на Москву со Тѣбри, и женился на Москвѣ, понялъ дочь князя Дмитрея. Той же зыми былъ у Витовта князь Иванъ Михайловичъ съ княгынею, съ Витовтовою сестрою, и възвратися отъ него съ великою честію и дарове мнози.

Въ лѣто 6906. Темиръ Кутлуй прогна Тах-

тамыша, а самъ сѣде на царство; а Тахтамышъ<sup>11</sup> 1395 бѣжа къ Витовту. Той же зыми князь вели- 1399 кій Василей далъ Новгородцемъ князя Андрѣа, а (у) Псковичъ князь Иванъ Всеволодовичъ<sup>11</sup>.

Въ лѣто 6907. Поиде Витовтъ и Тахтамышъ съ всею силою Литовскою, и Нѣмци, и Ляхове, Жемоть, Татарове, Волохи, Подоляне и дворъ Тахтамышевъ, и бѣ сила велми велика, и поиде на Темиръ Кутлуа. Похвалися (Витовтъ) Тахтамыша на Ордѣ посадити, а самому на Москвѣ сѣсти, бѣ бо того дѣля и учинилъ таковую брань; Тахтамышъ ему посули Москву и всю землю Рускую. И погани помыслиша всеу, о нихъ же пророкъ глаголетъ: Господь разоряетъ свѣты языкомъ. И въ то время приспѣ Темиръ Кутлуй съ многими полки ратными, и срѣтошася съ Витовтомъ въ полѣ на рѣцѣ на Верьсклѣ, и бѣ страшно видѣтивъ т(ой) часъ 2 силы великыа снимающеся, а напередъ прииде Едегій, и ударилася полци идуще, стрѣлы акы дождеваа туча обонхъ, отъ Ляховъ самострѣлы, и начаша Едегеа самострѣлы преогати Литва; и потомъ царъ прииде съ великою силою, и обиде Витовта кругомъ, и подстрѣляше подъ нимъ кони, и бѣ брань крѣпка зело; и одолѣ царъ Темиръ Кутлуй, а Тахтамышъ преже всѣхъ побѣжа, а послѣ Витовтъ побѣже<sup>12</sup> въ малѣ дружинѣ, а Татарове много побиша гонячи за Витовтомъ. Се же<sup>13</sup> побоище скончися мѣсяца августа 12 день, на память святыхъ мученикъ Фотѣа и Никыти. А се княз(и) побитыи Литовскыи: князь Андрѣй Полотскый и Дмитрей братъ его Брянскый Олгирдовичи, князь Михайло Евнутьевичъ<sup>14</sup>, князь Иванъ Дмитріевичъ Кындиръ, князь Андрѣй пасынокъ Дмитріевъ, князь Иванъ Евлашковичъ, князь Иванъ Борисовичъ Кіевскый, князь Глѣбъ Свято-

(1) Въ подлинникѣ: о испожинѣ. (2) Тамъ же: и витовтъ и. (3) Тамъ же: смоленскыа и. (4) Тамъ же: изыманъ. (5) Тамъ же: юрій и. (6) Тамъ же: зятя. (7) Тамъ же: перемскый. (8) Тамъ же: перемскую. (9) Тамъ же: и коняины. (10) Тамъ же: перемскыа. (11) Тамъ же: василевичъ. (12) Тамъ же: въпобѣже. (13) Тамъ же: сейже. (14) Тамъ же: внукъевичъ.



1399 славичъ Смоленскій, князь Левъ Корьядовичъ, князь Михайлъ Василіевичъ, князь Семенъ Василіевичъ, князь Михайло Подберезскій, князь Дмитрей Волинскій, князь Амонть, иже (въ) Смоленску бѣ; и инѣхъ много полегоша князи, и бояръ и пановъ, Ляховъ множество и многихъ земель. Царь Темиръ Кутлуй прииде къ Кіеву, а силу роспусти воевати<sup>1</sup> землю Литовскую; и ходиша до Луцка, и гради многы поплѣниша, и землю пусту сътвориша; а ис Кіева Темиръ Кутлуй, взявъ 3000 сребра, поиде въ свою землю. Того же лѣта, по Госпож(ин)ѣ дни, князю великому Михайлу Александровичу лежаще въ великой болѣзни, придоша посланіи изъ Царяграда, Данило протопопъ з други, иже посланіи къ Царюграду за годъ; и привезоша къ нему икону отъ патріарха и отъ всего вселенскаго собора, на ней же баше написанъ страшный судъ. Князь же великій, забывъ болѣзни, обповися яко орелъ у юности, и стрѣте его на своимъ дворѣ, у святаго Михайла, и нача слезы (и) спущати предъ образомъ Божиимъ на многы часы, и глагола: «Владыко! азъ есмь преселникъ у тебе, якоже вси отци мои; но, Владыко человеколюбче, далъ ми еси видѣти нынѣ страшный и великій свой образъ, отъ вселенскаго патріарха посланъ, и сподоби мя, владыко, неосужденно стати предъ тобою на страшномъ и праведномъ твоимъ судѣ!» И по сихъ поидоша на свои сѣни, и поставиша близъ ложа своего святую икону, іерею и діакону съ<sup>2</sup> кадиломъ предстоящу ей. И сътвори вечеру велику владыцѣ, и архимандритомъ, игуменомъ, и всему священническому чину, и нищимъ, слѣпымъ и хромымъ, и цѣлуа вся, глаголаше: «единъ путь, по немуже вси идемъ къ создавшему насъ; уже простѣте мя вси, елико сътворихъ.» Они же, видяще его велми нездрава, пре(же) бывша

грозна, и мужественна<sup>3</sup> и славна, нынѣ (же) сила его обратишася въ немощь, и плакахуся<sup>4</sup> весь народъ надолзѣ, не могуще престати отъ слезъ, и цѣловаста. И посемъ цѣлуа своа дѣти, веля же послѣдовати благымъ своимъ<sup>5</sup> нравы, братолюбіе имѣти, въставъ, поиде въ святой Спасъ, и бы челомъ святому Спасу, и пречистой его Матери и помощнику своему великому архистратигу Михайлу, и поклонися гробомъ дѣда своего, великого князя Михайла Ярославича, и отца своего гробу великого князя Александра<sup>6</sup> Михайловича, и прииде на десную страну столпа, идеже писани Авраама, Исаака, Іакова, и повелѣ себѣ подъ столпомъ гробъ сѣчи, а самъ поиде отъ святаго Спаса, испущаетъ слезы яко струа. И ставъ на ступены, и главу преклоняа ко многу народу, прощеніе прося отъ нихъ, и съ плачемъ въпіаше, глаголюще: «даждь ми<sup>7</sup>, Господи, по сердцу твоему, егоже желааше, царствіа небеснаго!» И оттолѣ поиде въ манастирь къ святому Аѳанасію, не вѣдуще никомуже мысли его. То слышавше княгини, и сынове его, и бояре и вси людіе, сътвориша на мѣстѣ томъ плачь неутѣшимъ. И въ томъ часѣ постриже его владыка Арсеній въ святой образъ аггелскій мѣсяца августа въ 20, имя ему нарекъ Матфей. И наутрѣ пакы призываетъ епископа, и рече ему: «уже, отче, въ житіи семъ къ тому съ вами не потщуся ити на онъ долгій путь; но се вамъ во свое мѣсто сынъ мой князь Иванъ, да блюдетъ васъ о Христѣ, якоже и азъ.» И епископъ съвѣща<sup>8</sup> звонити, и сніидеся народъ, и епископъ на висоцѣ мѣстѣ изглагола народу: «иже бѣстѣ всегда блюдомы своимъ государемъ великимъ княземъ Михайломъ, и нынѣ да блюдетъ васъ князь великій Иванъ, той бо есть благословень своимъ отцемъ великимъ княземъ Михайломъ на великій столъ града Тѣбри.» Они

(1) Въ подлинникѣ: воювати. (2) Тамъ же: и съ. (3) Тамъ же: мужественна. (4) Тамъ же: плакахася. (5) Тамъ же: своимъ п. (6) Тамъ же: князя великого князя александрата. (7) Тамъ же: ти. (8) Тамъ же: и съвѣща.



же рѣша: «много лѣта великому князю!» Князь великій Михайло преставися мѣсяца августа 27 дня, живъ лѣтъ 65. Той же осени князь Семень Дмитріевичъ Суздальскій взялъ Нижній Новгородъ съ царевичемъ Енѣтякомъ лестию, и были воеводы Московскіе Володимеръ Даниловичъ. И то слышавъ князь великій Василій, и посла брата князя Юрія; и взя Болгары, и Жуконъ, и Казань, и Керемenchюкъ, и много избыша, а иныя въ плѣнъ поведоша. Той же зыми князь Иванъ Всеволодовичъ съ Москвы прихалъ въ Тверь.

Въ лѣто 6908. Вынесоша князю великому Ивану отъ царя Шанебѣка (ярлыкъ), а Темиръ Кутлуй умре; а приде Гурлень, а съ нимъ посолъ царевъ Софря съ ярлыкомъ (на) Тверское княженіе. Того же лѣта Баязыта Турскаго царя

уби Темиръ Аксакъ царь, подъ Цариградомъ 1399 стоа Баязытъ 7 лѣтъ, и захотѣ Темиръ Ак-1402 сакъ царствовать въ Цариградѣ; ту умре Аксакъ Темиръ близъ Царяграда, и тако изба-ви Господь Царьградъ<sup>1</sup> отъ поганыхъ.

Въ лѣто 6909. Князь Юрій Святославичъ сѣде на Смоленску на своей отчизнѣ; а князя Романа изыма, нужной смерти предаша, а бояръ Смоленскихъ посѣкоша. Той же осени приходилъ Витовтъ къ Смоленску ратию, и стоа много поиде въ свою землю, а врагъ вкинувъ крамолу, и посѣкоша многыхъ.

Въ лѣто 6910. Изнималъ Витовтъ у Любутска князя Ярослава Олговича Рязанско-го. Того же лѣта преставися Олегъ Рязаньскій.

(1) Въ подлинникѣ: царяградъ.



## ПРЕДИСЛОВІЕ ЛѢТОПИСЦА

### КНЯЖЕНІЯ ТФЕРСКАГО БЛАГОВѢРНЫХЪ ВЕЛИКЫХЪ КНЯЗЕЙ ТФЕРЬСКИХЪ.

Мудраа основаніа твердости и крѣпости стѣны, и утвержденіе вратъ, и свѣденіе столпъ, и полатъ украшеніе, разумъ же не приидеть ни ко единому ухищренію, да тѣмъ не могу (о) реченнѣмъ повѣдати, ибо самъ азъ не насладихся тоя неизреченныя красоты, якоже и севъ той подобныя вещи благочестіа дръжателю православныхъ и христіолюбивыхъ князя Бориса, еже повелѣлъ ми есть написати отъ слова честь премудраго Михаила, боголюбиваго<sup>1</sup> князя, и той же выше силы<sup>2</sup> нашеа есть, не до самого ради словесъ вашихъ. Обаче молю прежде твое боголюбіе, честнаа главо, бо<sup>3</sup> самъ чюдяся мужа разумомъ, правомъ, и не могый того единого разсужденіа въ умъ привести, и ослушаніа боюся, да аще отъ великихъ много малаа и нѣкаа рече ему, всяко прощенія мѣсто да примемъ отъ Бога дарованныя ти и неуклонныя ти руки, благочестивый самодръжець, ради же по истиннѣ великаго и неудобъ скажима, и основанія бо сего на твердемъ семь Христовѣ камени вѣры, по реченному глаголомъ, иже николиже позыбаемо бурею забвенія, еже о любви церкви Божіа, Михаила реку великаго самодръжца. По истиннѣ премудрости домъ себѣ всехитрѣ основа богоразумнаго града, еже страха Божіа въ

твердѣмъ сердца, яко на камени вѣри, и крѣпко стѣны въдружи, а реку благыя нравы. Что же глаголю, кто бо можетъ исчести мужа того? Многаа бо и преславнаа съдѣяшеся въ дни благовѣзраста его, елма же не могла въдушимъ. Повелѣніемъ же боголюбныя твоа дръжавы, Богу наставляющу худость нашу, да убо отсели начатокъ поставимъ; а иже кто можетъ множаа вѣсти, болшаа покажетъ. Мы же елико многа безъ лѣности речемъ зряще Рускаго градографа по великому изложенію предръжаща, иже въ всемъ лѣтѣ и родовомъ и градовомъ бытіа правѣ подающе. Отъ Кіева же бо начну даже и до сего богохранимаго Тферскаго града, въ немже въспитаніе бысть благородному Михаилу, великому князю. Пръвое честь мужу речемъ, да всѣмъ вѣдомо будетъ, отъ которого<sup>4</sup> богасаднаго корени таковаа добраплоднаа отрасль, или реку вѣтвѣ, израсте и разумъ же даетъ. Великий убо Владимиръ, иже святымъ крещеніемъ просвѣтивый землю Рускую, сій Ярослава роди, и Ярославу сынъ бысть Всеволодъ, и Всеволоду бысть сынъ Володимеръ, и Владимиру бысть сынъ Юрый, а Юрыи сынъ бысть Всеволодъ, а Всеволоду сынъ бысть Ярославъ, а Ярославу сынъ бысть

(1) Въ подлинникѣ: и боголюбиваго. (2) Тамъ же: силы и. (3) Тамъ же: и бо. (4) Тамъ же: отъ которого то.



пакъ Ярославъ, и сему Ярославу сынъ бысть Михайлъ, а Михайлу сынъ бысть Александръ, Александру сынъ бысть сій доблій Михайло. И Александръ же, иже такоже самодръжець бѣ, владѣяше землю Рускую, якоже и отецъ его Михайлъ и вси прадѣди его. Доздѣ пишущу уставихомъ ис прьваго лѣтописца вѣо-бражающе, якоже Володимерскій полихронъ степенемъ приведе явѣ указываетъ, и пречестиѣша сего въ князехъ являетъ, словуще имя Михаила Александровича, занъ низмѣновахъ родове отъ престола, каждо сынове въспрі-емлюще и владяху землею Рускою отъ православнаго Владимира, Александра, егже сынъ сій пресловущи Михайлъ, о семъ же слово начахомъ, з говѣніемъ честное повелѣніе дръ-жаще и зѣло скоропытнѣ искавше<sup>1</sup> образъ бытія его, когда родися, и како Богомъ утвер-жаемъ въ крѣпости възраста, и колико муж-ества на земли храбрости показа, наипаче же елики къ Богу вѣру въ дѣлахъ стяжа.

Зачало рожденія его сице глаголетъ, яко дръжавному Александру владѣюще землею Рускою, Володимеремъ, и Великимъ Новымъ городомъ, и всею страною до моря Варяжского, и паки Новымъ градомъ Нижнимъ и до предѣлъ Измаилтескихъ, и вѣсточными странами обонѣполь Устюга до рѣкъ Угорскихъ, даже и до моря Печерскаго, и повсюду честному его имени вѣзносящися, О Шевкалѣ (ѣ) .и бысть пу-щеніемъ Божиємъ въ тѣи дни вѣзмогоша ино-племенници, глаголемыи Татарове<sup>2</sup>, и на се-го Александра завистию вземшися, царствующу въ нихъ тогда нечестивому (въ) царствіихъ Озбяку, и Шевкалѣ<sup>3</sup> нѣкто именемъ, князь си-лы его, сій похвалився, и глагола окаанный цареву своему: «повели ми, о царю, да шедъ убо на Русь, Александра приведу къ тебѣ, а христіане сѣтворю по воли твоей.» И по сѣвѣту же поганого, изыде окаанный и

множество вой, и прииде на Русь, и тако гор-1327  
дися приходитъ въ православный градъ Твер-1328  
скій, начатъ же многыя пакости христіаномъ творити. Александръ же отвѣщавъ: «да въспрі-иметъ христіанскій губитель мѣду дѣлатель своихъ, и наполнится мѣра ему безаконія его, и сѣтъ, юже простре, да впадется въ ню.» Якоже збысться ему, и въспріатъ нечестіе пу-ти своего, огнемъ бо попалиша кости церков-наго борителя, и тако скончася въ злобѣ своей безумный, и ровъ, егже ископа много не-смысленный, тако бо увязеся въ сѣтѣхъ, дѣлехъ рукъ своихъ, грѣшникъ, и тако въздасть Гос-подь излиха творящимъ гордыню, и избыены же быша вои нечестиваго, хотѣвше нече-ствовати на церковь Господа Бога<sup>4</sup>, и тако потребишася отъ града Господня вси творя-щии безаконіе. Татарове же слышавше се же, не улучивше безаконнаго желанія, видѣв-ше ся посрамлени, сѣбрасеся множество бесчисленное Татаръ, съ ними же Иванъ Мо-сковскій грядеши и вожъ имъ на градъ(ы) Тверскыя бываше. Святоучительный же епи-скопъ Андрѣй учаше православнаго не зби-рати воа, ни въпрекы глаголати цареву, ег-же посла разсудительный, и отъиде въ градъ свой Псковъ, и Татарове же, Александру не сущу въ Тѣери, отъидоша въ свою землю. Александрови же княжашу въ Псковской земли, ту въ велицѣмъ<sup>5</sup> Псковѣ родися ему сынъ, сій преславный Михайлъ, о немже и слово грядетъ. Озбякъ же, лукавнѣйшій царь паче всеа земля, лестию призва къ себѣ Алек-сандра, и уби его; и тако духомъ горя по Христовѣ церкви, скончася<sup>6</sup> православный, радуися, получи желаніе свое, еже за хрис-тіаны теченіе сѣврѣши(ти), и въспріатъ мученія добропобѣднѣй вѣнецъ отъ руки Вседръжи-теля, чистое же тѣло положено бысть въ церкви святого Спаса у отецъ своихъ. Бла-

(1) Въ подлинникѣ: искавше. (2) Тамъ же: татарове. (3) Тамъ же: вшекамъ. (4) Тамъ же: и бога. (5) Тамъ же: въ велицѣй. (6) Тамъ же: и скончався.



1328 годарному же сынови его Михаилу дѣть-  
 1362 ску сущу оставшуся<sup>1</sup>, и вданъ бысть честною  
 его матерью Настасією къ митрополиту Кіевь-  
 скому Фегнасту на ученіе святымъ книгамъ;  
 и добры извыче святыя книги и писаніе,  
 отъ нихже добродѣтели научився и страха  
 Божіа полонъ бѣ; пакы же растушу же ему  
 въ отечествіе<sup>2</sup> своемъ, и всѣмъ благымъ поуча-  
 яся, и любымъ всѣмъ сый, яко мудръ бѣше  
 паче сверстникъ своихъ. Дивно же отрока  
 зрѣти величествомъ тѣла украшена, и благо-  
 родіемъ цвѣтуща, и паче же смысленыхъ въ  
 мудрости глаголюща; не бѣше бо нравъ его  
 якоже есть обычай уныхъ, отъ кощунъ бо  
 и празнословья съблюдашеся, и отъ сквер-  
 ныхъ же мыслей съхраняшеся, игоръ же и  
 безчинія ненавидяше, и недѣлаа глаголющихъ  
 уклоняшеся, но и дружину благоумну съвѣ-  
 пляше собѣ, и съ тѣми царскими утѣшенми  
 благочиннѣ веселяшеся; ереи же и слугы цер-  
 ковныя въ чти (и)мя, зело же любляше ино-  
 ческій чинъ, и сихъ съ любовію устрѣтаа, бла-  
 гословеніе и молитву отъ нихъ приѣмше, на-  
 (и)паче же всегда поучашеся, како судъ испра-  
 вовати и како обыдимыя и маломощныя отъ  
 насилствуемыхъ избавляти, и съ мудрыми и  
 съ дръжавными земля всегда себѣ даваше,  
 и благъ бѣ нравъ его въ очію человѣкомъ,  
 яко унъ бѣ възрастомъ и разумнѣ старче-  
 ский бесѣдоваше, якоже дивитися многымъ;  
 имя его высящеся въ сынѣхъ князехъ, и  
 (въ) странахъ слышащей его дивляхуся. О  
 немъ же слышавъ князь великій Костантинъ  
 Суздальскій, и зело въждѣле его видѣти  
 превеликаго ради о немъ слуха. Имяшеть  
 же Костантинъ дщерь, Евдокію именемъ, и  
 сію благосмыслену и благородну сущу, и  
 не домысляшеся како ей Михаилу вдати же-  
 нѣ, сего ради многими образы любви къ не-  
 му составляше, ово честныя дары посылаше

къ нему, ово же проси земскаго справленія,  
 пресылаа къ тому, яко желаемое получитьи;  
 и видѣвъ благодарна, и дивися паче слы-  
 шаныхъ о немъ. И поятъ же благодарный  
 Михаилъ дщерь великого князя Костантина  
 Евдокію благоумную<sup>3</sup>, отъ неяже роди бла-  
 горазумнаго Ивана, възлюбленнаго сына,  
 егоже въспита премудрено, наказаа<sup>4</sup> страху  
 Божію и премудрости человѣчестей.

По Александрѣ же братъ его Костантинъ  
 въспріять княженіе Тверское, по Костантинѣ  
 же братъ его Василей въспріять всю власть  
 Тверскую. И бысть Василіевъ Тверскій столъ  
 дръжащу, Михаилови же възмужавшу, възма-  
 гающу, и познавашеся отъ всѣхъ человѣкъ,  
 яко сы хошетъ Богъ свободити люди своа  
 отъ великыя нужа иноплеменникъ; и вели-  
 чачу людие зело, и мнози дары приходяху  
 къ нему, вси сынове Тверстїи<sup>5</sup> прилагахуся  
 къ нему и храбри служаху ему. Сій же въ  
 крѣпости разума утвержахуся, сатана же,  
 искони завистникъ сій, пакостникъ добру  
 христіанскому, не тръпяще зрѣти христіане  
 мирно живуще егда видяще и благочинен-  
 но, и паче веселяшеся, егда видяще тоа сму-  
 щаемы отъ него ово нашествіемъ иноплемен-  
 никъ, наводя на нихъ, иногда же межи тѣми  
 сами(ми) Христовыми человѣки братоненавид-  
 ство и неприаственныя мрежа пропинаа, да  
 въ нихъ углубшая отъ сихъ порадоватися хо-  
 тяще<sup>6</sup> зело, якоже добляго Михаила видя къ  
 Богу несъвратную вѣру въ дѣлахъ имуща, и  
 людьми Божіими пекущеся, и сими ратомыс-  
 ленаго лукаваго ополченія побѣждающа, и  
 пакостяще тому лукавый. Научи бо Елену,  
 тогда сущу княгыню великую, да много за-  
 вистнана глаголетъ на него мужу своему, и  
 начать же сїце глаголати князю своему: «ви-  
 диши, господине мой, сый Михаилъ възмагаеть,  
 а старшаго ти брата сынъ, и есть мужъ доблій,

(1) Въ подлинникъ: уставшуся. (2) Тамъ же: въ отнестіе. (3) Тамъ же: и благоумную. (4) Тамъ же: показаа.  
 (5) Тамъ же: тверстїи и. (6) Тамъ же: хотеще.



сладокъ всѣмъ, и весь градъ Тверскій любитъ его, да убо хочеть княжи(ти) на градъ(ѣ) семъ, сынове ваши изгнани будутъ.» Василей же начать гнѣватися на Михаила, и зло враждоваше на него, но Господь Богъ челоуѣколюбець, иже никогдаже оставляетъ надѣющихся на нь.

Начало великого княженія князя Михаила Александровича. Въ то же время благодарный великій князь Михаилъ, благодаря Господа Бога, въспріа отчество свое градъ Тверскій, и тако милостию Божіею бысть великий князь Тверскій и всеа Богомъ порученыа ему области Тверскаго настолованія, пребываа въ многихъ временехъ, велику сый храбрость показа многу, и грады многы вземъ покоривыися любовію, а непокоривыа мечемъ. Кто можетъ истечсти того мужества, елико въ бранехъ показа, и того побѣди, елико на ратехъ яви? И хвалень бѣ зе(ло) по всей земли Тферстѣй, и благоуравіа ради, и мужества ради и крѣпости, яко мужъ борець бѣ и не страшивъ ко брани, но ратоборець славящеся, и сладокъ же бѣаше дружинѣ своей, яко не любляше злата, ни ризъ многоцѣнныхъ, но вся, елико имѣаше, и симъ подавъ родомъ вашимъ, дружинѣ своей. Сего ради друголюбець прозвашеся, зане яко обидно здержаше другы своа; и не имѣаше единого или дву любити паче инехъ всѣхъ, но къ всѣмъ разсудинѣ достойную честь подаваше и сладкую любовь простираше. Сего ради зѣлно мнози служаху ему, и сынове сильныхъ прилагахуся ему, и дворъ его день отъ дне множайше крѣпляшеся. Княжащу же ему, и вся, елико аще творяй, успѣваше, по пророку, и Господь Богъ възвыси и прослави рогъ Тверскыа земля, многаа благаа и земнаа въспріать, якоже речеса. Быша бо ему сынове смыслени и храбри, и добровольне повеселишася предъ Господемъ о сынѣ сыновъ своихъ, и бяше о всемъ доб-

рѣ изобилуа въ дому своемъ, и благодаря Гос- 1363  
пода Бога, радовашеся зря землю свою всѣми 1403  
благыми кипящу предъ очима. Но убо о семъ прекратимъ слово и кончаемъ бесѣду, и начнемъ о ихже начахомъ. Начало княженія великого князя Ивана Михайловича Тверскаго. Князь же великій Иванъ Михайловичъ, благодаривъ Господа Бога, сидя на столѣ дѣднѣ и отчи, въ церкви святаго Спаса, въ лѣто 6908, и тако силою Божіею бысть великий князь богохранимаго града<sup>1</sup> Тфери; людие же радующеся, благодарному въспѣша многа лѣта. Тои же зыми князь Семень Дмитріевичъ Суздальскій съ царевичемъ Ентякомъ взяли Нижній Новградъ. Бѣ же въ то время воев(о)да Масковскій Володимеръ Даниловичъ. И то слышавъ князь великій Василей Московскій, посла брата своего князя Юрія, и взя Болгары, и Жюкотинь, и Казань, Керманчюкъ, и много избиша, а иныхъ въ плѣнъ поведоша. Тои же зыми князь Иванъ Всеволодичъ съ Москвы пріихалъ въ Тверь.

Въ лѣто 6908. Вынесоша князю великому Ивану ярлыкъ<sup>2</sup> отъ царя Нашанебѣка, а Темиръ Кутлуй умре; и прииде Гурлень, а съ нимъ посолъ царевъ Софря съ ярлыкомъ на Тверское княженіе. Того же лѣта Баязы(та), Татарскаго царя, Темиръ Аксакъ уби<sup>3</sup> царь.

Въ лѣто 6911. Князь великій Иванъ Михайловичъ Тверскій постави городъ Опоки на Волзѣ близъ Ржевы, а на Городку постави церковь камену святаго Николы. Тои же осени князь Василей Кашинскій не<sup>4</sup> почалъ слушати брата своего старшаго великого князя Ивана, и поиде ратию къ Кашину, а самъ увернулься, и отпусти сына своего князя Александра; князь же Василей побѣже къ Москвѣ, а князь Александръ Кашинъ засяде. Того же лѣта слить бысть колоколъ святому Спасу благовѣстникъ княземъ Иваномъ Михайлови-

(1) Въ подлинникъ: гра<sup>т</sup>. (2) Тамъ же: ярлыку. (3) Тамъ же: царь стоа. (4) Тамъ же: и не.



1403 чемъ, и бысть гласъ его красенъ. Той же зы-  
1406 ми пожаловалъ князь великій Іоанъ Михаило-  
вичъ брата своего князя Василя его удѣломъ.  
Розмѣрье съ Литвою.

Въ лѣто 6912. Князь Юр(ы)й Святославичъ Смоленскій оставль Смоленскъ и ихъ на Москву, и Витовъ же князь великій взять<sup>1</sup> Смоленскъ. Князь великій Василей Московскій (не) пріять Юрія, бѣ бо рядъ имѣа со отцемъ своимъ Витовтомъ, еже не вступати-ся въ Смоленскъ и съ Юріемъ не (и)мѣти любве; Юрій же ихъ къ Новугороду, и пріаша его Новгородци. Витовъ же посылаа на Москву къ зятю своему Василюви, сиче рѣша: «помни, еже Тверди обѣщаль ми ся, еже не вступатися въ Смоленскъ за Юрія никакимъ дѣломъ; и се ми Юрій много зла сѣтворилъ, брата мнѣ и тобѣ князя великого Романа Черниговского<sup>2</sup> убилъ и казну<sup>3</sup> его взялъ, иныхъ княз(е)й поби, и много ми зла сѣтвори; нынѣ же у тебе есть въ твоємъ княженіи, да ими его своими людьми, понеже то Новгородци твои суть; аще ли то, дръжи его во своей земли, якоже рекль ми еси по любви.» Василей же отвѣщавъ: «азъ Юрія не имѣю<sup>4</sup> у себе, пріаша его Новгородци безъ моего повелѣнія.» Витовъ же прислаша въ Новгородъ, сиче глаголя: «живете со мною мирно, якоже преже, ибо Юрій много ми зла сѣтвори и врагъ ми, (ны)нѣ же у васъ есть; да ли не (и)мѣете его у себе, или поставите на судѣ.» Новгородци же не послушавше въ обоємъ его. И то же слово Витовъ въ Псковъ посылаше, сиче глаголя: «едино ли есте за Юрія съ Новымгородомъ?» Они же отвѣщаша: «едино есмы.» Витовъ же наполниа гнѣва на Новгородъ, и прииде воюя Новгородъ и Псковъ, гради Псковскыа взялъ, Коложе и ина многа мѣста плѣн(и)въ отъиде. Се же зло сѣдѣся мѣсяца февраля, предъ мясопустомъ. И про то за-

ратилася князь великій Василей Московскій съ тестемъ своимъ Витовтомъ. Настоящу же лѣту, князь же великій Василей собра множество воа, и посла князя своа воеводы на гради Литовскыа, ови ихъ идоша подъ Вязму, а друзи къ Серпѣйску, и не дошедше Серпейска възвратишася въспять; а иже подъ Вязмою быша Москвичи, и такоже граду ничтоже успѣша, и отъидоша. Тогда же князь Линятычъ Иванъ, воевода Московскій, отъ Литвы убіенъ бысть. Литва же, вѣступль же глубле въ страну Московскую, градъ Воротынескъ взяша, и въ Козелствѣ<sup>5</sup> посадиша посадники своа, и близъ Мужайску воеваша. Того же лѣта знаменіе бысть въ солнци, мѣсяца іюня въ 16 день, видѣвъ бо вся земля: остана солнце яко мѣсяць 4-хъ дней, и тако погыбе отъ 4-го часа до 6-го. Того же лѣта, мѣсяца септевра 16 день, преставися митрополитъ Кипріанъ. Сего же лѣта мнози усобици въ земли Рустѣй, и воеваша вои Псковичи на Полтеску, вѣваша бо землю Витов(ов)у; бѣ же тогда Витовъ въ любви, за единъ живый съ сыньми Нѣмечскими, и приидоша Нѣмци, и много воеваша Псковичи. Псковичи же, укрѣплшеся помощію Божіею, изыидоша противу имъ, и стаха межи ими брань, и одолѣша Псковичи, и овѣхъ избыша, а иныхъ руками поимаша. Се же помощь христіаномъ отъ Бога бысть.

О Плавѣ повѣсть. Въ лѣто 6914. На страстной недѣли, въ пятокъ великій, (князь великій Василій Дмитріевичъ и Витовъ) пришедше<sup>6</sup> стаха на Плавѣ; и умиришася, взяша перемиріе на Пашковѣ гати до году. Въ то же время преставися Кипріанъ митрополитъ. Той же зыми былъ бой Псковичемъ съ Нѣмци, и поможе Богъ Псковичемъ. Той же зыми Юрій Святославичъ убилъ князя Семена Вяземского; служилъ бѣ ему, и уязвися похотию на его подружіе, она же

(1) Въ подлинникѣ: и взять. (2) Тамъ же: черниговского. (3) Тамъ же: в казну. (4) Тамъ же: не имѣю. (5) Тамъ же: въ козелствѣ. (6) Тамъ же: пожакжъ пришедше.



добрая мужелюбица мужески противися, (у)дари его ножемъ, и бысть ему срамъ и студъ великъ; онъ же велѣвъ ей отсѣчи руки и ноги, и тако убивъ мужа ея, и въвергоша въ рѣку Тѣрцу; богобоязливый же изнесоша и положиша честно. И онъ злѣ пріять конецъ, не наиде<sup>1</sup> своея отчины; а сію жену причетохомъ въ мученицу, на послѣдній же вѣкъ прославилъ же мужа своего честно, симъ бо есть вѣчнаа память. Той же осени Юрій Смоленскій (побѣже), за безаконіе гонимъ гнѣвомъ Божиимъ съ Москвы.

Въ лѣто 6915. Преставися въ Тѣри князь Дмитрей Еремѣевъ, и мати его преставися Еремѣева. Того же лѣта заложена<sup>2</sup> колоколница въ Тѣри княземъ великимъ Иваномъ около старой. Того же лѣта поиха со Тѣри князь Юрій Всеволодичъ на Москву, и съ Москвы поиде въ Орду; подмолви его Романъ Скудинъ. Того же лѣта чръвъ окрилатѣ, и идяше отъ востока и до запада, и поиде древо и посуши. Того же лѣта поиде князь великій Иванъ Михайловичъ въ Орду Волгою, въ четвертокъ; и до его прихода бысть въ Ордѣ заматня, Булатъ сяде на царство. Судивъ Ивана съ Юріемъ<sup>3</sup>, обвиниша Юрія, и Юрій бѣжа (къ) Азтороканю; а князь великій Иванъ прииде съ великою честію въ Тѣрь, въ свое отечествіе. Въ то же лѣто Витовтъ многобожнѣй заратишася съ великимъ княземъ Василемъ, и Васил(ій) поиде на Витовта, и взя съ нимъ перемирье до Петрова дни; а въ Литовской земли тогда гладъ великъ и усобица велика. Той же осени преставися Юрій Святославичъ въ земли Татарской, и грѣху нести его не токмо до своего отечества, но и до царя, еже бы принести къ нему жалобу, и того погрѣши за безаконіе. Той же зими прииде изъ Орды князь великій Иванъ отъ царя съ великимъ жалованіемъ.

Въ лѣто 6916. Выиде Юрій Всеволожъ изъ 1406 Орды на Москву, князь великій Василей (по-1408 сла) къ великому князю Ивану, и посолъ царевъ<sup>4</sup> прииде; и князь великій повелѣ царева посла стрѣтити<sup>5</sup> на Володимерскомъ мосту честно, и мнози изыдоша гражане бесчислены; царевъ посолъ поиха къ Москвѣ, корму не взявъ, бѣ бо ему не приказано. А Едигѣва посла великій князь честивъ и отпусти, и князь Юрія съ<sup>6</sup> Москвы поиде. Той же весны поводъ велика, о Юріевѣ дни, поня вода въ Тѣри до церкви, черницы на плотѣхъ издиша къ святому Феодору. Того же лѣта, о Иліи(нѣ) днѣ, Шватрѣгаило<sup>7</sup> Олгердовичъ прибѣже отъ Витовта на Москву, и да ему столный градъ Володимеръ. Той же осени поиде князь великій Василей въ землю Литовскую, и присла къ своему брату, князю великому Ивану, о помочи; и не да ему. И посла къ нему послы: «по роду есми тебѣ дядя мой пращуръ, великій князь Ярославъ Ярославичъ<sup>8</sup>, княжилъ на великомъ княженіи на Володимерскомъ и на Новгородскомъ; а князя Данила воскормилъ мой пращуръ Александровича, сѣ(дѣ)ли на Москвѣ 7 лѣтъ тивона моего пращура Ярослава; и потомъ князь великій Михайло Ярославичъ, и по немъ Дмитрей и Александръ, вси сии дръжаша Новгородское и Володимерское великое княженіе; что ради братство дръжа и крестное цѣлованіе измѣни князь, тѣи же ны бѣ миръ взяша на Плавѣ.» И стоаша Литва съ Москвичи на Угрѣ 12 дни, и умиришася сентебра въ 14; а Татарове взяша Брянскъ, иже которые помагалы князю великому, видя плошество Рускихъ князей. Того же лѣта, мѣсяца октября въ 23 день, въ дни же тыи боголюбивому великому князю Ивану Михайловичу Тѣрскому столъ дръжашу, и бѣаше ходя<sup>9</sup> путемъ отчимъ, сего ради миръ глубоко имяше

(1) Въ подлинникъ: не наидемъ. (2) Тамъ же: заложина. (3) Тамъ же: съ іоріемъ. (4) Тамъ же: црѣвъ. (5) Тамъ же: стрѣтити. (6) Тамъ же: князя юрія съ. (7) Тамъ же: шватрѣгаило. (8) Тамъ же: княжилъ ярославичъ. (9) Тамъ же: хотя и.



1408 ко всѣмъ странамъ, князь же' великій Василей съ многою любовію присла къ нему, помощи прося у него на Литву, сиче река: «буди ти, брате, вѣдомо, яко Витовтъ грядеть съ Нѣмци и Ляхи, ведый съ собою на христіяны въ землю нашу; абы еси, брате, послалъ помощь христіаномъ.» Князь же великій Іоанъ, о христоименныхъ людехъ печалуясь, обѣща ему помощь послати христіаномъ; и наряди свою братію, благороднаго князя Василя, Феодора, и сына своего благороднаго князя Ивана, и князя Ивана Еремѣча, и отпусти вся княз(и) и воеводы. Прѣвзвешся Оку подѣ Серпуховымъ, и съвѣкупишася вси полци Русіи, и пришедъ стаха на Плавъ; тогда же Татарове придоша къ Плавъ въ помощь Руси на Литву. Старци же сіе видѣвше, не възлюбиша зело: «добра ли се будетъ дума юныхъ нашихъ бояръ, иже приведоша Татаръ на помощь? не сихъ ли ради и Кіеву и Чернигову бѣды<sup>2</sup> приключишася, иже когда имущи брань со собою, и подымаючи Половецъ навожаху на ся, да прѣвое бо наимуучи ихъ серебро издаша изъ земля своеа, а иніи же смотриша наряди Рускыа и самѣмъ издолѣша; да не буде(тъ) той пакости и нашей земли на прочая дни, да не како Татарове съсмотрятъ наряда земля наша, и възхотятъ сами пріити на ны, якоже бысть ся.» Витовтъ же приде и ста на Пашковѣ гати, и уряди полкы своа, и бѣ между ими рѣка Ока, и не бѣ лѣзѣ снятися на брань; и стоаха днѣи 9, и взяша перемиріе отъ прѣваго дне мѣсяца октября до Съшествія Святаго Духа, и разыдошася ковождо въ своаси. Тогда же и Татарове отъидоша, въ помощи мѣсто многу пакость сътвориша христіаномъ, и гнѣвающеся на великаго князя Василя; и оттолѣ начаша зліи мыслити на землю Рускую, якоже старци прорекоша и глаголаша. Довлѣтъ же здѣ о семъ написа-

ти, отче боголюбивый Варламе, таковыа ради вещи; отселе убо не възхотѣша сынове Тверстїи помагати Москвичемъ на Литву. Подобно есть здѣ написати, назнаменати, властодержащъ ради, рекше князей ради: не сами точію едины, безъ искуснѣйшихъ, вся простѣйшіи, отъ своеа мудрости самочиную(тъ), или пакы силѣ и величеству надѣющеся на братію, да не възносятся; но злымъ смотрѣніемъ да зрятъ сеа случившася вещи, и тоа ради единой и не възхотѣша Тверичи помагати Москвичемъ, иже то глаголати начинаемъ. Бысть же тако, яко придоша Тверстїи князи на помощь Москвичемъ, и вси купѣ стаха на Плавъ, князь великій Василій взя перемиріе съ Витовтомъ, а княземъ Тверскимъ и воеводамъ тутуже бывшимъ, а того не вѣдущимъ; и не токмо же едино, но и въ грамотѣ перемирной не написа честно имени<sup>3</sup> брата своего великаго князя Ивана Тверскаго, но написа и послѣ братіи своей, а Тверичемъ никакоже не вѣдающимъ того. Се же слышавше Тверстїи князи и възнегодоша, сиче рекоша: «ци на службу пришли есмы Василя? безъ насъ<sup>4</sup> думаетъ и смирится, и стаашеся отъ насъ нечестно поставляетъ имена великаго князя Ивана.» И тако гнѣвающеся на нь, отъидоша во своаси; и придоша, и повѣдаша вся сіа великому князю Ивану. Онъ же слышавъ, зело съжаливси и прослезися, сиче рече: «егда азъ на лукахъ ли ко братіи любовь имѣхъ, и не смиренъ ли бѣхъ съ Витовтомъ, яко отци и дѣди наши всегда мирни бываху съ Витовтомъ, такоже и азъ; но се братіи ради смирихся быхъ, и послахъ къ нему на помощь братію свою<sup>5</sup>, и сына и дружину добрую, ту же утаився братіи моеа безо чти поставилъ имя мое во вся страны; то разсудитъ Богъ.» И оттолѣ не възхотѣ помагати Москвичемъ. С(е) пакы же Василь ко Ивану присылаетъ, помощи у него

(1) Въ подлинникѣ: княже. (2) Тамъ же: вѣды. (3) Тамъ же: имѣти. (4) Тамъ же: безднась. (5) Тамъ же: своею.



прося; онъ же отрече ему, сиче глаголя: «сами не въсхотѣсте, брате, помощи нашеа, приобидующе чести нашу, и безъчести поставльше имя мое въ многыя земля, и се отсель не помогаю вы.» Да зри отъ сихъ, освященнаа главо, како ти всегубительнаго волка сотоны пронирство, иже не почиваа разгоняетъ Христово стадо словесныхъ овецъ, и многими казньми плѣняя, ово нашествіемъ иноплеменникъ, наводя на ны, да проліетъ кровь, радуется; аще ли зрѣть небывшуюся волю его, то вижъ лукавій тряетъ вселукавій боритель, ибо межѣ самими Христовыми чловѣкы неприязненныя гордостныя мрежа сокровѣне пропинаетъ и потонку высокомысліемъ обурдываа поводитъ, а ина своя любовныя сѣти<sup>1</sup> заступаеъ же мысленнѣ очѣ, еже не зрѣти разумнѣ, да въ тайныхъ сѣтѣхъ его углубшихъ отъ него порадоватися зело хощетъ, якоже и здѣ назнаменаныя вещи показася слово. Ты же зри сихъ, о боголюбиваа главо, како ти отъ единого малосамочинія толика бѣда и пакость христіанству въведася: ибо Московскіе князи неравны къ собѣ почетше братію свою, Тверскыа князя, того же ради, но<sup>2</sup> не по свѣту съ ними сами единому и миръ поставляху, и не стрегуще имени Тѣверскаго въ грамотѣ поставляху, и симъ озлобиша братію свою, Тверскыа князя, и тую вещь не въсхотѣша помогати Москвичемъ, якоже и бысть. Сіа же о сихъ сказашася, пакы же предняго да имемся. Бысть же, яко въ перемиріе миру не сътворишася, лѣту же наставшу, пришедше Литва повоеваша землю Новосилскую и градъ Одоевъ огнемъ попалиша; се же зло съдѣяся<sup>3</sup> . . . . . Того же лѣта Литва же глублѣ въступиша воюючи въ земли Москвѣ, и волости приимаша, и села пограбиша, и полона много разведоша; Москви(чи) же укрѣплшеся помощію Божіею и

шедше на нихъ, овѣхъ<sup>4</sup> избивша, а иныхъ прог— 1408 наша, воеводу же ихъ Миромобочгу руками изнимаша. Пакы же Василей събравъ воа многы, и иде подъ Вязму въ землю Витовтову, и приде Витовтъ противу ихъ; близъ бѣ мѣсто межѣ ихъ обоихъ полкома, и постоавше мало, и взяша перемиріе отъ августа до Петрова дни. Тогда же Москвичи и Дмитровци взяша градъ Литовскій. Того же лѣта приходиша Нѣмци въюючи на Псковъ, и пребредше въ порозѣхъ Великую рѣку, приидоша полемъ близъ града, и видѣвше стѣны Псковскыа крѣпки зѣло, пакы поидоша въспять, за Великую рѣку, и предсташа на Каменнѣмъ. Псковичи же ополчишася, и изыидоша противу имъ, и укрѣпися брань, пущеніемъ Божіемъ измогоша Нѣмци, а Псковичи устремишася на побѣгъ; Нѣмци же гнаша по нихъ полны близъ града. Въ той день, за грѣхы наша, мнози падоша предъ иноплеменники; сіа же злоба съключися того же лѣта, августа въ 22 день. Въ дни же сіа князь Юрій Всеволодичъ бѣ на Москвѣ уже третіе лѣто, егоже извадиша зліи чловѣци отъ предѣла его. Князь великій Иванъ многажды посылалъ, сиче рече: «и не отлучайся, брате, дому святаго Спаса и своего отчества, но поиди, живи на предѣли отца своего, а злыхъ чловѣкъ не слушай; аще ли ты каа обида есть, да се о насъ епископъ Арсеній и мужи честніи отецъ нашихъ.» Онъ же внималъ, но<sup>5</sup> зліи чловѣци на горшаа обратиша ѣ, и повадиша съ Москвы въ Орду; иде князь Юрій Всеволодичъ въ Орду. Того же лѣта православный и великій князь Иванъ Михайловичъ видѣвъ мир(а) христіанскаго злыми чловѣки възмушася, сиче глагола: «довлѣтъ ми аще и нужда въспріати, того радуюся зѣло, хощу потрудитися за христіаны, якоже и господинъ мой, отецъ мой.» И вскорѣ нарядися въ Орду, и

(1) Въ подлинникѣ: сѣти. (2) Тамъ же: по. (3) Тамъ же пропущено здѣсь писцомъ нѣсколько словъ. (4) Тамъ же: овсѣхъ. (5) Тамъ же: по и.



1408 тако, благодаря Господа Бога, поиде въ Орду. Православный великій князь Иванъ Михаиловичъ поиде въ Орду мѣсяца іюля въ 21 день; помощію же Божіею, за молитвы отча, царь въскорѣ отпусти, з дары и съ честію отпустивъ, и почти, и елика управленія хотяща по воли его, царь же ему даваше. Немного же дни бывъ въ Ордѣ, съ честію възвратишася на Русь; немедленно же схо(ди), но яко въ 5 мѣсяць едину, изыиде бо исходящу мѣсяцу іюлю, и прииде въ отечество же свое, въ православный градъ Тверскій, мѣсяца генваря 24. Епископъ же, весь соборъ и людіе всего града радующеся въстрѣтаху его; и тако, благодатию Божіею, честнѣ въспріать столъ отца своего, благодаря Господа Бога. Бѣ же тогда зима тяжка и студена зѣло, снѣжна преизлѣше. Той же зими паки Нѣмцы и Литва приходиша въ землю Псковскую, Псковичи же наиздиша на Литву, и прогнаша; Нѣмцы и Литва, не дошедше Пскова, разыидошася каждо въ своаси. Той же зими, въ странѣ Московстей, близъ<sup>1</sup> Коломны, бысть<sup>2</sup> знаменіе на Похрѣ, въ церкви святаго Николы: отъ иконы истече кровь, и наполнишася съсудецъ вошанъ. Василей же великій князь, призва многихъ епископъ и архимандритъ, и извѣстно испыташа о знаменіи, яко то истинна ли бѣ, и заповѣдаша постъ čtyридесятный всѣмъ<sup>3</sup> хранити, рыбы не асти и вина не пити, и въ церквахъ Божіихъ прилежно молитися, да благо будетъ христіаномъ являемое знаменіе. Благый бо Богъ человеколюбень, милуетъ родъ христіанскій, человеколюбнѣ знаменіе являетъ, и прещаше, да възвратимся каждо отъ злобъ своихъ. Прже бо сеа зими, по 3 лѣта, летяше черви бѣли, яко мотиль, тоже отъ полудне гряде къ полунощи идяше; преходяше рѣкы, поля и жита, и на лѣсы идяше, и пояде и посуши древо ельное,

того ради и скоро, рекше бѣлка, вся изгыбе, не имыи кормля въ сухѣ<sup>4</sup> древѣ. Разумѣти же лѣпо<sup>5</sup> есть, како ти по велици своей милости человекъ Богъ сътвори, приведе бо на древо ядовитаго звѣря, а не сътвори такоплodomъ въ земли нашей, якоже въ Египтѣ древле, иже всякое утврѣженіе хлѣбное сътры. Но Владыко пощади насъ, аще и умножишася безаконія наша; но за имя твое святое помози намъ Боже, спасителю нашъ, зане ты еси Богъ нашъ. Сіа убо о знаменіи грѣхомъ идеже поюще, пререченнымъ послѣдуемъ. Зим(ов)авъ же великій князь Иванъ Тверскій, и прииде изъ Орды. Той же зими, на весну, прииде князь Юрый Всеволодичъ изъ Орды на Москву, а съ нимъ посолъ царевъ Мамаитъ Дербышъ. Юрій же оста на Москвѣ, а посолъ прииде въ Тверь, и глагола великому князю Ивану: «царь далъ Юрію Кашинъ и десять волостей Тверскихъ.» И князь великій Иванъ отвѣща ему: «азъ самъ вчера отъ царя придохъ, и посолъ царевъ днесъ у мене есть, и ярлыкъ царевъ данъ ми есть на всю землю Тверскую, и самъ Юрый въ ярлицѣ царемъ данъ ми есть; да того ради тебе не послушаю, дондеже ко цареви шлю;» почтивъ посла, отпусти его. Юрый же<sup>6</sup>, бывъ на Москвѣ до лѣта, паки поиде въ Орду. О побоищи Рязаньскомъ. Той же весны заратишася княз(и) Рязанскыи промежу събою, князь Феодоръ Олговичъ Рязанскій, князь Иванъ Володимировичъ Пронскій; князь<sup>7</sup> же великій Василей Московскій даа помощь зятю своему князю Феодору Олговичу; старци же се не похвалиша; а иже не сложивъ къ Пронскому, ратью послати на нь, се бо здумаха бояре юніи. Князь Иванъ Пронскій прииде (съ) посломъ Татарскимъ, и не умиришася князи. Бѣ же между ими поле высоко, яко не видѣтися ратемъ; Проняне же увѣдаша рать князя Феодора

(1) Въ подлинникѣ: и близъ. (2) Тамъ же: и бысть. (3) Тамъ же: и всѣмъ. (4) Тамъ же: въ сухѣ. (5) Тамъ же: лѣт. (6) Тамъ же: иже. (7) Тамъ же: и князь.



Олговича и Московскую, уже близъ сушу, и dospѣшася ко брани, и урядиша полкы свои; Татарове же отъидоша въ гору и сташа, не помагаючи Проняномъ, мало же бѣ Пронянтъ, но Пронскій князь възрѣвъ на небо, и рече: «виждь, Боже, и призри на лице правды твоеа, и разсуди прю мою отъ востающихъ на мя.» И рече дружинѣ своей: «потягнемъ, о дружино, яко не хочетъ Богъ силѣ констѣй, ни благоволить же (въ) властехъ мужескихъ; но спасаетъ уповающая на нь.» Проняне же укрѣпишеся помощію Божіею, крѣпци възрадовашася къ брани, и бѣша вси яко едино сердца имуща; напрасно погнаша полки Московскыи, Москвичи же изыдоша противу имъ, и снидошася близъ Венева, обѣ одну страну рѣкы Осетра; брани бывша одолѣша Проняне, и пръвѣе убиша Игнатія Жеребцова на суймѣ, Ивана Дмитріевича, и людіи много посякоша Москвиче(въ) и Рѣзанцевъ, а иніи потонуша въ рѣцѣ въ (О)цѣ, бѣжа отъ Татаръ и отъ Пронска. Того же лѣта преставися князь Феодоръ Моложскій, въ мнишескомъ чину, мѣсяца априля въ 6 день, на память святаго отца Евтухія. Того же лѣта, мѣсяца іюня 21 день, въ часъ 7 дни, въ четвертокъ, въ градѣ Ростовѣ сгорѣ церквей 14, и каменнаа<sup>2</sup> церкви святаа Богородица съборнаа загорѣся сверху и врѣхъ еа впадеся. А служилъ у той церкви епископъ: пръвій епископъ Лука 4 лѣта и 8 мѣсяць; второй епископъ Иванъ 23 лѣта, иже отписася; епископъ 3 епископъ Симанъ 15 лѣтъ; 4 епископъ Пахомей 2 лѣта; 5 епископъ Кирилъ 40 лѣтъ безъ трехъ; 6 епископъ Кирилъ же 31 лѣтъ; 7 епископъ Игнатей чудотворецъ лѣтъ 26; 8 епископъ Тарасій 16 лѣтъ; 9 епископъ Семеонъ 12 лѣтъ, и отписася; 10 епископъ Прохоръ 17 лѣтъ; 11 епископъ Антоней 8 лѣтъ; 12 епископъ Гаврилъ 18 лѣтъ; 13 епископъ Иванъ 10 лѣтъ; 14 епископъ Игнатей 8 лѣтъ; 15 епископъ Петръ единъ годъ слу-

жилъ; 16 епископъ Парфеней 5 лѣтъ; 17 епископъ Арсеній князь 7 лѣтъ; 18 епископъ Матфей 7 лѣтъ; 19 архіепископъ<sup>3</sup> Феодоръ 15 лѣтъ; 20 епископъ Григорій лѣт(о) 21; 21 епископъ Деонисій 7 лѣтъ и 5 мѣсяць; 22 архіепископъ Ефремей 27 лѣтъ безъ дву недѣли; 23 архіепископъ Феодосій 7 лѣтъ безъ трехъ мѣсяць; 24 архіепископъ Трифонъ 5 лѣтъ и полтрет(ъ)я мѣсяца; 25 архіепископъ Васіанъ 13 лѣтъ и 3 мѣсяца и двѣ недѣли; 26 архіепископъ Іасафъ князь 7 лѣтъ безъ десяти недѣль; 27 архіепископъ Тихонъ. А въ прежнее лѣто 499 стоала тутъ церковь дубоваа Успеніе святаа Богородица, а поставленіе был(о) архіепископомъ Феодоромъ Гречиномъ; а служило у той церкви 7 епископовъ: 1 епископъ Феодоръ, 2 епископъ Ларіонъ, 3 епископъ Левонтей чудотворецъ, 4 епископъ Исаіа чудотворецъ, 5 епископъ Ефремей, 6 епископъ Нестеръ, 7 епископъ Леонъ; а стоала та церковь дубовая 100 лѣтъ да 68 лѣтъ, и погорѣ градъ Ростовъ, и церковь дубоваа згорѣла, якоже не бывала таков(а) въ Руской земли и потомъ не будетъ. И колоколы изгорѣша и разлившася; люди начаша мыкати изъ домовъ своихъ ко езеру въ суды, а иніи на плоты мыкаша ктоже своа бремена, и мнози въ езерѣ истопоша, а иніи отъ хыщникъ избіени быша надъ товаромъ и потоплени въ езерѣ; и бѣ всѣхъ истопльшихъ въ езерѣ болѣ 3-ю сотѣ душъ. Се же великое зло сътворися грѣхъ ради нашихъ. Того же лѣта приде зловѣрній Витовтъ на усть рѣкы Угры съ силою Литовскою, и Нѣмецкою и Лядскою; князь же великій Василей Дмитріевичъ поиде противу ему съ своею братіею, и со всѣми князми Рускими и съ всею силою Рускою, и стояша о рѣцѣ Угры, и взяша миръ вѣчный, мѣсяца септевра въ 14 день, и разыдошася обои кождо въ своа си. Той же зымы приде изъ Орды безбожный Едегѣй, и съ нимъ два царевича и множество Татаръ

(1) Въ подлинникѣ: въ говору. (2) Тамъ же: каменіа. (3) Тамъ же: (19) епископъ архіепископъ.  
Т. XV.



1408 съ нимъ, на Рязанскую землю; воеваша и много зла сѣтвориша земли Рязанстей, и поидоша ко Коломнѣ; Коломничѣ же выбѣжаша изъ града, они же градъ Коломный пожгоша, взяша окупъ. Оттолѣ же окаанный Едегѣй съ силою Татарскою прииде къ Москвѣ, мѣсяца ноябрю въ 30 день, а въ градѣ Москвѣ: князь Володимеръ Андрѣевичъ, и князь Андрей Дмитріевичъ, князь Юрый Козелскый, Митрофанъ епископъ Суздальскый, а отъ бояръ: Костантинъ Ивановичъ, Костантинъ Дмитріевичъ, Дмитрей Василіевичъ, Михайло Феодоровичъ Морозовъ, Иванъ Феодоровичъ, Филипъ Василіевичъ, Александръ Феодоровичъ, и прочаа бояре и множество людѣе затворишася въ градѣ. Окаанный же Едегѣй, стоа у Москвѣ, нача рать распушати по градомъ: инѣи поидоша къ Серпухову, городъ взяша, а инѣи къ Можайску, а инѣи къ Звенигороду, а инѣи къ Дмитрову, все то повоеваша, старыа изсѣкоша, а молодыа въ плѣнъ поведоша; а инѣи идоша къ Переяславлю, Переяславци побѣгоша, они же окаанныи сироядци градъ зажгоша, монастыри и святыа церкви все то огневи предаша, люди старіа изсѣкоша, а молодіа въ полонъ поведоша; а инѣи поидоша<sup>1</sup> къ Ростову, князь Ростовскый, епископъ и люди Ростовци побѣгоша, они же окаанныи градъ зажгоша, и святыа церкви сѣжгоша, а Зачатіевъ монастырь многожды хотѣша зажещи, молитвою<sup>2</sup> святыа Богородици възбрани невидимаа сила, не дасть имъ зажещи. А градъ Москву избави Господь отъ иноплеменикъ, молитвами святыа Богородици, не предасть Господь людѣи своихъ въ руцѣ невѣрныхъ; безбожный же Едегѣй (и) окаанныи сироядци стоаша у града у Москвы 3 недѣли, много зла сѣтворили земли Рустѣй, и поиде отъ града декабрю въ 20 день. Се же великое зло сѣтворися въ земли Руской, на родѣ хри-

стіанскомъ, грѣхъ ради нашихъ. А инѣи царевичъ прииде къ Новугороду къ Нижнему, и съ нимъ мнози Татарове, и Болгарская<sup>3</sup> сила и Мордва, взяша Новградъ Нижній и пожгоша весь, монастыри и святыа церкви все то огневи предаша, а люди старыа и сущаа младенци иссѣкоша, а молодіа въ полонъ поведоша. Оттолѣ окаанныи сироядци поидоша къ Городку, и городъ взяша, огнемъ пожгоша весь, монастыри вси и святыа церкви огневи предаша, а люди побѣгоша кто кудѣ; они же окаанныи всѣми<sup>4</sup> путми гонимася въ слѣдъ ихъ, сѣкуще люди акы траву. И поидоша отъ Городца въ верхъ по Вылзѣ, воюючи обѣ странѣ, и быша въ Бѣлогородіа, и постиже ихъ вѣсть отъ Едегѣа, и повелѣ имъ увернутися въ Орду; они же окаанныи хотѣша ити на Кострому и на Вологду, въ слѣдъ великіа княины; Господь же избави градъ Кострому и Вологду отъ насилія поганныхъ, молитвами святыа Богородица, и не предасть Господь людѣи своихъ въ руцѣ невѣрныхъ. Они же окаанныи поидоша взадѣ къ Городцу и къ Новугороду, воюючи и сѣкучи остатка людей, и поидоша отъ Новагорода воюючи Уяды и Березово поле, тако поидоша обаполь и по лѣсомъ ишучи людей, и многа люди по лѣсомъ иссѣкоша; и оттолѣ поидоша къ Сурѣ, начаша Суру воевати, Кормышъ пожгоша, и Сару Великую пожгоша, и епископы всѣ избиша<sup>5</sup>, а инѣе огнемъ скончашася, а люди всѣ посѣкоша, а инѣе огнемъ скончашася, а градъ весь сожгоша, и мѣсто града того разориша Сары Великыа, и монастыри пожгоша, погосты и села повоеваша, и все огневи предаша, полонъ акы скотъ погнаша въ свою землю, молодіи черницы и черноризици все обнажено, все поругано. Се же зло сѣтворися грѣхъ ради нашихъ надъ людьми Рускими и надъ народомъ христіанскимъ.

(1) Въ подлинникъ: поведоша. (2) Тамъ же: молитвою. (3) Тамъ же послѣ слова: болгарская было написано: земля, но потомъ зачеркнуто. (4) Тамъ же: и всѣми. (5) Тамъ же: избавиша.



Въ лѣто 6917. Преставися Арсеній, епископъ Тверскій, мѣсяца марта въ 2 день. Того же лѣта поидоша Новгородци изъ Заволочїа по Двинѣ, въ верхъ Сухоною, и вышли Костромоу<sup>1</sup> (въ) Волгу, и взяша на Костромѣ кормъ, и поидоша къ Новугороду Волгою, вьюючи, и взяша Новгородъ Нижній; и потомъ поидоша на усть Ками, на с(о)вѣтъ Анфалу, и не поспѣша. Анфалъ же пошелъ задними водами въ Каму, князи Болгарскіе и Жекотстїи слаша къ Анфалу, и взяша перемирїе, и даша<sup>2</sup> ему окупъ съ земли; Анфалъ же потому исплошися къ нимъ, они же яша его лестїю въ Камѣ, а дружину его изсѣкоша, а нїи разбѣгошася.

Въ лѣто 6918. Прииде изъ Царяграда на Русь пресвященный Фотїй митрополитъ, на свою митрополию въ Кїевъ; и потомъ прииде на Москву, мѣсяца марта 23 день, на Великъ день, и првую службу служилъ на Москвѣ въ святѣй Богородици въ Великъ день. Того же лѣта придоша Татарове къ Володимерю отъ Новогорода отъ Нижняго изгономъ; и взяша градъ Володимеръ, и съборную церковь святую Богородицу златоверхую разграбиша, и князя великого дворъ пожгоша (и) инѣи мнози, а люди старыя посѣкоша, а молодїа въ полонъ поведоша, мѣсяца іюля въ 6 день; и взадъ идя взяли Стародубъ и Муромъ. Се же бысть грѣхъ ради нашихъ. На ту же осень, о Дмитріевѣ дни, бысть вода велика въ Волзѣ и въ всѣхъ рѣкахъ, якоже и веснѣ. Тоя же зимы, мѣсяца генваря 15 день, бысть бой на Лисковѣ князю Петру Дмитріевичу, и княземъ Ростовскимъ, и Ярославскимъ и Суздальскимъ съ княземъ Даниломъ Борисовичемъ, и съ его братомъ княземъ Иваномъ, и зъ Болгарьскими князми, и съ<sup>3</sup> Жукотынскими и Мордовскими; бысть между ими сѣча зла, и ту убіенъ бысть князь Суз-

далскій Данило Василіевичъ, и<sup>4</sup> мнози падо-1409 ша ото обоа страны, и раз(и)дошася каждо въ 1414 свояси.

Въ лѣто 6919. На ту же зиму, мѣсяца декабра въ 1, преставися княини Анна Ярославова въ Боровствѣ, княжъ тещи Семенова Василіевича, и везоша ю въ Ярославль; положиша ю у святаго Спаса въ монастыри, декабра въ 13 день. Той же зими, мѣсяца генваря въ 17 день, князь Иванъ Василіевичъ Ярославскій выдалъ свою дочь Марїю въ Тверь за князя Александра Феодоровича.

Въ лѣто 6920. Межинина бысть въ Новѣгородѣ Нижнемъ; купили половникъ ржѣ по сороку алтынъ, и по 400 старыми денгами. Того же лѣта, мѣсяца августа 1, князь же великій Василей Дмитріевичъ поиде въ Орду, а съ нимъ князь Иванъ Василіевичъ Ярославскій. Того же лѣта, на память Успенїя свята Богородица, поиде въ Орду князь великій Іоанъ Михайловичъ Тверскій. Той же осени, о Филиповѣ заговѣнїи, иде<sup>5</sup> изъ Орды князь великій Василій Дмитріевичъ, пожалованъ царемъ. Той же зими выиде изъ Орды князь великій Иванъ Миха(и)ловичъ Тверскій, пожалованъ царемъ.

Въ лѣто 6921. Погорѣ градъ Тверь<sup>6</sup>, и князя великого дворъ, и весь градъ и стѣна вся, згорѣ церквей 20, мѣсяца іюня 8 день. Того же мѣсяца въ 30 день погорѣ градъ Кострома, и згорѣ церквей 30.

Въ лѣто 6922. Бысть знаменїе на небеси, мѣсяца априля въ 3, вторникъ страстной недѣли: бысть кругъ великъ около солнца, ис того круга кругъ великъ ко вѣстоку, а 3 кругъ великъ велми ис того же круга солнечнаго на западъ, въ 6-й часъ дни. На ту же осень, мѣсяца октября 12 день, преставися князь Дмитрей Романовичъ, въ мнишескомъ чину нареченъ Прокопей. Той же зими князь

(1) Въ подлинникъ: костромоу. (2) Тамъ же: даваше. (3) Тамъ же: ж. (4) Тамъ же: і п. (5) Тамъ же: заговѣнїе въиде. (6) Тамъ же: тверь.



1414 Юрий Дмитріевичъ ходилъ къ Новугороду  
1425 къ Нижному на князя Данила Борисовича  
и на его братію; а со княземъ съ Юріемъ хо-  
дили Андрѣй да Василей Володимировичи, да  
князи Ярославскіе, да князи Ростовскіе да Ко-  
стромскаа сила, и събижались всѣ рати на Ко-  
строму, и пошли съ Костромы къ Новугороду  
мѣсяца генваря 11 день. Князь же Данило Бо-  
рисовичъ и братіа его, князь Иванъ, и другой  
князь Иванъ Василіевичъ, и Василей Семено-  
вичъ, разумѣвъ<sup>1</sup> свое неуправленіе къ великому  
князю, и побѣгоша за Суру; а бояре Новогород-  
скіе и чръные люди вышли съ кресты противу  
князю Юрію и всѣхъ князей, и князь же Юрій<sup>2</sup>  
не сътвори зла ничтоже Новугороду. Князь  
же Юрий и вси князи поидоша изгономъ  
въ слѣдъ князя Данила и его братіи, и го-  
нишася по нихъ до Суры, и не сугониша ихъ,  
отъ Суры поидоша въспять къ Новугороду.  
Отъ Новагорода князь Юрій поиде въ верхъ  
по Оцѣ, а князи Ярославскіе и Костромскаа  
сила въ верхъ по Волзѣ<sup>3</sup>, и разыидошася кож-  
до въ своаси.

Въ лѣто 6923. Бысть весна рано; до Бла-  
говѣщеніева дни за недѣлю на Волзѣ кра-  
прошла вся. Той же весны, мѣсяца маа въ  
5 день, погорѣ градъ Москва, въ стѣны и  
посады, и згорѣ церквей числомъ 15. Того  
же лѣта, мѣсяца іюня въ 7 день, на память  
святаго отца Феодота, въ 7 часъ дни, погыбе  
солнце все, и бысть тма, челоуѣка въ лице  
не видѣти было. Той же осени Волга ле-  
домъ померзла въ канунъ Рождества Хри-  
стова.

Въ лѣто 6924. Бысть на Москвѣ, мѣсяца  
генваря 31 день, князь великий Василей Дмит-  
ріевичъ, жени сына своего князя Ивана у кня-  
зя Ивана у Процкаго.

Въ лѣто 6925. Преставися Григорій, епис-  
копъ Ростовскій, мѣсяца маа въ 3 день.

Въ лѣто 6926, мѣсяца іюня въ 12 день, по-  
ставлень бысть Деонисій епископъ Ростову.

Въ лѣто 6927, мѣсяца октября въ 2 день,  
преставися княгини великаа Маріа великого  
князя Ивана Михайловича Тверскаго.

Въ лѣто 6928, мѣсяца декабра въ 1 день,  
въ 9 часъ ноци<sup>4</sup>, бысть столнь свѣтель велми  
отъ земля до небеси, мимо мѣсяцъ въверхъ.

Въ лѣто 6929, мѣсяца іюня въ 1 день, Zalo-  
жена бысть церковь каменна святаго Феодора  
Тирона въ градѣ Твери, а ветхую разориша,  
при благовѣрномъ великомъ князи Иванѣ Ми-  
хайловичи и при епископѣ Антоніи. Той же  
осени, мѣсяца октября въ 5 день, священна  
бысть церковь каменнаа святой Феодоръ въ  
градѣ Твери епископомъ Антоніемъ, при бла-  
говѣрномъ великомъ князи Иванѣ Михайло-  
вичи, архимандритію тогда держащу Феодо-  
сію того монастыря.

Въ лѣто 6930. Князь великій Иванъ Михаи-  
ловичъ Тверскій послалъ рать свою<sup>5</sup> велико-  
му князю Витовту на помощь на Нѣмци, а вое-  
вода былъ въ рати Александръ Одинцевъ.  
Того же лѣта, на зиму, была<sup>6</sup> лютаа зима;  
былы морозы три мѣсяцъ порядку.

Въ лѣто 6931. Бысть меженина въ Новѣ-  
городѣ Нижнемъ: купили половникъ ржи по  
сту алтынъ по пятнадцать алтынъ.

Въ лѣто 6932. Бысть моръ въ Кашинѣ и  
меженина, по полтинѣ купили оково ржи.

Въ лѣто 6933, мѣсяца маа въ 22 день, 1  
часъ дни, преставися благовѣрный великій  
князь Иванъ Михайловичъ Тверскій. Того же  
лѣта, съ Ильина дни, бысть моръ въ Твери  
градѣ силенъ. По преставленіи великого кня-  
зя Ивана Михайловича, сѣде на великомъ  
княженіи сынъ его князь Александръ, и бысть  
княженіа его 5 мѣсяцъ, и преставися предъ  
Дмитріевымъ днемъ. И сѣде на великомъ кня-  
женіи сынъ его князь Юрий, и преставися на

(1) Въ подлинникъ: и разумѣвъ. (2) Тамъ же: юрій п. (3) Тамъ же: по оцѣ. (4) Тамъ же за симъ написано: за 5  
нощій ветха. (5) Тамъ же: ратию. (6) Тамъ же: була.



Юріевъ день; и по немъ сяде на великое княженіе братъ его князь великій Борисъ Александровичъ въ Твери.

Въ лѣто 6934.

Въ лѣто 6935.

Въ лѣто 6936. Ходилъ князь великій Витовтъ на Новгородъ на Великій ратью, а съ нимъ была сила Тверскаа, а воевода ходилъ Захаріа Ивановичъ; и стоали у города у Порхова недѣлю, и прихавъ владыка съ Новогородци, и добили челомъ Витовту 12 тысящъ.

Въ лѣто 6937, индикта 9, мѣсяца септембра 27, поихаша князи къ Витовту: князь великій Василей Московскій, князь великій Борисъ Александровичъ Тверскій, и король и вси князи Нѣмецкіе и Литовскыя; и далъ имъ честь велику и дары многы, и отпусти ихъ съ великою честію; они же разѣхашася. Той же осени преставися князь великій Витовтъ Литовскій, и по немъ сѣде на великомъ княженіи Свѣтригаило въ Литвѣ.

Въ лѣто 6938. Князь великій Свѣтригаило женися въ Твери, понялъ княжну Анну, княжу Иванову дщерь Ивановича. Того же лѣта поставиша мостъ черезо Тмаку въ Твери.

Въ лѣто 6939. Поиде въ Орду князь великій Василей Московскій, и выиде изъ Орды на другое лѣто, и князь Юрій.

Въ лѣто 6940. Изгонилъ Жигимонтъ Свѣтригаила въ Боездѣ, и Свѣтригаило утекъ, а княжню полонилъ, а люди поималъ, а иные посѣклъ, и сѣлъ на Вилнѣ и въ Троцѣхъ. Того же лѣта, на зиму, скопился Свѣтригаило, князи Литовскіе, сила съ нимъ Тверскаа, князь Ярославъ съ нимъ, сила Городецкаа, и пошелъ на Жигимонта; и Жигимонтъ вышелъ противу его изъ Вилны, и бысть бой межи ими мѣсяца декабря въ 9, и поможе Богъ Жигимонту, и много побилъ людей, а иныя въ полонъ повели; убили боярина Ярославова Семена Зобнина, а Свѣтригаило побѣжалъ.

Въ лѣто 6941, мѣсяца априля въ 25, на 1425 память святаго апостола Марка, бысть<sup>1</sup> бо(й) 1438 князю Юрію Московскому съ братаничемъ своимъ съ великимъ княземъ Васиіемъ Московскимъ на рѣцѣ на Клязмѣ; и поможе Богъ князю Юрію, и сѣлъ на великомъ княженіи на Москвѣ; а князь великій Василей прибѣжалъ въ Тверь съ своею матерію Софією и съ княгынею.

Въ лѣто 6942. Князь Юрій Дмитріевичъ сѣхалъ съ Москвы въ Галичъ (съ) своими дѣтми, съ Васиіемъ съ Шемякою, съ Дмитріемъ; а княженіа великого ступилъ великому князю Васиію Васиіевичу Московскому. Того же лѣта убили Семена Морозова на Москвѣ княжи Юріевы дѣти. Князь же великій Василей Московскій Ивана Дмитріевича поималъ и велѣлъ его ослѣпити, а самъ собравъ силу, пошелъ на Галичъ, и Галичъ взялъ, много зла сѣтворилъ Галичю; а князь Юрій сѣхалъ на Бѣлоозеро, а князь великій Василей сѣхалъ на Москву.

Въ лѣто 6943. Князь Юрій Дмитріевичъ събрався (съ) своими дѣтми, Вятчане съ нимъ, и поиде къ Москвѣ; князь великій Василей Московскій поиде противу ему съ всею силою, и бысть бо(й) межу ими и сѣча зла, мѣсяца марта въ 20, и поможе Богъ князю Юрію; а князь великій Василей побѣжалъ, а княжнина велика(я) Софіа затворишася въ градѣ Москвѣ. Князь же Юрій пришедъ, градъ Москву взялъ, а княжню Софію поималъ, и сѣлъ на великомъ княженіи на Москвѣ. Того же лѣта, мѣсяца іюля въ 4-й день, преставися благовѣрный князь Юрій Дмитріевичъ на Москвѣ; и сѣде на Москвѣ на великомъ княженіи князь великій Василей Васиіевичъ.

Въ лѣто 6944.

Въ лѣто 6945.

Въ лѣто 6946. Кончана бысть и священна

(1) Въ подлинникѣ: и бысть.



1438 церковь каменная въ Твери святыи Борисъ  
1445 и Глѣбъ епископомъ Илію, при благовѣрнѣмъ  
великомъ князи Борисѣ Александровичи; а  
ставили его 3 годы.

Въ лѣто 6947. Царь Махметъ пришелъ къ  
Москвѣ изгономъ, и стоялъ у Москвы недѣ-  
лю, и съ царицами, град(а) Москвы не взялъ,  
а посады пожегъ, села и волости всѣ извое-  
валъ, до самого рубежа Тверскаго; а князь  
великій съѣхалъ.

Въ лѣто 6948, въ недѣлю вербн(у)ю, убиенъ  
бысть Жигимонтъ, князь Литовскій; княже-  
нія его 9 лѣтъ. Того же лѣта ходилъ князь  
великій Василей Московскій ратию къ Нову-  
городу Великому, и не дошедъ города сталъ,  
и Новгородци добива ему челомъ 8-ю ты-  
сящами рублей; а съ нимъ была сила Твер-  
скаа, а воевода былъ Александръ Романовичъ  
да Карпъ Федоровичъ.

Въ лѣто 6949. Пришедъ на Москву Сидоръ  
митрополитъ, а повѣсту<sup>1</sup> тако: «былъ у насъ  
соборъ съ папою Римскимъ, и вѣру есми  
сѣдинилъ, намъ служити въ ихъ церквахъ,  
а имъ въ нашихъ христіаньскихъ, а попы  
ставити намъ въ ихъ церквахъ, а имъ въ на-  
шихъ церквахъ.» И служилъ обѣдню на Мос-  
квѣ, и поминалъ на обѣднѣ кесаря напередъ ве-  
ликого князя Василя Московскаго, такоже и  
папу напередъ нашего патріарха Царяград-  
скаго; а еще глаголя тако: «проскура съ  
опрѣсникомъ одинако хлѣбъ пшениченъ и еди-  
накъ.» И князь великій Московскій Василей  
повелѣ его изымати и сковати, и онъ съ  
Москвы убѣжалъ въ портѣхъ въ бесермен-  
скихъ, и прибѣжалъ въ Тверь къ великому  
князю Борису Александровичу; поддержавъ  
его у себе, да отпустилъ, и онъ поехалъ въ  
Литву ко князю Казимеру, тогда ему владѣа  
Литовскую землю.

Въ лѣто 6950. Бысть меженина въ Твери:

оковъ ржи по 16 алтынъ, а оковъ овса по 6  
алтынъ.

Въ лѣто 6951. Бысть меженина по всей зем-  
ли, а въ Твери оковъ ржи (по) 20 по 6 алтынъ,  
а оковъ овса по 10 алтынъ, а козлець сѣна  
по 12 алтынъ; скотъ померлъ, а люди мерли  
по улицамъ. Того же лѣта на Николинъ день  
на осеній, на ночь, погорѣ града Твери тре-  
тію кремля, а дворовъ много сгорѣ.

Въ лѣто 6952.

Въ лѣто 6953. Бысть бо(й) великому князю  
Василію Московскому съ царемъ у Суздаля,  
и бысть сѣча зла, и побѣгоша наша предъ  
иноплеменники; а князя великого Василя яша  
руками, да съ нимъ князя Можайскаго Ми-  
хаила яша, а иныхъ князей посѣкли, и бояръ  
иныхъ поймали руками. Се же злоба сключися  
мѣсяца іюля въ 7 день. Того же мѣсяца въ  
14 день, на память святаго отца Іосифа, по-  
горѣ градъ Москва, Кремль весь, и камень  
развалися; а княжны великаа Софія побѣжа-  
ла ко Твери, и князь Дмитрей Шемяка Юріе-  
вичъ з Дубвы великую княжню Софію увер-  
нулъ къ Москвѣ, а князь Дмитрей въ бою  
не былъ (съ) великимъ княземъ. Той же осени,  
мѣсяца ноября въ 16 день, приехалъ изъ  
Орды на Москву князь великій Василей Ва-  
силіевичъ, а съ нимъ Татарове, дани имати  
великіа, съ себе окупъ давати Татаромъ.  
Князь Дмитрей Шемяка Юріевичъ, а съ нимъ  
князь Иванъ Можайской Андрѣевичъ, да кня-  
зя великого Василя изгонивъ изимали въ мана-  
стырѣ въ Маковцѣ, мѣсяца февраля 13 день;  
дръжали его 3 дни, да очи ему выняли,  
да послали его на Углечищю. Тое же осени  
князь Дмитрей Шемяка далъ великому князю  
Василію Василіевичю далъ ему Вологду, а  
князь Василіевы бояре всѣ отъехали отъ  
князя Дмитрея къ великому князю Бори-  
су Александровичу.

(1) Въ подлинникъ: посовѣту.



Въ лѣто 6954. Князь великій Василей при-  
бѣжалъ съ Вологды въ Тверь къ великому  
князю Борису Александровичу; князь же ве-  
ликій Борисъ Александровичъ пріаль его съ  
любовію, да за сына его князя Ивана Ва-  
силіевича дщерь свою обручалъ, а сами ея  
сватили. А князь Дмитрей Шемяка да князь  
Ивань Можайскій пошли были ратию ко Тве-  
ри, да стали на Волокѣ, и бояре отъ нихъ  
всѣ отыхали къ князю великому Василию въ  
Тверь; и видя князь Дмитрей Шемяка<sup>1</sup> свое  
безсиліе и неправду, и онъ побѣжалъ въ Га-  
личъ, и князь Можайскій съ нимъ Иванъ. И  
князь великій Василей пошелъ<sup>2</sup> Волгою къ  
Угличю, и сила съ нимъ Тверская, и Угличане  
затворилися въ градѣ; и князь великій Васи-  
лей стоялъ у города недѣлю, и князь великій  
Борисъ Александровичъ Тверскій послалъ<sup>3</sup>  
ему пушки бити городъ, и Угличане видя то,  
и нѣ ся предали; и князь великій Василей отто-  
лѣ пошелъ на свою отчину на Москву, а  
князю великому Борису Александровичу далъ  
Ржеву. И князь великій Борисъ Александро-  
вичъ послалъ къ Ржевѣ, а Ржевич(и) въ гор(о)-  
дѣ ся затворили, и князь великій Борисъ  
Александровичъ самъ пришелъ ратию ко Рже-  
вѣ, и стоялъ подъ городомъ 3 недѣли да  
городъ пушками былъ, и нѣ ся ему предали,  
и добили ему челомъ, и князь великій Борисъ  
Александровичъ Тверскій<sup>4</sup> пожаловалъ, и  
городъ Ржеву взялъ, да посадилъ своихъ  
намѣстниковъ Василиа Костантиновича да Лва  
Измайлова; а взялъ Ржеву тогда о великомъ  
заговѣніи. Той же весны князь великій Бо-  
рисъ Александровичъ Тверскій разорилъ  
монастырь святаго великого стратотрынца  
Феодора Тирона, и поставилъ городъ, архи-  
мандритію перевелъ къ святому Григорию  
Богослову и церковь поставилъ святаго Фео-  
дора.

Въ лѣто 6955. Князь великій Борисъ Алек- 1446  
сандровичъ Тверскій на другую зиму ихалъ 1452  
съ княинею въ Ржеву, а Ляхъ Станиславъ  
его изгонилъ, да намѣстниковъ его изымалъ,  
Лва Измайлова<sup>5</sup>, да людей много Тверичъ  
поймалъ, да Ржеву городъ засѣлъ; а князь  
великій Борисъ Александровичъ со княинею  
убѣжалъ въ (О)поки. А изгонилъ тогда въ  
недѣлю, до обѣда, въ заговѣніе мясное.

Въ лѣто 6956. И лѣту изшедшу 56 палъ  
снѣгъ въ Семень день.

Въ лѣто 6957. Той же зымы было потоки  
много свирѣлей; по городу стада летали  
велики, садилися по церквамъ, по хоромомъ.  
Той же зымы, о заговѣніи великомъ, былъ  
бой великому князю Василию Василіевичу  
Московскому съ княземъ Дмитріемъ Шемя-  
кою у Галича; поможе Богъ великому князю  
Василию Московскому, людей много побилъ,  
а бояръ поймалъ, а князь Дмитрей побѣжалъ.  
Той же зымы бысть рано весна, о заговѣніи  
великомъ о молочномъ тепло стало, до Велика  
дня учали сѣати, а Волга прошла за недѣлю  
до Благовѣщеніева дни; а Благовѣщеніевъ  
день былъ на 5 недѣлѣ въ вторникъ. Въ  
той же день погорѣ градъ Тверь, и стѣна  
вся, и князя великого дворъ, и церкви и  
двори вси; а зажгли его Ростопчины дѣти,  
Иванко да Степура. А зажгли его у Волз-  
кихъ воротъ пониже, на низъ по Вълзѣ; а  
загорѣлся на раней зорѣ; а солнце зойшло и  
люди учали по пожарищу ходити, мѣсяца  
марта въ 25. Князь великій Борисъ Алексан-  
дровичъ, Иванъ кадастверь<sup>6</sup>.

Въ лѣто 6958.

Въ лѣто 6959. Преставися великаа княгини  
Настасія Борисова, мѣсяца февраля 12.

Въ лѣто 6960. Осень была долга; Волга  
стала канунъ Рождества Христова. Того же  
лѣта, до Петрова заговѣнія за 3 недѣли, князь

(1) Въ подлинникѣ: шеляка. (2) Тамъ же: и пошелъ. (3) Тамъ же: и послалъ. (4) Тамъ же: тверскій и.  
(5) Тамъ же: измайловича. (6) Въ рукописи фраза не кончена.



1452 великій Борисъ Александровичъ заложилъ пер-  
1465 ковь каменну святаго архистратига Михаила.  
Того же лѣта князь великій Борисъ Алексан-  
дровичъ выдалъ свою дочь княжну Марию  
на Москву за князя великого Ивана Васили-  
евича; а выдалъ ее канунъ Троицину дни.

Въ лѣто 6961. Князь Дмитрей Юріевичъ  
Шемяка пришелъ на Кашинъ городъ из-  
гономъ<sup>1</sup>, города не взялъ, а посади пожегль,  
мѣсяца септевра въ 10; а намѣстникъ былъ  
и бояринъ на Кашинѣ Иванъ Яковличъ  
Киньдиръ. Той же зыми князь великій Борисъ  
Александровичъ Тверскій женися у князя  
у Суздальскаго Олександра, понялъ княжню  
Настасію. Того же лѣта, мѣсяца іюля 17 день,  
преставися князь Дмитрей Шемяк(а) Юріе-  
вичъ Московскій въ Новѣгородѣ въ Вели-  
комъ; положи(ша) его въ Юріевѣ монастыри.  
Того же лѣта взятъ былъ Царьградъ отъ царя  
Турскаго отъ салтанаа; а вѣры Рускыя не  
преставилъ, а патріарха не свелъ, но одинъ  
въ градѣ звонъ отнялъ; у Софіи премудрости  
Божія и по всѣмъ церквамъ служатъ литургію  
божественую, и заутреню и вечерню поютъ  
безъ звону, а Русь къ церкви ходять, а пѣ-  
ніа слушають, а крещеніе Руское есть. Той  
же осени родися князю великому Борису  
Александровичу Тверскому сынъ, и нарече  
имя ему Михаилъ.

Въ лѣто 6962.

Въ лѣто 6963. Богомъ почтенному господину  
самодръжцу, великому князю Борису Алек-  
сандровичу, и его сыну Михаилу, свершена  
бысть церковь каменна архистратига Михаи-  
ла; священна епископомъ Илією, на память его  
чюдеси, на его праздникъ. Родися великому  
князю Борису Александровичу сынъ Алек-  
сандръ. Преставися князь Александръ. Пре-  
чистую Смоленскую привезъ на Москву Юрга.

Въ лѣто 6964. Ходилъ князь великій Ва-

силей Василіевичъ Московскій на Новго-  
родъ ратию на Великій; и Новгородци до-  
били ему челомъ 9 тысящъ рублевъ, а землю  
ихъ вѣвалъ, и Русу взялъ.

Въ лѣто 6965. Преставися епископъ Иліа  
Тверскій, мѣсяца декабра въ 30 день.

Въ лѣто 6966. Поставленъ бысть на Твери  
епископъ Моисей; ставилъ его митрополитъ  
Іона въ святѣмъ Спасѣ, при благовѣрномъ  
великомъ князи Борисѣ Александровичѣ, мѣ-  
сяца генваря 29 день.

Въ лѣто 6967.

Въ лѣто 6968.

Въ лѣто 6969. Преставися благовѣрный  
великій князь Борисъ Александровичъ Твер-  
скій, мѣсяца февраля въ 10 день; а княженіе  
великое держалъ 30 лѣтъ. и 5. И сѣлъ на  
великомъ княженіи сынъ его князь великій  
Михайло Борисовичъ, мѣсяца февраля 15 день;  
а посадили его малого, полупята году. А  
Моисея владыку свели съ владычества (въ)  
Отрочъ<sup>2</sup> монастырь, а поставили Генадья Ко-  
ж(у) на владычество; а ставили его на Москвѣ,  
а съ нимъ былъ бояринъ Семень Захаріиничъ,  
а ставилъ его митрополитъ Іона мѣсяца  
марта 22.

Въ лѣто 6970. Преставися благовѣрный  
великій князь Василей Василіевичъ Москов-  
скій, мѣсяца марта 28, на память святаго  
Іоны Варахиси, за 3 недѣлѣ до Велика дни.  
И по немъ сяде на великое княженіе на Мо-  
сковское<sup>3</sup> сынъ его великій князь Иванъ  
Василіевичъ всеа Руси, самодръжець Рускихъ  
земль.

Въ лѣто 6971.

Въ лѣто 6972.

Въ лѣто 6973. Погорѣлъ полъ Твери гра-  
да кремля, да церквей 5 згорѣло, да вели-  
кого князя дворъ весь, мѣсяца ноября 12  
день.

(1) Въ подлинникъ: изагономъ. (2) Тамъ же: трое<sup>ч</sup>. (3) Тамъ же: на московскомъ.



Въ лѣто 6974.

Въ лѣто 6975. Бывъ хмѣлю оковъ по рублю. Того же лѣта за Тмакою сгорѣла церковь святая Пятница, а дворовъ 110.

Въ лѣто 6976. Преставися владыка Моисѣй<sup>1</sup> въ (О)трочѣ монастыри; тутъ его положили.

Въ лѣто 6977.

Въ лѣто 6978. Князь великій Иванъ Василевичъ всеа Руси посылалъ рать свою на Казань, братію свою, князя Юрія и князя Андрія Василевича, да князя Василя Михайловича Вереysкаго, и царевича Касымова сына, и судовая рать; и пришли х Казань<sup>3</sup>, и остушили городъ, а царь затворися во градѣ; изнеможе весь градъ, и высла князей своихъ быти челомъ о миру, и князи Московскіе взяша миръ на своей воли, и възвратишася въ своаси.

Въ лѣто 6979. Князь великій Иванъ Василевичъ Московскій ходилъ ратию на Новгородъ, лѣтъ, въ Петрово говѣніе, а говѣнія было 3 недѣли безъ дву день; да бой былъ на Шелонѣ воеводамъ съ Новгородци, и одолѣ имъ іюля 14. Воеводы были подъ Новымгородомъ Тверскыи<sup>4</sup> великого князя Михаила Борисовича князь Юрій Андрѣевичъ да Иванъ Микитиничъ Жито. Той же зыми женися князь великій Михайло Борисовичъ Софією, княжъ Семенова дщерь Омельковичъ.

Въ лѣто 6980. Въ лѣто 6981.

Въ лѣто 6982. Въ лѣто 6983.

Въ лѣто 6984. Въ лѣто 6985.

Въ лѣто 6986. Ходилъ князь великій Иванъ Василевичъ къ Новугороду Великому, и взялъ Новгородъ, и колоколъ вѣшной свѣсилъ, а владыку свелъ на Москву, и посадниковъ степенныхъ, и бояръ Новгородскихъ данныхъ, Новгородцевъ многихъ свелъ съ собою да

посажалъ ихъ въ Новѣгородѣ Нижнемъ; а 1466 въ Новѣгородѣ поставилъ на владычество<sup>1483</sup> Енадь(я) Москвитина, а намѣстника своего посадилъ въ Новѣгородѣ въ Великомъ князя Василя Обалинского. А съ великимъ княземъ были подъ Новымгородомъ братія его князь Андрѣй меншій Василевичъ да болшій его бояринъ и воевода князь Иванъ Юріевичъ; а Тверскаа сила была великого князя Михаила Борисовича съ великимъ княземъ, а воевода былъ князь Михайло Феодоровичъ Микulinскій<sup>5</sup>. И пришедъ князь великій изъ Новогорода Великого, той же зыми, посадилъ сына своего на великое княженіе великово князя Ивана Ивановича<sup>6</sup>.

Въ лѣто 6987.

Въ лѣто 6988.

Въ лѣто 6989. Приходилъ царь Ахматъ на великово князя Ивана Василевича<sup>7</sup>, и стоялъ на рѣцѣ на Угрѣ 6 мѣсяць; а сила была великаго князя Михаила Борисовича Тверскаго тутъ же, а воеводи были князь<sup>8</sup> Михайло Дмитріевичъ Холмскій да князь Іосифъ Андрѣевичъ Дорогобужской.

Въ лѣто 6990.

Въ лѣто 6991. Преставися княгини великаа Софія Михайлова, мѣсяца февраля 7, а была за великимъ княземъ Михаиломъ Борисовичемъ 7 лѣтъ. И положена бысть въ святѣмъ Спасѣ, отъ владычня двора, посторонь велик(ы)а княгини Настасіи Борисовы. Того же лѣта былъ князь великій Михайло Борисовичъ въ Кашинѣ съ матерію<sup>9</sup> съ великою княгинею.

Въ лѣто 6991. Женися князь великій Иванъ Ивановичъ Московскій у пана<sup>10</sup> у Степана. Призидилъ Григоріевъ сынъ Заболотскаго Петръ отъ великого князя Ивана Василевича, съ радостію его, къ великому князю Михаилу Борисовичу мѣхъ вина, великой княгини На-

(1) Въ подлинникѣ: моусѣй. (2) Тамъ же: ратию. (3) Тамъ же: х казаніи. (4) Тамъ же: тверскымъ. (5) Тамъ же: княземъ михайломъ феодоричемъ микulinскимъ. (6) Тамъ же: ивановичъ. (7) Тамъ же: василіевъ. (8) Тамъ же: князи. (9) Тамъ же: съ матерією. (10) Тамъ же: и у пана.

1976  
5500  
6381



1483 стасіи Борисови мѣхъ вина, а великой княгини  
1490 Софіи мѣхъ вина; великому князю Михаилу Борисовичу (два) убрусца жемчугомъ сажены, великой княгини Настасіи Борисовѣ два убрусца жемчугомъ сажены, великой княгини Софіи Михайлови два убрусца жемчугомъ сажены. Того же лѣта, мѣсяца марта, бысть пожаръ за Тмакою, горѣла улица отъ Ивана святаго отъ Предтечи къ Пречистой на подоль, по самую стѣну по церковную; силою своею защитила Господарыня храмъ свой, бѣ видѣти было страшно, пламень приидеть о церковную стѣну, како бы уже загорѣтися, такъ паки пламень прочь; дворовъ згорѣло да кѣлей съ 40. Той же осени, о Дмитріевіи дни, родися сынъ у великой княгини у Олены князь великій Дмитрий Ивановичъ, на Москвѣ. Призидилъ въ Тверь съ поклономъ Володимеръ Елизаріевъ сынъ; и князь великій Михайло Борисовичъ поклону не пріаль, и выслалъ его вонъ изъ избы!, и къ матери ему ити не велѣлъ къ великой княгини Настасіи.

Въ лѣто 6992, мѣсяца марта 24 день, былъ пожаръ за Тмакою отъ Потрошникова двора, згорѣло церквей 4: Пречистаа на устьѣ стараа и монастыріе весь, и В(в)едеііе Пречистыа, и дворъ Марфиньской згорѣ весь, и Марина святаа да Пятница святаа и монастырь весь; а дворовъ 80, опрѣчь келій. Того же лѣта, на Великъ день, на самую Пасху, съ вечера была туча грозна, да громъ великъ, да молныа всю ночь силна; а въ завтреню въ самую дождь великъ и силенъ въ градѣ, а за 10 версть отъ града не было нѣчего.

Въ лѣто 6993. Преставися великаа княгини Маріа Васи́лѣва Васи́лѣвича; а былъ тогда на Москвѣ посолствомъ у великого князя у Ивана у Васи́лѣвича владыка Васи́анъ Тверскій, да князь Михайло Дмитріевичъ Холмскій, да Василей Даниловичъ да Дмитрий Микитиничъ Чередь.

Въ лѣто 6994. Пришелъ великій князь Иванъ Васи́лѣвичъ всеа Руси ратию къ Твери, а съ нимъ были братіа его, князь Андрѣй да князь Борисъ Васи́лѣвичъ, да сынъ его князь великій Иванъ Ивановичъ, да Новгородская сила, а у Новгородскыа силы воевода былъ Яковъ Захаріичъ, и Тверь взялъ; а князь великій Михайло Борисовичъ побѣжалъ въ Литву, а мать свою великую княгиню Настасію оставилъ въ Твери. Князь же великій Иванъ Васи́лѣвичъ всеа Руси великую княгиню Настасію Борисову, и бояръ Тверскихъ много и князей на Москву свелъ; а Тверію пожаловалъ сына своего великого князя Ивана Ивановича, и посади его на всей вѣтчинѣ на Тверской, и намѣстника своего посадилъ въ Твери боярина своего Васи́ліа Федоровича Образа Добрынского; а владыку Васи́ана съ Твери не свелъ, мѣсяца септевра въ 12 день.

Въ лѣто 6995. Князь великій Иванъ Васи́лѣвичъ всеа Руси Московскій посылалъ ратию на Казань, на царя Абрейма, болшего боярина своего и воеводу князя Данила Дмитріевича Холмьскаго, да съ нимъ многихъ воеводъ; а Казань градъ взял(и), а царя и съ царицею и съ царевичи на Москву привели къ великому князю Ивану. Князь же великій Иванъ Васи́лѣвичъ на Казани царя посадилъ изъ своеа руки Обреимова же сына царева середнего, Махмелейма; да съ нимъ посадилъ намѣстника своего и боярина Дмитрея Васи́лѣвича Шеина, мѣсяца іюля въ 14 день, на память святаго апостола Акыла.

Въ лѣто 6996. Преставися Геронтей митрополитъ на Москвѣ.

Въ лѣто 6998<sup>2</sup>. Преставися благовѣрный и христіолюбивый великій князь Иванъ Ивановичъ на Москвѣ, и положенъ бысть въ соборѣ архистратига Михаила на десной странѣ, у столпа.

(1) Въ подлинникъ: вонъ зызбы. (2) Тамъ же: 7098.



Въ лѣто 7000-е, мѣсяца септевра въ 20 день, поималъ<sup>1</sup> князь великій Иванъ Василиевичъ брат(а) своего князя Андрѣя Василиевича, и дръжа его въ велицѣ истомѣ.

Въ лѣто 7001, мѣсяца декабра въ 8 день, поималъ князь великій князя Феодора Бѣлскаго на Луху. Той же зыми посылалъ князь великій Иванъ Василиевичъ воевати на Мезецкъ, и на Серпѣескъ и на Вязму.

Въ лѣто 7001-го, мѣсяца марта въ 31, противъ Мариина дни Египетскыя, погорѣ градъ Кострома. (Того же лѣта), мѣсяца априля 15 день, въ 3 часъ нощи, противъ святыхъ мученицъ двою Ирини и Агании и Хіоніи, згорѣ градъ Москва, нутрь град(а), противъ Радуницы усопшихъ въ вторникъ. Того же лѣта, мѣсяца іюля 16 день, и память съвършаемъ святыхъ отецъ, иже на прѣвомъ съборѣ, иже въ Никей<sup>2</sup> сшедшихся 300 и 18, загорѣся отъ грома болшій верхъ у Пречистой на Москвѣ въ вторникъ предъ Еленымъ днемъ. Того же дни у Пречистыя Владимирской у предѣла крестъ спалъ съ Благовѣщеніа. Того же лѣта и того мѣсяца, въ недѣлю, въ 28 день, святыхъ апостоль Прохора, и Никонора, и Тимона и Пармена, бысть пожаръ великъ зѣло, загорѣся за рѣкою церковь святой Никола на Пѣску, и погорѣ весь посадъ около града, отъ Черторыи и до Петра святого, и торгъ, и отъ торгу всѣ дворы и до Устрѣтеніа, и нутрь града весь згорѣ. Того же лѣта, въ осенинахъ, мѣсяца ноябра въ 6 день, на память святыхъ отецъ Павла исповѣдника и Варламіа Новгородскаго чудотворца, преставися князь Андрей Василиевичъ Углецко(й) въ нужной смерти.

Въ лѣто 7002, мѣсяца маа, преставися князь Борисъ Волоцк(і)й, великого князя сынъ Василиа Василиевича, мѣсяца маа 26 день.

Въ лѣто 7002-е. Приходили послы отъ вели-

кого князя Литовскаго къ великому князю<sup>1492</sup> Ивану къ Василиевичу къ Московскому, пань<sup>1496</sup> Петръ Яновичъ да Станиславъ Яновичъ, въ великой мясоядъ; и докончаные взяли и миръ, и обручали великого князя дщерь Олену за великого князя Литовскаго Александра.

Въ лѣто 7003. Приходили послы отъ великого князя Литовскаго Александра (Ка)зимейровича, князь Александръ Отокста, по великую княжну, великого князя дщерь Елену. Пошла<sup>4</sup> съ Москвы великаа княжна въ вторникъ, въ той же день по Крещеніе; а съ нею пошли бояре князь Семень Ряполовскій да Михайло Врусалка къ Литвѣ за великого<sup>5</sup> князя Александра за Литовскаго.

Въ лѣто 7004, сентебра 6, възведенъ на дворъ митрополитъ Симонъ, игумень Троецкый Сергіева монастыря; и поставленъ на митрополию всеа Руси того же мѣсяца въ 20, въ недѣлю. Той же осени, мѣсяца октября 20 день, выехалъ князь великій Иванъ Василиевичъ всеа Руси въ свою отчину въ Новгородъ въ Великій; и приехалъ князь великій Иванъ Василиевичъ на Москву на 6-й недѣлѣ поста, канонъ Благовѣщеніеву дни, въ четвертокъ, а Благовѣщеніевъ день былъ въ пятницу на 6-й недѣли. Той же осени прихаша на Москву отъ великіа княгини Елены изъ Литвы посланы останочные бояре, князь Василей Ромодановскій, да Прокофей Скурать Зиновьевъ, да Дмитрей Пѣшковъ, да попь Фома Легатось, и инѣ мнози; а съ ними приехалъ къ великому князю служити бояры изъ Царяграда, именемъ Феодоръ Ласкыръ съ сыномъ съ Дмитріемъ. Той же осени, октября 20, въ вторникъ, поиде<sup>6</sup> князь великій Иванъ Василиевичъ въ (о)тчину свою въ Великій въ Новгородъ, да съ нимъ сынъ его князь Юрій да внукъ его князь Дмитрей; а на Москвѣ остави у великой княгини Софіи

(1) Въ подлинникъ; въ той же день поималъ. (2) Тамъ же: въ никей и. (3) Тамъ же: дашь. (4) Тамъ же: въ лѣто 7003 пошла. (5) Тамъ же: великою. (6) Тамъ же: тоиде.



1496 сына своего князя Васи́ліа съ меншею братією.

1499 Въ Новгородъ прииде ноября 17, вторникъ. Тоя же осени, декабра, Крутицкій епископъ Силуанъ остави епископію и прииде въ манастирь на Угрѣшу. Тогда же бывшу митрополиту Зосимѣ у Троицы въ Сергѣевѣ манастири, причащался божественныхъ таинъ на орлецѣ въ всѣмъ святительскомъ чину.

Въ лѣто 7000-го 6. Поималъ князь великій Иванъ Васи́ліевичъ, по Рожествѣ Христовѣ, Вълодимера Гусева, Елизарова сына, да<sup>2</sup> Афана-

сія (Я)ропкына, да Ивана Херуля князя Иванова сына Палецкова, да Щавья Скрабина, (д)а Феодора Стромилова, да Боярка, Рунова брата, и велѣлъ ихъ казнити смертною казнію.

Въ лѣто 7007-го. Поималъ князь (великій Иванъ Васи́ліевичъ) князя Ивана Юріевича, да его дѣтей, князя Васи́ліа да князя Ивана, (д)а зятя его князя Семена Ряполовского, мѣсяца генваря 31 день; и стять бысть князь Семенъ Ряполовскій мѣсяца февраля 5 день<sup>3</sup>.

(1) Въ подлинникъ: зосима (2) Тамъ же: на. (3) За симъ въ рукописи помѣщены: а) краткое родословіе отъ рюрика тверскихъ князей; б) исчисленіе владѣтельныхъ лицъ въ европѣ, и в) сказаніе о доноскомъ бою. похвала великому князю дмитрію иваничю и брату его князю володимеру андрѣевичу.



# О П Е Ч А Т К И.

Столб.	Строка.	Напечатано:	Читай:
13	14	Иванъ Семеновичъ	Иванъ Ивановичъ <sup>2</sup>
13—14	1-я въ вариант.	Между 1-мъ и 2-мъ вариантами прибавить слѣдующій: (2) Тамъ же, по ошибкѣ: семеновичъ	(2) Тамъ же, по ошибкѣ: семеновичъ
63—64	2-я въ вариант.	(8) Тамъ же: не выдать.	(8) Тамъ же: не выдать.
121	38	Бориса;	бориса,
126	24	плѣну а	плѣнуа
130	21	ярослав <sup>7</sup>	ярослав <sup>7</sup>
130	23	святополка <sup>8</sup>	святополка <sup>8</sup>
147—148	въ заголовкѣ	тверская лѣтопись (г. 6527—6529).	тверская лѣтопись (6542—6551).
148	30	святыхъ, (и) иконы,	святыхъ (и) иконы,
148	31	и силенъ и	и силенъ, и
174	9	въ градѣ;	въ градѣ,
219	3	къ суждаю;	къ суждаю,
219—220	5-я въ вариант.	(7) Тамъ же: к но вогородцу.	(7) Тамъ же: к но новгородцу.
258	7	вси	вои
258	8	въ dospѣсехъ аки	въ dospѣсехъ, аки
341	9	(и Мстиславъ)!	(и Мстиславе)!
378	32	исповѣдаему	исповѣда ему
379	21	великій	великій,
385	5	много ю	многую
431	10	Еремѣва братанича	Еремѣва, братанича,
431	1-я въ вариан.	(2) Тамъ же: братію.	(2) Тамъ же: братію.
444	2	въ Вехрѣ <sup>2</sup>	въ Вехрѣ <sup>5</sup>
444	8	ратью <sup>3</sup>	ратью <sup>4</sup>
444	11	8000 <sup>4</sup>	8000 <sup>5</sup>
444	18	владыки <sup>5</sup>	владыки <sup>6</sup>
444	21	Пимень <sup>6</sup>	Пимень <sup>7</sup>
448	39	рстваца	царства
463—464	1-я въ вариан.	(4) Тамъ же.	(4) Тамъ же:
467	на полѣ	1362	1363
468	6	благоумную	благоумную <sup>8</sup>
479	34	человѣколюбень,	человѣколюбень
485—486	въ заголовкѣ	тверская лѣтопись (г. 6916).	тверская лѣтопись (г. 6917—6922).





